

四庫未收書輯刊編纂委員會編

四庫未收書輯刊


北京出版社

伍輯·陸册

四庫未收書輯刊

四庫未收書輯刊編纂委員會編

北京出版社



伍輯 · 陸册目錄

欽定平定回疆剿擒逆裔方略八十卷首六卷 · 之二
〔清〕曹振鏞等撰 一

明史擬稟六卷
〔清〕尤侗撰 三二七

辛壬春秋四十八卷
〔清〕尚秉和撰 三九一

〔清〕曹振鏞等撰

欽定平定回疆剿擒逆裔方略八十卷首六卷·之二

清道光刻本

欽定平定回疆勦擒逆裔方略卷之五十四

道光七年冬十一月戊申

護理陝西巡撫徐忻奏報京營凱撤官兵於十

月二十八日全行出境

已酉

恒敬奏言前經長齡派撥防兵二千名臣即與

幫辦大臣札克桑阿在於葉爾羌附近之木沙

平定回疆勦擒逆裔方略卷之五十四

爾地方劄營安置該處西通賽里河北達英吉

沙爾今駐兵在彼實為扼要臣等不時訓練以

期兵丁技藝純熟至葉爾羌叛產田房現已清

查其城垣衙署兵房毀壞不全均逐件咨商長

齡妥為辦理奏入報

聞

庚戌

命頒給那彥成欽差大臣關防馳往回疆會同長齡

籌辦善後事宜

命以乾清門頭等侍衛舒倫保二等侍衛尤勝德正

黃旗副護軍叅領托雲保三等侍衛凱明阿並

由軍營撤回之二等侍衛那里善三等侍衛貴

成七克唐阿健銳營副叅領興安泰護軍叅領

華山泰火器營委護軍叅領巴圖魯善額外委

叅領莽阿善額外烏槍護軍校穆特布及西安

協領德惠軍機章京戶部郎中阿達順長蘆運

司札隆阿大名府知府璧昌河間府同知濮城

叅將興安保遊擊萬祥都司郝永泰守備劉正

隨往喀什噶爾差委

辛亥

諭留防兵

上命軍機大臣傳諭長齡曰前據長齡等奏西四城及阿克蘇烏什酌留滿漢官兵一萬八千名朕以兵貴精不貴多未經准行惟念元惡未除自應暫留官兵用壯聲威以資鎮撫茲特降旨令哈朗阿吉勒通阿挑選吉林黑龍江勁旅各五百名折回喀什噶爾交長齡等差遣委用並准其酌留綠營官兵一萬七千名合之共成一萬八千之數由長齡等體察情形分布各處其餘官兵俱著撤回總兵成玉係帶兵得力大員已降旨令其折回喀什噶爾聽長齡等調遣

壬子

勅諭籌備留防兵餉

上命軍機大臣傳諭鄂山曰昨因元惡未除西四城尚須暫留官兵駐守用壯聲威已降旨酌留滿漢

官兵一萬八千名並派那彥成前往喀什噶爾會辦善後事宜現計軍管留兵尚多應需糧餉必當豫為籌備前撥軍餉計運到大營者若干起運在途者若干此後應如何籌畫務期源源接濟勿致短絀延誤為要

癸丑

勅諭寬籌暫留防兵經費

署陝甘總督鄂山奏言臣前奉諭旨飭籌酌留防兵八千名應需口糧伏思喀什噶爾酌留防兵久暫未定既非長年屯防可比又與軍營進剿不同臣謹督同軍需局司道等酌中覈議將鹽菜一項照出征例每名月支銀一兩三錢口糧一項照屯防之例每名日支麩一斤數計留兵八千每年應需鹽菜銀一十二萬

四千八百兩再加各兵應給餘丁亦照出征之例每十名准給餘丁三名共計二千四百名連酌留領兵帶兵官弁並跟役等約又需鹽菜銀一萬七千五百餘兩除本身錢糧等項仍由原營關支外共計歲需鹽菜銀一十四萬二千三百兩零查甘肅本省每年春秋二撥約計報撥銀二十餘萬兩即留抵此項暫添兵丁歲需鹽菜之用毋庸再於常年經費之外另行籌款再所需口糧麵斤約計每年應支白麵三百九十一萬三千二百斤按斤計算共需小麥三萬六千二百三十三石零查口外各城回民歲納額糧並佃種應分之糧每歲計有小麥八萬五千餘石除舊額屯防官兵六千一百一十七員名應支口糧麵斤不過三萬石其餘之糧原足供

支惟各城應徵糧石已奉

恩旨蠲免二年而軍需案內由烏魯木齊伊犁運往及就近在各城採買糧石計算總有存餘可敷此項暫添留防官兵口糧之需毋庸另行籌撥現已飭司先將明歲應需鹽菜銀一十四萬二千三百兩零由司借墊與回疆八年分屯防額兵例餉一併解交阿克蘇貯備轉運支發其本年應給鹽菜銀兩並口糧麵斤為日無多約計支用有限臣亦飛咨喀什噶爾參贊大臣等在於解往軍需案內銀兩麵斤項下動支另冊造報以免混淆奏入

上命軍機大臣傳諭曰現在元惡未除降旨暫留滿漢官兵共一萬八千名明歲一年經費斷斷不可支絀鄂山此次覆奏所稱歲需鹽菜銀十四萬二

千三百兩零口糧白麩三百九十一萬三千二百斤係就八千名數算今又增兵一萬鹽菜口糧又需增至一倍有奇著鄂山督同該藩司顏伯燾再行覈算留兵一萬八千明歲一年應需鹽菜口糧若干除本省報撥銀二十餘萬兩及由烏魯木齊等處運往並在各城採買糧石外不敷若干務須通盤籌畫卽速由驛奏聞尋據鄂山奏言臣前此

平定回疆勦擒逆裔卷五十四

七

覆奏酌議暫留回疆防兵八千名概照綠營出征之例給與鹽菜等項銀兩嗣准長齡等咨到回疆市物昂貴每兵應給鹽菜一項必月支銀二兩四錢一分是長齡等仍將留防官兵請照軍營分例支給卽以兵數八千而計其鹽菜二項已較臣議照出征之例支給爲數加倍今奉諭旨准留滿漢官兵一萬八千名兵數旣多一萬且

內有滿洲兵三千名亦照軍營分例支給則滿

洲兵三千每月卽需鹽菜銀二萬四千四百八

十兩連綠營兵一萬五千名每月需銀三萬六

千一百五十兩統計一年共需銀七十二萬七

千五百六十兩如照臣前次酌中請照出征之

例支給鹽菜則滿洲兵三千名每月需銀六千

六百一十五兩綠營兵一萬五千名每月需銀

一萬九千五百兩統計一年共需銀三十一萬

三千三百八十兩如蒙

允准照長齡等所請則一年應支鹽菜銀七十二萬

七千五百六十兩除臣前奏甘省藩庫可籌撥

銀約二十萬兩外尙不敷銀五十二萬七千餘

兩若照臣此次酌議則一萬八千名一年應支

鹽菜銀三十一萬三千三百八十兩除甘省藩

平定回疆勦擒逆裔卷五十四

八

庫可撥二十萬兩外計不敷銀一十一萬三千餘兩再一萬八千官兵一年共需餉六千四百四十八萬餘斤按斤數計算共需小麥六萬石前接長齡等咨稱所需糧料現飭各糧員就近發價採買覈計每月應發鹽菜及採買口糧約需銀十餘萬兩亟須豫爲籌撥是採買儲備半年糧石及一年所需鹽菜銀兩通盤約計應請勅部添撥銀一百萬兩連甘省可籌二十萬兩之數方足支應留兵一萬八千名明歲一年經費臣現飭司先於庫貯例餉各款內暫行動撥銀五十萬兩分起解往阿克蘇以備來春轉運接濟仍俟此次請撥銀解到除劃還司庫動款餘亦儘數撥解斷不致稍有延誤奏入得旨該部速議以聞尋議甘省藩庫可撥解銀二十萬

平定回疆勦擒逆裔方略卷五十四 九

兩外請於山西河南共撥銀五十萬兩解交甘肅藩庫轉解口外各城應用其餘銀五十萬兩隨後再行籌款奏明撥解上從之
乙卯
允留揚威將軍印信
長齡奏言臣接奉諭旨令臣來京供職查四城雖復衆志未定該逆竄至托古斯托羅地方難保不復萌故智勾結滋事此時既當嚴密防備尤應設法誘擒現在武隆阿業經奏請解任調理臣更未便遽爾回京致有貽誤惟有籲懇聖恩准令留營督辦俟事局大定地方實可放心再當遵

平定回疆勦擒逆裔方略卷五十四 十一

旨回京供職所有揚威將軍印信現無大員進京可
否暫留鈐用之處伏候

聖訓奏入

上命軍機大臣傳諭曰前因各城辦事大臣俱經簡
放是以降旨令長齡回京供職旋因武隆阿患病
復降旨令長齡暫緩來京如已起程即趕緊折回
喀什噶爾並因長齡偶患脾瀉復令那彥成作為

老羅經邊考卷十四

十一

欽差大臣會同長齡辦理一切善後事宜茲據長
齡奏請暫留軍營督辦所奏甚是長齡著仍遵前
旨喀什噶爾辦理一切其揚威將軍印信即著
留彼鈐用那彥成到彼尙需時日其一切善後事
宜應辦即辦不必等候至張逆現竄阿坦台汰劣
克愛曼距烏什較近前已降旨令達凌阿折回赴
烏什駐劄會同多貴督兵嚴防並著長齡移咨德

英阿遣協領前赴哈薩克阿布拉諭令協力截擊
儻接據卡外探報即速奏聞

吐魯番領隊大臣賈音岱奏報綠營前派進征

官兵一百二員名於十月十三日回防

丙辰

烏魯木齊都統英惠疏奏停止糧運並裁撤軍

臺添設兵丁馬匹

平定縣知縣邊考卷十四

十一

上諭內閣曰現在大兵凱撤回疆各城就近可以採
買糧石烏魯木齊運出之糧分貯阿克蘇庫車二
城足資接濟著將各該處糧運即行停止鎮迪道
湯鼐吐魯番領隊大臣賈音岱著於糧運完竣後
各回本任至所設軍需局報銷款目紛繁查覈鈎
稽應須專員經理著英惠遴派妥員將運過糧石
數目以及運價分晰車運駝運分別准駁據實開

造毋許稍有浮言其自烏魯木齊至吐魯番哈密
至喀喇沙爾共十九臺添設之馬匹兵丁亦卽全
行裁撤以節糜費

英惠保奏承辦糧運協領等官請加鼓勵

上諭內閣曰烏魯木齊協領烏珍泰著送部引見協
領多隆武著交部議敘署烏魯木齊提標中營叅

將劉金海著賞戴藍翎該員係由遊擊推升陝西

平定回疆勦擒逆裔卷五十四

三

三

陽平關叅將嗣因員缺裁汰應歸部選現在口外

乏員准其暫留差委俟征兵全數撤回將經手事

件交代清楚再飭令赴部候選

英惠又奏言候補同知直隸州鳳鳴經臣奏明

承辦軍務該員籌畫一切備極辛勩遂致積勞

成疾歿於差所殊堪憫惻懇

恩量予軫卹奏入得

旨照軍營病故例賜卹

庚申

命內閣學士容照隨同伊父那彥成前往喀什噶爾

差遣委用

恩賞隨往喀什噶爾之侍衛舒倫保等銀兩有差

乙丑

護理陝西巡撫徐忻奏報哈朗阿於豫省閩鄉

平定回疆勦擒逆裔卷五十四

十四

途次接准移咨遵

旨帶兵折回喀什噶爾

新授伊犁叅贊大臣容安奏報於十月二十四

日自阿克蘇起程赴任

上批諭曰清正乃心公勤職守操防最關緊要撫馭

回衆務欲寬嚴得當勉之慎之以副朕簡用造就

之意

丙寅

阿克蘇辦事大臣長清等疏請將署理阿克蘇

阿奇木伯克愛瑪特捐輸皮襖散給兵丁請予

鼓勵

上諭內閣曰愛瑪特之父伊薩克辦理軍務竭力宣

勤今愛瑪特因天氣寒冷請備皮襖一千件散給

坐卡兵丁甚屬可嘉著加恩賞收散給愛瑪特著

賞給頭等台吉以示鼓勵

己巳

盛京戶部侍郎兼管奉天府府尹常文等疏請將

奉天幫辦兵差協濟車輛各廳州縣應徵地丁

一體蠲免

上諭內閣曰吉林黑龍江凱撤官兵自山海關外至

吉林交卸千有餘里向派各廳州縣協濟車輛捐

辦飯食自應照直隸幫辦各縣一律辦理著加恩

將幫辦之遼陽復州義州岫巖廳海城縣蓋平縣

寧海縣蠲免一年地丁銀兩十分之四在道光八

年應徵數內劃抵以示體恤

和闐領隊大臣果良額奏報於十月十三日接

印任事

庚午

勅諭善後應辦事宜

上命軍機大臣傳諭那彥成日本日據那彥成奏回

至保定交代事畢已於二十四日起程前進西陲

道里遙遠即趨程前往總須三月內方能行抵喀

什噶爾該處善後事宜必當趁春融辦理那彥成

於途次酌量有可以趨程之處即加緊進發俾早

到一日可早一日就理前據長齡等奏請斷絕各

外夷貿易並嚴禁大黃茶葉出卡該夷等或可將
張逆擒獻亟須嚴防各處卡倫及開齊小路以免
偷漏等語大黃茶葉係該夷等必需之物果能嚴
行禁絕俾外夷無以資生藉擒獻張格爾爲求通
貿易地步固屬甚善儻陽奉陰違或奸販偷漏或
兵丁賣放致爲外夷所竊笑轉屬不成事體那彥
成於到彼後體察情形嚴定章程辦理務須實力
稽查不可有名無實再上年張逆入卡勾結煽亂
各城回子從逆者多然其中能知大義不甘從賊
被害及自行殉節如和闐阿渾穆圖巴拉父子者
當不乏人必應查明卹賞以勵恭順此外死事官
兵跟役有隨伊主死難者其抗志捐軀同堪矜憫
前經降旨令長齡等詳查四城被害糧員侍衛官
弁兵丁及效力廢員分別奏咨辦理嗣祇籠統奏

及會否按名分晰查明造冊咨部未據續行奏明
又上年逆裔將喀什噶爾滿城攻破被虜官兵三
百餘人盡將髮辮翦去此內有西寧馬兵閆義額
魯特兵丁巴蘭二名曾經該逆釋回迭信其餘虜
去官兵有無下落克城後會否查訊明確著那彥
成到彼詳查據實具奏並將各城小回子中有不
甘從逆遇害及捐軀自盡者查明實在情形奏請
加以恩卹其被害糧員侍衛官弁兵丁效力廢員
及伊等跟役同時死難者亦當詳細查訪奏明給
予卹賞以慰忠魂該督到喀什噶爾會同楊芳辦
理善後事宜遇有應奏事件當聯銜具奏



欽定平定回疆勦擒逆裔方略卷

道光七年冬十二月壬申朔



吐魯番領隊大臣廣音岱疏奏托克遜運糧完竣

竣裁撤糧臺起程回任

廣音岱保奏承辦軍需運糧出力人員請加鼓勵

勵

上諭內閣曰吐魯番協領勒善著交部議敘俸滿筆

平定回疆勦擒逆裔方略卷五

一

帖式鵬德著歸於烏魯木齊以所干總儘先補用

驍騎校保泰著遇有防禦缺出儘先補用經制外

委金升著賞戴藍翎已滿吏候選未入流夏鴻著

免補本班以縣丞歸部即選未滿吏白顯明韓容

仍扣滿年限歸部即選已滿吏李英傑著掣定職

銜歸部即選經書鄭蒼等俱賞給從九品職銜署

扎薩克印務土撒拉克齊拜雜特扎奇魯克齊愛

吉巴海俱著賞戴花翎土撒拉克齊伊斯瑪尹勒

業巴賞戴花翎著賞給大緞三疋由該處庫貯內

給發吐魯番蘇捫章京愛依特巴海庫圖巴海通

事昆都卜什戶阿布都拉俱著賞戴藍翎以示鼓

勵

癸酉

飭諭將軍參贊慎重留防

平定回疆勦擒逆裔方略卷五

二

長齡楊芳武隆阿誠端蘇清阿奏言據通曉回

語之馬甲色布星額等稟稱馳抵伊里斯曼底

愛曼給與諭帖並將給阿坦台等檄諭令其差

人送去據伊里斯曼底告知張逆近日聞大兵

陸續撤回分遣回子向各愛曼借兵借糧意欲

仍來偷佔喀什噶爾各布魯特知官兵甚眾不

敢應允阿坦台汰劣克雖不助逆實無辜獻之

意又據兵丁李榮等稟稱分送烏什卡外各布魯特檄諭俱已散訖探聞張逆差人前往糾約並借兵糧該布魯特等均未允從現在遵諭會合各愛曼一體截拏不敢附逆旋據阿坦台汰劣克差布魯特巨滿拜托克塔來營呈遞回稟內稱張格爾到彼已經月餘本要撿送大營因跟隨二百餘人不敢輕動現給該逆至伊里斯曼底處居住若來僅距卡八九百里再來稟知派兵前往掩捕等語並聞該布魯特巨滿拜等進卡以後到處探聽官兵數目並向伊薩克衙門當差回子私問官兵實有若干顯藉投稟爲名窺我虛實狡譎異常深堪痛恨隨令伊薩克帶同來營面加曉諭爾比阿坦台汰劣克留住張逆不卽拏獻令其告知阿坦台汰劣克速將

張逆撿獻或勸令投出當奏明貸其一死儻若執迷不悟大兵到彼一併勦洗譯寫回字諭帖發交旋回副據伊薩克回稱該布魯特見大營兵威壯盛甚有懼色復派色布星額等同往伊里斯曼底處會同托依莫特古子伯克等糾合各部落人衆設法誘撿就近探詢隨時稟報至張格爾以竄敗游魂苟延殘喘誠不值久駐重兵致滋糜費屢奉諭旨自應遵照分別留駐其餘官兵悉令凱撤何敢妄行瀆請但該逆既經折竄舊地而阿坦台汰劣克又復附從萬一再來勾結卡內回衆兵少勢難扞禦查現留官兵一萬八千名除分駐各城卡倫外喀什噶爾僅存兵九千餘名分別出隊守營已屬無多而卡外自東北至西北一帶

均係回夷卡內自喀什噶爾至阿克蘇二千餘里官兵之後路亦皆回子此時若再撤兵一萬喀什噶爾僅存四千儻該逆聞風進卡我兵斷不足用若稍不得手關繫匪輕是以臣等屢次懇

恩暫留重兵實爲籌顧大局起見現在趁此兵威各布魯特不敢助逆趕緊設法誘擒若年內不能

平定回疆勦擒逆裔卷五

五

卽獲明春整齊兵力確探賊情分兵出卡慎重勦辦彼時各布魯特人窮馬瘦畏懼官兵縱不肯拏獻諒不敢附和可望得手至留兵所需糧餉經費數目前摺分款奏明如荷

恩准照舊留兵卽臣長齡遵

旨回京臣楊芳等亦可統轄勦辦無致他虞現在葉爾羌駐兵一千七百餘名副將王登科遊擊毛

文彩等均係帶兵得力之員且阿坦台愛曼距葉爾羌尚遠均分派官兵前往密查如彼處稍有蠢動信息卽可調兵接應不致有誤奏入

上命軍機大臣傳諭長齡楊芳等曰張逆聞大兵陸續撤回膽敢分遣回子向各愛曼借兵借糧意欲仍來搶佔喀什噶爾可見狼子野心雖竄敗游魂仍敢覘我虛實該將軍前此虛延月日一無措置

平定回疆勦擒逆裔卷五

六

豈未慮及此耶阿坦台等差人來營稟稱張逆跟隨二百餘人不敢下手現在給伊搬至伊里斯曼底處再來稟知前往掩拏顯藉投稟爲名探聽官兵數目該將軍面加諭斥並譯發回字諭帖尙爲得體前已降旨留兵一萬八千名並令那彥成爲欽差大臣趨程前來會辦一切該將軍卽照所留兵數分派駐劄要隘星羅碁布嚴密防範斷不可

輕率出卡致有疎虞一切善後事宜應辦即辦不必等候那彥成到彼致稽時日

叅贊大臣固原提督楊芳等以廢員陸有恒張循徵隨營出力請留辦善後事宜得

旨原任同知張循徵陸有恒俱著准其留於喀什噶爾差遣委用

喀什噶爾叅贊大臣武隆阿密陳善後情形

平定回疆勦擒逆裔方略卷五

七

武隆阿密奏言查此次善後留兵少不敷戰守留兵多難籌經費實鮮經久無弊良策然欲謀萬全須八城通計查西四城外沿邊千餘里處處與外夷相通回衆雖經平定而犬羊之性革面未必革心外夷利回子之利甘心依附向之所謂恭順者全不足信是禦外防內必非重兵不可東四城爲中路藩籬西四城之後路前此大

兵進勦後賊衆卽有外襲烏什內由和闐直驅

阿克蘇之謀幸得克捷迅速奸謀始息是東四

城之設備尤須嚴密臣初議西四城必須留兵

一萬二千名喀什噶爾外臨浩罕安集延及各

愛曼布魯特聲勢宜重擬駐馬步兵六千英吉

沙爾與喀什噶爾唇齒相依遙爲葉爾羌之援

擬駐兵一千五百牌素巴特地居要隘白帽回

平定回疆勦擒逆裔方略卷五

八

衆本係張逆黨羽莊多人衆擬駐兵一千五百

以上三處聲勢聯絡遇有緩急除留守外可抽

調五千精銳以爲策應葉爾羌地廣人衆沿邊

亦俱與外夷相通擬駐兵二千五百和闐僻在

一隅距外夷較遠且有葉爾羌爲之屏障擬駐

兵五百足敷彈壓烏什爲東四城門戶卡內外

皆布魯特且通外夷擬於西四城原設防兵二

千六百餘名內撥添烏什一千五百柯爾坪有
通喀什噶爾捷徑擬駐兵五百餘兵六百名添
防阿克蘇如此通盤增設碁布星羅方能得勢
惟是增兵既多如仍照舊按年換防不特鹽菜
經費等項需費繁多且內地兵額常懸尤於營
制有礙况換防官兵向例五年一班始得接換
戍守日久既不免室家之顧又各懷瓜代之心
其志不固則其氣易搖回衆習久玩生仍不免
意存輕視此時甫議增設不能不暫爲留防將
來大局安定似應仿照伊犁烏魯木齊穆魯駐
防作爲回疆額兵俾得族處羣居安心駐守或
認種地畝或貿易經營遇有額缺即可隨時挑
補是額不加廣糧不加多安設一兵可收數兵
之用方於邊防有益至於內地商賈民人向不

准穆魯前赴回疆今官兵既議設眷則商民攜
眷前來亦聽其便其中儻有認墾開荒者並准
撥給地畝試種納糧從此兵民愈久愈多回勢
漸形單弱自不敢復萌他志至增設官兵一萬
餘名計每歲應需糧餉數倍於前如全行就地
取給必須大加賦則回民難免苦累若概請籌
帑撥給則

國用有常又安能頻供邊荒繁費竊思籌邊莫善
於屯田查西四城地土肥饒水源充足可墾之
地甚多卽如喀什噶爾大河沿以南直至沙棗
園一帶綿亘數百里俱係官荒地近樹窩不礙
回田臣前任喀什噶爾參贊時曾經詳勘僅大
河沿一段卽可得地萬餘頃其間尙有當日準
夷墾種溝渠遺址一經疏濬便可引水灌溉其

餘亦俱相近渾河易資開墾現在留防兵數既
多且議增設眷兵自應先籌及此查喀什噶爾
原設有回兵五百名向不當差納糧卽以此項
回兵屯種更有無業窮回亦可撥給墾種或官
給牛具籽種於收穫時照回子例主佃勻分卽
以向管回兵之伯克督種委員經理俟數年後
辦有成效地方安戢再行次第移眷彼時察看
情形或應令眷兵子弟承種或仍須另調屯兵
再行議辦至將來移駐眷兵約計一班之費足
敷移眷之需而此後換防鹽菜可以永歸節省
臣更有愚昧之見設屯駐眷固屬經久之計然
邊防在於扼要西四城處處受敵人不足臣地
不足守本屬回疆贅瘤非若東四城爲中路必
不可少之保障前此伏讀照土司例分封

諭旨維時因張逆未獲分封實不得人是以擬請
賞給阿布都哈里管理較之安設重兵既可省費尤
能經久以上二條臣於初奏留防時卽與長齡
再四熟商今蒙
皇上嚴飭仍令照舊安設以臣愚見與其以有用之
兵帑用於無用之地何若歸併東四城不須西
四城兵費之半足可妥爲安設鞏若金甌似無
須再守西四城漏卮奏入
上命軍機大臣傳諭那彥成曰據武隆阿奏善後情
形必須變通以期經久所奏不爲無見著那彥成
抵喀什噶爾時察看情形會同熟籌妥議具奏武
隆阿摺著鈔寄閱看尋據那彥成等奏言回疆大
局人心甫定非安設重兵勢難鎮撫今旣設兵
換防尤不能不計及久遠查長齡等今年正月

間原議暫添防兵八千名合之舊設防兵二千
 六百名共計一萬零六百名分布各城惟今昔
 情形不同經費既須籌省而各處營伍更不可
 空虛自應量為減裁所有原議增添伊犁滿洲
 兵一千名應毋庸議綠營兵七千名內亦酌減
 五百名共減兵一千五百名以節糜費所有前
 議喀什噶爾添設換防總兵一員防兵既多非
 大員不能統領應請照原議添設總兵一員管
 帶綠營防兵班滿三年由叅贊大臣奏請
 簡派以均勞逸應請將涼州鎮總兵一缺改為喀什
 噶爾換防總兵以下副將等官均須增設容
 等查明妥擬另奏涼州鎮總兵既移駐喀什噶
 爾請以甘肅莊浪協副將移駐涼州其莊浪協
 一缺以涼州鎮中營遊擊移駐該鎮額兵七千

平定回疆勦擒逆裔方略卷五十五

十三

六百餘名應裁汰一千五百名以八百歸於甘
 肅督標以七百歸於河州鎮標之循保起三營
 於內地亦大有裨益向例口外換防官兵均儘
 陝甘兩省口內外十四標營派撥茲查陝甘得
 力官兵惟甘肅督標陝西撫標固原提標陝安
 鎮標漢中鎮標河州鎮標西寧鎮標西安鎮標
 八處最為得力不值多派換防按每百名抽派
 五名共派二千三百七十五名至甘州提標寧
 夏鎮標肅州鎮標延綏鎮標並議改之涼州協
 營五處較各營少次按每百名抽派十名共派
 三千五百六十五名烏魯木齊提標巴里坤鎮
 標二處屯工需人亦未便多派亦按每百名抽
 派五名共派五百六十名共派撥兵六千五百
 名查喀什噶爾外通各部落逼近各布魯特奈

平定回疆勦擒逆裔方略卷五十五

十四

贊大臣駐劄爲回疆要領應設兵二千七百名
 連原設滿漢防兵一千二百五十餘名共四千
 九百餘名英吉沙爾亦界連邊徽舊有布魯特
 游牧應請增兵二百名連原設滿漢兵二百八
 十名共四百八十名葉爾羌毗連外夷煙戶繁
 多爲適中之地與喀什噶爾阿克蘇爲犄角之
 勢應添防兵六百名連前原設滿漢防兵八百
 八十餘名共一千四百餘名和闐僻在一隅應
 照舊安設防兵二百三十餘名阿克蘇爲回疆
 南北衝要應設防兵一千名連舊設防兵七百
 五十餘名共一千七百五十餘名烏什形勢險
 要在在皆布魯特游牧爲阿克蘇西路門戶應
 添設防兵一千名連舊設防兵九百餘名共一
 千九百餘名以上增設綠營防兵六千五百名

平定回疆勦擒逆裔方略卷五 五

連舊設二千六百餘名共計九千一百餘名足
 資鎮撫奏入
 上命軍機大臣會同長齡議奏尋議悉照所請辦理
 得
 旨喀什噶爾新設總兵著將甘肅涼州鎮總兵一缺
 改爲該處換防總兵班滿三年由叅贊大臣奏請
 簡派現任涼州鎮總兵哈豐阿著留於甘省交該
 督差委俟有缺出請旨簡放其涼州鎮營汛即以
 甘肅莊浪協副將移駐該處以資統領並將涼州
 中營遊擊移駐莊浪至涼州既改鎮爲協應裁汰
 額兵一千五百名分撥甘肅督標及河州鎮標各
 營一切事宜著該部行知陝甘總督照例辦理至
 口外換防官兵向係儘陝甘兩省口內外十四標
 營派撥從前內地派兵換防故習大半以衰老充

平定回疆勦擒逆裔方略卷五 六

數到戍後復准告駐一兩班至三班不等以致虛

糜糧餉嗣後該管督撫提鎮等務須認真挑派兵

丁內年逾四十者即不准換防其班滿告駐陋習

著永遠禁止並著參贊大臣等務將派往之換防

兵丁加意操演俾得悉成勁旅以歸實用此項換

防兵丁三年後應酌減二千名五年後再減二千

名屆時何城應減若干或有暫難裁減之處由參

王正陽勅諭著參贊大臣

七

贊大臣等酌量奏辦現在留防均係前此出征官

兵已經三載著陝甘總督自本年秋季起按照現

定數目分三季派遣前往更替此後仍循五年舊

例分三班更換以期經久餘俱照所議行

命誠端馳驛回京

甲戌

署陝甘總督鄂山遵

旨傳知哈朗阿趕緊折回喀什噶爾以資差遣

調補參贊

上命軍機大臣傳諭長齡曰已將彥德補放烏里雅

蘇臺將軍那彥寶調補塔爾巴哈臺參贊大臣所

遺喀什噶爾參贊大臣員缺著長齡察看武隆阿

病勢如已將次就痊即傳旨仍令武隆阿接印任

事儻尚未能全愈即著長齡暫行兼署以便那彥

王正陽勅諭著參贊大臣

六

寶交卸速赴新任

乙亥

西安將軍薩炳阿等奏報續撤滿洲營官兵於

十一月初六日全行歸伍

丙子

戶部疏奏覈議軍需報銷章程請令口內總局

口外糧臺各就支發款項分別覈辦得

旨此次軍需動撥銀一千一百一十六萬餘兩統由
蘭州轉運肅州由肅州分撥口外各糧臺應用是
甘肅蘭州總局爲軍需總匯之所自應統歸省局
彙造報銷惟此內有分撥各處備用者有先行墊
用續經還款者必須逐一劃清方免轉轄至口糧
一項並多動用本處倉糧供支兵精著照戶部所
議動用軍需各款由蘭州肅州兩局支撥者統歸
軍需總局報銷由該將軍都統大臣等動支本處
銀糧者卽令自行咨部覈銷

平定軍需撥發章程卷五 九

丁丑

飭諭軍營臺站慎重文報

兵部奏言十二月初一日接遞揚威將軍等限
行五百里軍報傳牌內註有附報黃布文袋一
箇繳部火票木匣一箇部中僅收文袋短少火

票木匣查有庫車底臺黏貼紅籤註寫接收時
並無火票木匣字樣未經註明何站遺失傳牌
黏單係自哈密境內始行填註日時應請查辦

奏入

上命軍機大臣傳諭長齡曰軍營文報全以部中火
票爲往來查覈憑據若任其沿途遺失則文報遲

誤舛錯無從查考現據庫車底臺黏籤並未接收

平定軍需撥發章程卷五

十

木匣顯係庫車以西沿途遺失何以該臺員弁僅
於傳牌籤註其該管大臣曾否飭查上站各臺並
未聲敘殊屬含混著長齡轉飭庫車辦事大臣詳
查此項木匣究於何站遺失照例辦理並著傳諭
各城大臣通飭臺站員弁凡軍營往來文報務須
隨到隨查於牌票內逐站登註儻有遺漏物件隨
時查辦以重軍務

已卯

命登州鎮總兵成玉回任

楊遇春奏言查長齡前奏請留滿漢官兵一萬

八千名內業將吉林黑龍江勁旅各挑選精銳

五百名留吉勒通阿阿勒罕保二員管領在營

候

旨尙未起身足備調遣其哈朗阿一員即可仍令管

平定回疆勦擒逆裔方略卷五

三

帶已撤吉林官兵回京登州鎮總兵成玉管領

山東官兵凱旋計已入關大營現無該鎮可帶

之兵卽令前去難期得力查有永昌協副將胡

超安西協副將郭繼昌二員現在長齡俱留大

營則帶兵大員卽不乏人成玉一員亦可毋庸

折回再臣前在烏什查有留防烏魯木齊馬隊

五百名頗形軟弱應請

勅下長齡等於應撤步隊內挑選精銳改留五百名

可資實用奏入

上命軍機大臣傳諭長齡那彥成楊遇春日哈朗阿

前已自河南閩鄉途次折回大營應無庸議登州

鎮總兵成玉計已將次入關大營現無該鎮可帶

之兵並有以總兵卽補之副將胡超郭繼昌二員

足資差遣成玉著卽回登州鎮本任毋庸折回再

平定回疆勦擒逆裔方略卷五

三

據楊遇春奏烏什留防烏魯木齊馬隊五百名頗

形軟弱著長齡於應撤步隊內挑選精銳改留五

百名仍湊足一萬八千之數以節帑項而收實用

庚辰

兵部將軍營凱撤吉林應升協領富爾松阿補

行帶領引

見

上諭內閣曰富爾松阿從前克復和闐之時身先入陣生擒賊目鳴爾勒其宣力報效甚屬可嘉前經降旨補授協領此次照例賞給緞疋外仍著加恩賞給大緞二疋以示獎勵

辛巳

奉

天承運

平定回疆勦擒逆裔方略卷五

三

皇帝勅諭哈薩克公阿布拉情詞恭順具見惻誠自爾祖父投誠天朝世篤忠貞甚為出力朕所深悉爾游牧地方距浩罕甚近浩罕帶人在皮斯格克築城爾能深明大義不肯前往朕甚嘉焉茲頒賞蟒袍二襲大緞四疋用昭優賚浩罕狡諂性成誠恐此後仍不免多方引誘爾須持以定見不為所愚庶不致受其盤剝自貽後悔爾督同部落人等

安居樂業不可輕易更動儻張格爾竄至附近地方爾能偵獲該逆縛送伊犁朕必照賞格賞爾元寶二千錠晉封爾以王爵永承恩眷延及子孫爾既受茲寵錫並當感恩出力永為天朝屏翰仰副朕撫遠綏來至意特諭

丙戌

哈密議調馬匹章程

平定回疆勦擒逆裔方略卷五

四

恩銘國勒明阿奏言查哈密去歲進征官兵換留乏馬及截留寧夏滿漢各營解到大運馬匹內挑出過於疲弱馬一百五十八匹礙難牧放仍須餵養下餘馬一千二百二十六匹均於二月初十日照例下廠牧放嗣據副將倭恒額報稱前項下廠馬匹陸續倒斃一百八十三匹除調馴車馬三百匹業已送往吐魯番外尙存在

廠牧放馬七百四十三匹又此次凱撤官兵換

留乏馬四十六匹除不堪餵養馬三十三匹隨

時變價外止收乏馬一十三匹在廠牧放並在

槽餵養馬八百六十八匹應請歸入哈密備撥

廠內常川牧放庶歸節省其各軍臺及營中差

操兩項馬匹遇有倒斃亦由此項馬匹隨時

彌補仍按數目扣定年限俟用竣之日再向巴

里坤調取奏入得

旨報可



欽定平定回疆勦擒逆裔方略卷

道光七年冬十二月庚寅

伊犁將軍德英阿疏請暫緩

陛見

上命軍機大臣傳諭曰伊犁將軍統轄南北兩路責

任綦重現在西四城甫經戡定首逆尙在稽誅已

派那彥成前往籌辦善後事宜留兵一萬八千分

駐防守伊犁地方亦須遙為聲援同資防範該將

軍不敢遽請入覲所見甚是邊疆重地回夷雜處

總須恩威並用控馭得宜如有應行撫戢之處固

當曲示懷柔其應行懲創者亦不可稍為姑息此

外布魯特哈薩克等既須使之震懾亦宜得其誠

心至整飭營伍訓練士卒尤為此時要務國家設

立營制原期有勇知方折衝敵愾况伊犁為邊疆

重鎮遇有調遣總宜迅速勇敢始可資其緩急乃
上年逆回癘亂調援之兵多不得力是平日之營
務廢弛已可概見該將軍惟當力加振作勤於操
練其有老病無能及懈怠疎玩者務即嚴行澄汰
以肅營制而重邊防再前據那彥成奏請帶兵得
力大員著即傳諭領隊大臣布彥泰前往喀什噶
爾聽候差遣其伊犁領隊大臣員缺該將軍委員
署理可也

平定回疆勦擒逆裔卷十六

二

壬辰

山海關副都統存華疏奏查出吉林凱撤官兵
私帶幼孩出關請解交刑部審辦

上諭內閣曰凱撤官兵攜帶子女屢經降旨嚴切申
禁帶兵大員自應宣示律令飭諭該管官兵恪守
科條不特軍營難民不准私自攜回即沿途經過

地方亦不得稍滋擾累乃吉林委協領色普青額
不惟不能約束官兵且竟自行攜帶現經山海關
查出色普青額所帶之高孝一名驍騎校委泰領
扎隆阿所帶之周景成一名兵丁庚音蘇所帶之
李四兒一名並不知姓名兵丁所帶之杜興元王
小一兒二名均於直隸境內私帶出關且有教令
私越邊牆之事必應嚴行懲辦已據該副都統將
高孝等五名解京著交刑部嚴切根究是否高孝
等自願隨往抑該官兵等運勒誘騙務得確情按
律懲辦其攜帶杜興元王小一兒之兵丁究係何
人著博啟圖即飭色普青額查訊確實奏明辦理
在後行走吉林黑龍江官兵尙有數起並著帶兵
大員及沿途地方官嚴行曉諭稽察勿得陽奉陰
違自干咎戾尋據博啟圖查明高孝等五名俱係

平定回疆勦擒逆裔卷十六

三

自願隨從出關並無逼勒誘員情事將攜帶之

委協領色普青額等請交刑部審辦奏入得

旨下部知之尋據刑部審明色普青額等實無逼勒

誘騙情事乃高孝等因貧苦難度自願隨往將

委協領色普青額等分別問擬杖徒折枷鞭責

如律幼孩高孝等分別遞回原籍飭傳親屬具

領奏入得

平定回疆勦擒逆裔卷五十六

四

旨此案吉林佐領色普青額驍騎校扎隆阿出征凱

旋沿途攜帶民人高孝周景成跟隨服役雖訊係

高孝等因貧難度自願隨往該員等不遵禁令輒

敢收留攜帶本應照律治罪惟念東三省官兵此

次遠赴回疆甚為出力現值大功告成普沛恩施

亦應稍從寬黃色普青額扎隆阿俱著加恩改為

降一級調用以示薄懲餘依議

乙未

庫車糧臺支發款項

庫車辦事大臣調任塔爾巴哈臺奏贊大臣那

彥寶奏言自道光六年七月軍興庫車應付官

兵鹽糧車駝腳價係烏魯木齊都統英惠派員

承辦其所用款項自應由該委員造冊呈報烏

魯木齊咨送蘭州總局查覈報部至內地派來

平定回疆勦擒逆裔卷五十六

五

各委員接辦糧臺計自本年三月十六日起截

至十一月底止由肅州總局解到餉銀十五萬

七千餘兩共用過銀六萬五千六百餘兩又各

臺委員借領備辦糧臺銀共二萬八百餘兩現

尚存銀七萬七百餘兩其所用細數已飭令各

委員逐款造冊呈報總局查覈現在軍務已竣

應將糧臺委員裁撤以節糜費以後撤兵滾運

餉銀等事改歸軍臺支放惟庫車糧餉局內每年額調經費銀五千兩俱係兵餉遇有應行支發之處無項可以通融墊辦且現存無多亦應奏調請將所餘七萬七百餘兩內扣留五千兩以備明年支放本城兵餉尙有本年採買糧三千五百石卽請由此項餘剩銀內扣還歸款除以上請留銀共一萬一千一百五十兩尙存銀五萬九千餘兩並請暫行貯庫以備應付凱兵之用統俟大兵撤竣如有餘存再行奏交阿克蘇查收奏入得

旨報可

那彥寶又奏言查烏魯木齊所運糧石內惟白麩一項沿途有受溼蒸變結塊者三十餘萬斤當卽飭令糧員曬碾供支凱撤官兵口糧其現

平定回疆勦擒逆裔卷十六 六

已起運在途之糧 臣前已札商長清將白麩

項盡數運至阿克蘇備供兵糧其小麥粟米二項庫車存貯四成阿克蘇存貯六成現查庫車陸續截貯粟米一千石小麥四千石庫車倉廩本小且有本處備貯糧石不敷存貯卽於糧員鳳奎寓所內房間量加修理暫貯並派弁兵輪流看守如須動用奏明辦理奏入報

平定回疆勦擒逆裔卷十六 七

喀喇沙爾議撤糧臺

巴哈布奏言查官兵陸續凱撤自本年五月起至十一月十五日止凱撤官兵一萬六千八百餘員名由喀喇沙爾全數過竣其委辦臺站正佐各官應卽全行裁撤查有夷回處章京銀格支應進征官兵妥速無誤嗣後共支回兵

站委員餘存銀兩糧料等項飭令截清日期數
目卽交該員經理一俟交代清楚卽令進關報
銷奏入報

聞

欽差大臣直隸總督那彥成奏言臣行抵西安會晤
甘肅提督齊慎當卽傳述

諭旨令其隨同前往並查有甘肅大靖營遊擊米兆

平定回疆勦擒逆裔方略卷十六

八

元陝西靖遠協都司向榮及陝甘各營向爲得

力千把外委兵丁數十名請一併帶往差遣奏

入

上許之

丙申

釐定新疆維制考覈章程

欽差大臣直隸總督那彥成奏言查回疆自戡定以

來幾及七十載回民極其恭順此番張逆進卡
煽惑各城響應固係回性罔識恩義亦半由於
平日撫馭失宜查乾隆年間各城叅贊辦事領
隊大臣

簡放之人或出於保舉賞加副都統職銜或用獲咎之

督撫兩司究皆眼界較寬且於公事知所輕重

迨後保舉未必盡屬賢能又叅用侍衛與口外

平定回疆勦擒逆裔方略卷十六

九

駐防滿洲當時並無一定年限後又定爲三年

換班之例在上等才具廉潔有爲心期整頓三

年之中卽未必辦理盡善其次中才祇存五日

京兆之見遇事不肯認真下此竟有視爲利藪

圖飽私橐而其中駐防與侍衛爲尤甚若伊犁

等處駐防皆生長本處地方瑣屑情形較爲熟

悉搜括愈工此種情狀久在

聖明洞鑒之中方今

備用得人各城中並無不自檢束之人但從前既有

積習不能不防其末流臣竊以為各大臣駐劄

一城各長其疆並無維制考覈之分是以彼此

不相顧忌不若外省州縣屬於知府司道從而

考察督撫從而統轄層層相制雖有貪鄙亦不

敢肆志所以事能經久不至妄為今各城大臣

平定回疆勦擒逆裔方略卷五十六

十

應請分隸考覈俾有所糾察以防其蕩檢踰閑

至各大臣及司員筆帖式等原設養廉均不敷

辦公自應仰懇

皇上天恩勅下部臣少為議增並准各大臣一律攜

眷有不願者亦從其便廉俸既增又無內顧則

專心辦公回疆各城可期日就整頓奏入得

旨所奏是大學士軍機大臣會議以聞尋議上請悉

照那彥成所請行

上諭內閣曰新疆西南兩路分設大臣駐劄皆受伊

犁將軍節制自應分隸考察以期撫馭得宜著照

托津等所議嗣後哈密辦事大臣與吐魯番巴里

坤古城庫爾喀拉烏蘇歸烏魯木齊都統專轄喀

喇沙爾庫車阿克蘇烏什葉爾羌和闐英吉沙爾

等七城歸喀什噶爾參贊專轄均屬於伊犁將軍

平定回疆勦擒逆裔方略卷五十六

十一

統轄每屆年終該將軍都統參贊大臣等將各城

大臣出具切實考語密行陳奏如有人地不宜及

才不勝任者隨時奏明更換倘有失察徇隱一經

發覺即將該將軍都統參贊大臣等交部分別議

處其將軍都統參贊大臣內有不正已秉公者亦

准各城大臣據實參奏以資維制各城章京糧員

責成該城大臣認真考察務期人地相宜新疆駐

防人員非實保守潔才優者不准保奏儻所保之員或犯贓私即將原保大臣一併議處其操守才具平常者亦即隨時奏咨更換至各城大臣及司員筆帖式等亦設養廉不敷辦公亦應量為議增伊犁將軍現支養廉銀三千兩著加一千兩伊犁叅贊大臣現支養廉銀一千兩著加五百兩伊犁領隊大臣現支養廉銀一百兩著加二百兩烏魯木齊都統現支養廉銀一千八百八十八兩著加五百兩庫爾喀拉烏蘇領隊大臣現支養廉銀四百兩著加四百兩哈密辦事大臣現支養廉銀七百兩著加二百兩哈密幫辦大臣現支養廉銀四百兩著加二百兩喀什噶爾叅贊大臣現支養廉銀一千五百兩著加五百兩喀什噶爾幫辦大臣現支養廉銀七百兩著加三百兩葉爾羌辦事大臣

平定回疆勦擒逆裔方略卷五十六

十一

十一

十一

臣現支養廉銀一千一百兩著加二百兩葉爾羌幫辦大臣現支養廉銀七百兩著加二百兩烏魯木齊辦事大臣現支養廉銀七百兩著加二百兩阿克蘇辦事大臣現支養廉銀四百兩著加六百兩庫車喀喇沙爾辦事大臣和闐英吉沙爾領隊大臣現各支養廉銀六百兩著加二百兩其章京筆帖式等鹽菜銀兩何員應酌加若干應由何項支給之處著交那彥成詳細覈議奏明辦理該大臣等著准其攜眷願否攜帶聽其自便尋復奉旨烏魯木齊領隊大臣著加養廉二百兩巴里坤古城吐魯番領隊大臣著各加養廉二百兩塔爾巴哈臺領隊大臣二員著各加養廉二百兩

平定回疆勦擒逆裔方略卷五十六

十一

十一

臣等謹案大事從長小事專達所以昭維制而嚴考覈也以能詔事以功詔祿所以熙庶

績而勵廉隅也我

朝設官分職俾之統轄有資室家可贍允足隱相

維繫共飭官方矣近者

天戈所指西域歸懷

皇上復諄命廷臣議除積弊使各城領隊辦事大臣

分隸將軍都統叅贊節制既嚴考察之條復

增養廉之額卽章京筆帖式等鹽菜銀兩亦

平定軍餉考卷五十六

十四

且上煩

聖慮議予增加所以體恤之者無微不至矣宜何如

協力同心講求撫馭小廉大法永靖邊陲冀

無忝

盛世干城之任也

伊犁綠營出征官兵借支俸賞行裝銀兩一律

覈銷

伊犁將軍德英阿奏言上年八月間長齡帶往

南路出征官兵借支俸賞行裝銀兩部議以綠

營官兵所借銀兩應查照四川陝甘成案減半

借給俟該官兵回營後分年扣還臣等查伊犁

派往南路帶領民遣壯勇之綠營官兵曾經照

依軍需則例支領賞借銀兩部覆准行茲隨長

齡出征之綠營官兵八十餘員名同一效力戎

平定軍餉考卷五十六

十五

行若令減半支借行裝銀兩不無向隅應請將

支過賞借銀九百餘兩仰懇

天恩飭部准銷仍俟凱撤回營後照例分年扣還奏

入得

旨准其覈銷照例於凱撤回營後分年扣還

丁酉

阿克蘇收糧鼓鑄事宜

阿克蘇辦事大臣長清奏言查阿克蘇自六年七月軍興起截至本年十一月二十四日止共收過烏魯木齊運到白麵粟米小麥等項折合糧九萬七千九百五十九石零又伊犁起運軍糧二萬六千七百九十六石零除照伊犁將軍德英阿原奏將未過冰嶺運至噶克察哈爾海臺軍糧變價一千七百五十兩收入軍需項下支用外計實收伊犁軍糧二萬五千零四十六石零又上年接收烏什協濟軍糧一千六百六十七石零本年二月初六日進兵豫備裹帶口糧飭令阿奇木伊薩克並委員採買過白麵小麥折合京斗糧一萬一千六百一十四石零以上共收過軍糧一十三萬六千二百八十七石零除支用撥解外現存軍糧一萬一千零九十

九石零至烏魯木齊起運在途之糧約計尙有二萬餘石未經運到因阿克蘇現留防兵一千並協濟烏什留防官兵及轉運巴爾楚克等處軍糧每月約需糧二三千石不等除庫車酌留小麥粟米共五千石外餘俱儘數運至阿克蘇收貯摺節支用奏入報

長清又奏言本年春秋二卯實獲廠兵回子銅二萬一千七百六十餘斤共鼓鑄正項普爾錢二千六百九十一串零又節省火耗餘銅鑄錢一百二十三串零又本年截留應解伊犁銅三千二百斤及八九月間復行採買銅四千二百三十斤共鑄錢九百一十七串五百三十四文業已解送哈什噶爾交幫辦大臣誠端以備辦

理善後之用奏入報

聞

戊戌

勅諭籌辦善後機宜

長齡楊芳奏言據錫伯馬甲色布星額等帶同

阿坦台來使巨滿拜等回至伊里斯曼底處已

逾兩旬屢據稟稱巨滿拜等旋回托古斯托羅

平定縣勅諭籌辦善後機宜

十八

之後並無信息張格爾差人向各處布魯特借

兵借糧均未應許探詢張逆仍在阿坦台處居

住亦無前往烏什之信又聞山內雪大該逆隨

從賊衆多有覓食他往勢甚窘迫均係傳聞之

詞未可深信惟飭色布星額等勤加偵探隨時

稟報復派即用總兵副將胡超帶同伊薩克親

往阿爾圖什等處繕寫回字簡明告示分貼各

莊遍加曉諭令該回子等協力擒逆至提督達

凌阿帶領官兵已抵烏什該處共有官兵三千

餘名會同辦事大臣多貴分劄卡內外要隘嚴

密防範並選派回子布魯特等出卡遠探十餘

站委無張逆前來糾搶之信又接伊犁將軍德

英阿覆信業已差派協領托恩多布前往哈薩

克公處傳諭堵截擒拏是各處防範均已布置

平定縣勅諭籌辦善後機宜

十九

周密臣等隨機相度有隙即乘斷不敢輕率遲

誤上負

委任再巴爾楚克地方雖經停止糧運而解送餉

軍火等項至都齊特臺及牌素巴特道路延長

必須官兵隨站撥護庶免疎虞是以該處官兵

並未裁撤又據伊薩克稟報有達爾瓦斯伯克

沙伊布拉依木差密雜爾來營呈遞回稟並馬

二匹據稱張格爾前在伊處藏匿不料有布魯特
特送信復逃至阿坦台處如敢再來務即拏送
臣等當即面諭並譯寫回字諭帖收其馬匹酌
予犒賞飭令旋回查該伯克所稟真偽原不足
信若遽加以罪責似非體恤外夷之道自應仍
加優賞俾令感激圖效

長齡楊芳誠端蘇清阿又奏言查葉爾羌英吉

平定回疆勦擒逆裔卷十六

三

沙爾二處官兵向係隔住回城一隅兵燹之後
倉庫兵房衙署均已焚燬城垣自應另建以資
守禦其和闐一處雖亦隔住回城該處回性較
馴且駐兵不多城垣祇須略加修葺惟衙署兵
房亦須全行建造茲據恒敬在於葉爾羌舊城
之西二里許罕那里克地方勘定城基擬建蓋
衙署倉庫兵房八百四十餘間其英吉沙爾一

城亦經誠端等在於該處舊城迤北半里許地
方勘定城基擬建蓋衙署兵房三百餘間計各
興造需用木植甚多乘此冬令已派員趕緊採
料運存工次俟春融後一律興修來年五六月
間可期工竣至前請在於叛產內撥還新勘城
基所佔回戶地畝房屋業蒙

俞允已飭各委員督同各城阿奇木伯克即於各城

平定回疆勦擒逆裔卷十六

三

查出逆產內妥為撥給並賞給銀兩以為遷移
之資此時大兵未能即撤又須趕辦善後事務
紛繁臣等於在營之現任候補正佐內酌留十
數員分派四城專司其事其餘均已飭令入關
造報經手錢糧以清款項奏入

上命軍機大臣傳諭那彥成日據長齡等奏探詢張
逆仍在阿坦台處居住勢甚窘迫各處防範周密

如該逆窮迫力竭拚死前來正好誘進卡內痛加
 勦辦否則明春確探賊情知會達凌阿等由烏什
 前來兩路進兵設法兜搥張逆以釜底游魂窮促
 情形原可想見惟傳聞之詞亦難遽信已諭知長
 齡等令其飭知各路官兵加意防範不可輕率出
 卡亦不可坐失機宜惟所奏建築葉爾羌英吉沙
 爾兩處城垣衙署一則移於葉爾羌舊城之西須
 建衙署倉庫兵房八百四十餘間一則移於英吉
 沙爾舊城之北須建衙署兵房三百餘間此二處
 祇因隔住回城一隅迥非喀什噶爾改建照忠祠
 不敷居住者可比何不可以修復故城必須另費
 周章該將軍等現因嚴寒未能工作先派員採運
 木植著那彥成經過該二城時悉心察看情形如
 非必不得已無庸輕議更張

長齡楊芳又奏言_臣等查原調吉林黑龍江官
 兵三千名前於九月內凱撤時曾經奏明簡挑
 精銳各五百名暫留副都統阿勒罕保吉勒通
 阿管帶尙未凱撤今蒙
 恩准留營所有哈朗阿管帶凱撤行走在途官兵無
 庸再行挑選折回俟哈朗阿抵營後即令管帶
 吉林官兵吉勒通阿管帶黑龍江官兵至_臣等
 請留滿漢官兵一萬八千名內喀什噶爾現有
 吉林黑龍江伊犁馬隊三千名綠營官兵六千
 餘名其餘八千餘名分布烏什阿克蘇巴爾楚
 克牌素巴特及和闐葉爾羌英吉沙爾並各卡
 倫防守均敷勦辦奏入報



欽定平定回疆勦擒逆裔方略卷之

道光八年春正月丙午

裁撤軍需總局辦理報銷各事宜

那彥成鄂山盧坤奏言上年軍興口內設立軍

需局口外安設臺站供給兵差現在官兵陸續

凱撤已過滿州者計有吉林黑龍江官兵二千

七百餘員名四川官兵四千五百餘員名最後

之山東官兵二百餘員名亦已由肅至蘭其節

次撥解大營兵餉均已運解喀什噶爾交收

盧坤先於十一月初一日將肅州軍需局裁撤

口外各臺於凱兵過竣亦次第裁撤並將關內

關外添設塘馬站馬人夫均行裁汰以節糜費

鄂山 臣 盧坤欽遵前奉

諭旨將蘭州軍需局於十二月二十日一併裁撤改

為報銷總局責令甘肅藩司顏伯燾會同臬司

薩迎阿蘭州道程喬采商覈辦理適 那彥成

行抵蘭州議定將以後接遞文報及解送留防

官兵月餉等事仍照常例由省撥運肅州交該

鎮道委弁轉解出關歸於關外各廳州縣暨經

過回城軍臺按站轉運不致遲誤毋庸另設臺

站奏入

上是之

那彥成鄂山盧坤又奏言前因大兵凱旋應將

動用軍需銀兩覈實報銷經戶部議定章程具

奏欽奉

諭旨允准 等查部臣所議各歸各處造辦報銷不

特冒目清楚可無輕轉且在原辦本處就近分

款報部以免往返行查更屬簡易遵查此次回

疆用兵先後奉撥軍需銀一千一百一十六萬五千兩又撥解陝西省制錢三萬串內有撥解阿克蘇軍餉銀五百十六萬四千八百六十餘兩又撥解烏魯木齊運糧腳費並該處支發官兵鹽菜等項銀二百一十一萬三百五十兩零又撥解伊犁運糧腳費備用銀二十五萬兩零制錢三千串又撥解吐魯番托克遜喀喇沙爾庫車四處糧臺備用銀共六十七萬一千九百兩零內除續行改撥阿克蘇外實撥各臺銀五十萬三百兩零其餘為蘭州肅州兩局支發內地各州縣及關外之玉門安西敦煌各州縣供給並採買之用現在統歸省局報銷仍飭催確鑿造冊題報至分撥口外各處銀兩除伊犁將軍奏請自行題銷外其烏魯木齊一處臣鄂山

臣盧坤現亦咨明將前後由肅局撥往銀共二百一十一萬三千五百兩零作為該處軍需項下收款其如何動支運糧腳給發鹽菜並該處實運過阿克蘇大營糧石數目分別確數由該都統自行報銷又哈密一處自軍興時即係該城辦事大臣督同哈密廳承辦供支現亦咨明將肅局撥往銀兩制錢及由敦煌等縣撥往白麵作為該處軍需項下收款其如何動用之處由該處辦事大臣自行確數報銷此外如吐魯番托克遜喀喇沙爾庫車四臺先由內地委員領銀往辦臣鄂山臣盧坤現擬咨明該三城大臣飭令內地各委員將承領肅州局所發銀兩查照口外各該處採買料草價值供支動用實數自回內地赴省局造冊請銷其該三城有無動

用本處銀糧應由各大臣自行覈實咨部請銷
再阿克蘇一處前係軍營後路底臺是以由肅
州撥往大營兵餉均解至阿克蘇爲止及大營
後駐喀什噶爾後又由阿克蘇轉運現在飛咨
阿克蘇將該處供支官兵鹽菜採買裹帶口糧
各銀兩並收烏魯木齊運到糧石實有若干動
支若干尚存若干自行造冊咨部請銷其轉運
喀什噶爾銀兩糧石卽由該大臣確查細數咨
明喀什噶爾參贊大臣就近督率隨營辦理糧
餉各員覈實造冊報銷似此分別剔清各歸各
處造報則收發不致牽混此後留防官兵糧餉
及撥解辦理善後銀兩均須直運至喀什噶爾
交收應由 臣 那彥成會同該處參贊大臣督率
承辦糧餉委員據實造冊報銷以清界限至大

營暨阿克蘇等處間有短發官兵鹽菜駝折馬
乾等銀至蘭州肅州二局找發者票內並未分
晰款目官兵一到照數找發實無款目可稽礙
難造報是以咨明該處將找發之銀作爲該處
收款仍歸原辦糧員造報庶免歧誤奏入得
旨下部知之
那彥成鄂山盧坤又奏言 臣 等前據軍需局司
道詳稱支發軍需銀兩定例除俸裝鹽菜等項
不扣平餘其餘採買支發各款每百兩俱扣平
餘一兩報部撥用甘肅市平每百兩比庫平較
輕二兩除例扣平餘一兩尚餘銀一兩本係平
外盈餘此次押解軍火餉糶等項文武各員弁
長途往返絡繹不絕所需盤費及局員薪水經
書口食紙劄等項應行津貼之處需費殷繁該

司道等請扣前項平餘以公濟公自屬可行計
自軍興以來肅州局扣過平餘銀一萬七千一
百九十八兩蘭州局扣過平餘銀七千二百三
十五兩零均經隨時津貼各前項公用由軍需
局按月造報有案其支發尙有不敷臣等督飭
司道另行籌辦應請毋庸報部覈銷奏入得

旨報可

平定回疆勦擒逆裔卷七

七

鄂山盧坤又奏言軍需雇用車馬應辦成案均
有給予回空守候價銀茲屆辦理報銷臣等伏
查辦差州縣雇備車馬不及多有截用過站之
事既經過站則無所謂守候回空雖各處情形
並非一律然既准給守候回空之價誠恐截用
過站之州縣亦復影射開銷斷難任其浮冒臣
等面爲商酌必須詳晰確查如守候回空實在

有據者臣鄂山綜其銀數再與司道等酌籌覈
實辦理奏入

上是之

鄂山盧坤疏奏商派寧夏府知府武凌漢酌帶
佐雜二三員隨同那彥成赴喀什噶爾經管防
兵糧餉及善後動用銀款

那彥成鄂山盧坤疏奏徐忻何承薰協辦軍需

出力

平定回疆勦擒逆裔卷七

八

上諭內閣曰護理陝西巡撫藩司徐忻署臬司陝安
道何承薰自上年回疆用兵以來協辦軍需應付
兵差一切悉臻妥速該護撫等督辦年餘始終其
事徐忻著加恩交部從優議敘何承薰著加恩賞
戴花翎

丁未

飭禁凱撤官兵沿途逗留騷擾

上命軍機大臣傳諭屠之申鄂山楊國楨徐忻日前

據那彥成奏凱撤官兵過境章程當降旨令鄂山

於吉林黑龍江官兵進關時即令分二百名一起

間四日行走現在凱兵已於年前過京者祇有吉

林二起兵四百九十八名黑龍江頭起兵一百名

今越二十餘日黑龍江二起官兵始將到京其三

平定縣志卷之七

九

起官兵倘無到京信息該兵等或竟沿途逗留留管

帶各員不能約束必至騷擾地方鄂山徐忻楊國

楨屠之申接奉此旨即飭沿途地方官妥速應付

並派明幹道府大員鎮靜彈壓俾得迅速行走雖

間遇雨雪不能盡按間四日行走之期亦須計程

隨行毋許任意遲延轉致別滋事端

已酉

和闐領隊大臣果良額疏奏帶往和闐辦公出

力之部分筆帖式舒明阿書吏馬永春量加鼓

勵得

旨舒明阿著加恩賞給主事職銜馬永春著以從九

品歸部即選俱准其仍留和闐辦公

甲寅

伊犁軍需報銷

平定縣志卷之七

十

伊犁將軍德英阿奏言伊犁運糧腳價前經長

齡奏明加增每日每石車給銀二錢八分五釐

駝重運給銀三錢回空給銀一錢二三分俟事

竣再為覈銷嗣製備刀子旗幟帳房弩弓及包

裹糧袋靴鞋等項因例價不敷俱按時價製辦

以應要需茲據該委員等將動用銀數造冊請

銷臣查出征各項官兵支過鹽菜口糧並支條

賞卹賞等項銀糧數目自道光五年十二月起	至六年八月止俱係前任將軍支發之項現經	局員查辦陸續咨部惟運糧腳價遵照奏定章	程分別發給其製造軍械包裹等項有照乾隆	五十二年頒發伊犁物料價值則例給發者有	本無例價卽照伊犁時價採辦者均應據實開	報以免牽混覈計運糧腳價應發銀十八萬九	千九百七十六兩零實發銀十三萬三千八百	七十五兩零節省銀五萬六千一百兩零應請	全數貯庫充公其按照伊犁時價製辦軍械糧	袋等項實用銀五萬七千四百一十四兩零雖	與則例間有不符但此次軍需較他省迥不相	同卽他省亦不得援以爲例可否仰懇	聖恩勅部准銷伏候
--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	-----------------	----------

欽定現在伊犁出征官兵尙未全行凱撤應俟凱旋	後將找支銀糧及傷亡官兵應領卹賞等項銀	兩仍由伊犁糧餉處歸入正項奏銷案內列款	造銷以歸畫一奏入得	旨下部議尋據戶部會同兵部工部覈議除製辦軍	物本無例價者令該將軍酌中定價奏明覈銷	外餘均如所奏辦理	上從之	壬戌	戶部疏奏派辦軍需文案出力司員請分別鼓	勵得	旨耶中宗室玉英陸以烜員外郎陸蔭奎俱著交部	議敘候補員外郎蔣秉遠著遇有該部選缺出時	儘先補用候補主事馬洲董基誠著遇有該部題
----------------------	--------------------	--------------------	-----------	----------------------	--------------------	----------	-----	----	--------------------	----	----------------------	---------------------	---------------------

選缺出儘先補用

偵探遊裔窺伺情形

長齡楊芳奏言據錫伯馬甲色布星額等偵報

張格爾於本月十七日帶領賊匪二百餘人並

阿坦台處布魯特二三百人來至伊里斯曼底

愛曼附近遊奕聞有額提格訥愛曼布魯特二

名往見張格爾該逆即令潛回糾眾並聞該逆

平定回疆勦擒逆裔卷五十七

三

已糾約各愛曼窮苦布魯特多人於官兵過年

時意圖潛進卡倫^臣等先令伊薩克選派妥幹

回子分往卡外各愛曼查探情形並令各官兵

裹帶口糧一聞確信刻即分路迎剿現在卡外

天寒雪大官兵未便出卡如該逆果於歲底前

來誘其入卡更可一鼓殲擒已派令妥幹回子

設法誘其入卡相機辦理現在武隆阿病已漸

愈即令接署喀什噶爾參贊大臣印務以便誠

端交仰回京奏入報

聞

紅旗奏捷首逆生擒

長齡楊芳武隆阿奏言據圖舒克塔什坐卡遠

探官兵報稱二十七日晚間見有騎賊三百餘

人步賊二百餘人向東北奔竄有赴伊斯里克

平定回疆勦擒逆裔卷五十七

十四

卡倫之勢^臣等揆其情形自係張格爾仍欲由

上年入卡舊路先奔阿爾圖什回莊糾約滋事

^臣長齡帶領即用總兵胡超二等侍衛慶安署

阿奇木伯克伊薩克總管領爾古倫並伊犁馬

隊涼州寧夏河州步隊^臣楊芳帶領領隊大臣

阿勒罕保吉勒通阿蘇清阿那桑阿吉林索倫

馬隊固原漢南步隊兩路共官兵六千餘名均

向阿爾圖什前進臣武隆阿力疾與誠端親赴

近城各回莊鎮靜彈壓稽察留祥雲保碩隆武

在大營鎮守臣長齡等督兵趨行途次接見偵

探千總索文馬兵葉榮報稱本日巳刻張逆帶

領騎賊由開齊山路潛入阿爾古回莊該處回

衆聞風逃散該逆在彼少息復向阿爾圖什前

來該莊黑帽回子四百餘人持械攔阻張逆見

平定回疆勦擒逆裔方略卷五十七

五

回衆不肯附從旋即折竄由原路出卡黑帽回

子已跟蹤追往臣等以既得賊蹤必須趕出卡

外分兵兜剿臣楊芳帶領官兵令索文等帶路

星夜出卡臣長齡在卡劄營時已昏暮五鼓時

葉榮回報探得該逆直奔喀爾鐵蓋山臣長齡

當卽差官持令曉諭各隊官兵竭力追捕臣楊

芳連夜帶兵前進趕至喀爾鐵蓋山內追及賊

尾馬步爭先立斃賊匪二百餘人張逆在前佔

據半山率領馬賊三百餘人迎面衝突我兵排

槍抵敵人人奮勇臣楊芳先令馬隊官兵抄及

賊後阿勒罕保吉勒通阿蘇清阿慶安等分兩

路帶兵下壓該匪力不能支卽向山溝竄逸我

兵盡力追剿復斃賊匪三百餘人張逆在前僅

餘賊三十餘騎擁護上山胡超伊薩克向檢獲

平定回疆勦擒逆裔方略卷五十七

六

賊目依斯拉木素皮察克訊知張逆服色飛騎

力追山高路滑衆賊棄馬登山胡超額爾古倫

伊薩克等帶領官兵回子六七十名亦棄馬直

躡窮追斃賊五名餘賊奔竄張逆僅從賊匪十

餘名擲石回擊都司段永福及額爾古倫胡超

各帶兵追及山嶺該逆見勢急將自刎胡超段

永福錫伯馬甲訥松阿舒興阿兵丁楊發田大

武等奪刀生擒並生擒賊目八名餘賊勒殺無遺時已未正臣楊芳就於該處劄營分派各兵山內搜捕臣長齡聞報以官兵陟山追賊越一晝夜甚為奮勉辛勤飭令緩程入卡臣即先行回營安撫回衆謹遵

旨由八百里加緊馳奏紅旗上慰

宸廑並差

平定回疆勦擒逆裔方略卷五十七

七

乾清門侍衛副都統阿勒罕保星馳赴京代臣等

叩賀

天喜茲於初二日巳刻臣楊芳將張格爾解至大營

臣等訊據供稱自逃竄出卡帶領從賊到處游

奕原想勾結多人再來滋擾近聞喀什噶爾大

兵已撤糾約五百餘人入卡至阿爾圖什被黑

帽回子攔阻折竄出卡被擒現派副都御史誠

端副都統吉勒通阿祥雲保帶領凱撤吉林黑

龍江官兵一千名西安固原步兵一千名並令

伊薩克揀派五品伯克斯底克邁瑪特帶回子

十名沿途照料護送進京定於初六日起程前

進並咨會署陝甘總督鄂山於張逆進關後派

令文武大員帶兵沿途接替護送其原派凱撤

馬步官兵令該營將領管帶歸伍臣等現即檄

平定回疆勦擒逆裔方略卷五十七

六

諭浩罕布噶爾張逆已獲速將伊妻子並巴布

頂妻子玉素普父子送出俟其如何稟覆再為

奏

聞至此時張格爾業已生擒其餘善後事宜武隆阿

熟悉情形足資辦理惟該大臣病未痊愈應遵

前

旨令楊芳會同商辦一俟武隆阿步履得力楊芳亦

可凱撤進關臣愚昧之見那彥成似可無庸前

來臣一面具奏一面咨會那彥成緩程前進恭

候

諭旨遵行再副都統阿勒罕保打仗奮勇人亦明白

仰懇

天恩將該員留京當差可期得力

長齡楊芳武隆阿誠端蘇清阿奏言伏聞七德

平定回疆勦擒逆裔方略卷五十七

一九

遐宣迺聲鐘鼓五材並用爰製干戈有文治必

兼武功討叛原非勤遠繼

顯謨而昭

承烈安邊卽以衛民奮勇揚

神武之威唱凱頌

昇平之喜欽惟我

皇上德煥勳華

天錫智勇績

列祖

列宗之鴻緒壹戎衣而畿輔肅清咸來王來享以駿奔

率職貢而華夷誓服固已

道洽重熙

光被四表矣迺有逆裔張格爾者襲瑪哈墨特之餘

氛妄生逆焰以阿勒巴圖之賤族狡啟戎心謂

平定回疆勦擒逆裔方略卷五十七

二十

天蓋高或緩雷霆之擊據地以叛遂生鬼蜮之謀招

搖月囊之機槍燭惑花門之種類庚郵籤斷莎

車之四鎮咸驚戍校屯虛疏勒之孤軍遂困箕

尾壯山河之氣

憑靈身輕旄頭興風雨之妖罪深惡極始乘我師不

備肆憑陵而不突狼奔繼乃同族相戕縱貪淫

而鯨吞鴆合九嬰扇虐甘外

堯天三黜當鉏難竟

湯鉞湖自準鳴爾蕩平之後正霍集占叛亂之時烏

續翼而不解依人虎出柙而遽思負固我

高宗純皇帝殲渠掃穴柔遠懷來為

國家重立藩籬

聞新疆二萬餘里俾要荒盡登衽席涵

釀化六十八年逆祖波羅泥都自干叛殛逆父薩木薩

平定回疆勦擒逆裔卷五十七

主

克倖免孥誅不期未燼之灰乃發潛滋之蔓我

皇上赫然斯怒

召司馬以蒐兵

肅若臨軒射封狼而整旅垂天玉弩直指太白之

芒出塞金鏡大合飛黃之隊

選千城於列鎮萬馬臨邊

遣侍從之崇班千牛分衛山飛朱鳳盡影纓鳴劔

而來江繞黑龍威中壘射聲之彥

命臣長齡為揚威將軍臣楊遇春武隆阿泰贊軍務

吉日維戊

詔出甘泉軍令嚴申氣吞瀚海繩

十全之

聖武

御丹臺而

平定回疆勦擒逆裔卷五十七

主

策授十條揚萬里之

天威捧

彤矢而歡騰萬眾山皆失險崑都崙縱轡而馳河

欲斷流渾巴什投鞭竟渡先趨温宿捷偏師而

轉戰如飛徑取積中由間道而長驅直進非熊

非虎勇氣無前如火如荼軍容倍壯赤坂慰來

蘇之望牛酒爭持白題矜拒轍之雄螳車尚奮

威生神臂一時之明日齊機響佛廊四面之
火雲盡合屢奪狼頭之纛拔幟舉旗欲齊熊耳
之山斷戈棄甲勢成破竹未而捷已逾三
散若驚鳥思背城而戰難借一高墉不守爭超
堞以先登壯士長歌逐橫矛而竟入燕方巢幕
原撫已以知危鼠懼跳梁未浚辰而先竄

皇上週親裁批答

載示鞞鈴

照六幕以無遺早

炳先幾之鏡

計萬全而不爽

重頌決勝之符揚逐北之旌旗窮搜賊黨奮征西之

金鼓屢拔龍堆三受降城盡復黃圖之舊五折

衝校爭窮白狄之蹤躡狐羣如鷹隼排空度厲

平定回疆剿擒逆裔方略卷五十七

三

磧而驍騎開路銜枚疾進邊月微明拔柵爭先

陣雲忽起僕姑飲羽並穿長萬之顧狐父飛鉤

競斷蚩尤之臂附逆者孽由自作既落距以摧

牙懷德者誠有同歸遂連肩而接踵雖窮鱗匿

影尙偷延釜底之生而因獸空羣已盡化原中

之血驚坡注潤追奔踰百萬重山涉險絕幽深

入文二千餘里什克南輪枕負弩遠縛蕃酋帕

爾西重譯獻琛願為偵騎時

命楊遇春凱撤入關以臣楊芳參贊軍務繼又

命臣武隆阿為喀什噶爾參贊大臣臣誠端蘇清阿

為幫辦大臣秉

聖訓而策籌善後寓創於因勵戎行而士盡爭先以

防為捕方謂伏林妖鳥永避庭弓詎知被彈驚

禽又投天網恃安集延為牙爪拒比陰蝨結布

平定回疆剿擒逆裔方略卷五十七

四

魯特爲腹心噬同瘦狗復逞九頭之暴難稽一
面之誅於是萬隊之貔貅共奮風鶴皆驚四山
之風雨交鳴戈矛齊舉五窮五遁方將買日爲
生六甲六丁倏已自天而下振奇兵而迅擊氣
奪先零聽飛騎之傳呼生擒頽利此皆我
皇上智周離照

徹始終而盡有

平定回疆勦擒逆裔卷五

五

成謨是以各將士吉叶師貞秉

方略而聿收洪捷大鯤鯢而小梟獍駢頭殿後至
之誅左干戚而右簷鏡渠首就前驅之縛兵以
不得已而後用故致賊而必生罪至無可赦而
始誅乃行師而必克
抒九地九天之略允迪

前光宏

善繼

善施之謨丕揚

達孝開

九重之間闕敷傳

鳳閣椒花聽萬里之鏡歌

喜溢龍山燈火銀旛綵勝祥光爭耀於紅旗玉燭金

甌瑞氣常凝於

平定回疆勦擒逆裔卷五

五

紫陞從此九邊無事將買犢以耕耘萬馬不嘶盡解

鞍而蹀躞一路唱平羌之曲露布傳郵諸蕃傾

向日之誠星羅伏地望金牛而北嚮三十六國

歡呼有道

聖人頌天馬之西徠億萬千年慶衍無疆

皇祚均奏入

上諭內閣曰上年十二月逆裔張格爾糾約布魯特

獲人欲乘歲除潛入卡倫經長齡楊芳分帶官兵
 探聞該逆向阿爾圖什回莊前來因被黑帽回子
 四百餘人持械攔阻旋即折竄出卡楊芳帶領官
 兵連夜趕至卡外喀爾鐵蓋山內追及賊尾分路
 兜剿立斃賊匪二百餘人該逆在前率領馬賊三
 百餘人迎面衝突我兵排槍抵敵先令馬隊官兵
 抄及賊後領隊大臣阿勒罕保等復分路帶兵下
 壓賊匪向山溝逃竄我兵力追剿斃三百餘人僅
 剩馬賊三十餘騎擁護該逆上山總兵胡超等飛
 騎直前追捕山高路滑衆賊棄馬而上胡超等率
 領官兵回子亦棄馬窮追斃賊五名餘賊滾山逃
 竄復奔大梁該逆祇剩賊匪十餘名擲石回擊都
 可段永福及額爾古倫胡超各帶兵擁上山巔盡
 力追及該逆情急將欲自刎胡超段永福錫伯馬

平定回疆勦擒逆裔略卷五十七

毛

甲訥松阿舒與阿兵丁楊發田大武等奪刀生擒
 並獲賊目八名餘賊殲戮無遺飛章奏捷此皆仰

荷

祖

昊蒼加佑
 考垂庥俾得元兇就縛遺孽翦除洵足以安邊徼而快

平定回疆勦擒逆裔略卷五十七

天

人心朕寅感之餘與中外臣民同深慶幸長齡等
 統師進剿若能於克復喀什噶爾時就地擒渠其
 顯功不續當與兆惠阿桂後先媲美現遲至十月
 之久始將該逆擒獲功已稍次惟念該將軍等督
 率官兵不避艱險於卡外臨陣生擒巨寇檻送京
 師與檄諭外夷設計縛獻者迥不相同其在事將
 領官兵等爭先效命自保該將軍等督率有方仍
 當渥沛殊恩用昭懋獎長齡著加恩錫封威勇公

爵世襲罔替並賞戴寶石帽頂兩團龍補服授爲
 御前大臣賞用紫纒換戴雙眼花翎並解賜佩囊
 二件寶石頂一箇雙眼花翎一枝龍補一副白玉
 雙喜翎管一箇御用白玉搬指一箇白玉吉祥如
 意佩一件黃辨珊瑚豆大荷包一對小荷包四箇
 楊芳著加恩錫封果勇侯爵世襲罔替並賞用紫
 纒換戴雙眼花翎在御前侍衛上行走並頒賞雙
 眼花翎一枝白玉巴圖魯翎管一箇御用白玉壽
 字搬指一箇黃辨珊瑚豆大荷包一對小荷包四
 箇其子有無官職現年若干著查明具奏長齡楊
 芳並開復一切處分楊遇春武隆阿雖未與其事
 惟前曾督兵進剿克復四城此時首逆就擒大功
 告蒞亦應量予恩施楊遇春武隆阿任內一切處
 分悉予開復總兵胡超著加提督銜賞給騎都尉

平定回疆勦擒逆裔卷七

三

世職並頒賞白玉翎管一箇白玉搬指一箇大荷
 包一對小荷包四箇總管額爾古倫著賞加副都
 統銜都司段永福著賞給雲騎尉世職仍以叅將
 卽行升用並頒賞白玉翎管一箇白玉搬指一箇
 大荷包一對小荷包四箇馬甲訥松阿著賞給佩
 勇巴圖魯名號舒興阿著賞給紹勇巴圖魯名號
 俱仍以防禦卽用兵丁楊發著賞給直勇巴圖魯
 名號田大武者賞給確勇巴圖魯名號俱仍以守
 備卽用以上四員均照例賞戴花翎貝子伊薩克
 自軍興以來諸事奮勉實心出力茲復帶領回衆
 隨同楊芳等出卡擒賊忠勤可嘉著加恩晉封郡
 王並頒賞白玉翎管一箇白玉搬指一箇大荷包
 一對小荷包四箇所有在事出力官弁兵丁著查
 明秉公保奏候朕施恩其攔阻張逆之黑帽回子

平定回疆勦擒逆裔卷七

三

四百餘人及隨同伊薩克出卡回子者長齡等查明分別從重獎賞現據該將軍派誠端等押解張逆來京進關後著沿途督撫派令文武大員帶兵按站接替護送無稍疎虞長齡自赴回疆總統軍務宣力年餘今得蒞此大功旋師奏凱著俟那彥成到彼將善後一切事宜詳細交代即迅速來京展覲以慰廬懷將此宣諭中外知之

平定回疆勦擒逆裔略卷五十七

臣等謹案準噶爾回部自乾隆己卯平定功

成

高宗純皇帝聖製告成太學碑文

垂訓曰後世其何以心

上蒼之心志

列祖之志勉繼繩於有永保丕基於無窮伏讀

聖製實豫定今日

皇上之誠能敬

天

孝能法

祖繩繩繼繼永保丕基當張逆兇醜方堪川動

皇上赫然震怒

命將出師

默受機宜

平定回疆勦擒逆裔略卷五十七

親裁批答迨四城全復而首惡潛逃

諭之以勦堵兼施

責之以檢渠自效

屏分封之妄議

握獨斷於先幾蓋以

祖

宗已平之疆宇不徒示以羈縻而人神共憤之渠魁必

宜加之翦戮用是師武臣同心合力不敢怠

遑聞歲盡而入卡潛來卽星馳而分途競赴

衆入其阻者定我功遂於丁亥除夕揜於喀

爾鐵蓋山非徒斬馘於行間且使生俘於

調下湖上年五月

降旨酌撤征兵會

諭以張逆荼毒生民斷無久逃天網之理

平定回疆方略卷七

五

神機獨照

聖算旋符此皆

愛民勤政上格

穹蒼

奮武揆文丕承

謨

烈以故昭茲

盛軌允迪

前光由是

懋賞酬庸

豐碑記績

告成

天

祖

平定回疆方略卷七

五

歸善

慈闈懿鑠乎我大清億萬年無疆之盛烈也豈_臣等所

能贊揚萬一哉

上又命軍機大臣傳諭那彥成長齡日昨據長齡等

馳奏張逆已於除夕生擒檻送京師派誠端吉勒

通阿祥雲保帶領吉林黑龍江官兵押解前來東

三省官兵已經全撤哈朗阿無須再往軍營著那

彥成於何處接奉此旨卽傳知該都統會同誠端
 等押解張逆來京前據那彥成奏留吉勒通阿赴
 喀什噶爾差委現經長齡派令押解張逆亦卽令
 其來京無庸再行帶往現在逆首雖已就擒其善
 後事宜尙須妥爲籌辦本日已降旨令長齡於交
 卸後作速來京那彥成仍當遵速前赴喀什噶爾
 與長齡會晤以便長齡將一切經手事件面爲交
 代卽帶揚威將軍印信起程回京該督與楊芳武
 隆阿務將應辦善後各事妥協經理以副委任
 命仍以武隆阿爲喀什噶爾叅贊大臣
 長齡等疏奏官兵剿賊時
 關帝屢昭靈佑請
 欽加徽號
 上諭內閣曰我朝定鼎以來

關帝屢彰靈佑昨據長齡等奏上年張格爾煽亂遣
 其逆黨擾近阿克蘇當官兵衝擊之時陡起大風
 塵沙飛揚該逆等遙見紅光燭天遂被殲擒又長
 齡等督兵進剿師次渾河沿該逆等竟夜擾營風
 起猛烈官兵乘風衝賊俘馘無算次早接仗時據
 活賊僉供又見紅光中兵馬高大不能抵敵卽各
 竄逸此皆仰賴
 關帝威靈顯赫默禱賊魄用克生擒巨憝永靖邊圉
 必應加展誠敬以期億萬年護國安民著禮部擬
 加封號數字具奏用答
 神庥
 臣等謹案周內史過有言德足以昭其馨香
 惠足以和其民人故明神降之而均布福
 皇上德被無垠

惠字元吉萬靈錫衛西裔安恬張格爾以逋竄餘生

不思

覆載之寬自速神明之殛爰申

天討罔敵我師

靈貺屢彰紅光再見神人共效助順昭然敬溯嘉慶

十八年九秋之警

神槍親御

平定回疆勦擒逆裔略卷五十七

毛

眷佑攸隆今茲平定西陲

靈威復著自

天申命受福無疆

皇上聖懷謙挹保泰持盈成功不居歸之

神力崇封聿登昭事益虔誠億萬年護國安民永享

昇平之福也臣等不勝欣幸欽感之至

功成甄敘

上諭內閣曰據長齡等由八百里加緊馳奏生擒首

逆張格爾捷音所有奏事處接報員外郎與保著

賞戴花翎兵部捷報處總辦郎中恩齡著賞戴花

翎候補主事恒祥著賞戴藍翎遇有該部主事缺

出卽行補用筆帖式慶毓候補筆帖式惠昌俱著

交部議敘遞送軍報之迎龍觀軍臺把總羅恩普

著以千總升用其自軍營至京沿途各驛站文武

平定回疆勦擒逆裔略卷五十七

天

員弁著該督撫查明咨部分別議敘驛站兵夫亦

著酌量給賞

上又諭內閣曰署陝甘總督陝西巡撫鄂山山西巡

撫盧坤自軍興以來督辦糧臺轉運不遺餘力及

凱撤官兵過境鄂山等辦理差務悉臻妥協且喀

什噶爾軍營尚有留防官兵一萬八千名均已豫

籌經費無誤接濟實屬始終勤奮前已降旨施恩

現在首逆就擒大功告成鄂山盧坤俱著加恩賞
給頭品頂帶



欽定平定回疆勦擒逆裔方略卷五十七

道光八年春正月甲子

勅議葉爾羌建築城垣徵收糧賦

葉爾羌辦事大臣恒敬等奏言查葉爾羌滿洲

城本在回城西隅地勢偏仄難以守禦衙署倉

庫兵房俱被拆毀臣到任後會同臣札克桑阿

勘得舊城迤西三里許之罕那里克地方地勢

高阜控衝帶水即畫定界址於十月十一日興

工城內關廂建蓋兵房四百八十間衙署倉庫

亦照舊建造此外大小卡倫各處軍臺均添兵

防守嚴查出入亦俱修葺房屋俾資棲止城垣

係用土築工程較省所需採買木料以及匠役

工價業經奏明在於抄獲葉爾羌逆屬銀內及

撥充叛產變價項下籌撥現值隆冬暫停工作先將

木料運工一俟春融卽趕緊興修務期城垣高厚永鎮邊陲新城所佔回子田地俱於叛產銀內發價另置以安耕牧其將來議設防兵八千名歲需糧四萬四千餘石除喀什噶爾已將積增入戶田地查辦籌糧三萬餘石足敷該城五千防兵口食外各城自應一體籌備^臣等伏查葉爾羌原額歲徵糧二萬一千餘石向以棉花布疋抵交三分之二所折布疋係解伊犁應用本城每歲淨收糧七千餘石爲本城原設防兵八百餘名食用逐年尙有盈餘今加添防兵不敷供支自須籌備現查回戶生齒日繁較昔年平定之初增至一十一萬六千八百餘名續墾官荒卽照較輕之阿勒板科則量減升科所增糧石供支本城防兵二千名口食有盈無絀其

平定回疆勦擒逆裔方略卷五十六

二

以前隱匿未報之戶懇

恩免究回戶實皆知感樂從至暫留防兵一萬八千名需糧更多亦當通籌有備茲於屬境西北隅墾出荒地一百餘里地土肥饒引水尙易擬俟來春官爲借給籽種牛具招令無業回民開墾惟試種伊始不得不從寬籌計^臣等咨商長齡擬將舊額折收布疋暫停一年全徵本色統計新舊歲徵糧三萬餘石俟重兵減撤仍復舊制伊犁來年所需布疋現在該處派員分投採買尙不致有短缺奏入

上命軍機大臣傳諭那彥成恒敬札克柔阿日前據長齡等奏移建葉爾羌英吉沙爾兩處城垣衙署朕以該二處祇因隔住回城一隅非喀什噶爾情形可比自應修復故城不必另費周章當經諭令

平定回疆勦擒逆裔方略卷五十六

三

那彥成於經過時悉心察看茲據恒敬等奏葉爾羌舊城迤西罕那里克地方業已勘定界址先築城基著暫行停辦仍俟那彥成到彼相度形勢定議具奏候旨辦理至所稱查出續墾官荒田地照較輕之阿勒板科則量減升科每歲增糧九千餘石合之原額歲徵糧七千餘石足供防兵二千名口食卽照所議辦理其從前隱匿未報之戶著免其查究又所稱於屬境西北隅墾出荒地一百餘里地土肥饒引水尙易著照所議試墾其舊額糧石內折收布疋暫停一年全徵本色一節該城歲徵糧石向以布棉抵交三分之二今全徵本色是否不至苦累回民亦著那彥成悉心體察情形妥議具奏

恒敬疏奏由烏什帶赴喀什噶爾差遣官吏前

此烏什軍務告竣未經保列懇予一體鼓勵得旨甘肅寧夏鎮標藍翎千總署守備趙鈺著以守備卽用先換頂帶未滿吏尤聯陞景文明俱著以從九品未入流籤掣給照仍扣滿五年歸部卽選印房貼寫烏魯木齊馬甲訥沁布著以本營委前鋒校拔補

乙丑

晉錫軍機大臣等有差殊諭曰自道光六年喀什噶爾用兵以來軍機大臣曹振鏞等佐朕運籌軍務夙夜勤勞承書諭旨鉅細無遺去歲因四城雖復首逆未獲曾經稍示恩榮朕意未愜茲元兇生獲紅旗報捷軍機大臣等尤當再沛恩施用昭獎勵大學士曹振鏞著晉加太傅銜賞用紫纒吏部尙書文孚著晉加太子太

傳銜賞用紫纒戶部尙書王鼎著賞戴花翎兵部
尙書玉麟著晉加太子太保銜工部尙書穆彰阿
著晉加太子少保銜卽在軍機大臣上行走仍俱
著照軍功交部議敘其滿漢軍機章京等著軍機
大臣編列一二三等候旨施恩

丙寅

晉錫廷臣有差

平定國勳績彙考卷五八

六

上諭內閣曰自道光六年逆回張格爾入卡滋事經
朕命將出師天戈所指克復四城因首逆竄逃留
兵防剿昨據長齡等將巨憨生擒紅旗奏捷此次
用兵道途寫遠調派需時迺非內地可比計收復
四城以至生獲首逆爲期僅閱十有一月辦理尚
爲迅速現在回疆底定永靖邊陲朕與天下臣民
同深慶幸在廷諸臣允宜渥沛恩施大學士托津

平定國勳績彙考卷六

七

著賞還紫纒大學士兩江總督蔣攸銛軍興時尙
在軍機大臣上行走襄贊機務頗著勤勞著晉加
太子太傅銜協辦大學士尙書富俊著交部議敘
協辦大學士尙書盧蔭溥兼管順天府尹支應兵
差妥速無誤著與府尹何凌漢俱交部議敘戶部
兵部堂官或籌備餉需或督辦軍報均臻妥協除
戶部尙書王鼎兵部尙書玉麟業經加恩外所有
戶兵二部堂官俱著交部議敘熱河都統英和前
在戶部尙書任內於軍餉一切悉心籌畫甚爲出
力著賞還太子太保銜以示嘉獎
恩賚王貝勒大臣等有差

上諭內閣曰昨因西陲紅旗奏捷軍務蒞功業將在
廷臣工分別施恩諸王貝勒等分屬宗親誼關休
戚允宜同被恩綸用昭篤眷儀親王瑞親王綿忻

定親王奕紹惇郡王綿愷慶郡王綿懋俱著賞給
紀錄四次鄭親王烏爾恭阿肅親王敬敏克勤郡
王尙格郡王銜貝勒綿志貝勒綿譽御前侍衛載
銓俱著賞給紀錄二次御前大臣禧恩瑪呢巴達
喇內廷翊衛夙夜勤勞亦應一體恩賚禧恩著賞
加太子少保銜瑪呢巴達喇著賞加郡王銜並賞
給四團龍補服支食貝勒全俸以示朕嘉賞成功
覃敷闡澤至意

恩賚內外扎薩克蒙古王公等有差

上諭內閣曰上年內外扎薩克蒙古王公及呼圖克
圖等屢貢駝馬以備軍需曾經交部議敘並分別
賞給緞疋今首逆生擒大功告厥該王公等允宜
酌量加恩阿拉善王瑪哈巴拉貝子綸布多爾濟
扎薩克圖汗三音諾顏兩部落之汗王貝勒貝子

公扎薩克台吉杜爾伯特汗濟旺巴勒楚克土爾
扈特王散達克多爾濟和碩特扎薩克台吉佈彥
克什克等均著交理藩院分別議敘額爾德尼班
第達呼圖克圖喇嘛等均著分別賞給緞疋以示
朕優賚蒙古臣僕之至意

諭賞在京隨班慶賀之科爾沁圖謝圖親王諾爾布
琳沁車臣汗阿爾塔錫達喀喇沁親王銜郡王滿
珠巴咱爾巴琳郡王那木吉勒旺楚克敖漢公那
木扎勒多爾濟喀爾沁公瑪哈巴拉俸各半年
通諭內外扎薩克蒙古王公台吉呼圖克圖等毋庸
來京叩賀

諭庫倫辦事大臣喀爾喀扎薩克貝子綸布多爾濟
頒賞哲布尊丹巴呼圖克圖黃哈達並宣示紅旗
捷奏

諭駐藏大臣惠顯廣慶頒賞達賴喇嘛班禪額爾德

尼黃哈達並宣示紅旗捷奏

命實授楊遇春陝甘總督

上諭內閣曰楊遇春自簡署陝甘總督以來辦理諸

務悉臻妥協前因逆回滋事授為叅贊大臣差赴

軍營上年進兵克復喀什噶爾英吉沙爾葉爾羌

皆係楊遇春身親統率其派委將領收復和闐亦

平定回疆勦擒逆裔卷五十八

十一

復調度有方實為盡心出力著加恩實授陝甘總

督

命欽差大臣那彥成仍赴軍營

那彥成奏言臣於安西途次適遇紅旗喜報知

張逆就獲所有善後事宜長齡等悉心籌畫自

已得有端緒此時元惡已擒其心益定更可措

置裕如惟臣在京時面請

訓示如果首逆伏誅是否仍行前往仰蒙

恩諭卽首逆就獲亦著前往會辦善後事宜自應欽

遵前奉

諭旨仍赴軍營但先後奏帶文武各員應分別飭令

回任軍機章京戶部郎中阿達順先令回京供

職提督齊慎本係奉

旨回籍守制之員應卽令其回籍俟百日服闋來京

平定回疆勦擒逆裔卷五十八

十二

陛見長蘆運司札隆阿大名府知府壁昌直隸叅將

興安保遊擊萬祥甘肅大靖營遊擊米光元陝

西靖遠營都司向榮均有本任職守已分別檄

飭回任所帶直隸陝甘千把外委兵丁酌留三

四十名其餘一百餘人分交興安保米光元等

管帶各歸原伍直隸河間府同知漢城西安協

領德惠直隸保定營都司郝永泰守備劉正及

酌留千把外委等隨同臣赴喀什噶爾以資任

使又經鄂山奏派隨營之寧夏府知府武凌漢

現亦飭令回省前經奉

旨飭調之伊犁領隊大臣布彥泰亦應一併停止已

飭知該員無庸前往

那彥成又奏言此次張逆滋事仰蒙

皇上特命長齡督兵征勦仰承

平定回疆勦擒逆裔方略卷五十五

三

廟算不旋踵而擒厥渠魁自始至終克肩鉅任所有

善後事宜先因張逆竄逸屢奉

諭旨飭催或未能堅持定見有須奈議茲要逆就擒

心有把握益可措置裕如况回衆經張逆貪淫

苦虐衆心已寒更加震懾

天威心膽俱落此時善後惟以撫恤瘡痍為務諸事

仍循其舊亦可底於長治久安若臣拘泥前奉

諭旨仍赴軍營會辦在長齡籌畫章程已將完備度

亦無甚紛更若就此折回又以面奉

恩諭不敢效半途之廢臣現在行抵安西距嘉峪關

六站擬先折回關上照料飭歸原伍各官兵分

起回營之便即恭候

諭旨如蒙

恩仍令前往則加站行走亦於三月內可到於行期

平定回疆勦擒逆裔方略卷五十五

三

並無耽延或奉

命回直即當就彼回京所有臣奏帶文武員弁及

欽派侍衛各員為數較多已分別飭令回任回營隨

行糧臺亦一律裁撤以節糜費奏入

上命軍機大臣傳諭日前據長齡等奏生擒首逆紅

旗報捷克成大功朕忻慶之懷莫能名狀現在善

後一切事宜尚須妥為經理業經降旨令那彥成

迅速馳往並令長齡詳細交代卽行來京展覲那
彥成接奉此旨仍著趕緊馳赴喀什噶爾會同楊
芳妥辦以便長齡交代起程欽差大臣關防仍卽
帶往鈐用容照仍著隨侍前往至此時軍務雖竣
仍有需員差遣之處伊宰領隊大臣布彥泰乾清
門頭等侍衛舒倫保三等侍衛貴成大名府知府
壁昌並該督奏請帶往之河間府同知漢城西安
協領德惠直隸都司郝永泰守備劉正並酌留直
隸陝甘千把外委等俱著那彥成帶往以資任使
其餘文武各員弁俱著回任兵丁飭令歸伍

平定回疆勦擒逆裔方略卷五十六

古

諭勒阿克蘇增築城垣

阿克蘇辦事大臣長清奏言阿克蘇舊設土城
周僅一里衙署倉廩錢局兵房而外再無隙地
自軍興後暫於四關廂開挖深濠堆貯軍糧軍

火器械究非經久之計且查長齡前奏阿克蘇
酌添兵一千名雖暫久未能豫定亦應建蓋兵
房以資棲止臣相度地勢阿克蘇西門外近城
隙地甚多若於西南隅至西北隅另加外郭工
程尙易辦理所估房屋按間給價量加改造堆
貯官物較之現在散貯城外似昭慎重勘定外
郭高寬丈尺及建築礮臺修造城樓兵房軍臺
等工共估需銀四千五百餘兩請於軍需項下
動用奏入

平定回疆勦擒逆裔方略卷五十六

五

上命軍機大臣傳諭那彥成長清曰阿克蘇展寬城
垣修建兵房自係應辦之工惟應否於現在勘定
處所增築修建著那彥成到彼悉心相度妥議具
奏再行分別辦理

長清又奏言查軍需銀兩阿克蘇係總匯之區

凡肅州軍需局撥解餉銀均歸阿克蘇分別轉
 解支發除起解在途尙未解到銀一十四萬三
 千七百餘兩外計自軍興起截至本年十二月
 二十日止共領解銀四百九十五萬六千二百
 餘兩數與甘肅撥解總數相符又提督達凌阿
 自烏魯木齊帶交銀三萬兩喀喇沙爾辦事大
 臣巴哈布用剩移交銀七千二百二十五兩零
 伊犁軍糧變價銀一千七百五十兩統收軍需
 銀四百九十九萬五千一百餘兩內除轉解喀
 什噶爾軍營及撥解烏什葉爾羌和闐等城並
 糧員在局承領共銀三百七十二萬六千一百
 七十七兩零臣現將支發細數分晰造冊咨送
 署陝甘總督鄂山綜覈辦理其餘銀一百二十
 六萬九千六百兩零歸入阿克蘇軍需局內支

平定回疆勦擒逆裔方略卷五十六

十六

發官兵鹽菜駝價俸賞行裝採買糧料及轉運
 糧餉軍火器械並應付凱撤各事宜尙不敷用
 銀七千三百餘兩在於例扣平餘項下動支自
 九月底撤局之後逐日帶同妥員按款鈎稽分
 別造報完竣委員將冊卷解送蘭州總局復加
 稽覈彙齊具題至十月初一日以後解到銀兩
 每月酌留防兵鹽菜駝價運腳銀一萬餘兩以
 備支用餘俱盡數轉解喀什噶爾軍營奏入報
 聞
 長清復保奏原任太原府知府沈琮派司局務
 任勞任怨或予開復或加錄用顯懇
 恩施
 上諭內閣曰原任太原府知府沈琮因審辦閩思虎
 一案錯謬革職發往新疆效力前經英惠派赴阿

平定回疆勦擒逆裔方略卷五十六

十七

克蘇辦理文案糧餉事務副長清等保奏該員出力賞給七品頂帶送部引見已足以償其微勞茲長清復以該員到處俱著循聲誠實可靠奏請再予恩施殊屬冒昧試思該員於閩思虎強姦趙二姑重案既失察屬員賄囑各情又復親審不實刑逼勒結有心迴護誠實可靠之人豈應如是此而謂之循聲卓著該大臣豈非矛盾其詞乎沈琮現已回烏魯木齊著仍遵前旨送部引見所奏著不准行

平定回疆勦擒逆裔方略卷五十六

六

丁卯

甄敘軍機章京等有差

上諭內閣曰昨降旨令軍機大臣將滿漢軍機章京等編列等第候旨施恩茲據分別開單具奏其擬列一等六員內除趙盛奎已有花翎外四品銜光

祿寺少卿吳孝銘戶部郎中阿達順俱著加恩賞戴花翎候補四品京堂趙盛奎刑部郎中何增元吏部員外郎平慶理藩院主事賽尙阿俱著加恩交部照軍功例從優議敘其擬列二等之滿洲章京戶部郎中成貴內閣侍讀福英阿戶部候補主事文明理藩院主事岳齡內閣中書英桂刑部筆帖式玉崑理藩院筆帖式松林兵部員外郎達興阿戶部主事春和內閣候補中書文俊工部候補主事惠麟兵部候補主事文丕漢章京刑部員外郎孫蘭枝刑部郎中錢廷熊刑部員外郎馬光瀾戶部員外郎俞誦芬工部員外郎傅繩勛內閣中書朱遠吉戶部主事張祥河兵部候補主事龍汝言兵部主事周濤內閣中書汪元爵刑部候補主事徐思荃俱著加恩交部照軍功例議敘其行走

平定回疆勦擒逆裔方略卷五十六

九

資淺擬列三等之滿洲章京理藩院候補筆帖式
熙成工部筆帖式桂德漢章京內閣候補中書方
銘彝工部候補主事鄭喬林吏部候補主事許球
俱著加恩各賞大緞一疋由廣儲司給發以示獎
勵

戊辰

甄敘奏事處官員

平定回疆勦擒逆裔卷五十五

三

上諭內閣曰奏事處接遞喜報之員外郎興保昨已
賞戴花翎此外行走各員年來接遞軍報亦有微
勞所有署奏事領班內閣學士裕誠奏事處郎中
克明額員外郎恩麟侍讀吉爾敏員外郎伊克精
額長山俱著交部議敘

己巳

上命軍機大臣傳諭那彥成日前降旨命那彥成馳

赴喀什噶爾會同楊芳辦理善後事宜以便長齡
來京展覲惟現在首逆就擒大功告成善後事宜
是否尚須楊芳在彼幫辦著該督察看情形據實
具奏如無須楊芳暫留即傳旨著與長齡一同來
京

庚午

賞陝甘總督楊遇春用紫緞

平定回疆勦擒逆裔卷五十五

三

恩賚章嘉呼圖克圖等

上諭內閣曰章嘉呼圖克圖敏卓爾呼圖克圖經卷
熟習掌喇嘛印務有年辦理一切俱屬妥協茲當
首逆生擒大功告成蒙古王公呼圖克圖等俱已
量予恩施章嘉呼圖克圖著加恩賞用前世所得
印記並賞坐金頂轎敏卓爾呼圖克圖著加恩賞
用貂皮坐褥紅色坐褥以示嘉賚

欽定平定回疆勦擒逆裔方略卷之

道光八年春二月辛未朔

陝甘總督楊遇春疏奏縣丞艾椿年陳光蘭前

此隨赴軍營辦理文案始終出力且熟悉甘肅

地方情形請留該省差遣得

旨艾椿年陳光蘭准其留於該省遇有甘肅縣丞缺

出酌量咨補

平定回疆勦擒逆裔方略卷五十九

勅諭署陝甘總督鄂山交卸督篆暫留甘肅督辦軍

需需報銷全竣再行奏明回任

壬申

命修告功典禮

上諭內閣曰回疆遠在西陲徵調未易集事前此逆

裔張格爾入卡煽亂各處官兵應援不及遂被該

逆竊據四城生靈遭其荼毒甚至我大臣官兵效

命捐軀慘罹鋒鏑實為天討所必誅自長齡等於

上年二月間督兵進剿三戰皆捷未及月四城

以次蕩平固已大張國威稍紓眾憤惟逆黨雖就

駢誅而兇渠尙稽顯戮是遺孽一日不除則軍務

一日不竣屢經勅諭該將軍等妥籌善後仍一面

設法擒渠以期迅速蕪功昨長齡等露布馳奏元

惡生擒從此邊徼又安外夷警服宜修告功之典

平定回疆勦擒逆裔方略卷五十九

用昭寅威之誠本年孟夏時享

天廟及

常雩

方澤大祀朕將躬展明禋其飭所司於諸大祀祝冊內

敬舉受釐宣捷之忱用申虔告恭惟盛京

三陵禮應親詣叩謝惟念畿輔陪京地方應付東三省

凱撤官兵尙未竣事恐蹕路所經重勞民力宜先

遣親王前往恭代行禮

東陵

西陵朕於九月間敬詣展謁仲秋恭祀

社稷壇亦當親詣將事並著於祝文內敬載申悃其應

行禮儀及此外一切典禮各該衙門察例以聞

臣等謹案王者恩威所播統華夏以同欽功

德所昭合神人而允洽此禎化之肇天討所

平定回疆勦擒逆裔略卷五十九

三

以必申而受釐之原武成所以大告也我

皇上以逆回肆逞不得已而用兵

命將邁征未逾年而奏克

樞鈐在握撤凱旅於幾先

引養為懷策全模於善後遂致元孫自投法網助順

者

天心邊陲永奠金甌宣昭者

聖武宜奉寅虔之告實推

眷佑之隆於是肇假

廟之明禋肅升

壇於

諸祀

陪京豐鎬豫申遣告於

三陵

平定回疆勦擒逆裔略卷五十九

四

蹕路西東

親展謁忱於九月惟

聖人能享

帝陳祝史無愧辭鉅典楹儀懿今錄古總由我

皇上本保泰持盈之念垂久安長治之規是用昭格

昊穹和恒寘寓非如鬼方之伐徒稱述于殷宗淮夷之

來僅賡吟于周代已也

癸酉

伊犁奏留委員暫緩赴部

德英阿奏言伊犁理事同知達春布才具開展

辦事認真上年辦理軍需出力經臣奏奉

諭旨於升署三年期滿後送部引

見以六部員外郎即用本年正月十六日該員三年

期滿應送部引

平定回疆勦擒逆裔卷五十九

五

見惟刻下南路辦理善後事宜該員派委經手事件

尚未完竣一時難以更換若將該員奏留伊犁

委用又以母老不得遂其烏私合無仰懇

天恩飭部遵奉前

旨以六部員外郎即用侯銓選得缺再行給咨補行

引

見奏入

上從之

阿克蘇庫車籌計兵精

庫車辦事大臣那彥實阿克蘇辦事大臣長清

奏言臣等前奉

諭旨將烏魯木齊起運在途之糧仍運至阿克蘇庫

車存貯伏查轉運存貯之糧原為暫留防兵接

濟現今首逆就獲捷報紅旗所留防兵自可陸

平定回疆勦擒逆裔卷五十九

六

續凱撤即遵前

旨以八千名為率所需口糧已減一倍有餘四城採

買自可敷用無需由阿克蘇運往查庫車阿克

蘇二城存貯糧內有粟米一項其質不堪久貯

且本年豁免之糧尚應補買現在大兵不日凱

撤阿克蘇庫車分貯之糧已及三萬餘石除供

支凱撤官兵口糧外尚有餘存請將阿克蘇庫

其本年應行買補兵糧卽以所存粟米小麥內
照數劃出豫備支放並咨行喀喇沙爾亦將應
每採買之糧照額截留支放兵食毋庸運送以
省運腳奏入得

旨照所請行

甲戌

勅諭擒拏逆黨逆屬機宜

平定回疆勦擒逆裔卷五十九

七

長齡楊芳武隆阿奏言_臣等前於喀爾鐵蓋山

生擒首逆同時擒獲之賊目依斯拉木素皮察

克等十五名又探信新兵劉全賢拏獲賊匪熱

瑪呼里等二十名又遣犯劉添柱在奇里克愛

曼拏獲賊目托胡沙巴底等九名又阿爾古阿

爾圖什兩莊回子拏送賊匪鄂斯滿等三十五

名統計前後擒獲活賊六十一名_臣等連日

別嚴訊究出邁瑪特玉素普依斯拉木素皮察

克呼達雅爾邁瑪述古爾依納克托胡沙巴底

尼雅仔買提薩提巴爾底玉素普巴依等賊目

九名均係久經從逆屢次督賊抗拒官兵復勾

結布魯特助逆屬實其餘賊匪鄂斯滿等五十

三名內安集延二十二名布魯特六名逆回二

十四名有向隨張逆者有同逃出卡者所供與

平定回疆勦擒逆裔卷五十九

八

張逆大略相同均係罪大惡極當於訊明後先

將鄂斯滿等五十二犯正法其賊目邁瑪特玉

素普等九犯_臣等帶赴昭忠祠前盡法凌遲摘

心致祭以慰忠魂_臣等前奏張格爾供詞有阿

坦查布魯特三百餘人不敢進卡是以遣回之

語查阿坦台等所遣布魯特雖未隨同進卡但

該匪窩留張逆數月並不拏獻明係首鼠兩端

狡詐叵測實堪痛恨亟應剿除以彰

國法惟阿坦台等所住托古斯托羅地方距卡

千餘里窮荒絕域不值勞我師旅臣等前於擒

獲張格爾後卽行分飭就近各布魯特等令其

設法拏送茲據汰劣克伊里斯曼底差人稟稱

此次張格爾進卡實係差探之錫伯馬甲色布

星額等向伊等相商促之使來以便官兵易於

擒捕又稱窩留張逆係阿坦台一人主見今聞

張格爾被擒業經遠竄不知去向臣等現檄令

轉諭阿坦台如將逃散零賊設法擒獻卽當奏

明免其前罪儻伊敢再推延爾等卽行拏送自

有重賞飭令來使迅卽持檄旋回竊以此等外

夷但使其知威知懼原不必盡以法繩再查首

逆張格爾業已生擒解京其善後事宜及應留

平定回疆勦擒逆裔卷五十九

九

官兵臣等現在會同妥議另摺具奏至前留吉

林黑龍江官兵一千名已令護解首逆凱撤進

關烏魯木齊馬隊五百名現飭達凌阿管帶回

營伊犁應撤馬兵一千名令碩隆武管帶回營

哈朗阿卽可毋庸前來奏入

上命軍機大臣傳諭長齡楊芳武隆阿曰此次在喀

爾鐵蓋山生擒賊目及陸續搜獲活賊概予駢誅

誣將賊目邁瑪特玉素普等九犯於昭忠祠前盡

法處治摘心致祭忠魂庶可稍紓積憤惟叛逆伯

克博巴克與邁瑪特呢雅斯等俱係逆裔親信夥

黨得受僞職前由浩罕逃往尋張逆又於途次

迎拒傷及官兵必應查拏務獲盡法懲辦以申國

憲現在首逆就擒餘黨悉獲而博巴克等逆賊尙

在稽誅曾否查有下落諒總不過在近卡各部落

平定回疆勦擒逆裔卷五十九

十

藏匿務當設法擒捕更不值動用大兵至所奏阿
坦台聞知張逆被獲業經遠竄該將軍檄諭汰劣
克等責令阿坦台搜捕零賊贖其前罪但使其知
感知懼不必盡以法繩所見極是前此該將軍等
因張逆家屬及玉素普尙在浩罕布噶爾地方檄
諭該部落令其送出如果畏我兵威遵檄解送盡
絕根株因屬妥善儻竟有意觀望亦不值與之相
較但當明白宣諭以張格爾入卡肆逆現已生擒
檻送京師明正其罪國法用申其家屬潛匿外夷
苟全生命無足重輕爾等部落能知大義悉行縛
獻固見惻忱卽力有不能天朝亦不以區區逆回
子女重勞師旅壓境搜拏致沿途恭順各部落驚
懼滋擾長齡等當善體此意傳檄前往斷不可令
其窺我虛實或別生枝節重費周章也此時那彥

成已經出關長齡計算該督何時可抵喀什噶爾
該將軍何時可以交代起程何時可以到京先期
由六百里覆奏以慰廬盼
長齡楊芳疏奏軍營出有副將等缺請以唐倬
劉鳳翥等遞相調用拔補
長齡楊芳保奏生擒首逆出力員弁兵回並辦
理糧臺道員等請加鼓勵
上諭內閣曰前據長齡等紅旗奏報所有出卡擒逆
最爲出力之副將胡超都司段永福馬甲訥松阿
舒興阿馬兵楊發田大武及貝子伊薩克業經朕
渥沛殊恩較長齡等所保尤爲優厚無庸再議其
頭等出力兵回該將軍等分別酌賞銀兩並將官
兵出力相等者酌給六七品頂帶所辦俱是藍翎
把總龍澤厚趙秉禧李祥陳倬魁徐宦趙良資俱

著以千總遇缺卽補賞換花翎伊犁錫伯馬甲色
 布星額沙精阿布揚阿俱著以驍騎校遇缺卽補
 賞戴花翎山東充沂曹濟道楊翼武前經賞加按
 察使銜著遇有按察使缺出軍機大臣提奏喀什
 噶爾幫辦大臣蘇清阿著賞給鼐勇巴圖魯名號
 吉林副都統吉勒通阿著賞給禦勇巴圖魯名號
 伊犁協領阿精阿著賞給爽勇巴圖魯名號察哈
 爾總管烏齊拉爾著賞給迭勇巴圖魯名號黑龍
 江佐領阿勒吉訥著賞給敘勇巴圖魯名號吉林
 協領伊勒東阿著賞加副都統銜記名總兵甘肅
 副將郭繼昌著交軍機處遇有總兵缺出一體進
 單候旨簡放副將馬金魁著賞加總兵銜吉林防
 禦色布青額驍騎校富隆阿委防禦蘇勒芳阿舒
 當阿筆帖式蘇隆阿阿爾綳阿領催達冲阿前鋒

平定回疆勦擒逆裔卷五十九

三

果齊斯歡伊犁筆帖式西拉本賽圖甘肅都司馬
 聯陞陝西守備袁朴楊占魁甘肅守備楊作舟徐
 建功陝西千總馬騰蛟甘肅千總賈文秀戴如棟
 王貴凌長星萬世林李大成俱著賞戴花翎吉林
 佐領德克精額黑龍江佐領敦保界漢察伊犁防
 禦西拉布呢克通阿格綳額錫伯驍騎校岳興阿
 索倫驍騎校佛爾精布陝西守備車鑑俱著賞戴
 花翎吉林額外驍騎校賽尙阿領催台祿葉布鏗
 額恩車合訥六十一前鋒札薩泰委官蘇清德福
 勒洪阿馬甲果興額德春七十九富里爾蘇占保
 嘎布與阿黑龍江驍騎校額爾金布額外驍騎校
 舒凌阿領催成山松伸保塔尼保前鋒德明阿舒
 蒙額達克丹委官色普通阿馬甲巴雅爾呼蘭烏
 尼山多興阿穆特恩依爾肯保富興達春西安驍

平定回疆勦擒逆裔卷五十九

十四

騎校烏翎阿伊犁驍騎校札清河筆帖式阿查綏
 阿巴杭阿札凌阿領催噶爾杭阿博爾忠武前鋒
 穆啟暹多遜布那蒙阿倭仁布班吉布馬甲吉忠
 額西布禪布巴哈布吉瓊阿伊犁錫伯領催倭興
 額馬甲烏林泰等伊犁索倫領催訥莫爾馬甲伊
 爾廣額等伊犁察哈爾馬甲克什克特依等烏魯
 木齊委前鋒和雲泰馬甲德坤甘肅都司汪大成
 守備王金棟九渤候補守備朱璉陝西千總李殿
 元甘肅千總張登文李蔚陝西雲騎尉鐵紹恩田
 錫武舉羅忠曹映魁米兆魁甘肅武舉張愈張騰
 額陝西把總何貴甘肅把總陸俊德等陝西外委
 林祥等伊犁馬兵張棟六品軍功李德林楊發枝
 俱著賞戴藍翎乾清門二等侍衛慶安著賞給頂
 戴等侍衛副護軍索領柏蘇禮倭淺領俱著以護軍

平定回疆勦擒逆裔卷五十九
 五

叅領遇缺升補黑龍江副總管福色訥著以總管
 遇缺升補佐領吉雅圖著以額外協領遇缺升補
 委官扎拉布著以驍騎校遇缺升補伊犁額魯特
 佐領巴雅爾圖著以副總管遇缺升補伊犁防禦
 廣音泰班金泰俱著以佐領遇缺升補吉林琿春
 原任防禦錢德著開復原官補用陝西遊擊魯福
 山甘肅遊擊韓振先張貴福俱著以叅將遇缺升
 補陝西都司福壽甘肅都司朱貴高玉璉冉貴俱
 著以遊擊遇缺升補甘肅守備賈希魁朱永福俱
 著以都司遇缺升補陝西千總傅世祥張廷舉甘
 肅千總劉克勤馬國柱李善繼韓則祿楊應元汪
 吉受楊棟有張奉明巴里坤武進士郭相忠俱著
 以守備遇缺升補其隨營供支糧餉催趨軍火辦
 理文案出力各官吏甘肅卽補同知直隸州大通

平定回疆勦擒逆裔卷五十九
 六

縣知縣張麟昌著賞戴花翎甘肅卽補同知直隸
 州高臺縣知縣丁文炳卽補同知直隸州西和縣
 知縣馬佑龍卽補知縣古浪縣典史徐維屏俱著
 賞戴藍翎甘肅固原州知州王簡著賞加知府銜
 以同知直隸州歸部卽選陝西卽補府經歷縣丞
 涂逢賓甘肅卽補府經歷縣丞邵煜李正培浙江
 卽補府經歷縣丞周壬福江西卽補縣丞郭友筠
 均著各歸原省免補本班以知縣遇缺卽補卽選
 府經歷縣丞謝應選李世琦徐文華甯紹榮均著
 免選本班以知縣歸部不論雙單月遇缺卽選坐
 補甘肅安化縣典史張廷杰著免補原缺留於甘
 肅以府經歷縣丞不論繁簡遇缺卽補雲南卽補
 典史顧鶴著免補本班仍歸原省以府經歷縣丞
 不論繁簡遇缺卽補卽選從九品未入流沈祥照

等均著免選本班以府經歷縣丞不論雙單月遇
 缺卽選陝西卽選訓導孝廉方正賴光德甘肅卽
 選訓導楊書勳均著免選本班以州判不論雙單
 月遇缺卽選捐職縣丞候補膳錄邱錫榮著以縣
 丞不論雙單月遇缺卽選經書候選從九品賴福
 邦著免選本班以府經歷縣丞不論雙單月遇缺
 卽選書識捐職府經歷周湘澍捐職縣丞楊景彬
 捐職從九品趙秉信馬加立邱煥俱著以本班不
 論雙單月遇缺卽選陝甘總督衙門書識韓泚馮
 驥德隨營書識楊慧等俱以從九品未入流不論
 雙單月遇缺卽選原任河南開封府同知陸有恒
 原任甘肅涼州府茶馬同知張循徵俱著開復原
 官歸部選用原任知州銜浙江歸安縣知縣馬伯
 樂著賞給七品職銜事竣送部引見至凱撤吉林

黑龍江官兵內伯都訥領催委官舒明阿吉林前
 鋒烏爾格布琿春馬甲富明三姓馬甲德忠阿布
 特罕藍翎馬甲提明慶鄂爾托那蘇芬底善等七
 名俱願留京當差著交御前大臣帶領引見遣犯
 劉添柱著免罪賞給馬兵留防烏什又本年九月
 內該將軍等保奏續行查出打仗出力及阿賴勒
 賊奮勇之官兵八十一人內除錫伯總管額爾古
 倫前已賞加副都統陝西提標中營叅將劉鳳
 翥本日降旨已升補洮岷協副將外所有黑龍江
 總管舒凌阿伊犁協領葉普鏗額俱著賞加副都
 統銜四川副將琦忠著賞戴花翎黑龍江筆帖式
 莫爾廣額甘肅都司蕭福禎徐國才四川守備伍
 得勝伊犁千總索文俱著賞換花翎陝甘世襲騎
 都尉韓衍琦武進士吳振清千總王廷棟四川千

平定回疆勦擒逆裔卷五十九

九

總劉伯倫陝甘把總張喜馬殿輔馬鳴鵬伊犁委
 筆帖式多仁布馬甲岱隆阿錫伯馬甲布陽阿巴
 克坦布蘇倫布訥楞額伊爾根布額凌泰西安馬
 甲克什布黑龍江馬甲昭福陝甘外委張萬林官
 文魁李寬山東外委武殿魁陝甘馬步兵丁蕭致
 相等俱著賞戴藍翎伊犁佐領塔們布富蘭布甘
 肅叅將金承烈遊擊洪興國饒成富毛文彩都司
 伊林保色楞額烏魯木齊都司庫崇額四川守備
 鍾得勝千總楊天佑胡奉伸俱著以應升之缺儘
 先升用
 上又諭內閣曰庫車五品商伯克斯底克沙雅爾五
 品伯克托胡達俱著賞四品頂帶喀什噶爾五品
 藍翎回子愛散邁瑪薩賴邁瑪特俱著賞換花翎
 伊犁六品藍翎回子托胡塔呢牙斯庫車六品藍

平定回疆勦擒逆裔卷五十九

十

翎回子斯底克邁瑪特愛里伊敏伊瑪邁特托胡

塔喀什噶爾六品藍翎回子阿布都拉雜克邁瑪

特玉素普伊斯瑪依爾薩底克沙木斯頂阿克蘇

六品伯克阿布都拉俱著賞五品頂帶花翎阿克

蘇六品頂帶回子阿布都拉依木等庫車六品頂

帶回子熱雜克等喀什噶爾六品伯克托胡達六

品頂帶回子愛比普等俱著賞戴藍翎英吉沙爾

平定回疆勦擒逆裔方略卷五十九

三

七品伯克邁瑪特額孜斯金頂回子邁瑪達里等

俱著賞六品頂帶藍翎



欽定平定回疆勦擒逆裔方略卷之

道光八年春二月乙亥

勅諭所司加上

皇太后尊號

鄭親王烏爾恭阿等奏言竊以

帝治光昭鏡宇上澄清之頌

皇威溥暢璇圖興音定之歌敬瞻

平定回疆勦擒逆裔方略卷六十

駿烈之顯融允副

鴻名之彪炳欽惟我


皇上化行有截

治奉無私環地絡以宏包會極咸周八柱絜天紘以

廣覆照臨同仰三光

十全昭繩

武之規



智勇天錫九有被敷文之澤

聖敬日躋固已遐邇含和華夷效順矣蠢茲張逆世

濟兇殘敢辜解網之恩遠逞跳梁之技

皇上恭行天罰

特簡元戎萬里揚威

握瑤鈴於閩內十條

授策

平定回疆勦擒逆裔方略卷六十一

二

懸金鏡於幾先三月而克復全城一年而生擒大逆

墨磨盾鼻露布弛而笳鼓遙傳星落旄頭天戈

指而機槍迅掃凡此

膚功之速奏悉由

廟算之無遺

命虎旅以邁征無遠弗届仰

駿聲之有赫惟斷乃成乃復酬將帥之庸爵頒五等

答

具蒼之佑禮秩羣神振旅而猶給口糧戰士以從軍為

樂安吐而煩獨額賦居民則

賜復銘恩難名

靈載之仁共切尊親之戴千百國同欽廣運乃聖乃

神乃武乃文億萬年永慶平康無偏無黨無反

無側專稽唐虞遠古二典猶頌勳華亦越漢魏

平定回疆勦擒逆裔方略卷六十一

三

小康羣臣尚稱功德矧親

謨猷之不顯詎無魏煥之崇稱為此合詞具奏恭請

崇尙

尊號以光盛典伏乞

皇上仰順

天心俯從人願聿英聲而騰茂實紀輝煌於玉檢金泥

揚大烈而觀耿光媲美盛於龍編鳳籟所有一

切應行典禮俟

命下之日內閣會同禮部敬謹詳議具奏_臣等不勝

踴躍歡忭之至奏入

上諭內閣曰諸王大臣等以紅旗奏捷元惡生擒合

詞籲請加上尊號雖係援據典章斷難俯加俞允

前者西陲用兵原非得已幸賴

昊蒼默佑

平定疆圉捷報卷六十

四

宗社鴻庥迅奏膚功永安邊徼朕方日深祇懼豈肯崇

尙虛文欽惟我

列祖聖德神功超越往古殊勲彪炳史冊昭垂康熙乾

隆年間廷臣屢請加上尊號俱未

允行仰見

聖懷沖抑洵足爲奕禩法守惟念銘勳偃武皆由

聖母福庇國有大慶允宜祇循令典備極

顯揚朕謹當躬率王大臣等加上

皇太后徽號共申賀悃用昭

慈幃燕喜所有應行典禮其飭所司敬謹詳議以聞

丙子

護理陝西巡撫徐忻奏報吉林黑龍江凱撤官

兵二千名全數出境山東兵二百名四川兵六

千名亦全數過境

平定疆圉捷報卷六十

五

護理直隸總督屠之申奏報吉林黑龍江凱撤

官兵二千名均已先後過省計二月初到京

署陝甘總督鄂山奏報派委鎮道沿途接替護

解逆酋章程

上命軍機大臣傳諭日前據長齡等奏生擒首逆張

格爾業於正月初六日派委誠端等帶領凱撤吉

林等處官兵解送起程並咨明前途一體派撥官

兵接替前進張逆罪大惡極必應生致京師明正
典刑以彰國法而快人心惟道路遼遠官兵等沿
途護解是否將該逆照例囚檻抑係設法哄誘暫
爲鬆放刑具著該署督查探明確據實奏聞至該
逆進關後該署督務飭派送文武各員弁妥爲照
料總須將該逆生存輦下顯就刑誅是爲至要

丁丑

平定回疆勦擒逆裔方略卷六十

六

吏部疏奏請定長齡楊芳錫爵等秩得

旨大學士長齡著封爲二等威勇公陝西固原提督

楊芳著封爲三等果勇侯

命繪戰圖

上命軍機大臣傳諭長齡楊芳武隆阿曰此次回疆
用兵自渾巴什河堵禦賊匪痛加殲戮已爲勦賊
先聲迨大兵雲集先將柯爾坪伏匿回匪勦洗盡

淨絕其應援嗣是長驅直入勢若摧枯迅復四城
生擒大憝凡我將士勞績卓著均應繪成戰圖以
彰武成盛典著將渾巴什河柯爾坪洋阿爾巴特
沙布都爾莊阿瓦巴特攻克喀什噶爾克復和闐
及喀爾鐵蓋山各戰功繪圖八分所有各該處山
川形勢及將帥士卒若何督兵若何接仗各情形
詳晰聲敘分條貼說迅速具奏

平定回疆勦擒逆裔方略卷六十

七

庚辰

禮部疏奏告成典禮

上諭內閣曰禮部將祇告各

慶典禮查照向例具奏朕於九月間祇謁

東陵次日親謁

裕陵行大饗禮

昭西陵

孝陵

孝東陵

景陵同時遣王恭代

孝穆皇后陵寢遣官行禮祇謁

西陵次日親謁

昌陵行大饗禮

泰陵

平定回疆勦擒逆裔方略卷六十

八

泰東陵同時遣王恭代至告祭盛京

三陵著該衛門於九月內諏吉先期奏請簡派親王等

前往

禮部奏言首逆就擒大功告成祭告各

壇

廟

慶寢已奉有

諭旨_臣等謹將其餘應行典禮酌擬條款敬列於後

一恭請

遣官祭告

奉先殿並釋奠於

先師孔子

一恭請

御製碑文勒石太學並將碑文摹搨頒發直省督撫

平定回疆勦擒逆裔方略卷六十

九

轉飭各府州縣衛學宮敬謹勒石以昭

聖武

一恭請

欽命儒_臣纂輯方略垂示武功

一檢獲首逆地方有應行勒石之處恭請

御製碑文鐫石昭示

天威奏入

上諭內閣曰朕於四月初一日孟夏時饗親詣行禮
卽於是日遣官告祭

奉先殿其釋奠

先師孔子著於明春舉行至御製碑文勒石太學著
該衙門將碑石妥爲豫備候旨頒發碑文敬謹摹
泐所有檢獲首逆地方應行勒石之處前因紅旗
奏捷御製詩章著俟書寫發那彥成等於喀爾鐵
蓋山前建碑鐫刻以垂久遠
上又諭內閣曰朕惟此次回疆用兵首逆就擒西陲
底定仰荷

天

祖垂佑迅奏膚功現在軍務告蒧該將軍叅贊等輸忠
奮勇各將士效力行間其端委曲折非紀載詳明
無由稽考且朕於此事始終經畫宵旰焦勞不可

平定回疆勦擒逆裔卷六十

十

不垂之方策著照歷屆辦理成案編纂方略以示
武功而昭奕禩

勅開列在事功臣繪像銘勛

上命軍機大臣傳諭長齡楊芳曰長齡前遣副都統
阿勒罕保齋遞賀摺現於二十二日到京行走甚
爲迅速朕召見該副都統詢悉官兵追擒張逆情
形深堪嘉悅阿勒罕保已加恩在御前行走並補
授正黃旗護軍統領矣昨據那彥成奏現已星夜
出關計三月內可抵喀什噶爾長齡俟那彥成到
彼交代後卽速起程來京沿途有可加站之處酌
量趨行及早展覲至此大平定回疆生擒逆裔軍
務蒧功自應照前成例將在事功臣繪像紫光閣
紀實銘勛用示勸懲懋典除長齡楊芳楊遇春武
隆阿四人應行列入外其餘戰功最多勞績最著

平定回疆勦擒逆裔卷六十

十

及隨同轉戰各員分別功績開具銜名詳註事實
迅速覆奏候朕酌定並將前降諭旨所繪戰圖作
速呈覽

伊犁將軍德英阿疏奏廢員辦事出力請將原
任知府方士淦捐復原官原任郎中恩德侯扣
滿到戊年限留於伊犁辦事

上諭內閣曰方士淦前因徐蔡氏命案督檢不實發
往新疆上年在伊犁辦理軍需文案出力准其俟
經手事竣卽行釋回現在該廢員經手事件完竣
卽飭令回籍所請捐復原官之處著不准行至恩
德前於候際清贖罪一案以大員子弟得受贓銀
情節較重俟本年六月遣戍期滿著卽准其釋回
不准留於伊犁辦事

丁亥

阿克蘇辦事大臣長清奏報副都御史誠端副
都統吉勒通阿祥雲保帶領官兵二千七十八
員名押解張逆於正月二十一日過境

山東巡撫琦善疏奏凱撤官兵於本年二月全
行歸伍

誠端吉勒通阿祥雲保奏報帶領凱撤吉林黑

龍江馬隊西安固原步隊各官兵二千名押解

張格爾由牌素巴特樹窩子一帶進發現於二

十一日經過阿克蘇沿途派撥官兵接替護送

行走甚爲安靜

己丑

欽差大臣直隸總督那彥成奏報接奉

諭旨於二月初二日仍束裝出關馳赴喀什噶爾辦

理善後事宜

那彥成又奏言臣出關後於初五日行抵布隆

吉接奉

諭旨仍令伊犁領隊大臣布彥泰

乾清門頭等侍衛舒倫保三等侍衛貴成大名府

知府壁昌四員帶往差遣除飛檄咨調外再查

長蘆運司札隆阿前於奏令回任後因新疆各

城大黃茶葉俱在涼州發販臣委該運司前往

平定回疆勦擒逆裔卷十

十四

確查商販情形以便明定章程歸入善後事宜

奏辦該員熟悉回疆情形請於涼州查辦事竣

仍飭兼程馳赴喀什噶爾聽候差遣奏入得

旨報可

壬辰

頒賞長齡白玉喜象煖手一件御用大荷包一對小

荷包四箇

頒賞阿勒罕保白玉翎管一箇白玉搬指一箇緋絛

蟒袍一件大緞二疋大荷包一對小荷包四箇

癸巳

查辦盡節被擄官兵及緣坐逆屬

長齡楊芳武隆阿奏言查道光六年六月內逆

回叛亂四城相繼失守前任喀什噶爾叅贊大

臣慶祥所帶伊犁烏魯木齊滿漢官兵內惟伊

平定回疆勦擒逆裔卷十

十五

犁錫伯總管額爾古倫等官兵六百九十餘員

名退回阿克蘇其餘四城原派換防之滿漢官

兵概被戕擄嗣於上年三月內克復四城查明

各處文案冊檔全被燒燬無從查覈隨經分咨

原派各營詳查造冊咨送查四城未經失事之

前因公差回各營滿漢官弁兵丁及齎送摺報

前往阿克蘇之弁兵並由喀什噶爾和闐前來

阿克蘇大營之兵丁閆義巴蘭王相泰等俱令
隨營差遣應行扣除外自克復喀什噶爾各城
之後由浩罕及各布魯特等處陸續投出滿漢
官兵三十九員名此內卽有曾經奉

旨給與卹典者當經咨明兵部註銷因思逆裔叛亂

攻陷四城彼時賊多兵少衆寡不敵各大臣官

兵捐軀盡節臨陣傷亡之外被擄逼脅出卡亦

平定回疆勦擒逆裔方略卷六十

六

復不少竊恐無知弁兵或有私自逃出不敢前

來大營投首徑行潛回旗籍刻下元惡就擒回

疆底定前歲盡節官兵亟應分別趕辦事關卹

典尤應確切詳查臣等現將投出滿漢官兵弁

丁造冊移咨伊犁將軍烏魯木齊都統陝甘總

督按名扣除並將送到原冊移回轉飭逐細詳

查另造妥冊分別奏咨願懇

恩卹以慰忠魂其由京派來之糧員侍衛及效力廢

員因卷案燒燬無從查考現在咨明軍機大臣

侍衛處吏部暨伊犁將軍分別查明咨部辦理

並請嗣後如再有由各外夷地方送回官兵應

令各城大臣隨時查明具奏咨部扣除以杜冒

濫至投出之伊犁驍騎校羅賴依一名馬甲都

倫布等十九名烏魯木齊馬甲泰永等二名甘

平定回疆勦擒逆裔方略卷六十

七

肅外委馬伏榮一名兵丁韓吉祿等十名俱係

被賊擄掠圍禁因聞大兵克復四城陸續投出

訊無從逆背叛情事應請遵照前奉

諭旨照養吉爾胡之例一併革退先行枷號兩箇月

限滿酌加鞭責不准復挑差使飭令各回旗籍

移咨各將軍等遵照辦理又索倫營已革馬甲

吉農阿一名道光元年因偷竊馬匹案內發遣

喀什噶爾前歲隨同額爾古倫等退回阿克蘇
隨營效用屢次打仗出力懇照伊犁民遣之例
請

旨釋回交原營管束又查投出之前任葉爾羌辦事

大臣音登額次子閒散哈當阿被擄時年十七

歲原係音登額奏明隨帶任所城陷之日被賊

衝散迷失路徑經安集延回子邁瑪特帶赴浩

平定回疆勦擒逆裔方略卷六十

六

罕地方藏匿年餘於上年十月內送至大營又

葉爾羌主事職銜格倫額帶同伊姪閒散扎勒

罕布由巴里坤赴葉爾羌換防格倫額打仗陣

亡扎勒罕布城陷被擄圍禁克復後始得投出

查音登額格倫額督兵殺賊盡節捐軀哈當阿

扎勒罕布均係年幼隨任閒散既經遇救得生

未便與被擄潛回弁兵一律定擬查音登額長

子海洪阿現任陝西河州鎮標右營遊擊前已

凱撤回任^臣等即將哈當阿交後起凱撤官兵

攜帶進關轉交海洪阿收領扎勒罕布帶赴巴

里坤交伊家屬收領應否免其罪譴之處出自

聖主天恩再查此次投出官兵內卡倫二等侍衛連

成於六年六月受傷被擒本欲自盡因有黑帽

阿渾布蘭頂等暗與謀刺張逆事覺即押送浩

平定回疆勦擒逆裔方略卷六十

九

罕監禁乘空逃出^臣等傳訊布蘭頂訊與連成

商謀行刺誤中阿坦台屬實又瑪納斯營把總

張洪一名因慶祥差赴阿克蘇調兵中途被擄

經張逆送交阿坦台處上年投回當派赴卡外

各愛曼探信尙屬奮勉查連成張洪不知盡節

捐軀卽應按律正法惟浩罕地方尙有被擄未

出官兵儻聞風畏懼亦有關係今先將連城等

解赴阿克蘇交長清管束恭候

諭旨辦理又投出把總談祿一名該弁係隨同巴彥

巴圖出卡被擄上年克城後投回大營因其熟

習浩罕情形留營當差兩次派往浩罕檄諭該

伯克送出張逆家屬詎該弁在浩罕結識安集

延回子私帶貨物入卡貿易在喀什噶爾姦娶

回婦經_臣等派員查訊明確卽行正法

平定回疆勦擒逆裔方略卷六十

三

長齡等又奏言再查原任阿克蘇阿奇木伯克

貝子邁哈默特鄂對和闐六品伯克公爵阿布

都莫敏葉爾羌五品伯克公爵邁瑪特伊布拉

依木均被張格爾擒獲該伯克等賄囑愛薩得

釋邁哈默特鄂對回至阿克蘇經長清拘禁在

署後經_臣長齡訊明具奏革去貝子隨營效力

阿布都莫敏回至和闐後隨同眾伯克等獻賊

目約霍普復隨營出力邁瑪特伊布拉依木回

至葉爾羌卽遁赴遠莊避匿該伯克等俱係忠

貞回子後裔仰懇

聖恩免其治罪均作爲閒散回子不准錄用除邁哈

默特鄂對所襲貝子

恩賞伊薩克承襲外其餘公爵由喀什噶爾參贊大

臣查其近支奏明承襲

平定回疆勦擒逆裔方略卷六十

三

長齡等又奏言自四城克復之後所有各莊從

逆伯克頭人俱已搜獲正法數月以來喀什噶

爾各莊搜獲伏賊_臣等隨時督飭委員審明實

係從逆分起正法者不下四千餘名被脅入夥

情有可原應行發遣者一百餘名至英吉沙爾

葉爾羌和闐三城續獲各逆解送來營訊明正

法者四百餘名其各處卡倫開齊小路甚多先

經派委員弁及妥幹伯克嚴密稽查陸續解到
被脅悔罪抄回回子男婦大小三千六百餘名
口內究出實係從逆立予正法者五百餘名其
餘均係被脅大兵臨城時畏罪竄逸出卡並無
抗拒攻城情事仰體

皇仁准其各回本莊安業至律應緣坐各犯其罪惡

顯著賊目如博巴克阿布都拉推立汗等家屬

男十歲以下及婦女等造具清冊派委凱撤之

卡倫侍衛解交刑部辦理其餘緣坐逆屬應請

分給伊犁烏魯木齊等駐防及各城出力伯克

爲奴其緣坐男犯例應發新疆給官兵爲奴者

應請同被脅入夥之犯一併發給伊犁錫伯索

倫額魯特察哈爾爲奴均奏入

上諭內閣日前年張逆進卡滋事西四城相繼失守

各該城糧員侍衛廢員及換防之滿漢官兵被賊

戕害擄掠者甚多前經降旨令該將軍等於克復

四城後詳悉查明奏請卹賞茲據查明四城文案

冊檔全被焚燬無從查考已分咨原派換防官兵

之各該營及由京派往之該衙門查明造具安冊

辦理著照所請卹飭各該處分別奏咨懇恩卹

以慰忠魂至陸續投出官兵卡倫二等侍衛連成

瑪納斯營把總張洪均係職官被擄拘禁不知盡

節捐軀本應按律正法惟念連成受傷被擄因與

黑帽回子商謀刺殺張逆事覺送往浩罕拘禁張

洪因差赴阿克蘇調兵中途被擄尙有一線可原

連成張洪均着加恩免死飭令各回旗籍嚴加管

束永不敘用原任葉爾羌辦事大臣音登額次子

哈當阿隨侍伊父任所城陷之日被賊衝失遇救

送還葉爾羌主事職銜格僧額之姪扎勒罕布隨
同伊叔赴任城陷被擄念其年俱幼穉隨任閒散
且首登額格僧額俱因督兵殺賊盡節捐軀情尙
可憫者加恩免其治罪餘俱照所議辦理又另片
奏原任阿克蘇阿奇木伯克貝子邁哈默特鄂對
和闐六品伯克公爵阿布都莫敏葉爾羌五品伯
克公爵邁瑪特伊布拉依木均被張逆擒獲賄囑
賊目釋回邁哈默特鄂對前已革去貝子隨營效
力進征以來前敵帶路頗知愧奮阿布都莫敏回
至和闐隨同衆伯克拏獻賊目約霍普解送軍營
告懇隨征克復和闐之時尙屬出力邁瑪特伊布
拉依木回至葉爾羌遁赴遠莊並未理事念其均
係忠良後裔尙非甘心從逆俱著加恩免其治罪
作爲閒散回子交該伯克嚴加管束不准錄用所

平定回疆勦擒逆裔方略卷六十

三

襲之爵除伊薩克前已承襲貝子晉封郡王外其
餘應襲公爵著該參贊大臣查明奏請承襲
上諭內閣曰上年克復四城從逆各回均已審明正
法現在喀什噶爾各莊搜獲伏賊除將實係從逆
者分起正法外其被脅入夥情有可原應行發遣
者一百餘名又律應緣坐各犯內有罪惡顯著之
賊目家屬男十歲以下及婦女等俱著造具清冊
派員解交刑部分別辦理其餘緣坐逆屬准其照
例分給伊犁烏魯木齊等處駐防並分賞回疆各
城出力伯克爲奴緣坐男犯同被脅入夥之犯著
一併發給伊犁錫伯索倫額魯特察哈爾爲奴惟
該遣犯等人數較多著該管大臣分撥零星安置
嚴加約束毋令聚集一處致生事端
恒敬札克桑阿疏奏續查防堵出力之文武官

平定回疆勦擒逆裔方略卷六十

三

弁等請量加鼓勵

上諭內閣曰葉爾羌留防烏魯木齊巴里坤提鎮各營征兵前年隨同提督達凌阿在渾巴什河堵禦賊匪搜勦伏匿保守阿克蘇東四城得免滋擾現值大功告厥據該大臣等查明前此尤為出力及未經保奏將兵開單具奏自應量予恩施副將王登科著賞加總兵銜遊擊孫旺著加恩賞戴花翎遊擊彭玢守備多林魯東山碩隆武千總閻登科把總房占魁毛玉隆段興經制外委羅彩效力武舉孫仲仁陳發馬兵馬治國等俱著賞戴藍翎佐領霍隆武准其以協領卽補先換頂帶驍騎校倭克吉布准以防禦卽補先換頂帶遊擊任貴邦准以應升之缺升用千總馬義把總亢登科惠文滋朱寬經制外委張倫俱准其遇有應升缺出儘先

平定回疆勦擒逆裔方略卷六十

三

拔補陝西卽補同知直隸州伍敏尙未補缺遽請

知府卽補未免過優著免補本班以知府用先換頂帶直隸候補未入流羅慶元准其免補本班仍歸原省以府經歷縣丞卽補世襲雲騎尉候選從九品劉寶善准其免補本班以府經歷縣丞歸部卽選經書張奮武書識郭運泰溫崇岱班士升俱准以從九品未入流歸部卽選又據另片奏署葉爾羌阿奇木伯克阿布都爾滿自軍興以來採買馬匹供運軍糧前隨楊遇春收復葉爾羌查獲賊目玉努斯撫綏回衆均能實心實力著加恩實授葉爾羌阿奇木伯克伊子邁瑪特愛孜斯並著升授二等侍衛以示鼓勵

平定回疆勦擒逆裔方略卷六十

三



欽定平定回疆勦擒逆裔方略卷之

道光八年春三月庚子朔

庫車辦事大臣果良額奏報侍郎誠端等押解

逆裔張格爾於二月初五日出境

果良額疏奏承辦軍需糧運始終出力官吏請

加鼓勵得

旨烏魯木齊理事通判鳳奎前經英惠奏准俟三年

平定回疆勦擒逆裔方略卷之十一

邊俸期滿留於口外以同知升用著先換頂帶賞

戴花翎主事職銜糧餉局章京兆瑞著以同知升

用先換頂帶俟三年差滿送部儘先選用委筆帖

式吉朗阿著以應升之缺升用部掣從九品職銜

陳兆奎著免補本班以府經歷縣丞歸部即選已

滿吏候選未入流曹燮前經鄂山等奏准歸部即

選著俟初次留辦期滿歸於雙月遇缺即選已滿

吏從九品陳萬春史延瑞未入流趙斌俱著歸部

即選未滿吏方殿榮田製錦李天祥俱著俟扣滿

年限歸部即選烏魯木齊書識楊瑞胡生蓮古慶

雲俱著賞給從九品職銜

果良額疏奏暫留已滿章京辦公並懇加鼓勵

得

旨庫車印房章京興祿前因幫辦糧臺出力經鄂山

平定回疆勦擒逆裔方略卷之十一

等奏准作為已滿主事回烏魯木齊以防禦候補

茲據該大臣以印房為文案總匯現在大功告竣

尚有一切應辦事宜請將該章京暫留辦公以資

熟手著准其暫留一年俟留辦期滿仍回烏魯木

齊以口外同知升用先換頂帶

辛丑

阿克蘇辦事大臣長清疏奏阿克蘇防守差委

始終出力人員懇請鼓勵得

旨烏魯木齊都司李萬餘甘肅都司慶和俱著以遊

擊遇缺升補陝西守備員麟著以都司遇缺升補

甘肅千總馬萬春把總史林王珮俱著賞戴藍翎

千總李隆把總李福李天保俱著以應升之缺儘

先升補陝甘馬兵許秀等俱著以經制外委儘先

拔補陝西卽補府經歷縣丞段志佺著免補本班

平定回疆勦擒逆裔卷六十一

三

以知縣升用原任刑部主事吉升阿著准其免罪

仍留辦善後事竣再行釋回已滿吏卽選從九品

陳錫疇卽選未入流成樞俱著免選本班以府經歷

歷縣丞儘先選用已滿吏候選從九品王積壽劉

裕候選未入流鄒杰張大德赫振邦張廷蕢劉萬

貴楊潤丁禧俱著遇缺儘先選用未滿吏張景源

書識李湘洲俱著以從九品未入流歸部卽選又

據奏原任知縣丁垣始終奮勉出力惟所請開復

原官之處未免過優丁垣著仍留辦軍務事竣後

送部引見再降諭旨

長清又奏言伊犁領隊大臣碩隆武帶領伊犁

各滿洲官兵九百七十七員名烏魯木齊提督達

凌阿帶領烏魯木齊古城巴里坤各滿洲官兵

四百五十一員名又減撤烏魯木齊綠營官兵

平定回疆勦擒逆裔卷六十一

四

一百二十二員名涼州鎮綠營官兵一百八十

八員名於正月二十七至二月初二日先後行

抵阿克蘇約計後起應撤之兵除留防外爲數

無多所有阿克蘇於上年九月撤軍需局改設

糧臺供支官兵糧餉所派委員及雇募書識人

等給與分例未免稍滋糜費現因軍務完竣卽

將糧臺裁撤飭令該委員等回省供差嗣後阿

克蘇留防暨凱撤官兵鹽糧一切歸於糧餉局
照例支發仍當隨時督飭樽節辦理另行造冊
咨報蘭州軍需總局查覈題銷奏入報

聞

葉爾羌辦事大臣恒敬札克桑阿和闐領隊大
臣富盛阿疏奏續查前此防堵出力官兵懇請
鼓勵得

平定縣勳績考卷十一

五

旨烏魯木齊委前鋒西布清額富爾黨阿圖泰布豐
陞額札勒罕布花連泰俱著賞戴六品頂藍翎馬
甲穆屯布著賞戴金頂藍翎作為和闐部缺筆帖
式領催伊克精額委前鋒海常馬甲噶爾桑阿雙
勒倭仁額常玉俱著賞給委前鋒校頂帶咨回各
原營拔補寧夏鎮標各營把總李淳趙正經制外
委陳錫恩趙崇禮耶縉王復興趙良玉額外外委

陸大成等俱著咨回本營各以應升之缺拔補李
淳趙正並著先換頂帶以示鼓勵
都統哈朗阿奏報途天闈鄉接奉

諭旨迎赴前途會同押解張逆進京

癸卯

慶祥入祀伊犁祠宇

平定縣勳績考卷十一

六

伊犁將軍德英阿等奏言乾隆三十一年前任
將軍明瑞在伊犁惠遠城建立祠宇請以定北
將軍班第恭贊大臣鄂容安入祀自乾隆三十
二年迄嘉慶十三年歷經前任伊犁將軍阿桂
等奏准以前任伊犁將軍明瑞等六員入祀茲
前任將軍慶祥於道光五年調任喀什噶爾參
贊大臣適值逆回滋事與城固守兩月有餘奮
志捐軀仰蒙

皇上賜卹褒嘉至優極渥伏思慶祥曾在伊犁辦事

有年今已歿於行陣額懇

天恩准其一體入祀伊犁祠宇以彰忠節奏入

上諭內閣曰慶祥前由伊犁將軍調任喀什噶爾叅

贊大臣因逆裔滋事為國捐軀念其曾在伊犁將

軍任內宣力有年今已歿於王事著准其入祠春

秋致祭以慰忠魂

平定回疆勦擒逆裔方略卷三十一

七

賜卹陣亡官兵

上諭內閣曰德英阿等奏查明伊犁派往喀什噶爾

換防守禦陣亡之文武員弁及辦事廢員吏員等

七十九員前鋒領催滿漢馬步甲兵等一千四百

三十二名跟役等一百九十一名回子七品伯克

一員跟役一名俱著該部查照定例奏請賜卹

甘肅軍需報銷

陝甘總督鄂山奏言此次回疆用兵仰蒙

特派盧坤來甘會同督辦軍餉事宜所有節次奏

撥軍需銀兩經蘭州肅州二局支發動用各款

均係按照定例及奏准之案覈實辦理其由蘭

州運交肅州由肅州轉撥口外各糧臺及烏魯

木齊阿克蘇軍營各處銀兩俱係該都統與各

城辦事大臣就近督率支用歷經奏蒙

平定回疆勦擒逆裔方略卷三十一

入

聖鑒是以部臣深悉此次辦理軍需情形由部覈議

奏准將內地肅州局用款統歸蘭州省局報銷

其口外各臺及烏魯木齊運糧費用阿克蘇軍

營支放兵餉查照伊犁將軍奏准之案各歸各

處由該大臣都統自行造冊報部以免轉轄牽

混誠為覈實清釐之道查肅州軍需局已經盧

坤於上年十一月奏明裁撤蘭州軍需局亦經

盧坤到省於上年十二月會同奏請裁撤改為
 報銷總局責成甘肅藩司會同臬司暨蘭州道
 經理臣於盧坤赴京後即督率藩司顏伯燾等
 飭催經手軍需各州縣委員等各造用款細冊
 送局由該司等按照定例及此次奏准條款章
 程逐一校覈凡於例案之外稍多開報者即查
 明事有必需實在應用亦一概刪除或著落賠
 繳或在外另籌攤補絲毫不准請銷正項第冊
 籍繁多攢造磨對必須分門別類查照案由先
 後次第題達臣遵
旨留甘自應將內地報銷辦完再行奏明回陝惟查
 題達報銷必須逐件鈐印以昭信守臣交卸督
 篆以後如有應行題咨事件是否臣覈明移咨
 督臣楊遇春覆覈會銜蓋印拜發抑由臣借用

陝甘總督關防徑行拜發請

旨祇遵辦理奏入

上諭內閣曰前因楊遇春即日回任降旨令鄂山於
 交卸督篆後暫留甘肅督辦報銷原期一手經理
 所有題達事件應須鈐印之處准其借用陝甘總
 督關防徑行題咨辦理不必拘泥覆覈會銜徒延
 時日一俟覈辦全竣即行奏明回任

乙巳

飭諭廓爾喀王毋庸專使進貢

烏什議給糧價酌撤官兵

烏什辦事大臣多貴奏言前經奉

旨將八城應徵上年並本年糧石布疋貢賦等項一
 概普予豁免查烏什回子每年應交小麥一千
 三百七十五石大麥三百石糜穀三百三十五

石除道光七年一歲應徵之糧業已遵

旨豁免惟查道光六年應徵之糧於奉

旨之先已經收訖入於該年奏銷冊內隨時支放若

照阿克蘇將六年分應免之糧抵收八年應交

之項而八年分停徵一年則下年供支官兵口

食不敷勢必又向回戶糴買輾轉出納徒滋繁

費似應照依喀喇沙爾辦過成例酌賞價值俾

令各回戶均霑實惠以廣

皇仁當即傳訊衆伯克回子均稱情願領價按照烏

什現行糧價給發通共需銀五千四百五十五

兩在本處庫存經費銀內暫行動用散給咨明

陝甘總督撥還歸款再准長齡咨稱現在大功

告竣烏什酌留兵一千名內涼州兵六百名焉

納斯兵四百名酌派委員管帶防守其餘俱令

撤回臣查明烏魯木齊巴里坤古城吐魯番滿

洲營官兵五百餘員名俱交提督達凌阿管帶

於正月二十三等日自烏什起程旋回所有

涼州官兵交遊擊柴連元於正月二十九日管

帶回營奏入報

聞

已酉

喀喇沙爾辦事大臣巴哈布奏報接護首逆張

格爾於二月十一日出境

陝西採買糧豆草束報銷

護理陝西巡撫徐忻奏言准戶部咨開辦理軍

需所需官兵口糧及馬匹豆草如有倉貯廠貯

可動者不必另爲採買或雖有倉貯廠貯而遠

道運送較之就近採買所費轉多者令各該督

撫查明情形確訪時值奏明採買一面將價值
開報戶部查覈^臣查陝西省歷次辦理軍需及
應付滿漢官兵過境所有應需口糧豆草均經
隨時酌量情形分別動支採買事竣報銷在案
此次口外回疆軍需因程途遙遠軍行迅速所
有調派京營吉林黑龍江勁旅山東四川綠營
官兵及陝西滿漢各營征勦官兵應需口糧及
騎乘調解馬匹豆草供億繁多需用緊急各州
縣倉貯穀麥糧色不一尙須碾磨方能食用誠
恐緩不濟急且動支後仍須照舊採買補還至
豆草兩項陝省並無廠貯是以查照採買成案
照報部價值分別採買給發得以供支無誤自
應據實造報請銷奏入得

旨下部知之

平定回疆勦擒逆裔卷六十一

三

平定回疆勦擒逆裔卷六十一

四

辛亥
沿途護解逆裔情形
署理陝甘總督鄂山奏言^臣前奉
諭旨飭查解送張逆情形當卽委員飛赴前途確探
該逆在口外行走係如何管解果否安靜旋接
誠端來信覆稱沿途解送俱用好言撫諭該逆
心甚坦然並未加以刑具經過各回城極爲順
適行走亦速約計三月初十內外卽可入關並
據探報委員等稟覆相同是誠端等此次解送
張逆行走迅速辦理甚爲得宜將來進關後自
應查照妥辦惟關內天氣與口外不同且漢民
飲食與回俗稍異雖有軍營原派通事伯克及
小回子一路同行究於內地風土物性未能諳
習^臣於前派接護替送之文武大員外又添派

熟悉情形辦事精細之署督標中軍副將寶德
挑帶通曉回語之內地回兵數名會同升任鹽
茶同知陳士楨跟隨誠端等沿途小心照料妥
速抵京奏人報

聞

王子

軍營糧餉仍歸蘭州總局報銷

平定縣知縣黃卷六十一

五

長齡楊芳奏言此次回疆肅清_臣等奏請酌留

官兵八千名暨西四城原額防兵二千六百餘

名分撥駐劄用資彈壓所需鹽菜口糧於本年

二月起均歸善後局籌備支發其餘官兵先後

凱撤歸伍計自上年二月進兵起截至本年正

月底止除派駐各城及後路防守官兵由阿克

蘇就近撥餉供支外_臣等駐劄喀什噶爾節次

收到餉銀暨匯兌商民銀共二百五十五萬七

千五百五十餘兩均經隨營總辦糧務道員楊

翼武分撥各糧員承領供支茲軍務已竣各糧

員在軍管收支餉銀及前由蘭州肅州阿克蘇

各局具領銀兩亟應造冊報銷前奉

諭旨統歸蘭州總局彙造報銷_臣等遵卽飭行各糧

員遵赴省局趕緊造報頃准鄂山盧坤咨稱現

平定縣知縣黃卷六十一

六

經具奏請將阿克蘇轉運軍營銀糧卽由喀什

噶爾奏贊大臣督率隨營辦理糧餉各員覈實

報銷固係慎重

帑項就近速爲清釐之意但自減撤官兵以後隨

營糧員甘肅鞏秦階道富祥等均已攜帶冊檔

先回蘭州且軍行一年有餘動支餉銀數百萬

款目繁雜如各官兵借支俸裝及配帶軍火器

械並騎馱馬匹有由原營給領者亦有由蘭州
肅州阿克蘇各軍需局找發者須歸蘭州總局
彙案造報庶易集事若在喀什噶爾辦理回疆
並無例案可稽又乏熟諳經書可用亦無書手
勢不能不由內地酌調官吏遠來承辦未免稽
延况大兵已撤行查各營事件甚多相距率在
萬里以外公牘往返每案皆須數月迨至造冊
題報一經戶部駁查逐案登覆更需時日竊恐
欲速反遲臣等目擊情形不敢稍事拘泥致誤
報銷例限飭令該道楊翼武侯凱撤事竣帶領
現在隨營經手各員即赴蘭州會同藩司顏伯
燾詳加鈎稽覈實造冊具報其軍營支剩餉銀
暨買存喀什噶爾糧料及蘭州軍需局解到軍
火鍋帳並備賞茶葉等物俱飭糧員造冊移交

喀什噶爾叅贊大臣武隆阿查收備用奏入得
旨轉行照辦

軍營齋繳銀牌

長齡等奏言前奉

恩旨齋發軍營銀令牌一千面銀獎武牌二萬六千

面經鄂山委員解送到營當即祇領發交糧員

敬謹收貯查獎武牌二萬六千面業經陸續提

賞用竣其銀令牌一千面節次賞給有功官弁

等共用六十面俱遵

旨填給執照令赴部庫及西安藩庫繳牌領銀以示

優獎茲軍務告竣將餘剩銀令牌九百四十面

檄委凱撤回京二等侍衛德祥等齋赴軍機處

交收並造清冊咨送戶部以備查覈再前次克

復喀什噶爾搜獲叅贊大臣舊印一顆一併飭

令該侍衛等齎赴軍機處呈繳奏入報

聞

恩賞叅贊大臣楊芳之子楊承注舉人一體會試

丙辰

暫留楊芳幫辦善後事宜

欽差大臣直隸總督那彥成奏言前奉

諭旨善後事宜是否尚須楊芳幫辦飭臣察看查楊

平定回疆勦擒逆裔方略卷十一

五

芳督兵喀什噶爾一載有餘於卡內外各處情

形較為熟習現在辦理善後安設增兵綠營營

務亦所深知正資集思廣益自應暫留楊芳以

資商權臣行抵阿克蘇卽有應辦善後事宜並

須就近赴烏什查勘情形遵

旨赴英吉沙爾葉爾羌履勘城工維時長齡亦應赴

各處親查臣何處相遇卽可就近交代以便長

齡來京應請暫留楊芳與臣悉心商榷俟諸事

辦有頭緒卽令先期入都復

命奏入得

旨報可

吐魯番領隊大臣廣音岱奏報誠端等帶兵押

解張格爾於二月十六日護送出境前由吐魯

番派留烏什防兵五十四員名已凱撤歸伍

平定回疆勦擒逆裔方略卷十一

三

甲子

勅諭擒拏逆屬無足重輕不必派兵出卡窮搜

長齡楊芳武隆阿奏言臣等於擒獲張逆後卽

飭伊薩克分派明白妥幹回目前往卡外各布

魯特愛曼查拏逃竄餘賊及查看各外夷情形

月餘以來據近卡之各布魯特比如奇里克沖

巴噶什薩雅克岳瓦什額提格訥薩爾巴噶什

奈曼等各愛曼因聞已將張逆擒獲送京，僉來叩喜，並稱隨從張格爾之頭目於該逆被獲後均逃回安集延。伊等斷不敢再為隱護。又據最遠之喀拉提錦、愛曼比薩底克、達爾瓦斯伯克、沙伊布拉依木亦俱差人前來叩喜，並稱伊等愛曼實無逃匿賊匪。等訊問博巴克、邁瑪特呢雅斯、愛薩等現在下落，據稱愛薩現在浩罕。之瑪爾噶朗充當伯克，去年阿賴地方打仗並未前來。邁瑪特呢雅斯未聞去向，或係受傷身死，亦未可定。博巴克自阿賴逃回浩罕，並未跟隨張格爾前往阿坦台。處現聞浩罕伯克將其發交塔什汗地方，卡外各處俱各安靜。惟去冬今春雪大異常，各布魯特十分苦累。據伊薩克差去各回目陸續回稟情形相同，又據差往

平定回疆勦擒逆裔略卷六十一

主

汰劣克伊里斯曼底處回目回稟阿坦台逃往托古斯托羅迤北山內藏匿。汰劣克等差人帶領回目往見阿坦台，甚形惶懼。免該回目轉懇伊薩克代為乞恩寬宥，並送出隨從張逆逃散之賊目納瑪特一名，其餘賊目俟訪查拏獻，冀圖贖罪。隨訊據納瑪特供係安集延人，從逆屬實。當於訊明後即行正法。臬示等現已欽遵。聖訓譯寫簡明回字檄諭，遴選回目持送浩罕，並將布噶爾諭帖即交達爾瓦斯來人帶回轉送。曉以利害，飭令將玉素普及張逆家屬子姪送出，竊意浩罕布噶爾等處僉知張逆既已就擒，皆震懾天威，不復如前觀望。疊經兩次檄諭，希圖通商獲利。或將玉素普父子暨張逆家屬送出，亦未可定。

平定回疆勦擒逆裔略卷六十二

主

惟布噶爾相距較遠卡外雪大難走約計夏間
當有回報俟其稟覆隨時具奏至博巴克等犯
雖據薩底克等稟稱發往塔什汗地方亦難深
信現仍分飭各布魯特等嚴密查察如能縛送
來營卽予重賞務期設法擒捕以申

國憲至善後事宜前經籌議條款札寄那彥成酌

覈臣長齡將行營文案趕緊清釐定於三月初

三日自喀什噶爾起程前赴阿克蘇等候那彥

成到日再將善後一應事宜面爲交代後卽遵

旨回京詣

闕展覲奏入

上命軍機大臣傳諭那彥成楊芳並諭武隆阿蘇清

阿曰此次入卡肆逆原係張格兩首先倡亂現已

法網難逃生俘闕下明正刑誅該逆裔家屬潛匿

外夷苟全生命原無足重輕如果該部落遵檄解

送盡絕根株固屬甚善儻竟視爲奇貨斷不值與

之相較前降諭旨甚明該將軍等又復傳檄前往

那彥成到彼看其若何稟覆如該夷等尙存觀望

但當嚴守卡倫不准通商貿易一面將卡內善後

事宜布置周妥總令各回衆畏威懷德不復思亂

自當絕其煽誘永靖邊陲切勿勞師遠出嚴索窮

搜方爲得體至博巴克等甘心從逆固屬罪不容

誅然視逆裔家屬更無關輕重總責令布魯特等

嚴拏縛送盡法懲治亦不必派兵出卡查拏也再

發去御製詩清漢文各一張那彥成等卽遵前旨

於喀什噶爾蓋山勒石建碑

授長齡爲正紅旗滿洲都統

上又命軍機大臣傳諭長齡曰長齡奏已於三月初

三日自喀什噶爾起程回京展觀覽奏欣喜那彥
成出關已久此時早當迎晤該將軍交代後自己
遡速前來朕專待面晤途次有可趨程之處務即
趕緊行走以紓盼注時已入夏發去御筆書畫詩
扇一柄扇袋一箇交長齡祇領

長齡又奏言臣奉

旨督勦將及兩載軍務繁雜一切冊檔均關緊要今
平定回疆勦擒逆裔方略卷五十一 呈
各省滿漢官兵已凱撤歸伍臣遵

旨回京若將文案寄留喀什噶爾遇有行查事件相
距太遠往返需時現將軍營卷宗趕造清冊解
存陝甘總督衙門備查再臣等接奉

諭旨飭繪戰圖前將節次打仗情形均隨時詳細記
註尙未繪具全圖容於途次繪齊詳細分註恭

呈

御覽奏入報

聞

乙丑

解俘進關

都統哈朗阿副都御史誠端等奏言會同押護

張逆於三月初九日進關僕計五月初間抵京

沿途委員帶兵接替護送均極整齊嚴肅行走

亦極安靜前帶凱撤吉林黑龍江馬隊各五百

名西安固原步隊各五百名已飭隨後分起行

走至原派輪替伴送該逆之副將劉鳳翥等五

員沿途照料俱極周妥未便更易生手應令徑

解赴都奏入報

聞

署陝甘總督鄂山疏奏委辦軍需總局事務陝

西鹽法道查廷華已無經手事件飭令回任

戊辰

上命軍機大臣傳諭哈朗阿誠端吉勒通阿祥雲保
日逆回到京禮宜獻俘現定於五月十一日行獻
俘禮著哈朗阿等約計行程務於五月初十日押
解到京爲要

阿克蘇收發軍餉統歸蘭州總局報銷

長清奏言 臣 遵奉

諭旨將阿克蘇軍需局收發銀糧趕造清冊委員解
送蘭州總局彙總彙銷茲據鄂山盧坤咨稱現
已奏請將阿克蘇供支官兵鹽菜採買裹帶口
糧各銀兩及所收烏魯木齊運到糧石支存數
目由阿克蘇自行造冊咨部請銷固係慎重
帑項起見惟自軍興以來阿克蘇爲大營後路前

奉調集滿漢官兵三萬餘名駐劄渾巴什河岸

所需鹽菜口糧悉由阿克蘇分撥供支迨至上

年二月進兵後復經陸續撥運糧餉供應是軍

需用款與各糧臺均有牽涉其官兵支領鹽糧

及折給皮衣俸賞行裝夫價歇折有在阿克蘇

支領一二月改在糧臺支領者更有先在糧臺

支領後因留防又在阿克蘇支領者實屬參差

不齊款目繁雜必須會同糧員查覈造報現在

軍營糧臺及沿途供支各員均已紛紛攜帶案

卷進省若令其復來塞外籌辦報銷則萬里奔

馳未免苦累而且費用繁多既非二三月所能

辦成又非一二人所能兼事兼之口內派調各

營官兵升遷事故開缺補額尤須就近於原營

中查對花名方無舛漏是令經手各員在關外

造報諸多掣肘况各城分辦冊籍一時未能彙
總咨報部中亦無從統爲稽覈將來往返駁查
動輒經年累月轉覺難以集事伏查阿克蘇動
用軍需銀兩俱由蘭州肅州兩局支撥自應遵
照奏定章程統歸蘭州總局彙造報銷庶幾隨
案確查依限綜覈用款悉臻覈實奏入

平定回疆勦擒逆裔方略卷十一

无

上諭內閣曰此次軍需動撥糧餉前經戶部奏准由
蘭州肅州兩局支撥者統歸蘭州總局報銷其由
各城動支本處銀糧卽令自行咨部覈銷茲據長
清奏阿克蘇支發各款與各糧臺均有牽涉各官
兵支領鹽糧等項先後參差不齊款目繁多必須
會同糧員查覈現在各糧臺委員均已攜帶案卷
進省未便令其復至塞外籌辦報銷且各城分辦
冊籍一時未能彙總報部將來往返駁查徒稽時

日自係實在情形所有阿克蘇動用軍需銀兩著
准其統歸蘭州總局彙造報銷以昭覈實

命阿克蘇辦事大臣長清查明叛產變價與辦城工
並履勘回莊私墾地畝

長清又奏言附逆伯克鄂斯滿等所遺叛產例

應入官前已嚴飭署阿奇木伯克愛瑪特逐細

查勘茲據呈報查有逆產地畝八十一段房屋

平定回疆勦擒逆裔方略卷十一

羊

四百四十間果木樹園五十七處現交該阿奇
木變價充公將來卽可歸於修築城工動用再
阿克蘇回戶生齒日繁遠近回莊多有私墾地
畝現據阿奇木稟稱查出新增戶口田地可以
增糧五十餘石尙未詳盡復派委員會同該
阿奇木伯克等分赴各回莊履勘查報統俟籌
辦完竣再行據實具奏奏入

上諭內閣曰阿克蘇從逆伯克鄂斯滿等逆產據長
 清飭令該阿奇木伯克逐細查出地畝八十一段
 房屋四百四十間果園五十七處准其變價存公
 俟那彥成到彼查勘阿克蘇增築城垣應行興辦
 卽將此項變價銀兩作爲修築城工之用至阿克
 蘇各回莊私墾地畝自應覈實勘辦著嚴飭該委
 員及阿奇木伯克等妥爲履勘據實查報斷不准
 稍滋擾累

平定回疆勦擒逆裔卷六十一

三



欽定平定回疆勦擒逆裔方略卷之六十一

道光八年夏四月甲戌



陝甘總督楊遇春奏報誠瑞哈朗阿等護解張

逆於三月二十五日經過蘭州派委河州鎮總

兵德克金布蘭州道程喬采等接護前進

丙子

英惠達凌阿奏報達凌阿管帶烏魯木齊等處

平定回疆勦擒逆裔卷六十二

一

凱撤滿洲兵五百名由烏什起程於二月二十

七日陸續歸伍英惠卽於是日將提督印信交

達凌阿接收任事

戊寅

勅諭管束自軍營赦回遣犯

先是伊犁釋回遣犯一千五百名內有籍隸順

天府遣犯李七房永和二名身帶軍功執照復

行犯竊經所司拏獲奏交刑部審辦至是刑科
給事中吳傑疏奏發遣新疆之犯多係積匪大
猾此次釋回一千五百名之多恐革面自新者
不過什百之一二而怙惡不悛者不止李七房
永和二人該犯等回籍取保仍可出境遊行且
恃有軍功執照盡則冒為良民夜則肆行偷竊
或致另釀不法重案請

平定回疆勦擒逆裔方略卷十一

二

勅下原籍各該督撫轉飭州縣隨時稽查嚴加管束

奏入

上諭內閣日新疆遣犯或隨赴軍營效用或在該城
隨同官兵防堵出力節經該將軍大臣等奏請准
予免罪釋回飭交地方官妥為安插嚴加管束該
犯等既經得有軍功執照即應革面自新乃屢有
免罪回籍身帶軍功執照復出外疊次行竊之案

著該督撫嚴飭該州縣隨時稽查認真管束毋許
一名出境該犯等如果在籍安分守法所給軍功
執照尚可存留儻敢恃符玩法或稍滋事端即將
執照追繳塗銷嚴行懲辦經此次申諭之後該地
方官毋得視為文告故事自取咎戾

長齡那彥成奏報三月十五日長齡迎晤那彥
成於阿克蘇面交善後一切事宜即於十八日

平定回疆勦擒逆裔方略卷十二

三

起程齋印回京

已卯

改撥葉爾羌烏什防兵更調辦事大臣

長齡那彥成奏言_臣長齡原奏添設防兵八千

名內分撥葉爾羌二千名烏什一千名業蒙

允准茲與_臣那彥成悉心商榷葉爾羌距卡外各部

落較遠本屬腹地難向戶衆多內有阿克蘇為

之聲援外有喀什噶爾為之屏蔽設兵一千足資防守烏什逼近各布魯特遊牧為極邊要地較之葉爾羌情形倍加緊要應請將葉爾羌防兵二千名內分撥烏什一千名共設兵二千名兵額既增公事倍繁原設辦事大臣一員照料難周請將烏什辦事大臣多貴與伊犁領隊大臣布彥泰對調並請以西安協領德惠作為烏什幫辦大臣可期得力第添設幫辦一員歲需廉俸有關經費不能不遍盤覈計查和闐僻在一隅回情淳樸舊設防兵祇二百餘名辦事大臣一員足資經理其幫辦一缺堪以改歸烏什於經費並無增添地方繁簡適得其宜現任和闐幫辦大臣富盛阿人雖老實惟精力漸衰以之調補庫爾喀拉烏蘇領隊似可勝任奏入

上命軍機大臣傳諭那彥成楊芳日前據長齡等奏籌議善後章程請留防兵八千名分布各城以資鎮守茲既查明烏什地方近接外夷較葉爾羌尤為緊要自應將議留葉爾羌防兵二千名內酌撥一千名添留烏什共計已有防兵二千名足敷分撥著照所請辦理並另降清字諭旨准其將布彥泰調補烏什辦事大臣其烏什應設幫辦大臣亦即從以德惠補授惟請將和闐幫辦大臣裁汰一節此時和闐甫經戡定雖僻在一隅防範亦關緊要未便遽行裁撤著暫仍其舊俟一二年後再行體察情形辦理現在和闐幫辦大臣富盛阿據稱精力漸衰是否尙能勝任著那彥成等詳加察看如難期稱職即據實奏請撤回另行就近酌保一員請旨補授至葉爾羌辦事大臣已降旨賞給札

隆阿頭等侍衛更換恒敬著那彥成隨時詳察札
隆阿如能辦理裕如卽隨時據實具奏

上命軍機大臣傳諭那彥成武隆阿曰署喀什噶
爾阿奇木伯克伊薩克自軍興以來諸事奮勉實

心出力忠勤可嘉前經降旨加恩晉封爲郡王朕

思乾隆年間出力回臣如額敏和卓玉素布俱曾

用爲回城辦事大臣伊斯堪達爾曾任喀什噶爾

平定回疆方略卷十二

六

幫辦大臣現在伊薩克於喀什噶爾情形自爲熟

悉其能否堪勝該處幫辦大臣之任著那彥成等

留心察看據實覆奏

勅繪楊芳等小照圖像紫光閣

上命軍機大臣傳諭楊芳武隆阿曰此次平定回疆

生擒巨寇大功告成軍營將帥大臣或督率有方

或轉戰光捷應擇其勞績卓著者圖像紫光閣以

彰武功著楊芳武隆阿各繪小照一分並繪伊薩

克小照一分附報呈覽以便繪圖

庚辰

上命桂輪馳驛迎赴前途隨同長齡來京並

頒賞長齡珠鑲碧霞玳帶板帶環三件黃辦珊瑚豆

大荷包一對小荷包四箇交桂輪齎往

壬午

平定回疆方略卷十二

七

勅諭繪像各員以四十人爲率

上命軍機大臣傳諭長齡曰此次軍務成功應將在

事功臣繪像紫光閣前經降旨令長齡等查明隨

同轉戰各員開具銜名詳註事實具奏茲據分別

開單呈覽朕披閱單內所開人數過多著長齡再

行詳加覈減除長齡楊芳楊遇春武隆阿及伊薩

克應行列入外其餘各員弁無論有無勇號及官

階之大小總須擇其戰功最多勞績最著者始得列入統計不得過四十人之數回子中伊薩克之外有實在出力者亦應查明開列至容照桂輪恩緒奕山慶安五人著毋庸列入

庚寅

准暫借儲備銀兩歸入軍需款內支用

陝甘總督楊遇春奏言據報銷局司道等詳稱

截至三月二十六日止軍需本款存銀一萬餘

兩現當軍務告戢凱撤官兵接踵而至各屬應

領供備墊支及糧臺找領等項需用浩繁不敷

支發若請由他省長途撥解糜費運腳且恐緩

不濟急查藩庫儲備專款共存銀七十五萬兩

請暫借動銀五十萬兩收入軍需款內以備供

支俟新開捐例收貯有數即行撥還原款奏入

平定回疆勦擒逆裔方略卷六十二 入

上諭內閣曰甘肅省現貯軍需本款止存銀一萬餘

兩不敷支發據楊遇春查明該省藩庫儲備專款

現貯有山西等省並本省提收銀兩懇暫行借用

著照所請准其暫借儲備銀五十萬兩歸入軍需

款內以備支用此項儲備專款原不准率請動借

既經借用必應及早還款戶部於今春續撥有銀

五十萬兩解甘應用著俟解到時即行撥還原款

封貯

平定回疆勦擒逆裔方略卷六十二 九

護理陝西巡撫徐忻奏報都統哈朗阿等押解

首逆於四月初三日入境派西安鎮總兵得志

督糧道尹珮珩等於十五日護送出境

辛卯

勅諭應辦回疆善後事宜

那彥成奏言此次張逆入卡滋事固由於不肯

官員失回衆之心而實因其得布魯特安集延
爲之羽翼其勢始張查布魯特向爲邊境藩籬
深資其力自嘉慶十九年辦理喀什噶一案該
將圖爾第邁莫特凌遲該犯之子阿仔霍罕逃
出卡外羣相煽惑此布魯特離心之始迨永芹
欺飾邀功兩次出卡妄殺巴彥巴圖旋經被害
背叛之勢已成是布魯特意存報復助逆劫掠
揆之情理激變有因獨是安集延向往其進卡
貿易轉販內地大黃茶葉硝磺接濟外夷漁利
其流寓各城者均已私行置產安家深沐
天朝德澤與卡內回民無異迺相率助逆戕害官兵
蹂踐回民實出情理之外深屬可惡今其種類
久在卡內貿易深知虛實往來交接聲息相通
張逆藉卡外之交集延爲爪牙藉流寓之交集

延爲腹心一經變亂遂成瓦解是張逆之變實
由於失布魯特之心自壞藩籬亦由於安集延
之內外串通遂敢鴟肆必須全行逐出斷不可
再事姑息第據各大臣咨覆各城寄居安集延
之人自數十戶以至百餘戶不等人戶既多刻
下若同時逐出恐生事端現已委員確查凡寄
居在十年以內與現販違禁之物者先行逐出
其餘暫准居住以安其心以後或查有偷漏大
黃茶葉出卡或查有囤積違禁物件或被人詐
控有犯卽逐陸續查辦不動聲色數年之後可
以驅逐淨盡卽事竣入關均交叅贊大臣督
率各城大臣認真辦理務期盡絕根株無貽後
患此外有布噶爾拔達克山等處之人止二三
戶七八戶不等亦嚴飭阿奇木等此內有已安

家室者如有增減隨時具報未安家室者亦即驅逐有房產者不准添蓋房屋田產不許過一百畝有逾額者查出入官卽行驅逐其暫住居住者均同回民一律當差稍有過犯立即驅逐出卡仍通行各城照辦據實咨覆奏贊大臣每年查覈具奏一次期歸實效至大黃茶葉爲外夷所必需並欲轉販牟利必須嚴禁出卡示以限制以爲操縱外夷之計現在辦茶章程蘭州官商發運涼州自涼州則任聽商販運至回疆各城而各城商民回戶所用有限皆交集延及各外夷重價收販商人惟利是圖但冀易銷獲利不計其他此後並宜設立官商承運行銷則具有身家自知守法仍歸各城稽查以免私販偷漏現在派員赴涼州確查並札商署督臣鄂

山改派官商承辦俟議定再行具奏嗣後各外夷卽恭順聽命亦應照伊犁貿易亭派官經理只准來卡外交易而退不准在各城安家置產永絕後患又查長齡奏請裁撤卡倫侍衛改設綠營弁兵業蒙允准西四城現已欽遵辦理惟烏什尙設有卡倫侍衛自應一律裁撤改歸綠營伏查長齡屢次具奏善後事宜祇喀什噶爾一處各城善後未辦者十之八九自應隨時會商辦理以歸畫一現已行文各該大臣遇有應辦善後事務皆會商妥協具奏至近年各城大臣及本處章京司員筆帖式等並大小各伯克剝削回衆弊非一端必須將各衙門每年應得陋規嚴行裁汰惟裁禁陋規專藉應得養廉等項辦公大小各官均

有不敷臣擬將現辦地畝徵收糧石內籌議津貼必須無關經費官員回民兩便方可經久奏入

上命軍機大臣傳諭曰那彥成奏回疆大概情形所奏俱是向來安集延進卡貿易轉販內地大黃茶葉稍積接濟外夷漁利其留寓各城者均已私行置產安家與卡內回民無異乃相率助逆戕害官兵蹂踐回民實屬可惡現在各城寄居安集延之人自數十戶至數百戶不等那彥成已委員確查驅逐出卡朕思此項人數較多相沿已久固不可姑息容留任其盤踞貽患但欲全行逐出設辦理不善轉恐激成事端該督務當實心體察情形持以鎮靜通行各城妥辦並著參贊大臣每年查覈具奏一次以收實效至大黃茶葉嚴禁出卡現擬

設立官商承運行銷以免私販偷漏那彥成已派

員前赴涼州確查並札商鄂山必須實能絕其出

卡而於卡內回民仍無不便之處方為妥善著俟

議定時即行具奏嗣後各外夷即恭順聽命亦應

照伊犁貿易章程派官經理口准來卡交易而退不

准在各城安家置產永絕後患其烏什卡倫侍衛

著即一律裁撤改歸綠營至近年各城大臣及本

處章京司員筆帖式等並大小各伯克剝削回衆

弊非一端必應將陋規概行裁汰前據那彥成奏

請加增各城大臣養廉業經降旨分別酌量加增

其司員筆帖式等亦著籌議加增鹽菜銀兩茲據

奏擬將現辦地畝徵收糧石內籌議津貼各城大

小官員自己足數辦公斷不准再有收受陋規違

者嚴參懲辦現在各該城應辦事宜尙多那彥成

請與各該大臣會商辦理所見極是此後事關善
後者著隨時會商妥議具奏

允試鑄當十普爾錢

那彥成長清奏言阿克蘇錢局所鑄普爾錢向
以一文當制錢五文行使每銀一兩兌換普爾
錢二百四五十文自軍興以來錢價昂貴每銀
一兩祇易錢八九十文食用因之增昂兵民甚
屬拮据難時長齡奏准添鑄銀錢與普爾錢兌
用而回性多疑惟恐以銀鑄錢或有銅鉛攪和
不願行使以致一年有餘不行錢價不能平減
茲_臣等公同籌議每年採取銅斤只有此數無
由添鑄而商民回戶生計所關亦不可不亟為
調劑伏查阿克蘇錢局鼓鑄普爾錢舊例每文
計重二錢前經奏贊大臣舒赫德等歷次奏減

平定回疆勦擒逆裔卷六十一

六

為一錢二分似難再為酌減今擬以歲收額銅

十分之七仍舊鑄重一錢二分以一當五錢一

千八百七十一串一百九十文再以額銅十分

之三改鑄重一錢五分以一當十錢六百四十

一串五百五十文所鑄錢文模式圍圓較當五

錢加寬一線背面各添鑄五字十字以志區別

按銀一兩合錢一百十文共合銀五千八百三

十二兩零即以十分之三銅斤而論前鑄當五

錢僅合銀三千六百四十五兩零今改鑄當十

錢統計銅本工費實長餘銀二千二百九十一

兩零即可照數少調內地經費以為按年添撥

兵餉之用_臣等請將錢局額銅試鑄當十錢十

分之三先為行用如果能平減市價流通無弊

隨時酌量將當五當十錢各半分鑄永遠通行

平定回疆勦擒逆裔卷六十一

七

實於回戶商民均有裨益而

帑項亦可稍為節省奏入

上命軍機大臣傳諭曰普爾錢以一當五行用多年
茲那彥成等請改鑄當十錢相間通行事屬創始
必須試行無弊方為妥協著詳加體察如果通行
便利固屬甚善儻有輕重攙雜格礙難行之處即
據實奏明停止

平定回疆勦擒逆裔卷六十二

六

在歸併阿克蘇防兵並封禁通伊犁捷徑

那彥成長清又奏言臣那彥成接准長齡移交

善後條議內開阿克蘇添兵一千名又於所屬

之柯爾坪設兵五百名茲與臣長清悉心商酌

阿克蘇為南路適中之地四通八達形勢扼要

與各城有輔車相依之勢回戶繁雜設兵千名

除各項坐卡差役外所餘不過五六百名必資

重鎮始壯聲威柯爾坪距城三百餘里該處回

莊二千餘戶人煙稠密即道光六年冬間提督

楊芳等督兵勦洗之處長齡因該處去卡倫甚

近是以設兵彈壓臣等伏思兵分勢單合則勢

壯况數萬回眾之中置兵五百名無事則徒滋

擾累回戶有事仍寡不敵眾而軍火糧餉徒資

寇賊不若歸併一處較為有用又查阿克蘇所

平定回疆勦擒逆裔卷六十三

五

屬拜城地方原設分防叅將一員管領官兵七

十餘員名向因該處回莊富庶苛斂相沿此時

首重安撫獎之所在不可不除應請將拜城一

營裁撤所有官兵歸併阿克蘇該處仍設臺兵

二十名把總一員足供文報往來之役統計新

歸舊設防兵一千一百餘名除設卡及各項差

兵外計可得操兵一千二百名加以認真訓

練可成勁旅足以總制南北兩路再阿克蘇至伊犁捷徑前奉

諭旨令伊犁將軍德英阿等派員履勘茲臣等亦訪有阿克蘇所屬西南巧塔爾達巴罕間有貿易回民私自度越又查得賽哩木所屬之阿爾通霍什亦通北路均可徑赴伊犁伏查冰嶺一徑陡滑異常盤旋八九十里步步皆現修冰磴三日不修一人一騎不能飛越誠為南北路之扼塞正未可以更易擬將現在查出私通伊犁捷徑概行封禁並酌派本城官兵數十名分撥設卡輪班嚴查偷度藉以稽茶葉大黃之出入封禁之後儻有私販經由一經盤獲治以應得之罪一面行文伊犁將軍派撥員弁一體設卡盤查奏入得

旨俱照所請行



欽定平定回疆勦擒逆裔方略卷之九

道光八年夏五月己亥朔

命舉行凱旋迎勞典禮

上諭內閣曰揚威將軍大學士公長齡凱旋到京著

照禮部所擬遣廷臣於盧溝橋地方舉行迎勞典

禮所有應行事宜著各該衙門照例豫備其揚威

將軍印信在勤政殿恭繳至賜燕典禮著於正大

光明殿舉行屆時再行示期

覆查浩罕築城情形

喀什噶爾參贊大臣武隆阿等奏言臣等接伊

犁將軍德英阿等來咨以浩罕在皮斯格克築

城奏明俟春融後各委委員以巡邊為名會同

查勘惟喀什噶爾查邊向在卡倫以內今派員

出卡一二千里難免各外夷心生疑懼是以臣

平定回疆勦擒逆裔方略卷之九

平定回疆勦擒逆裔方略卷之九

等揀派熟諳卡外情形之藍翎馬甲特克仲布

等帶同妥幹伯克回子作為宣示各愛曼飭拏

逆賊由那林河科奇格爾庫特瑪爾底一路前

往查探徑赴伊犁向將軍參贊面稟至築城緣

由先經臣等向貿易回子布魯特等密訪俱稱

該夷前在烏奇霍爾罕地方會築一城坐收該

一帶布魯特稅物今將前城廢棄復在皮斯格

克另築一城亦係為收稅而設是否確實統俟

伊犁喀什噶爾兩路詳查確實再行會奏尋據

德英阿等奏言皮斯格克係布魯特地方在那

林河迤西程途寫遠浩罕所築之城祇係土堡

距巡邊大路尚有數站未便深事苛察致啟疑

懼惟當隨時不動聲色留心防範奏入

上命軍機大臣傳諭德英阿等曰浩罕所築之城既

據查明祇係土堡且在布魯特境內距那林換防
巡邊大路尚有數站自未便遇事苛求致啟外夷
疑懼惟哈薩克游牧地方與皮斯格克相距不遠
恐其倚恃天朝威勢稍構釁端伊既係臣服部落
設若倉卒求援不應則失於撫綏應之則徒勞兵
力不可不豫為籌計德英阿等當檄諭阿布拉以
爾上年經浩罕邀往皮斯格克游牧並未允從奏
明大皇帝嘉爾恭順特頒賞件現在查明浩罕所
築土堡原係防範布魯特搶掠而設並無別情又
值首逆張格爾就擒諸夷震懾爾督同部落人等
各安生業不可倚恃天朝威力與浩罕及布魯特
肇釁生事儻浩罕復以甘言多方引誘亦須堅持
定見勿為所愚庶可長守藩封永承恩眷如或約
束不嚴致爾屬下人等與諸夷有構怨之事在爾

等彼此相爭天朝體制從不過問即使事急求援
天朝亦不應以紀律之師出為爾等爭勝負之理
特此先行剴切曉諭爾其稟遵勿替毋謂教誡之
不諫也該將軍等當善體此意傳檄前往仍須將
沿邊卡倫隨時留心防範為要

甲辰

哈朗阿誠端吉勒通阿祥雲保奏報押解俘囚

張格爾行抵保定於五月初十日到京

己巳

喀喇沙爾辦事大臣巴哈布疏奏土爾扈特供

備軍需並辦理糧臺官吏奮勉出力請加鼓勵

得

旨土爾扈特喀喇沙爾什丕爾著交理藩院議敘土爾

扈特盟長汗策登多爾濟著賞戴花翎楞陳多爾

濟著賞襲頭等台吉主事職銜夷回處章京銀格

著仍遵前旨以甘肅同知儘先升補先換頂帶並

賞戴花翎主事銜糧餉處章京興廉著俟三年差

滿以府屬知州歸部卽選卽選未入流白榮宰著

以府經歷縣丞不論雙單月遇缺卽選免補本班

卽選府經歷縣丞文培周著仍以府經歷縣丞不

論雙單月遇缺卽選經制外委郝子凝著賞戴藍

平定回疆勦擒逆裔卷六三

五

翎以示鼓勵尋據托津等奏言前因回疆不靖各

蒙古王公呈進駝馬均經奉

旨交_臣院議敘經_臣院奏請

賞給加級紀錄其呈進駝隻之呼圖克圖喇嘛曾經

奉

旨賞給緞疋令喀喇沙爾辦事大臣巴哈布因土爾

扈特喀屯喇什丕爾致送出征蒙古牛羊馬駝

茶葉麪斤奏奉

諭旨交_臣院議敘查喇什丕爾係屬蒙古喀屯未便

給予加級紀錄應請照呼圖克圖喇嘛呈進駝

馬

賞給緞疋之案請

旨賞緞四疋以示鼓勵由_臣院行文喀喇沙爾辦事

大臣巴哈布卽由該處庫貯項下支給奏入得

平定回疆勦擒逆裔卷六三

六

旨前因土爾扈特喀屯喇什丕爾呈進駝馬等物備

應軍需降旨交理藩院議敘並將伊子盟長汗策

登多爾濟賞戴花翎楞陳多爾濟賞襲頭等台吉

茲據理藩院奏喇什丕爾係蒙古喀屯未便給予

加級紀錄請賞給緞疋喇什丕爾前此呈進駝馬

踴躍急公深堪嘉尚著賞給大緞四疋由喀喇沙

爾庫存項下支給伊次子楞陳多爾濟並著賞戴

花翎以示恩獎

戊申

都統哈朗阿等解送俘囚張格爾至京

已酉

獻俘於

太廟

社稷都統哈朗阿等率解俘將校以俘囚張格爾自

平定回疆勦擒逆裔方略卷六十三

七

天安門入至

太廟街門外俟承祭王至俘囚張格爾北向跪伏承祭

王入行禮畢都統哈朗阿等率諸將校以俘囚

張格爾至

社稷街門外俟承祭王入行禮如前儀

命賞解俘之都統哈朗阿大卷八絲緞二疋緙絲蟒

袍一襲

盛京工部侍郎誠端大卷八絲緞二疋吉林副都

統吉勒通阿副都統祥雲保各大卷江綢二疋

命升賞解俘伯克回子等頂帶緞疋有差

上諭內閣曰此次解俘到京之四品頂翎庫車五品

商伯克斯底克著賞加三品頂帶五品頂翎喀什

噶爾六品密喇布伯克邁瑪特著賞加四品頂帶

各大卷五絲緞二疋無頂帶回子庫圖魯克著賞

平定回疆勦擒逆裔方略卷六十三

八

給五品頂帶尼雅斯托哈素皮賽里木阿里雅爾

薩木約霍達斯六名俱著賞給六品頂帶各大卷

五絲緞一疋鄂素滿薩底克買瑪素皮依布拉伊

木四名俱著賞給七品頂帶各小卷五絲緞二疋

護理陝西巡撫徐所奏報吉林黑龍江凱撤未

起官兵全數過境西安鎮標官兵全數歸伍

庚戌

行受俘禮都統哈朗阿等率解俘將校以俘囚
張格爾豫埃於

午門外之西大樂鼓吹金鼓振作

上龍袍袞服

御午門樓升座解俘將校行禮畢令俘囚張格爾北

向跪伏兵部尚書跪奏平定回疆生獲俘囚張

格爾謹獻

平定回疆勦擒逆裔方略卷之三

九

闕下請

旨傳

制交刑部刑部尚書跪領

旨兵部司官以俘囚張格爾交刑部司官自

天安門出王公百官行慶賀禮

上諭內閣曰逆裔張格爾自嘉慶二十五年以後屢

次入卡擾我邊陲道光六年復勾結布魯特安集

延等回衆搶佔四城朕命將出師天戈所指迅就

克復嗣因該逆乘間逃逸留兵防緝乃故智復萌

敢以釜底游魂復於上年除夕潛入卡倫希圖窺

伺經長齡督同楊芳統率將領官兵立擒巨憝檻

送闕廷朕仰賴

具蒼加佑

祖

平定回疆勦擒逆裔方略卷之三

十

考垂庥於本日御午門受俘禮成感慰之餘益深祗懼

因念該將軍等先事豫籌督兵追獲克奏膚功前

已懋賞酬庸茲當大禮慶成尤宜渥加恩賚揚威

將軍大學士公長齡著加恩晉加太保銜賞戴三

眼花翎糸贊大臣侯楊芳著加恩賞加太子太保

銜哈朗阿誠端吉勒通阿祥雲保解俘來京一路

管束妥協著交部照軍功例從優議敘其自軍營

派出長解到京官弁亦俱著照軍功例從優議敘

至沿途接替護解官弁俱著照軍功例議敘在京

王貝勒貝子公等著加恩各賞給紀錄四次在京

文武大小官員俱著加恩賞加一級八旗兵丁著

普賞半月錢糧以示朕大武告成覃敷闡澤至意

上又諭內閣曰本日朕御午門受俘禮成所有鑾儀

衛請轎校尉及樂部承應人等著該衙門查明人

數每名賞給一兩重銀鏢一箇由廣儲司發給

壬子

鞠勘俘囚

先是俘囚張格爾交刑部

命鄭親王烏爾恭阿定親王奕紹托津富俊禧恩瑪

呢巴達喇軍機大臣會同刑部堂官嚴訊至是

烏爾恭阿等奏言臣等訊據張格爾供稱現年

三十九歲伊父薩木薩克在布噶爾身故伊兄

玉素普在布噶爾充阿渾伊兄之子名依山現

年十二三歲女名阿依木伊弟巴布頂年三十

三歲聞已身故伊弟之子名倭里係阿里雅之

弟現年八歲尙有三女及其妻俱在浩罕伊妻

名拍爾薩又一妻名阿伊木俱係浩罕所娶子

名布素魯克年五歲嘉慶二十五年進卡滋事

係蘇蘭奇主謀伊在阿克奇等候後見官兵追

捕逃往浩罕道光五年巴彥巴圖出卡追捕逃

往阿坦台處後又至巴延巴克什六年搶佔喀

什噶爾係安集延回子伊薩克勾結進卡伊與

浩罕回子愛薩帶領多人到阿爾圖什回莊官

兵將伊圍在瑪雅爾有白帽回子伊敏將伊放

出逃至河色爾布依回莊七年三月官兵攻克

喀什噶爾時伊在城外居住聞大兵已至渾河
 沿向西出卡由鄂什地方逃至木吉居住當時
 未遇官兵平時信用回子係愛散伯克阿布都
 拉博巴克莫洛雅達噶爾布魯特阿坦台汰劣
 克安集延推立汗其博巴克未在一處並未同
 來上年十二月伊復入卡倫係閱將軍檄諭前
 來投降等語詰以該逆在卡外若無內地回子
 資助如何謀生據供卡內回子並無斂助銀錢
 之事惟於嘉慶二十五年自浩罕逃出後回子
 等寄送羊麪布魯特等致送牲畜賴以存活反
 覆訊其欲訴隱情總不過藉口投降妄思倖免
 該逆戕害大臣荼毒生靈罪大惡極擬以凌遲
 如律請於
 廷訊後即行綁赴市曹寸磔處死梟首示衆奏入

平定回疆勦擒逆裔卷六十三 三

上幸靜明園

御廓然大公

廷訊逆俘張格爾罪狀畢得

旨逆裔張格爾著卽寸磔梟首派協辦大學士尙書

富俊尙書明山侍郎鍾昌奕經前往監視行刑慶

祥以喀什噶爾叅贊大臣遭變被囚力竭捐軀領

隊大臣副都統烏凌阿因帶兵圍捕陣陷歿告

平定回疆勦擒逆裔卷六十三 十四

由該犯倡亂以致傷我大臣殊堪髮指著慶祥之

子侍衛文輝烏凌阿之子侍衛忠泰同往市曹看

視俾紆積憤並將該逆摘心交文輝於伊父慶祥

臺前致祭用慰忠魂

上又諭內閣曰阿里雅係例應緣坐之犯毋庸在刑

部監禁著發往貴州在該省按察司監內永遠禁

錮毋許與外人交接及傳遞信息等事每屆年終

該臬司將該犯在監是否安靜稟詳巡撫具奏一
次邁滿達里二犯訊據張格爾供稱該犯僅止隨
伴阿里雅並未與官兵打仗著貸其一死即發往
廣東給駐防兵丁為奴尋奉

旨將邁滿達里改發黑龍江給官兵為奴交該將軍
嚴加查察如敢與外人交接稍生事端即行奏明
正法

以張逆伏誅

宣諭中外

上諭內閣曰回疆未隸版圖以前各城回衆內受準
噶爾之欺凌外遭布魯特之擄掠幾致日不聊生
迨我朝戡定以來輕徭薄賦減免者奚啻倍蓰而
布魯特亦多向化歸誠咸得各安生計縱有逆酋
遺孽偷生卡外亦不過亡命逋逃原可網開一面

從前逆裔薩木薩克等雖在卡外潛滋煽惑尙未
敢公然肆逆乃張格爾以伏匿餘生竟敢妄生覬
覷而布魯特安集延又利彼剽掠助其逆醜遂致
屢擾邊圉前年復又入卡煽亂勾結逆回抗我顏
行傷及大臣官兵竊據四城罪大惡極實為天討
所必誅前此命將出師大申撻伐天戈所指有戰
皆捷四城迅就蕩平而逆酋竟致竄逸彼時朕卽
料該逆自作不靖荼毒生靈斷無久稽顯戮之理
是以屢諭將軍泰贊等總宜設法掩捕不值多勞
兵力今幸神視其魄天網自投業經檻車解京獻
俘

廟

社本日廷訊盡法懲治寸磔梟示實足以彰國憲而快
人心在該逆自取誅夷固無足論惟各城回子受

天朝覆育深恩垂六十餘年何致自外生成甘就
 夷滅總由惑於崇信和卓之習未能湔除致被煽
 誘詎知逆酋當竊據之時惟事誅求悉索追天討
 所加亦祇窮蹙奔竄其伎倆不過如是各城回戶
 中能深明大義矢志忠誠者固不乏人而聽其脅
 誘死於鋒鏑者亦復不少何迷而不悟以至於此
 現在元惡伏誅邊疆大定該回眾等益當明於順
 逆之理咸思怙冒之仁懷德畏威交相誠勉慎勿
 冥頑不靈受人愚惑庶可奕世蒙庥永享昇平之
 福也將此通諭中外知之

臣等謹案我
 朝以弧矢威天下
 聖武懋昭邊夷警服有弗率者以兵征之振旅凱旋
 則有獻俘受俘之禮敬溯康熙三十六年征

平定回疆勦擒逆裔方略卷六十三

七

準噶爾

聖祖仁皇帝受俘於神木縣行營自是雍正二年平青

海乾隆二十一年平伊犁四十一年平兩金

川疊舉隆儀焜煌典冊我

皇上觀

光揚

烈載績武功使跳梁梗化之元兇爲入檻乞憐之困獸

平定回疆勦擒逆裔方略卷六十三

八

紅旗奏捷白紉生俘

端闕受成

大廷執訊遂正藁街之僇用申涿野之誅猶復

屢念回民再三

申諭舊染汚俗咸與維新俾知迷復之凶胥就蕩平

之治雨露風雷無非至教海隅出日悉是蒼

生此誠體

天地生成之德恢

宗怙冒之仁愜萬民聽睹之心立四夷威懷之極我

國家億萬斯年之盛業也詩云匪怒伊教傳謂以

警於夷其此義也夫

命復敘沿途護解逆俘之大臣督撫

上諭內閣曰此次軍營俘解逆酋張格爾來京自阿

平定回疆勦擒逆裔卷六十三

九

克蘇各城大臣以及陝甘河南直隸各督撫沿途

接替派委員弁護解並一切支應諸臻妥協允宜

量予恩施所有阿克蘇辦事大臣長清前任庫車

辦事大臣果良額喀喇沙爾辦事大臣巴哈布吐

魯番領隊大臣賡音岱哈密辦事大臣恩銘幫辦

大臣國勒明阿陝甘總督楊遇春護理陝西巡撫

徐圻河南巡撫楊國楨護理直隸總督屠之申俱

著加恩交部從優議敘陝西巡撫鄂山前於署陝

甘總督任內有違例保舉幕友處分著加恩開復

毋庸交部議敘

上又命軍機大臣傳諭長齡曰本月十二日朕御午

門受俘禮成當經降旨加恩晉加長齡太保銜賞

戴三眼花翎現據奏稱趕緊進行六月初旬即可

抵京務即迅速前來以紓塵盼

平定回疆勦擒逆裔卷六十三

十

命致敘甘肅承辦兵差出力文武各員

陝甘總督楊遇春陝西巡撫鄂山奏言回疆用

兵以來調集京健兩營並東三省四川山東陝

西甘肅等省官兵星馳雲集甘肅為出關總匯

之區四路皆有征兵過境東省自涇州入境西

至關外安西州出境計程四十餘站較南北道

路尤為遙遠各州縣未免有顧此失彼之虞必

須派委多員分投幫辦凡供應車馬支給鹽糧
 以及押解餉鞘運送軍裝器械製辦兵丁皮棉
 衣服採購布疋雇備駝隻騾馬等事均係緊急
 要需刻不容緩雖一切由臣鄂山率同局員分
 撥調派而督催承辦全賴道府以下各地方官
 晝夜辛勤不辭勞瘁及大小正佐各員沿途往
 來催趨照料並遣派武職官弁護送彈壓方不
 致擁擠遲滯貽誤事機迨四城克復旋即接辦
 凱撤事宜在地方人員雖係分內應辦之事而
 軍行迅速供給無誤均難沒其微勞查四城克
 復以來
 隆施疊沛臣楊遇春等均已屢荷
 殊恩關外辦理臺務人員亦經各城大臣奏蒙
 恩施逾格下而至於驛站夫役亦得查明

賞給銀兩所有甘省軍興以來承辦幫辦差委文武
 各員除固原甘州兩提督及藩臬兩司不敢仰
 邀
 恩施外謹將承辦軍務各員擇其始終奮勉尤為出
 力之道府以下各官三十一員武職副將遊擊
 以下各官六員奏懇
 天恩其文員中勞績稍次者一十六員懇請
 交部從優議敘其又次者六十七員懇請
 交部議敘至武職千總以下各員弁應行酌量拔補
 者一面造冊咨部一面由總督衙門存記遇有
 相當缺出與軍營人員相間輪補再肅州鎮駐
 劄嘉峪關內為官兵軍火馬匹器械出關要道
 軍興之始臣鄂山即飭該鎮劉瑞逐加查驗解
 送出關該鎮稽覈詳明間有未能合式者即時

挑出官兵經行所屬尤能加意彈壓所委武弁
押解軍火駝隻餉鞘等項威能小心敬事從無
貽誤該鎮係專閫大員原屬分所應爾惟年餘
以來倍常勞瘁謹據實附片陳明再甘州府經
歷胡彬前於代理山丹縣任內咨部休致未奉
部覆之先正當兵差絡繹仍在山丹協同辦理
俾征兵得以過行實屬奮勉出力可否將該員
開復以吏目巡檢降補之處出自

平定回疆勦擒逆裔方略卷六十三

逾格鴻慈又甘肅莊浪三品花翎土司魯紀勛幫辦

兵差頗爲出力嗣復委令隨同委員購買駝隻
該土司不辭勞瘁辦理妥速現今軍務告竣應
請

施恩獎勵奏入

上諭內閣曰甘肅省此次承辦進征凱撤兵差始終

出力文武各員據楊遇春等分別等第開單呈覽
安肅道覺羅桂萼著賞加按察使銜甘涼道朱樹
著賞戴花翎道銜蘭州府知府蓋運長著記名以
道員用寧夏府知府武陵漢著賞加道銜前署甘
州府知府丁憂鹽茶同知林倬奎著於服闋後免
補本班以知府歸部選用前署平涼府知府洮州
同知周礪秦州直隸州知州李清傑俱著以知府
升用先換頂帶前署慶陽府知府丁憂候補同知
德克進泰著於服闋後以同知歸部即選著甘州
府知府涼莊理事通判寶瑛著留甘肅以同知升
用先換頂帶河州知州胡秉虔著以同知直隸州
升用筆帖式額爾德蒙額著俟年滿留甘肅以同
知通判升用撫彝通判何貴孚著賞加同知銜隴
西縣知縣捐升同知劉崑著捐足同知歸部即選

平定回疆勦擒逆裔方略卷六十三

皇蘭縣知縣候升知州王榮著免補本班以直隸
 州知州歸部卽選靈州知州梁直繩著賞加直隸
 州知州銜署安西直隸州知州敦煌縣知縣蘇履
 吉玉門縣知縣孔昭佑俱著以知州升用先換頂
 帶署固原州涇源縣知縣羅文楷古浪縣知縣張
 績署張掖縣安定縣知縣霍宗光署高臺縣丁憂
 環縣知縣楊翊清山丹縣知縣黃璟署寧湖縣知
 縣林開仕靖遠縣知縣永銓俱著賞加知州銜崇
 信縣丁憂知縣史秉直著於服闋後歸部卽選署
 會亭縣知縣布政司庫大使李慶菴蘭州府經歷
 邱宏俱著不論繁簡以知縣升用署王子莊州同
 平樂縣縣丞何紹衣著賞加州同銜毛目縣丞王
 世琳著以知縣升用借補岷州吏目府經歷張鵬
 翱著以應升之缺升用秦州吏目捐升州同汪杖

著捐足州同留甘肅補用平慶涇道雙興涇州直
 隸州知州袁作翰署靜寧州知州巴燕戎格通判
 孫嘉楹署狄道州靜寧州知州顏廷彥署西和縣
 知縣靈州州同張廷奇禮縣丁憂知縣黃凱寧遠
 縣知縣黃河光署寧夏縣會寧縣知縣畢光堯靈
 州丁憂知州丁榮熙署安定縣安化縣知縣趙湘
 署永昌縣揀發知縣那遜阿古拉署敦煌縣委用
 知縣周慶雲署鎮番縣知縣王子莊州同劉椿安
 西州州判朱煥甘州府經歷宋有勳鞏蘭縣縣丞
 董友善俱著交部從優議敘護平慶涇道甘州府
 知府覺羅景福卽選知府肅州直隸州知州福珠
 靈阿知府銜鹽茶同知陳士楨候升同知金縣知
 縣陸一濂候補同知劉金聲階州直隸州知州馬
 嗣援寧州知州黃文炳伏羌縣知縣程棟署安化

縣知縣鞏昌府經歷杜體泰通渭縣知縣李國軒
 秦安縣知縣陳伊言清水縣知縣朱聲亨狄道州
 知州和塞布中衛縣知縣李壽通署平羅縣兩當
 縣知縣劉詩靈臺縣知縣聶廷儀華亭縣知縣史
 彬光署平涼縣合水縣知縣張家幹署平番縣揀
 發知縣慶霖署西寧縣現補高臺縣知縣古院香
 文縣知縣李閃隆德縣知縣張瓊開復岷州知州
 王瑒署兩當縣候補知縣鄭存仁開復知縣劉陶
 卽用知縣陳之驥盛泰符何守謚張于淳揀發知
 縣雷致亨閩履瀛張若齡王楨成瑞試用知縣邱
 步瓊方登賢蘇得坡劉世濤署巴燕戎格通判試
 用州判夏日瑚試用州判劉揚廷李敦業太子寺
 州判張世慶試用州同舒世錫署莊浪縣丞寧州
 吏目周景榮署東樂縣丞阜蘭縣丁憂典史張萬

選升任東樂縣丞丁芬試用縣丞孫瑄狄清輔姚
 崇恩俸滿縣丞陳因培慶陽府經歷高瑛石嘴主
 簿李士淳布政司照磨穆建增署布政司庫大使
 嘉峪關巡檢程鳳坡金縣訓導雷鳴鳳阜蘭縣訓
 導余自誠惠寧城巡檢亢家駿大靖巡檢趙維樞
 涇州吏目錢玠靖遠縣典史周森中衛縣典史劉
 步衢永昌縣典史劉延祐隆德縣典史金占益環
 縣典史朱沛蒼俸滿巡檢雷元瓚大通縣典史袁
 起業試用未入流汪力田俱著交部議敘護督標
 中軍副將大靖營遊擊米兆元署固原提標中軍
 參將西安鎮標遊擊張文魁俱著於服闋後以參
 將卽補署肅州鎮標中營遊擊嘉峪關遊擊袁鋼
 著賞戴花翎署肅州城守營都司揀發都司札勒
 杭阿著儘先補用護肅州鎮標左營遊擊紅崖堡

守備王得善著以都司升用靖遠協副將富察阿著交部議敘肅州鎮總兵劉瑞加恩交部從優議敘原任甘州府經歷胡彬著加恩准其開復以吏目巡檢降補甘肅莊浪三品花翎土司管紀勛著賞給二品頂帶以示鼓勵

西四城臺馬仍支料石

叅贊大臣固原提督楊芳等奏言查軍務業已

平定回疆勦擒逆裔方略卷六十三

元

告竣地方諸事悉應仍歸舊制前軍興之時自

巴爾楚克樹窩子至喀什噶爾一路皆得設立

軍臺均於四月初一日全行裁撤以節糜費所

有文報仍循舊制由喀什噶爾英吉沙爾葉爾

羌大路馳遞惟查各臺當差官馬牛隻向例冬

春二季由糧餉局支領料石優養夏秋二季牧

放不支料石現當辦理善後喫緊之時摺報公

文馳遞甚多並解運官物差務浩繁若竟照例
牧放停止料石非但馬匹瘦弱難期得力且恐
有誤文報^臣等斟酌商籌擬將在臺牛隻照舊
牧放額設臺馬仍全支料石俟善後事竣再循
舊辦理奏入得

旨報可

甲寅

平定回疆勦擒逆裔方略卷六十三

三

上諭內閣日前經降旨將解俘到京之伯克斯底克

等加恩分別賞給頂帶著各該城大臣遇有相當伯

克等項缺出察其才具酌量升用

上又諭內閣曰此次解送俘囚進京經過地方各州

縣供支一切尚俱妥速所有沿途經過各州

縣著各該督撫查明咨部議敘

縣著各該督撫查明咨部議敘

欽定平定回疆勦擒逆裔方略卷

道光八年夏五月甲寅

升賞解俘至京出力官兵

都統哈朗阿等奏言臣等查此次隨同押解首

逆張格爾進京之官員兵丁經一萬數千里之

遙輪流伴送晝夜辛勤防範周密勞績倍著臣

等謹將尤為出力及其次出力之官員兵丁分

平定回疆勦擒逆裔方略卷六十四

別開單懇

恩量予獎勵奏入

上諭內閣曰哈朗阿等奏隨同押解俘囚進京尤為

出力之官弁兵丁開單懇予恩施副將劉鳳翥寶

德俱著賞加總兵銜原任副將候補都司滿德坤

著開復原官歸部選用甘肅都司蕭福楨馬連陞

陝西都司王鑑俱著以遊擊各歸原省遇缺卽補



先換頂帶陝西把總朱資義著賞戴藍翎知府銜

甘肅鹽茶同知陳士楨著以知府升用陝西卽補

知縣善禧著於補缺後以同知卽補先換頂帶卽

選縣丞卽錫榮著以知縣歸部卽選陝西藍翎馬

兵葉榮著以千總拔補甘肅藍翎馬兵馬興才著

以把總拔補甘肅馬兵張金榜舒長興馬吉祥俱

著賞戴藍翎三姓驍騎校委叅領依克唐阿著以

平定回疆勦擒逆裔方略卷六十四

二

防禦補用拉林記名驍騎校委防禦葉布鏗額著

以驍騎校卽補黑龍江將軍衙門筆帖式莫爾賚

額著以應升之缺升補前鋒委官岳松阿著以驍

騎校補用三姓披甲德克津伯都訥披甲烏勒集

俱著以前鋒領催補用西安額外委趙殿魁張

堯側俱著以經制外委卽補固原馬兵李倉西安

馬兵杜得甘肅馬兵馬得元俱著以額外委補

用

升賞陝西承辦兵差出力各員

護理陝西巡撫徐所奏言陝西與甘省毘連為

蘭州肅州兩局後路接應此次平定回疆所有

支應兵差撥解軍裝餉鞘等項頭緒繁多供給

絡繹均無貽誤謹擇其尤為出力者數員懇

恩量予鼓勵再西安鎮總兵得志督糧道尹佩珩前

平定回疆勦擒逆裔卷六十四

三

經奏派護解逆俘該鎮道先期馳赴西路交界

處所接護出境長途照料並無更替該道尹佩

珩自前年到任後兩次護解京餉三百萬兩並

督率所屬辦理凱撤及一切兵差悉臻妥協謹

據實奏

聞奏入

上諭內閣曰陝西省此次承辦進征及凱撤兵差各

員據該護撫查明尤為出力者懇請恩施潼關廳

同知張聰賢乾州直隸州知州鮑珊俱著賞加知

府銜以應升之缺留於該省升用邠州直隸州知

州托恩多著以應升之缺歸部遇缺選用長安縣

知縣郭維暹咸寧縣知縣李肇慶俱著以同知直

隸州升用先換頂帶署華陰縣事榆林縣知縣魏

駿猷著賞加知州銜候補知縣吳汝昌張肇元俱

平定回疆勦擒逆裔卷六十四

四

著以知縣即候補縣丞魏一德著以縣丞即補

西安鎮總兵得志督糧道尹佩珩護解首逆張格

爾出入陝境沿途防範周密實屬勤慎出力得志

本有花翎著交部議敘尹佩珩先經接解京餉並

督屬辦理一切兵差悉臻妥協著賞戴花翎

勅繪楊遇春小照圖像紫光閣

上命軍機大臣傳諭楊遇春日此次平定回疆大功

告成應照成例將在事功臣圖像紫光閣用昭酬庸懋典楊遇春前此叅贊軍務督率有方茲當紀實銘勲著卽繪小照一分呈覽以便繪圖。

丁巳

允貸阿克蘇葉爾羌回戶口糧

那彥成長清等奏言阿克蘇所屬洋阿里克回

莊一帶地土膏腴產糧最多阿克蘇向資該處

大清高宗純皇帝實錄卷六十四

五

接濟兩年以來兵行經過採買既多回戶求取

一時之利是以籽種全無不能耕作今年雖已

播種收成尙需時日現當青黃不接餬口維艱

查明約有五百餘戶嗷嗷待哺亟須設法調劑

臣那彥成屢蒙

聖諭諄諄以回疆辦理善後首重撫綏茲與長清

悉心籌畫於現貯兵糧三千石內動撥一千石

飭令阿奇木伯克等確查實方其有地無力之戶

按名散給分三年徵還那彥成行抵葉爾羌

適恒敬札克桑阿亦查有前年被搶被害

回子六百餘戶情形與阿克蘇相等似應一律

調劑但查張逆滋事該城回子甘心從逆此時

不概繩以法已屬法外

恩施本不應仰邀撫卹惟念該回夷逼於賊衆自克

復以來深知畏懼等仰體

六

皇仁卽於葉爾羌存貯糧石內動撥一千石按戶散

給亦分三年徵還以歸畫一奏入

上嘉許之

烏什屯田設堡各事宜

那彥成奏言烏什地方有安集延寄居貿易及

回衆私墾地畝並堪以屯田地段建築兵房事

務較繁臣先經派委伊犁領隊大臣布彥泰前
 往會同烏什辦事大臣多貴悉心查辦旋據會
 查呈稱該城自乾隆年間戡定之初僅移駐回
 子六百餘戶每戶領種地七十九畝交糧三石
 共額徵歲賦二千一十石乾隆四十一年四十
 五年經前任烏什叅贊綽克托等復查回戶墾
 生一百數十戶連原額共八百一十戶令將額
 徵歲賦均攤交納每戶止交糧二石四斗餘此
 時又四十餘年戶口加增倍蓰私墾地畝甚多
 自應逐一查清徵收糧石以資增兵口糧又裁
 剩屯兵二百五十名歲交糧四千一百餘石合
 之回戶歲賦一年之中徵糧六千一百餘石僅
 敷大小官員及原設滿漢屯防官兵糧料之用
 所餘無幾茲於舊屯附近墾出隙地八千餘畝

以一種二畝計之歲可種植三千畝除去籽種
 約可收糧二千四百餘石加以回戶私墾地畝
 應增糧石計算現議新增防兵及將備各員弁
 歲需口糧自可有盈無絀等語臣行抵該處體
 察情形必應查明辦理惟原額每戶交糧三石
 後已改爲二石四斗此時無論舊戶新增均按
 二石四斗飭交以示體恤使回衆咸知是接地
 應交之糧並非加賦回戶既不增累兵食亦可
 有資屯工築壩疏渠約需工費銀三千餘兩應
 卽在於新疆防兵內分撥一百五十名將渠壩
 工程趕緊興辦以便來春耕作又該處原設巴
 什雅哈瑪沙圖畢底爾貢古魯克畢得里克雅
 滿素卡倫六處向派侍衛四員各帶兵數名分
 班巡防前經長齡奏裁喀什噶爾葉爾羌等城

卡倫侍衛改用綠營官弁惟烏什尙未裁改茲查該六處卡倫除畢底爾雅滿素係屬小卡該二處尙亦未設卡倫侍衛外巴什雅哈瑪畢德里克等四處卡倫統計二百餘里接壤外夷若零星散布則兵分見單實不足恃擬將四處卡倫分設三堡中堡駐兵八十名左右兩堡各駐兵五十名三堡之間設卡房二處各駐兵十名

王定國勅諭卷六十四 九

會走開齊日日無間聲勢聯絡可期得力庶布魯特無從偷越藉可嚴禁出入之安集延私販茶葉大黃現於留防綠營備弁內遴委守備千把總三員帶兵前往接替暫支帳房居住以便侍衛扎勒杭阿等交卸起程回京至烏什寄居安集延查有一百三十餘戶除流寓在十年以內及查起大黃茶葉並隻身往來貿易者五十

戶已遵照奏定章程逐出卡倫其餘七十餘戶均係寄居數輩種地營生平日並不出卡甚爲安靜仍嚴飭該阿奇木將此項人戶編入回戶一律當差不准出卡營運照例不准安家置產種地亦不准過一頃臣已諄囑多貴布彥泰隨時查察有犯卽逐不可稍存姑息總期逐漸驅除淨盡至陋規一節烏什回戶無多地方較小各該衙門止於供送柴水尙無格外勒索情事該處十二回莊各伯克應役使焉齊回子亦無逾額情弊回情亦甚質樸講求水利農功頗稱豐樂並察看卡外布魯特尙屬恭順奏入

王定國勅諭卷六十四 十

上諭內閣曰烏什地方自乾隆年間截定以來回戶孳生日繁多有私墾地畝據該督逐一查明請將徵收糧石以資增兵口糧無論舊戶新增均照從

前接二石四斗交納以示體恤又於舊屯附近勘明隙地八千餘畝以一種二畝計之歲可種植三千畝除去籽種約可收糧二千四百餘石築壩開渠約需工費銀三千餘兩卽於新增防兵內分撥一百五十名開屯將渠壩工程趕緊興辦以便來春耕作俱著照所議辦理至該處原設巴什雅哈瑪沙圖畢底爾貢古魯克畢得里克雅滿素卡倫六處前據長齡等奏裁各城卡倫侍衛改用綠營惟烏什尙未裁改茲據該督查明除畢底爾雅滿素二處尙未設有卡倫侍衛其巴什雅哈瑪等四處卡倫統計二百餘里接壤外夷若零星散布兵分見單著照所請將四處卡倫分設三堡中堡駐兵八十名左右兩堡各駐兵五十名三堡之間設卡房二處各駐兵十名會走開齊聲勢聯絡務令

巡防周密以期得力並於留防綠營備弁內遴委守備千把總三員帶兵前往接替餘俱著照所議辦理

諭賞賚解送逸匪之推依博特頭目

那彥成奏言 臣由烏什馳赴葉爾羌該辦事大

臣恒敬等上年派令六品藍翎回子庫爾班等

出卡搜捕餘匪在前藏推依博特地方訪有浩

罕回子逃竄到彼已被該頭目敦諾普納莫札

爾截擊圍禁當據指交阿布都薩塔爾等二十

四名令庫爾班等管解並添派小頭目薩莫等

協解進卡訊據阿布都薩塔爾等十二名供悉

從逆攻城搶臺不諱於審明後卽行正法其瑪

勒布巴依等十二名被賊脅從訊無跟隨賊目

前赴各城滋擾重情應發伊罕之錫伯索倫額

魯特察哈爾等營給官兵為奴前藏推依博特
頭目敦諾普納莫札爾於回疆從逆人犯竄匪
在境協拏護解實屬恭順臣傳見小頭目薩莫
優加賞賚以示獎勵並令傳諭大頭目如再有
餘匪逃往卽行截拏毋任遠颺卽將來使護送
出卡仍選派能事伯克出卡密訪如有似此餘
匪嚴拏務獲奏入

平定回疆勦擒逆裔卷六十四

七

上命軍機大臣傳諭曰阿布都薩塔爾等或從逆攻
搶或被賊脅從既據那彥成逐犯研訊屬實自應
分別正法發遣惟所奏前藏推依博特地方是否
卽藏內所轄處所抑另係部落名目其頭目敦諾
普納莫札爾是否番子抑係回子摺內亦未聲明
該頭目於回疆從逆人犯竄匪在境協拏護解甚
屬恭順該督祇將差來之小頭目薩莫優加賞賚

其頭目敦諾普納莫札爾亦須加以賞賚如該頭
目再有遣人效順之處卽著從優獎賞以勵其餘
至喀什噶爾葉爾羌新築各城自應另錫嘉名著
將各該處舊有名目一併奏明以便頒給

命移建葉爾羌城垣

那彥成奏言臣於途次接奉

上諭相度移建葉爾羌城垣臣行抵葉爾羌遵卽周

平定回疆勦擒逆裔卷六十四

七

歷舊城悉心察看該處滿城原建在回城之西
隅與民雜處地僅一角南面尙有城郭規模東
西北三面均倚回戶住屋爲垣牆此外並無隙
地若略爲寬展必將回房拆動又滋擾累且城
內衙署倉庫兵房皆被燒燬此時修復故城所
需工費與另建毫無減省而舊城形如蝸角實
不足以壯觀瞻而資捍禦復於恒敬等所勘舊

城迤西三里許之罕那里克詳加履勘該處地勢高阜渠流環繞原勘地基三里三分建築城垣城內修葺衙署倉庫兵房較爲寬展形勢亦復相宜回疆工程土築居其大半辦理尙不費事應仰懇

俯照^臣恒敬等所奏在罕那里克地方另建新城乘此夏日天長及早購料興工五月內卽可一律

平定回疆勦擒逆裔方略卷六十四

十五

完竣所需工費^臣已行令據實節省請於葉爾羌查抄逆產變價項下支撥毋庸動用正項再恒敬等躡出葉爾羌荒地一百餘里^臣順道查勘水源充裕試墾之區麥苗茂盛俟收穫後卽可約計歲徵糧賦來年多募無業窮回普律耕種計歲需糧石大有盈餘^臣卽日取道英吉沙爾前赴喀什噶爾和闐僻在一隅^臣不復迂道

前往該處應辦善後事宜及估修城垣衙署卽委恒敬帶同西安協領德惠前往查辦奏入

上諭內閣日前據長齡等奏移建葉爾羌城垣並據恒敬等奏勘定舊城迤西罕那里克地方界址當經諭令俟那彥成到彼相度形勢再行辦理茲據該督查明該處滿城原建在回城之西隅形勢逼仄不足以壯觀瞻而資捍禦復將恒敬等所勘舊城迤西三里許之罕那里克地基詳加履勘該處地勢高阜渠流環繞移建城垣衙署形勢亦復相宜著照所請准其在罕那里克地方另建新城所需工費卽著在該城查抄逆產變價項下支撥毋庸動用正項

平定回疆勦擒逆裔方略卷六十四

十六

命以揚威將軍大學士威勇公長齡奏贊大臣固原提督烏能伊巴圖魯果勇侯楊芳奏贊大臣陝

甘總督莽阿巴圖魯一等男楊遇春喀什噶爾	叅贊大臣阿勒精阿巴圖魯武隆阿都統西朗	阿巴圖魯威勇侯哈明阿護軍統領喀屯巴圖	魯阿勒罕保提督銜署固原提督莽阿巴圖魯	胡超貴州提督法福哩巴圖魯余步雲庫爾喀	拉烏蘇領隊大臣副都統巴哈布副都統奇成	額巴圖魯蘇清阿克蘇辦事大臣副都統長	清塔爾巴哈臺叅贊大臣達凌阿多羅郡王博	多歡武巴圖魯伊薩克察哈爾都統格綉額巴	圖魯安福頭等侍衛法沙尙阿巴圖魯巴清德	直隸提督強謙巴圖魯齊慎吉林副都統薩奇	克起巴圖魯吉勒通阿安徽壽春鎮總兵伊清	阿巴圖魯郭繼昌喀什噶爾幫辦大臣副都統	銜果勒明阿巴圖魯額爾古倫陝西西固營都
--------------------	--------------------	--------------------	--------------------	--------------------	--------------------	-------------------	--------------------	--------------------	--------------------	--------------------	--------------------	--------------------	--------------------

平定回疆勦擒逆裔方略卷六十四

七

可卽補叅將阿察木巴圖魯段永福頭等侍衛	塔爾巴哈臺領隊大臣德勒格爾多頭等侍衛	額圖輝巴圖魯華山泰寧夏副都統沙噶巴圖	魯伊勒東阿吉林協領剛安巴圖魯壽昌黑龍	江協領喀勒崇依巴圖魯鄂爾托彥黑龍江協	領阿勒金圖巴圖魯全凌阿黑龍江總管副都	統銜舒凌阿伊犁察哈爾總管札布都勒噶巴	圖魯烏齊拉爾三等侍衛綽克托巴圖魯得勝	額吉林佐領博啟巴圖魯烏凌額吉林佐領蘇	彰阿巴圖魯德成額黑龍江佐領蘇爾巴圖魯	占布黑龍江佐領扎薩克圖巴圖魯阿勒吉訥	伊犁錫伯佐領齊朗阿巴圖魯德克精阿伊犁	索倫副總管達哈遜巴圖魯哈丹保伊犁錫伯	馬甲防禦銜驍騎校法福哩巴圖魯訥松阿伊
--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------

平定回疆勦擒逆裔方略卷六十四

六

準錫伯馬甲防禦衛驍騎校西喇琿阿巴圖魯

舒興阿陝西馬兵升甘肅寧遠堡守備西吉爾

琿巴圖魯楊發陝西馬兵升撫標左營守備騰

奇楚克巴圖魯田大武

欽差大臣直隸總督那彥成等四十人繪像紫光閣

上又命以軍機大臣大學士曹振鏞吏部尚書

戶部尚書王鼎兵部尚書玉麟並繪像

平定回疆勦擒逆裔略卷六十四

十九

欽定平定回疆勦擒逆裔方略卷之

道光八年夏五月癸亥

遣王大臣屆期迎勞

王諭內閣曰揚威將軍大學士公長齡凱旋入覲昨

據奏於六月初旬可以抵京屆期著派鄭親王烏

爾恭阿松筠格布舍哈朗阿奕經前往良鄉迎勞

所有應行典禮該衙門照例妥為豫備

平定回疆勦擒逆裔略卷六十五

命甄敘山西辦解駝隻員弁

山西巡撫盧坤奏言查山西省前於六年十月

內欽奉

諭旨購買駝隻解赴肅州為口外運送軍糧之用經

前撫臣福綿派委吉州營都司保芝琳助馬路

守備尹希成撫標左營守備孫元雲騎尉世職

孫萬邦等解肅時駐劄肅州督辦軍需查驗

解到駝隻多屬臃壯據保芝琳等呈請出口效力維時尙未奉有不准投效

諭旨且適在轉運軍餉緊急乏人差遣之時臣會同

署督臣鄂山派委該員等分領軍餉轉解大營

交納隨經揚威將軍長齡留營差遣嗣准該將

軍以保芝琳等四員差遣數月奮勉出力軍營

現無應升之缺將該員等飭回原省俟有本省

平定回疆勦擒逆裔略卷六十五

二

應升缺出即以該員等儘先升用前撫臣福綿

因晉省各營守備都司以上並無題缺無可請

升咨明兵部請將該員等分別歸部升補接准

部文議駁臣查保芝琳等四員委解駝隻赴肅

安速無誤轉餉軍營留營差遣奮勉出力若以

本省無題缺置之不議未免向隅懇

恩分別鼓勵再晉省前奉

諭旨採買駝隻經前撫臣飭屬購買五千七百隻又

採買鑼鍋二千口均經解赴肅州茲查前此購

辦時正值軍需緊急當經遴委坐補代州直隸

州林樹雲遼州直隸州呂士淳總司籌辦該員

等督率各屬不及五旬購備齊全分起解送出

省安速無誤至銷算事宜亦係該二員一手承

辦覈實題銷實屬奮勉出力懇

平定回疆勦擒逆裔略卷六十五

二

恩分別量予鼓勵奏入

上諭內閣曰山西吉州營都司保芝琳助馬路守備

尹希成撫標左營守備孫元雲騎尉孫萬邦前因

委解駝隻赴肅州交納當經盧坤以差遣乏人會

同鄂山派委該員分領軍餉轉解大營留營差遣

雖與經派出征者不同念其委解駝隻轉運軍餉

均尙安速無誤自應量予恩施都司保芝琳現已

推升福建桐山營遊擊著准其遇有福建省應題
缺出酌量升用守備尹希成孫元著准其歸部遇
缺推升雲騎尉孫萬邦著准其俟有部推守備缺
出卽行選補坐補代州直隸州知州林樹雲遼州
直隸州知州呂士淳前經該撫派委督辦爰速無
誤現將駝隻鑼鍋銷算一手辦竣著照所請林樹
雲免其坐補原缺遇缺酌量補用呂士淳著交部

照例議敘

勅查推依博特部落

上命軍機大臣傳諭惠顯廣慶曰昨據那彥成奏葉
爾羌上年派六品藍翎回子庫爾班出卡搜捕餘
匪在前藏推依博特地方訪有浩罕回子逃竄到
彼已被該頭目敦諾普納莫札爾截擊當經指交
阿布都薩塔爾等二十四名令庫爾班等管解前

平定回疆勦擒逆裔方略卷六十五

四

添派小頭目薩莫等協解進卡推依博特地名是
否係藏內所屬在前藏何方距藏若干程該頭目
敦諾普納莫札爾及小頭目薩莫等是否皆係番
子是何等頭目係何官所管著惠顯等詳細查明
據實覆奏尋據奏詳查西藏所屬境內並無推依
博特地名惟前藏西北堆噶爾本邊外拉達克
部落路通葉爾羌本年三月據拉達克部長專
差頭人阿密克來藏稟稱上年七月內有逆回
一百餘人逃至彼處均經該部長拏獲隨有葉
爾羌差來六品藍翎官員討取此項逆回該部
長未敢交給特差該頭人來藏稟報是推依博
特地方卽係拉達克部落敦諾普納莫札爾卽
係拉達克部長薩莫卽係拉達克小頭目該部
落在前藏西北距前藏六十餘站距葉爾羌約

平定回疆勦擒逆裔方略卷六十五

五

三十站該處人民崇奉黃教文字語言均與西
番無異惟衣帽飲食近似回子該處向與西藏
通好相隔一二年差人來藏呈送達賴喇嘛布
施遇有與西藏交涉事件俱稟明駐藏大臣請
示辦理卽以西藏沿邊各部落而論如布魯克
巴哲孟雄之類雖非唐古特所屬番子實歸駐
藏大臣管轄惟該頭人阿密克稟稱拏獲逆回
一百餘名今那彥成奏稱庫爾班等管解進卡
阿布都薩塔爾等二十四名是否該部落尙有
匿存餘匪抑係該頭人稟報不實等現又專
差馳往飭查另行據實奏

聞奏入

上命軍機大臣傳諭惠顯廣慶曰拉達克部落在藏
屬堆噶爾本邊外距葉爾羌較近該頭目敦諾普

平定回疆方略卷六十五

六

納莫札爾因逆回竄入其境卽行拏獲遣人隨同

差員將該犯等解交實屬恭順可嘉該部長敦諾

普納莫札爾著加恩賞給五品頂帶花翎並賞大

綬二疋小頭目薩莫著加恩賞給金頂藍翎並賞

官綢二疋所需綢緞均由該處賞需項下頒給並

著惠顯等傳旨嘉獎俾知感奮至所稟拏獲逆回

一百餘名僅解交二十四名是否前稟不實抑該

部落尙有匿存餘匪惠顯等已派員確查俟奉覆

到時卽行據實具奏尋又據奏訊明薩領景等十

四名俱跟從逆賊張格爾佔據四城擾亂地方

殘害生靈擬以不分首從皆斬如律並請將派

往拏解逆回之噶市倫敦珠卜多爾濟等加以

鼓勵奏入

上諭內閣曰逆回薩領景等十四犯在喀什噶爾等

平定回疆方略卷六十五

七

處均經從賊打仗嗣因張格爾勢窮竄匿該犯等	由葉爾羌逃至拉達克地方被獲據惠顯等審明	該犯等跟從張格爾佔據四城擾亂地方實係罪	大惡極薩領景巴谷則阿蘇莫底拉阿布都熱密	密日熱興立呷思牟拉古勒麻墨路爾麻墨厦柯	甲庫魯伯特阿哈約勒阿布都格底阿底乃莫拉	托克塔等十四名俱著卽行正法又另片奏派員	拏解逆回頗爲出力懇請鼓勵加恩著照所請噶	布倫敦珠卜多爾濟著賞加二品頂帶五品番目	朗噶布著賞加四品頂帶遇缺卽補	六月己巳朔	兵部保奏照料兵差及承辦獻俘受俘各司員	請量加鼓勵得	旨兵部承辦兵差之郎中富爾崇阿那丹珠宗室華
---------------------	---------------------	---------------------	---------------------	---------------------	---------------------	---------------------	---------------------	---------------------	----------------	-------	--------------------	--------	----------------------

貴員外郎德興候補員外郎鄧錦湘主事世興候	補主事崇慧文柱額外主事書紳承辦受俘之郎	中恩齡趙珥形候補郎中徐祖培員外郎恒昌宗	室法式尙阿主事慶源俱著交部議敘	庚午	頒賞迎勞僕筵	上諭內閣曰揚威將軍大學士公長齡於初五日行	抵良鄉已派王大臣迎勞賜茶酒並著內務府派	膳房章京二員前往頒賞僕筵以昭優眷	癸酉	允減免伊犁出征兵丁民遣應賠駝馬	伊犁將軍德英阿參贊大臣咨安奏言此次征	勦逆回挑派伊犁各營兵丁二千名調撥官廠	馬四千三百三十四匹內給騎馱馬四千匹下
---------------------	---------------------	---------------------	-----------------	----	--------	----------------------	---------------------	------------------	----	-----------------	--------------------	--------------------	--------------------

餘馬三百三十四匹酌給民遣壯勇作為馱馬
 現在首逆生擒大功告成各營兵丁原領官廠
 馬匹因道路難行水草乏缺且歷時既久致倒
 斃過多若按照定例騎馬以五分准銷五分著
 賠馱馬駝隻均以八分准銷二分著賠飭令分
 別照數銷賠兵力未免拮据而民遣等均仰蒙
 恩赦此時若紛紛行知各原省著賠扣價亦恐有名
 無實查東省進征官兵騎馱馬倒斃過多前經
 長齡奏明請免追賠並聲明伊犁官兵由冰嶺
 行走倍艱跋涉現俱留營俟凱撤時查明辦理
 今體察情形屬實不敢照東省官兵一體奏請
 寬免仰懇
 恩准該官兵等於定例騎馬五分准銷外再銷三分
 即照馱馬八分准銷例普律著賠二分其民遣

壯勇原領馱馬三百三十四匹均已倒斃無存
 無可著追應請全行豁免奏入
 上諭內閣曰伊犁出征兵丁應賠騎馱馬匹據該將
 軍等查明各營兵丁原領馬匹由冰嶺行走倍形
 疲乏且歷時既久倒斃愈多若照例分別銷賠兵
 力未免拮据著照所請伊犁兵丁原領馬四千匹
 准其於定例騎馬五分准銷外再銷三分照馱馬
 八分准銷例普律著賠二分其民遣等原領馱馬
 三百三十四匹均已倒斃應行追賠之處著全行
 豁免以示體恤
 命裁撤伊犁塔爾巴哈臺卡倫侍衛改派駐防官員
 接替
 伊犁將軍德英阿參贊大臣容安塔爾巴哈臺
 參贊大臣那彥寶奏言伊犁塔爾巴哈臺兩處

地方所設各卡倫多有毗連哈薩克布魯特鄂羅斯諸夷交界守禦巡防稽查例禁出境貨物在在均關緊要在侍衛等初至口外內地生疎情形不能熟悉遇有驅逐哈薩克追蹤等事往往派派本處駐防熟悉人員前往辦理及至該侍衛等情形稍熟已屆瓜代之期是該員等往返程途驛站夫馬供支徒滋糜擾而於防守均無實益可否照南路裁撤章程畫一辦理將現在伊犁卡倫侍衛十一員塔爾巴哈臺卡倫侍衛八員全行裁撤俱改由本處駐防官內揀選小心幹練通曉夷情者派令接替巡防守禦不獨邊防得力而經費亦可撙節再向來哈薩克布魯特最為尊重花翎人員_臣等擬將嗣後派出坐卡章京內無花翎者於坐卡之日起准其

暫戴花翎差竣仍不准戴用奏入

上諭內閣曰伊犁等處卡倫由京城侍衛派往防守未能熟悉口外情形難期得力該將軍等請照南路章程畫一辦理所有伊犁卡倫侍衛十一員塔爾巴哈臺卡倫侍衛八員著照所請全行裁撤俱改用本處駐防官員該將軍等務當秉公揀選小心幹練通曉夷情者派令接替飭令該員等實力巡防並隨時認真查察如有疎懈偷漏及混行勒索情弊即行嚴參懲辦嗣後派出坐卡章京無花翎者准其於坐卡之日起暫戴花翎差竣仍不准戴用

乙亥

揚威將軍大學士公長齡入覲

硃諭曰日本日長齡親詣御園恭繳揚威將軍印信朕

御勤政殿行抱見禮見其精神矍鑠重定邊疆生
擒巨惡朕喜悅嘉獎之心實難備述前已加恩晉
錫公爵並紅寶石帽頂兩團龍補服雙眼花翎紫
緞嗣因受俘禮成復賞換三眼花翎晉加太保銜
茲當凱旋入覲告厥成功允宜再沛恩施用酬偉
績長齡著賜御用珊瑚朝珠一盤四團龍補褂一
件並准卽行穿用四團龍補服用示朕眷念忠勤
懋賞衷功有加無已之至意特諭

平定回疆勦擒逆裔方略卷六十五

十四

上又諭內閣曰揚威將軍大學士公長齡前此奉命
肅征聲威遠播四城迅復巨憝生擒從茲永靖邊
陲厥功甚鉅朕嘉績酬庸錫封懋賞而外並授爲
御前大臣以昭榮寵現值振旅還朝必思勉奉厥
職惟念長齡年逾七旬精神雖健若令照常趨直
翊衛奔馳轉非所以示優異長齡著兼御前大臣

不必進內侍直並無庸辦理該管事件用示朕體
恤耆臣至意

喀什噶爾興建情形

那彥成楊芳武隆阿奏言喀什噶爾滿城前經
長齡勘定喀喇哈依地方奏明另建茲_臣等會
同前往周歷履勘該處地方高敞形勢扼要新
建城垣周圍五里有奇版築業已完竣其衙署

平定回疆勦擒逆裔方略卷六十五

十五

倉庫兵房約卅月間卽可一律完工查長齡原
奏擬於新城東南另築土堡駐劄伊犁馬隊一
千名茲_臣等酌量情形留駐原額換防伊犁烏
魯木齊馬隊六百餘名裁撤馬隊一千名新建
兵房足敷居住所有另築土堡工程卽應停止
惟去回城二十餘里七里河爲適中之地似應
設兵形勢方爲聯絡_臣等公同商議擬在河口

築堡設兵六百名並於舊城略加修葺留兵二

百名似此分布可期周密再臣那彥成歷奉

諭旨順道查勘葉爾羌英吉沙爾兩處新建城垣除

葉爾羌已查明應行興建業已恭摺覆奏臣道

經英吉沙爾查得舊滿城亦在回城之內地勢

湫隘兵回雜處且衙署兵房均經焚燬與其修

復舊城不如擇地另建庶期一勞永逸查新勘

不定回疆勦擒逆裔奏

六

城基距回城不及一里一切俱照舊制辦理官

兵另居一城實屬兩便應懇

聖恩俯准移建所需工費由臣武隆阿在於抄獲叛

產項下通融籌撥毋庸動支正項至新建喀什

噶爾英吉沙爾葉爾羌三城皆仰仗

皇上天威得以重新輪奐將來落成以後局面煥然

應請

頒示嘉名以誌

大武之揚化行萬里永靖邊圉至和闐除衙署兵房

亦於叛產項下動用修理外其城垣略為補砌

照常駐劄無庸另建奏入

上諭內閣曰喀什噶爾滿城前經長齡奏准在喀喇

哈依地方改建茲據那彥成等奏新建城垣工程

業已全竣其去該處回城二十餘里之七里河為

五定回疆勦擒逆裔奏

七

適中之地應分設兵丁形勢方為聯絡著照所請

准其於河口築堡設兵六百名並將舊城修葺留

兵二百名以資防守至英吉沙爾舊滿城向在回

城之內地勢湫隘兵回雜處既多未便且衙署兵

房俱經焚燬與其修復舊城不如擇地另建現在

新勘城基距回城不及一里著准其移建俾官兵

另居一城一切俱照舊制辦理所需工費即在抄

獲叛產內籌撥無庸動支正項

加恩喀什噶爾難慶回子以世職承襲罔替

那彥成楊芳武隆阿奏言臣那彥成於行抵喀

什噶爾後辦理避難殉節回子卹典查有喀什

噶爾被害五品伯克巴海五品阿奇木伯克伊

斯瑪依爾六品伯克依布拉依木六品伯克呢

雅斯六品伯克莫洛素皮七品伯克玉素普等

平定回疆勦擒逆裔卷五 十九

六員均歿於王事前經長齡查明該伯克六員

之子阿布都熱依特邁買底雅底噶爾邁瑪斯

底克吐爾底依斯瑪依爾等六人奏奉

恩旨賞給五品翎頂惟查定例陣亡副將以下把總

經制外委以上俱給與雲騎尉世職襲次完時

給與恩騎尉世襲罔替今給與五品翎頂並未

聲明世職不過及身而止歷年久遠其忠蓋無

復有人知者似與

聖朝酬忠之例尙未一律可否將

恩賞五品翎頂作為世職承襲罔替其向無品級之

小回子俟查明另議嗣後遇有伯克缺出先儘

世職擇其才具明白辦事可靠者悉選補用其

應交種地糧賦及阿勒板等項錢文概行豁免

並令蓄留髮辮永為

平定回疆勦擒逆裔卷五 十九

盛世忠良以示區別該伯克等僻在回夷深知大義

自當仰邀我

皇上破格隆施方足以慰忠魂而昭激勸臣等現將

奏定章程繕寫告示頒發西四城遍貼曉諭並

咨行各大臣詳查被難殉節各伯克及小回子

分別辦理期於無溢無遺務歸覈實其各城從

逆伯克現已咨令確查據實懲辦毋使一名漏

網俾知盡忠則殊榮繼世助逆則顯戮難逃藉
以收輯回心挽回風氣奏入

上諭內閣曰喀什噶爾被害伯克之子阿布都熱依
特邁買底雅底噶爾邁瑪斯底克吐爾底依斯瑪
依爾等六人前經降旨賞給五品翎頂著加恩准
其作為世職承襲罔替其向無品級之小回子著
查明另議至嗣後遇有伯克缺出仍應擇其才具
明白辦事可靠者遴選補用不得概以世職充補
其應交種地糧賦及阿勒板等項錢文著概行豁免
那彥成等即將現定章程繕寫告示頒發西四
城遍貼曉諭並著各大臣詳查被難殉節各伯克
及小回子分別辦理其各城從逆伯克亦著咨令
確查據實懲辦以昭激勸

臣等謹案撫綏之術莫先於革薄從忠激勸

之方莫先於去逆效順方逆首煽亂騷動四
城

天戈所指脅從者豈盡甘心抗拒哉其中固有性成
忠義舍命不渝曉然於君臣之分者蓋我
國家底定西陲惠澤覃敷垂六七十載免差減賦
休養涵濡不以外夷而稍存歧視彼回子者
世蒙樂利決髓淪肌由感激而生愛戴由愛
戴而出盡忱是以巴海等六人雖生長窮陬
俱能死綏效節為

國捐軀漸摩激發有由然矣逮那彥成等人奏我
皇上立沛恩施優加卹賚殊榮所被固足以慰忠魂
而為致命遂志者勸猶以祿止及身不若賞
延於世

特命阿布都熱依特等各以世職承襲罔替如此則

忠義子孫固將世世永資捍衛凡有血氣者孰不延頸舉踵嚮風慕義共矢其趨事赴公之誠者乎

勅諭那彥成等控馭外夷機宜

那彥成楊芳武隆阿蘇清阿奏言伏查長齡檄

諭浩罕布噶爾拏送逆裔家屬尙未據稟覆惟

浩罕於未奉檄諭之先遣人投書據守卡官兵

呈報

等先不令傳見遣伊薩克詢其來意並

索出來書譯看據稱張格爾就搶實係天意差

人前來道喜其被擄之兵丁商民亦可送出惟

回子經上從無送和卓之例來書語言雖無悖

謬惟全函均係墨字該伯克之名用泥金繕寫

殊有妄自尊大之意等當令伊薩克傳諭該

夷使以此大張格爾滋事其實

天朝祇動兵三萬已經所向無敵旬日之間四城全復且卡內回民深感

大皇帝數十年休養之恩大兵一到處處殺賊歸降

而出力打仗及捐軀效命爲數更多即使張格

爾尙在亦何足爲患此時生擒該逆獻俘

闕下其家屬又何關輕重卽令張逆有子將來藉

可哄動愚回敢於滋事不過如此次之張格爾

而已

天朝亦不過再費三萬兵力一舉剷除

天朝威武從前所滅各國爾等皆知此次生擒張逆

又何足道喜爾等部落彈丸之地在中國僅一

州一縣之大

大皇帝如果興師問罪滅此朝食又費兵力幾何因

不值與無能外夷計較是以未申

天討此後不獻其家屬亦無足重輕但不准爾部落

進卡貿易恐附近各部落知

天朝斷絕爾等貿易從此小視於爾甚於爾愛曼無

益爾即回去一一遵諭傳知臣等於該夷使到

半之時先已派撥懂事弁兵嚴密訪查不准與

流寓安集延及本處回子交接亦不准其貿易

即日撥兵八十名酌給口糧押送卡外並未攜

平定回疆勦擒逆裔方略卷六十五

書

賞蓋緣上年各外夷遣使騙賞不一而足浩罕

屢遣人來詭詞堵塞均邀溫諭重賞以致夜郎

自大茲復逞其詭詐伎倆前來嘗試查浩罕每

借貿易獲利且藉與

天朝通市恐嚇附近外夷今不示傳見亦無筵宴賞

賜破其謫詐或可稍知畏懼俟再有稟到據實

具奏臣那彥成抵喀什噶爾之日並據卡外布

魯特比占把拉特等前來謁見臣即宣示

恩威飭令傳諭各愛曼如有從前從逆之犯竄匿各

處游牧地方立即縛獻果能竭忠效順奏明

大皇帝必有破格

恩典伊等伏地叩頭情詞實為恭順臣等伏思逆裔

家屬並從逆逸犯竄匿外夷豈容久稽顯戮惟

已殲厥渠魁誠如

平定回疆勦擒逆裔方略卷六十五

書

聖訓無足重輕臣等斷不敢恃功妄動致生邊釁惟

有恪遵

諭旨嚴守卡倫不准通商貿易料該夷生計窮蹙必

當縛獻逆裔要犯以為求通貿易地步奉發

御製詩臣等現已覓石選工於喀爾鐵蓋山建碑鐫

勒以垂永久再據伊薩克面稟渥蒙

大皇帝天高地厚之恩感激圖報不能言喻現已著

留髮辮以誌愛戴

天朝誠心向化之惻忱察其情辭實為真切奏入

上命軍機大臣傳諭那彥成楊芳武隆阿蘇清阿曰

前據長齡等檄諭浩罕布噶爾拏送逆裔家屬特

降諭旨令那彥成到彼看其若何稟覆具奏辦理

乃浩罕於未奉檄諭之先遣人投書嘗試殊為詭

詐那彥成等於該夷使到卡時派撥弁兵嚴密防

平定回疆勦擒逆裔方略卷六十五

三

查不准與流寓安集延及本處回子交接亦不准

其貿易一面遵旨傳諭並未犒賞即行撥兵送出

卡外所辦深得大體與朕意相同可嘉之至浩罕

每借通市獲利用以恐嚇附近外夷此時惟嚴守

卡倫禁絕貿易該大臣等務當遵照前旨妥為辦

理其從逆逸犯總責令布魯特等嚴拏縛送不必

派兵出卡遠索窮搜至伊薩克現已蓄留髮辮並

伊子孫及現充伯克各回子等均願蓄留髮辮情

詞真切具見愛戴之忱洵堪嘉獎其賞世職之回

子等願留髮辮固屬可嘉若習俗相沿難於驟改

亦聽其便所有新建各城應另錫嘉名前已有旨

令那彥成將各該處舊有名目一併奏明以便頒

給著俟奉到時再行覈定現在那彥成於接見阿

奇木伯克阿渾時宣諭朕意撫綏開導並繕發告

平定回疆勦擒逆裔方略卷六十五

三

示譯寫回字張貼各城所辦甚好茲發去御筆畫

扇一柄扇套一箇香袋四箇著交那彥成祇領以

昭眷注

命建立義烈公那木札爾專祠

那彥成楊芳武隆阿蘇清阿奏言查葉爾羌舊

城南門為前任喀什噶爾叅贊大臣慶祥之祖

義烈公那木札爾殉節之所溯查乾隆二十三

年春間平定霍集占時將軍兆惠被圍彼時那木札爾同三泰帶兵三百名由北路前往救援賊衆數萬身受重傷致爲逆酋所得釘其手足於該城南門竭忠盡節

高宗純皇帝恩封義烈公今數十年來忠誠所貫義跡

如新雖屢次修城而屍跡不滅兵民回衆無不

瞻仰膜拜凜然敬畏臣前任葉爾羌時曾經親

平定回疆勦擒逆裔卷六五

天

見舊有義祠此次業經燒燬現已另建新城舊

城烈跡不可聽其日久泯滅理宜建設專祠以

慰忠蓋擬卽在舊城南門就其義跡昭著之處

建立專祠春秋致祭俾忠烈之氣有所憑依昭

垂不朽並請

頒發

御筆扁額以垂久遠奏入

上諭內閣曰葉爾羌舊城爲前任喀什噶爾叅贊大臣慶祥之祖義烈公那木札爾殉節之所向有義祠此次業經燒燬現已另建新城著仍在舊城建立專祠春秋致祭並頒發御筆扁額以垂久遠命以舒倫保補授喀什噶爾添設換防總兵

已卯

上命軍機大臣傳諭那彥成楊芳武隆阿日那彥成

平定回疆勦擒逆裔卷六五

无

現抵喀什噶爾一切善後事宜自己商酌就緒此

時楊芳在彼如無應辦之事卽著來京陛見後回

任供職再喀什噶爾幫辦大臣蘇清阿朕意令其

來京所有幫辦大臣一缺著那彥成武隆阿於現

留回疆各員內詳加察看有才堪勝任者卽秉公

據實保奏候旨簡放以便更替蘇清阿來京並發

去御書扁額交該督等於新建那木札爾義祠懸

掛

平定回疆勦擒逆裔方略卷六十五

辛



欽定平定回疆勦擒逆裔方略卷六十五

道光八年夏六月庚辰



護理直隸總督屠之申保奏承辦兵差出力官

弁請量加鼓勵

上諭內閣曰直隸省承辦兵差前經派員設局經理

並專辦文案現在軍務告竣據該護督查開請將

天津府同知顧汝壽布政司經歷倪警大名府同

平定回疆勦擒逆裔方略卷六十五

一

知陳慶儀以應升之缺升用未免過優著不准行

顧汝壽倪警陳慶儀著與督標副將台費音保定

府知府白明義同知劉肇鑑庫大使楊炳俱交部

分別議敘前此徵調官兵來往經過各州縣著該

護督即查明開列名單據實具奏毋許稍有冒濫

俟奏到時再降諭旨尋據屠之申將承辦往還兵

差之永平府知府王開雲東路同知辛文泚臨

榆縣知縣馬錫書深州知州陳晉虛龍縣知縣
 趙塘薊州知州謝宗玉田縣知縣徐桂清苑縣
 知縣沈惇厚供支征兵之河間府知府徐寅第
 署順德府候補知府普俊署撫寧縣知縣呂詒
 安署樂亭縣知縣朱性堂署遷安縣知縣秦光
 辰前任豐潤縣知縣傅潢前署通州知州蔡元
 禧前任磁州知州魯式如前任良鄉縣知縣黃
 瀚前任三河縣知縣余溶前署安肅縣知縣藍
 田前署滿城縣知縣邱澐前署邢臺縣知縣沈
 蓮生前署定州知州鄭承先承辦凱旋兵差之
 通永道周壽齡遷化州知州王錦雯署撫寧縣
 知縣劉延鳳署寧縣知縣張霖昌黎縣知縣張
 汝敦遷安縣知縣曹正樞豐潤縣知縣王仲槐
 三河縣知縣郭夢齡通州知州龍載恬署安肅

平定回疆勦擒逆裔方略卷十六

二

縣知縣楊慶生等分別開單具奏得
 旨承辦往還兵差之永平府知府王開雲等八員供
 支征兵之通永道周壽齡等十員俱著交
 四員供支凱兵之通永道周壽齡等十員俱著交
 部分別議敘
 甲申
 赦斌靜色普徵額罪永不敘用
 上諭內閣曰現在回疆戡定大功告成在事各員均
 已分別施恩因思斌靜色普徵額二犯事屬既往
 亦可量從末減用示法外之仁斌靜色普徵額俱
 著加恩釋放斌靜著交該族長嚴加管束色普徵
 額著交該旗都統等嚴加管束永不敘用
 命欽差大臣那彥成等度冰嶺迤西道路
 伊犁將軍德英阿等奏言上年欽奉

平定回疆勦擒逆裔方略卷十六

三

諭旨查勘冰嶺迤西可通烏什道路本年春間臣等
 派委領隊大臣滿多布前往查勘據稱自伊犁
 惠遠城至烏什共十七站計程約一千二百餘
 里俱有水草中間有河數道夏令水漲時難渡
 間有達巴罕數處石多水少較之冰嶺一路路
 亦稍平略加修理人馬駝隻均可行走自伊犁
 西南卡倫外之哈爾奇拉色沁地方至烏什之
 貢古魯克地方七站之中係蒙固爾都爾布扈
 薩雅克等愛曼布魯特游牧該夷等引路隨行
 頗知恭順此七站中水草茂盛間段柴薪稀少
 附近地方尚可樵採冬春之際風雪較大該處
 布魯特游牧適徙靡定窮苦異常中途實無豫
 備馬匹處所接替更換等語臣等伏查卡外各
 站皆係布魯特游牧接替馬匹勢所難行現在

平定回疆勦擒逆裔方略卷六

四

平定回疆勦擒逆裔方略卷六

五

通南路之軍臺向係經行額魯特游牧由該營
 官兵帶領備差馬匹分站輪替駐守供差若改
 由此路移設額魯特軍臺無論此七站內柴薪
 不能敷用風雪嚴寒額魯特官兵不免疲累卽
 以額魯特游牧處之布魯特之地日久必不相
 安卽相安相聚亦非邊境所宜更不能以滿漢
 官兵設臺致令孤懸夷地是以臣等不敢輕議
 改設臺站臣等復敬繹
 諭旨內兵貴神速必須豫籌便捷之法仰見
 聖主備禦不虞之至計竊思聲勢貴乎相通道路必
 先熟悉雖伊犁界外之七站內馬匹不能接替
 軍臺難以安設今既查得此路可以直通烏什
 自應於無事時豫爲修治平坦並於扼要之區
 慎密防守設遇緩急卽由此路深入長驅以備

捷徑臣等謹擬北路在伊犁境內西南舊設之
 哈布拉克卡倫添兵防守南路在烏什境內迤
 北之貢古魯克地方安設卡倫多派官兵巡防
 不准夷民私行潛度一經緝獲卽照越度邊塞
 例從重治罪自明年爲始每至五六月間於伊
 犁烏什兩處適中之哈爾海布拉克地方由臣
 等派伊犁領隊大臣一員烏什辦事大臣幫辦
 大臣內自行酌定一員先期約定日期同往該
 處各酌帶官兵會哨一次卽每年將道路各達
 巴罕積草亂石酌加平修一次所有經過布魯
 特游牧示以彈壓撫綏一經會哨旋回各將要
 路封閉如此酌辦邊境可期習熟其冰嶺一路
 經行已久誠如
 聖諭往來絡繹已與大路無殊且向俱安設軍臺謹

擬一切文書摺報並解送犯人軍火器械等項
 照舊由冰嶺行走以昭簡易而免更張奏入
 上命軍機大臣傳諭那彥成曰冰嶺迤西皆係布魯
 特游牧現經德英阿等派令滿多布前往踏勘明
 確伊犁西南卡外各站接替馬匹勢所難行其現
 通南路之軍臺向由額魯特游牧此時亦難將該
 處軍臺輕議改設但旣查得此路可以直通烏什
 惟中間七站係布魯特地方著那彥成就近酌量
 實在情形是否應於無事時豫爲修治備而不用
 抑或竟行封禁以杜偷越之處悉心籌度據實具
 奏尋據那彥成奏言准伊犁將軍德英阿繪圖咨
 送查自伊犁惠遠城起十七站行抵烏什中間
 七站係布魯特游牧旣不能豫備馬匹接替亦
 未便移設軍臺請於無事時豫爲修治平坦伊

犂烏什各在原設卡倫多派官兵巡防每年五
六月伊犁派領隊大臣一員烏什正辦幫辦大
臣自行酌定一員各帶兵前往適中之哈爾海
布拉克地方會哨將道路積草亂石平修一次
竊思南路通伊犁捷徑前經臣等訪聞阿克蘇
西南之巧塔爾達巴罕賽哩木所屬之阿爾通
霍什均有徑赴伊犁道路奏請設卡安兵嚴行
封禁今查向來伊犁派來南路換防官兵均由
卡外經行布魯特游牧過那林橋至喀什噶爾
共四十五站今年換防官兵即由此前來若此
時不由此路轉覺示弱但所奏每年帶兵會哨
修除積草亂石年久悉成坦途轉爲便捷之徑
殊未周密臣悉心籌度德英阿派員履勘此路
情形中途並無險阻適遇緩急誠如

聖諭爲行兵神速之徑相應請

旨飭下伊犁將軍烏什辦事大臣將伊犁西南哈布
哈克卡倫烏什迤北貢古魯克卡倫各派派官
兵認真巡防其所奏平時會哨修治之處應毋
庸議奏入

上諭內閣曰伊犁西南卡倫外有直通烏什捷徑經
由布魯特地方前飭德英阿派員查勘據奏應於
無事時豫爲修治平坦各在原設卡倫添兵巡防
每年由伊犁烏什派員會哨一次當經降旨令那
彥成悉心籌度茲據奏南路通伊犁捷徑如巧塔
爾達巴罕阿爾通霍什均經奏請封禁此路並無
險阻爲行兵捷徑亦請封禁備用著伊犁將軍烏
什辦事大臣即將伊犁西南哈布哈克卡倫烏什
迤北貢古魯克卡倫各派派官兵認真巡防不准

夷民取道往來儻有匪徒潛越一經盤獲照越度邊牆例從嚴治罪儻守卡員弁不實力稽查任令潛越卽一併嚴叅懲處該將軍前奏每年會哨修治之處著無庸議

乙酉

飭諭烏魯木齊等處訓練駐防官兵

上諭內閣曰本年回疆滋事徵調各處官兵據長齡

平定回疆勦擒逆裔方略卷六六

十

楊遇春等奏稱烏魯木齊駐防官兵最形軟弱昨

那彥成奏回疆增設防兵摺內亦稱該處馬隊弓

馬平常技藝生疎難期得力總由該都統領隊大

臣等平日因循廢弛昧良耽逸不肯隨時整頓所

致本應嚴加懲治念其事屬已往非止一人一任

姑免查究嗣後該都統務當督率領隊實心實力

訓練操防必期一兵有一兵之用如仍前毫無起

色恐該都統等不能當此重咎也並此外各城辦

事領隊大臣俱著一體督飭弁兵勤加操演悉成

勁旅俾平時可資捍衛有事可以折衝方爲不負

委任不可因軍務告竣又形懈弛儻有視爲具文

仍前怠玩者經朕查出或因事顯露必將該管之

員無論現任歷任一併從重治罪決不寬貸著將

此旨實貼衙署或教場俾知儆省日久毋怠將此

平定回疆勦擒逆裔方略卷六六

十一

通諭知之

庚寅

烏什留駐官兵飭回原營

烏什辦事大臣多貴奏言查烏什換防官兵於

道光六年八月內應行換班兵丁二百二十一

名時因張逆擾及境內兵力單弱當經前任辦

事大臣慶廉奏將前項官兵暫行留駐及四城

克復因前派赴都齊特截堵官兵俱經陣歿烏
 什兵額懸缺不敷差遣是以仍留當差現將所
 遺糧缺按營就近招募應調兵丁已咨陝甘總
 督轉飭原營補派扣計九月內即可到防此時
 各項差務現有新添征兵一千名足敷撥派所
 有前此暫留之兵丁一百五十一名自應飭令
 回營以節糜費查有肅州鎮屬高臺營都司劉
 應選係由帶領征兵暫留防守之員亦應飭令
 回營即將前項兵丁交該都司管帶於五月十
 二日自烏什起程奏入報

聞

辛卯

命於八月初七日在正大光明殿舉行凱旋筵宴應
 行典禮各該衙門照例豫備

壬辰

烏魯木齊軍需報銷事宜

烏魯木齊都統英惠奏言此次派調官兵進剿
 需用軍糧火藥鉛丸鍋帳藥料紙張等項因由
 烏魯木齊籌辦解往覈之口內程途較近一半
 當軍興之始即經奏明派委員弁沿途安設糧
 臺越喀喇沙爾庫車二城徑運阿克蘇軍營交
 卸又官兵途中應領鹽糧草料車駝腳價口內
 委員一時不能趕到亦由烏魯木齊派員接城
 按臺分別支應嗣大功戡定一切報銷經署陝
 甘總督鄂山等會奏各歸各城辦理臣當即督
 飭鎮迪道湯鼐及在局委員人等清查卷案逐
 款鈎稽共計收入軍需項下銀二百四十萬九
 千二百九十六兩零內除派調烏魯木齊滿漢

官兵四千餘員名應發俸賞行裝車駝腳價及
自宜禾縣助巴泉起至庫車底臺止共歷三十
一軍臺供支進征官兵鹽菜車價料草及製辦
繩袋藥料紙張鉛丸火藥衣褲鞴鞋等項共用
銀一百四萬八千七百四兩零俱係實用實銷
之款現已分別趕造銷冊咨部覈銷惟此內有
由口內派出官兵應支口糧草料則係按臺支
領鹽菜腳價則係按城支領該官兵晚歇晨興
行走迅速各廳縣及委員等雖係查照肅州糧
草照數給領但並無各官兵銜名及起止月日
此時按例查造報銷有無例外浮支及重複冒
領情弊無從覈對除據各廳縣及委員等冊報
總數共用銀八十四萬九千六十二兩零先行
咨部外一面移咨蘭州報銷總局將出口官兵

平定回疆勦擒逆裔方略卷六十六

古

平定回疆勦擒逆裔方略卷六十六

古

銜名按起鈔錄覈明起止月日是否符合俟查
造到日造具細數清冊另行咨部此次支發銀
糧草料均於糧草內填注並隨時取具帶兵將
弁領收存查如覈與定例浮多概行刪除責成
具領將弁及濫應之各糧臺官員分賠以昭覈
實又運糧口袋並製辦鞴鞋套褲需用布疋採
辦藥料紙張等項共用銀十三萬五千八百八
十五兩零各項物料皆來自口內價值本昂迨
至軍興沿途受雇車駝皆為官兵雇用商貨不
能販運前來且錢價漸增以銀易錢買物價值
益覺昂貴查軍需之物採辦軍營紙張等物原
准照依時價據實採辦解往此次軍需事起倉
猝臣雖破除情面嚴飭撙節辦理第商民因道
途寫遠難以販運一切價值總較口內加增惟

有仰祈

聖恩俯准照依時價據實造報俾免濫竽之弊至運
 送軍糧除去沿途折耗被水衝失不計外其各
 糧臺截留支用及阿克蘇軍需局實收共起運
 過白麵粟米小麥折合糧十三萬一千九百六
 十二石零若查照軍需定例及覈准條款奏定
 章程共應銷運腳銀一百八十三萬六千二百
 六十二兩零臣因軍興之始訪查沿途一切食
 物價未增昂各廳州縣及委員等每糧一石僅
 發銀二錢四五分不等迨六年十月以後地凍
 草枯官兵接運而進沿途需用草料米麵柴薪
 等項價值驟昂以致車駝人夫請是不前各城
 糧員始將運價加增七年五六月間駝歇廠
 之日雇覓戶民回子車輛並有於例價之外增

平定回疆方略卷六十六
 六

添者嗣停運之後臣調查各糧員及各廳州縣

底冊細加查覈各處情形不同辦理不能一致
 若任其分段按日查造轉恐那移月日以少報
 多且參差不齊部中亦難稽覈當經飭令按照
 戶部覈准例銷通腳格外節省三成銀五十五
 萬八百七十八兩零除將一成銀一十八萬三
 千六百二十六兩零以補實用不能實銷各款
 仍歸入運腳項下造報其餘格外節省例銷二
 成銀三十六萬七千二百五十二兩零毋庸再
 行找發以節糜費一面移咨蘭州軍需報銷總
 局查覈辦理並分案造具銷冊咨部覈銷其掣
 獲首逆之後續撤官兵沿途借支一切另作尾
 案歸入奏銷案內分款造冊咨送陝甘總督覈
 明題銷

平定回疆方略卷六十六
 七

英惠又奏言再此次報銷運糧牌價臣極力撙節於例內節省三成銀五十五萬八百七十八兩零惟據各廳州縣冊報有實在用出例不准銷者臣悉心查察實係迫於地勢情形必須支用之款因思既於例內辦有節省而實用在公銀兩若不為之籌及仍令承辦各員賠交未免苦累查應賠雇用蒙古倒斃駝隻及承領駝隻借過製辦鞍履繩索等項未經扣還共應賠銀三萬四千七百四十四兩零又迤化等處借給戶民趕置車輓騾馬未經扣繳應賠銀五萬四千三百九十一兩又應賠餵養托克遜瘦乏駝隻銀六千八百六十五兩零又應賠蘇巴什溝山水衝沒軍糧糧價銀一千七百八十六兩運腳銀二千四百六十五兩零又應賠緩來等

縣運至迤化州等處折耗軍糧糧價銀五千三百六十七兩零運腳銀八千九十六兩零又迤化州運至阿克蘇折耗軍糧應賠糧價銀九千二百兩零運腳銀二萬二千三百三十二兩零又托克遜雇用回子車輛應賠浮價銀一萬四千二百二十九兩零又各廳州縣糧員等磨麵應賠麵斤價銀四千九百三十一兩零又應賠各城安設糧臺租賃民房堆貯軍糧房租銀七百七十兩又應賠搭蓋席棚等項銀六百八十三兩零又應賠雇夫捶打結塊麵斤銀四百四十七兩零又應賠修補道路橋梁銀一千三百五十一兩零又應賠桑樹園等處開挖井泉銀一千二百一十二兩零又應賠修填古大墩路並探路盤費等項銀五千二百四十四兩零又

應賠修填蘇巴什溝被水衝塌道路銀五百七十七兩又應賠差派家丁書識交收糧石並差役押運盤費口食銀二千八百七十二兩以上十六款共應賠銀一十七萬七千九百二十九兩零合無仰懇

天恩俯准在於節省銀內劃出一成銀十八萬三千

六百二十六兩零以抵前項支用尙有存剩節

至道同勸務總局卷六

手

省銀五千六百九十六兩零存貯州庫以充公

用並請免其造冊咨部均奏入

上諭內閣曰烏魯木齊支發軍需項下共銀二百四

十萬九千二百九十六兩零內除實用實銷之款

共銀一百四萬八千七百四兩零現已分別造冊

咨部覈銷外其由口內派出官兵接臺接城支領

銀糧等項共用銀八十四萬九千六十二兩零據

該都統移咨蘭州報銷總局將出口官兵銜名按

起鈔錄覈明起止月日是否符合著俟查造到日

另行造冊咨部如覈與定例浮多概行刪除責成

具領將弁及濫應之各臺糧員分賠以昭覈實至

裝糧口袋並製辦鞴鞋布疋藥料等物共用銀十

三萬五千八百八十五兩零因軍興後商民販運

貨物價值昂貴著准其照依時價據實造報其各

至道同勸務總局卷六

三

糧臺截留支用及阿克蘇軍需局實收起運糧石

據該都統飭令按照戶部覈准例銷運解外節

省三成銀五十五萬八百七十八兩零以一成銀

歸補實用不准實銷各款仍歸入運腳項下造報

其餘二成銀毋庸再行找發俱著移咨蘭州軍需

總局查覈辦理並分案造冊咨部覈銷其續撤官

兵沿途供支一切著另行造冊咨送陝甘總督覈

明題銷又另片奏因公支用例難開銷各款共應
賠銀十七萬七千九百二十九兩零著加恩准其
於劃出節省一成銀十八萬三千六百二十六兩
零內支用尚有餘剩銀兩著存貯州庫充公並免
其造冊咨部

英惠保奏烏魯木齊承辦軍需糧運及供應兵
差稽覈報銷始終出力各官吏等請分別鼓勵

平定回疆勦擒逆裔卷六

三

上諭內閣曰署迪化直隸州知州海順著加恩賞戴
花翎其軍需尾案及部駁登覆仍責成該員一手
經理實缺主事糧餉處章京訥蘇銓額著賞給員
外郎職銜歸部仍以主事補用主事職銜慶雲著
免其學習年分到部即以主事補用筆帖式普薩
保著賞給主事職銜委筆帖式文貴著即以筆帖
式補用署吐魯番同知糧員福奎卽補知縣吳龍

光宜禾縣知縣常久俱著賞給同知職銜留於口
外以應升之缺升用俸滿典史馮興俶著以口外
府經歷縣丞遇缺升用迪化城巡檢周熙宜禾縣
典史談嘉佐俱著俟邊俸滿後咨送口內以府經
歷縣丞儘先升用卽選從九品書吏潘智著免選
本班以府經歷縣丞不論雙單月儘先選用卽選
未入流書吏朱旭照著免選本班以未入流不論
雙單月儘先選用糧臺書識李漢章潘顯劉朝舉
俱著賞給從九品職銜至原任太原府知府沈琮
因審辦門思虎一案錯謬革職發往新疆效力前
經長清等以該員在阿克蘇辦理文案糧餉事務
出力賞給七品頂帶送部引見旋復奏請恩施經
朕駁斥茲該都統復請將該員賞加六品頂帶著
不准行沈琮著仍遵前旨送部引見其頭屯所千

平定回疆勦擒逆裔卷六

三

總惠林請升都司未免過優著歸於綠營以守備
升用張文浩朱錫爵俱著不准釋回

恩卹防勦盡節官兵

英惠奏言接准兵部來咨令將烏魯木齊從前

派往喀什噶爾等四城換防官兵詳細確查分

別奏咨照例議卹臣先准長齡咨查當卽分別

行查去後旋據烏魯木齊吐魯番巴里坤古城

平定回疆剿擒逆裔方略卷六

請

各領隊查明前次派赴喀什噶爾等四城換防

遇難官兵自委協領至金頂催總共計官五十

九員甲兵五百六十六名跟役壯丁三十三名

此內並無私自回旗之人又據烏魯木齊提標

中營參將報前次派往喀什噶爾換防兵六

十三名除在大營因公回營兵一名計在防被

害兵六十二名又於道光六年正月經原任參

贊大臣慶祥咨調綠營官兵派瑪納斯協副將

周吉圖帶領提標官兵共五百二十三員名前

往除投出四名外計在彼被害官兵五百一十

八員名又都司潘士品一員於到喀什噶爾後

出卡堵禦積勞病故迨後城池失守屍棺無存

又副將周吉圖前於帶兵起程時呈明將伊長

子周承壽帶往效力亦已同時被害該滿漢官

平定回疆剿擒逆裔方略卷六

請

兵於四城失守之時攻守禦盡節或臨陣捐軀

均能致身赴義都司潘士品雖非死於鋒鏑而

屍骨無存周吉圖之子周承壽隨營效力與伊

父同歿行陣其情均屬可憫請

勅部分別議卹以慰忠魂奏入得

旨該部議奏尋議將委協領多克金泰佐領恭前鋒

翼長富呢雅杭阿佐領鶴松六十多鑾岱防禦

壽凌常順佟善前鋒校鳴魯岱伊凌阿多順伊
 克吉布驍騎校根福富昌阿德克精額副將周
 吉圖守備張華赫福千總柴應祥劉得基馬輔
 貴把總林鳳袁登舜李登科張喜外委趙棟柴
 榮馬伏榮周永祿辛科賈成伏等三十一員照
 例各卹賞銀兩有差並俱給與雲騎尉世職襲
 次完時俱給與恩騎尉世襲罔替至喀喇巴爾
 噶遜營守備掣補貴州平遠協標左營都司潘
 士品應照軍營病故四品之例給與卹銀五十
 兩陣歿喀什噶爾主事職銜舒明安和闐主事
 職銜納丹珠葉爾羌主事職銜格僧額綬壽等
 四員均照例給與雲騎尉世職襲次完時給與
 恩騎尉世襲罔替主事職銜舒明安納丹珠格
 僧額綬壽等四員均照不管兵之六品官陣亡

平定回疆勦擒逆裔方略卷六

美

例各卹銀二百二十兩其兵丁跟役及周吉圖
 之子周永壽等另行覈辦奏入

上從之

丙申

庫車辦事大臣里良額保奏軍臺出力之伯克
 武弁請量加鼓勵

上諭內閣曰庫車自裁撤糧臺之後凱撤官兵應支

平定回疆勦擒逆裔方略卷六

毛

料草改歸軍臺支放該伯克等分赴回莊設法採
 辦洵屬急公並營員等經理支放認真妥協均應
 量予恩施四品伊什罕伯克阿布拉著賞戴花翎
 七品伯克泰來巴海阿散伯爾第金頂回子多拉
 素皮俱著賞戴藍翎把總王忠孝著以千總升用
 經制外委馮忠良戴珍俱著以把總儘先升用
 兵顧貴魏德俱著以額外外委拔補

欽定平定回疆勦擒逆裔方略卷之

道光八年秋七月辛丑

命伊薩克為喀什噶爾幫辦大臣

那彥成楊芳武隆阿奏言伏查伊薩克自軍興

以來首先帶領回兵告往出力節次隨同打仗

偵探賊情採辦軍糧牛羊騾馬帶路出卡生擒

張逆遇事奮勉頗著忠誠實屬有用之才臣等

平定回疆勦擒逆裔方略卷之十七

曾經議及即以該伯克為幫辦大臣亦堪勝任

因究係夷人未敢陳奏乃蒙

聖明鑒察飭臣等留心察看仰徵

聖主用人無方之至意臣等查伊薩克才具資格尙

遜於伊斯堪達爾而辦事勇往頗有忠心且自

委署阿奇木伯克以來撫綏回眾措置得宜如

蒙

命允伊薩克即請

簡放喀什噶爾阿奇木伯克格外

施恩作為幫辦大臣實堪勝任前年軍興伊始土爾

扈特汗策登多爾濟伊弟台吉楞陳多爾濟協

濟蒙古官兵一千名打仗甚為出力仰懇

皇上天恩俯准將策登多爾濟

賞戴雙眼花翎台吉楞陳多爾濟

平定回疆勦擒逆裔方略卷之十七

賞戴花翎以示獎勵

那彥成楊芳武隆阿又奏言前奉

諭旨飭查和闐幫辦大臣富盛阿新授葉爾羌辦事

大臣札隆阿如能辦理裕如即隨時據實具奏查

現在和闐幫辦大臣富盛阿年逾六旬精力漸

衰是以長齡會同臣那彥成奏請

簡調茲臣那彥成行抵西四城採訪各大臣官聲該

員才具未能開展辦理和闐善後事宜不洽與

情未便因其並無劣跡稍事姑容應請

旨將富盛阿原品休致該員歷次出師著有勞績由

部臣照例覈辦其和闐幫辦一缺查有二等侍

衛貴成自上年蒙

恩降職之後深知愧悚此次奉

命隨臣那彥成赴喀什噶爾差遣沿途留心察看頗

平定回疆勦擒逆裔方略卷十七

三

知檢束心地尙屬明白清漢文義亦尙粗通以

之補授和闐幫辦大臣可期勝任至札隆阿經

臣那彥成奏請隨帶前來途次與長齡密商長

齡亦深知其人才具可用是以會銜具奏現經

恭錄

諭旨咨令前赴葉爾羌接印任事俟辦各項善後事

宜完竣如果辦理裕如再當遵

旨隨時據實奏

聞均奏入

上諭內閣曰前因伊薩克實心出力忠勤可嘉諭令

那彥成等看其能否堪勝幫辦大臣之任據實覆

奏茲據奏伊薩克遇事奮勉頗著忠誠其才實屬

可用伊薩克著卽以喀什噶爾阿奇木伯克加恩

作爲該處幫辦大臣仍照伊斯堪達爾幫辦之例

平定回疆勦擒逆裔方略卷十七

四

一切營制軍民交涉事件不隸干預凡遇回務與

邊外各事宜准其會銜具奏名列幫辦大臣之次

以示優獎至土爾扈特汗前因西四城軍興協濟

蒙古兵丁打仗出力恭順可嘉近已有旨加恩將

策登多爾濟並其弟台吉楞陳多爾濟均賞戴花

翎矣又另摺奏和闐幫辦大臣富盛阿年力漸衰

辦事不洽與情富盛阿著以原品休致該員曾經

出師著績著兵部照例覈辦

允議回疆補放大小伯克章程

那彥成楊芳武隆阿奏言此次回疆底定首重

撫綏欲戢衆心先清弊實使回衆咸感

皇上柔遠安邊之厚恩自可久安長治臣那彥成自

入回疆沿途密訪各城利弊如陋規之大者大

概訪明現俟各城詳細查覆到日逐件奏明勒

平定回疆方略卷六十七 五

石永禁近來更有賣放伯克一端急宜奏定章

程方可永除積弊查回子最重

天朝翎頂官職以為榮寵從前遇有伯克缺出賄囑

營謀無弊不有蓋該伯克出資得缺便可指大

小衙門為名苛斂回衆至阿奇木以下層層賂

削為數竟難指數回疆大臣各管各城不相統

屬恃無稽考藉得任意妄為然獲利十不得其

一三而印房回務章京與阿奇木伯克等獲利

十倍是該伯克費之於上取之於下年久悉成

巨富窮苦回衆日不聊生於是遇有伯克出缺

財賄營求積為陋習回民受累日深深堪痛恨

臣那彥成屢次具奏新疆大臣必須慎選亦正

為此查定例各城大小伯克缺出由本城大臣

擬定正陪咨送喀什噶爾茶贊大臣驗放分別

平定回疆方略卷六十七 六

奏各儘照舊例辦理其弊仍不能絕終非長策

應請嗣後各城遇有二品至五品伯克缺出由

本城大臣查明先儘出力受傷或家口被害之

人次儘死事人之子孫次儘出力世家並視其

人才具能否辦事逐細聲明照內地體制造具

四柱清冊一勞績二資格三人才四家世填註

事實出具切實考語將應升應補之人開列四

五員咨送參贊大臣驗看其應升之員亦請定
為歷俸三年之例俸滿者方准保送如有朦混
不清卽行駁查如果覆覈無異卽照各城大臣
原送考語開單奏請

欽定一員補放此後該伯克犯有公過與原保大臣
無涉若有擾累回衆或將已革陋規改易名目
斂錢肥己等事一經發覺請將原保大臣嚴加

平定回疆勦擒逆裔方略卷六十七

七

議處六七品伯克卽異日之阿奇木伯克亦宜
慎重遴選由各大臣查明俸滿應升及應補之
人造具四柱清冊酌保三四員咨送參贊大臣
驗放該伯克等職分較小毋庸具奏咨明理藩
院查覈此外回子工匠及阿奇木家人並在京
為奴得遇

恩赦釋回回子均因通曉漢語充當通事繼因各城

辦事大臣以其賞差熟識或瞻徇情面遂至違

例升用伯克此輩出入衙門內外串通遇事滋

擾無惡不作如已正法之阿布都拉等更其甚

者現在伯克內查明如有曾充工匠家人及有

罪釋回之犯有已放伯克之人卽行斥退以後

通事只准充當通事不准升補伯克再各城阿

奇木伯克伊什罕伯克都管伯克均有經理糧

平定回疆勦擒逆裔方略卷六十七

八

賦差徭之責一切苛派弊竇皆出於若輩之手

查乾隆年間大伯克迴避本城小伯克迴避本

莊喀什噶爾案卷悉被焚燬無可稽查詢之年

老伯克僉稱無異近來辦事各大臣不能悉屬

秉公便於營私不特阿奇木伯克多用本城回

子卽小伯克亦以本莊之人辦本莊之事該伯

克等情形熟悉一經剝削其害尤甚嗣後升補

各城阿奇木伊什罕都管等伯克迴避本城五
六七品伯克迴避本莊如有朦混錯誤補放者
理藩院查出照例請

旨交部議處該奏贊大臣仍隨時密訪如有前項各
弊嚴加察奏從重辦理至現在西四城大小伯
克被難從逆及逃亡之人懸缺日久尙未遴補
臣等業已咨查各缺俟覆到之日秉公覈定開

平定回疆勦擒逆裔卷六十七

九

單分別奏咨卽照此次奏定章程辦理再西四
城舊制英吉沙爾屬於喀什噶爾和闐屬於葉
爾羌屬城本城應請一律迴避以昭畫一奏入
上諭內閣曰那彥成等奏回疆歷年補放伯克積弊
擬定章程甚屬周妥定例各城大小伯克缺出由
本城大臣擬定正陪咨送喀什噶爾奏贊大臣驗
放分別奏咨現據那彥成等查明從前伯克缺出

往往有賄囑營謀等弊積習相沿回民受累現在
回疆底定首重撫綏欲戢衆心先清弊竇自應明
定章程以垂久遠著悉照所議行該衙門知道
允議增設各城將備

那彥成楊芳武隆阿奏旨喀什噶爾英吉沙爾
葉爾羌和闐阿克蘇烏什各城原設統帶防兵
將備自副將以下等官共八十三員名前經長
齡奏增防兵八千名議定應設領兵將備二百
十五員名今^臣等悉心酌擬已將原設兵丁裁
減一千五百名則官員亦應從減並有因地制
宜酌量損益之處通共減去原議一百二十四
員再無可以從減應添設將備等九十一員名
除滿洲兵照舊安設無庸議增官員外查喀什
噶爾舊設綠營防兵六百二十餘名新增二千

平定回疆勦擒逆裔卷六十七

十

七百名業已奏改涼州鎮作為喀什噶爾換防
 總兵應將原設副將裁撤除原設遊擊一員都
 司一員守備一員千總三員外委六員均照舊
 換防外應添設遊擊一員都司三員守備六員
 千總十一員把總二十員外委二十六員英吉
 沙爾舊設綠營防兵二百名新增防兵二百名
 除原設遊擊一員千總一員把總一員外委二
 員均照舊換防外應添設守備一員把總一員
 外委一員葉爾羌舊設綠營防兵六百八十餘
 名新增六百名既歸總兵節制應將原設副將
 一員遊擊一員裁撤改設參將一員原設都司
 二員裁撤一員除原設千總三員把總六員外
 委九員均照舊換防外應添設守備二員千總
 一員把總二員外委三員和闐原設綠營防兵

二百三十餘名並未加增原設都司一員千總
 一員把總一員外委二員均照舊換防毋庸添
 設阿克蘇舊設綠營防兵七百餘名新增一千
 名應將原設遊擊三員裁撤二員改設參將二
 員除原設千總二員把總五員外委六員均照
 舊換防外應添設都司一員守備二員千總二
 員外委二員烏什舊設綠營防兵七百八十餘
 名新增一千名應將原設參將一員裁撤改設
 副將一員原設守備二員裁撤一員除原設都
 司一員千總三員把總四員外委八員均照舊
 換防外應添設都司一員把總二員外委四員
 以上裁撤增改計減派副將一員遊擊二員實
 增設參將一員都司四員守備十員千總十三
 員把總二十七員外委二十八員邊防之制要

在因時張格爾未獲以前留防官兵一萬八千
尙嫌其少今張逆旣獲邊圍又安則八千尙覺
其多是以^臣等前奏請裁至六千五百名仍聲
明三年五年之後陸續裁撤惟官員亦然內地
營制關繫更重不可不爲兼顧嗣後調派換防
應請於陝甘兩省實缺候補兩項人員內每屆
班期酌量揀派實缺人員一半其餘於候補人
員內或品級較小之員擇其才具技藝堪以造
就之人給與委牌令其統帶該屬兵丁出口到
防後再有不敷由參贊大臣及各城大臣按缺
委署報明參贊照例咨部庶內地各營實缺將
備不至虛懸於營制甚有裨益如蒙

俞允應請

勅下陝甘總督遵照辦理其分設營制容^臣等另文

平定回疆勦擒逆裔方略卷六十七

十三

平定回疆勦擒逆裔方略卷六十七

十四

咨部備查至長齡節次奏撤官兵現留喀什噶
爾等六城綠營兵九千八百餘名又西四城原
設綠營防兵一千七百餘名外尙應撤兵一千
六百餘名現已檄撤寧夏鎮標兵五百名烏魯
木齊提標兵五百八十一名固原提標兵五百
十八名派令副將張國相等帶領凱撤歸伍奏
入

上諭內閣曰回疆喀什噶爾等四城及阿克蘇烏什
原設統帶防兵將備自副將以下等官共八十三
員名前經長齡奏因增設防兵八千名議將領兵
將備共設二百十五員名現已將原設兵丁裁減
一千五百名則官員亦應從減據那彥成等查議
具奏俱著照所議辦理該部知道

伊犁換防官兵循舊由那林橋交替

武隆阿蘇清阿奏言竊臣等准伊犁將軍德英阿奏贊容安來咨以伊犁換防官兵向係在那林橋交替此時回疆甫定所有伊犁在防兵丁悉數離營不足以資彈壓業經奏明派委副都統銜協領葉布銜額等帶領該處派防官兵直至喀什噶爾交替固屬慎重之意惟現在夷情安謐喀什噶爾各營防守官兵足資彈壓似不若仍循舊制在那林橋交替以免該官兵等長途往返疲累馬匹臣等一面咨會伊犁一面咨派英吉沙爾領隊大臣那桑阿帶領伊犁應行換回官兵循照舊例迎至那林橋交替其伊犁新派來防之兵俟該領隊接帶到防另行具奏再臣等前派藍翎馬甲特克伸布等確探浩罕在皮斯格克築城情形徑赴伊犁向將軍叅贊

平定回疆勦擒逆裔方略卷六十七 上五

面稟茲據稟稱訪知皮斯格克草廠甚好布魯特常在該處游牧聽浩罕收取稅物因浩罕牲畜不時被布魯特搶劫故在皮斯格克築城係為防範布魯特而設並無別情至卡外各愛曼布魯特均極安靜等語查卡外部落互相搶竊係屬常有之事當去歲張逆未獲恐大兵出卡搜捕各外夷未免心生畏懼今首惡既除復經此番曉諭並知換防之兵照常行走均已毫無疑懼現在來城請安之愛曼布魯特經該處會同臣等一一面為撫諭酌賞綢緞布疋該夷人叩頭感激出於至誠奏入報聞

甲辰

河南巡撫楊國楨將辦理兵差出力列為優等

平定回疆勦擒逆裔方略卷六十七 六

之河陝汝道蔣明允河南府知府存業安陽縣
 知縣張汝誠湯陰縣知縣羅世德汲縣知縣陳
 炳新鄉縣知縣胡之富獲嘉縣知縣夏琳修武
 縣知縣鄒光曾河內縣知縣袁通孟津縣知縣
 馬增華新安縣知縣高槐業靈寶縣知縣楊楸
 玖彰德營參將武齡阿衛輝營參將石元瑛列
 爲次等之彰德府知府鄂桂署彰德府知府張
 坦前任衛輝府知府福祥前任衛輝府知府王
 世臣衛輝府知府廖文錦前任懷慶府知府奎
 昌懷慶府知府王杖淇縣知縣胡鎔署淇縣知
 縣張虎仁前任孟縣知縣易良俶孟縣知縣張
 師德前任洛陽縣知縣鳴謙洛陽縣知縣馬懿
 澠池縣知縣王步鰲署澠池縣知縣王廷棟署
 陝州知州吳怡曾陝州知州王文鳳閩鄉縣知

平定回疆勦擒逆裔卷六十七
 十七

縣呂凝德代理閩鄉縣陝州直隸州判宋之睿
 前任北鎮左營遊擊郭鵬起北鎮左營遊擊吉
 順前任河南營參將滿成功署河南營參將王
 兆林陝州營都司劉學霖等分別開單保奏請
 量加鼓勵
 上諭內閣曰豫省承辦兵差人員或出征凱旋官兵
 過境一手經理或於出征時供支或於凱旋時應
 付據該撫分別開單具奏著將列入優等之河陝
 汝道蔣明允等十四員列入次等之彰德府知府
 鄂桂等二十四員俱交部分別議敘
 已未
 伊犁將軍德英阿疏奏前此造報咨部請卹冊
 內將陣亡之前鋒校富呢雅罕一員漏未開入
 咨部更正並自請議處

平定回疆勦擒逆裔卷六十七
 文

上諭內閣曰伊犁派往喀什噶爾換防守禦陣亡之
員弁兵役前經該將軍等開單具奏降旨照例賜
卹茲查有陣亡前鋒校作為委官之富呢雅罕一
員於原開單內繕寫遺漏除咨部更正外該將軍
等未能即時覈出致與咨部冊內不符實屬疎忽
德英阿容安俱著交部察議

庚申

平定回疆勦擒逆裔卷六十七

九

允將東省凱旋兵丁借支餉銀分年扣繳

山東巡撫琦善奏言山東省撫標等營官兵出
師回疆於上年凱撤時在甘肅藩庫借支俸餉
銀一千四百五十九兩本年接准戶部咨開撤
回官兵例無借支俸餉之條今甘省借給應於
該官兵等原營應得俸餉內不分期限照數全
行坐扣報撥當即飭據藩司查明東省出師守

備馬現等十員共借支銀四百六十兩又馬兵

六十四名每名借支銀六兩步戰守兵一百二

十三名每名借支銀五兩內有在途病故馬兵

二名應免追銀十二兩實在各兵共借支銀九

百八十七兩除馬現等十員所借銀兩遵照部

咨在於例支俸餉乾廉內全數扣收外伏查馬

步戰守各兵在營日事差操不能別謀生業全

平定回疆勦擒逆裔卷六十七

三

賴月餉餉口該兵丁等俱於出師時借有行裝

銀兩現於餉銀內按月扣收其下餘領項在馬

兵每月可得餉乾銀二兩三錢有奇除去餵養

馬匹所存無幾步戰守兵則僅有餉銀一兩二

錢至七錢零不等兵力已形竭蹶若再全扣甘

省借支銀兩勢難枵腹從公且該兵丁等遠赴

西陲究屬著有微勞今凱旋之後轉不若未經

出師之兵丁仍有餉銀可領似不足以昭激勸而示矜恤仰懇

天恩俯准將各兵借支銀九百八十七兩在於月支餉乾銀內除去例扣朋銀及行裝銀兩所有下餘領項無論馬步戰守兵丁均各分扣一半歸還借款其餘一半仍歸各兵支領如蒙

允准即請於道光八年秋季為始分別大小建逐月扣收儻有事故未完在於該管公費等銀內歸補奏入

上諭內閣曰山東省出征回疆官兵上年凱撤時在甘肅藩庫借支俸餉銀一千四百五十九兩前經戶部以該官兵等係例外借支應於原營俸餉內不分期限全數坐扣茲據該撫查明出征守備馬現等十員所借銀四百六十兩全數扣收並病故

馬兵免追銀兩外實在馬步戰守各兵共借支銀

九百八十七兩該兵丁等俱有應扣出師時所借行裝銀兩其餘領項所存無幾兵力已形竭蹶若再將甘省所借銀兩全行坐扣勢難枵腹從公自係實在情形著加恩將各兵借支銀九百八十七兩自道光八年秋季為始分別大小建逐月於該兵丁等應支餉乾銀內除去例扣朋銀及行裝等項外所有下餘領項無論馬步戰守兵丁均各分扣一半歸還借款其餘一半仍歸各兵支領俾資生計

欽定平定回疆勦擒逆裔方略卷之

道光八年秋七月丙寅

伊犁請加調經費並籌備封貯銀款

伊犁將軍德英阿奏費大臣咨安奏言伊犁每

年應放各營兵餉及文武大小各官俸廉鹽菜

並馬乾折色紅白事件等項銀共約需六十七

萬餘兩向來奏明由甘省調銀六十一萬兩先

平定回疆勦擒逆裔方略卷之六

期一年解到伊犁以備次年支發間有不敷即

在伊犁額收地丁房租牲稅及各官兵應交領

物價項下通融撥補是一年僅敷一年之用此

外別無存剩閒款兼之前任伊犁將軍慶祥於

道光五年將所調備貯銀十萬兩奏明帶往南

路現未補調歸款又伊犁支發軍需項下因所

調軍需銀兩不敷由庫貯正項內共墊發銀五

萬七千二百餘兩曾經咨明甘肅報銷局撥解

迄今亦未歸款現在伊犁應發陣亡各營官兵

卹賞等項共約需銀二十八萬餘兩業經奏蒙

恩允經部覈准即應照數給發惟伊犁庫貯無餘不

敷支放應請

旨勅令甘肅報銷局照數籌撥銀二十八萬兩迅速

解赴伊犁以備陣亡官員應領各項之用再查

平定回疆勦擒逆裔方略卷之六

此次陣亡文武員弁及辦事廢員吏員等八十

員內伊犁各營應襲雲騎尉七十四員所有應

支俸銀並米石馬乾折色等項約計一年需銀

一萬三千兩俟奏准承襲後即應照例支給此

外八旗滿洲錫伯索倫等營陣亡家屬又增出

婦婦錢糧亦應照例支食半俸半餉永遠支給

共約計一年需銀三萬兩以上共計需銀四萬

三千兩係每年支放之項亦應請

旨勅下陝甘總督卽於每年額解正項銀六十一萬

兩外再爲添撥正項銀四萬兩共六十五萬兩

統於先期一年解到以便支放

德英阿又奏言再伊犁原存備貯銀十萬兩係

前任將軍慶祥奏明由烏魯木齊鎮迪道庫備

貯款內調撥交伊犁糧餉局存放備用蓋因伊

平定回疆勦擒逆裔方略卷六十八

三

犁地處極邊距內地太遠儻遇急需一時徵調

不及是以豫調銀十萬兩存貯備用今此項銀

兩經慶祥帶赴南路因逆回滋事遺失無存邊

圍緊要設有緩急一時調解維艱仰懇

聖恩勅下陝甘總督籌撥銀十萬兩派員解赴伊犁

照舊交庫封貯以期有備無患奏入得

旨下部速議尋議伊犁出征陣亡官兵並跟役等例

給卹賞全葬致祭白事等項共需銀二十八萬

餘兩令署陝甘總督鄂山於軍需項下照數撥

給解往備用至議卹應襲雲騎尉七十四員添

支俸銀等項並入旗滿洲錫伯索倫等營兵丁

家屬添支孀婦錢糧共計需銀四萬三千兩應

由戶部於每年籌撥該處經費銀兩外再添撥

銀四萬兩以資支放如有盈餘該將軍等於下

平定回疆勦擒逆裔方略卷六十八

四

年調餉時照數聲請扣除其伊犁應歸補原存

備貯銀十萬兩一款上年十月內戶部奏明籌

撥甘省藩庫封貯銀二百萬兩現計陸續解到

銀八十餘萬卽於此內先提銀十萬兩令陝甘

總督委員解往該處存貯按年盤查奏報若非

實在急需不准率請動用奏入

上從之

允籌酌稽查北路茶葉大黃章程

德英阿咨安奏言接准那彥成行知會奏善後事宜名摺將南路茶葉大黃嚴禁伊犁塔爾巴哈臺界在北路在在毗連哈薩克布魯特諸部落及南路各城若不一律設法嚴禁難免偷漏第北路情形與南路稍有不同自應酌中籌議

平定羅勒等處商略卷六

五

以期經久無弊伏查伊犁塔爾巴哈臺地處極邊向有伊犁流寓之安集延回子豫用重價購買茶葉大黃囤積每俟哈薩克貿易事竣時混雜其中潛行攜帶以致每年茶葉私販出卡者竟有十餘萬斤及二三十萬餘斤之多該安集延等並於私販茶葉外或夾帶硝磺違禁諸物本年_臣等多方禁約凡違禁各物不使稍有偷漏出卡並委員查出安集延積存茶葉三萬八

千餘斤大黃四千二百餘斤當將私囤之安集

延十八名押解出卡茶葉大黃封禁入官此後

若不嚴定章程於邊防大有關係等語查私販

出卡之茶如大葉武彞香片白毫珠蘭等項名

爲細茶味最馨而價最貴伊犁塔爾巴哈臺兵

民蒙古回子以其性寒向不買食至雜茶價與

副茶相等而貴於大茶斤茶因其捆縛成束不

平定羅勒等處商略卷六

六

肯零星拆賣是以兵民蒙古回子亦不買食向

非蘭商官引運銷皆係北商自歸化城私販運

至古城攬於雜貨轉運伊犁等處是雜茶細茶

既非卡內兵民等所必需不過專供安集延私

販出卡之用應請將此數種茶葉嚴行禁止不

准販入伊犁及塔爾巴哈臺兩處境內以絕私

販至副茶斤茶爲伊犁塔爾巴哈臺兵民所必

需安集延外夷向不與販此時既將雜茶禁止
恐官民所食茶葉商民必高擡價值不便兵民
查向來庫貯官茶每年由甘省解送十一萬五
千斤分散八旗四部落各兵扣餉抵價計每斤
價銀一錢六分零俗名馬茶其副茶一項向係
伊犁置辦官貨時搭買三萬餘斤聽官兵領買
亦係扣餉抵價每斤價銀四錢二三分不等若
大茶斤茶統名磚茶每斤價銀二錢一二分不
等兵民買食最稱便利雖非蘭商引運但久經
北商運賣便於兵民應准嗣後專將大茶斤茶
源源興販即或奸商居奇擡價臣等擬自明年
為始於派官置貨時再為加置副茶數萬斤隨
時酌定數目即配官引運至伊犁存貯官鋪備
用至大黃一項兵民歲需無幾臣等亦一律稽

查雖來販無多亦當與茶葉同事稽察畫一辦
理至行茶之法自應官為經理若仍聽商民自
行運銷難免偷漏現在古城既立稅局妥設官
商經理應請
勅下烏魯木齊都統陝甘總督酌定伊犁塔爾巴哈
臺兩城行商以便稽查其未酌定官商以前商
民所販之茶葉大黃悉先由烏魯木齊經過應
由該處都統發給印票於票內註明各色斤數
派委官兵於緊要隘口驗明與票相符方准放
行入境稍有夾帶雜茶細茶即係私販立即稟
送究辦儻該官兵等有勒索賄縱及隱匿偷漏
情弊一併嚴懲並請
勅令庫爾喀拉烏蘇領隊大臣派員在所屬之奎屯
地方設卡嚴密稽查緣奎屯北通塔爾巴哈臺

西通伊犁為商賈經過要隘該大臣於該處派員查明逐起備文報明伊犁塔爾巴哈臺兩城及販至伊犁由該將軍等派官兵在塔爾奇第一臺站復行稽覈並責成撫民同知設立循環簿按月稽其出入彙數詳報其塔爾巴哈臺即照伊犁一體辦理至伊犁境內各卡倫每於哈薩克貿易事畢派協領等員稽查迭加並無私販茶黃出卡等結如有偷漏私販將出結加結之員嚴叅懲辦至該安集延之所以盤踞逗留者無非希圖獲利茲當嚴密重禁無利可謀大半自願出卡各歸部落伊犁現查有安集延一千五百餘名老弱婦女十之六七有自願出卡歸籍者給予路票分起解送出卡其居住在十年以外者應令編入伊犁種地回子戶籍一體

耕種當差不准娶婦置產有過嚴懲仍諭飭該管理事同知等嚴查如有囤積私茶即行封貯入官並將偷買之安集延及私賣鋪商照私通例治罪再伊犁塔爾巴哈臺兩處既無殷實富戶領運官茶請

勅下烏魯木齊都統於議定官商後商民販運副茶

即以配引為憑其大茶斤茶以古城官商截記

為憑至伊犁塔爾巴哈臺兩處行銷又必以該

都統印票為憑凡無配引截記印票者概照私

茶懲辦至伊犁歲需茶葉總數一時不能擬定

請俟一年後酌定確數咨行陝甘總督及烏魯

木齊都統定數配引運銷永遠奉行奏入

上諭內閣曰前據那彥成奏稱張格爾滋事委由安

集延內外勾結請嚴禁安集延貿易茶葉大黃出

卡降旨飭令體察情形嚴立章程實力稽查以杜
偷漏茲據德英阿等奏南路章程由那彥成議定
具奏其界在北路之伊犁塔爾巴哈臺在在昆連
哈薩克布魯特諸部落及南路各城必須一律設
法嚴禁向來卡外如浩罕諸回部落多食雜茶細
茶往往私販出卡有流寓伊犁之安集延豫用重
價購買每俟哈薩克貿易事竣時混雜攜帶以致
每年茶葉私販出卡者竟有十餘萬及二三十萬
餘斤之多該安集延等並有夾帶硝磺違禁諸物
於邊防大有關係欲禁安集延交通之弊必先禁
外夷所用之茶現在出卡者多係細茶雜茶皆北
商自歸化城私販由古城轉運伊犁等處爲安集
延偷販出卡之用著卽嚴行禁止不准販入伊犁
及塔爾巴哈臺境內以絕安集延私販之弊其大

茶斤茶安集延外夷向不與販亦係北商運賣便
於兵民嗣後准其販運其副茶一項向由伊犁置
辦官貨時搭買三萬餘斤聽官兵領買著自明年
爲始再加置副茶數萬斤隨時酌定數目卽配官
引運至伊犁存貯備用毋使奸商居奇以致兵民
食貴至大黃一項兵民歲需無幾著一律稽察妥
辦餘俱照所議辦理

八月甲戌

上御正大光明殿凱宴將軍大臣侍衛官員並

頒賞緞疋銀兩有差

允以各城增收私墾糧石折支新增大臣章京等養

廉鹽菜銀兩

那彥成楊芳武隆阿奏言查上年長齡奏陳喀

什噶爾回子私墾地畝每歲約可增糧二萬餘

石恒敬奏葉爾羌續墾官地每歲增糧九千餘石^臣等查回疆隙地逐漸開墾成熟其隱匿糧賦不止喀什噶爾葉爾羌兩城復咨各城大臣督飭阿奇木等逐細清查如係原額地畝不准增添顆粒致類加賦若官荒地畝回子私墾成熟者一律升科免其以前隱匿之罪旋據各城查報私墾增糧並烏什新設屯工共歲增糧五萬六千餘石喀什噶爾至烏什等五城新增換防將備弁兵應支口糧馬料三萬八千餘石歲可餘糧一萬八千餘石加以喀什噶爾大河拐葉爾羌八十里亮噶爾兩處試墾地畝成熟來年即可收穫逐年加增餘糧更難數計西四城地處極邊積聚過多不特不能久貯日久究有不宜不如以回疆之利供回疆之用^臣那彥成

今年議請加增各城大臣養廉銀兩仰蒙

俞允並飭將章京筆帖式等鹽菜銀兩詳細覈議今

查回疆食物昂貴現又奏明裁革陋規不無拮

据應請將各城章京原支鹽菜銀十五兩外每

月加增銀十兩部缺筆帖式原支銀八兩外每

月加增銀六兩委筆帖式原支銀三兩外每月

加增銀二兩喀什噶爾章京四員部缺筆帖式

一員委筆帖式二員葉爾羌章京三員部缺筆

帖式三員委筆帖式二十五員和闐章京一員

部缺筆帖式一員委筆帖式五員阿克蘇章京

二員部缺筆帖式二員委筆帖式十四員烏什

章京二員部缺筆帖式二員委筆帖式六員庫

車章京二員部缺筆帖式二員委筆帖式八員

喀喇沙爾章京三員部缺筆帖式三員委筆帖

式十一員通共歲需加增鹽菜銀五千餘兩連
 各城增加養廉卽以新增餘糧按回疆例價每
 石作銀五錢折支給領以回疆所產供回疆之
 費糧散本境回戶亦無食貴之虞惟不准大臣
 等發交阿奇木撞價勒索致滋擾累查喀什噶
 爾新增私墾糧二萬一十六石增設換防將備
 弁兵口糧馬料應折支糧二萬二千四百六十
 餘石加增養廉鹽菜銀二千七百八十四兩折
 給糧三千五百六十八石共需糧二萬六千餘
 石計不敷糧六千餘石先儘英吉沙爾餘糧撥
 補餘俟來年收穫大河拐試墾糧石可期足用
 英吉沙爾新增私墾糧四千一百餘石增設換
 防將備弁兵口糧馬料應折支糧一千五百二
 十石零加增養廉鹽菜銀三百二十一兩折給糧

平定縣志卷六 五

六百四十石共需糧二千一百六十石零計餘
 剩糧一千九百四十餘石葉爾羌新增私墾糧
 一萬八千一百三十餘石增設換防將備弁兵
 口糧馬料應折支糧四千三百七十七石零加增
 養廉鹽菜銀一千三百三十六兩折給糧二千
 六百七十二石共需糧六千九百八十九石零
 計餘剩糧一萬一千一百四十餘石和闐新增
 私墾糧二千七十餘石並未增設防兵無需動
 支加增養廉鹽菜銀七百一十二兩折給糧一
 千四百二十四石計餘剩糧六百四十餘石阿
 克蘇新增私墾糧五千一十三石增設換防將
 備弁兵口糧馬料應折支租糧五千八十六石
 零加增養廉鹽菜銀一千三百二十一兩折給糧
 二千六百四十石共需糧七千七百餘石計不

平定縣志卷六 六

敷糧二千七百餘石在葉爾羌餘糧內撥補烏
 什新增私墾並添設屯工共糧四千六百五十
 餘石增設防兵將備弁兵口糧馬料應折支糧
 五千九十餘石加增養廉鹽菜銀九百二十八
 兩折給糧一千八百五十六石共需糧六千九
 百四十七石零計不敷糧二千三百石在葉爾
 羌餘糧內撥補庫車新增私墾糧一千九百餘
 石並未增設防兵無需動支加增養廉鹽菜銀
 七百七十六兩折給糧一千五百五十二石計
 餘剩糧三百五十餘石喀喇沙爾尙未咨報私
 墾增糧數目亦未增設防兵無需動支加增養
 廉鹽菜銀一千四十兩折給糧二千八十石俟
 查報到日如有不敷再由葉爾羌撥補以上五
 城增設防兵應需糧料及各城大臣章京筆帖

式加增養廉鹽菜折給糧石均於新增糧內供
 支足用其不敷者已將葉爾羌餘糧撥補計葉
 爾羌於協撥阿克蘇烏什兩城外尙餘糧六千
 餘石其八十里亮噶爾試墾地畝成熟餘糧更
 難數計等體察情形西四城逼近外夷未便
 多有居積查阿克蘇爲南路適中之地必當熟
 籌儲備應請將葉爾羌餘糧留備本處一年餉
 需外續有盈餘或酌徵折色或出糶變價解赴
 阿克蘇採買存倉將來喀什噶爾試墾地畝增
 糧漸多亦照此辦理惟等現辦回疆善後南
 路八城加增養廉鹽菜銀兩業已籌有款項北
 路各城並吐魯番哈密章京筆帖式應加鹽菜
 與南路現在裁革陋規情形稍有不同應如何
 加增由何項支給之處現已咨明伊犁將軍烏

曾木齊都統籌款奏辦再烏什新設幫辦大臣
在欽奉

諭旨酌加養廉之後比較各城加增數目一律加銀
二百兩以免向隅至該幫辦大臣應得原額養
廉銀兩請在於裁撤卡倫侍衛鹽菜項下動支
毋庸另行籌款奏入

上諭內閣曰那彥成等奏喀什噶爾英吉沙爾葉爾
羌和闐阿克蘇烏什庫車喀喇沙爾各城應行折
給口糧養廉鹽菜銀兩並撥補章程俱著照所議
辦理至阿克蘇爲南路適中之地必當熟籌儲備
以資緩急之需應將葉爾羌餘糧留備本處一年
餉需外以後續有盈餘或酌微折色或出題變價
解赴阿克蘇採買存倉將來喀什噶爾試墾地畝
增糧漸多亦著照此妥辦其北路各城並吐魯番

平定回疆勦擒逆裔方略卷六十八

九

哈密章京筆帖式應加鹽菜與南路情形不同應

如何加增支給著伊犁將軍烏魯木齊都統妥爲

籌議覈實具奏至烏什新設幫辦大臣著加恩加

養廉銀二百兩其應得原額養廉銀兩著在裁撤

卡倫侍衛鹽菜項下動支毋庸另行籌款

欽差大臣那彥成等疏奏軍營出有副將員缺請以

軍營出力人員遞升得

平定回疆勦擒逆裔方略卷六十八

十

旨甘肅安西協副將准其以金和升補所遺平羅營

參將員缺著張作友升補其玉泉營遊擊著朱貴

升補張耀德著升補破口營都司楊發著補授肅

州中營守備並著該部先行給予該員等升署劄

付以憑支食廉俸均俟事竣入關由陝甘總督給

咨赴部引見

勅禁回疆各城陋規

那彥成楊芳武隆阿奏言^臣等察訪東四城回戶較少大小各衙門陋規如供給柴薪首循夏令搭蓋天棚年節餽送食物或官價採買市物或額設工匠當差已屬有干例禁而西四城之擾累尤甚如每月阿奇木按戶派紅錢二十五文名爲克列克里克如有不敷再行續派以所用之多寡按戶均攤錢無定數名爲色里克其各衙門服食日用所需無一不取給於阿奇木雖有發價之名並不發價從前喀什噶爾每月費紅錢五六百串至七八百串不等葉爾羌每月費紅錢七八百串至千餘串不等和闐每月費紅錢一百五十串至三百串不等甚至各城於月給供應之外尙有隨時需索海龍水獺骨種羊皮珊瑚黃金綢緞茶葉金花布搭連布

等物遇有差使過境索取車價元寶二三十錠紅錢一二百串尋常宴客所用海菜及技藝賞犒各款均出克列克里克色里克之內大小衙門相習成風阿奇木伯克等又復指名加倍苛斂遂成相沿陋規必當嚴行革除勒石永禁現將查出南路入城各大小衙門及阿奇木衙門陋規分別條款或此有彼無或此多彼少奏明嚴行飭禁儻章京伯克等違禁擾累該管大臣奏明嚴辦若瞻徇容隱經奏贊大臣查奏該管大臣照例議處各城大臣得受已禁陋規或改易名目仍有侵擾奏贊大臣查明參辦照乾隆年間格綑額之例卽行正法中飽之阿奇木等亦予正法奏贊大臣不能潔身表率干犯禁令及徇庇各城大臣有犯不舉伊犁將軍訪查奏

奏並准各城大臣指實揭參辦理奏入

上諭內閣曰那彥成等請裁各城陋規甚甚是回

疆各城大小衙門一切需費繁多阿奇木伯克等

往往藉辦公之名向各回戶攤派苛斂從中肥己

據那彥成等查明相沿陋規分別條款或此有彼

無或此多彼少其尤甚者每月按戶派錢名爲克

列克里克如有不敷再行續派名爲色里克似此

行同鬻養殊出情理之外若不嚴行禁絕何以安

回衆而靖邊陲著照所議即將前項擾累之事勒

石永遠革除一勒各城大臣衙門一勒各城阿奇

木衙門通行刷印分貼各回莊明白曉諭並令各

城大臣按季查覈有無干犯例禁之人報明參贊

大臣每屆年終彙奏一次至伊犁將軍統轄各城

尤當破除情面認真查察儻章京伯克等違禁滋

平定回疆勦擒逆裔方略卷六十八

三

擾該管大臣奏明嚴辦若瞻徇容隱經參贊大臣

查奏即將該管大臣照例議處各城大臣或受已

禁陋規或改易名目仍有侵削參贊大臣查明參

辦卽照乾隆年間格緝額之例立行正法所有濫

應中飽之阿奇木等亦予正法若參贊大臣不能

潔身表率干犯禁令及徇庇各城大臣有犯不舉

著伊犁將軍訪查奏參並准各城大臣據實揭參

如將軍有瞻徇容隱情事別經發覺除將不法之

員治罪外定將該將軍一併嚴懲決不寬貸至各

城回子如有受該處大小官員賂削者准其赴參

贊將軍各衙門呈控如該衙門不爲究辦卽於年

班進京時赴理藩院呈控儻理藩院仍不代奏准

其赴在京各衙門控告如所控得實免其坐罪其

申訴不實或未經在參贊將軍等衙門呈告者仍

平定回疆勦擒逆裔方略卷六十八

三

照例治以誣告及越訴之罪自此大明定章程各
城大小臣工務當各矢天良潔已奉公毋得仍蹈
前轍致干咎戾

勅那彥成繪像呈覽

上命軍機大臣傳諭那彥成曰此次平定回疆大功
告蒞軍營將帥大臣及出力各員弁經朕酌定人
數圖像紫光閣以彰武功因念那彥成派赴喀什

平定回疆勅諭各卷六十八

五

噶爾辦理各城善後事宜籌畫悉臻妥協公忠體
國甚屬可嘉著即繪小照一分附報呈覽以便與
各功臣一體繪像用示朕褒獎賢勞至意

勅長清繪像呈覽

上命軍機大臣傳諭長清曰此次平定回疆成功迅
速軍營將帥大臣及在事出力員弁經朕酌定人
數圖像紫光閣紀實銘勛因念長清當逆裔煽亂

擾及阿克蘇彼時大兵尙未調齊該大臣督率有
方竭力捍禦得保安全應與各功臣一體繪像用
示褒獎著即繪小照一分呈覽

平定回疆勅諭各卷六十八

五



欽定平定回疆勦擒逆裔方略卷之六十九

道光八年秋八月己卯

勅鄂山回陝任事

上命軍機大臣傳諭鄂山日前因甘肅軍需總局報銷未竣命鄂山暫留該省督辦計今數月如稽覈均已就緒著將其餘事宜交藩司顏伯燾督同局員妥辦即回陝西巡撫本任

甲申

恩免軍營奪獲應繳馬匹

陝甘總督楊遇春奏言上年二月自阿克蘇進兵處處戈壁且乏水草以致官兵劍騎馬匹每多倒斃嗣於破賊之後急需追勦遂以奪獲賊匪馬匹分給徒步官兵事在倉猝不暇按名記檔迨後收復各城追捕首逆所有馬匹在路傷

斃均屬實在情形現在例騎馬匹業經長齡奏准免賠所有奪獲賊匪馬匹仰懇

天恩俯准一併豁免並免其查造清冊以恤戎行而

免賠累奏人

上從之

丁亥

逆屬緣坐

刑部奏言據喀什噶爾叅贊大臣委員將賊目博巴克等家屬婦女二十六口十歲以下幼男五名十二歲男犯一名除年屆十二歲之男犯邁瑪特尼雅斯一犯照例牢固監禁俟成丁時再照奏定條款改發極邊足四千里安插外其餘緣坐婦女二十六口十歲以下男犯五名應交值年旗照例辦理奏入得

旨此起逆屬情罪較重未便留於京師除年屆十二歲之男犯邁瑪特尼雅斯一名照例牢固監禁俟成丁時發往極邊足四千里安插外其餘緣坐婦女二十六口十歲以下男犯五名著刑部酌發河南青州太原江寧京口杭州乍浦荊州成都各處駐防爲奴到配後該將軍副都統城守尉等每屆年終將該犯是否安靜咨報軍機處備查

平定回疆勦擒逆裔卷六十九

三

簡調各城辦事幫辦大臣

那彥成楊芳武隆阿奏言前奉

諭旨保奏堪勝喀什噶爾幫辦大臣人員查喀什噶

爾幫辦一缺無事與叅贊一同辦公有事則叅

贊督辦後路幫辦前敵帶兵責任至要臣等查

看現在各城大臣內如葉爾羌辦事大臣札隆

阿阿克蘇辦事大臣長清烏什辦事大臣布彥

泰爲回疆出色之員而葉爾羌人戶繁多逼近

外夷本城應辦事務較多札隆阿才可理繁治

劇議見開展精到非該員不能料理裕如阿克

蘇上年爲大軍後路緊要之區軍需各事並現

在修築城堡查辦地畝亦須長清一手經理烏

什逼近布魯特上年曾有庫圖魯克滋事之案

現在撫綏尤須認真布彥奏亦難更易至葉爾

平定回疆勦擒逆裔卷六十九

四

羌幫辦大臣札克桑阿才具平平和闐辦事大

臣多隆武謹飭有餘才具不能開展庫車辦事

大臣常格到任未久且亦非出色之員喀喇沙

爾領隊大臣巴哈布人尙勇往臣那彥成到後

公文往返商酌善後各事心地不明諸多竭蹶

臣等俱未敢濫行保列惟查去歲凱撤回京之

健銳營叅領現升副都統塔斯哈人尙體面帶

兵嚴肅又伊犁協領副都統銜額爾古倫打仗
勇往人亦體面該一員中可否請

旨酌用一員出自

聖恩^臣等更有請者和闐地方蕃庶管轄六城年例

有回戶交納錢糧布疋等事較別城爲繁該城

大臣多隆武謹慎小心惟才具太不開展現在

別除積弊撫字回夷未能料理裕如英吉沙爾

平定回疆勦擒逆裔卷六十九

五

領隊大臣那桑阿槍馬嫻熟打仗奮勇惟不通

清漢文義該員亦自知畏懼時向^臣等懇求奏

調事簡地方俾免愆尤察其情詞出於至誠尙

非規避新疆^臣等謹擬以那桑阿調補烏什幫

辦足備緩急那桑阿所出英吉沙爾一缺擬以

多隆武調補^臣武隆阿可以就近照料於公事

可期無誤其所遺和闐領隊大臣之缺查烏什

幫辦大臣德惠人尙明白曉事堪以調補如此

轉移各城辦事帶兵兩有裨益再向來喀什噶

爾參贊大臣總統回疆八城近復奉

旨假以專制責任綦重至幫辦大臣惟辦本城事件

道光元年經慶祥奏明八城事件幫辦大臣協

同經理於舊制實屬更張現在參贊節制各城

若幫辦大臣隨同專制既於體制未協各城大

平定回疆勦擒逆裔卷六十九

六

臣亦未能帖服應請幫辦大臣祇辦本城事件

不隄干預別城公事仍復舊制其各城辦事大

臣遇有條奏或緊要或參劾事件仍隄專摺陳

奏外其餘照例摺奏俱呈交將軍參贊彙奏以

省驛傳奏入

上諭內閣曰蘇清阿著來京供職喀什噶爾幫辦大

臣員缺著額爾古倫補授那桑阿著調補烏什幫

辦大臣多隆武著調補英吉沙爾領隊大臣所遺
 和闐領隊大臣員缺著德惠調補至喀什噶爾幫
 辦大臣向祇辦理本城事件嗣經慶祥奏明將八
 城事件協同叅贊經理茲據那彥成等奏稱該幫
 辦大臣與各城大臣相等若亦隨同叅贊節制各
 城於體制未協著照所請嗣後喀什噶爾幫辦大
 臣祇辦本城事件不得干預別城公事以復舊制
 所有各城辦事大臣照例摺奏若該處一時事務
 無多未便徒勞驛站著照本年五月間所降諭旨
 附於鄰近各城大臣奏事之便一同發遞如有緊
 要事件或條奏叅劾等事仍著專摺陳奏不得藉
 詞推諉
 勅諭楊芳暫緩起程
 上命軍機大臣傳諭那彥成楊芳日前因善後事宜

平定回疆勦擒逆裔卷六十九

七

將次就理該處如無應辦要件即令楊芳來京陛
 見回任供職現因患瘧氣體未能復元深為軫念
 著即在彼安心調養無庸亟亟就道酌量氣力可
 以如常再行起程前來以示體恤那彥成籌辦一
 切事宜自己諸有就緒約計何時可以全竣起程
 來京著於奏事之便先行陳奏以慰廬盼
 尤議設局嚴詰私茶

平定回疆勦擒逆裔卷六十九

八

那彥成楊芳武隆阿奏言上年四城回衆勾結
 煽亂多由於商民貪利盤剝又兼與外夷各部
 落交易茶葉等物無所稽查日久熟識勾串俾
 外夷知我虛實致敢鳴騶查回疆出產足以自
 給所需者惟茶爲最臣那彥成出關時沿途探
 訪並行查蘭州涼州等處及口外各城歲行副
 茶通計四五十萬封較額銷官引竟多至倍餘

其為藉官行私無疑現在哈密以西各城每副
茶一封值銀一兩七八錢至最遠喀什噶爾七
八兩十餘兩不等此時若竟抑勒商民專意顧
恤回衆似亦未得情理之平而任聽增價無已
亦必別滋事端查商民在關內置價每副茶一
封值銀一兩一二錢運至涼州而止以後則任
聽來往商販攜帶售賣藉軍興為名高擡價值
有增無減利歸私販其弊尙小至勾結外夷聯
絡聲氣其弊滋甚臣等時時計及擬設稅局數
處以便稽查向來每副茶一封成本銀一兩一
二錢軍興以前商人售賣三兩四五錢自用兵
以來茶價增至七八兩至十餘兩不等今擬每
封官為定價遞減阿克蘇不得過四兩喀什噶
爾葉爾羌不得過五兩永遠不許增添並請於

平定回疆勦擒逆裔卷六十九

九一

嘉峪關照殺虎口歸化城張家口等處設稅阿
克蘇照古城設稅喀什噶爾葉爾羌為行銷總
要之區均亦設局抽稅庶私販奸民均有稽查
回民免於食貴種種流弊可期盡絕奏入得
旨甘肅官引額銷茶葉每年例應出關二十餘萬封
近來行銷竟至四五十萬封之多顯係以無引私
茶從中影射其行銷各城又復遞加價值每副茶
一封售銀七八兩至十餘兩不等此等奸商私販
勾通外夷剝削回衆不可不嚴行禁絕現據那彥
成等酌請每封官為定價並於嘉峪關地方照殺
虎口歸化城張家口等處設立稅局阿克蘇照古
城設立稅局喀什噶爾葉爾羌為行銷總匯之區
均設立稅局抽分稽查奸商私販以杜流弊俱著
照所議辦理其詳細章程著那彥成等另行妥議

平定回疆勦擒逆裔卷六十九

十

具奏尋據那彥成等議奏行茶規條奉

旨派托津長齡富俊會同戶部覈議嗣托津等奏言

商人販茶遠赴口外行銷原爲利往如今層層

納稅節節盤驗計成本運腳之外耗費繁多恐

商人仍取給於食茶之人茶價勢必增昂回民

轉滋苦累卽如原奏內稱軍興以前回疆副茶

市價每封五斤價銀三兩四五錢現請定價副

平定回疆勦擒逆裔方略卷十九

十一

茶在阿克蘇行銷者每封不得過四兩赴西四

城行銷者每封不得過五兩是現定之價較前

已有增益至雜茶一項現在定價每五斤價至

五兩之多較之副茶有增無減其因議徵茶稅

而茶價不得不量予增加已可概見若慮回民

買食價昂又復抑勒商人減價銷售尤恐該商

等無利可圖裹足不前回民或至乏食關繫更

非淺鮮且原奏內稱商人因避西四城茶稅將

茶斤賣與東四城回子轉運西四城販賣亦令

回子在西四城一體納稅以杜遺漏是因徵商

稅而並及回衆於邊地似屬非宜至商販雜茶

細茶前經德英阿等奏奉

諭旨不准販入伊犁塔爾巴哈臺二城以杜浩罕安

集延私販之弊茲復據那彥成等奏稱外夷如

平定回疆勦擒逆裔方略卷十九

十三

布噶爾拔達克山均已前來貿易銷茶愈多收

稅愈旺是外夷既准通販雜茶安能保浩罕各

部落不轉向布噶爾等夷人私相買食尤未便

因茶多稅旺聽其私行銷售又德英阿等奏稱

南路各城既經那彥成等議請抽收茶稅伊犁

塔爾巴哈臺若不一律抽稅恐奸商避稅營運

請一體抽稅與那彥成所議回疆情事相同且

附近伊犁等處之烏里雅蘇臺科布多二城向食北口商茶並未議徵稅課茶價亦未加增今伊犁等處同係口外地方獨令該處兵民買食納稅貴茶亦不足昭平允俱毋庸議奏入上從之

各城驅逐流夷查起囤積

那彥成楊芳武隆阿奏言臣那彥成前奏將各

平定回疆勦擒逆裔方略卷十九

三

城流寓安集延寄居在十年以內與囤積茶葉大黃者先行逐出卡倫欽奉

諭旨飭令實心體察情形持以鎮靜通行各城妥辦當卽各行各城鎮靜妥辦旋據南路八城先後覆稱喀喇沙爾回莊無多均係土爾扈特游牧地面並無安集延流寓在境車查有安集延二十五戶並無囤積茶葉大黃內寄居在十年

以內一戶遵照驅逐出卡阿克蘇驅逐六十五戶起出大黃七千六百五十餘斤茶葉六萬九百三十餘斤烏什驅逐五十二戶起出大黃八斤茶葉一千五百斤葉爾羌驅逐二十三戶起出大黃一千四百二十餘斤茶葉二千七百四十餘斤和闐驅逐二十九戶起出大黃三十餘斤茶葉二千八百四十餘斤喀什噶爾驅逐一百零八戶起出大黃二百三十餘斤茶葉九百五十餘斤英吉沙爾驅逐十一戶該處近接喀什噶爾非商販聚集之區查無囤積茶葉大黃以上通共逐出安集延回子二百八十九戶所起茶葉大黃散給各城撫防官兵零星買食照市價酌減扣餉入官充公大黃毋庸扣價統計各城尚存安集延回子庫車二十四戶阿克蘇

平定回疆勦擒逆裔方略卷十九

古

三百六十五戶烏什六十八戶葉爾羌一百三十七戶喀什噶爾六百零七戶英吉沙爾七十戶又查阿克蘇有流寓布噶爾克什米爾等外夷除已驅逐二十一戶外尙存一百零八戶葉爾羌有流寓拔達克山克什米爾瓦罕巴爾提等外夷除已驅逐三百六戶外尙存六百十七戶此等外夷前年既未從逆現復查明均已流寓年久種地傭工_也等復又各行各城將未經驅逐各外夷一體編入回戶當差只准種地不准貿易有請票出卡者准其給票出卡不准再回已有家者隨時增減具報所生子女不准與回子結親未有家室者不准安家有房產者不准添蓋田產不准過百畝逾額入官有犯禁令及囤積違禁物件卽行驅逐每年逐出若干

將增減戶口責成叅贊大臣查覈具奏一次數年之後不難驅逐淨盡奏人上批諭曰數年後果能驅逐一空豈非安邊之良策總要實力奉行斷不可日久疎懈釐定回子蓄留髮辮限制那彥成等奏言各城現充伯克之回子等均因伊薩克得蒙恩獎紛紛請留髮辮以表愛戴之忱_也等竊以此事若漫無區別轉不足以示優獎應請嗣後凡阿奇木伯克以下至四品伯克及盡忠有功伯克之子孫方准蓄留髮辮以昭寵榮其餘均不准妄自蓄留以示限制奏人得旨報可

修築喀喇沙爾城垣兵房

那彥成奏言准喀喇沙爾領隊大臣巴哈布咨	稱該處土城自嘉慶十九年修葺之後因逼近	開都河地形卑涇坍塌甚多城樓亦多傾圮又	滿漢檔房倉廩兵房共一百八十九間均須修	葺請歸入善後修辦 <small>臣</small> 那彥成檢查舊案通共	估需銀一千三百七十餘兩應請准其照估興	辦工竣由叅贊大臣委員驗收所需工費擬於	<small>平定回疆勦擒逆裔方略卷六十九</small> <small>七</small>	叛產項下照數撥給毋庸動支正項免其造冊	報銷奏入報	聞	命禮部鑄給喀什噶爾換防總兵印信	甲午	勅賜新建城垣嘉名	喀什噶爾城
--------------------	--------------------	--------------------	--------------------	-------------------------------------	--------------------	--------------------	---	--------------------	-------	---	-----------------	----	----------	-------

賜名恆武	葉爾羌城	賜名嘉藝	英吉沙爾城	賜名輯遠	和闐城	賜名威靖	阿克蘇城	賜名普安	烏什城	賜名孚化	庫車城	賜名鞏平	喀什噶爾城
------	------	------	-------	------	-----	------	------	------	-----	------	-----	------	-------

賜名協順俱繕寫滿洲蒙古漢文回子四體字頒發



欽定平定回疆勦擒逆裔方略卷六十九

道光八年秋九月庚子

西四城借項運茶調劑兵食

那彥成楊芳武隆阿奏言臣等查回疆西四城

現賣副茶業照奏定章程先平市價喀什噶爾

葉爾羌不得過五兩惟據帶兵各將領面稟留

防兵丁所得鹽菜銀兩無幾當此百物昂貴之

時諸多拮据而茶又為日用必需照市價買食

尤形苦累懇借項自行在關內置買運至最遠

之喀什噶爾合計成本運腳關稅每封不過三

兩散給兵丁扣餉還款每封可多餘銀二兩較

之買自商販防兵得以沾潤懇

恩俯准在於甘肅藩庫借撥經費銀二萬五千兩照

市價採買副茶一萬封沿途支發運腳至喀什



噶爾報由叅贊大臣衙門覈銷統計西四城滿漢兵丁六千八百餘名按名准領茶一封半豫谷葉爾羌英吉沙爾等城於運茶經過時照兵數飭留稅課俟扣餉全完分別補解奏入

上諭內閣曰回疆西四城兵丁所需副茶現據那彥成等請於甘肅藩庫借銀在涼州採買一萬封散

給西四城滿漢官兵扣餉還款著楊遇春卽於甘

平定回疆勦擒逆裔方略卷七十

二

肅藩庫動撥經費銀二萬五千兩交喀什噶爾委員妥爲領辦沿途支發運腳由該城叅贊大臣衙門覈銷所借銀兩卽在道光九年喀什噶爾等四城經費項下全行坐扣以清帑項而濟兵食

那彥成等又奏言再軍務告蒞據糧臺委員張麟昌等查明賞兵餘剩勒鞋七千二百餘雙移交善後局收貯現值喀什噶爾百物昂貴防兵

未免拮据臣等於局存鞋內提用四千三百二十五雙分賞綠營兵丁以示

聖主加惠戍卒之至意奏入報

聞

籌議建立貿易亭官鋪

那彥成楊芳武隆阿奏言臣等查內地茶葉大

黃磁器綢緞等項爲外夷所必需前因安集延

平定回疆勦擒逆裔方略卷七十

三

等助逆滋事種種不法已奉

旨嚴禁卡倫斷絕貿易而布噶爾拔達克山等部落

俱在浩罕之外商販往來均由浩罕經過今不

准浩罕通商別部落亦因而需用缺乏惟從前

外夷與口內商民私相授受漫無覺察以致安

集延等盤踞各城漁利作奸釀成巨案儻仍循

故轍散漫無稽實非控制之宜亦應豫籌辦法

查伊犁向設貿易亭每遇哈薩克部落易換棉花布疋等物均由將軍派員彈壓交易不准私相售賣立法極爲周密茲喀什噶爾葉爾羌地臨極邊卡外皆布魯特游牧布魯特之外四通各外夷邊要情形至重亟應照辦查喀什浪圭卡倫外有明約洛地方去城一百餘里地居要隘應於該處設貿易亭派都司守備一員帶兵二百名足資彈壓稽查一切貿易均照伊犁官鋪章程辦理查伊犁官鋪係該處駐防各營借餉開設每年專員入關置貨一切食用等物均係自行置買藉以調劑各營茲既設立貿易亭則外而稽查夷商涸跡盤踞內而約束奸商牟利勾串必須開設官鋪得以鈐制出入操縱自我嗣後遇有外夷貿易到卡先由坐卡官弁稟報

奈贊衙門派委委員酌帶官兵數十名前往點明人馬牛羊及駝包數目押赴貿易亭另委明幹大員將內地商民人數貨物點明帶往督同該處守備在貿易亭彈壓並仍派委幹大伯克帶領通事及易貨回子亦點明貨物人數一同前往不許差前落後照貨公平議價所有商民回子均須請領印照方准赴貿易亭交易事畢點明人馬數目押帶出卡不准停留一人各民回商販亦點明人馬數目原派之官員伯克帶回照票銷差儻故違及從中舞弊一經查出照軍法治罪再回疆六十餘年歲出兵餉幾至數千百萬雖有商販仍攜入關爲數無幾而外夷以皮張等微賤之物易去者大半嗣後貿易各物惟當議定價值以貨易貨不許內地元寶出

卡庶商販流通內地精華仍歸內地商民回子
中有以銀置貨者查出將所置之貨概行入官
仍從重治罪至開設官鋪成本需用銀六萬兩
查有前此抄獲各城安集延囤積私茶共六萬
一千餘斤合計得銀五萬兩作為官鋪成本俟
本處城工及支發各處修城開渠各項清釐完
竣下餘叛產悉歸官鋪按年所得餘息除去人
工火食照息多寡以六分攤給喀什噶爾英吉
沙爾換防滿漢官兵以三分貼補各官辦公以
一分存作衙署兵房歲修之費至葉爾羌一城
亦應設立貿易亭官鋪照喀什噶爾辦理一面
咨行該大臣籌辦所有西四城防兵均足資津
貼行之數年著有成效東四城防兵無多亦可
籌計撥給前此松筠奏陳南路換防官兵請照

西藏換防例辦理復經長齡議奏以所用過費
而回疆諸物昂貴應請酌量增餉第查
國帑有常一經議增邊餉遂成經費年復一年終
非長久至計^臣等熟籌官鋪每年餘款堪以調
劑防兵所有長齡等前奏應毋庸議至議開官
鋪成本既非正款且每年羨餘不能豫定應請
每屆年終由叅贊大臣將收獲餘息具奏一次
以杜侵蝕應毋庸報部覈銷奏入
上諭內閣曰喀什噶爾葉爾羌地臨極邊卡外各部
落商販往來均必由浩罕經過該部落皆以貿易
為生未便因禁絕浩罕不與通市而令恭順各部
落生計缺乏茲據該督等查明要隘處所請照伊
犁與哈薩克貿易章程辦理係為因時制宜起見
著照所請於喀浪圭卡倫外明約洛地方建設貿

易亭修展堡卡派都司守備一員帶兵二百名前
往彈壓稽查一切貿易置貨均照伊犁官鋪章程
辦理惟所奏嗣後貿易各物當議定價值以貨易
貨永禁內地元寶出卡商民回子中有以銀置貨
者一經查出將所置之貨概行入官仍從重治罪
果能如此辦理自係籌邊良法但恐有名無實日
久玩生嗣後該大臣等總當認真查禁永遠遵守
無任玩法滋弊餘俱照所議行嗣據那彥成將官
鋪一切出納事宜責令伊薩克一人經理當奉
批諭以現在情形而論事尚可行日後又當如何辦
理亦應議及久遠並奉寄
諭武隆阿等會同經理覈議章程及札隆阿奏請停
辦官鋪另籌生息得
旨喀什噶爾等處試辦官鋪前經降旨令札隆阿悉

心體察具奏茲據查明各城現在茶價較賤羊隻
進卡亦少礙難照原議章程辦理自係實在情形
著將試辦官鋪易羊事宜即行停止仍循舊制聽
夷回自行交易即照新定章程官為稽查彈壓以
杜流弊
臣等謹案那彥成等籌議善後事宜各條內
如嘉峪關阿克蘇等處設立茶稅稽查私販
出卡與喀什噶爾等處建立貿易亭試辦官
鋪均為因時制宜起見是以悉如所請並
勅諭該大臣等認真查禁無任玩法滋弊旋因奏請
將官鋪事宜令伊薩克一人經理
勅諭議及久遠是原議之難期經久早在
聖明洞燭之中嗣據札隆阿等遵
旨體察情形據實覆奏即奉

諭旨停罷仍循舊制聽夷回自行交易祇官爲稽查

彈壓以杜流弊仰見

聖主執兩用中權衡至當初無成見於其間洵爲

體恤遠衷綏靖邊圉之至計也夫

允議酌撤滿洲防兵歸伍

那彥成楊芳武隆阿奏言臣等准葉爾羌辦事

大臣札隆阿咨呈該處原設巴里坤等處換防

平定回疆勦擒逆裔卷七十

十

佐領二員驍騎校二員滿洲兵一百九十七名

此項兵丁向隨卡倫侍衛守卡巡防現已裁撤

侍衛改派綠營官兵駐卡是滿洲兵並無應當

差使徒糜糧餉不如撤回本旗歸伍操練並可

節省經費銀四千三百餘兩口糧八百餘石臣

等查葉爾羌現在新增綠營防兵六百名合計

新舊防兵一千二百八十名分布巡防足資控

制札隆阿不爲無見應照所議撤令歸伍復查

喀什噶爾原設滿洲兵六百二十名內烏魯木

齊駐防滿洲兵三百二十名前以該駐防兵丁

技藝生疎奏請撤回二百名改換索倫錫伯馬

兵二百名計喀什噶爾尙有裁剩烏魯木齊滿

洲兵一百二十名又英吉沙爾原設烏魯木齊

滿洲兵八十名既不得力喀什噶爾現有伊犁

平定回疆勦擒逆裔卷七十

十一

及索倫錫伯馬隊五百名足資操防該城新添

綠營防兵二百名巡守卡倫滿洲兵亦無差使

應請將喀什噶爾英吉沙爾二城現存烏魯木

齊滿洲營兵二百名及領兵協領等官一併撤

回本營統計三城歲可節省鹽菜馬乾等銀八

千七百餘兩口糧二千八百餘石至各城需用

貼寫向在烏魯木齊巴里坤古城馬甲內挑補

年滿遞升除現撤滿洲兵已挑貼寫准其咨留
外續有缺出應令各城咨明伊犁將軍烏魯木
齊都統在於駐防馬甲內擇其通曉清文樸實
純正者咨送各城充當貼寫以資辦公奏入

上諭內閣曰葉爾羌現增綠營防兵合計新舊防兵
一千二百八十名分布巡防足資控制喀什噶爾
現有伊犁及索倫錫伯馬隊五百名無誤操防英

平定回疆勦擒逆裔方略卷下

十三

吉沙爾新添綠營防兵二百名巡守卡倫滿洲兵
亦無差使著照所請即將葉爾羌原設巴里坤等
處換防佐領二員驍騎校二員滿洲兵一百九十
七名並喀什噶爾英吉沙爾二城現存烏魯木齊
滿洲兵二百名及領兵協領等官一併撤回本營
以節糜費餘俱照所議辦理

續獲竄匿餘匪安插綠坐人犯

那彥成楊芳武隆阿奏言_臣等查前年張逆入
卡滋事各城回子或甘心從逆或被脅入夥人
數衆多迨大兵既至紛紛逃出卡倫現有潛回
本莊者經伊薩克先後拏獲喀什噶爾米奴魯
斯等二十二犯呈請訊辦_臣等督同委員逐一

平定回疆勦擒逆裔方略卷下

十三

研訊米奴魯斯胡答拜第牙伙普阿布都拉普
托胡答五犯俱供認得受張格爾偽職隨同攻
城打仗殺害官兵多列特依斯拉木愛里海連
達沙四犯俱供認隨同攻城打仗抗拒官兵屬
實以上九犯情罪較重訊明後卽行正法堪迪
爾毛別克愛依特呢雅斯米滿哈迪爾阿布都
拉托胡達托胡達素皮呢雅斯爾雅斯十一犯
供係被脅從逆並未攻城打仗情有可原應發
伊犁給錫伯索倫額魯特察哈爾等營官兵爲

奴其餘邁哈素提並伊子阿渾二名訊係不肯
從逆逃出卡倫事後回歸並無被脅情事即行
省釋又據葉爾羌解到各軍臺從逆情蘭回子
庫圖魯克等二十三犯訊明庫圖魯克庫爾班
推連底依布拉依木烏舒麥特霍卓克邁瑪素
皮愛則普汰劣普等九犯俱供認跟隨大頭目
薩達特搶斷臺路殺斃臺弁兵丁並至阿克蘇
都齊特臺一帶打仗屬實情節較重卽正法傳
首梟示阿瓦斯米曼阿爾俎霍卓拉克汰劣普
庫爾班奈吉麥特帕爾曼胡里愛孜木愛什瑪
特呢雅素皮托土孫麥特阿帕爾十三犯俱供
係被薩達特派令傳人遞信並未隨同搶臺情
有可原應發伊犁錫伯等營給官兵爲奴邁瑪
提一犯訊係賊目薩達特之子現年十二歲律

應緣坐改發伊犁烏魯木齊等處駐防及各城
出力伯克爲奴惟查各城被脅從逆回子竄匿
者尙多該犯等羣聚外夷日久亦恐貽患臣等
仰體
皇上法外仁恩請援照自首免罪之例於各卡倫出
示曉諭予限三箇月准其入卡投首概免死罪
儻逾限不回將來緝獲到案仍從重治罪此時
各城回子業已深知感畏又復網開三面俾竄
匿罪人咸以生還爲幸不致羣聚外夷別滋釁
端再查緣坐十六歲以上男犯並被脅情有可
原逆犯共四百零九名應發錫伯等營給官兵
爲奴其餘緣坐婦女幼孩共一千二百四十七
名應發駐防及伯克爲奴惟此等逆回種類多
至一千六百餘名口在南北兩路雖非聚集一

處而聲氣相通不能不防其流弊臣等現擬於
男犯內分賞在事出力文武伯克等臣賞給功
臣為奴本例辦理遵

有零星安置易於約束其餘婦女幼孩仍發給伊犁
烏魯木齊等處駐防及各城出力伯克為奴奏
入得

旨報可

平定回疆勦擒逆裔方略卷七十

六

哈密辦事大臣恩銘等奏報凱旋京營吉林黑
龍江四川山東陝甘各營官兵二萬二千一百
八十八員名釋回民遣九百名於八月初五日
全數過境

哈密軍需報銷

恩銘敦良奏言此次哈密承辦軍需動用銀兩
麪斤俱係由關內撥運其辦理糧臺事務委員

安西州知州趙宜暄等亦由蘭肅兩局札派前

來會同哈密通判志奎共襄其事嗣因四城克

復裁撤糧臺該委員趙宜暄等業於去冬回省

銷差所有用過銀糧及備辦車馬草料等項俱

係交哈密通判志奎經理茲查喀什噶爾阿克

蘇各城用過軍需糧餉業已歸入蘭州總局報

銷哈密自應畫一辦理臣等已飭令通判志奎

將實用數目造具清冊咨送蘭州總局一併覈

實報銷奏入報

聞

恩銘等保奏承辦軍需始終出力人員請加鼓

勵

上諭內閣曰哈密承辦軍需並押送首逆過境始終

出力文武各員據恩銘等查明開單呈覽哈密協

平定回疆勦擒逆裔方略卷七十

七

副將倭恒額同知候補知府借補哈密通判志奎	俱著賞戴花翎主事職銜莫爾根著賞戴藍翎額	外筆帖式特通額佛隆阿德鳳俱著照新疆各城	賁缺筆帖式年滿改武之例各回原營以驍騎校	卽補全喜聶車布經文泰俱著仍留哈密俟有筆	帖式缺出揆名補用已滿吏卽選從九品張守約	劉大昇俱著以原銜歸入卽用班無論雙單月遇	缺儘先選用已滿吏卽選未入流耿成基張殿科	俱著歸部以四缺前不論雙單月退缺儘先選用	未滿吏宋延璧馬俊麟方文政俱著作爲已滿吏	仍按著役日期扣滿年限歸部無論雙單月儘先	卽用效力武舉王兆鳳外委韓壽俱著賞戴藍翎	千總馬奮麟高登魁效力武舉李國棟把總馬貴	等經制外委王殿臣等額外外委胡希成等俱著
---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------	---------------------

平定回疆勦擒逆裔方略卷十 六

咨明原營實缺者遇有應升之缺儘先拔補候補	者遇有應補之缺儘先補用	辛丑	陝甘總督楊遇春等疏奏續經查出承辦兵差	出力人員請予甄敘	上諭內閣曰甘肅省承辦軍需各員前已降旨甄敘	茲據該督等續經查出辦差出力前奏漏敘各員	加恩著照所請理藩院委署主事富惠俟得缺後	以員外郎儘先陞用署合水縣知縣俸滿州同郭	學泗鎮番縣知縣劉本清沙泥州判林泰元均著	交部議敘	甲寅	陝西巡撫鄂山疏奏經手報銷事宜	鄂山奏言蘭州總局軍需報銷事宜 <small>臣</small> 前已分
---------------------	-------------	----	--------------------	----------	----------------------	---------------------	---------------------	---------------------	---------------------	------	----	----------------	-------------------------------------

平定回疆勦擒逆裔方略卷十 九

別奏咨立定章程劃清款項督同總局司道等
 查照各處實在情形分門別類覈實鈎稽該司
 道等自設局後督飭局員等先將涇州至高臺
 各州縣供支各款逐一清釐分列三十五案覆
 覈後即可次第題銷其肅州局支發肅州並口
 外各州縣及各臺內地委員承辦各款亦陸續
 呈冊請銷現由司分別稽覈彙總造報計年內
 均可請題至凱撤各案一俟各兵全行過竣截
 清動用銀糧數目即可接續報銷統計明年二
 三月間蘭肅兩局報銷均可一律完竣其阿克
 蘇大營收支各款現經前任山東兗沂曹濟道
 楊翼武會同藩司顏伯燾督飭經手各糧員造
 報亦可陸續覈題查軍需項下節次奉撥餉銀
 一千一百一十六萬五千兩又經總督楊遇春

續請撥借銀五十萬兩統共軍需收款銀一千
 一百六十六萬五千兩又奉撥陝西制錢三萬
 串除撥解伊犁烏魯木齊哈密阿克蘇大營餉
 銀八百一十萬二千七百五十五兩零錢三千
 串又蘭肅二局支發口內外各縣各臺借支征
 兵鹽糧夫馬運送軍火餉鞘及採買製造等款
 銀三百六萬二千二百四十四兩零又續撥伊
 犁烏魯木齊哈密喀喇沙爾阿克蘇墊解軍需
 備借凱旋等款銀二十六萬八千七百二十四
 兩零又續發口內外各州縣借支凱旋並各營
 卹賞馬價找支口外沿途欠發鹽菜等款銀六
 萬六百八十六兩零現在軍需項下實存銀十
 七萬五百八十八兩零制錢二萬七千串
 該藩司劃清界限各歸各處收支互相覈對以

免牽混浮冒再查向來軍需或因格於例案實
 用不能實銷往往在於例銷各款內灑帶彌補
 不肖者因之舞弊遂藉口灑銷任意浮冒甚至
 因軍需緊急款項間有那移交代時遂將平日
 虧空均指為軍需整款一概抵交是灑銷即浮
 冒之根而交抵即虧空之漸臣已與藩司顏伯
 燾商定嚴飭局員等逐細查覆如有此種情弊
 一經查出即從嚴揭參其例所准銷而實可節
 省各款分別覈實刪減其必須實用而例不准
 銷各款懇
 恩歸入分攤案內彌補其餘事宜統交該藩司斟酌
 妥辦
 鄂山又奏言再查各屬安設臺站夫馬馳遞軍
 需文報前已會同盧坤照例咨部惟查軍需例

載甘肅省安設驛站每正站安馬自二十五六
 匹至三十四匹不等腰站安馬十六七匹不等協
 站安馬十四匹臣因需費過多自應寬籌節用當
 嚴諭各州縣撙節刪駁茲據管局司道督同局
 員等覈實銷算自涇州至高臺各州縣共應銷
 夫馬料草銀二十一萬三百餘兩現已覈實准
 銷銀四萬六千九百餘兩計刪減節省銀十六
 萬三千四百餘兩臣飭令肅州以西各州縣均
 照此辦理
 鄂山又奏言臣查歷屆軍需雇用民車民馬均
 給予守候回空價銀此次軍需奉調各路官兵
 至三萬數千員名兼以運送軍火餉鞘需用車
 馬繁多甘省地瘠民貧車馬稀少勢不能不先
 期雇覓並有由局及附近州縣代雇協濟者守

候回空原係實用惟程站里數遠近不一守候
 日期多寡不等自應再行酌議刪減茲據該司
 道等詳議請按照驛站道里之遠近定以守候
 日期之多寡從嚴覈減臣復加綜覈照例應銷
 銀二十二萬二千五百兩零現擬刪減節省銀
 九萬二千一百兩零請銷銀一十三萬四百兩
 零各按州縣供送起數截長補短計算實屬有
 減無浮其肅州以西現亦飭令該司道一律照
 例辦理又查甘肅供支兵差運送軍火糧餉涇
 州平涼及平番至肅州等處均係平路向用車
 輛瓦亭至皋蘭並南北僻徑多係山路向用馬
 騾此次軍務緊急各廳州縣同時雇備運腳勢
 不能拘泥分別是以向用車輛之處有兼用馬
 騾者亦有向用馬騾之處兼用車輛者若仍照

平定回疆勦擒逆裔卷七十一

五

舊案區別報銷則平路不免刪賠而山路轉多
 浮冒現飭管局司道等詳細嚴查據實造報務
 期承辦者不致偏枯而實用實銷餉項亦可節
 省又查甘省各驛除肅州安西各額設馬車七
 十五輛儘數除用外其餘各驛車輛額設本屬
 無多且均係牛車行走遲緩難以躋程祇可仍
 令其專運新疆例餉布疋紙張等物軍需項下
 未經應用均奏入報

平定回疆勦擒逆裔卷七十一

五

聞

戊午

阿克蘇獲辦從逆賊目

長清奏言臣查道光六年七月逆回滋事擾及

阿克蘇境內所有附近之波斯圖等處回莊俱
 於賊匪未到之時先行叛亂都督特洋阿里克

各軍臺被焚雖經大兵勦辦而餘黨逃散潛匿
茲據署阿奇木愛瑪特於東南一帶回莊拏獲
賊目列布拉和卓一名臣親提研訊供認從逆
戕害官兵焚掠軍臺屬實訊明當卽正法奏入
報

聞

阿克蘇撥供烏什糧石酌撤銅廠留兵

平定回疆勦擒逆裔方略卷七十

三

長清奏言據烏什辦事大臣布彥泰咨稱烏什
添設防兵一千名自本年十一月起至來年八
月止約需口糧四十餘萬斤能否於阿克蘇存
貯糧石內就近撥運供支臣查阿克蘇軍需項
下收貯伊犁烏魯木齊運到糧石截至道光八
年七月底止除供支凱撤官兵口糧外實在存
貯白麩九萬二千八百餘斤小麥一萬六千三

百餘石粟米三千八百餘石現屆大田成熟之
時兼可收納本地回民糧賦是阿克蘇舊額及
新設防兵一千七百餘名口糧已屬充足臣隨
將存貯軍需糧石內動撥小麥三千二百石粟
米八百石雇備駝隻運往烏什供支該處添設
防兵口食其餘軍需存剩糧石臣仍隨時督飭
糧餉局章京修葺倉廠妥爲收貯再阿克蘇上
下銅廠二處自上年八月奏明於原撥駐防兵
三百名暫留征兵一百五十餘名撥給銅廠錢
局供役現屆一年期滿查銅廠所添兵丁計多
採銅五千四百斤而銅苗未能豐旺盡力開挖
實形竭蹶此時回疆各城善後事宜漸可籌辦
完竣且經那彥成暨臣奏明改鑄當五當十錢
文相間行使兵丁回子咸稱便利約計每年額

平定回疆勦擒逆裔方略卷七十

三

收銅二萬一千餘斤分作春秋兩卯鼓鑄足供
搭放兵餉之用似可毋庸再行添兵加採應請
自本年九月將暫留征兵一百五十名撤回原
營以節糜費而符舊制奏入報

聞


平定回疆勦擒逆裔方略卷七十一

天



欽定平定回疆勦擒逆裔方略卷七十一

道光八年秋九月己未



定揀補回疆各城章京章程

那彥成楊芳武隆阿奏言查回疆南路八城額

設印房等處章京共十七缺英吉沙爾事務較

簡向無章京其餘七城糧餉章京六員專用由

京揀派廢員喀什噶爾額設印房回務經牧章

平定回疆勦擒逆裔方略卷七十一

一

京三缺葉爾羌額設印房章京二缺喀喇沙爾

額設印房回夷章京二缺庫車阿克蘇烏什和

闐各城額設印房章京一缺均例由京揀派司

員充補嗣因京員情形不熟於駐防筆帖式內

揀選熟諳之員給予主事職銜奏准補用而該

筆帖式等皆由烏魯木齊古城巴里坤換防馬

甲內挑補歷年既久情形雖熟把持固結舞弊

營私無所不至亟應請復舊制仍用京員惟伊
 犁烏魯木齊駐防筆帖式內未始無可用之才
 挑補章京是其上進之階若一律改用京員其
 才堪造就者亦覺可惜臣等悉心酌議以上七
 城印房章京七缺全用京員作為掌印章京喀
 什噶爾回務章京一缺亦請由京揀派經牧一
 缺公事無多改歸印房掌印章京兼管其缺改
 為印房幫辦留外奏補駐防人員葉爾羌原設
 印房章京二缺一缺已作為掌印章京以一缺
 作為幫辦留外奏補駐防人員喀喇沙爾回夷
 章京一缺必須通曉蒙古文義之員方能勝任
 仍留外奏補駐防人員以上酌留三缺駐防人
 員亦不至無進取之路遇有缺出南八路各保
 駐防筆帖式一員須精通滿漢文理操守謹飭

之人方准保列由察贊大臣覈定奏補查各部
 院主事內素能辦事之員各衙門自不肯派出
 兵差且三年差滿回京不計勞績稍有才具之
 人亦不樂於自見其揀派兵差者均保二三等
 之員於公事依然無益臣等查察哈爾八旗游
 牧主事定例於蒙古實缺筆帖式內考取熟習
 清漢文義之員作為游牧主事前往當差八年
 後即准選用外任今回疆各城章京缺出亦請
 援照游牧主事之例
 勅下各部院衙門保送通曉清漢文義滿洲實缺筆
 帖式一員彙考錄取帶領引
 見補放即將該筆帖式作為委署主事赴各城換班
 三年期滿如果得力奏明咨部以主事即選得
 缺後即由部奏請咨取帶領引

見更換俟由京揀派之員到日回京供職如此酌量
變通則由京揀派之人均非備員且一經補放
卽得升銜人知自愛可期得力惟經此次奏定
之後全在察贊及各城辦事大臣實力奉行儻
市恩濫保仍無裨益應請嗣後遇有掌印章京
缺出永不准通那奏補駐防人員儻敢故違照
徇庇例議處奏入

平定回疆勦擒逆裔卷七十一 四

上諭內閣曰回疆各城額設印房等處章京向俱由
京揀派嗣因京員情形不熟不能得力每於駐防
筆帖式內遴才奏補日久相沿難盡覈實且該員
等把持固結流弊日滋茲據該督等請復舊制並
酌留三缺俾駐防筆帖式中才堪造就者亦不致
阻其上進之階著照所請行現在各城印房章京
或早經奏補或甫經升調未便一時更撤著俟各

該員年滿再行奏請照新定章程辦理

定回疆駐防旗員役使及攜眷章程

那彥成楊芳武隆阿奏言查向例發給回城伯

克回子爲奴之犯率多疆橫回子性懦不能管

束且增養贍殊非所願臣等因各城印房等處

章京筆帖式役使回子苦刻婪索於裁革陋規

摺內奏明永遠裁革但查該章京等均係寒苦

平定回疆勦擒逆裔卷七十一 五

旗員不能多帶家丁役使乏人亦非所以示體

恤今擬將發回城爲奴之犯酌撥印房各章京

筆帖式等供役在該員等役使有人亦可嚴加

管束卸任之時列入交代不准攜回本旗俟撥

給各章京衙門足敷役使再分給大小伯克爲

奴由各城大臣酌量分撥報部查覈毋庸分給

小回子以免苦累較爲兩便應請

勅部覈入條例遵行再查舊制回疆各城大小官員均不准攜眷而伊犁烏魯木齊等處駐防旗人由馬甲挑補筆帖式游升主事去家年久亦非所以示體恤茲各城大臣現已欽奉

諭旨准其攜眷該駐防章京筆帖式擬請准其一體攜眷惟向來伊犁烏魯木齊各章京筆帖式往往有攜親友來至防所無獎不作於例亦當查

平定回疆勦擒逆裔方略卷十一 六

禁嗣後祇准帶本身子孫隨任此外親族一概不准攜帶違者照例嚴辦並將家口人數報由本旗呈請將軍都統咨照各城大臣查明咨部以示限制奏入得

旨照所請行

定回疆換防官兵訓練章程

那彥成楊芳武隆阿奏言查從前由內地各營

換防官兵往往以老弱充數及到防所分撥各項差使餘兵無幾雖城守已屬難支操練更不可問以致外夷輕視敢肆猖獗等前將派防實在情形奏奉

諭旨勅下陝甘兩省嗣後不得以老弱官兵派防充數伏思兵無強弱惟在操習有法回疆新增舊設防兵共一萬零六百名歲需

平定回疆勦擒逆裔方略卷十一 七

帑金二十四萬餘兩儻仍因循怠惰徒有增兵之名而無實效况現設總兵大員操防乃其專責自應議定章程永遠遵辦等公同酌擬喀什噶爾地臨極邊較各城為重現設防兵四千三百名除防守及各項役使兵二千三百名外挑選年力精壯技藝可觀者二千名責成喀什噶爾總兵舒倫保督率將備按二百名為一班分

爲十班每月屆三六九等日操演擡礮擡槍二
五八等日操演鳥槍一四七等日操演弓箭長
矛逢十日合操速戰陣一次臣楊芳臣武隆阿
此次親冒矢石在前敵打仗見擡礮擡槍大爲
得力而卡內外回夷所畏以擡礮擡槍便捷而
能致遠操演嫻熟實堪百發百中鳥槍則綠營
中尙不能用之精巧長矛爲步兵利器弓箭實
不能如法就其所長加之訓練可成長勝之軍
現擬每月令總兵校閱二次每日派該將備等
輪流操演每一月參贊大臣校閱一次儻有步
伍不整技藝不熟者將該鎮將等記過一次記
至二次應將溺職之員據實參辦以肅軍令至
兵丁等按日練習無所鼓勵不足以作其勇敢
之氣茲於叛產房租項下酌籌操防費用足敷

辦理謹擬遇總兵閱視每擡礮擡槍中三靶者
賞錢二十五文中二中一者遞減十文鳥槍中
三靶者三十五文中二靶者減十文弓箭中五
箭者三十五文四箭三箭者遞減十文長矛以
捷速如法者爲上亦賞錢十文其有技藝生疎
者隨時責處每屆參贊操閱之期一切賞需俱
加一倍至伊犁滿洲兵五百名亦令勤習騎射
遇秋末冬初草肥馬壯之時參贊大臣遵照舊
例帶往山內演習行圍其應如何酌賞之處聽
參贊大臣臨時勘酌以上馬步兵丁勤加教練
使邊夷震懾聲威於鎮撫大有裨益其餘各城
大臣酌量挑拔隨時訓練俾口外營伍日有起
色且藉操防以資津貼於兵丁不無小補奏入
上諭內閣曰回疆增設防兵籌給餉精原期折衝禦

每悉成勁旅俾外夷震懾永靖邊陲茲據該督等
 籌議按期操練章程與朕本年通飭各省營伍勤
 於訓練諭旨相符其令滿洲兵於草肥馬壯時演
 習行圍尤當如是辦理著照所請將喀什噶爾現
 設防兵四千二百名內除分派防守及各項差役
 外挑選精壯二千名責成總兵舒倫保督率將備
 分爲十班按所定日期操演各項技藝每日派將
 備輪流看操每屆十日由該總兵校閱一次每屆
 一月該叅贊大臣校閱一次儻有步伍不整技藝
 不熟者將鎮將等記過一次記至三次卽行據實
 叅辦以肅軍令該總兵校閱時分別槍礮弓箭中
 靶多寡長矛步伍捷速者照所定數目分賞其有
 生疎怠玩者隨時責處每屆該叅贊閱視之期一
 切賞需俱准加倍其伊犁滿洲兵五百名亦合勤

習騎射該叅贊於秋末冬初之時遵照舊例帶回
 演習行圍酌加賞賚其餘各城防兵亦著各該大
 臣等酌量挑拔隨時簡練武隆阿等嗣後當照此
 章程認真督率加意策勵務期日久勿懈以簡軍
 實而壯聲威

命優獎忠盡後裔及軍營出力之伯克回子

那彥成楊芳武隆阿又奏查現補英吉沙爾

四品阿奇木伯克邁瑪達瑪哈素特係郡王伊

斯堪達爾之孫因伊父玉努斯不甘從逆致被

戕害上年欽奉

諭旨

賞給三等台吉查邁瑪達瑪哈素特係忠盡後嗣應

請照各城難廕

賞戴花翎惟各城難廕俱奏請世襲五品頂翎該伯

克之父玉努斯曾襲郡王緣事革職查抄家產
臨難盡節深知大義其後嗣應請優予世職以
慰忠魂又葉爾羌色勒庫爾莊六品伯克邁買
沙軍營出力經長齡奏

賞四品頂帶花翎因該回莊在卡外布魯特游牧地
面與什克南拔達克山連界非本莊之人熟悉
情形難期勝任是以將邁買沙請升該莊五品

平定回疆勦擒逆裔卷十一

三

阿奇木但該伯克勞績最著因人地相需不能
對品升用未免向隅應請

賞換三品頂帶又喀什噶爾小回子哈底爾努魯斯
二名上年十二月在伊斯里克偵探張格爾入
卡出力長齡原保漏未列入應請

賞給六品頂翎以獎微勞奏入

上諭內閣曰英吉沙爾四品阿奇木伯克邁瑪達瑪

哈素特前賞二等台吉頂翎准其世襲因替葉爾
羌色勒庫爾莊六品伯克邁買沙前在軍營出力
經長齡奏明賞給四品頂帶花翎並以該伯克熟
悉該回莊情形升受該莊五品阿奇木茲據那彥

成等奏該伯克勞績最著今因人地相需不能對
品升用未免向隅著加恩賞換三品頂帶俾令安
心撫馭可資久任喀什噶爾回子哈底爾努魯斯

平定回疆勦擒逆裔卷十一

三

二名上年張逆入卡探報出力長齡原保漏未列
入著加恩賞給六品頂翎以勵忠蓋而獎勤勞

那彥成疏奏回疆西四城三品至五品伯克四
十六缺請以托克托尼雜爾等升補並請裁改
喀什噶爾英吉沙爾等處伯克員缺得

旨照所請升補責成各城大臣隨時察看如果實在
潔已辦公俟一年期滿出具考語咨明參贊大臣

另行奏請實授如不稱職立即撤參另揀受員請
 補至葉爾羌所屬之色勒庫爾地方設五品阿
 奇木及伊什罕等小伯克距卡倫較遠與什克甫
 坎達克山連界非本莊之人熟悉情形不能勝任
 毋庸照卡內迴避本莊之例著遇有缺出由該城
 大臣秉公揀補咨明叅贊大臣分別奏咨辦理喀
 什噶爾額設五品訥可布伯克五品密圖瓦利伯
 克五品莫提色布伯克三員管理工匠及田地房
 契等件均無重任罕愛里克河色爾布依二莊回
 戶較多原設六七品伯克照料難周察拉根地方
 係大河拐開墾新田處所向無伯克經管著將前
 項五品伯克三員各給予五品阿奇木職銜移設
 罕愛里克等處駐劄其阿爾瑚莊額設六品阿奇
 木伯克與六品哈資伯克品級相等無所統屬著

平定回疆勦擒逆裔卷十一 古

將六品哈資伯克移駐察拉根管理農田又阿斯
 圖阿爾圖什莊額設七品明伯克五員著裁撤二
 員以一員移駐察拉根幫辦農田事務以一員移
 駐阿爾瑚莊抵補六品哈資伯克裁缺英吉沙爾
 額設四品阿奇木一員並無伊什罕伯克幫辦該
 城公事較繁所有六品哈資伯克著照拜城之例
 賞給五品伊什罕職銜以資襄理

癸亥

烏什請撥阿克蘇糧石

烏什辦事大臣布彥泰奏言烏什新添防兵一
 千名自本年十一月起至九年八月止約需口
 糧四十餘萬斤無項可供因阿克蘇現有從伊
 犂烏魯木齊運到糧石為數尙多經臣咨商那
 彥成並長清在於該處所存糧石內撥運供支

平定回疆勦擒逆裔卷十一 五

節經長清派員押運到小麥三千二百石粟米
八百石如數收倉以備新添官兵明歲八月口
糧之用奏入報

聞

乙丑

護送年班伯克

陝甘總督楊遇春奏言喀什噶爾等城阿奇克

平定回疆勦擒逆裔卷七十一

十六

伯克每年額貢金絲緞果膏等項派年班進京

侍衛押解仍由各省派委道員副將各按界址

分段護送茲各城侍衛業已裁撤現屆該處進

貢之期既無長員護送沿途彈壓稽查自應責

成各省委員以昭詳慎應請俟前項伯克到時

由臣遴派文武大員送至山西省城交卸另由

山西巡撫派員轉送直隸省城再由直隸總督

派員直送京城俟回時一律更替奏入得

旨喀什噶爾等城阿奇木伯克每年額貢嗣後著即

於年班伯克進京時解送前來沿途仍照向例由

各省派委委員各按界址分段護送本年該伯克

等停止進京著將本年額貢留於明年年班伯克

帶京呈進

命撥回疆新增換防官兵經費

平定回疆勦擒逆裔卷七十一

十七

楊遇春又奏言臣接准那彥成咨稱回疆增定

防兵六千五百名領兵副將參將遊擊都司各

官五十九員應酌派更換當於陝甘兩省並口

外烏魯木齊提屬分別酌派支給鹽菜行裝依

期起程茲據藩司顏伯燾查明道光八年留防

兵丁係在出征官兵內留駐無須行裝車價此

次換防官兵除陝西及烏魯木齊提屬分派官

兵應需借俸行裝車價由各該處請領計甘省	應派撥官四十一員外委兵丁四千五百六十	四名共需借俸行裝銀六萬九千一百餘兩又	前項兵丁各自原營起程並陝省兵丁經由陝	甘直至防所約需鹽菜口糧車駝價值共銀七	萬九千七百餘兩又前項官兵到防後按照應	支一歲鹽菜約需銀八萬一千九百餘兩以上	計共需銀二十三萬八百餘兩俱係急需支用	之項現在無款可墊應請	勅部在於鄰省寬為酌撥銀二十四萬迅即解甘以	備支用奏入得	旨下戶部速議尋議請於山西本年報撥地丁銀內	撥給銀二十四萬兩解交甘肅仍令陝甘總督	將換防官員借支俸銀一項查照向例於各該
--------------------	--------------------	--------------------	--------------------	--------------------	--------------------	--------------------	--------------------	------------	----------------------	--------	----------------------	--------------------	--------------------

員班滿回營後分作兩年扣還奏入	上從之	楊遇春又奏言前因軍需款項不敷提借儲備	銀五十萬兩現已陸續解齊於本年八月十六	日照數提還封貯奏入報	聞	計共需銀二十三萬八百餘兩俱係急需支用	之項現在無款可墊應請	勅部在於鄰省寬為酌撥銀二十四萬迅即解甘以	備支用奏入得	旨下戶部速議尋議請於山西本年報撥地丁銀內	撥給銀二十四萬兩解交甘肅仍令陝甘總督	將換防官員借支俸銀一項查照向例於各該
----------------	-----	--------------------	--------------------	------------	---	--------------------	------------	----------------------	--------	----------------------	--------------------	--------------------

欽定平定回疆勦擒逆裔方略卷之

道光八年冬十月辛未

護理陝西巡撫徐忻保奏承辦兵差各員分別等差請加鼓勵

上諭內閣曰陝省承辦兵差人員除尤為出力者前

經降旨加恩其餘在事各員著有微勞自應量予

恩敘所有開列一等之潼商道慶祿護理陝安道

平定回疆勦擒逆裔方略卷之

二

漢中府知府楊名颺延榆綏道楊贊西安府知府

熊常鐸同州府知府徐名紱榆林府知府章德成

署西安府同知廣崇署華州知州郭守倫咸陽縣

知縣段嘉謨醴泉縣知縣王汝弼岐山縣知縣陳

堯書長武縣知縣陳夢蓮俱著交部從優議敘其

列為二等之寧陝廳同知鄭謙商州直隸州知州

恒亮鄜州直隸州知州吳鳴捷耀州知州張利溥

署寧羌州知州趙廷俊臨潼縣知縣孫鳳署臨潼

縣知縣劉用霖渭南縣知縣何耿繩高陵縣知縣

恒熙署朝邑縣知縣謝長清郃陽縣知縣段士聰

扶風縣知縣袁汝嵩署武功縣知縣吳承烈署永

壽縣知縣滿德安沔縣知縣徐通久略陽縣知縣

金在紳署略陽縣知縣郭熊飛署褒城縣寧羌州

州同趙秉權定邊縣知縣曾察遠靖邊縣知縣唐

平定回疆勦擒逆裔方略卷之三

二

廷鈺懷遠縣知縣陳兆麒神木縣知縣毛有猷府

谷縣知縣馬疏候補知縣仇汝弼俱著交部議敘

承辦兵差支應局始終奮勉之石泉縣典史捐升

府經歷趙樞捐納從九品錢崑瑤俱著歸部儘先

選用候補未入流宋森棠著遇缺即補書吏從九

品銜馬吉祥著以從九品遇缺選用未入流銜紀

桓書吏王遇時劉枚沈坤俱著以未入流遇缺選

用

陝西供支兵差動用銀數

護理陝西巡撫徐忻奏言此次回疆軍務陝省

共請撥銀四十四萬六千五百二十一兩零又

扣收平餘銀一千八百一十八兩零又扣西安

滿洲營並西安鎮標等營官兵多備俸裝銀一

萬九千四十兩零通共銀四十六萬七千三百

平定國庫撥濟銀兩卷上

三

八十兩零除供支進征官兵請銷銀三十二萬

三千三百三十六兩零請攤銀五萬九千六百

七十九兩零今凱旋官兵續請銷銀六萬九千

七十九兩零實存銀一萬五千二百八十四兩

零尚有零星支用各款應隨時報部覈銷統俟

將各營借支之項扣清後再行報部撥用奏入

報

閱

甲戌

伊犁籌議加增養廉鹽菜銀兩

伊犁將軍德英阿參贊大臣容安奏言伏查

等暨領隊大臣五員均蒙

恩諭加增養廉計每年共加銀二千五百兩伊犁額

設司員章京八員每員月支鹽菜銀十五兩今

平定國庫撥濟銀兩卷上

四

擬酌加十兩糧員五員每員月支鹽菜銀七兩

二錢今擬酌加六兩部缺經制筆帖式四員每

員月支鹽菜銀八兩今擬酌加四兩委筆帖式

二十七員每員月支鹽菜銀三兩今擬酌加二

兩共計每年酌加鹽菜銀二千一百六十兩通

共每年加增養廉鹽菜銀四千六百六十兩自

應籌撥開款支用查伊犁牛馬稅房租項下處

共徵銀二萬三千餘兩向來每歲撥入經費正
項內充用於調取內地經費時照數豁免調
此次加增養廉鹽菜銀兩應以本處所收充本
處人員之用不應於經費之外復有加增所有
需增銀四千六百六十兩應請在於本處牛馬
稅房租項下動支下餘若干仍歸正項充用如
蒙

平定回疆勦擒逆裔方略卷三十一

五

俞允卽自本年奉

旨加增之日爲始按數支給造冊咨部覈銷再查塔

爾巴哈臺領隊大臣二員蒙

恩各賞加養廉二百兩該處司員等應請一律增添

鹽菜銀兩_戶等比照伊犁所加數目酌擬加增

該處司員章京三員每員月支銀十五兩今擬

酌加十兩經制筆帖式二員每員月支銀八兩

今擬酌加四兩委筆帖式十員每員月支銀三
兩今擬酌加二兩計每年共需加增鹽菜銀六
百九十六兩合之該領隊大臣等新加養廉銀
四百兩每年計加增養廉鹽菜銀一千零九十
六兩此項亦係例外加增不應議添經費查該
處每年有應收官兵請買綢布茶封及官廠牲
畜銀兩每年覈入經費支放外尚有盈餘足敷
加增養廉鹽菜之用仍令於支給後按數造冊
報銷以昭覈實奏入得

平定回疆勦擒逆裔方略卷三十一

六

旨如所請行

烏魯木齊籌支加增章京等鹽菜銀兩

烏魯木齊都統英惠奏言接准那彥成來咨以

北路各城並吐魯番哈密章京筆帖式等應加

鹽菜應如何加增令_臣自行籌款奏辦查烏魯

木齊吐魯番古城巴里坤庫爾喀拉烏蘇等處	共額設章京三員每員月支鹽菜銀十五兩部	缺筆帖式七員每員月支鹽菜銀八兩委筆帖	式三十二員每員月支鹽菜銀三兩請將章京	等每員每月加銀十兩部缺筆帖式等每員每	月加銀四兩委筆帖式等每員每月加銀二兩	每年共增銀一千四百六十四兩應請於烏魯	木齊所屬每年徵收房租稅項下支給又哈	密額設章京一員部缺筆帖式一員委筆帖式	六員應加鹽菜銀兩亦即照各城酌加銀數一	律加給計每年共加增銀三百一十二兩惟該	處並無房租稅亦無另有閒款應請就近在	於該處經費項下動支奏入得	旨如所請行
--------------------	--------------------	--------------------	--------------------	--------------------	--------------------	--------------------	-------------------	--------------------	--------------------	--------------------	-------------------	--------------	-------

癸未	籌給換防馬料添設綠營差馬	那彥成武隆阿奏言查喀什噶爾葉爾羌英吉	沙爾三城原設馬隊前經 ^臣 等奏明將葉爾羌	英吉沙爾二城換防滿洲兵全行裁撤並將喀	什噶爾額調烏魯木齊駐防兵三百二十名先	後奏撤添調錫伯索倫兵二百名統計喀什噶	爾現存換防伊犁滿洲駐防及錫伯索倫兵五	百名查向來伊犁換防滿洲兵均在原營支領	馬乾夏秋全行牧放冬春僅給五十匹餵養日	支料二京升錫伯索倫原營並無馬乾防所亦	不給與草料以致佔據回莊地畝或強派回子	交納糧料今欲認真操練嚴禁擾累必須籌給	草料將馬匹全行存城餵養現在喀什噶爾新
----	--------------	--------------------	---------------------------------	--------------------	--------------------	--------------------	--------------------	--------------------	--------------------	--------------------	--------------------	--------------------	--------------------

增糧石充裕足敷供支擬請將錫伯索倫兩營兵四百名均給予馬匹餵養伊犁駐防滿洲兵一百名原營例支馬乾因該兵丁留爲家屬養贍防所給予五十匹馬料並不咨回原營覈扣向藉回子供應今革除陋規兵丁頗形苦累應於原設馬料五十匹之外加給五十匹草料餵養俾免扣原營馬乾以示體恤統計馬兵五百名共額馬五百匹連領兵官員例馬舊制每馬日給料二京升不敷餵養應請每馬日給料三京升春冬二季全數在槽餵養夏秋二季四分在槽六分出青設有緩急堪以調遣無誤至南八城惟喀什噶爾葉爾羌英吉沙爾烏什等四城地處極邊時有查探卡外差務換防綠營馬兵無多且向不領馬出關每遇差遣俱騎用回

子烏拉馬匹現經^臣等於裁革陋規摺內聲明非有大差不准擅調烏拉馬匹若兵丁遇有查卡差使卽行傳諭仍不免於擾累應於綠營內每營添設差馬十匹計喀什噶爾六營應設馬六十四匹葉爾羌英吉沙爾烏什等三城共六營應設馬六十四匹在於抄獲逆回馬匹內撥給其錫伯索倫兩營兵丁如有未經攜帶馬匹者亦於前項馬匹內給領班滿繳還各營差馬准其照例三分倒斃在於經牧孳生廠內撥補所需餵養卽照滿洲營馬匹之例在新增糧內照數支給此後三年裁兵二千五年裁兵四千均由叅贊大臣臨時的減現在滿洲營綠營馬匹貴令帶兵章京將領等實力稽查叅贊辦事幫辦各大臣按月點驗一次如有短缺疲瘦從重究

辦再喀什噶爾柴薪甚貴附近地方無處樵採
臣等於阿克蘇軍需餘剩車輛內咨調大車七
十輛修理完整分撥各營以爲運送柴薪之用
所需車馬一百四十四匹亦於抄產馬匹內撥給
奏入

上諭內閣曰喀什噶爾換防伊犁滿洲兵向在原營
支領馬乾錫伯索倫兩營向無馬乾以致佔據回
莊地畝或強派回子交納糧料均所不免自應籌
給草料將馬匹全行存城餵養以利差操而免擾
累據那彥成等查明新增糧石充裕歲需馬料足
敷供支著照所議辦理

阿克蘇葉爾羌烏什移改軍臺

那彥成武隆阿奏言據葉爾羌辦事大臣札隆
阿來咨阿克蘇至葉爾羌大路計長一千三百

三十里阿克蘇設軍臺三處葉爾羌設軍臺十
三處間段戈壁並有水草不便之處近年葉爾
羌所屬渾河水大東注不暢巴爾楚克一帶每
當盛漲之時水勢漫溢大路不通葉爾羌自第
八臺至十三臺均係濱河日久難免衝刷前年
逆回滋擾沿途軍臺均被焚燬現在鳩工修復
若照舊安設將來巴爾楚克一帶積潦爲患仍
不免於遷移不如動項修辦一勞永逸等以
葉爾羌迤東軍臺與阿克蘇接壤一經那移是
否能與阿克蘇軍臺聯絡咨令會勘覈辦茲准
長清會同札隆阿札克桑阿咨稱宜得葉爾羌
喀喇塔克軍臺迤北舊有徑路一道直通阿克
蘇之渾巴什河今擬將葉爾羌原設渾河西之
喀喇塔克第八臺移於渾河之東八十里至圖

木舒克設臺一處爲圖木舒克六十里至車底
 爾科魯設臺一處自車底爾科魯九十里至雅
 合庫圖克設臺一處以上均係葉爾羌地界自
 雅合庫圖克一百里至齊蘭設臺一處自齊蘭
 一百二十里至薩依里克亮噶爾設臺一處自
 薩依里克亮噶爾五十里至渾巴什河歸併舊
 路以上均係阿克蘇地界計葉爾羌移設軍臺
 四處裁減軍臺二處路近一百四十里阿克蘇
 移設軍臺二處路近四十里現在葉爾羌軍臺
 一律估修歸於城工案內彙奏阿克蘇軍臺前
 經奏蒙
 允准動項興修此時料物均已購辦尙未施工堪以
 移建_臣等覆查無異應請於阿克蘇境內移設
 軍臺二處葉爾羌境內移設軍臺四處裁撤軍

平定回疆勦擒逆裔卷之三

三

臺二處各按新勘地面如式建蓋以肅郵政_臣
 等一面咨令該城大臣乘時興工如有佔礙回
 子耕種地畝卽行撥還並將程途里數繪圖咨
 部查覈再查烏什所轄察喀拉克軍臺本係阿
 克蘇地面濱臨大河年久衝刷逼近臺基數年
 咨調阿克蘇回夫二百名前往築隄禦水因該
 處土性鬆浮屢築屢潰甚爲回莊之累本年夏
 令山水甚漲大溜衝刷尤難捍衛據烏什辦事
 大臣布彥泰勘得臺西五里哈拉克齊地方形
 勢高阜堪以移建估需工料銀四百七十餘兩
 應請照估修建所需銀兩卽在西四城叛產變
 價項下動交毋庸造冊報銷新勘臺基查係回
 子業地已指定附近官地撥還奏入得
 旨所辦是如所請行

平定回疆勦擒逆裔卷之三

十四

籌議大河拐試墾情形

那彥成武隆阿奏言^臣那彥成於抵喀什噶爾

後詳勘大河拐察拉根地方亘長百有餘里均

係可耕之地處處可以引水灌溉且濱臨大河

水源甚遠下游回田水道並無礙佔阻遏前經

長齡等奏撥回兵五百名又添派博底爾格回

子五百名自備工本前往疏渠試墾茲據伊薩

平定回疆勦擒逆裔方略卷七十三

十五

克查明該回子等播種成熟每名願交糧二京

石共交糧二千石現在趕種小麥俟明年麥熟

察其收成豐歉即可照定額納糧惟查長齡原

奏擬俟試墾有效添設屯兵^臣等查屯工所產

糧石雖多而築壩疏渠籽種牛具以及官兵居

住房堡俸餉需費實繁且此時防兵專事操練

未便仍派屯田惟有責成伊薩克廣募無業窮

回及願往試墾之人陸續認種逐年加增使糧

賦日臻充裕而窮回亦得謀食方為經久無弊

奏入

上諭內閣曰喀什噶爾大河拐一帶空地前據長齡

等奏撥回兵先行試墾俟有成效再行添設屯兵

當經降旨交那彥成詳勘籌辦茲據查明該處濱

臨大河水源甚遠本年春間派撥回兵等播種雜

平定回疆勦擒逆裔方略卷七十三

十六

糧均一律成熟交納糧石著俟明年麥熟再定歲

賦科則惟防兵專事操練未便仍派屯田所有該

處空地著即責成伊薩克廣募試墾陸續認種逐

年加增照額納糧以期經久

喀什噶爾葉爾羌試鑄當十普爾錢

那彥成奏言^臣前次會同長清奏請將阿克蘇

歲收額銅十分之三改鑄當十普爾錢與當五

錢相間行使以平市價欽奉

諭旨令^臣等體察情形辦理遵卽飭令局員將所存

銅斤先行補鑄春卯三成當十錢文於六月起

搭放官兵鹽菜該官兵等購買食物商民回戶

咸稱便利所有秋卯應鑄當十錢文現已開鑄

鼓鑄以供支放^臣查鼓鑄當十錢文既經官兵

行用商回稱便現在喀什噶爾葉爾羌二城亦

平定回疆勦擒逆裔卷七

七

屬願行自應遵照奏定章程按卯搭鑄三成分

運各城行使以裕泉源計每年額鑄當十錢六

百四十一千餘文以所省銅斤工價及增出錢

文通盤覈計實長餘銀二千二百餘兩堪以少

調內地經費仍俟試行一二年如果流通無弊

再行酌量加增間半改鑄於經費更有裨益奏

入報

聞

那彥成等疏奏伊薩克額懇帶同伊子入都瞻

覲

上諭內閣曰回子郡王喀什噶爾幫辦大臣阿奇木

伯克伊薩克前自軍興以來克著忠勤茲因受恩

深重籲懇展覲並帶同伊次子邁瑪特來京求賞

差使覽奏具見悃忱朕心甚為嘉悅伊薩克卽著

平定回疆勦擒逆裔卷七

六

於明年年班時帶同伊子邁瑪特來京以示眷注

那彥成又奏言自軍興以來各城大小伯克回

子中實在著有勞績者均經節次奏請分別賞

給翎頂惟小回子中現戴五六七品頂帶者甚

多間有戴用藍翎之人並無奏明案據

天朝名器所關豈容冒濫茲查此項回子係大兵到

喀什噶爾以後領兵將領以該回子等或有隨

同出卡出力者隨時給與均無票據可憑現辦

善後事宜將次完竣原應一律革除第其中亦

有實在出力之人無從查對清楚臣等酌議此

等回子只准頂帶榮身凡未經奏明濫膺翎枝

者概令拔去均令與小回子一體納糧當差選

有伯克缺出不得與伯克一同揀選仍咨令西

四城各城大臣逐細查明如有實在出力及確

有憑據者隨時奏明辦理奏入

上諭內閣曰頂帶為名器所關原不容稍滋冒濫既

據該督等查明前此帶兵將領等隨時給與均無

票據若此時一律革除其中有實在出力者轉致

向隅著加恩將此項回子祇准其頂帶榮身凡未

經奏明濫戴翎枝者概令拔除均著與小回子一

律納糧當差遇有伯克缺出如有實在才具可用

者由各城大臣切實保奏方准錄用其餘不得濫

入揀選並著西四城辦事大臣逐細查明實在出

力確有憑據者隨時奏明辦理其餘祇准戴用虛

頂之回子即行造具花名清冊咨送理藩院存案

以杜冒濫

乙酉

伊犁採辦軍物懇照時價覈銷

伊犁將軍德英阿奏言接准部咨以伊犁承辦

刀矛旗幟帳房弩弓等項有照時價採辦者部

中無例可循行令詳細確查酌中定價逐款據

實奏明送部覈銷伏查道光六年伊犁承辦糧

運軍器俱經長齡與臣公同酌議派員經理其

置辦軍械例價間有不符者業經長齡奏懇

聖恩俯准事竣後照奏定章程報銷前值軍需孔亟

商賈不通採辦軍物等不能不按照時價

臣恐

該鋪戶等或不免居奇復飭委員等於時價中

撙節覈定實用貨發既不敢稍有浮冒虛糜

帑項亦不敢拘泥例價賄賂軍需所有伊犁採辦

軍物各項共需銀三萬九千二百六十餘兩惟

有額懇

天恩俯照前奏仍按時價

勅部准銷奏入

平定回疆勦擒逆裔方略卷七十三

三

上諭內閣曰伊犁前此運送大營軍械等件經該將

軍按照時價報銷戶部以無例可循行令酌中定

價以示限制茲據該將軍奏稱前當軍需孔亟之

時商賈不通若概令拘泥例價採辦恐致貽誤自

係實在情形著照所請將採辦軍械各項需用銀

三萬九千二百六十餘兩准其按照前奏時價覈

銷該將軍即逐款據實造冊送部

丙戌

恩賚那彥成督辦善後勞績

上諭內閣曰直隸總督那彥成經朕派赴喀什噶爾

辦理善後事宜歷次具奏籌畫諸務悉臻妥協雖

未經親歷戎行其勞績實為卓著那彥成著加恩

賞加太子太保銜賞戴雙眼花翎賞用紫緞並發

去雙眼花翎一枝白玉翎管一箇元狐馬褂一件

碧霞私鼻烟壺一箇黃瓣珊瑚豆荷包一對小

荷包四箇交那彥成祇領以示優眷

平定回疆勦擒逆裔方略卷七十三

三



欽定平定回疆勦擒逆裔方略卷之

道光八年冬十一月癸卯



那彥成等疏奏查明伯克木薩因公被傷請加

獎恤

上諭內閣曰烏什阿奇木伯克木薩於道光六年九

月間經慶廉派赴奇里克愛曼傳喚布魯特比庫

圖魯克該逆將其隨帶伯克回子殺害七人木薩

平定回疆勦擒逆裔方略卷七十三

一

身受矛傷斧傷七處逃回稟報實與臨陣受傷無

異木薩本係台吉四品伯克現已承襲公爵著將

伊子閑散六品翎頂邁瑪特塔里賞給三等侍衛

籌議添兵守卡事宜

那彥成武陟阿奏言 臣 那彥成前奉

諭旨籌議喀什噶爾等城建設堡卡酌定分巡駐守

章程查喀什噶爾所屬卡倫八處以喀浪圭圖

舒克塔什烏帕拉特三處卡倫為通浩罕等外

夷總要之路該三卡適中之明約洛地方實為

要隘應於該處築土堡一處遴派得力都司守

備管帶綠營兵二百名駐守貿易亭即建設堡

內巴爾昌伊爾烏瓦斯伊斯里克三卡適中之

阿爾瑚莊西及玉都巴什伊爾古楚兩卡適中

之馬廠地方均築土堡一處每處遴派得力千

平定回疆勦擒逆裔方略卷七十三

二

把總一員各管帶綠營兵六十名駐守以上三

堡俱酌量兵數添建兵房其餘各卡各派千把

外委一員帶兵十名專司稽查出入探信瞭望

及押送來往夷人與各堡策應遇有探報事件

就近報明駐堡員弁派兵接報再於各卡添派

滿洲營驍騎校等官一員各帶兵七名專司查

對開齊信牌逐日踏看有無偷越蹤跡該駐堡

各員弁等逐日分派兵丁稽查所屬卡倫及小
卡開齊路徑間日帶兵親查會哨至葉爾羌所
屬卡倫七處亮噶爾卡倫通拔達克山等外夷
庫車爾雅爾卡倫通克什米爾等外夷均屬要
隘應於該二處各築土堡添建兵房每處安設
得力千總一員各管帶綠營兵六十名駐守其
餘和什喇普玉拉里克奇靈桑珠寶里克等五
處卡倫均非外夷必由之路各派把總外委等
官一員帶兵十五名駐守其查對開齊等事與
喀什噶爾一體辦理英吉沙爾所屬卡倫五處
惟烏魯克卡倫爲通各外夷及布魯特要路應
於該卡建築土堡兵房遴派得力千把總一員
管帶綠營兵六十名駐守其餘圖木舒克特爾
克齊克特比斯鐵列克四卡各安兵十名責成

駐堡千把總周歷巡查足資控制和闡僻處一
隅所屬卡倫十二處並不與外夷相通向止每
卡派兵二名應仍其舊毋庸築堡添兵以上各
官兵均按月更換各城所需建築土堡兵房工
費歸於城工案內彙奏奏入
上諭內閣曰前據長齡奏請裁撤喀什噶爾等城卡
倫侍衛改派綠營官兵駐卡防守當經降旨准行
並令那彥成查明大小卡倫應加兵額若干及如
何分布巡防稽查弊竇之處妥爲籌議茲據奏喀
什噶爾葉爾羌英吉沙爾三城通共卡倫二十處
中間俱有開齊小路各卡相距數十里至百數十
里不等向來每卡駐兵十名稽查未能嚴密請於
各卡倫適中要隘之地添建土堡及官兵額數分
巡駐守悉照所請行並著各該城大臣隨時派委

大員帶領兵丁抽查開齊如查有私越形跡該管
官未能盤獲及匿不稟報者卽行嚴參懲處其各
守卡官兵如有偷避潛回及私放茶葉大黃出卡
或訛索外夷入卡貿易並稟報遲延不實情事一
經發覺卽依軍法辦理各城所需建築土堡兵房
工費著歸於城工案內彙奏

籌議喀什噶爾等三城設立銀庫官吏章程

平定回疆勦擒逆裔方略卷七十三

五

那彥成武隆阿奏言查內地州縣府道有經營
錢糧之責者定制皆設庫房額設庫官專司出
入登記簿籍以杜侵虧那移喀什噶爾葉爾羌
阿克蘇等三城舊時雖有銀庫所有出入止於
歲例俸餉旋取旋放並無存貯今庫貯既多自
應立庫增設官吏監守應請於各大臣衙署內
各設銀庫一所專派掌印司員經理其書吏一

項應聽各大臣在於換防營兵內擇其謹飭老
實通曉文義者四人充膺庫吏專管登記簿籍
一切文移案件所需工食銀兩作正開銷每城
定為額設庫吏經承二缺貼寫二缺均照內地
成例如大臣中有那移庫項情事准章京等援
例阻止儻敢故違

平定回疆勦擒逆裔方略卷七十三

六

功令准章京庫吏揭報照上司通勒所屬那移庫
項例治罪匿而不舉者同罪章京與庫吏通同
舞弊虧短錢糧該管大臣查出照監守自盜不
分首從併贓論罪章京舞弊庫吏據實首舉庫
吏舞弊章京據實查報各照監守自盜本例辦
理知情不舉照故縱例治罪如此嚴定科條於
庫項實為有裨但繩以重法若不優以進身之
階不足以示勸懲而昭平允應請將管庫章京

於經營二年期滿由該管大臣查明庫貯一無
 弊混咨部議敘庫吏五年役滿考取典吏一名
 咨部銓選照回疆役滿書吏章程辦理至各該
 大臣每遇遷轉更調務當詳晰造具四柱清冊
 交代新任歸新任大臣具奏司員班滿亦須造
 具清冊交代接手司員由本城大臣造冊咨部
 查覈儻該大臣司員等有別項事故責任之人
 尙未到任暫署之人亦應將庫項官冊據實查
 明分別具奏如有造報不實及瞻顧情面匿不
 奏報者查出從重辦理奏入得
 旨照所請行
 那彥成等疏奏查明各城被害伯克回子分別
 請卹
 上諭內閣日前經降旨將各城小回子中有不甘從

平定回疆勦擒逆裔卷七十三

七

逆遇害及捐軀自盡者查明請加恩卹茲據那彥
 成等查明開單呈覽著照所請阿布都拉里伊斯
 瑪依爾托列克伊斯瑪依爾邁瑪特玉素普邁瑪
 特斯底克巴克衣買邁泥牙子賣買特熱依木沙
 邁木土沙伊薩克愛買特沙鄂思滿托胡素皮鄂
 斯滿玉素普約霍普多拉特愛自木沙薩木薩克
 阿布都熱依木哈底爾邁瑪特已斯愛里呢雅斯
 買買阿拉俱加恩賞給五品頂帶花翎世襲罔替
 應交糧賦及阿勒板錢文檄行豁免其所議承襲
 金頂及免差回子仍著武隆阿造具花名清冊咨
 送戶部理藩院查覈惟隨從邁瑪薩依特被害尙
 有頭二三四等護衛七員係該郡王屬官應咨明
 理藩院照例覈辦仍咨行各城大臣詳細確查如
 有遺漏准其續報再行奏明辦理至各城被害之

平定回疆勦擒逆裔卷七十三

八

滿漢官員兵丁等應由各該旗籍及各衙門詳細查明奏咨以免遺漏而慰忠魂

那彥成武隆阿又奏言喀什噶爾回族向分白帽黑帽二種白帽乃霍集占之支派戶族繁多倍於黑帽而黑帽白帽至今自分黨類竟有遠處回莊彼此不准入莊亦不往來結親自生猜嫌相沿已久是以上年白帽回子助逆者甚多

平定回疆勦擒逆裔方略卷七十三

九

惟黑帽回子志切同仇迎迓官兵隨同打仗頗著忠誠張格爾攻陷喀什噶爾城池因黑帽回子阿渾奈瑪特不肯從逆將奈瑪特送去浩罕伊子布哈呢頂等密約阿渾賽依特作拉里頂等議乘大兵臨蒞之時糾集眾黑帽回子設法擒拏張格爾獻功因洩漏風聲被張格爾將布哈呢頂等七人全行致死茲_臣等查辦御典據

伊薩克呈報前來伏查回子最重阿渾以其熟悉回疆堪為眾人表率愚回惟阿渾之言是從是即眾回綱領收羅阿渾益固人心今該阿渾等深知大義尊奉

天朝維時白帽勢眾黑帽勢孤鮮有不為動搖者是其抗志捐軀實堪嘉尚該白帽黑帽回子等自分畛域目下因時制宜正當使黑帽回眾阿渾

平定回疆勦擒逆裔方略卷七十三

十

子弟咸以竭忠盡節為榮庶表彰黑帽之功而隱以分白帽之勢使若輩自生猜嫌互有鈐制至白帽中亦間有出力者尙應隨時查覈奏聞於勦懲撫綏庶為周備懇恩將布哈呢頂之子邁買底敏賞給三品頂帶花翎賽迪里頂之子柯奇克斯拉吉頂之子阿卑布頂賽依特作拉里頂之子巴海

依布拉依木之子作霍爾頂阿拉倭頂之弟奴

魯頂斯拉吉頂之子哈木爾頂六名均

賞給四品頂帶花翎奈瑪特之弟托胡達上年隨赴

喀爾鐵蓋山生擒張格爾奏蒙

賞給六品頂翎並請

賞換五品頂帶花翎一律照伯克卹典承襲罔替其

才具明白之人亦准挑補伯克各名下應納糧

平定回疆勦擒逆裔方略卷七十三

十一

賦及阿勒板錢文概予優免其餘喀什噶爾英

吉沙爾二城黑帽阿渾子弟霍卓拉克薩頂等

八名免其糧賦以示獎勵由武隆阿造冊咨

送理藩院戶部查覈惟是黑帽阿渾子弟仰沐

曠典白帽回子自知伊等為逆犯苗裔難免心存疑

懼現經等出示曉諭以爾等自分黨類

大皇帝一視同仁並無區別今黑帽阿渾之子弟邁

買底敏等奏請

賞給翎頂世職爾白帽回眾中亦有補放各城伯克

被害伯克回子之子孫亦奏

賞五品頂帶花翎及金頂世職分別免糧免差無論

白帽黑帽但能盡忠出力卽予

恩施如敢心存離畔法不稍貸剴切開導以示持平

是以白帽回眾亦復蒸蒸向化地方情形更臻

平定回疆勦擒逆裔方略卷七十三

十一

安帖奏入

上命軍機大臣傳諭曰喀什噶爾黑帽回子與白帽

回子自分畛域前此張逆進卡滋事因黑帽回子

阿渾奈瑪特不肯從逆送往浩罕伊子布哈呢頂

等商議乘大兵進剿時糾集黑帽回眾設法擒拏

張逆事洩伊等七人全行遇害該阿渾等深知大

義抗志捐軀實堪嘉憫著將邁買底敏賞給三品

頂帶花翎柯奇克阿卑布頂巴海作霍爾頂奴魯
 頂哈木爾頂俱著賞給四品頂帶花翎托胡達前
 因隨同搶逆賞給六品頂翎著賞換五品頂帶花
 翎均准其照伯克卹典世襲罔替各名下應納糧
 賦及阿勒板錢文概予優免其餘喀什噶爾英吉
 沙爾二城黑帽阿渾子弟霍卓拉克薩頂等八名
 亦准免其糧賦以示獎勵至所請以黑帽回子之
 才具明白者挑補伯克一節向來各城伯克曾否
 將黑帽回子一體挑補若向無此例該回子阿渾
 等既與白帽回子素不相能今竟補放伯克白帽
 回子未必咸相悅服在我朝撫恤夷衆原無分於
 種類惟恐伊等因此更相猜忌轉或別生弊端著
 那彥成再行體察情形籌畫周妥奏聞候旨遵辦
 頒給回疆將備伯克關防圖記

平定回疆勦擒逆裔方略卷七十三

七十三

那彥成等又奏言查南路各城換防將備如烏
 什察將拜城遊擊和闐都司向有部頒關防喀
 什噶爾葉爾羌等城舊設副將遊擊均用木刻
 鈐記舊制本未畫一茲喀什噶爾葉爾羌二城
 增設防兵英吉沙爾雖未增兵亦係西四城重
 鎮該營員等有城守臺市兵馬錢糧之責均應
 給予部頒關防以昭信守查喀什噶爾中營換
 防遊擊城守營換防遊擊葉爾羌換防察將城
 守營換防都司英吉沙爾換防遊擊等五員應
 請
 勅部各鑄給關防一顆其和闐換防都司原頒關防
 業經遺失並請一律補給又喀什噶爾本城阿
 奇木伯克原頒圖記雖已查獲不堪印用其喀
 什噶爾塔什密里克阿奇木伯克葉爾羌巴爾

平定回疆勦擒逆裔方略卷七十三

七十四

楚克阿奇木伯克和爾哈拉什阿奇木伯克玉

騰哈什阿奇木伯克原須圖記亦均遺失請

勅部各鑄給圖記一顆查獲喀什噶爾阿奇木伯克

舊圖記一顆遇便咨送禮部查銷奏入得

旨如所請行

庫車籌議蠲免糧石乘時採買

庫車辦事大臣果良額奏言前奉

平定回疆勦擒逆裔略卷七十三

五

諭旨豁免回疆八城應徵上年及本年糧賦查庫車

沙雅爾二城額徵回戶糧石已於道光六年

恩旨以前全數徵收自應將七年八年以次停徵查

歲需小麥一項前經截留烏魯木齊運到糧石

除動用之外現在存貯小麥粟米共五千五百

四十九石足敷明年本城官兵及喀什噶爾等

處撤回添防官兵供支口糧毋庸採買其大麥

一項應趁新麥收成照依市價飭糧餉章京先

於本城經費項下動用採買以備支放奏入報

聞

果良額又奏言查庫車糧臺自內地委員裁撤

之後共交留軍需項下剩存銀七萬七百餘兩

所有供支凱撤官兵鹽菜車駝腳費等項改歸

本城糧餉章京接收經理經前任辦事大臣那

平定回疆勦擒逆裔略卷七十三

六

彥寶奏明將所餘銀七萬七百餘兩內扣留五

千兩以備明年支放本城兵餉尚有本年採買

糧三千五百石需銀六千一百五十兩即由此

項餘剩銀內扣還歸補經費原款免由甘省遠

道撥解除以上扣留銀共一萬一千一百五十

兩尚存銀五萬九千餘兩以備供支凱撤官兵

之用查採買糧價銀六千一百五十兩先已移

平定回疆勦擒逆裔方略卷七十三 七十一

咨陝甘總督撥解嗣於軍需項下剩存銀內劃
出扣留卽咨會陝甘總督鄂山停解該署督於
未經咨會以前已飭由安肅道庫撥解運到庫
車查此項運到採買糧價銀六千一百五十兩
仍歸入前存銀五萬九千餘兩共存銀六萬五
千餘兩內據烏魯木齊來咨撥給該委員鳳奎
銀二萬三千兩實留銀四萬三千餘兩計庫車
供支過凱撤官兵鹽菜車駝腳價共用過四萬
九千餘兩尚不敷銀六千餘兩在於本城經費
項下通融那墊冊報蘭州總局覈銷移咨陝甘
總督楊遇春撥解銀五萬兩歸還墊項接濟供
支奏入報

聞
恩免征兵騎斃馬匹補製軍械

平定回疆勦擒逆裔方略卷七十三 八

烏魯木齊都統英惠奏言此次回疆用兵調派
烏魯木齊滿洲兵一千五百名撥給騎馬一千
五百匹馱馬二百五十匹備用馬一百五十匹
隨帶一千五百匹馬價銀兩共計馬三千四百
匹覈與每兵一名例馬三匹有省無浮其所給
馬匹因進征時軍行迅速沿途戈壁水草惡劣
又因烏魯木齊官兵首先抵營接仗馳探晝夜
不停不但所帶馬匹及用價買補之馬均已倒
斃無存該兵丁復將俸賞銀兩自行買備乘騎
且倒斃之多均在出征之初其進兵之後僅止
防守倒斃較少均係實在情形今若以出征之
久暫分別賠銷轉致苦樂不均若竟准其全行
造銷又涉糜費臣悉心酌擬除馱馬照例以八
分准銷外其騎馬並馬價亦請以八分准銷仍

以二分著賠又烏魯木齊滿洲營本未給以馱馬祇帶備用馬一百五十匹業已全行倒斃若於該兵丁名下追賠未免苦累應懇恩全行豁免以恤兵力如蒙

允准所有准銷及豁免馬匹馬價應即動項補足至出征官兵原領鑼鍋帳房等項內帳房一項例應八箇月一換今烏魯木齊官兵出征年餘均

平定回疆勦擒逆裔略卷七十三

九

在例限之外並未更換致有破爛亟應補製至鑼鍋鐵纜等項例限三年更換今該官兵出征未屆三年所有損壞之處不準動項請製應責令賠補庶免冒濫其配帶槍箭器械均應查明一律補製又軍營所帶部頒旗纛現因出征日久致有損壞應請

勅部補頒再前次烏魯木齊等處派赴西四城換防

官兵因逆回叛亂均已被害所有隨帶馬匹軍械亦俱遺失無存應請照例補置足額奏入得旨俱照所請行

平定回疆勦擒逆裔略卷七十三

千一



欽定平定回疆勦擒逆裔方略卷九

道光八年冬十一月甲寅

崇上

聖母皇太后徽號

上恭奉

冊

寶進表行禮翌日

平定回疆勦擒逆裔方略卷九

御太和殿王公百官進表行慶賀禮

頒詔天下

奉

天承運

皇帝詔曰朕誕膺

景祚寅紹丕基勅命於惟時惟幾迪

光於無荒無怠惟期玆誕訖暨遐邇謐清昭久安長治

之麻臻累洽重熙之盛鴻勳既集慶典宜申張格
爾者頑梗兇渠逋逃遺孽音

高廟蕩平伊始未忍淨其根株維國家休養歷年總未
加之搜捕兇殘有種已邀寬大之恩苞孽空存敢
外生成之化而乃妄生逆裔狡起戎心肆厥披猖
遂擾莎車之四鎮變由倉猝且困疏勒之孤軍特
遣元戎恭行

平定回疆勦擒逆裔方略卷九

二

天討銅符飛遞爰蒐健銳之師桐鼓交鳴並發索倫之
旅飛黃合隊軍令嚴申太白懸旂材官率職當大
兵之未集敵壘先摧逮精騎之方攻重圍立潰兼
之番酋效順伯克輸忱奮偕作以前驅矢同仇而
敵愾遂以四城克復二捷全收進圍五營之莊直
擣河圖之穴屢攻屢下象直等於剝膚彌入彌深
寇已窮於游釜策等善後且撫且攻兵貴乘虛以

防以捕時值歲除既屆元日初臨家傳爆竹之春
 聲地響都壘之臘鼓飛蟻投火自蹈危機妖鳥失
 林仍歸密網在彼欲收餘燼具有深謀誰知轉戰
 爭先已不旋踵六師共奮真堪鉅鹿頽沙萬隊齊
 呼務期樓蘭對簿至困不能關先零之氣已衰而
 窮且仍追南越之纒遂繫是役也始自丙戌之夏
 迄乎戊子之春雖地極邊陲與師實逾萬里而功
 成神速歲事甫閱兩年挽芻粟以常充士皆夙飽
 蠲賦租而屢詔民不知勞余一人宵旰殫心諸將
 士馳驅用命仰賴

上蒼眷佑

列聖貽謀迅奏膚功績成戎績威揚沙漠

十全之

駭烈光昭喜洽寰區九塞之烽煙戡靖乃申報於

平定回疆勦擒逆裔卷十四

三一

園丘

方澤祇告於

聖祖

神宗禮展

橋山望崇嶽瀆行受俘之典舉飲至之儀鐫碑鐵蓋之

山紀績紫光之閣策勳懋賞錫爵酬庸凡武功遠

震於遐方皆

平定回疆勦擒逆裔卷十四

四

慈福溥敷於闔寓用申忭悃敬上

撮稱謹告

天

地

宗廟

社稷於道光八年十一月初八日率王公文武羣臣恭

捧

冊

寶加上

聖母恭慈康豫皇太后徽號曰

恭慈康豫安成皇太后

安貞協吉敦仁錫厚載之休

成裕延釐順德垂永綏之慶用光大典特沛恩施所有

應行事宜開列於後

平定回疆勦擒逆裔方略卷十四

五

一五嶽四瀆應遣官致祭著照例舉行

一歷代帝王陵寢應遣官致祭著照例舉行

一先師孔子闕里應遣官致祭著照例舉行

一凡嶽鎮海濱廟宇及歷代帝王陵寢該督撫查

看有應行修葺者動項報銷

一內外文武大小各官俱著照現在職銜給與封

贈

一軍營自將軍叅贊至將弁等其勞績懋著者所

有革職降留處分概予開復其無出眾勞績而

會身經戰陣所有降級留任處分亦著加恩寬

免

一國子監貢監生及各學教習俱免監期一月

一在京滿洲蒙古漢軍馬步兵丁俱著加恩賞給

一月錢糧

平定回疆勦擒逆裔方略卷十四

六

一京城巡捕三營兵丁著加恩賞給一月錢糧

一大兵所過州縣除侵盜錢糧及貽誤軍需外一

切降罰處分事在恩詔以前者概從寬免

一喀什噶爾軍營前後所調各處馬步兵丁借支

行裝銀兩例應於餉銀內分扣還項者著加恩

展限三年

一滿洲兵丁披甲隨征效力被傷不能披甲及年

老有疾退閒者俱加賞資

一傷病回營兵丁不能充伍者該管將弁查明本

家如有子弟至戚可以教練差操即令頂食名

糧免致失所

一在京刑部及直省軍流以下人犯並著加恩概

予減等發落

一凡流徒人犯在流徒所身故其妻子情願回籍

者該地方官報明該部准其各回原籍

一滿洲兵跟役脫逃如無偷竊軍械馬匹等項情

事著照乾隆年間寬免餘丁成案交部一體覈

擬發遣

一各省要路橋梁間有損壞者地方官查勘應修

之處詳報督撫奏明修理

一各處養濟院所有鰥寡孤獨及殘廢無告之人

有司留心以時養贍毋致失所

於戲錫極敘平康之福合九有以揚

徽緝熙昭書定之功奉三無而覃澤布告天下咸使聞

知

乙卯

喀喇沙爾收支銀糧數目

巴哈布奏言裁撤糧臺剩存軍需銀一萬二千

七百四十兩白麩五萬六千六百斤料八百石

歸本城章京接收支應嗣因不敷供支先於烏

魯木齊運存糧石內截留粟米五十一石零小

麥六百一十一石零復在解運大營軍餉銀內

截留銀二萬兩又據該章京呈報疲殘馬匹破

爛車輛手車變價銀一千四百七十七兩零亦

經收入軍需款內墊用以上共實收銀三萬四

千二百一十七兩零供支凱撤官兵鹽菜車駝
腳價及添買料草等項共用銀四萬三千七十
四兩零除實收尚不敷銀八千八百五十七兩
零均係通融那墊冊報蘭州報銷局覈銷並移
咨陝甘總督楊遇春撥解銀五萬兩接濟支應
歸還墊款奏入報

聞

十二月辛未

勅諭查察布噶爾通商毋任影射

那彥成武隆阿奏言據奈曼布魯特比阿布都
熱依木稟報有布噶爾夷商十餘人帶貨物二
十餘駄聲稱欲到喀什噶爾貿易該比不敢擅
放經過先行稟報_臣等尚恐浩罕夷人假冒影
射藉詞入卡窺探因先派五品伯克胡魯班同

平定回疆勅諭卷十四

九

該比阿布都熱依木前往詳細查看據稟布噶
爾夷商係由達爾瓦斯喀拉提錦一帶前來並
未經由浩罕如查出是浩罕貨物情願入官重
治其罪隨派員酌帶弁兵前往烏帕拉特卡倫
查點該夷人馬馱包數目與奈曼布魯特比所
稟相符當卽令該委員照料彈壓俟交易事畢
押送出卡至該夷商再三懇求謁見_臣等查向
來夷商來往原不值與傳見此次因係甫經弛
禁通商藉以宣布
威德使該夷向卡外各部落宣揚俾知感畏當傳見
該夷商等據稱布噶爾久沐
大皇帝恩德以貿易爲生如今浩罕獲罪不准通商
伊等係從達爾瓦斯喀拉提錦繞越前來向後
還有百十餘人不敢冒昧前來懇恩准照從前

平定回疆勅諭卷十四

十一

往來貿易等語當卽諭以

大皇帝深知爾部落恭順憐爾部落無辜被浩罕所

累不得通商爾處民人難於生理早有

恩旨命准爾等以後照常貿易據該夷商等伏地碰

頭感激之誠形於詞色復據稟稱布噶爾向來

貿易總經過浩罕被其抽稅今

大皇帝施恩准來貿易懇照從前進貢時由拔達克

平定回疆勦擒逆裔方略卷十四

十一

山一路直赴葉爾羌進卡可免浩罕掇累當同

武隆阿悉心商酌允其所請諭令交易事畢不

准停留一人速回該部落招令各商卽由拔達

克山徑赴葉爾羌貿易一面行文葉爾羌辦事

大臣照此次章程辦理查布噶爾部落在浩罕

西南該處十七回城人民強富向爲浩罕所畏

今准令該夷由拔達克山行走從此浩罕自生

疑懼且令各部落俱繞路前來該夷無可牟利

自然頓失憑依從此不見信於各外夷其勢愈

孤實爲邊防要務奏入

上命軍機大臣傳諭日前因卡外各部落皆賴商販

爲生未便因禁絕浩罕致令羣夷生計缺乏特允

那彥成等所奏章程辦理現在布噶爾願懇貿易

該部落雖亦有逆裔家屬潛匿在彼尙未若浩罕

平定回疆勦擒逆裔方略卷十四

十一

之公然助逆准其通市事尙可行惟必須認真查

察不致令浩罕夷商影射混方爲妥善若名爲

禁絕浩罕而仍墮該夷術中不但該夷不知警懼

轉爲他夷所竊笑現據那彥成等查詢布噶爾夷

商實苦於浩罕之剝削懇由喀拉提錦及拔達克

山繞越前來悉聽其便但當時加訪察不得任其

與浩罕狼狽爲奸致滋流弊此時立法之初派出

稽察彈壓官弁伯克等或尙知奉公守法惟恐日久弊生殊於邊防大有關係著武隆阿額爾古倫伊薩克督率所屬實力奉行無任稍滋弊端致肇邊釁

減收喀喇沙爾升科糧石

那彥成武隆阿奏言臣等奏各城回子私墾地

畝免其隱匿之罪按地升科增出糧石供支增

平定回疆勦擒逆裔卷七十四

五

設防兵口糧並以餘糧折給各城大臣章京等

加增養廉鹽菜之需嗣據喀喇沙爾領隊大臣

巴哈布查明該城所屬布古爾回子私墾地二

萬七千畝庫爾勒回子私墾地二萬六千四百

畝請各增糧四百石臣等按該二城私墾地畝

照舊則升科覈計共應增糧一千七百一十餘

石今該大臣咨請增糧八百石恐有不實不盡

適臣楊芳起程入關臣等囑令於路經喀喇沙

爾就近督飭查辦以期無苛無漏茲據復稱布

古爾舊額新增回子祇有九百七十餘戶庫爾

勒舊額新增回子祇有一千五百餘戶該城所

屬十二軍臺均係兩處回子遠涉供役差徭已

屬苦累且實在地多人少年年例歇耕種未便

按地升科委係實在情形復查得該回莊半係

平定回疆勦擒逆裔卷七十四

十四

從前遷住情蘭回子張逆滋事時密約該處回

子內應並未附從迨賊匪將至阿克蘇該回子

等復將舊存器械呈繳入官以明其不甘從逆

之忱實屬恭順等語臣等伏思此時辦理善後

首重激勸今喀喇沙爾情蘭回子先被糾約既

未從逆迨賊匪攻陷回城之後復繳出器械明

其竭忠效順之忱實堪嘉獎自應於查出私墾

地畝內照舊則量減升科以廣

皇仁至該城歲徵之糧通共六千四十餘石僅敷供

支本處官兵口糧馬料並無餘多現在各城增

設防兵六千五百名分年換班來往所需行糧

尙無所出新增地糧八百石應請留爲該城支

撥換防官兵過境行糧之用應需新增養廉鹽

菜糧二千八十石即在葉爾羌餘糧內撥給奏

平定糧數總覽卷十四

五

入

王諭內閣曰喀喇沙爾所屬布古爾庫爾勒兩城據

那彥成等查明私墾地畝各照舊則升科二共應

增糧一千七百一十餘石惟該城回子等於張逆

滋事之時始終效順甚屬可嘉所有查出私墾地

畝每城著增糧四百石共增糧八百石其餘應增

糧九百一十餘石概予優免以示獎勵至該處歲

徵屯糧回賦共六千四十餘石僅敷本處官兵口

糧馬料之用現在各城增設防兵六千五百名分

年換班來往應需行糧著准其將新增地糧八百

石留爲該城支撥歸入奏銷案內造報所增糧石

於道光九年秋後啟徵其應需折給加增領隊大

臣章京養廉鹽菜糧二千八十石著即在葉爾羌

餘糧內撥給每年由該城大臣委員赴葉爾羌咨

平定糧數總覽卷十四

六

領

西四城城垣工用

那彥成武隆阿奏言回疆西四城城垣前經逆

匪蹂躪焚燬經臣那彥成遵

旨勘議先後奏請移建並聲明和闐一城祇須修補

毋庸另建茲各城新建城垣衙署兵房又和闐

修補各工先後完竣查喀什噶爾建築新城等

工共銷工料銀八萬六千五百餘兩英吉沙爾
 建築新城等工共銷工料銀一萬九千餘兩葉
 爾羌建築新城等工共銷工料銀四萬二千九
 百餘兩和闐修補舊城等工共銷工料銀五千
 二百餘兩辦理實屬節省所需工費查有上年
 先後抄獲逆產變價銀十八萬一千餘兩現動
 支西四城城垣衙署工費銀十五萬三千七百
 餘兩又喀什噶爾葉爾羌二城修建軍臺並葉
 爾羌建築卡堡兵房祠廟等工烏什屯田渠壩
 卡堡兵房移建軍臺及喀喇沙爾修理城垣各
 工支銀一萬二千三百餘兩通共支銷銀十六
 萬六千餘兩尙餘剩銀一萬四千九百餘兩留
 爲未辦各工及官鋪資本之用並請免其造冊
 報部覈銷以歸簡易奏入

平定回疆勦擒逆裔卷十四 七

上諭內閣曰喀什噶爾英吉沙爾葉爾羌新建城垣
 衙署兵房等項工程及和闐修補城工先後完竣
 所需工費經那彥成等於抄獲逆犯資財及叛產
 變價銀內共支銀十六萬六千餘兩尙餘銀一萬
 四千九百餘兩留爲未辦各工及官鋪資本之用
 回疆工程尙無例價此次均係實用實銷並未動
 支正項著免其造冊報部覈銷至辦理城工該阿
 奇木伯克等捐備麵斤供支工匠兵回食用踴躍
 急公殊堪嘉尙喀什噶爾阿奇木伯克伊薩克英
 吉沙爾阿奇木伯克玉素普葉爾羌阿奇木伯克
 阿布都爾滿署和闐阿奇木伯克托克托呢雜爾
 著加恩各賞大緞四疋由各城庫貯內支給餘著
 照所議辦理
 那彥成等保奏建築新城辦工出力人員請分

平定回疆勦擒逆裔卷十四 六

別鼓勵

上諭內閣曰喀什噶爾英吉沙爾葉爾羌和闐阿克

蘇烏什六城修建一切工程普律完竣該員等或

經管錢糧或督催採辦俱能不辭勞瘁自應量予

鼓勵以獎勤勞著照所請年滿主事職銜常興准

其留於陝甘以同知儘先補用先換頂帶候選同

知陸有恒著賞換花翎雲南卽補府經歷縣丞顧

平定回疆勦擒逆裔卷十四

十九

鶴湖南候補府經歷周堡俱免補本班留於陝甘

以知縣儘先補用陝西提標叅將趙勇巴圖魯賴

允貴准其以副將卽升先換頂帶甘肅南古城營

守備尤渤著以應升之缺儘先升用先換頂帶甘

肅候補守備朱璉賞換花翎印房經書張印潭營

書賴萬朝著以從九品未入流歸部儘先選用陝

西波羅營叅將周悅勝准以副將升用先換頂帶

候選從九品何天元著准其扣滿年限以本班歸

部卽選經書李先春以從九品未入流歸部儘先

選用候選知縣周彭齡賞加同知銜直隸卽補府

經歷縣丞羅慶元以知縣升用候補未入流郭運

泰以府經歷縣丞歸部卽選固原提標遊擊候補

叅將任貴邦烏魯木齊提標遊擊孫旺俱著賞加

升銜烏魯木齊提標遊擊候補叅將毛文彩西寧

平定回疆勦擒逆裔卷十四

二十

鎮標都司馬天錫俱著交部議敘候選未入流景

文明免其扣滿年限以本班歸部卽選營書哈積

祿以從九品未入流歸部卽選主事職銜舒明阿

交部議敘委筆帖式伊琳布賞給六品頂帶卽選

從九品馬永春免補本班以府經歷縣丞歸部卽

選甘肅永昌營都司色楞額主事職銜忠麟俱交

部議敘陝西卽補知縣段志佐賞加同知銜甘肅

寧夏營都司馬輔相候補千總李福著各以應升
 之缺儘先升用延綏鎮都司麻績先安西營都司
 慶和俱交部議敘未滿吏王瑞麟張士能俟著役
 五年期滿作為九年已滿吏歸部儘先選用四品
 頂翎拜城五品伊什罕伯克邁瑪第敏賞加三品
 頂帶六品頂翎哈賚伯克托胡達六品頂帶七品
 莫提色布伯克阿布都哈里克六品頂翎回子阿
 布都惹依木俱賞給五品頂帶六品頂帶七品明
 伯克阿布都拉提普賞戴藍翎回子依布拉伊木
 賞給六品頂帶藍翎六品頂帶邁瑪特阿布都拉
 賞換五品頂帶花翎六品密喇布伯克邁瑪特雅
 爾賞戴藍翎五品噶雜納齊伯克斯底克賞給四
 品頂帶至原任山西知縣丁垣仍遵前旨事竣送
 部引見

平定回疆剿擒逆裔方略卷七

三

阿克蘇烏什修建城垣工用
 那彥成等又奏言據阿克蘇辦事大臣長清咨
 呈該處展寬城垣修建兵房軍臺等工辦理完
 竣又臣那彥成前奏烏什屯工疏渠築壩約需
 工費銀三千兩其新增防兵一千名應建兵房
 並卡倫築堡等工未及估奏銀數茲該城辦事
 大臣布彥泰督同工員趕辦完竣據報修築渠
 壩建蓋兵房土堡共用銀六千四百八十六兩
 零委員驗收實無草率偷減查阿克蘇原估工
 費並房價銀四千五百餘兩業經奏明在於該
 處叛產變價內動支烏什工費銀六千四百餘
 兩除將阿克蘇叛產變價餘剩銀三千兩撥給
 支用外不敷銀三千四百餘兩在於喀什噶爾
 叛產銀內找給清項並請一律免其報銷奏入

平定回疆剿擒逆裔方略卷七

三

得

旨報可

欽差大臣那彥成疏陳起程日期

那彥成又奏言前奉

諭旨命臣約計何時起程來京先行陳奏伏思臣自

本年四月到喀什噶爾以來所有善後應辦事

宜已有頭緒惟各城邊界遠闊接壤布魯特游

平定回疆勦擒逆裔卷七十四

三

三

牧自從前勘定回疆時外特布魯特為藩籬旋

因撫馭失宜以致釀成巨患此時兵威震懾之

後必須普行收撫示以羈縻使之誠心向順自

可永奠邊圉臣於夏間曾遣人馳赴布魯特各

愛曼檄諭令其進卡謁見宣示

皇恩自六七月間近卡各部落陸續前來臣已酌加

賞資面示撫綏其深山寫遠之愛曼得信較遲

未到者尚多若此時不俟普律前來接見外夷

轉生疑惑臣斷不敢因卡內諸事辦完情殷戀

主亟速起程致遭卡外緊要大局有負

委任惟當統俟該布魯特遠近愛曼全數來齊悉心

擬定撫綏安置章程詳細具奏後再行就道約

於年前總可起程回京恭覆

恩命奏入

平定回疆勦擒逆裔卷七十四

三

上嘉勉之

那彥成等疏奏回子阿布都莫敏等已革公爵

查明支派請予承襲

上諭內閣曰回子和什克噶岱默特於乾隆年間平

定回疆歷著忠勤得膺公爵世襲罔替和什克之

孫阿布都莫敏噶岱默特之曾孫邁瑪特依木拉

伊木所襲公爵前俱因罪斥革自應於和什克噶

岱默特各嫡支子孫內遴選承襲茲據那彥成等
查驗得應襲之人並繪具宗圖奏請承襲所有和
什克公爵准其以邁瑪特熱依木沙承襲鳴岱默
特公爵准其以木薩承襲

平定回疆勦擒逆裔方略卷七十四

三五



欽定平定回疆勦擒逆裔方略卷七十四

道光八年冬十二月乙亥



伊犁將軍德英阿參贊大臣容安疏奏伊犁伯
克自南路軍興協濟駝馬並無貽誤請加鼓勵

上諭內閣曰伊犁伯克等自南路軍興督飭回戶運
糧協濟駝馬催趨均無貽誤甚屬急公阿奇木伯
克霍什納咱特之子五品商伯克哈里雜特著賞

平定回疆勦擒逆裔方略卷七十四

一一

戴花翎伊什罕伯克巴克依現係四品頂戴並戴
花翎著賞換三品頂帶以示鼓勵

德英阿容安疏請補製缺失軍械

上諭內閣曰伊犁各營庫貯軍械前因南路軍務調
用茲據該將軍等查明遺失各項並有損壞不堪
應用者請一律官為補製著照所請將旗纛一項
開明數目咨部補頒其餘各項應行補製軍械著

飭令各該營按照實數將從前未經報部之件另
造細冊補行咨部並咨明陝甘總督查照例限補
製齊全運送伊犁以實庫貯其官兵例應自備之
鍋帳除凱撤帶回外所有行軍缺失帳房照例入
箇月准其更換現已逾更換之限其所失鑼錫與
三年更換之例未符惟念該官兵等效力行間尙
有微勞著加恩准其豫借俸餉令與缺損之帳房
一併補製其鑼錫一項著咨明陝甘總督查照數補
製同前項補造軍械一併運送伊犁其補製鑼錫
價銀卽由該督查覈實數咨照伊犁按例於各官
兵俸餉銀內分限扣完至應行補製之夾帳房該
將軍等查照例價估需銀九千餘兩著飭令該官
兵等借餉自行補製所有補製鑼錫帳房暫借俸
餉着照例在缺失軍械之各該營官員兵丁名下

依限扣完歸款

勅諭伊犁查禁陋規

德英阿容安奏言再查伊犁回子與南路各城

情形不同臣等到任後隨時查訪尙無似南路

需索陋規等事復因本年欽奉

諭旨裁革回疆陋規臣等誠恐本處大小各衙門及

該伯克等或不免有奇派回戶陋規等弊復經

詳加查察申明新定章程並傳知各回戶等剴

切曉諭申禁永遠遵照該回戶等無不俯首伏

地同聲感戴

皇仁嗣後仍當隨時認真訪查如有科派擾累回戶

陋規當遵新例奏明嚴辦奏入

上命軍機大臣傳諭曰伊犁回戶無多固與南路各

城情形不同而陋規之弊豈必盡向回戶需索卽

使實無其事亦應杜漸防微認真查辦該將軍等所奏既稱尚無似南路需索陋規又云或不免有苛派等弊是有無需索情事該將軍等尙未稔知祇以一奏塞責著德英阿等再行詳查明確如有其事應如何禁革卽無其事以後應如何防範務卽妥議章程奏明辦理不可稍涉含混

勅諭烏魯木齊都統英惠覆覈軍需出力人員

平定回疆勦擒逆裔方略卷十五

四

廣音岱奏言查吐魯番地當孔道爲東南北三

路衝途自軍興至今兩載以來所有承辦供支

兵差轉運軍火餉鞘籌備車馬經理糧運馳遞

緊要文報承辦文案造銷並接解首逆過境及

南路咨查善後事宜分派滿漢文武官吏弁兵

督飭小心經理該員等自承辦以來日久辛勤

均無貽誤現在大功告竣所有在事人員臣乘

公查察均能始終奮勉認真出力應行酌加獎勵惟人數衆多不敢概行保列謹擇其勞績較著尤爲出力者會同烏魯木齊都統英惠繕具事實清單恭呈

御覽可否量加鼓勵之處出自

聖恩其餘滿漢弁兵臣另冊存記並咨明原營分別

獎勵奏入

平定回疆勦擒逆裔方略卷十五

五

上命軍機大臣傳諭英惠曰據廣音岱奏查明承辦

軍需並接送首逆過境始終出力人員會同英惠

開單請加鼓勵朕披閱單開各員有前經降旨加

恩此次復行保列者且所保人數過多不無冒濫

若將原摺原單發交該都統覆加查覈有冒濫者

卽行裁汰秉公據實具奏不得以會同保奏在前

稍涉迴護

甲申

勅諭伊犁勤演擡槍擡礮

伊犁將軍德英阿參贊大臣容安奏言查擡槍

擡礮一項宜於平原曠遠此次用兵回疆尤為

得力伊犁各營向未諳習兼以本地所產生鐵

不堪製造臣等擬於軍營未撤之擡槍擡礮內

酌留數十尊運送伊犁以備操練節經咨商長

平定回疆勦擒逆裔方略卷七十五

六

齡暨那彥成去後旋據由喀什噶爾阿克蘇陸

續撥運擡槍擡礮共一百一十二尊分撥伊犁

滿洲營綠營並飭各該營官員將弁督率官兵

依法演習臣等親加校閱尚能如法演放漸臻

熟練奏入

上命軍機大臣傳諭曰擡槍擡礮一項宜於平原曠

遠此次用兵回疆尤為得力該處現由喀什噶爾

等處撥運百餘尊自應認真訓練務期精熟斷不

可徒有其名惟該將軍等祇稱督率官兵依法演

習其綠營原有步隊自可無庸置議至滿洲營是

否專用步兵抑兼用馬兵之處未據詳細聲敘著

德英阿等詳細議定章程據實覆奏尋據奏稱滿

洲營所撥擡槍擡礮五十六尊於烏槍步甲內

挑選二百五十名責成協領督率常川操演臣

平定回疆勦擒逆裔方略卷七十五

七

等隨時認真校閱期於精銳遇有徵調此項烏

槍步甲仍照馬甲按名給發馬匹並撥給馱馬

載運槍礮奏入得

旨報可

癸巳

飭禁浩罕通商

那彥成武隆阿奏言竊查本年夏間浩罕遣使

到卡^臣等因該夷稟辭傲慢未與接見登時驅遣並密令伊薩克派布魯特巴哈提拜致信與毛洛阿奇木藉以偵探浩罕情形茲據巴哈提拜回城帶回毛洛阿奇木差人密致伊薩克信一封並帶該處管事頭目明巴什邁瑪特習里普給伊薩克信一封送出滿洲兵德克金布綏亮薩炳圖漢兵沈長發馬衍貴遣犯郁景順劉士信陳卷王金芳民人郝甲明等十名前任喀什噶爾五品哈查伯克通事阿布都拉及小子等十一名^臣等閱邁瑪特習里普信內雖不似前次倨肆詞內仍復不馴而差人面稟之語暨毛洛阿奇木信內情詞又極恭順^臣等揣度情形合之德克金布等所供該浩罕伯克邁瑪達里年甫二十餘歲荒淫無知該處一切事務

全諉之明巴什邁瑪特習里普一人該明巴什以能抗拒

天朝欺蔽該伯克是以來書則故作大言又令來人面作恭順之語逞其譎詐^臣等已飭令伊薩克仍派巴哈提拜前往寄信於邁瑪特習里普將其故作大言如鬼如蜮之用心一一指出復寄信於毛洛阿奇木獎其恭順諭知該夷如果恭順

天朝將兵民回子等一併送出自可以奏明大皇帝仍准通商貿易否則永遠不准通商復密與毛洛阿奇木一信諭知該處兵民回子送與不送都不要緊爾等居奇者不過張格爾之子布素魯克自天朝視之亦不要緊將來至極不過又一張格爾賦

要一兩萬兵便可平定爾部落通商爲第一要
事卻不肯恭順懇求仍作大言必當永遠禁止
通商至該夷差來之毛洛密攷^臣等仍未令其
謁見令伊薩克嚴行收管次日派人押解出卡
至德克金布等二十二名訊因喀什噶爾失守
被脅送至浩罕實出無可如何與甘心從逆者
不同應請

平定回疆勦擒逆裔卷五

十一

旨免其治罪旗人釋回本旗不准再挑差使民人交
原籍嚴加管束回子就近安置五品哈資伯克
阿布都拉一名係黑帽回子實因不降張逆是
以送往浩罕情節又有不同自應請
旨賞還^{原領}交伊薩克遇有五品伯克之缺仍准
錄用奏入

上命軍機大臣傳諭曰浩罕每藉通商貿易漁利外

夷又以逆裔家屬在伊部落居爲奇貨此次因將
安集延驅逐出卡嚴禁茶葉大黃不與通市該處
管事頭目明巴什邁瑪特習里普聽遣回之毛洛
阿奇木愆惠遣人送信雖不似前此倨肆而詞語
仍復不馴那彥成等仍未令其謁見卽派人押送
出卡所辦極是現自禁絕貿易以來外夷各部落
因諸多不便怨懟浩罕如果各城認真嚴禁該夷
無利可牟日久自當窮蹙將來誠心懾服斷不敢
大言不慚此時若以其意欲修好卽信以爲實必
致伊夸耀外夷豈非墮其術中該督等既見及於
此必應妥爲籌計務當嚴飭各城稽察要隘不准
茶葉大黃稍有偷漏在卡外恭順各部落自當按
照奏定章程通市互易惟不可任浩罕夷商有影
射冒混情弊致查禁有名無實轉爲外夷所竊笑

平定回疆勦擒逆裔卷五

十二

現在送出之官兵回子等固是無關輕重卽張逆家屬在彼潛匿不過苟全生命亦不值與之相較責令必爲獻出該督摺內旣稱張逆之子布素魯克至極不過又一張逆一二萬兵便可平定是亦有何緊要該督惟當遵照節次所降諭旨示以無足重輕斷不可勒令縛獻如果浩罕因絕其通市實形悔懼自將張逆家屬送出絕其根株固屬甚善若必加之以威而仍居奇如故或竟以假淆真彼時又將如何辦理豈不又生枝節耶該督等雖已向送回兵丁回子德克金布等詢問浩罕情形惟恐或有串捏不實不盡著卽於官兵回子等二十二人內擇其明白誠實者督同伊薩克隔別訊問務將浩罕一切情事及近日情形逐一詳加研鞠據實具奏至送回之兵丁遣犯回子等二十二

名因被脅送至浩罕與甘心從逆者不同著加恩免其治罪德克金布等釋回本旗不准再挑差使沈長發等釋回原籍交地方官嚴加管束回子等交該伯克就近安置嚴管其五品哈資伯克阿布都拉係黑帽回子因不降張逆送往浩罕情尙可原著加恩賞還翎頂仍交伊薩克察看如無他故將來遇有五品伯克缺出仍准錄用

勅諭安撫歸順之額提格訥

那彥成武隆阿奏言竊查浩罕所屬之布魯特額提格訥愛曼在各愛曼中爲最強從前乾隆年間該比海提邁特等隨同官兵剿滅霍集占最爲出力該愛曼游牧在倭什地方界鄰浩罕全部俱爲所脅茲據喀浪圭卡倫官兵稟報額提格訥布魯特比阿里瑪卡巴爾底伯克西爾

瑪特沙爾底巴拉愛散等五名親自到卡攜帶
隨來一千餘戶僉稱為浩罕苦累多年情願投

誠

天朝得安生計察其情詞實出真心查從前該比原

係三品頂翎先行給予該比阿里瑪卡三品頂

翎巴爾底伯克四品頂翎西爾瑪特沙爾底巴

拉愛散五品頂翎至阿里瑪卡係愛曼頭人請

賞換二品頂帶使該比等知係

特恩則歸附益堅_臣等並酌賞綢緞糧食等物押令

該比等出卡卽指與特依劣克達巴罕地方妥

為安置查該處係浩罕來往要路沿卡一帶聲

威既壯浩罕羽翼頓翦其勢愈孤不久衰弱愈

可必其恭順從此邊疆永固外定內安於善後

大局甚有裨益奏人

平定回疆勦擒逆裔卷七五

十四

上命軍機大臣傳諭曰那彥成招致額提格訥布魯

特覽奏嘉悅之至額提格訥前此為浩罕所脅強

佔其地現因苦於悉索遵檄率其部衆前來投誠

俾浩罕頓失羽翼固屬甚善然受降易撫降難在

該部落現與浩罕為讐敵或不致有虛假惟伊歸

附浩罕有年一旦遵我檄諭前來未必浩罕不以

我納彼叛人為詞設以此道使致問豈不又生邊

釁且特依劣克達巴罕地方既在卡外該布魯特

等自往往牧則可亦未便卽為天朝指與地方令

其安置該督等當體察情形妥為辦理慎勿視為

易易凡撫馭之方或通商等事尤期經久無弊該

部落向為浩罕羽翼今復徙居他所豈肯棄若敝

屣設有變觸相爭之事該布魯特等必當求援不

應則失信外夷應之則無此政體亦當豫為議及

平定回疆勦擒逆裔卷七五

十五

該督等當諭以爾部落既誠心歸命大皇帝嘉爾效願將該比阿里瑪卡加恩賞換二品頂帶與效順各布魯特愛曼一視同仁善為撫恤爾等當自安生計永作藩籬惟與外夷有構怨興兵之事天朝體制從不過問不但爾部落一處為然並非稍有歧視如此豫為曉諭庶將來有求不應不致稍生缺望也

平定回疆勦擒逆裔方略卷七十五

十六

那彥成等疏奏各城新增防兵應支鹽菜錢文不敷搭放請變通籌補

上諭內閣曰喀什噶爾等城添設防兵應支鹽菜錢文歲徵阿勒板及阿克蘇錢局撥解普爾錢文不敷搭放據那彥成等查明各城大臣養廉除庫車阿克蘇烏什全支銀兩喀什噶爾英吉沙爾葉爾羌和闐係銀錢各半支給喀喇沙爾係按銀八錢

二分支給每銀一兩折普爾錢一百文其各城官

員鹽菜除庫車全支銀兩其餘各城均係按成分

別支給每銀一兩均折普爾錢一百六十文請以

搭放官員錢文放給兵丁其官員請改支銀兩惟

原定錢價參差不一應需加增經費銀三千餘兩

請將阿克蘇改鑄當十錢文以資添撥著照所請

自道光九年為始各城官員養廉鹽菜向係銀錢

平定回疆勦擒逆裔方略卷七十五

十七

搭放者一律准其全支銀兩阿克蘇錢局即於春

卯開鑪加鑄當十錢十分之五除舊額外改鑄長

餘錢文分別撥解各城搭放兵丁鹽菜歸入奏銷

造報仍著武隆阿查明各城新增舊設兵額及歲

入普爾錢文確數並酌定搭放兵丁成數均勻撥

解咨部查覈

那彥成等疏奏訊辦被脅從逆及娶回婦之漢

回等分別定罪

上諭內閣曰葉爾羌地方拏獲從前被脅從逆之漢回馬伏趙永伏二犯著照所擬發往雲貴兩廣極邊烟瘴充軍其擅娶回婦之馬得隆馬建林二犯亦著照所擬杖一百流二千里漢回盤踞各城並有雜髮從夷之事及擅娶回婦者作何治罪之處例無明文著刑部分別定罪並將雜髮而又娶回婦者一併明定科條奏准通行遵照辦理尋刑部議將漢回甘心雜髮從夷助逆者不分首從擬斬立決被脅雜髮並未隨同戕官抗拒復經悔罪投回者擬遣如又擅娶回婦者到配加枷號一年若並未雜髮從逆止於擅娶回婦者擬流奏入

上從之

那彥成等疏奏查出被擄投回遣犯會隨同堵禦效力請免罪釋回得

旨遣犯羅賜長郭岐山均著准其免罪釋回交原籍

地方官嚴行管束

稽察各城流寓外夷

那彥成武隆阿奏言^臣等前奏驅逐南路各城

安集延等外夷茲據各城大臣先後咨報庫車

寄居十年以外安集延二十四戶續查出一戶

共有二十五戶應徵糧十二石五斗阿克蘇寄

居十年以外安集延並布疇爾等外夷四百七

十三戶應徵糧一百二十四石烏什寄居十年

以外安集延六十八戶又續查出布疇爾等外

夷十四戶共八十二戶均無地畝房屋葉爾羌

寄居十年以外安集延並拔達克山等外夷七

百五十四戶內二百二十六戶應徵糧一千三百九十七石七斗零和闕寄居十年以外安集	延二百二十九戶內一百三十六戶應徵糧七十五石五斗零英吉沙爾寄居十年以外安集	延七十七戶內三十一戶應徵糧一百二十五石五斗喀什噶爾寄居十年以外安集延六百零七戶除續經驅逐外現存五百九十二戶內	一百三十五戶應徵糧四百二十石通共增出糧二千一百七十石零均無地過百畝之戶其餘備工度日本無房地者均編入回戶一體當	差 ^臣 等伏查布噶爾克什米爾拔達克山等外夷並無從逆之人其情可原惟安集延為浩罕所屬忘	恩反噬肆其鴟張卽全行驅逐出卡亦不為過因入
--------------------------------------	--------------------------------------	--	--	--	----------------------

平定縣勅諭卷七十五 三

數過多不忍同時並逐現已查明戶口均有冊檔可稽惟當設法稽查稍有過失卽行押逐不可日久疎懈仍將每年逐出人數咨報參贊大臣於年終彙奏一次奏入報



平定縣勅諭卷七十五 三

欽定平定回疆勦擒逆裔方略卷七

道光九年春正月丁未

命欽差大臣那彥成迅速來京

旨授武隆阿等鎮撫機宜

那彥成武隆阿奏言臣那彥成馳抵喀什噶爾

以來卡內善後事宜業已就緒惟查張逆之子

布素魯克年已六歲與張逆之妻均在浩罕若

平定回疆勦擒逆裔方略卷七

不斷絕根株難保不為後患臣悉心設法會密

差安集延回子喀什噶爾回子等授計前往嗣

因洩漏該夷將布素魯克移住該伯克住房左

右防守嚴密不能得手復於驅逐安集延出卡

時令伊薩克面諭該頭目毛洛阿奇木如能將

布素魯克縛獻仍准爾等如前貿易旋差五品

頂翎之布魯特巴哈提拜疊次前往探信並諭

令毛洛阿奇木妥辦據巴哈提拜稟稱該明巴

什並非愛重布素魯克不過希圖重賞已令伊

薩克信致明巴什願給重賞以絕禍根尚未回

報至布魯特內之阿坦台汰劣克上年戕害大

臣官兵亦係罪不容誅之犯探得阿坦台現住

托古斯托羅地方七月間差回子依斯拉木等

前往尚未回報九月間差回子博巴克等誘致

平定回疆勦擒逆裔方略卷七

汰劣克該犯於十月內遣子托胡達邁瑪特來

營遞馬並稱伊未出花不敢進卡臣好言撫慰

加賞遣回諭令遠來近卡居住查該逆自係故

智復萌誑騙賞物臣是以於托胡達邁瑪特出

卡後密諭與汰劣克有隙之奇里克愛曼布魯

特比推莫特中路截回捆縛送來仍派回子博

巴克等傳諭汰劣克親來大營領取伊子現在

尙未回報奏入

上批諭曰朕命卿籌辦善後諸事既妥即可回程若如此搜求卡外要犯復欲必得逆屬而後已朕恐以若所爲求若所欲雖盡心力必有後顧之憂矣寬密奏卽飭卿速還已覺另有枝節而該叅贊之光景朕實不能釋諸懷也總之內地善後既妥浩罕之茶黃旣斷卿無事矣爲何必欲邀功生出許多情節如何了結反令朕又生西顧之憂矣煩懣之至

平定回疆勦擒逆裔卷七十六

三

上又命軍機大臣傳諭曰朕命那彥成前往喀什噶爾祇爲籌辦卡內善後事宜業將八城善後諸大端籌辦周妥卽爲不負委任是以疊經賞賚前降恩旨甚明至逆裔家屬及從逆餘匪潛匿卡外原無足重輕祇可撤諭外夷各部落如能擒獻固佳

否則任其偷生視息亦不過釜底游魂有何緊要

在我示以寬大無意購致尙恐外夷居爲奇貨若屢次差人赴彼暗索窮搜終不能得豈不爲外夷所竊笑其布魯特各愛曼有來歸附者祇可撫戢羈縻亦不必特地招致指給游牧地方設日久窳壑難盈又將如何籌辦前經屢諭及此該督何以總未領會現在善後諸事業經辦竣已另行飭諭武隆阿等遵旨鎮靜辦理該督接奉此旨著卽迅速起程來京勿再遲留

平定回疆勦擒逆裔卷七十六

四

上又命軍機大臣傳諭武隆阿額爾古倫伊薩克曰逆裔家屬潛匿浩罕揆之愈急則愈視爲奇貨現在張逆旣已生擒明正刑誅卡內逆回業經大加懲創從此鎮靜撫綏按照奏定善後章程妥爲辦理自可永靖邊陲至阿坦台汰劣克二犯前此雖

經從逆尙未敢隨同張逆入卡滋事現既畏罪遠
竄亦可置之不問前經屢降諭旨甚明何以節次
差人出卡搜求各犯復欲必得逆屬而後已若如
此布置竟不能擒致豈不爲外夷所竊笑縱令布
素魯克將來似張格爾之所爲又復何難剿滅現
既將安集延驅逐出卡自當嚴密稽察勿任茶葉
大黃稍有偷漏亦不得仍令該夷隱混貿易卽爲
妥善何以授意於已驅之安集延爲我籌謀逆屬
該夷等聲氣相通豈能真心效順樂爲我用至布
魯特等之誠心歸附者自應就地撫戢以示羈縻
斷不可指給游牧地方有意招致武隆阿等當善
體朕意鎮靜撫綏一切悉照奏定章程辦理既不
可稍形怠忽亦不可遇事張皇儻辦理不善致生
邊釁惟伊等三人是問恐不能當此重咎也

恩賞投回之布魯特追諭前革回務章京罪狀

那彥成武隆阿又奏言^臣那彥成去歲出京時
曾奉

面諭善後總以收服布魯特爲要著自馳抵喀什噶
爾以來卽令伊薩克差人傳諭圖爾第邁莫特
之子阿仔霍卓蘇蘭奇之族叔拜莫拉特等諭
以爾等祖父曾經出方前因畏罪逃避

大皇帝鑒爾等委曲從前罪犯悉予寬免旋據阿仔
霍卓遣其弟熱仔來城遞馬請安並稱自伊父
被罪攜眷逃往浩罕張逆入卡時並未助逆今
奉檄諭先差伊來遞馬懇恩仍賞住牧地方^臣
查希皮察克愛曼係熟布魯特乾隆年間指與
卡內英吉沙爾附近地方游牧阿仔霍卓等既
游牧卡外十有餘年助逆與否原難深信此時

招之卽來其恭順情形實無虛詐當卽賞以六品翎頂遣令速回令其傳諭阿仔霍卓作速來城再行賞給原住地方並奏明

大皇帝仍賞給伊父圖爾第邁莫特二品翎頂現因

雪大封山尙未到來其冲巴噶什愛曼布魯特

比蘇蘭奇早已身故其族叔拜莫拉特及蘇蘭

奇之姪拜爾第阿里雅於十一月間到城據稱

嘉慶二十五年張格爾糾衆入卡蘇蘭奇到城

報信章京綏善不信將蘇蘭奇斥逐該比一時

氣忿帶人逃往浩罕今接檄諭准免罪投回帶

來一百餘戶人口在卡外喀拉塔爾地方等候

臣當卽好言慰諭宣示

皇上天恩賞給拜莫拉特三品翎頂拜爾第阿里雅

五品翎頂並酌賞元寶緞緞茶葉等物令伊薩

克派令曉事伯克押送出卡指給喀浪圭卡倫

外赫紫爾俄依地方安插至從前原籍蘇蘭奇

之回務章京綏善任性乖謬詢據彼時印房當

差之回子玉努斯所供各情與拜莫拉特等所

稟相符彼時未經叅奏綏善旋因另案革職發

往伊犁年滿釋回此等僨事之員應請

旨發往黑龍江充當苦差以爲撫綏不善者戒奏入

上諭內閣曰希皮察克愛曼布魯特阿仔霍卓前因

伊父被戮畏罪逃赴浩罕茲遣其弟熱仔並冲巴

噶什愛曼蘇蘭奇之族叔拜莫拉特及蘇蘭奇之

姪拜爾第阿里雅先後投誠情詞恭順既據那彥

成等先行宣示朕恩賞給熱仔六品翎頂拜莫拉

特三品翎頂拜爾第阿里雅五品翎頂著卽分別

賞給至嘉慶二十五年張格爾糾衆犯卡布魯特

比蘇爾奇入城報信被已革回務章京綏善斥罵
趕逐以致該比遠颺助逆現據彼時印房當差之
回子玉努斯與布魯特拜莫拉特等所供相符是
綏善之任性乖謬貽誤軍機本應按律治罪姑念
事屬已往著發往黑龍江充當苦差以昭炯戒
允普律津貼八城防兵銀兩

那彥成武隆阿又奏言回疆南路八城換防緣

平定回疆勦擒逆裔卷七十六

九

營兵丁鹽菜銀兩上年松筠奏請照西藏防兵

減半支給經長齡以經費有常議駁奏請酌量

加增未定銀數臣那彥成前經奏請於喀什噶

爾葉爾羌建設官鋪每年獲利分給防兵茲復

悉心體察官鋪餘利必須年終方能結數多少

難以懸定不若明定限制普律津貼擬請將馬

步守兵每月給銀一兩四錢五分應領馬兵分

例者每月津貼銀四錢二分五釐應領步守兵

分例者每月津貼銀四錢五分暫行動支正項

墊給俟屆年終參贊大臣查明官鋪所獲餘利

銀若干兩奏明撥入正項歸還墊款統計南八

城綠營防兵一萬六百餘名約需津貼銀五萬

五千餘兩如官鋪所獲六分餘利不敷在於茶

稅項下撥補如此一轉移間於兵丁更有裨益

平定回疆勦擒逆裔卷七十六

十

至換防滿洲兵月支鹽菜銀兩本屬優厚並經

臣等奏明增給馬匹餵養應毋庸再議調劑再

臣等前奏阿克蘇增設防兵應支口糧及加增

養廉鹽菜折給糧石不敷糧二千七百餘石在

葉爾羌餘糧內撥補已蒙

允准茲查得阿克蘇軍需餘剩項下尙存烏魯木齊

運到糧一萬五千餘石自應先儘動支俟掃數

放完再在葉爾羌餘糧內咨撥奏入得

旨回疆南路八城換防綠營兵丁向例馬兵月支銀

一兩二分五釐步守兵月支銀一兩茲據那彥成

等查明現因物價較昂食用未免拮据自應量加

調劑著照所請行

裁撤阿克蘇烏什駐防滿洲官兵

那彥成武隆阿又奏言准阿克蘇辦事大臣長

平定回疆勦擒逆裔卷七十六

十一

清烏什辦事大臣布彥泰咨稱所屬卡倫現已

改歸綠營經管駐防滿洲兵並無差使查阿克

蘇原設古城巴里坤佐領防禦驍騎校各一員

滿洲兵六十名烏什原設古城巴里坤佐領防

禦驍騎校各一員滿洲兵一百四十名除阿克

蘇應留委筆帖式十三名貼寫滿洲兵八名烏

什應留委筆帖式六名貼寫滿洲兵八名其餘

官兵概行裁撤各歸原營操練_臣等查該城駐

防滿洲兵均應裁撤以節冗費所挑委筆帖式

貼寫滿洲兵准其照舊額咨留年滿仍在古城

巴里坤各旗營咨取當差奏入得

旨阿克蘇烏什兩城原設滿洲營駐防官兵著概行

裁撤各歸原營操防所挑委筆帖式貼寫滿洲兵

准其照舊額咨留年滿仍在古城巴里坤各旗營

平定回疆勦擒逆裔卷七十六

十一

咨取當差以符舊制

以凱撤陝甘新兵持械喧譁

命武隆阿明白迴奏並

諭那彥成覆奏

那彥成奏言喀什噶爾等城上年派來征兵于

役三年倍形勞苦_臣等前擬將此項官兵撤回

應支鹽糧仍請照征兵例支發奏蒙

聖恩准行茲於十一月初旬烏魯木齊提屬派撥防
兵四百餘名已到喀什噶爾查此次隨征總兵
胡超帶來招募新兵二百五十餘名俱係川陝
游手之徒打仗固屬得力尋常則桀驁不馴卽
宜早撤入關分置當告知武隆阿先撤此項新
兵已定於十一月十八日起程該兵等應領鹽
糧等項武隆阿未遵奏案悉照防兵例支給該
兵等以從前凱撤二萬餘兵俱照征兵例辦理
多駐一年何以口糧轉致裁減赴臣寓控訴
臣當諭該兵等聽候告知參贊照奏定章程支
發隨令總兵舒倫保將各兵控訴情由卽照征
兵給發之處面告武隆阿安速經理詎意武隆
阿拘執前說仍照防兵支發而該新兵等俱係
川陝頑民罔知顧忌執旗操械並糾約各營陳

兵該兵俱應凱撤之人一聞裁減口糧各懷不
平一同持械出城武隆阿當卽帶同額爾古倫
舒倫保等出城彈壓該兵等遙見武隆阿等同
聲喧嚷持械撲至馬前中營遊擊王一鳳向爲
衆兵信服再三攔阻武隆阿等因而迴避臣聞
知此信先令遊擊張作功將蘭州督標固原提
標各兵妥爲安撫密令各歸各汛齊隊豫備不
得妄動復令容照前往下馬開導該兵等登時
棄械跪稟僉稱不敢鬧事容照當卽帶領各兵
逐隊至臣住房傳見臣一一撫慰加以呵斥該
兵等伏地碰頭只求告知參贊將口糧從公辦
理臣一面出示剴切曉諭諄囑武隆阿將各兵
沿途應領口糧概照征兵發給派委都司福壽
管帶新兵二百五十名固原提屬兵一百五十

九名於二十日自喀什噶爾起程入關復密派
安幹員弁沿途跟蹤查訪有無再滋事端旋據
報稱沿途極為安靜足以仰紓

宸廑查兵丁等持械喧譁一事實係武隆阿拘執所
致雖邊疆軍律不可不肅但此項兵丁打仗得
力多有帶傷之人一時愚憤喧譁一經斥教即

時開悟若以軍法究治必須株累多名於情殊
為未允是以從輕發落至武隆阿身係叅贊一
時拘泥成例幾至釀成大事理宜嚴叅第此時

動搖叅贊無論喀什噶爾接手無人兵伍刁風
亦不可長臣斷不敢牽就徇袒自應斟酌輕重
務得安輯無事為要謹將實在情形及未便究
辦緣由據實密陳奏入

上命軍機大臣傳諭武隆阿曰朕聞上年十一月內

有撤回陝甘新兵因應領鹽菜口糧等項武隆阿

並未照前此凱撤征兵分例支給悉照防兵例支

發以致眾兵不服執旗操械糾約陳兵喧嚷後經

許照征兵口糧支給如各散歸汛地征兵驕悍如

此何以未據武隆阿據實陳奏此項兵丁既非換

防自應照征兵例給予口糧因何遽加裁減武隆

阿會否與那彥成等商辦抑係伊一人自出主見

若以為例應如此乃因眾兵持械喧譁竟爾改支

豈不愈長驕橫是否因此起釁抑或別有情節著

武隆阿據實明白迴奏儻有不實不盡經朕另行

訪聞武隆阿自問當得何咎

戊申

上又命軍機大臣傳諭那彥成曰昨據奏陝甘新兵

持械喧譁一事雖經該督傳見撫慰並加呵斥悉

知悔罪隨即遣令入關歸伍密片奏聞免其究治
參辦固是權宜辦理惟此時喀什噶爾留兵尚多
前有該督在彼羣皆畏服尚可安戢無事昨已降
旨令那彥成迅速回京武隆阿如此措置是否能
資鎮撫該兵弁回人不致因此心存藐視儻兵將
不能相安恐致別生事端朕心實深廬念著該督
體察實在情形密速明白迴奏尋據武隆阿奏言

平定回疆勦擒逆裔卷七十六

七

臣於九月間接據辦理蘭州報銷局候補道楊
翼武稟稱十兵一駝業經部駁以凱撤之兵既
有車價不應再支駝價奉飭刪除臣竊以喀什
噶爾善後局支發官兵條款悉以蘭州總局爲
準駝價已奉部駁自未便違例濫支是以十一
月凱撤之兵飭令署糧餉局章京富隆阿等仍
照前凱撤征兵分例支給惟將駝價裁減因係

照例支發故未與那彥成相商至各兵執械喧
譁固因裁減駝價亦實另有蓄心蓋駝價每兵
僅裁銀三分帶兵官於領銀時已向各兵曉諭
何至驟爾糾衆且約及未撤陳兵緣防兵鹽菜
月僅一兩不敷用度先經長齡會同臣奏請月
給銀一兩四錢五分經那彥成奏添茶稅設立
官鋪以爲官兵調劑愚兵無知但以官鋪爲調

平定回疆勦擒逆裔卷七十六

六

劑兵丁遂懷有望賞之心又那彥成因征兵久
戍及隨轅官兵衣履單寒有捐廉各賞銀兩之
事適值新兵凱撤輒藉裁減駝價之因捏稱照
防兵之例裁減喧傳聳聽查新兵盡係此次軍
營招募罔知法紀且是日羣聚喧譁惟稱討賞
此起釁之實情並無另有釁端當時那彥成向
臣詢問臣即將係照征兵支發僅裁駝價之由

告知那彥成以楊翼武之稟不足為據出示曉諭仍照舊支給至鎮將失於約束臣商請那彥成奏奏伊以陝甘兵氣驕悍恐長刁風是以未經具奏尋據那彥成奏言武隆阿久歷戎行衆咸知其奮勇且漢文亦好臣自共事以來留心察看該叅贊多疑少斷以致未洽人心去冬新兵喧譁一事實因其專意節省拘泥辦理所致

子高紀勳勳略卷七十六 元

叅贊重任實不能放心現在各營換防之兵俱係各營中子弟口內各有家屬似可不致生事臣前奏擬多留月餘在此彈壓鎮撫今征兵尙未換完不敢急於起身約計防兵三月內到齊再行起程回京

臣等謹案那彥成等未經覆奏到日已命札隆阿署理喀什噶爾叅贊大臣並

諭武隆阿來京陛見及武隆阿到京召對詞多掩飾特命御前大臣軍機大臣詢問欽奉諭旨降為頭等侍衛在大門上行走伊子慶安逐出乾清門在大門上行走蓋當那彥成密奏到時武隆阿之拘執失宜早在

聖明洞鑒之中特以邊陲甫靖處置因時未幾而解其事權旋申譴責於以見

大聖人之權衡賞罰至當至公一視其人之自取後之任事者其益知所儆惕也夫

壬子

晉封楊芳為二等果勇侯

賞資有加

上諭內閣日本日楊芳來京召對見其精神強健朕

實深喜悅楊芳宣力邊疆生擒巨寇前已加恩錫

封三等果勇侯爵賞用紫纒換戴雙眼花翎在御

前侍衛上行走並將伊子廕生楊承注賞給舉人

一體會試嗣因受俘禮成復賞加太子太保銜茲

當凱旋入覲允宜再沛恩施楊芳著加恩晉封二

等果勇侯晉加太子太傅銜在紫禁城內騎馬並

賞給人參四兩緙絲蟒袍一件大卷八絲緞袍褂

平定回疆勦擒逆裔卷七十六

三

料各一疋大卷江縐袍褂料各一疋大荷包一對

小荷包四箇用示朕懋賞酬庸有加無已之至意

已未

頒賞守備楊發田大武元寶各一錠五絲緞袍褂各

一襲

庚申

賞長齡楊芳

御書詩章各一幅

特調守備楊發田大武交楊芳訓練

上諭內閣曰昨日兵部將擬補甘肅寧遠堡守備楊

發陝西撫標左營守備田大武帶領引見該二員

年力精壯均堪造就著交楊芳隨時訓練策勵成

材並著兵部將楊發田大武俱調補固原提標營

守備俾得就近隨同學習用示朕培養人材之至

平定回疆勦擒逆裔卷七十六

三

意

辛酉

申諭欽差大臣那彥成迅速來京

上命軍機大臣傳諭那彥成日前據那彥成奏武隆

阿於陝甘新兵支領口糧措置未能妥協雖經該

督密片奏明免其究治權宜辦理但邊陲緊要鎮

撫未得其人朕實深懸念現已諭令武隆阿來京

陛見並另降清字諭旨將札隆阿賞給副都統銜
署理喀什噶爾叅贊大臣壁昌賞給頭等侍衛署
理葉爾羌辦事大臣其餘各缺俱已酌量簡調札
隆阿壁昌均係那彥成保奏帶往之員隨同該督
在彼將及一年於邊疆情形自己熟悉諒可足資
撫馭卽此外所調各員亦皆該督素所深知當能
不負委任此時善後旣妥前已有旨令該督迅速
來京本年八月朕恭奉

平定回疆勦擒逆裔方略卷十六


三

皇太后慈輿敬詣盛京恭謁

祖陵直隸總督現係屠之申署理該督自應及早回任
以便督辦差務一切事宜著接奉此旨卽行迅速
起程限於六月內到京斷不可再有遲留



欽定平定回疆勦擒逆裔方略卷
道光九年春二月乙丑朔
飭停布魯特歲俸



那彥成武隆阿奏言查浩罕小醜自大總當煎
其附從之布魯特使該夷頓失憑依始可以其
恭順近來浩罕專恃強暴加以貪殘我

平定回疆勦擒逆裔方略卷十七

一

國家羈縻布魯特之計惟當反其所爲結以恩信
使夷衆有所繫心自可久安邊徼溯查乾隆年
間舊例出力之愛曼如奇里克及冲巴噶什希
皮察克等愛曼皆優與世襲翎頂並酌賞緞疋
銀兩作為歲俸茲欽遵

聖明指示業已收服全部非優與翎頂酌加賞賜作
爲歲俸不足以示懷柔而昭鞏固謹擬離浩罕
附近之各愛曼及舊有勞績者作為頭等其次

愛曼大而恭順者作為二等再加愛曼小而勞績少者作為三等頭等給與二品翎頂元寶一錠至銀四十兩三十兩緞各二疋布各二十疋二等給與三四品翎頂銀二十五兩二十兩緞各二疋布各十疋三等給與五六品翎頂銀十五兩緞二疋布十疋由臣等發劄付遣人持送各愛曼令其按年分季領賞烏什亦照依辦理第恐日久不肖官員侵欺剋減致遠人向隅應責成各大臣督率印房掌印章京會同阿奇木伯克細心經理近者親身遠者或遣子弟領取各大臣均須督率給毋得懶於接見致有侵冒每年終由參贊大臣將喀什噶爾烏什等二城本年發給之各愛曼存記註冊報部奏入上命軍機大臣傳諭那彥成札隆阿日那彥成等所

平定回疆勦擒逆裔方略卷七

二

奏甚屬旨昧從前乾隆年間平定回疆卡外各布魯特愛曼甚多並無賞給歲俸之事彼時愛曼中之出力者並非無人如必須給予歲俸各該辦事大臣早應籌議及此當年從無一人議及可見此事斷不可行何以那彥成等此次辦理善後因各愛曼陸續來城請安遞馬極為恭順援引乾隆年間奇里克及沖巴噶什希皮察克等愛曼曾有世襲歲俸輒行分別等差給予翎頂銀兩緞疋發給劄付令其按年分季持照領賞並令烏什照依辦理卡外各布魯特部落如果有奮勉出力之處朕原不靳帑藏量加恩賞現在該夷等雖相率來歸並無勞績不過請安遞馬那彥成等遽欲酌給歲俸以為收服羈縻之計國家無此政體且此事並非迫不及待那彥成等即有此籌議自當先行具

平定回疆勦擒逆裔方略卷七

三

摺入奏請旨遵行乃並未奏明率行發給劄付那
彥成武隆阿俱著傳旨嚴行申飭此時業經發給
劄付殊不成事必當設法停止著那彥成札隆阿
體察情形妥為籌辦據實具奏那彥成著仍遵前
旨迅速起程於六月內到京

諭止搜求逆裔

那彥成武隆阿又奏言浩罕窩留張逆正為勾

平定回疆勦擒逆裔卷十七

四

結白帽回子起見張逆盤踞喀什噶爾時黑帽

回子大阿渾奈瑪特等即欲糾人擒拏張逆因

張逆知覺被其拏獲並將其子布哈呢頂等殺

害該阿渾深知大義抗不從賊張逆因將該阿

渾送往浩罕其意以為黑帽回子敬奉該阿渾

奈瑪特與白帽回眾信奉該逆無異欲令浩罕

羈留該阿渾以繫黑帽回子之心迨張逆被擒

而浩罕仍羈留該阿渾仍係從前以張格爾為

餌收束白帽回子之故智其詭計不為不深臣

飭知伊薩克派令向來熟識浩罕道路之黑帽

回子阿布都薩瑪特等潛往探聽回稱該阿渾

等在浩罕地方甚苦本城所有黑帽回子聞知

無不嗟歎焦急阿渾阿布都魯素等率領小回

子多名稟求設法要回大阿渾隨差布魯特巴

平定回疆勦擒逆裔卷十七

五

哈提拜同黑帽回子阿布都薩瑪特前往浩罕

一面探訪逆裔消息一面向該處管事之明巴

什阿哈胡哩等說知若不送出奈瑪特即帶兵

前來向索該阿渾送與明巴什阿哈胡哩元寶

入錠當下應允欲藉此求成希通貿易先差人

送出奈瑪特阿渾隨將阿渾奈瑪特等四名送

出帶同喀什噶爾回子三十二名一同到卡臣

以該夷向來好爲大言此次差人極爲恭順准
與傳見據稱伊等久沐

大皇帝的恩典如今不准通市地方甚苦特差前來

請安遞駝絨花布等物聽候示諭臣當卽諭以

爾伯克知道愧悔甚好但容留叛逆之子並兵

民回子不肯全行送出斷不能通貿易當給與

說帖一紙令面諭該伯克並回賞綢緞茶葉等

平定回疆勦擒逆裔卷十七 六

物令伊什罕伯克托胡達呢雜爾押帶出卡查

浩罕貪利詭譎經

聖明指示永遠不准通商臣等欽遵辦理驅逐安集

延巖緊卡倫未及一年猶疑生畏而從前虛驕

之氣不敢復萌此次差來之人雖未卽將逆裔

送出其情辭已極恭順至黑帽大阿渾奈瑪特

等以該阿渾之子布哈呢頂等捐軀盡節已

奏蒙

聖恩賞加該阿渾之子孫邁買底敏等世襲翎頂茲

奈瑪特等於進卡時闖城黑帽回衆不下三四

千人扶老攜幼遙往迎禮臣等傳見該阿渾奈

瑪特阿布都爾蘇魯庫右鼎玉素普等四人推

廣

皇仁給予奈瑪特三品翎頂並厚加賞賜元寶綢緞

平定回疆勦擒逆裔卷十七 七

茶葉等物該阿渾免冠伏地叩頭流涕各黑帽

回衆歡聲載道至有感泣之人自此人心可期

愈固臣等又恐白帽愚回復生疑懼仍一面傳

至白帽阿渾雅霍卜等數名諭以

大皇帝大公至正一視同仁不論黑帽白帽但知安

分有功必賞有罪必罰該阿渾等稟稱現在各

白帽回子深恨張格爾如今託

大皇帝洪福回疆永遠太平斷不敢自分黑白致生

事端臣等亦酌賞羊麪綢緞等物以安其心復

據奈瑪特阿渾稟稱張逆之子從前看守甚嚴

近來該處伯克無知全仗明巴什阿哈胡哩一

人明巴什也甚害怕不過說大話欺人但不准

通市總可得手祇是不能限定日期臣等詳細

揣度逆裔布素魯克在該處原無關重輕該夷

平定回疆勦擒逆裔卷七

八

故作疑難無非居奇圖利之心前經節次遣人

密辦今據奈瑪特等所稟仰仗

皇上天威可期弋獲但能於事有濟就使多延數月

辦理肅清實臣仰酬

高厚之至願奏入

上命軍機大臣傳諭札隆阿額爾古倫伊薩克日朕

命那彥成前赴喀什噶爾籌辦善後事宜並未責

成伊於卡外搜捕要犯及逆裔家屬乃那彥成有

意邀功屢次遣人赴卡外刻意搜求殊大負委任

之意本日復據奏報設法要出黑帽阿渾奈瑪特

等四人給與翎頂及賞給元寶綢緞茶葉等物並

有諭浩罕伯克說帖欲其將逆屬弋獲送出斷絕

根株如此布置殊可不必現在善後奏定章程業

已周妥該大臣等務當遵照前旨嚴密稽察勿任

平定回疆勦擒逆裔卷七

九

大黃茶葉偷漏出卡亦不得仍令該夷隱混貿易

即為妥善至於卡外各犯既已畏罪遠竄總當置

之不問斷不可意存招致妄生邊釁如辦理稍有

不善或致大黃茶葉仍有偷漏惟伊等三人是問

恐不能當此重咎也

恩敘善後出力文武員弁等

那彥成武隆阿奏臣那彥成奉

命籌辦回疆善後一切事宜派令隨帶各文員分司

其事而將備弁兵奉差奔走歷經險阻盛暑嚴

寒不辭勞瘁至臣武隆阿衙門於上年奏設善

後局派令各員弁清查叛產及私墾地畝並總

辦局內一切文案各該員晝夜辛勤其各城阿

奇木及喀什噶爾大小伯克亦多著有勞績之

人茲已辦理善後全完該官吏兵回等在事年

平定回疆勦擒逆裔卷十七

十

餘實心實力始終奮勉惟人數過多不能不比

較勞績確實則減期無旨濫茲擇其尤為出力

者要實保奏仰懇

皇上帝天恩俯准分別

恩施以示鼓勵其武職千總以下伯克六品以下循

例應升應補者咨明兵部理藩院查覈辦理徵

未弁兵分別酌賞軍功頂帶以昭公允再查阿

克蘇辦事大臣長清前因軍務出力蒙

賞給世職烏什辦事大臣布彥泰由伊犁領隊大臣

調補今職已蒙

賞給副都統職銜該大臣等各任事務措置周到潔

已辦公盡洗從前陋習請

旨交部從優議敘葉爾羌辦事大臣札隆阿自五月

到任至今辦理工程及善後一切事宜皆係該

平定回疆勦擒逆裔卷十七

十一

大臣一手經理官聲甚好和闐領隊大臣德惠

先在烏什幫同布彥泰整頓策畫深為得力旋

蒙

簡調和闐到任以來頗能撫綏回眾查該大臣等均

係頭等侍衛外夷觀瞻所係請

賞加副都統職銜又准烏魯木齊都統英惠函開吐

魯番領隊大臣賡音岱上年同陝西臬司方載

豫辦理托克遜糧臺因哈密解到車輛並不妥
為點收欽奉

諭旨拔去花翎革職留任該領隊深知愧悔遇事
勉今年護解首逆張格爾過境及照料各起凱
撤官兵入關均能妥速經理查同案獲咎之方
載豫已經奉

旨賞還原品翎頂賡音岱可否仰懇

皇上天恩俯准

賞還花翎之處出自

逾格鴻慈奏入

上諭內閣曰那彥成自上年出關以後將應辦一切
事宜咨行各城並派委文武各員逐條查辦悉臻
妥協武隆阿於上年奏設善後局派令各員弁分
司其事均能不辭勞瘁其各城阿奇木及喀什噶

爾大小伯克亦多著有勞績茲已辦理善後全完
經該督等擇其尤為出力者分別奏請鼓勵自應
量予恩施阿克蘇辦事大臣長清前經賞給世職
烏什辦事大臣布彥泰前經賞給副都統銜均著
加恩交部從優議敘葉爾羌辦事大臣札隆阿昨
已降旨賞給副都統銜署理喀什噶爾叅贊大臣
和闐正辦領隊大臣德惠著賞加副都統銜吐魯
番領隊大臣賡音岱前因辦理托克遜糧臺獲咎
拔去花翎革職留任著加恩賞還花翎其辦理善
後尤為出力之文員直隸大名府知府壁昌昨已
賞給頭等侍衛署理葉爾羌辦事大臣該員例有
翎枝著加恩賞花翎河間府同知濮城著賞戴
花翎知府銜廣西平樂府同知王簡著留於陝甘
以知府遇缺即補候補同知通判哈密印房主事

圖勒炳阿著免扣主事俸仍歸陝甘遇有同知缺
出不論繁簡卽補候選布政司經歷揚超任著免
選本班以知州不論雙單月歸部卽選陝西遇缺
卽補府經歷縣丞萬宗洛著免補本班歸部以知
縣不論雙單月遇缺卽選候選教諭陸獻著免選
本班以知縣不論雙單月歸部卽選卽選府經歷
縣丞沈祥煦龍驤均著於得缺後以知縣儘先升
用捐升縣丞伊犁巡檢亢家駿著免選本班仍回
原省以知縣儘先補用捐升縣丞甘肅環縣典史
朱沛蒼著免選本班歸部以知縣儘先選用候選
府經歷陳錫疇著以本班儘先選用候選府經歷
武履中著免選本班以知縣儘先選用雙月選用
從九品王兆麟著以本班不論雙單月卽選直隸
總督衙門經書儘先選用從九品錢成著免選本

平定回疆勦擒逆裔卷十七

十四

班以府經歷縣丞不論雙單月遇缺卽選候選從
九品張鳳元候選未入流陳烜均著各以本班不
論雙單月遇缺卽選召募書吏顧墳鄧鈞均著歸
部以從九品未入流不論雙單月卽選營書甘肅
提標後營書識劉承恩涼州鎮標中營書識和中
育靖遠營書識楊國琳均著以從九品歸部選用
其辦理善後及差赴卡外尤爲出力之將備弁兵
等甘肅參將金和著賞加副將銜陝西遊擊張作
功著以參將卽用直隸花翎都司郝永泰著以遊
擊儘先升用先換頂帶馬蘭鎮守備劉正著賞戴
花翎甘肅花翎守備張耀德著以都司儘先升用
先換頂帶陝西花翎千總王貴著賞加守備銜甘
肅藍翎千總牟得魁肅州藍翎千總王貴均著賞
換五品頂帶花翎直隸千總劉元慶安萬邦甘肅

平定回疆勦擒逆裔卷十七

十五

千總史存忠李國秀王玉汝均著各歸原省以守
 備儘先升用先換頂帶陝西花翎千總龍澤厚著
 免補本班以守備儘先升用烏魯木齊花翎千總
 賈文秀著以守備儘先升用伊犁索倫馬甲蒙克
 伯錫伯馬甲富琳布額清阿均著歸原營以驍騎
 校補用西安滿洲營委驍騎校富通阿直隸千總
 陳兆掄把總李天鳳陶煜文張桂林閔德成馬玉
 鳳經制外委田喜吳璋張殿元毛鳳岐額外外委
 郝永勝陳兆麒黨霖甘肅經制外委楊正魁楊坤
 夏元廣馬維額外外委陳延魁顏大成馬環督標
 武舉寶林西安滿洲營前鋒德斌伊犁索倫馬甲
 依策阿賽音札布錫伯馬甲蘇札布依勒爾圖沙
 金泰直隸馬兵李士珍劉鳳揚得功蘇魁劉萬邦
 吳臻馬正李治平姚芝林崔玉樹甘肅馬兵羅魁

場自玉目兵李一清劉鶴年馬兵高魁王建功目
 兵馬殿祿馬兵馬珍沈占雄黃傑鄭子林均著賞
 戴藍翎其辦理善後經手錢糧事竣擬保之文員
 候選同知張循徵著留於陝甘以同知不論繁簡
 遇缺即補浙江即補知縣周王福著賞加同知銜
 原任知州銜浙江歸安縣知縣馬伯樂前經賞給
 七品職銜俟事竣送部引見著仍遵前旨送部引
 見即選府經歷縣丞賴福邦著免選本班以知縣
 儘先選用年滿筆帖式額外驍騎校元德著以應
 升之守禦所千總遇缺即補先換頂帶即選從九
 品未入流趙秉信著免選本班以府經歷縣丞不
 論雙單月歸部即選召募經書熟諳者以從九品
 未入流歸部選用其善後事竣撤局擬保之武員
 留防甘肅遊擊王一鳳著以叅將即升留防甘肅

都司程謙著以遊擊儘先升用先換頂帶留防甘肅守備王金棟常殿勳均著以都司儘先升用先換頂帶留防陝西千總朱成貴著以守備儘先升用留防甘肅千總陶福著以守備升用留防甘肅卽補守備藍翎千總李吉善汪吉受均著賞換花翎陝西經制外委效紀伯甘肅目兵鐵秉忠均著賞戴藍翎其辦理善後尤爲出力之和闕阿奇木

平定回疆勦擒逆裔方略卷七十七 文

二等台吉伊斯瑪依爾著賞給頭等台吉葉爾羌阿奇木阿布都爾滿之子二等侍衛阿滿愛孜斯著賞給頭等侍衛喀什噶爾四品伊什罕伯克托胡達呢雜爾著賞給三品頂帶喀什噶爾六品頂翎回子阿比皮呢雅斯卜色蘇布爾格均著賞給五品頂翎喀什噶爾五品哈資伯克邁爾哈斯木著賞戴花翎沙雅爾六品哈資伯克阿哈伯克著

賞給五品頂翎葉爾羌五品伯克阿布都開列木六品伯克愛孜斯均著賞戴藍翎奇里克愛曼三品頂翎布魯特比托依莫特著賞給二品頂帶冲巴噶什愛曼五品頂翎布魯特比托胡達伯克著賞給四品頂帶巴斯奇斯愛曼六品頂翎布魯特比達爾瓦什著賞給五品頂翎以示獎勵

那彥成等疏奏玩忽奏定章程之大臣將弁請予懲處

平定回疆勦擒逆裔方略卷七十七 九

上諭內閣曰英吉沙爾城守管遊擊張作友於拔達克山夷人入卡貿易誤認爲布魯特且僅撥兵一名押送並未遵照奏定章程辦理殊屬玩忽著降爲守備卡倫外委治沛章著降爲馬兵領隊大臣多隆武失於覺察著交部於任滿回京後議處該城四品阿奇木邁瑪特瑪哈素特著撤回與喀

什噶爾四品伯克斯底克對調以示懲儆

勅定挑補伯克限制

那彥成等又奏言_臣等查向來伯克大概挑用黑帽回子居多現在各城所用伯克均係黑帽回子而各城白帽回子歷久相安至回子阿渾向不當差亦不挑用伯克而各阿渾有子孫人多者祇有一二人充當阿渾其餘悉聽其便伏

平定回疆勦擒逆裔卷七十七

三

查乾隆年間阿克蘇阿渾阿布都霍普爾率領回眾嬰城拒賊迎戴官兵將軍兆惠具奏給予三品翎頂此次黑帽阿渾奈瑪特等抗節守義其子被害情節尤為可憫新經浩罕送出_臣等謹援照舊案給予三品翎頂另摺具奏至阿渾向來祇戴伊等白布帽將所賞翎頂供奉其家以為

恩榮並不戴用今黑帽阿渾奈瑪特既援案請

賞翎頂其子弟亦照舊聽其自便應請

勅下各城以後無論何項回子當阿渾者祇准念習回子經典教化回眾不准干預公事其阿渾子弟有當差及充當伯克者亦不准再兼阿渾於防微杜漸之道更為周備奏入

平定回疆勦擒逆裔卷七十七

三

上諭內閣曰前據那彥成等奏請將黑帽回子挑補伯克當降旨飭查各城是否向有成例籌議具奏茲據奏稱向來伯克挑補黑帽回子居多白帽回子歷久相安其阿渾向不當差亦不挑用伯克各阿渾子孫人多者祇有一二人充當阿渾其餘或自謀生理或充當伯克均聽其便等語著通諭各城以後無論何項回子當阿渾者祇准念習經典不准干預公事其阿渾子弟有當差及充當伯克

者亦不准再兼阿運以昭限制

喀什噶爾撤局買糧

武隆阿奏言上年克復四城後各城應辦善後

事宜經長齡等奏明設局經理現在善後事宜

一律完竣已經撤局以節糜費其供支留防征

兵及官兵鹽菜馬乾糧料應請歸入道光八年

分奏銷案內造報至糧臺委員移交糧料僅止

卷七十七

三

數百石不敷支放上年秋間長齡奏明派令西

四城阿奇木伯克分頭購買糧料喀什噶爾英

吉沙爾均已全數交運糧臺臣因和闐相距寫

遠運腳過大當飭停運祇由喀什噶爾等城購

買自二月起喀什噶爾採買麵二十二萬五千

一百五十斤葉爾羌採運麵一百一十七萬四

千斤料二千一百四十七石英吉沙爾採運料

三千九百二十石所有糧料價值運腳均照長

齡奏定數目給發咨部覈銷奏入報

聞

勅諭妥辦新疆綢緞

上諭內閣曰向來新疆俸給均由有織造省分派員

撥解甘肅由甘肅轉運各城聞近來所解之緞疋

綵綢往往抽絲減料賞賜外夷不堪服用殊屬不

卷七十七

三

成事體著通諭江南蘇州杭州各織造嗣後撥解

綢緞務當加意經理儻仍前玩視著新疆各大臣

將原解之綢緞奏明駁回原省仍將該省承辦之

人議處決不寬貸

命以伊薩克之子愛瑪特挑

乾清門侍衛



欽定平定回疆勦擒逆裔方略卷之

道光九年春二月丁卯

上請太學行釋奠告功禮

乙亥

伊犁奏查獲逐流寓安集延並嚴定稽察貿易

章程

伊犁將軍德英阿奏贊大臣容安奏言查卡外

平定回疆勦擒逆裔方略卷之六

一

之安集延向准入卡貿易不准逗留前歲逆回

滋事半由安集延勾結煽惑該夷本非卡內土

著每因貿易前來伊犁逗留安家居奇漁利盤

剝兵民及種地回子甚至販積違禁貨物乘哈

薩克進卡貿易之便混迹其間潛通買賣轉相

販運_臣等訪查近年南路查禁嚴密所有外夷

需用茶葉大黃往往由伊犁出卡細茶雜茶私

販卡外者道光五六七等年約計有數十萬至

百餘萬斤之多雖事在例禁以前即此可見該

夷等心計狡黠行蹤詭譎內而盤踞外而勾通

且當張逆未獲以前伊犁流寓之安集延情形

閃爍幾不自安道光八年_臣等遵

旨嚴禁查出安集延囤積茶葉大黃封貯入官並請

將該夷等寄居在十年以外者編入種地回戶

平定回疆勦擒逆裔方略卷之八

一

其願歸該部落者分起押送出卡嗣據該委員

等稟稱此次安集延多係嘉慶二十四五年以

後陸續前來伊犁本不以耕種為業從前專恃

興販茶葉大黃為利藪現查寄居十年以外者

人數本屬無多亦皆因查禁嚴密無利可圖莫

不呈請願歸卡外_臣等因思該夷等既以斷其

利藪均各願旋歸卡外自應一併押送出卡隨

飭該委員等靜密詳查確數除前經奏明一千二百餘名外續查出二百餘名口共計積年流寓伊犁之安集延回子大小男婦一千四百六十六名口酌加賞資銀兩分起押送出境_臣等復飭取阿奇木伯克等並無容留安集延切實甘結嗣後凡有哈薩克貿易及南路各城請票前來伊犁貿易之安集延每於事竣派委協領等員彈壓稽查按名押送出境不准一名逗留責成阿奇木伯克每月詳查具報出具甘結復責成回務處章京理事同知隨時靜密嚴查按月詳報不得藉此擾累如該章京及阿奇木伯克等徇隱容留不行詳報或有捏飾滋擾查出奏明將逗留潛回之安集延照哈薩克私進開齊例治罪並將容留之阿奇木伯克等及失察

各員並經過之卡倫員弁一併嚴叅懲辦仍於年終由_臣等具奏一次至塔爾巴哈臺所屬各卡倫在在均毗連外夷已咨令該叅贊大臣嚴飭所屬認真鎮靜稽查不准安集延容留卡內奏入

上嘉諭勗勉之

戊寅

飭諭那彥成不應招致外夷部落

那彥成武隆阿奏言浩罕西南有達爾瓦斯部落向與浩罕爲讐人民亦屬強富如將該部落收服亦可鈐制浩罕因密諭伊薩克辦理茲據烏帕拉特卡倫弁兵稟報達爾瓦斯伯克沙伊布拉依木差額爾沁帶同跟役前來聲稱該伯克差來請安遞馬並遞稟帖及給伊薩克信封

當卽派員帶同伯克前往查驗押至城內令伊薩克妥爲照料將所遞帕爾西字稟帖詳譯閱看情詞恭順^臣等當卽傳見該額爾沁沙阿布都拉等據稱伊伯克恭順

天朝多年上年張格爾逃出卡外曾到伊部落意欲借路前赴布噶爾伊伯克未允該逆畏懼折回

後奉揚威將軍檄諭擒獻張格爾業已逃回阿

平定回疆勦擒逆裔卷七六

五

賴今聞各布魯特全行歸順情願與

天朝出力求爲代奏並稱行至阿賴地方浩罕差人

攔阻該額爾沁等放槍拒敵等語^臣等當卽回

賞元寶綢緞茶葉等物並諭帖一張照例筵宴

令原帶之將備伯克等照料出卡查達爾瓦斯

部落人民強富向爲浩罕勁敵並探聞浩罕之

西烏勒特派部落其西北之哈薩克因

天朝不理浩罕羣起攻劫所以該夷前此所差之人極其恭順今達爾瓦斯又復傾心歸順是其西南又添一讐敵該夷更不敢輕離巢穴並據額爾沁私向伊薩克告知如果

天朝動兵浩罕斷不能支伊伯克情願帶領全部人馬出力^臣等以該外夷交相攜貳未始非中國

之利該夷不過希冀中國勦滅浩罕坐收其地

平定回疆勦擒逆裔卷七六

六

^臣等因未便識破諭以靜聽浩罕與別部落讐

殺讐敢輕離巢穴爾部落正可乘機深入

天朝果有用爾部落之時再差人諭知仍好爲撫慰

聽其自相疑忌至此時該部落懇求內附無論

其是何居心總須待以至誠擬照現議酌賞布

魯特歲俸章程一體辦理以示羈縻再據伊薩

克稟稱達爾瓦斯伯克沙伊布拉依木既懇內

附擬遣伊弟進貢少盡誠心並瞻仰

天朝富庶臣當令伊薩克傳諭該額爾沁爾伯克意

欲遣弟進貢具見爾伯克忠誠當即據情代奏

如

大皇帝垂念爾部落距京寫遠不忍爾等跋涉亦未

可知當告爾伯克靜候

諭旨再定行止奏入

平定回疆勦擒逆裔方略卷七

七

上命軍機大臣傳諭那彥成札隆阿額爾古倫伊薩

克日前據那彥成等奏卡外各布魯特愛曼全行

歸順聲明酌賞俸銀俸緞朕卽以其事涉雪昧降

旨令那彥成札隆阿設法停止茲復據奏達爾瓦

斯伯克差額爾沁沙阿布都拉等帶同跟役前來

請安遞馬並呈遞稟帖情詞恭順擬照現議酌賞

布魯特歲俸章程一體辦理邊疆重務全在鎮靜

撫綏卽布魯特等果有誠心歸附者亦祇當就地

羈縻從無酌給歲俸之事達爾瓦斯遠在浩罕西

南若以其向與浩罕爲讐人民亦屬強富遂欲將

該部落招致收服以爲鈴制浩罕之計實屬不成

政體且外夷部落如果蠻觸相爭天朝從不過問

那彥成等所稱該夷希冀中國勦滅浩罕坐收其

地諭以靜聽浩罕輕離巢穴乘機深入俟有用汝

平定回疆勦擒逆裔方略卷七

八

等之時再差人告知一節殊不成話此等外夷貪

黠性成豈肯真心樂爲我用正當開誠布公使知

安分守已何得以此言向其傳說致該夷妄生冀

倖朕命那彥成辦理善後事宜原不應妄圖卡外

之事乃於此處費心饒舌甚可不必所有諭帖內

酌賞達爾瓦斯銀緞給與劄付之處斷不可行著

仍遵前旨設法停止至另片奏達爾瓦斯伯克懇

求瞻觀諭令靜候諭旨再定行止所見尙屬得體
著那彥成等傳諭該伯克差來之額爾德等以爾
伯克情願遣人進貢具見悃誠深堪嘉獎但爾部
落距京寫遠現已奏明大皇帝不忍爾等跋涉無
庸進京如此剴切宣諭該夷等必當感激恩施那
彥成接奉此旨仍著迅速起程限於六月內到京
允申定稽查外夷章程

平定回疆方略卷七十八

九

那彥成武隆阿奏言回疆自開闢以來釐定抽
收外夷入卡稅課不過三十分之一其要總在
稽查出入立法本爲盡善嗣因安集延等盤踞
各城內外勾串其始不過賄囑阿奇木代懇減
免稅課歷任大臣不知大體轉以爲稅爲羈縻
外夷之計日久相沿遂致各外夷入卡貿易者
無不懇求免稅雖酌免多寡不一而陋習相仍

視爲故常甚而從前浩罕貨物進卡該大臣畏
蕙遷就全行免稅該夷因而夜郎自大出卡後
不言懇求優免轉稱喀什噶爾不敢抽收伊部
落稅課而且包攬別部落貨物一律請免從中
漁利侵肥藉此誇耀其情尤爲可惡在稅課無
多原可不計第使外夷罔知

平定回疆方略卷七十八

十

天朝法度於大體殊有關繫當茲立法伊始應請
勅下喀什噶爾葉爾羌烏什各城大臣嗣後外夷販
貨到卡均遵照舊制每三十分抽稅一分無論
何處部落概不准絲毫減免奏入
上諭內閣曰回疆自開闢以來曾經奏定章程外夷
貨物入卡貿易每三十分抽稅一分藉以稽察各
夷出入慎重邊防立法本爲至善乃近年以來各
城大臣往往因外夷懇求免稅卽量准減免且有

全行免稅者殊屬不知大體著通諭喀什噶爾葉爾羌烏什各城大臣嗣後各夷入卡販易務當遵照舊制每三十分抽稅一分無論何處部落概不准絲毫減免如各大臣濫行減免稅課著該參贊大臣據實奏參儻參贊大臣有減免情事著伊犁將軍及各城大臣據實奏參均照違制例交部嚴加議處

那彥成等疏請將被擄投回之兵丁遣犯分別釋回得

旨伊犁錫伯營兵丁達春泰西林泰俱著釋回原營免其治罪不准復挑差使遣犯楊懋修著釋回原籍交地方官嚴加管束

允議酌減防兵不必拘定期限

那彥成等又奏言臣等前奏喀什噶爾英吉沙

爾葉爾羌阿克蘇烏什五城增設防兵六千五百名三年後堪以裁撤二千名五年後再裁二千名欽奉

諭旨會議准行茲地方甫經安定固未便即議裁兵第現在回子安居樂業卡外夷情靜謐大勢已可概見似三年之內裁兵二千名實可先期豫定竊恐後任因循游移以兵多為足恃不肯依限裁撤以致虛糜

帑項因顧內地營制舍本逐末不可不早為籌及臣等會同商酌應請於二年後在喀什噶爾增兵內裁撤一千名阿克蘇烏什兩城增兵內各裁撤五百名由參贊大臣先期咨明陝甘總督於換防時將陝甘緊要營分均勻攤減以實內地營伍再二年後再減二千名屆期仍由參贊

大臣斟酌情形具奏似亦毋庸拘定五年期限
總之撫綏得宜卽如從前兵不爲多而晏然七
十餘年之久如果辦理不善卽一萬餘兵散布
於八城數十萬回衆之內亦屬無益要期因時
制宜庶兵歸實用餉不虛糜於事理方爲盡善
奏入

上諭內閣曰喀什噶爾等五城增設防兵六千五百
名前經軍機大臣等議准三年後酌減二千名五

年後再減二千名屆時由叅贊大臣酌量奏辦茲
據那彥成等奏現在回子安居樂業卡外夷情靜
謐著照所請於二年後在喀什噶爾增兵內裁撤
一千名阿克蘇烏什兩城增兵內各裁撤五百名
由叅贊大臣先期咨明陝甘總督於換防時將陝
甘緊要營分均勻攤減以實內地營伍再二年後

再減二千名屆期仍由叅贊大臣酌量情形具奏
毋庸拘定五年期限

辛巳

伊犁將軍德英阿等疏奏查禁伊犁文武各衙
門陋規章程

上諭內閣曰前據該將軍等奏稱伊犁回戶與南路
各城情形不同尙無需索陋規惟恐或不免有苛
派等弊降旨令詳查明確妥議章程奏明辦理茲
據奏該將軍等到任之初卽嚴飭理事同知暨回
務處章京阿奇木伯克等諭行各回戶如各衙門
有指稱官差需索供應代辦皮張糧料等事准令
該回戶指控得實奏明德辦嗣復將南路各城新
定章程飭令逐條譯寫回子告示在回爾札四城
勒石以垂久遠此外兩城滿洲營錫伯索倫額魯

特察哈爾四部落並理事撫民同知及所屬巡檢
四員屢經督同各領隊大臣伊犁鎮總兵嚴密稽
查委無需索陋規情事所辦甚好嗣後著該將軍
等隨時查禁嚴加防範統於年終確查具奏一次
其新任將軍叅贊大臣無論正署人員均於到任
三箇月後確切查訪如有干犯禁令者立即奏叅
懲處不必待至年終彙奏儻將軍叅贊大臣不能
潔已率下營私貪污及徇庇所屬有犯不舉除將
軍叅贊大臣互相稽查據實奏外並准各該營
領隊大臣單銜密奏各領隊大臣總兵官及同知
章京等有簠簋不飭者著該將軍等即時叅辦勿
稍姑容該將軍等務當遵照奏定章程行之以實
不可日久視為具文致干重咎

丙戌

烏魯木齊都統英惠疏奏覆賊吐魯番承辦軍
需出力人員請加鼓勵

上諭內閣日前因廣音岱會同英惠保列吐魯番承
辦軍需人員過多不無冒濫諭令該都統覆加查
覈秉公裁汰據實具奏茲據復行查明前次單內
有將業已邀恩之員及祇須該大臣存記者一併
列入遵卽秉公分晰裁汰俱無庸特予恩施其另

單保奏始終出力各員加恩著照所請陝西都司
曹天佑著賞換花翎陝西都司于執中守備烏凌
阿俱著交部議敘俸滿筆帖式舒勒亨驍騎校六
順俱著交部從優議敘驍騎校喜善著以應升之
缺卽行升用部分筆帖式拜凌阿著俟俸滿後遇
有驍騎校缺出儘先補用委筆帖式珠勒亨著俟
年滿後卽以驍騎校補用委筆帖式承恩著遇有

部分筆帖式缺出儘先補用陝西千總田貴著儘先升拔未滿經承謀逢源衛占春高迺楊俊均著作為已滿吏仍按著役日期扣滿五年歸部卽選吐魯番回子梅楞章京下尼雅斯蘇捫章京薩木薩克熱依巴海均著賞戴藍翎至賡音岱等前次保奏未能分晰茲已復查更正英惠賡音岱俱著加恩免其議處

平定回疆勦擒逆裔方略卷七十八

七

英惠又奏言烏魯木齊運糧駝隻前經烏里雅蘇臺蒙古王公進駝三千二百隻又該處孳生廠撥駝八百隻又科布多蒙古王公進駝八百三十二隻又蘭州肅州總局撥解協濟駝九千二百三十隻又內地委員因軍火停運改撥托克遜運糧駝二千二隻除沿途倒斃及撥用外通共實收駝一萬四千七百八十七隻前據逆

化州遵照詳定章程將駝隻交給駝夫承領給以雇價如有倒斃扣價賠補迨大功告成糧運停止_臣卽飭鎮巡道轉飭將前項駝隻在承領各駝戶名下如數著追旋有駝戶張殿魁等赴長齡行轅以承領官駝因轉運緊急駝隻易於疲乏倒斃已有十之七八所存無幾無力賠償合詞呈懇經長齡將原呈知照令_臣覈實查辦量予調劑以免苦累當飭鎮巡道詳查妥議據照陝甘總督所議覈銷章程量減請以六分准銷四分著賠_臣以軍需支用浩繁不可不力圖樽節當卽擬以五分准銷五分著賠批飭遵辦去後該道復以該駝戶等均係無力貧民議以四分著賠尙屬竭蹶仍請照前詳覈奏_臣恐該駝戶將駝隻潛藏藉口倒斃隨派員在附近

平定回疆勦擒逆裔方略卷七十八

六

山僻密加搜查實無隱匿情弊覈之陝甘總督
所議托克遜迤西以八分准銷二分著賠之案
尚屬有減無浮應請將烏魯木齊及托克遜實
收到協濟官駝一萬四千七百八十七隻即以
六分准銷四分著賠其自肅州至托克遜沿途
倒斃駝隻應聽陝甘總督覈辦再口內撥來駝
隻每起隨有鞍屐繩索以及鍋帳什物一分據
報到臺之時因係遠道而來本有破爛應請即
飭地方變價所獲價銀咨明陝甘總督劃入應
行找撥軍需項下收支奏入得

旨照所請行

英惠又奏言查前項駝隻現無需用若躡廠收
放徒滋糜費可否將前次烏里雅蘇臺蒙古王
公進駝三千二百隻科布多蒙古王公進駝八

平定回疆勦擒逆裔方略卷七十八

五

百三十二隻如數

賞還各蒙古收回游牧俾資生計其烏里雅蘇臺官
廠曾撥駝八百隻亦請一併飭令如數收回該
處原廠牧放尚餘駝一千八十三隻即飭變價
以省牧放奏入

上諭內閣曰前歲回疆軍興口外轉運糧餉需用駝

隻較多曾經烏里雅蘇臺蒙古王公進駝三千二

平定回疆勦擒逆裔方略卷七十八

三

百隻科布多蒙古王公進駝八百三十二隻該蒙

古等踴躍急公軍需益資迅速洵堪嘉獎現在大

功告成糧運已停據英惠查奏各處按成賠交官

駝共有五千九百一十五隻著加恩於此項駝隻

內照該王公等前次所進之數分別賞還收回游

牧俾資生計即著該處將軍大臣飭令該蒙各派

人前往烏魯木齊自行收領

欽定平定回疆勦擒逆裔方略卷之

道光九年春三月丙申



恩卹被害護衛

理藩院奏言查喀什噶爾等各城被害伯克回

子前經那彥成等查明分別奏請

賜卹並聲明被害金頂以下小回子人數較多擬將

被害金頂回子及因公差遣打仗陣亡之小回

平定回疆勦擒逆裔方略卷之九

子給與金頂世職承襲罔替遇有七品伯克及

額設金頂回子缺出擇其才具明白堪以造就

之人遴選補用其餘被害小回子免其差使查

明人數造冊咨送茲據查報喀什噶爾應襲金

頂回子十九名葉爾羌應襲金頂回子四名英

吉沙爾應襲金頂回子一名和闐應襲金頂回

子十一名烏什應襲金頂回子二名吐魯番應

襲金頂回子一名各城應免差徭回子共二百

九十三名再隨從邁瑪薩依特被害護衛七員

與現任伯克有間應如何給予卹典之處一併

造冊咨請覈辦除被害金頂以下小回子及因

公差遣打仗陣亡之小回子給與金頂世職承

襲罔替遇有七品伯克及額設金頂回子缺出

擇其明白堪以造就之人遴選補用其餘被害

平定回疆勦擒逆裔方略卷之九

小回子免其差使均與原奏相符應令該大臣

欽遵

諭旨辦理外查回疆則例內並無郡王護衛陣亡議

卹專條惟道光八年兵部理藩院會議陣亡回

子伯克帕塔爾隨帶跟役回子邁瑪素皮卹銀

十二兩五錢曾經辦有成案茲查郡王護衛雖

與各城伯克有間如照跟役辦理又無區別請

將被害頭等護衛打爾掛呼圖巴海之子愛里
阿拉打爾掛莫努斯巴海之子特們爾海提普
業羅爾巴海之子邁買沙依提二等護衛依布
拉依木之子阿們爾三等護衛哈底爾之子阿
布都艾里四等護衛阿布都頂之子美爾牙斯
依布拉依木之子阿哈滿提等均賞戴金頂毋
庸襲替仍照跟役回子陣亡之例卹銀各十二
兩五錢移咨該處大臣就近覈給奏入得

平定回疆勦擒逆裔方略卷十九

三

旨隨從回子郡王被害之護衛係邁瑪薩依特典儀
與各城伯克有間亦與跟役回子不同其隨從效
力爲國捐軀情殊可憫愛里阿拉打爾掛特們爾
海提普邁買沙依提阿們爾阿布都艾里美爾牙
斯阿哈滿提各賞戴金頂毋庸襲替外均著格外
加恩卹銀各二十五兩卽由該處大臣就近覈給

庚子

密陳浩罕情形

那彥成武隆阿奏言查卡外各夷經上年大兵
懲創以後如布噶爾拔達克山達爾瓦斯等強
盛部落暨布魯特愛曼先後來歸情詞恭順惟
浩罕容留逆裔及逃亡賊犯被脅之官兵回子
等並未全數送出且歷年來雖通市互易又不
能如別部之恭順自閉關以來該夷已遣人到
城數次臣惟有堅持定見欽遵節次所奉

平定回疆勦擒逆裔方略卷十九

四

諭旨斷不與之通商至該夷實在情形臣等從前亦
不過得自傳聞自去年至今時加訪問並向陸
續送出之兵民回子阿渾等訊悉向來傳說浩
罕地方富強所屬八城今該兵回等親歷其地
所謂八城不過八大回莊並無城池共養兵一

千餘名號稱三千其西界烏勒特派南界達爾
瓦斯喀拉提錦北界哈薩克東界卡外各布魯
特游牧其地南北七百餘里東西六百餘里其
間空闊處尚有戈壁每歲徵賦多則六七萬亦
號稱十三四萬惟藉買賣抽稅強取豪佔尙可
敷衍近因不准通商用度不支加倍培刻所屬
人戶無不人人愁怨又聞卡內回子裁禁陋規
賦役更輕莫不延頸向慕視爲樂土而現界浩
罕之烏勒特派是其讐敵每年總有兩三次打
仗近日布噶爾已准在葉爾羌通商又以其剋
扣金錢亦成讐隙常被哈薩克搶擄達爾瓦斯
喀拉提錦日日在旁虎視今達爾瓦斯喀拉提
錦先後歸命

天朝哈薩克游牧久著恭順各布魯特愛曼悉受羈

平定回疆勦擒逆裔方略卷十九 五

糜該夷以彈丸黑子之區方救亡之不服萬不
能妄生他念且從前浩罕所恃以勾結卡內之
白帽回子者以張逆爲餌上年張逆滋事縱令
安集延等大肆荼毒回衆寒心况仰仗
天威逆酋授首該夷益無所施其伎倆目下所居奇
者不過逆裔家屬_臣等亦惟遵

旨處以安靜不必一定勒令縛獻然張逆之子布素
魯克雖未成丁將來日久難保不又滋事端_臣
等惟當盡心竭力設法辦理以清後患至浩罕
以葭爾之地據兵民回子各供年年與烏勒特
派打仗所號稱兵者不過三千人每遇出兵時
在各莊湊集多人驅之使戰人馬全係自備口
糧不過十日往往以糧盡而散並聞上年張逆
圍困喀什噶爾時邀其進卡該夷聞援兵未到

平定回疆勦擒逆裔方略卷十九

帶領四五千人助逆攻城張逆妄言官兵槍箭
無用不能傷人及至接仗被官兵打退死者八
百餘人傷者不計其數而自離巢穴鄰界旋即
行劫又因口糧罄盡俱各紛紛散歸是該夷業
已喪膽斷不能輕離巢穴情勢確然至現在投
出之額提格訥布魯特愛曼從前原係我之臣
屬被浩罕裹脅茲因浩罕苦累歲暮來歸_臣等
前奏所指與特依劣克達巴罕游牧地方距卡
約有千里原係該愛曼舊時游牧居住已久前
曾派人密訪實爲安靜茲奉

平定回疆勦擒逆裔方略卷十九

七

諭旨賞該比阿里瑪卡二品翎頂該比自益知感激
復查各愛曼布魯特之與浩罕本非同類又無
統屬強則相並弱則相離今額提格訥雖全部
來歸仍處以卡外地方其夷人與夷人縱有讐

殺之事向俱不相告稟惟當遵

旨嚴守卡倫聽其自爲浩罕貪利無恥現在不准通
商亦必鼠竊狗偷私自賄囑附近各布魯特代
爲混迹銷貨惟有嚴飭各卡倫加緊稽查並飭
知各布魯特如有該夷販貨之人立時稟報卽
將私販之貨全行賞給此外尙有重賞儻扶同
混迹必當重治其罪使其互相疑貳亦屬有益

平定回疆勦擒逆裔方略卷十九

八

再_臣武隆阿從前在喀什噶爾參贊任內據伊
斯罕達爾所稟浩罕情形盛稱其人民強富旋
因浩罕遣使來城密令委員詳加盤問的確復
向伊斯罕達爾究詰始據稱自乾隆年間歷任
阿奇木往往張大其詞總爲該夷貿易入卡藉
圖免稅阿奇木等爲之關說就中取利其實浩
罕不過入大回莊一切兵刑錢穀等事漫無紀

律斷不能爲我邊患等語此次到喀什噶爾以
後會向伊薩克面詢據伊薩克所稟情形與伊
斯罕達爾所言相同並稱從前浩罕伯克愛哩
木在時辦事尙屬明白能籠絡布魯特現在浩
罕伯克邁瑪達里頑劣無知聽信明巴什管事
苦累附屬之布魯特以致各布魯特搆貳大者
情願歸誠小者亦各走散臣等節次所奏浩罕
削弱不振俱係實在情形堪以仰慰

平定回疆勦擒逆裔卷十九
九

聖懷

那彥成等又奏言據守卡營員稟報有浩罕投
回喀什噶爾回子木薩阿布拉漢民喬起勤劉
秉和劉秉祥派兵押送到城訊據木薩供係喀
什噶爾回子向在浩罕營生伊兄塔迪里克會
隨張格爾得過六品伯克大兵到來隨同逃往

浩罕上年接奉

欽差諭帖免罪卽欲投回又奉阿奇木的諭令設法
擒獻布素魯克出力贖罪先前浩罕明巴什將
布素魯克收在浩罕附近地方嚴密看守近日
浩罕伯克派人與烏勒特派打仗無人看管已
將布素魯克交張格爾妻父在喀訥克斯莊居
住離浩罕六七十里路有喀什噶爾回子阿布
都拉是張格爾心腹在彼照管伊兄與阿布都
拉亦甚相好就孥了茶葉食物前去探望布素
魯克母子見面不避連去數次木薩亦會同去
見布素魯克今年八歲尙未出花阿布都拉許
以重賞亦願將布素魯克設計誘出以贖其罪
必得贖一條僻徑道路以便將來行走迅速因
置辦貨物祇說進卡求通貿易找了路徑最熟

平定回疆勦擒逆裔卷十九
十

的布魯特張哈拉什帶路前來面稟報效真情
求將所帶貨物交阿奇木封貯討限兩月或三
四十天即能得手現在浩罕的滿漢兵丁漢民
伊兄都要設法送出已查明人數另稟開呈此
次帶來漢民喬起勤等與伊兄同在安集延莊
上居住曾抱經起誓並密商要辦布素魯克之
意喬起勤等亦勸伊兄速辦此事不但免罪還
可得功是以先帶伊等三人投回詢之阿布拉
供亦相同臣等即親提漢民喬起勤等隔別研
訊均係被難逃往浩罕並無從逆被脅情事並
供布素魯克現在伊外祖家居住不似從前仿
範嚴密塔迪里克人甚老練其心存捨獻布素
魯克希圖免罪邀功令伊弟木薩假作貿易進
卡稟報各情與木薩供詞臣等體察情形

平定回疆勦擒逆裔卷七九

十一

塔迪里克係從逆之人或希圖免罪儘可遵諭
投回何必爲此虛假之詞設不應手轉自絕其
投回之路况其家屬貨物全在喀什噶爾似無
虛詐質之漢民喬起勤等又堅稱塔迪里克密
辦此事確有把握詢之伊薩克亦稱上年諭安
集延密辦此事經塔迪里克聞知自願以此事
報效伊薩克即發給諭帖令辦今譯出塔迪里
克所遞伊薩克稟內查明浩罕現在滿漢兵丁
民人違犯數目甚爲懂事似其立功贖罪之心
尙屬可信復提木薩阿布拉而諭如果能將布
素魯克生擒縛送必當奏懇
大皇帝天恩
賞給塔迪里克二品頂翎補授三品伯克阿布拉
及爾等二人請

平定回疆勦擒逆裔卷七九

十一

賞三品頂翎補授四品伯克仍各賞元寶一百箇給

子印諭令其馳回於二月初一日出卡如能乘

此機會弋獲實可永除兇孽但端倪甫見固未

敢信其必成而僉供確鑿亦未便視為無稽惟

有靜待事機約計三月望間即可得信臣那彥

成不得不暫緩起程藉將卡內外一切事宜復

加斟酌以期詳盡無遺均奏入

平定回疆勦擒逆裔方略卷七十九

七

命軍機大臣傳諭那彥成並諭札隆阿額爾古倫

伊薩克日浩罕以蕞爾之區近復翦其羽翼日就

削弱不致為我邊患因屬甚善然當處以鎮靜聽

其自斃斷不可喜事邀功別滋弊端惟該吏貪利

無恥現因嚴立章程不准通市未必不賄囑附近

各布魯特影射貿易該大臣等惟當嚴飭各卡倫

及經理貿易之官弁伯克等嚴密稽查勿致墮其

術中轉為羣夷所竊笑至所奏飭知各布魯特如

有該夷販貨之人及時稟報即將私販貨物全行

賞給此外尚有重賞一節行之恐有流弊若布魯

特貪圖重賞輒將他夷貨物指為浩罕私販豈不

又生邊釁尙當悉心妥酌務期嚴絕偷漏不致日

久滋弊方為至善現據投回漢民回子供稱從逆

回子塔迪里克能將張逆之子布素魯克設法縛

平定回疆勦擒逆裔方略卷七十九

十四

獻若能如此辦理自可贖其前罪儻不能如其所

言亦不必刻意求獲即謂可以永除孽萌也

續獲從逆逸匪

那彥成等又奏言據庫爾班協同推依博特夷

使素爾莽素續獲從逆逸匪及被脅逃出回子

邱魯克等十名押解至葉爾羌臣札隆阿親提

研訊據邱魯克多斯薩比爾沙米爾雜四犯僉

供認從逆攻城戕害官兵屬寶庫爾班推米爾
柔則等三名被賊脅從尙無抗拒官兵重情牙
和普米爾雜巴依巴拉特等三名均係布噶爾
回子並未被害入夥奏請分別辦理至推依博
特頭目上次截擊逸犯派人協解進卡茲又復
截擊餘匪十名並派小頭目協同護解前來其
恭順實出至誠自應優加獎賞並據該夷使面
稟探聞臣那彥成尙駐喀什噶爾欲求謁見當
即派員護送前來傳見慰勞賞給該頭目敦諾
普納莫札爾大緞四疋江綢四套元寶四錠副
茶四封交令齋回並賞該夷使素爾莽素大緞
二卷江綢二套元寶二錠副茶二封該夷使伏
地叩頭感激之忱形於詞色因該夷使順帶貨
物前來貿易當令委員卽日送回葉爾羌俟貿

易事畢查明奏定章程令原派將備伯克等押
送出卡以符定制奏入

上諭內閣曰那彥成等奏葉爾羌六品頂翎回子庫
爾班在推依博特地方協同該夷使素爾莽素續
獲從逆逸匪及被害逃出各犯訊明分別辦理所
有前經隨賊攻城戕害官兵之邱魯克多斯薩比
爾沙米爾雜巴四犯均著卽行正法其庫爾班推米
爾柔則三犯俱係被害同行並無抗拒官兵情事
著發往伊犁錫伯索倫等營給官兵爲奴牙和普
米爾雜巴依巴拉特三名均係布噶爾回子前在
卡內貿易因賊匪搶掠逃出卡倫並未被害入夥
著給票遣令出卡卽回本處餘著照所議辦理
那彥成疏奏烏什辦工出力人員請分別鼓勵
得

青烏什印房章京刑部主事德克崇額准以直隸州

知州歸部儘先選用涼州都司仇懷瑾著賞加遊

擊銜甘州藍翎都司馬奉三賞換花翎古城佐領

瑪勒洪阿賞戴藍翎涼州守備成其祥著以應升

之缺儘先升用筆帖式色布什新托雲布阿坤布

從九品孫如林未入流襲海俱交部從優議敘書

吏張彪李堃著以從九品未入流籤掣給照俟著

平定國勳務總局卷十九

七

役五年後再留二年期滿照九年已滿吏遇缺卽

選董居正著以未入流籤掣給照歸部選用以示

獎勵

丙午

恩免銷賠駝馬

陝甘總督楊遇春奏言此次回疆軍興四川山

東並陝甘滿漢各營官兵原領騎駝馬駝與東

三省官兵同時進剿戈壁重重水草缺乏當進

征之時已多徒步連克四城時逾半載其馬匹

受傷倒斃亦與東三省官兵騎駝馬匹情形相

同若令照例銷賠兵力未免拮据應懇

恩准一律免賠以示體恤奏入

上諭內閣曰前歲回疆辦理軍務東三省等處官兵

應賠原領馬匹曾經長齡奏准寬免茲楊遇春查

平定國勳務總局卷十九

六

明四川山東並陝甘滿漢各營官兵前此遠征著

續與東三省事同一例原領騎駝馬匹因站多戈

壁並無水草以致受傷倒斃係屬實在情形若令

照例銷賠兵力未免拮据著照所請加恩准其一

律免賠以示體恤

己酉

裁撤軍需總局

甘肅布政使顏伯燾奏言查此次軍需節次請撥銀兩除撥解大營暨口外各城外蘭州總局應請銷銀三百一十七萬三千二百零內進征七十案請銷銀二百四十一萬八千六百四十九兩零連現辦凱撤十五案統共請銷銀三百一十五萬六千五百九十四兩零餘銀一萬六千四百七兩零應同各州縣具報例內例外墊支各款統歸尾案收支造報再局中委員書吏不下百餘人公費口食需用浩繁前經奏明一俟凱撤事宜辦竣即將報銷局改爲報銷登覆所以節糜費茲查進征凱撤各案已於二月初一日造報全完辦理尾案無須多人於三月初一日即將總局裁撤至大營後起留駐防兵前經那彥成奏明自道光八年秋季起分作三季換防

茲本年春季派防官弁甫經起程該留駐官兵回營尙需時日應俟全數供支撤竣報銷到日歸於尾案同哈密大營各案均責成登覆所委員接辦奏入報

聞

欽定平定回疆勦擒逆裔方略卷八十一

道光九年春三月庚戌

恩敘軍需局員

陝甘總督楊遇春陝西巡撫鄂山奏言此次軍

興設立蘭州肅州總局節經臣鄂山先後遴委

各員或辦糧務或辦文案無不勤勞奮勉嗣大

功告蕪接辦報銷復能竭力認真迅速妥協謹

平定回疆勦擒逆裔方略卷八十一

將在局人員等分別確覈懇

恩准予鼓勵再布政使顏伯燾承辦軍務綜覈報銷

精細嚴明按察使薩迎阿蘭州道程喬采校覈

冊籍不厭煩苛均能不辭勞瘁該藩司臬司均

係大員不敢仰邀

恩敘蘭州道程喬采自入局承辦凱撤兵差籌畫妥

善嗣委護解張逆照料周密可否懇

恩賞戴花翎以示獎勵奏入

上諭內閣曰此次甘肅省辦理軍需報銷蘭肅兩局

進征各案業經全行具題其凱撤各案現已辦理

完竣據楊遇春等將出力各員分別懇請鼓勵甘

肅布政使顏伯燾按察使薩迎阿俱著加恩交部

從優議敘蘭州道程喬采著賞戴花翎陝西孝義

同知雲麟著先換知府頂帶記名遇有知府缺出

平定回疆勦擒逆裔方略卷八十一

請旨簡放陝西卽補同知直隸州寧羌州知州諸

能定著賞戴花翎候選知縣戴凝之該督等請免

選本班歸部以同知直隸州遇缺卽選未免過優

著俟補缺後以同知直隸州不論雙單月遇缺卽

補候選布政司理問錢崑秀著免選本班留於甘

肅以應升之知州卽補仍責令辦理登覆事務候

選州同葉紹棠著俟服闋後免選本班歸部以應

升之知州不論雙單月卽選陝西卽補直隸州
 判胡興仁前任陝西畧陽縣縣丞陳明申陝西卽
 補縣丞董淦均著仍留陝西免補本班以知縣遇
 缺卽補候選府經歷朱清標著免選本班歸部以
 知縣不論雙單月卽選主簿王廷芝著免選本班
 留於甘肅以府經歷縣丞卽補責令辦理登覆事
 務卽補府經歷縣丞明維榮升用府經歷縣丞鄭
 旋吉均著免補本班以知縣升用書吏候選未入
 流賈良材著以主簿歸部卽選劉慎紀石振家翟
 四維吳耀祖王振邦陳五瑞均著以從九品歸部
 卽選候選主簿任應祥著以縣丞歸部不論雙單
 月卽選候選從九品程銘義候選未入流陳元善
 宋友恭均著照各原官歸部不論雙單月儘先選
 用候選州吏目趙從儉卽選未入流張士奇均著

以府經歷縣丞歸部不論雙單月卽選候選州吏
 目蘇盛春卽選未入流趙鼎仁蘇延齡吳振聲田
 得潤梁自誠金殿元候選未入流任天祥均著以
 各本銜應升之缺歸部卽選候選州吏目尤俊儀
 候選從九品任彥博考職未入流龐益公俱著以
 各原官留於甘肅卽補責令辦理登覆事務報銷
 局書吏里清張義勝田凌雲康泰劉斌駱聰麟線
 建禮周文清楊登第均著以未入流歸部卽選

勅諭撫馭外夷條款
 乙卯

那彥成等奏言卡外各愛曼布魯特向爲邊境
 藩籬急宜撫綏以資聯絡惟此時禁絕浩罕賢
 易而卡外各部落及布魯特愛曼豈能皆知大
 體未必不爲安集延代銷貨物希圖漁利且各

愛曼向不相屬儼威趨利驚慄

天朝非有從前巴彥巴圖之妄殺無辜亦斷不至生

事今自張逆授首回疆平定正當結以厚恩畏

以嚴法不可少示遷就亦不可過事苛刻查近

卡各布魯特劫掠搶奪事所常有從無稟告此

時遠近各布魯特紛紛歸順均係出自誠心並

無勉強卽向爲浩罕所脅部落畏累徙居仍在

平定回疆勦擒逆裔卷八十

五

卡外地面縱有讐殺之事亦與內地毫無干涉

浩罕祇有詭譎伎倆力不能興兵遠出然不明

示以

天朝體制恐無知之布魯特心存內附自肇釁端且

各愛曼擄掠爲生交相殘賊亦所不免應遵

旨出示曉諭不特該外夷彼此構怨無庸過問卽遇

有搶掠劫奪等事亦不准入卡稟告庶有事不

致稍生歛望再布魯特由近及遠齊心向化察

其情詞實無虛假現又奏請

賞給頂翎並優予歲俸緞布等物該夷自無二心惟

向爲浩罕所脅之額提格訥此次歸命投誠仍

隨時體察結以恩信使之自安生計則人心愈

臻固結可期經久無弊再查布魯特各愛曼強

弱不同並無統率故其勢分而斷不能合向所

平定回疆勦擒逆裔卷八十

六

稱歸附浩罕者因布魯特不務耕種所需糧食

非仰給於卡內卽取資於浩罕此外別無產糧

之區如在浩罕交易年久卽爲該夷所脅任意

需索驅使惟命是布魯特本非浩罕所屬之人

豈能堪其擾累今各愛曼視

天朝爲樂土固未可因其來歸特加優待亦不可麾

之使去轉與浩罕相結惟當持平撫馭一視同

仁在浩罕增一營敵卡外卽多一藩離於疆國
益爲有裨至外夷恭順各部落有需內地茶葉
大黃貨物勢難長久閉關現已奏准通商惟浩
罕必當嚴行禁絕方可制其生命第浩罕之安
集延專以貿易爲生舍此別無恒業難保其不
依附外夷名下販貨漁利若爲其朦混誠如

聖諭不特查禁有名無實且爲該夷所竊笑查自上

平定回疆勦擒逆裔卷十

七

年弛禁以來各夷來卡貿易並無安集延混跡
其中亦無浩罕素所興販貨物事屬可信惟日
久弊生不可不豫爲防範嗣後各外夷入卡留
易必先辨其來人之誠偽究其貨物出產之區
責令各城阿奇木細心密訪如查有安集延私
貨卽行入官究其販貨之安集延從嚴懲辦其
攜帶安集延貨物之夷人照例治罪永不准入

卡貿易至布魯特入卡祇准販賣羊馬易換糧
布如有別項貨物卽係安集延私貨查明確係
轉賣代銷概行入官照例治罪亦永遠不准入
卡通商以杜冒混再夷商人卡貿易派委官弁
伯克押帶稽察原爲禁絕外夷不准勾結內地
回子起見第恐日久懈弛有名無實任其逗留
又蹈安集延盤踞各城故轍嗣後無論貿易各
外夷及布魯特販羊入卡總由坐卡員弁稟報
分別派令官兵點驗事竣押送出卡如有偷漏
查出將原派官兵科以軍律逗留卡內之夷人
押逐出卡其寄居十年以外未經驅逐之安集
延奏明祇准種地不准貿易應責令稍達噶爾
回子隨時稽查如外夷入卡貿易之時有安集
延混跡在內易換貨物將稍達噶爾回子及管

平定回疆勦擒逆裔卷十

八

帶商回之伯克從重究處再浩罕所需內地茶葉恐布魯特貪利買販接濟惟浩罕向用雜茶布魯特向用副茶嗣後布魯特易換糧布出卡購買食茶每人不得過一斤並不許賣給雜茶守卡營員查驗放行如敢夾帶私茶卽行入官治罪再浩罕從前撫養張逆煽惑漁利此次暗中助逆坐收財物現又收留布素魯克以爲異日斂錢之計其情可惡是以屢奉諭旨禁絕該夷入卡通商制其生命計數年之間立就窮蹙必首先緝獻逆屬叩關納款天朝寬大之恩不爲已甚維時自當奏懇聖恩網開一面但該夷從前遣人呈遞表文該伯克名字用泥金書寫謬妄狂悖參贊大臣代爲易換呈進以致該伯克妄自尊大來使謁見參贊

傲不爲禮且包攬別部落貨物概求免稅種種惡習不可悉數惟當嚴定章程務令該伯克照屬國稱謂不准將該伯克名字用泥金書寫來使謁見參贊大臣與卡內伯克見參贊禮同所帶貨物照舊制一律抽稅絲毫不准減免如能逐一遵照再行據實奏明請旨定奪不可任其含糊答應卽行通市以致該夷復萌故智奏人上命軍機大臣傳諭札隆阿額爾古倫曰據那彥成等奏撫馭投誠外夷嚴防通商影射章程朕詳加披閱如曉諭布魯特有互相爭奪之事不得借稟求援一款外夷蠻觸相爭天朝從不過問自應將前降諭旨宣示遠近各布魯特庶免稍生倖冀又撫馭歸順各布魯特及相機控制二款前據那彥

成奏稱卡外各愛曼由近及遠齊心向化請賞頂翎並優予歲俸緞布等物發給劄付當經降旨飭卽設法停止至結以恩信示以大方使之自安生計自是羈縻外夷之道布魯特大羊成性固不必招之使來亦不必麾之使去其有慕化歸附者祇當善爲撫馭一視同仁以資控制作我藩籬著札隆阿等體察情形隨時妥辦又嚴查浩罕影射貿易及布魯特爲安集延包攬代銷二款嗣後各夷入卡貿易責令各城阿奇木伯克細心密訪究其來歷如查有安集延影射貨物卽行入官將該商販及攜帶之夷人從嚴究辦照例治罪布魯特祇准入卡販賣羊馬易換糧布如有別項貨物卽恐代人銷售務當詳查確實照例懲辦不准入卡通市又稽查貿易出入人數及私販接濟浩罕二

款嗣後無論他夷及布魯特總由坐卡官員稟報分別派令官兵點明人數進卡事畢押送出卡如有疎漏將原派官兵科以軍律懲辦逗留卡內之夷人押送出卡其前此寄居日久未經驅逐之安集延祇准種地不准貿易如有混跡易換貨物者卽將稍達噶爾回子及管帶商回之伯克從重究處布魯特赴官購茶不得過一斤如有敢夾帶私茶出卡者卽行入官照例治罪仍通咨臨卡各城凡遇布魯特入卡貿易均不准逾額易茶並不准夾帶雜茶以杜接濟之弊以上各款務當實力奉行不得有名無實日久懈弛至禁絕浩罕俟其恭順仍准通商一款可以勿論浩罕伯克泥金書名妄自尊大此等大羊之性其恭順與否亦何足與之較量此時旣嚴定章程禁絕貿易自當認真查

察勿使影射覬覦令其窮蹙自斃若因其恭順卽
許通商其誠僞又豈能遽辨此一條著無庸置議
夏四月己巳

覈議禁約回戶商民條款

那彥成等奏言查回疆地近外夷向來愚民多
犯法而不知兵民伯克人等恃強倚勢任意欺
凌無可訴告今疆圉重安回情漸化當明立科

平定回疆勦擒逆裔方略卷八十

十三

條使回衆遷善遠罪其兵民伯克等有欺虐回
子致令隱忍難堪者亦各予以嚴懲俾人人皆
知畏法所有應行禁革各條如回疆各營需用
硝磺向令回子採辦交納並不查禁私礦私硝
前年收復葉爾羌搜獲火藥七十餘缸明係採
辦交官時私行藏匿嗣後應查明產礦處所派
令巡防遇採辦之時專委營員督率不准偷漏

隱匿其硝斤祇准回子掃取硝土交官各營自
爲煎熬如有私採私熬查獲到案將該回子照
例治罪並治該管伯克以失察之咎又西四城

當用兵之後遺棄軍械甚多業據節次呈繳但

恐愚回無知未能收繳淨盡應並予限三箇月

責成各城阿奇木逐戶搜查呈繳貯庫嗣後如

查有私藏軍械及私造烏槍軍器者照例治罪

平定回疆勦擒逆裔方略卷八十

十四

並治該管伯克以失察之咎又回疆產銅不旺
不能加卯鼓鑄以每年額鑄錢數計之如無私
鑄情事則逐年增多錢布日見充裕現又添鑄
當十錢文行使更臻便利錢背已鑄明年分以
杜官收減鑄之弊恐商回私鑄私鑄於錢法仍
屬無益嗣後應責成各城臺市營員並阿奇木
嚴密訪查如有私鑄私鑄照例究辦又回俗阿

渾爲掌教之人必須慎選得人常以正言教導俾回衆皆趨於正不敢相習爲非但近年以來均係阿奇木徇情舉充以致阿渾任意剝削無所不至尤爲隱患嗣後應責令阿奇木遇有阿渾缺出由各莊伯克回子查明通達經典誠實公正之人公保出結由該阿奇木稟明各大臣點充伯克人等不准徇私濫保如有不知經典化導無方刻剝回戶者卽行懲革將原舉之阿奇木伯克等一併叅辦又各城回子出境或貿易營生或奉公差遣或出外傭工向俱報由阿奇木呈請本城大臣給予路票將年貌及因何事赴何城何目前往酌量地方遠近限定日分晰註明沿途臺卡照驗放行一面咨明各城大臣查照到日繳銷路票交阿奇木登記冊檔

隨時稽查回時卽在該大臣衙門請領回票查明年貌定以限期各行原城查考如係貿易傭工不能卽時回歸者各城於年終查明彙咨各回子原籍設有抗欠賦役情事以憑咨提儘領票在途逗留日久查明窩留之人究辦或並未領票任意往來訪獲到案將該回子從重治罪其無票出卡者卽照私越開齊例治罪自克復四城之後各城均已一律辦理第恐日久生懈嗣後應責成各城阿奇木及該管伯克實力奉行如臺卡員弁查有無票回子立卽報明本城嚴辦並將該管伯克及溫巴什玉子巴什等分別懲處又回疆灌溉農田全資水渠之利向來阿奇木及大小伯克等引水自便輒將去路阻遏以致下游回地歉收窮回受累嗣後大小伯

克耕種地畝仍敢佔據水利一經告發卽行查明懲辦又回疆大小伯克向有姦佔回子婦女惡習實屬淫靡無恥應嚴行示禁不得恃勢逼勒如有仍前強佔強娶情事一經告發從嚴治罪又各城流寓十年以外安集延暫准居住若任其與回子婚配則生齒日繁永無驅逐淨盡之期嗣後應將流寓安集延夷人戶口令阿奇木督同專管伯克按月編查將增減人數具報駐劄該大臣查考如將所生子女與回子結親婚娶照例離異仍治回子以違例之罪安集延驅逐出卡如有匿報朦混該管伯克及阿奇木分別懲處又回疆各城向有卡外拔達克山等外夷販賣人口與回子爲奴名爲噶爾察各城皆有而葉爾羌爲最多卡內窮回亦間有將人

口賣給外夷者嗣後應嚴行查禁卡內回子永不准將子女與外夷互相售賣如查有私買私賣情事將該回子及該管伯克守卡弁兵分別懲辦又各城另立專城祇有官員兵丁居住嗣後應嚴飭阿奇木伯克等通行曉諭不准回婦入城儻敢違犯本城大臣查明將城守營及阿奇木均嚴加議處招引回婦進城之官員兵丁照軍法治罪又向來兵丁任意出入回莊不加禁約以致姦宿回婦欺凌回子嗣後滿漢兵丁或在城差操或分駐卡堡汎地如有潛赴回莊淫蕩者准伯克回子縛送該城加重治罪並治該管官以約束不嚴之咎又營馬出青祇准於水草茂盛之處牧放不得踐食禾稼向來兵丁恃強任意牧馬踐蹋回田每多隱忍難堪嗣後

應行嚴禁如仍敢踐食田禾任意牧放或經告發或該管營員查出照律嚴辦又向來各城防兵及游手漢民多霸佔回子果園瓜地回子不敢與較嗣後應行示禁如有仍前強霸兵民一經告發從嚴究辦又內地商民向在各城放債重利盤剝窮回嗣後示諭商民祇准三分取息不准將房地賤價抵欠如有仍前盤剝查明照例治罪又內地漢民赴回疆覓食傭工向無稽考難保無內地逃犯混跡其中嗣後詳查內地漢民前赴回疆如無原籍印票註明年貌執業或人票不符者即行遞解回籍回戶私自容留一體治罪又內地無業漢回混跡回疆藉稱同教聘娶回婦煽惑愚回多方教誘並有充當阿渾之人現已奏明嚴定科條嗣後如有內地漢

回赴回疆貿易傭工者均令在原籍請票出關註明年貌執業照驗行抵各城繳票註冊回日請票進關有所稽考如查有擅娶回婦之人即照新例治罪奏人

上命軍機大臣傳諭札隆阿額爾古倫伊薩克日據那彥成奏回疆兵民商回有干例禁應行出示永禁各條朕詳加披閱內如責成各城阿奇木逐戶搜查私藏私造軍械鳥槍一條徒多擾累嚴禁阿奇木伯克及眾伯克姦佔淫靡一條徒增案牘之煩嚴禁回子與外夷私買私賣人口一條亦非備邊急務此三條著毋庸置議其餘查禁私積私銷嚴防私燬私鑄稽查各城回子出卡與外夷勾結禁止大小伯克佔據水利稽查暫准居住卡內之安集延每月增減人數不准與回子聯姻嚴禁招

引回婦私人滿城飭禁牧放營馬踐食回子田禾	禁止商民重利盤剝窮回及稽察內地漢回出關	充當阿渾擅娶回婦各條所議俱是又慎選回子	阿渾嚴禁兵丁私人回莊游蕩及防兵漢民霸佔	回子園地稽察內地漢民私赴回疆各條所議俱	好著照所請交札隆阿等譯寫簡明告示通行曉	諭城莊回戶商民等務令周知並咨行回疆各城	一體出示徧行曉諭如有干犯均卽據實究辦勿	得視為具文	申諭撤銷布魯特劄付嚴禁浩罕通商	那彥成奏言前奏擬酌給卡外各愛曼布魯特	歲俸以示羈縻茲蒙	聖謨指示	誥誠嚴明實深惶悚至擬賞之布魯特四十三人除
---------------------	---------------------	---------------------	---------------------	---------------------	---------------------	---------------------	---------------------	-------	-----------------	--------------------	----------	------	----------------------

乾隆年間得有翎頂其子孫世及者十七人此	次軍營出力經各大員獎賞翎頂者十六人外	其餘如額提格訥之阿里瑪卡等五名蘇蘭奇	之族人拜莫拉特等二名又辦理善後出力之	托依莫特等三名均係節次奏奉	諭旨賞還翎頂量功	加賞有案前請給各愛曼劄付原擬俟奉到	批迴之日給領此時並未發給現將劄付交代札隆	阿暫存備查俟奉到	批迴之後再行查銷	那彥成又奏言 <small>臣</small> 奉	命辦理回疆八城善後事宜計先後奏事一百四十	餘件除循例公事外其有關興利除弊	國計邊防及整飭官兵撫綏回衆控制外夷者共
--------------------	--------------------	--------------------	--------------------	---------------	----------	-------------------	----------------------	----------	----------	---------------------------	----------------------	-----------------	---------------------

八十餘件茲將應辦一切事宜向札隆阿詳悉交代俾得鉅細周知遇事期有把握至浩罕不與通商實爲操縱扼要之良策臣體察情形該夷生計日蹙不久必叩關效順如果將內地兵民及首逆家屬全行送出其時未便再爲拒絕自當奏懇

恩施予以通市然恐稍涉遷就墮其術中不特復蹈

平定回疆勦擒逆裔方略卷八十

三

從前故轍以後邊防仍無控制之柄實屬大有關繫總須將從前該夷狂妄把持惡習與之詳細條約破除淨盡如果實在允從再與議定貿易章程無論貨物多少不准絲毫免稅亦不准該伯克再派胡岱達在卡內盤踞總俟該夷生計窮蹙至極震懾

天威誠心警服方可永除邊患臣前奉

諭旨迅速回京現將一切事宜交代完竣卽於三月初六日自喀什噶爾起程加緊趨行於六月內到京恭復

恩命奏入

上命軍機大臣傳諭札隆阿並諭那彥成日前因那彥成請給布魯特等歲俸並未奏明請旨率行發給割付降旨令與札隆阿體察情形設法停止茲

平定回疆勦擒逆裔方略卷八十

三

據奏稱擬賞之布魯特四十三人除乾隆年間曾得有翎頂者十七人外此次軍營出力獎賞翎頂者十六人餘如額提格訥之阿里瑪卡等五名蘇蘭奇族人拜莫拉特等二名善後出力之托依莫特等三名均係節次奏明賞給前摺止於未經分晰奏陳其歲俸割付亦尙未發給所有那彥成自請交部議處之處著加恩寬免其歲俸割付著札

隆阿詳細點明即行銷燬無得再行存留又另摺
 奏將善後事宜詳細交代札隆阿照辦尙無不可
 惟稱浩罕不久必叩關效順與之詳細條約准其
 通商一節仍在夢中不特被虜內地兵民無庸責
 令送出即首逆家屬亦何必示意令其縛獻此後
 斷不准擅差卡內回子前往浩罕妄通一語即使
 該伯克遣人來卡亦斷不准該叅贊等即令人卡
 接見總當遵照節次諭旨嚴查防範勿致稍有冒
 混通商偷漏茶葉大黃之事如實在窮迫不支誠
 心警服款關效順一面仍示峻絕一面據實奏明
 請旨遵辦斷不可輕聽妄信草率從事
 臣等謹案回疆之役自丙戌秋
 命將出師調兵三萬餘名撥帑一千餘萬兩不及二
 年元惡生擒邊陲重定歲功善速前古罕聞

平定回疆勦擒逆裔方略卷八十
 三十一

而
 聖懷淵穆
 武示止戈於四城克復時卽
 降旨酌撤征兵以防兼勦及
 命那彥成馳赴新疆惟
 諭以辦理善後事宜益臻安謐蓋用兵原非得已而
 圓治要在久安是以紅旗奏捷而後
 乙夜批章洪纖畢貫敘官方則嚴定考覈各城大臣
 之制社積弊則變通補放大小伯克之條體
 臣工則釐加養廉鹽菜慎邊圉則增設卡倫
 土堡而且革陋規以安回業清私墾以贍兵
 糧添弁兵以壯聲威勤訓練以資捍禦凡卡
 內之施行措正無不由
 宸衷之指示周詳至所以控制卡外夷醜者惟嚴禁

平定回疆勦擒逆裔方略卷八十
 三十二

茶葉大黃使無偷漏俾其自然窮蹙益復帖

耳傾心伏讀節次

諭旨所頒昭然若揭嗣因那彥成屢次遣人出卡刻

意搜求逆屬期於必獲我

皇上英謀獨斷

命卽迅速回京並

諭札隆阿等以鎮靜撫綏毋致稍生邊釁此誠大遠

平定回疆勦擒逆裔卷八十

三

乎佳兵黷武之爲而獨得夫制治保邦之要

者也從此邊疆永靖外夷嚮化輸誠制勝之

原實在乎此臣等敬司編輯斷自張逆之始

入卡倫迄於那彥成之奏報起程來京復

命仰見

聖謨廣運唯幾唯神竊愧蠡測管窺末由論揚

云



〔清〕尤侗撰

明史擬稿六卷

清康熙刻本

康熙十八年

詔徵博學鴻儒纂修明史與選者五十人分爲五班自洪武至正德編次亦如之予班第五則所纂者弘正時事也凡本紀列傳總裁與諸君子酌定闕派雖有名卿鉅儒心所慕好者不敢越俎而問焉故所傳者寥寥數人而已將卒業又分嘉隆萬爲一編泰啓禎爲一編則錯綜其姓氏而闕派亦如前予纂未及半以病假歸故所述僅止于此今予歸九載而此書尚未告成蓋緣總裁屢易而前五十人者或歿或歸半爲烏有昔人所以有頭白汗青之歎也閒居偶檢篋衍閱之雖比事屬詞明史擬彙

明史擬彙

序

不及古人萬一而四五年間糜祿食耗膏油竭力于茲不忍捐棄姑擇其文之稍雅馴者刪而存之原稿雖呈主者計點竄塗抹必多俟史成之日覽者得參考焉又纂修但著本傳其總論則私自增謬非敢云獨斷也知我罪我聽之而已後有外國傳藝文志不在是例

康熙辛未史官尤侗識

明史擬彙目錄

卷一 列傳

王守仁

吳寬 趙寬

王鏊

楊廷和

卷二 列傳

楊守陳 守陞 守隨 茂元

鄒智 李文祥

舒芬

鄭善夫 高巖 傳汝舟

明史擬彙

目錄

顧璘 弟璵

陸深

卷三

趙用賢 孫士春

周順昌 朱祖文

李繼貞

杜喬林

呂維祺

黃道周

卷四 文苑

李夢陽	何景明	徐禎卿	邊貢
康海	王九思		
桑悅	楊循吉	都穆	唐寅
文徵明	陸師道	陳淳	彭年
	周天球		錢穀
蔡羽	王寵	何良俊	居節
楊慎			
王廷陳	顏木		
卷五	隱逸	孝行	忠節
		獨行	
沈周			
孫一元	方太古	張詩	
明史擬纂	目錄		
何競	傅楫		
沈雲祚	趙嘉燁		
席本禎			
卷六	循吏	藝術	
董朴	子士毅	姜昂	子龍
		狄雲漢	
張舉		王勳	吳傑
		李維聰	
陳文偉			
史忠	徐霖	陳鐸	王磐
		梁辰魚	
郭詡	吳偉		

明史擬纂 卷一

史官尤侗

列傳

王守仁

王守仁字伯安餘姚人父華成化十七年進士第一歷官南京吏部尚書母鄭娠十四月乃生守仁年十一問其師曰何為第一等事師曰讀書登第守仁曰非也當讀書學聖賢耳師異之弘治十二年進士授刑部主事改兵部正德元年劉瑾亂政逮給事中戴銑等下獄守仁疏救瑾怒矯詔廷杖謫貴州龍場驛丞瑾怒未已使人尾其行守仁懼不免佯投衣冠於錢塘江潛入武夷迂道至龍場居石穴澄心默坐因念聖人處此更有何道中夜悟格物致知之旨證以五經皆合著五經臆說提學副使席書貴陽書院率諸生師事之四年陞廬陵知縣瑾誅陞南京刑部主事調吏部驗封陞文選員外考功郎中南京太僕少卿鴻臚卿從遊者日衆講知行合一之學朝士或以為迂僻獨兵部尚書王瓊奇其才會南贛漳汀等處山賊憑險為亂乃擢守仁僉都御史鎮撫其地守仁行十家牌法使姦無所容時時若將出兵者或已出復止多方悞賊賊不能備乘間破之賊

奔象湖山佯言退師出奇兵奪賊險又破之搗巢四十三所斬獲大會詹師富等七千有奇捷聞加歲俸一秩賜銀幣是時橫水左溪桶岡諸賊最強而泃頭賊首池大鬚尤黠桀僭號設官流劫三省朝議調集狼土官兵會勦守仁疏曰三省盜賊二三年前不過三千有餘今已不啻十倍盜賊之日滋由招撫之太濫招撫之太濫由兵力之不足兵力之不足由賞罰之不行使假臣令旗令牌便宜賞罰不限時日則比於大軍之舉可省半費而收倍功疏入許之改勅提督軍務聽便宜從軍法遂進兵先攻橫水去賊巢三十里伐木立柵開塹設堦

明史擬彙

卷一

二

示久屯狀遣鄉兵及樵豎善登山者齎火器攀崖壁而上立旗幟熟茅爲數千竈度我兵至險則舉砲燃火相應兵至十八面隘賊方據險迎敵忽聞山頂砲聲如雷烟燄四起驚潰失措以爲官兵盡破其巢棄險走擒大會謝志珊等五十六人斬從賊二千一百餘級俘二千三百餘衆乘勝進攻左溪悉平將攻桶岡守仁曰桶岡天險四面青壁萬仞往者夾攻數月不能俘其一卒鎖匙龍諸道架棧梯壑坐崖巔而發礮石賊可無執兵而禦我也不若休兵養銳振揚威聲諭以禍福必懼而請降不從乘其猶豫而襲之破之必矣使素與賊通李正

嚴劉福泰並所獲桶岡賊鍾景絕入賊營期三日受降賊方恐三人至乃喜議未決守仁遣縣丞符富屯鎖匙龍促降而使知府邢珣等分道入賊首藍天鳳方就鎖匙龍議聞兵已入險大驚珣等左右夾擊遂大破之斬獲無算先是攻橫水時恐泃頭賊乘虛出使生員黃表等招之黃金巢等皆降池大鬚不聽橫水破大鬚始懼使弟池仲安率老弱降守仁陽許之桶岡破大鬚益懼爲戰守備時龍川降人盧珂等仇大鬚以僞授金龍霸王印來首守仁先謀知其事陽怒曰池大鬚方遣弟立功安有此乎縛珂等將斬之仲安訴陽令具狀械珂等

明史擬彙

卷一

三

下獄密諭意遣人集其衆待發乃遣仲安歸諭大鬚勿疑又使表等密購所親說使來見大鬚謂其衆曰贛州伎倆我亦欲先勦之遂率其麾下四十餘人來守仁還贛張樂大享將士下令民久勞苦宜暫休爲樂大鬚至守仁慰諭宴犒之供張儲侍甚設大喜過望又見營伍散歸街市張燈設戲珂等果械繫則益喜於是守仁夜釋珂等馳歸度已至龍川所調屬縣兵已集乃設犒於廷伏甲士引大鬚入擒之出珂等所告訊伏斬之無一脫者進攻賊巢破上中下三泃擒大會五十八斬從賊二千餘餘奔九連山選精銳七百人衣賊衣伴若奔潰

者賊從崖下招呼與相應久而賊覺之則師已度險賊
狼狽失據大軍蹙之皆就縛降者悉安插之守仁既盡
得賊地相險要增設崇義和平兩縣治三省皆安捷聞
陞副都御史敍子錦衣百戶十四年乞歸省忌者欲許
之獨王瓊知宸濠必反真守仁上游備濠會福建兵變
命守仁往勸使留兵符守仁奉命至豐城聞濠反遂還
濠已遣兵千人逆之守仁入漁舟得免至臨江假稱密
旨知寧藩將反令兩廣湖襄都御史楊旦秦金及兩京
兵部各發伏兵要害俟逆濠兵至襲殺隨令雷濟等募
人至伏兵處報竊發日期縫公文裕衣絮中將行擒偽

明史擬纂

卷一

四

太師李士實家屬至舟尾令覘之佯怒將斬已故縱之
又爲書約劉養正等內應濠果邏獲疑不卽發至吉安
與知府伍文定等謀曰宸濠逆謀已久若順流東下南
都失備爲賊所襲必乘勝北趨動搖京輔如此則勝負
之算未知所歸惟相機乘間牽其舉動使進不得前搗
其巢穴使退無所據然後可圖也乃張疑兵於豐城示
欲攻之勢上疏告變移檄遠近濠發兵攻南康九江自
留南昌禦守仁既而探知中外兵不至乃悟守仁給之
留兵萬餘守城而自出圍安慶守仁日夜集兵知府戴
德孺徐璉邢珣通判胡堯元童琦談儲推官王暉徐文

英知縣李美李楷王天與王冕各以兵來赴衆議欲直
趨安慶守仁曰九江南康皆已爲賊所據而南昌精卒
萬餘食貨充積我兵若抵安慶賊必回軍死鬪安慶之
兵僅足自守必不能援我於湖中南昌之兵絕我餉道
而九江南康之賊合勢撓躡四方之援又不可望此危
道也今我師驟集先聲所加城中必已震懾并力急攻
其勢必下已破南昌賊失其根本勢必歸救如此則安
慶之圍自解而逆濠亦可擒矣遂使文定等攻南昌謀
知新舊墳厥伏兵千餘爲援遣知縣劉守緒等夜襲破
之城中心懼守仁督兵呼譟並進梯縴而登城遂破擒

明史擬纂

卷一

五

其居守宜春王拱樞等千餘人皆自焚濠聞之果
解圍歸救風帆蔽江前後數十里衆欲堅壁以待守仁
謂濠軍鋒雖銳然徒恃焚掠威劫遠近今出未旬月輒
復退師士心疑阻若出銳卒以乘惰歸衆將不戰自潰
濠至黃家渡守仁分督各兵敗之濠懼退保八字腦盡
急令取先却者頭將士爭奮殊死戰濠退保樵舍聯舟
爲方陣盡出金銀賞士守仁夜督文定等治火攻具分
兵四伏期火發而合又明日濠方朝羣臣責三司等官
不用命將斬之未幾而官兵四集火及副舟衆奔散妃

嬪赴水死遂執濠並其世子及李士實劉養正等斬首三千級溺死二萬餘分兵搜捕餘黨殆盡先是京師聞變差太監張忠張永總兵許泰江彬等征濠聞濠已擒欲奪其功密請上親征廷臣諫不聽泰等至南門倡言守仁始同濠反因天兵猝臨乃擒濠脫罪又欲置濠湖中待駕至列陣擒之守仁竟發南昌泰等遣人追至廣信乘夜趨玉山度草莽疏止親征並陳親解濠等獻俘上不允至杭州謂永曰西民遭亂困苦已極加以六師之擾必逃山谷爲寇奸黨羣應然後與兵平之不已難乎永深然之徐曰吾此出爲君側羣小欲調護之非掩

明史紀事本末

卷一

六

功也守仁乃以濠付之永見上陳守仁功兼述彬等加害意旣而彬等果誣守仁反上不信張忠曰試召之必不來上召守仁守仁卽至將進見忠等阻之守仁乃繪中野服入九華山宴坐上遣人覘得之曰王守仁學道人也召之卽至安得反乎乃命巡撫江西守仁還省泰等方駐北軍萬人曉夜呼名嫚罵或衝導啓慶守仁不爲動預令市人移家村落以老羸應門犒北軍泰等禁勿受守仁述北軍衛西民民當致主客禮每出遇北軍輿必停車問故厚賜之嗟嘆乃去久之北軍皆曰王都堂遇吾屬厚奈何犯之時新經喪亂會冬至今舉奠哭

聲聞遠近北軍多思歸泣下一日忠泰等較射強守仁三發三中北軍懼呼忠泰不樂曰我軍皆附彼矣遂班師世宗卽位降璽書名用閣臣沮之陞南京兵部尚書參贊機務乞便道歸省許之先是守仁歸功王瓊閣臣不悅久不敘上念其功命兵部集議封新建伯歲祿千石給誥券父華封亦如之子孫世襲疏辭請推恩文定等不報嘉靖元年丁父憂服除久不召六年思田土酋盧蘇王受挾故土官岑猛子邦相叛兩江大震總督姚鏌屢討無功閣臣張璠薦守仁代鏌蘇受等素憎守仁威名聞之大懼守仁意不欲多殺旣抵南寧卽上疏請

明史紀事本末

卷一

七

一切撫綏而以便宜悉撤調集防守諸兵僅留禁兵數千自衛招諭蘇受等埽境來歸當貸死蘇受大悅羅拜囚首自縛各率頭目數百入赴軍門投見守仁婉諭之各杖一百示罰而已且親至其營撫之衆皆感泣因改田州爲田寧疏陳用兵士患安撫卅善請立岑氏後爲土官知州以順其情設流官知府以制其勢分土官巡檢以散其黨上從之思田旣平兩江父老遮道言峽寇猖獗狀守仁請討許之乃命蘇受等爲鄉導挾永順保靖三宣慰分道蹊入連破油磗石壁等巢賊奔斷藤峽又破之奔橫石江溺死俘斬甚衆進勦仙臺等巢皆破

之八寨盡平守仁爲善後計暑興疾相度形勝移置府縣衛所以控禦之捷上詔遣行人獎勵賜金幣而守仁病甚上疏乞骸骨薦林富自代班師至南安卒年五十七喪過江西百姓皆縞素號泣雖深山窮谷匍匐哀迎不絕於路守仁英敏天成其用兵也對客談笑萬衆端集擒酋斬馘獻凱轅門左右尚不知也生平講學以良知教人嘗語門人曰無善無惡者心之體有善有惡者意之動知善知惡者致知爲善去惡者格物其大旨如此自謂質諸于聖皆同問於朱子未合後序晚年定論曰既自幸其說之不謬於朱子又喜朱子先得我心

明史擬彙

卷一

八

何以知其學之所造已所過必立書院開講海內稱爲陽明先生有傳習錄則言陽明集諸書傳于世桂萼素忌之譖毀甚力遂革世爵停贈諡卹典隆慶元年追贈新建侯諡文成子正億襲伯爵萬曆五年從祀孔子廟庭
論曰夫子言共學適道而進之于權非權不足以濟其學也若新建用兵多出權術而擒濠之功尤以反間得之譖者遂謂其先交通而後歸正蓋行權之難若此至其良知之學直揭本原而詆譏邪說至今未已嗟乎天下有可與權者而未可與學道乎哉

吳寬 趙寬

吳寬字原博長洲人爲諸生有名篤志古學徐有貞雅重之曰館閣器也屢試不利以歲貢入大學年已三十七意不欲應舉提學御史陳選敦遣入試名在第三成化八年會試廷試皆第一授翰林院修撰九年秩滿進右春坊右諭德侍孝宗東宮每進講閑雅詳明意存諷諫至理亂邪正安危之際未嘗不反覆也官中宦豎不欲太子近儒臣數移事間講讀寬率僚屬上疏曰仰惟東宮講學寒暑風雨則止朔望令節則止一歲不過數月一月不過數日一日不過數刻况又間有推移時或

明史擬彙

卷一

九

罷歇古人八歲出就外傳誠欲離近習親正人也借曰習讀于內終不若就傳于外所得爲多上嘉納之孝宗卽位以舊學進左庶子預修憲宗實錄成升詹事府少詹事弘治十七年孝肅太后崩議附葬廟禮先是成化四年孝莊廢后崩中外藉藉言周太后萬歲後葬裕陵祭廢廟禮皆如適至是諡稱廢皇后與孝莊同輔臣覺其誤上亦知之詔下禮官集議未決寬時爲禮部左侍郎獨抗言魯頌姜嫄闕官春秋考仲子之官皆別廟漢唐亦然至宋始有並祔者其禮已謬然皆諸帝繼室作配天子非後世子孫嗣位尊崇所生也惟李宸妃歿仁

宗傷痛始追尊祔祭非禮不足為法家是寬言議上從
之久之計吏部右侍郎轉左尋兼翰林院學士入內閣
掌制誥仍侍武宗東宮充會典副總裁既成進禮部尚
書寬掌制誥久中外望其柄用當道忌之適迴不進顧
寬意甚安之曰吾初望固不及此及吏部尚書缺衆復
推寬寬又固辭年七十數引疾求退溫旨勉留竟卒于
官上震悼命有司治葬諭祭者四遣官護喪還贈太子
太保諡文定寬行履高潔抑遠權勢平生不聞毀譽之
言亦不見喜愠之色其居鄉里尤以厚德聞有田數百
畝每歲入視親戚故舊貧者分給之同年賀解元恩逮

明史擬彙

卷一

十

疾遷至邸旦夕視之恩死為殯衣素一月鄉人教官某
客死其子稱貸婦喪寬命還所貸自贖之所居宅西有
妓館車過諸妓奔避寬迴車迂行不復徑焉少壯好學
老而彌篤在翰林時即寓舍治園亭時花木朝退讀書
其中良辰佳節各分題聯句為樂所藏書多手鈔有
自署吏部東廂書者蓋六十以後筆也為文不事追琢
獨嚴體裁詩深厚醲郁自成一家書法酷似大蘇手輯
匏菴集七十卷匏菴者寬自號亦以老居臺閣不得大
用聊自况也成化辛丑寬分考禮闈取趙寬第一寬字
粟夫吳江人開榜日頗以同鄉為嫌文定乃集公卿宴

邸第命寬作玉延亭賦即席授簡頃刻千言文采奪目
論者乃服歷官刑部郎中出為浙江提學副使廣東按
察使有半江集行世為人平易閑雅詩文豐贍雖弟子
不必如師然亦可稱二寬矣

王鏊

王鏊字濟之吳縣人父琬光化知縣有政績鏊年十六
隨父讀書太學諸生爭傳誦其文侍郎葉盛提學御史
陳選一見奇之成化甲午乙未鄉會試皆第一廷試復
擬第一執政忌之抑置第三授翰林院編修弘治初滿
九載升侍講預修憲宗實錄成升右春坊右諭德進侍

明史擬彙

卷一

十

講學士兼日講官時上幸中貴李廣導遊西苑鏊講文
王不敢盤于遊田反覆規諭上為動容講罷謂廣曰今
日講官所指殆為若等好為之東官出閣大臣請選正
人為宮僚首薦鏊以本官兼諭德尋升少詹事遷吏部
右侍郎會有邊警鏊上籌邊八事一定廟算二重主將
三嚴法令四恤邊民五廣名募六用間七分兵八出奇
又請科舉之外略倣前代制科如博學宏詞之類以收
異材六年一舉舉不過十餘人其翹然出類者授之翰
林餘補科道部屬中書先有官者量材加秩數年之後
士類濯磨必以通經學古為高而脫去腴閒之陋矣其

選將材亦然時不能用尋以憂去正德元年起復原官
會災異大學士謝遷求退舉整自代當是時武宗在諫
閣內侍八人荒遊亂政中外洵洵戶部尚書韓文倡諸
大臣伏闕請誅之上怒名至左順門中官傳諭甚厲衆
相視莫敢發言整對曰八人不去亂本不除天下何由
而治韓危言繼之中官語塞然八人者竟分布要路劉
瑾掌司禮首逐韓而劉健謝遷亦去內閣缺瑾欲引焦
芳廷議推整瑾雖中忌外迫公論遂與芳同入內閣進
戶部尚書文淵閣大學士逾年改武英加少傅兼太子
太傅上時政四事曰講學曰延下曰用人曰節用瑾方

明史擬彙

卷一

主

威鉗士類按索微瑕輒枷械死整謂瑾曰士可殺不可
辱辱且殺之吾尚何顏于此由是稍從寬釋瑾銜韓必
欲殺之又欲以他事中劉謝整前後力救得免瑾與劉
大夏舊怨逮至京坐以激變士官岑氏罪死整爭曰岑
氏未叛何名激變乎或惡楊一清于瑾謂築邊糜費整
又爭曰楊高才重望爲國修邊可以功爲罪乎瑾議祕
廢后吳氏喪整曰服不可不成葬不可苟景帝注妃薨
疑其禮整曰妃廢不以罪宜復故號葬以妃祭以后皆
從之時瑾權傾中外然見整開誠間亦聽信及焦芳專
事阿瑾驕恃恣甚整不能退居常戚然遂力求去或

慮拂瑾意禍且不測整曰吾義當去不去乃禍耳瑾使
伺整無所得且聞交贊俱絕乃笑曰過矣疏三上許之
賜乘傳歲夫月米以歸林居十四年交章論薦世宗卽
位遣行人存問曰朕行且名卿整疏謝上講學親政二
篇未幾卒年七十五贈太傅諡文恪祭葬有加禮整爲
人和平簡易誠信藹然無貴賤少長咸敬慕悅服有所
興起平生澹于嗜欲吳中士大夫好尚珍寶遊玩之具
一無所入惟喜文詞翰墨脩遠山水之間究心聖學嘗
作明理克己二箴晚益充養純粹著性善論陽明傳而
述焉所著有震澤諸稿自其少年善制舉義再爲校文

明史擬彙

卷一

主

主司專尚經術險麗奇袤者一切屏去弘正間文體一
變士習稍端整有力焉至今稱大家必曰王唐瞿薛謂
整及唐順之瞿景淳薛應旂也
論曰故老言有明弘治年間一時賢才蔚起文學侍從
之列如金鐘大鏞鏗鉤東序下至岩處奇士莫不斐然
藻耀而高翔溯厥源流皆推吳中王吳二公爲之朝宗
何其盛也二公科名德業頡頏上下然文定既不及大
用文恪在政府復扼于寺人不得志而去天下惜之要
其難進易退非具古大臣風節者惡能矯矯若是哉

楊廷和

楊廷和字介夫新都人父春湖廣提學僉事廷和年十二舉於鄉成化十四年先春成進士改翰林院庶吉士方歸娶十六年授檢討弘治二年陞修撰皇太子出閣遷左春坊左中允丁母憂起復十五年加大學士大學士者內閣銜也不設幾五十年廷和以侍講纂修特授人皆驚異武宗卽位陞少詹事轉正與學士劉忠同直講筵終講進規上退問劉瑾曰講書耳何多言瑾對二人不稱當改南遂改廷和南京吏部左侍郎尋陞戶部尚書而上忘之一日退朝問何久不見楊學士卽驛召以尚書兼文淵閣大學士加少保兼太子太保廷和博

明史擬彙

卷一

四

通練濟好考究掌故民情邊事及一切法家言雖時露福急而強敏能斷大事李東陽爲首輔雅重之語人曰吾於文翰有一日之長若經濟須歸介夫逆瑾擅權每据撫人細故屢與大獄廷和隨事救正爲多雲南奏蒙化土官不法瑾欲逮繫之廷和曰雲南荒服之外土官羈縻足矣急之恐生變於是止令鎮巡官勘報未幾分守金齒太監張辰以苛暴激變地方幾罹害安化王寘鐻反廷和曰寧夏人爲寘鐻所脅不與者十九不得一言慰諭其心將謂朝廷欲盡殺之是爲安化樹黨也請出榜文開諭慶宗室及寧夏人民又擬用仇鉞爲將瑾

曰鉞已從寘鐻矣廷和曰鉞素稱謀勇不幸陷賊中朝廷用之豈不幡然思奮亦使寘鐻自生嫌疑將內潰矣未幾鉞果擒鐻以獻時東陽已去廷和獨任累加少師兼太子太師以父喪乞歸三請乃許與弟戶部侍郎廷儀並賜馳驛遣行人送歸令葬畢卽還其秋遣中使宣諭并敕有司守促上道廷和再辭乃許終喪服闋遣行人至蜀同鎮巡三司到門府縣住俸守候啓行至京上已出居庸關遣內侍賜寶鑑羊酒廷和卽與蔣冕詣關請回鑾明年上歸先遣人諭羣臣旗帳以迎錢寧至閣逼令首倡廷和曰旂常在國銘功臣耳旗帳施親舊里

明史擬彙

卷一

五

俗也君尊如天孰敢瀆之上復遣所幸張龍來云朝廷道楊閣下而忘往年一遣內臣兩遣行人恩典過他大臣十倍今乃執拘問他懼否廷和曰臣敢不懼臣懼以非禮事君耳獨率翰林官不帳不賀上亦不忤也是歲上復行邊明年還兵部侍郎馮清奏捷傳諭擬旨獎勵威武大將軍廷和曰皇上凱旋而賀將士從征而賞亦無不宜但本內閣有威武大將軍總兵官朱字樣是以臣率君也豈敢擬旨卽以奏納還中使旋出迎駕大閣張銳馳至行幕復授前奏廷和曰本內閣威武大將軍者何人豈兵部所當奏捷我輩所敢獎勵耶手還銳奏

銳轉授梁儲曰上在教場待此後入廷和復自儲手取還銳銳忿然去已借錢寧來曰上疑銳言不悉令寧來公萬勿辭廷和曰事至大今不言誰執其咎二公弟還奏曰楊廷和不可既還奏上令回閣擬旨廷和執奏如初止獎勵馮清及鎮守官而已旋稱病乞休再疏不允上又欲南巡杖言官舒芬等於朝廷和聞之亟出謂司禮近侍曰爲廷和轉言於上各官諫止南巡爲宗社計今有死杖下者何以傳示天下後世皇上所繫至重國本未建人心危疑目今軍民困苦盜賊縱橫聖駕欲南去遠涉大江應接皆腹裏人面目衣服大抵相類不比

明史擬彙

卷一

去

邊庭易辨倘有奸宄潛匿鑿舟縱火倉卒何以應之或有宗藩窺伺僞爲迎奉誘至深官日陳子女玩好於前用其私人隨侍禁格我扈從不得近一旦變起悔無及矣時宸濠逆謀已成入無敢言者聞之皆爲悚然明日與儲冕跪闕三日張銳出左順門廷和以前語語之銳曰此無與銳事公當親奏豹房廷和曰我知有乾清宮不知有豹房也越五日不得命上亦竟罷已而濠反上欲親征廷和屢諫不納集議左順門廷和曰此但當命文武大臣督京營官軍討之耳且賊大逆不道夫人知之若出黃榜曉示利害不旬日間當有擒之者可無煩

天兵也昔太宗北征有太子居守宣宗征漢有襄鄭二王居守今大駕遠出將付何人因向諸司禮曰公等敢任之乎又向許泰江彬等曰公等能任之乎明日旨從中下又明日命寫差遣威武大將軍勅廷和曰車駕親征誰敢云這濠僞檄正以朝廷失政爲名威武大將軍是何政令耶若謂皇上親征自稱威武大將軍是何人降爲此名號何人寫勅請先誅戮然後與兵問罪則今日之憂不在宸濠而在此敕矣中使覆奏上命蕭敬等十人連促之曰上旨嚴切今日無勅令敬等自投金水河死廷和曰公等不必死死廷和一人耳公可入奏

明史擬彙

卷一

七

再遲一年亦不改也敬等去未幾復來相率拜庭下連呼相公相公廷和曰諸公貴人也何至爾廷和所知祖宗法耳奉天承運皇帝六字傳之萬世誰敢改稱乎敬等知不可奪乃去會上欲用知行制誥者廷和薦尚書劉春上以私庇鄉人責之遂出閣有寫勅進者而乘輿遂行上在南都廷和請回鑾者數十疏不省明年上歸駐蹕通州名擬旨誅宸濠乃入廷和曰宗室有罪必先告廟令羣臣議罪以聞而後誅之此先朝故事也今於通州行之臣不敢奉命上曰先生亦爲此言耶朕嘗檢宸濠私簿朝中大臣多受賄者獨先生無之故以相委

若入京後我亦不得主張矣廷和乃擬進上崩諸司禮持遣命授閣中廷和讀罷舉哀畢取皇明祖訓示之曰當遵兄終弟及之文急啓皇太后降懿旨以大行遺敕遣司禮監文武大臣各一人奉迎興世子卽皇帝位遂擬懿旨遺敕入啓皇太后宣諭九卿莫預聞也廷和復撫一時所急及中外素不便者請太后以大行末命行之散豹房官軍使太監張永張忠武定侯郭勛安遠伯許泰兵部尚書王憲提督之揀選團營官軍分守皇城四門京城九門威武團營官軍罷還營諸邊及保定官軍罷還鎮革皇店官校并軍門辦事官旗校尉俱回本

明史擬彙

卷一

六

反者內有寘鐔宸濠外有劉七藍五皆隨起隨滅江內親外衆豈數賊比假萌非望顧盼壘粉矣誰肯同之自取滅族哉若江能與諸公協力共濟嗣君至日闔門辭爵不失富貴何必自疑人亦正不須疑之耳洪蓋爲彬遊說以探意向而廷和對之語有操縱彬聞之稍安及題大行銘旌於文華殿諸閣俱在魏彬者與江有連廷和知其稍文弱可動也屏人語曰今大功已定大患未除魏問故廷和曰外議紛紛慮江爲亂若不早請太后除之貽憂嗣君亦公等累也公雖與江聯姻乃勉奉大行命非本意古人大義滅親亦何不可張銳在旁疾言

明史擬彙

卷一

九

曰彬有何罪廷和曰彬擅引邊軍入禁擅立威武團營爲西官應擅立鎮國府卽一二足戮矣魏曰實然銳猶力爲辨廷和曰公無護之我輩言出禍隨已委致身家公雖無子孫不念祖宗墳墓與兄弟耶萬一嗣君中途聞變而驚公請保任廷和辭色俱厲陳嚴贊之曰且收得在廷和曰是也收在嗣君來或寬之卽擬旨奏太后會坤寧宮安獸吻彬被旨行祭遂縛之世宗將發安陸左右猶以爲憂聞彬已擒乃欣然就道方世宗未至廷和日夜籌度正德中奸人弊政皆擬於登極詔中除之密書緘函既至廷和侍行殿令將冕往其家取去家人

不知何文書也黎明進稿日向辰文書房官來見欲去
關切中人者數條廷和曰數年來事有不行輒歸朝廷
今爾君至便有此乃知昔負大行多矣廷和今日拜賀
新天子明日即跪奉天門前乞休且問皇上初至何人
於左右欲更詔書也文書官持回入奏批紅下宿弊盡
際中外相慶嘉靖元年上降手敕論定策功廷和與蔣
冕毛紀俱封伯爵廷和力辭至五疏且求去乃許進二
階蔭一子錦衣衛指揮一子四品文職俱世襲其輔新
政有敬天戒法祖訓隆孝道保聖躬勤民事勉學問慎
命令明賞罰專委任納諫諍親善人節財用諸疏又請

明史擬彙

卷一

三

日御經筵節省供應及拆毀保安諸寺石經祠宇皆見
施行大禮議起廷和首執議名對面言不可者三封還
御批者四執奏三十餘次司禮監屢奉命來閣中講論
廷和不可用是左右得以間之上漸修齋宮中令內臣
習經典科儀廷和言人君一身天下根本欲出入起居
所行皆正事前後左右所用皆正人陛下未卽位時臣
嘗具啓皇太后凡尚衣尚冠等執事茶房膳房客應侍
衛人員豫選老成慎密之人以充任使又嘗極論異端
邪說亟宜斥絕齋醮祈禳不可輕信不意近者不時修
設恩賚倍常皆因太監崔文引正德間罪人張銳名下

掌家及番漢僧道巧言誑惑夫梁武宋徽遠未暇論卽
如近日劉瑾建元明官錢寧建石經山祠張雄建慧光
寺張銳建壽昌寺于經建碧雲寺張忠建隆恩寺所費
不資然皆身死家亡若使福田可種利益可求比年遠
近亢旱風霾彼何不誦一經念一呪消弭之流賊騷動
中原彼何不驅神兵役鬼將埽平之陛下曷不移行香
拜錄之勞以蒞經筵節修齋設醮之費以周窮匱上報
旨嘉其忠愛然自此浸疎又因內織造局差官往蘇杭
五府廷和極諫并不寫敷益忤上意三年再疏致仕許
之賜馳驛命有司給月米歲夫科道交章請留不報始

明史擬彙

卷一

三

廷和革傳陞官錦衣千戶王邦奇在削級中後復舊又
爲兵部尚書彭澤所裁怒之至是上言哈密事由澤總
督甘肅時賂番求和及廷和草詔論殺寫亦虎仙激成
兵變宜誅此兩人更選大臣與復哈密上下兵部勘狀
邦奇復言大學士費瑄石瑄俱廷和奸黨嘗夜過楊一
清所欲爲彌縫廷和子兵部主事惇藏匿前後奏詞令
不得驗其壻修撰余承勛彭澤弟冲等交通請託上下
惇等獄命鎮遠侯顧士隆會鞠之給事中楊言疏救上
怒并逮言士隆言邦奇誣上切責之褫惇職承勛閑住
調言外任宏瑤皆致仕七年明倫大典成以廷和主濮

議爲罪魁革職爲民明年卒以庶人禮葬穆宗卽位言
官交請卹典贈太保諡文忠遣官改葬賜祭九壇蔭一
孫尚寶司丞一孫國子生子慎自有傳

論曰方廷和與劉忠同南遷或謂楊以蜀錦辭瑾故得
特召然廷和相武宗十五年威武無道始於瑾卒於彬
中更鑄濠之亂而能委曲調護從谷定變非有大過人
之才不能至世廟定策執持議禮不合則去風節矯然
猶以門生天子罪之嗚呼張孚敬之沒以其危身奉上
諡爲文忠乃廷和易名亦同夫孚敬之忠忠於世宗者
也廷和之忠忠於孝宗者也二人相業其相去何如哉

明史擬彙

卷一

三

明史擬彙 卷二

史官尤侗纂

列傳

楊守陳

守耻 字隨 茂元

楊守陳字維新鄞縣人父自懲縣吏也有陰德守陳方
妊母夢星落懷中及生天庭有黑子七如北斗少善古
文詞既有志聖賢之學作致知力行持敬三銘景泰元
年鄉試第一明年成進士改翰林院庶吉士尋丁父憂
及承重喪七年居廬讀禮有所得作禮記周禮儀禮私
鈔繼而旁讀羣經見先儒註釋多有失者又作孝經大
學中庸論孟易書春秋等私鈔天順二年服闋授編修
成化三年累官司經局洗馬充經筵講官嘗講武成篇
因進言曰魯論稱舜無爲而治周書稱武王垂拱而天
下治是則聖人之治皆不勞而逸也然後世人主有深
居禁中委政內侍者乃名望夷之禍有高居無爲肆情
嬖艷者乃啓祿山之變是何也蓋舜之所以無爲者由
其封山濬川以至舉相去凶無一不盡其道武之所以
垂拱者由其列爵分土以至崇德報功無一不究其心
未有不始於憂勞而能終於逸樂者也後世人主則孟
子所云安其危而利其畜樂其所以亡耳此聖狂治亂

明史擬彙

卷二

一

所以異惟陛下留意左右聽者皆悚然退相語曰真講官也遷侍講學士以母喪去上念守陳勸講久遣官諭祭特恩也服除還任守陳官五品十六年泊然退處賞奉命教內侍有欲援之者謝曰吾猶孺婦也守節三十年今老矣顧改節耶泰陵出閣爲日講修文華大訓有事涉中官者率刪去守陳獨不可跡其善惡得失條錄以進陞少詹事兼侍講學士孝宗卽位進官僚執政擬守陳南京吏部右侍郎上手塗南京字留之憲宗升祔禮官議祧懿祖而以德祖爲始祖不祧守陳建言禮祖有功宗有德我太祖起布衣肇造區夏功莫大焉今宜

明史擬彙

卷二

二

別立廟祀德懿熙三祖而自仁祖以下爲七廟異時祧盡則正太祖南向之位爲萬世不祧之祖時不能從然識者是之弘治元年疏請講學聽政大略謂宜遵祖宗舊制開大小經筵以講學御早午朝以聽政其大小經筵必擇端介博雅之儒臣侍班進講倘有未明輒賜清問凡四書五經諸史祖宗典訓百官題奏皆當聚之文華殿後日輪內閣大臣一員講官二員使居前殿右廂陛下退朝常御後殿或前殿以養心窮理裁決庶務或有疑難字義則錄示講官使解或名問使對午朝則陛下御文華門內閣府部院寺大臣科道官輪番列侍遇

有大政會議使人各盡其謀陛下審而行之其餘具本奏者則召內閣面議批答凡內外官員見辭赴任或自任所來見者陛下必俯降辭色曲詢利弊俾各從實以對因以察其賢否而加黜陟焉大抵一日之間居文華殿之時多處乾清宮之時少俾賢才常接於耳目視聽不偏於左右則內外交修始終如一若但如近日日講午朝應故事凡百題奏皆付內監諸臣請旨批答臣恐積弊未革後患滋深上嘉納之會修憲宗實錄充副總裁未幾請老不許命以本官兼詹事府丞供職如故亡何卒諡文懿後二年實錄成贈禮部尚書弟守陞南吏

明史擬彙

卷二

三

部尚書守隨工部尚書守隅廣西布政使子茂元刑部侍郎茂仁四川按察使濟美世其家守陞字惟立母孕八月夢大星懸于庭覺而生六歲卽通經傳習古文詞就正于伯兄守陳而學日進成化元年鄉試第一十四年進士第二授翰林院編修滿考會其從兄守隨官御史爲姦人李孜省所中謫官守陞亦出爲南京侍讀弘治元年召還纂修憲宗實錄尋侍經筵極言進君子退小人爲治亂之幾上改容聽之進左春坊左諭德陞侍講學士掌院事充會典副總裁先後同考禮闈主南北試黜浮崇雅稱爲得人擢南京吏部

右侍郎署兵部遇星變言事皆切時弊上納之十五年
考績至京特留仍修會典書成遷左得末疾請老不許
武宗卽位以年滿七十請益切進尚書致仕比命下守
陘已抵家矣逆瑾竊政矯詔奪所加秩瑾敗乃復家居
七年一日題數語於冊曰學文師韓吏部學道師程伊
川官同吏部二品壽過伊川二年文章可得而聞望道
而未之見困學勉行老而不倦守正疾邪至死不變越
五日卒年七十七贈太子少保予祭葬守陘爲人篤實
內行甚飭博極子史嘗對海外使歷舉其國事其人驚
服文學議論隱然有文懿風履歷亦略似嘗對掌南北

明史擬彙

卷二

四

翰苑時人榮之守陳歿哭奠於私室者二年守隨爲瑛
誣繫獄罰米千石守陘罄所積助之償以產不受所著
有碧川文鈔困學寡聞諸稿

守隨字維貞成化二年進士授監察御史數言事已劾
奏僧繼曉張真人直聲震一時奉勅查盤大同等處倉
庫守隨素稱數學推算毫髮必盡人服其精明都察院
舉總理三法司事叅駁悉當又見天下諸司文卷不明
請三年一次差官照刷制爲例巡按江西李孜省姦暴
鄉里守隨舉按其罪當謫戌孜省走京師結納中貴以
左道得倖守隨自江西憂歸服闋赴京孜省已爲太常

寺丞守隨卽劾孜省賊吏不宜典郊廟百神之祀改上
林院監已而吏部擬守隨南京大理寺少卿再擬大理
寺丞皆爲孜省阻格不用久之陞應天府丞復以憂去
服闋除前任守備太監蔣琮陳祖侵後湖墾地爲田又
漁於湖爲御史孫紘所糾下守隨勘悉繩以法時孜省
益貴用事被密旨得舉察百官守隨適入覲忽傳旨調
外任授南寧知府弘治元年孜省誅陞應天府尹復爲
蔣琮輩所構謫廣西參政五年不調稍遷按察使擢南
京操江都御史南大理寺卿改北正德初陞工部尚書
掌大理寺事太監李興盜皇陵木罪當死劉瑾屢以密

明史擬彙

卷二

五

牘致囑守隨峻拒之興謂人曰我有金四十萬留十萬
養親以三十萬脫我死何不可爲若守隨持與益急興
卒以內降免亡何中旨取戶部餘鹽四十萬充內用尚
書韓文率九卿爭之中旨詰責是何大事遽爾昌言守
隨退謂文曰天下事誠有大于此者今閣宦擅權八虎
相煽吾輩何舍此耶於是文率衆伏闕守隨復獨具疏
反覆諸姦姦狀而斥瑾尤甚瑾銜之刺骨歲除忽傳旨
致仕凡大臣休致必陞解賜宴還家給祿米人夫一切
不與守隨退朝輿隸皆亡去獨步長安道中明日出張
家灣僦車行瑾偵之無所得乃矯詔與劉健等五十三

人列爲奸黨明年追論河南獄事罰米千石五年復矯詔削秩追奪出身以來誥勅再罰米二百石又追論浙江審錄私其鄉人罰米三百石勒爲民瑾誅科道交章論薦復原職致仕還所奪誥勅年八十五卒賜祭葬贈太子少保諡康簡

茂元字志仁成化八年進士授刑部主事同年楊士偉爲同官汪直誣以受賄徵其贓部僚莫敢貸茂元獨助之署其封曰刑部主事楊茂元俸銀十兩直見之詫曰好膽氣仕偉之誣遂白歷陞郎中慮囚南京夢血而女子頻訴冤狀訪得其屍乃婦餉夫叔於田求姦不從怒

明史擬彙

卷二

六

而鋤其鼻死一訊卽伏陞湖廣按察司副使弘治二年丁父憂繼丁母憂服闋改山東河決張秋命都御史劉大夏董其役繼命太監李興平江伯陳銳共治之初祭河神天氣陰晦帛不能燃久之欲焚不焚之處宛如人面耳目口鼻皆具茂元抗疏謂神示此怪必有警戒水者陰象應在後宮今后戚家恃勢暴橫乞加裁抑以消災變又李興陳銳參隨人衆日費不貲乞召還之專委大夏以免煩擾又請罷取天下畫工仍革臨清鎮守疏上興等切齒誣爲妖言并激張皇后怒差緹騎械繫之山東民沿途遮泣濟河河民亦如之既陞見挺跪不伏

上益怒下錦衣獄南北科道交章論救謫長沙府同知越二載丐歸用薦起安慶府知府遷廣西右參政正德元年思恩田州土官岑峻岑猛相讎殺上命三府進勦茂元率前哨擒岑峻并黨屬千人詔改二府爲流降岑猛爲福建平海衛千戶猛憚遠遷擁兵盤踞茂元臨境諭之令討柳慶徭獠犢罪猛叩首願從遂破魚窩等寨擒斬甚夥事定奏免其遷復同總兵進攻黃文昌兄弟面縛乞降餘黨悉平三年請老不報逆瑾差御史查盤廣西恨茂元無餽勒令致仕瑾誅起江西左參政等陞雲南右布政使未至轉左七年復疏謝事不允陞貴州

明史擬彙

卷二

七

巡撫僉都御史兼制四川西陽湖廣湖北諸道時方議討葷子坪五寨平頭烏雞等苗寇俄改南京都察院右副都御史旣得咨茂元以爲兵糧已集事貴神速若需交承寇有備矣乃駐扎湖貴中界遣將募兵不一月寇悉奔潰陞南京兵部右侍郎改刑部錄貴州功賜金幣十一年卒年六十七所著有麟洲存稿書法尤工論曰昔關西夫子以直節著其後四世三公抑何盛也鄆縣諸楊爵位蟬聯不讓前人守陳守陞雍容館閣乃有獄獄之風守隨與侔璫爲難茂元至忤中宮幾罹不測卒賴上恩不死豈非幸哉漢靈帝云死時當復致大

鳥矣

鄒智 李文祥

鄒智字汝愚合州人少貧居龍泉庵埽樹葉燃之讀書達且成化二十二年鄉試第一年甫十六計偕道經三原時尚書王恕致仕家居智往見之曰治道在進君子退小人方今小人在位羣奸肆毒智此行非但會試正欲上書天子使進君子退小人則天下其庶幾乎怨笑而不答明年成進士選翰林院庶吉士即疏論輔臣諫官及宦官之害而薦王恕強珍章懋林俊等不報一時御史湯鼎中書舍人吉人進士李文祥皆與智善並以

明史擬彙

卷二

八

進賢退不肖持論見浮沉世事者輒唾罵之孝宗即位閣臣萬安懼劾等彈劾乃於登極詔插入一款給事中御史無風聞挾私言事違者加罪詔下物論大譁安亦悔之其冬上兩宮尊號頒詔復開凡天下大小衙門政務有利當興有弊當革許所在官員人等指實條具以聞會星變求直言智上疏曰伏觀今月初十日五鼓有大星飛流起西北亘東南光芒燭地蜿蜒如龍蛇人馬辟易蓋陽不能制陰之象也臣竊惟陛下即位以來擯斥宦官黜遠左道根究浮費裁抑冗員痛懲法王佛子大放珍禽奇獸凡天下之人所欲而未得所患而未去

者以次罷行宜其克享天心而景星慶雲昭回乎霄漢之表今變異若此其故何哉臣反覆思之無乃陰之當消者未消陽之當長者未長而陛下所以事天者猶未至與伏讀明詔曰天下大小衙門政務如有利所當興弊所當革者所在官員人等指實條具以聞臣有以見陛下知前日登極詔書為奸臣所誤阻塞言路物論囂然故復下此條以自解耳夫不曰朕躬有過失朝政有關道而曰利所當興弊所當革不曰許諸人直言無隱而曰所在官員人等指實條具以聞陛下之所以求直言者已不廣矣然欲興天下之利當求利之所以興欲

明史擬彙

卷二

九

革天下之弊當求弊之所以革欲正天下之衙門當自大衙門始夫內閣者天下之大衙門也利莫利於君子進弊莫弊於小人不退小人不退欲弊之革不可得也君子不進欲利之興不可得也臣見少師萬安持祿怙寵殊無厭足少保劉吉附下罔上漫無可否太子少保尹直挾詐懷奸全無廉恥世之所謂小人也陛下留之則君德必不能輔朝政必不能修紀綱必壞風俗必偷天下之賢必有所觀望而不敢來天下之邪必有所盤結而不肯去上弊社稷下弊蒼生此弊所當革者也臣願陛下諷之再辭以全其體給之餘祿以飽其欲放之

田里以休其勞則天下之弊無不革矣至如致仕尚書王恕託志忠勤可任大事尚書王竑秉節剛勁可寢大姦都御史彭韶學識醇正可決大疑世之所謂君子也陛下用之則君德必爲之開明朝政必爲之清肅紀綱必振風俗必醇天下之賢必拔茅而來天下之邪必望風而去上利社稷下利蒼生此利之所當興者也臣願陛下予之安車以優其禮賜之手詔以重其行置之左右以展其蘊則天下之利無不興矣然君子之所以不進小人之所以不退豈無自哉大抵宦官之權重也漢元帝嘗任蕭望之周堪矣一制於弘恭石顯則不得以

明史擬彙

卷二

十

行其志宋孝宗嘗任陳俊卿劉珙矣一間於陳源甘昇則不得以盡其才李林甫牛仙客與高力士相爲倚角而元宗之朝政不經賈似道丁大全與董宋臣相爲表裏而理宗之國勢不振君子小人進退之機未嘗不在於此曹之盛衰也臣願陛下鑒其所既往謹其所未來大彰英斷總攬朝綱一以太祖高皇帝爲法則君子可進小人可退而天下之治出於一矣疏入不報頃之龜差印馬赴內閣會勅言公等輔新政未見盡善萬安曰我輩極力贊襄裏面不從龜退卽劾安等不當以裏面二字語外入且歸過於君非人臣之義由是內閣深銜

之旣而安與尹直並罷劉吉當國嗾御史魏璋上龜當予美官遂草疏言比以四川災荒遣官賑濟中書舍人吉人妄奏所遣郎中江漢不稱任使請改命御史湯鼐等詆抗成命私立朋黨乞治其罪得旨下吉人錦衣獄令自引其黨吉人以鼐及御史曹璘主事東思誠知州劉槃理刑知縣韓福等對御史陳璧復言璘福思誠非其黨惟鼐槃及主事李文祥庶吉士鄒智知州董傑數人日夜以詩酒結納自相標榜詆毀朝政槃嘗餽鼐白金且貽之書謂夜夢一人騎牛幾墜鼐以手挽之得不仆又見鼐手執五色石引牛就正路因占人騎牛象國

明史擬彙

卷二

土

姓也五色石彈文也正路引君當道也語大不道宜究問吉陰主之遂并捕智等鞫之智身親三木僅餘殘喘神色自若無所曲撓供詞曰智與今湯鼐等來往相會或論經筵不宜以大寒大暑輟講或論午朝不宜以一事兩事塞責或論紀綱廢弛或論風俗浮沉或論生民憔悴無賑濟之策或論邊境空虛無儲積之具議者坐以妖言惑眾罪死刑部侍郎彭韶辭不判吏部尚書王恕刑部尚書何喬新疏救得減死槃戍海州鼐戍肅州吉人編氓傑謫四川行都司都事文祥謫貴州興隆衛經歷智謫廣東石城所吏目智旣謫毅然就道衣結履

穿幾不能存親識餽送堅却不受至石城視事兩月總督秦紘檄遣重巖修書得住廣城士子多從之游居四年以公事至順德暴卒年二十六文祥以齋表還道商河行水上水陷殞焉年三十文祥字天瑞麻城人與萬安孫弘璧同年進士安欲引附已使弘璧延款於家屬題畫場文祥奮筆題詩末云春來風雨尋常事莫把天恩作己恩安不悅適詔開言路文祥上疏曰祖宗立六部三法司設內閣學士分理庶務參贊萬機任專責重無掣肘之嫌事廣責歸無城狐之託治隆俗美職此之由頃者權移內侍賞罰任其喜怒禍福聽其轉移仇視

明史擬彙

卷二

主

借王侯之居富室擬公卿之居奇伎淫巧漸成上侵伏願陛下申明典章使執法之官一遵成憲實存必懲豪強罔赦如此則體度明而小人不致玩矣臣竊聞致仕尚書王竑王恕孤忠自許年力未衰尚堪效用南京主事林俊貴州思南府推官王純皆抱忠貞兼優材識伏願陛下起竑等置之公輔俊等列之諫垣且夕親其議論政事庶有裨補且人才難得自古爲然習俗移人豪傑不免惟茲臣庶不遠庸愚豈無思奮能知愧負亦是名流樂其危爾斯爲上品伏願陛下明照庶務公察羣僚其官素分不才甘心無恥罔上營私違天蠹物者小

明史擬彙

卷二

主

言官痛加摧挫公行賄賂濫授冗員阿順者則交相接引驟至超遷違忤者則巧爲讒謗遠遭竄逐朝野寒心道路側目伏願陛下密訪渠魁彰國憲擇謹厚謙畏者隨侍左右以供使令更宜博選大臣諮諏治理推心委任不復嫌疑如此則體統正而近習不得分矣祖宗定大明律罪分輕重各有科條稽古定制服色器用罔敢僭踰善惡知勸戒之方貴賤異等威之辨故國制益專民心大定頃者法司惟徇己私不恤國憲豪橫有恃者雖重罪必曲寬容貧弱無告者雖小嫌必深鈞距惠及奸究之雄養成傾頽之俗紀綱盡廢體統蕩然蒙家

從容辨對而出乃令史部除文祥繁難衙門做縣丞著
歷練補成寧弘治元 十以南京吏部主事儲耀疏薦名
還授兵部主事居十 日復有言人之獄而同時有大
理寺評事夏鍤者亦 上疏曰臣伏見鄒智李文祥皆以
言獲罪夫言官無流 鼠之禍則不足以彰其舉有諫徒
之苦則愈足以見其 難罪愈重而名愈高是言者之得
罪雖今日之苦亦後 財之利但非人主之福耳不如轉
而容之則言者無其 禍亦無其名罪愈輕而名愈鮮而
名固歸於人主之一 身矣疏留中繇久綱江西無援之
者及謝遷相乃與之 歸而魏璋當時既為大理丞矣竟

明史擬彙

卷二

四

坐罪下獄王恕出之為同知悒悒死

論曰漢史傳賈誼之死曰年三十二矣蓋惜之也今觀
鄒智年二十六李文祥年三十殆不及矣讀其二疏豈
止痛哭流涕長太息哉然賈生遇文帝猶得為長沙王
傅二子遇孝宗顧積斥窮荒不得其死君明臣直所遇
懸殊若此然則賈生者未可謂之不幸也

舒芬

舒芬字國裳南昌人七歲能詩十二歲作馴雁賦郡守
祝瀚奇之正德十二進士第一授翰林院修撰時武
宗不時巡幸孝貞太后駕崩甫踰月即輕騎往視山陵

且至宣府又革一應擺路軍馬及還帝乘羸車入西長
安門遣左右奉太后神主從之芬一再上疏謂三年之
喪當深居九重無復外出雖釋服之後熒熒在疚如成
王免喪朝廟之時又謂自古萬乘之尊非奔竄避難未
有輕身而不嚴侍衛者天子等威莫大于車服安有厭
棄大輅衰冕而羸車喪服下同庶人甚非所以辨上下
定禮義也又言孝貞配茂陵未聞失德祖宗之制迎
主必于午門昨孝貞太后之主以從陛下之駕入于旁
門使他日作史者以春秋法書之曰六月己丑車駕至
自山陵迎孝貞純皇后主入長安門讀者必以春秋公

明史擬彙

卷二

五

藁書地不書地之法求之則孝貞不得正終之疑不解
矣宜陛下明詔中外以示改過不報遂乞終養不允十
四年駕議東巡時宸濠久蓄異謀又結錢寧陸完輩為
內應帝星明于江漢人情洶洶懼禍不測芬上疏諫曰
古帝王所以巡狩者協律度同量衡訪逸老問疾苦黜
陟幽明式序在位無非事者是以諸侯畏焉百姓安焉
近日陛下駕巡西北六師不攝四民告病哀號之聲上
徹于天傳播四方人心震動是以今聞南巡衢路之民
莫不逃竄而有司方以迎奉為名竭其財力以供萬一
羣聚嘯呼為禍不細且陛下之出以鎮國公名號苟所

至親王地方據勳臣之禮以待則陛下將朝之乎亦受其朝乎萬一循名責實求此悖謬之端則左右寵倖之人無死所矣由此觀之則陛下巡狩非古聖明王之舉而幾于秦皇漢武之遊博浪栢谷之禍不可監哉尚有痛哭泣血不忍為陛下言者宗藩蓄淮南之志大臣懷馮道之心以祿位為故物以朝署為市廛以陛下為奕棋以革除年間事為故事也特左右寵倖者知術短淺不能以此言告陛下耳使陛下得聞此言雖禁門之外亦警蹕而出安肯輕褻而慢遊哉于是吏部員外郎夏良勝禮部員外郎萬潮太常博士陳九川連疏入時

明史擬彙

卷二

六

號江西四君子明日吏部張衍瑞等兵部黃鞏等刑部陸倬等又明日禮部姜龍等兵部孫鳳等工部林大輅等大理寺周敘等行人余廷瓚等疏俱入上震怒下鞏等錦衣獄芬等百七十人跪午門外五日數日天色陰霾水溢南海子不了橋衝折鐵柱七根如斬傳旨縛芬等午門前杖三十芬以疏首杖特甚幾斃臥院中掌院者懼禍使人標出之芬屹不動曰吾官於此當死於此謫福建市舶副提舉明年聞父喪奔回世宗卽位名復故官嘉靖三年昭聖皇太后壽且詔免諸命婦朝賀芬疏諫曰皇太后誕節此陛下愛日承歡之時而諸命婦

朝賀則又得天下之歡心以事其親者也今遽傳免臣恐敬以禮衰情以文薄矣使此旨而出于皇太后也陛下固不當將順使果出于陛下得毋重傷皇太后心乎伏乞別降綸音以彰至孝疏入奪俸一月自是凡四疏乞致仕歸養不允大禮議起芬執言為人後者為之子不得顧私親疏三上固爭不得乃同諸臣伏左順門大哭上怒杖如前幾死旋奉母喪南還芬讀書貫穿百家天文律歷洞究其奧篤志聖賢之學最喜濂溪稱為中興之聖著太極通書釋義又作易箋問七十餘條書論二十篇詩稗說三十餘篇尤好周禮作五官序辨五卷

明史擬彙

卷二

七

六圖釋一卷別偽一卷既乃較定正經仍六卷總曰周禮定本嘗謂周禮與儀禮戴記猶蜀之於吳魏也賈氏以儀禮為本周禮為末謬妄已甚朱子不一是正之何也又修三禮書未成而卒學者稱為梓溪先生萬曆中追諡文節論曰翰林無言責自羅倫章懋黃仲昭莊景始有四諫之稱武宗南巡諫者百七十人而舒芬為之首瀕死者數矣世宗議禮復哭諫拜杖如前可謂至死不變強哉其矯者已芬初生時士人泊舟野江夜半聞人語曰狀元姓舒沒之前日門人謀構夢天垂白簾中有六字曰

忠孝狀元止此豈非豪傑之士生也有自來沒也有所歸哉

鄭善夫 高淑 傅汝舟

鄭善夫字繼之閩縣人弘治十八年進士授戶部主事正德初劉瑾亂政告歸築少谷草堂於金鰲峰作遲清亭以見志焉居六載起改禮部轉員外郎武宗南巡善夫約諸曹郎伏闕上疏上怒予杖罰跪跪時善夫別作諫草置懷中囑其僕曰死爲我出之其疏曰臣聞天子端外屏以示嚴也非郊社不離宗廟以承重也宮牆九重出則警蹕以防奸也夫以天下大器櫛邪側目而不

明史擬彙

卷二

文

夕七月兩雹此天戒也五嶽之神不啻天之僕隸慢於主翁恭其僕隸不待智者知其不饗矣陛下連歲北巡爲陛下留行者抗言有害而未嘗見害也非惟無害反有利焉宜陛下厭之也然臣愚謂陛下之漸成矣昔扁鵲再說齊君不用三見遁去歎曰疾在膏肓不可及矣當今民窮財盡青齊淮楚間水旱連年甚至父子相食臣恐今日之形扁鵲遁矣天下名實方懼大怪春秋尊無二上制王公以下皆曰臣今以天子之尊貶而稱公莫大怪也非惟大怪且有憂若有不順藩王以公禮處陛下將安之耶抑責其不臣也堯舜恭默無爲萬世

明史擬彙

卷二

文

敢發者無其便耳陛下遠不見曹欽近不見劉瑾又不聞英廟事乎乘輿遠出內無儲君外有勁寇而驕貴弄臣專典禁兵萬一變作誰保無虞陛下以威武大將軍鎮國公前往泰山獻香誠爲社稷人民耶臣聞雨露所滋無不孳息雷霆所壓無不摧折煦然而福肅然而威萬化時行百神率職者天也泰山之神尊於天平天以祖宗相承之社稷人民付陛下誠欲陛下敬其威和其人民保其社稷而能享其宗廟也陛下郊不視牲齋不親戒改卜者三出而馳道非所以事天也禘嘗不親非所以尊宗廟也園丘之上烈風揚沙太皇太后禰廟之

言治陛下自謂雄姿大略衽金革暴霜露手格單于身甚勞而功甚鄙也陛下不師堯舜則亦已矣獨不聞先皇帝乎先皇帝敬天勤民親賢遠色察佞倖絕遊畋亦惟自正其心爲天下本而文武效用不勞以治先帝何故不勞自治今復何故身勞而亂陛下可靜思也臣久伏草茅絕心仕進痛惟先帝祝天求才不忍以無用自棄抱此悃誠久欲上獻明知職非言路寧觸忌諱以死者誠惜陛下英明不忍天下之日敝也善夫竟不死居頃之歎曰世道如此可爲計哉復乞歸嘉靖初用薦起南刑部改吏部郎善夫好遊山水峻陟冥搜再得請走

浙弔孫一元於道場山探天台雁蕩諸勝八月而後返其赴名也便道遊武夷深入九曲絕糧抱病放舟南下抵家而卒年三十九其徒高濂傳汝舟爲庀棺斂太守汪文盛葬焉刻其少谷山人集十卷高傳同遊善夫之門閩人語云高垂股傳脫粟言斷斷中歌曲善夫且死遺言曰詩文妻子付高傳二弟經理其氣誼如此濂字宗呂隱居霞上自號霞居子家貧嗜酒日酣飲狂叫醉甚卽散髮赤脚善隸草八分畫自取適意邑子宋生病瘡濂過之酒酣潑墨寫菊數本復寫奇石修竹寒香飄拂涼風颯然宋躍起視之病霍然良已人謂濂之畫不

明史擬彙

卷二

三

減少陵詩也汝舟字木虛自號丁戊山人年十四誦黃帝姚姒之書二十謝諸生通天官堪輿涅槃老莊古語斑駁至不可句中歲好神仙別妻孥棕輓箬笠徧遊吳會荆湘齊魯河洛之間其弟汝楫字木剡號臥芝山人亦有詩名時稱二傳

論曰鄭善夫以文詞自放於山水間然讀其諫南巡疏謬謬乎可謂直節士也林貞恒謂其詩專倣杜時非天寶地遠拾遺不異無病而呻吟夫武宗時政去天寶幾何猶曰無病呻吟則將請東封頌巡狩而後可乎其不知鄭甚矣高傳雖布衣能自崖異抑不負其師意氣有

足多焉

顧璘 弟璜

顧璘字華玉吳縣人國初隸匠籍徙上元弘治九年進士授廣平知縣徵入爲南京吏部主事進郎中正德四年出知開封府鎮守中官廖堂予奪自恣璘摧抑不少假王宏代之尤諄謾氣欲訾人璘長揖而已宏怒搆錢寧矯詔逮錦衣獄璘侃侃辨對一無所承寧遣卒開封陰探無所得僅鑄三階貶全州知州十一年陞台州知府台瀕江多水患璘修橋築隄且建樓數十楹於上人莫喻其旨已夏潦水猝漲居民得依樓以避所活以千

明史擬彙

卷二

三

計轉浙江參政嘉靖改元冊立中官入賀道陞山西按察使以病免七年起江西旋陞浙江右布政使進左擢右副都御史巡撫山西乞終養忤旨落職久之以原官名用巡撫湖廣璘單車徧歷州郡勸農振業平繇復稅民乃安集遷刑部右侍郎尋改吏部會顯陵摩工陞工部左侍郎領山陵事璘長於料簡調度有制費約而功倍還朝改南京刑部尚書罷歸年七十有息園浮湘憑几歸田諸集璘負才名官留曹六年學益有聞延接勝流如恐不及詔修承天誌聘楚名士屏棄者王廷陳王格顏木分任之書成不稱旨士論以此益附家居構思

園治幸舍數十間以待四方之客客至如歸命觴染翰
留連浹歲無倦色卽寸長曲伎必與周旋款曲意盡而
後去金陵傳璘一事一在浙物色孫太初不可得稍開
輒道衣幅巾放舟湖上月下有小艇泊斷橋下一僧一
鶴一童子煮茗笑曰此必太初也移舟就之遂往還無
間一在楚欲見王廷陳廷陳固不肯廷陳有狎客二人
日共鬪雞走狗不離左右使人劫之曰若朝夕與王公
遊而王公固不見撫公若兩人死無日矣兩人大恐曰
敢不如命雖然必以計掩之候廷陳狎遊時趨報璘疾
趨而前廷陳惶遽將走匿二人夾持之不聽去乃強留

明史擬彙

卷二

三

其賓主遂定交其風流好士至今可想也璘有從弟曰
璫字英玉正德九年進士授南京工部主事武宗南巡
欲擇一通敏有識者侍左右備顧問衆以推璫一日上
注目久之曰汝管船官耶璫頓首上謂左右曰甚爽例
可著充護衛官遂護蹕還京陞南京武選郎奉旨革冗
員雖居梓里直行其意不避權貴喬宇爲尚書亦不樂
之考察謫知許州遷温州同知山東僉事歷河南副使
高自負與物多忤坐同官媒孽罷歸橐蕭然無以給朝
夕臨街一小樓扁曰寒松訓蒙童數人以自食璘初闢
息園賓朋滿坐妓樂雜作所居間一牆招之飲多不赴

嘗絕糧璘餽以斗粟不受霍齋爲南宗伯拆毀庵院以
廢寺田百畝資之堅拒不納鄰家二老人舊酒徒也每
召之典衣沽酒三人相對盡三四甕而去其標致如此
論曰顧璘陳沂王韋稱金陵三俊然沂矯矯有風節韋
一詞人耳獨璘別歷治績頗有可觀而其弘獎風流兼
饒晉人之逸致可謂俊矣乃璘以官達豪邁自喜而璫
孤僻自守有於陵仲子之風南阮北阮又何殊也

陸深

陸深字子淵上海人弘治辛酉鄉試第一乙丑進士選
翰林院庶吉士正德二年授編修劉瑾銜深不附改南

明史擬彙

卷二

三

京禮部主事瑾誅復職十三年陞國子監司業署祭酒
篆奏黜不職典簿有當道子犯規扑之六館肅然丁外
艱嘉靖七年薦起爲祭酒時仲秋丁祭奏犧牲當用水
上允之著爲令充經筵講官輔臣桂萼竄改講章深講
畢面奏今日講章非臣原撰乞自今容講臣得盡其愚
退復具疏論之忤萼意出爲延平府同知九年擢副使
提學山西生員劉某父爲知縣枉殺訴于御史趙鐘鏜
先入縣令言反答生下獄深爭之弗聽因觸鏜怒卽劾
深抗憲不職深亦劾鏜挾私庇屬毀辱學校時內臺勢
重藩臬有事必稟承巡按而行驕詬成風深憤其積弊

遂上疏極言之略謂高皇帝位置百僚內設五府六部外建都布按三司有指臂相使之勢故府部謂之大臣三司謂之方面三司自五品以上吏部舉用其名雙請與兩京堂上體例一同若六部之郎中員外等官謂之司官三司之各府州縣等官謂之屬官是或有督率之義焉至如臣提學職事原與巡按不甚交涉而憲綱所載送迎坐次之儀但相賓主而非統攝且御史積有資望方得推陞副使今鏗妄認方面爲司官而欲一概督率之不知是明旨乎是舊例乎恐天下後世謂我朝方面官曾受御史之督率寔自臣始此名不可不正也推

明史擬彙

卷二

四

求弊端皆由不才三司諂佞阿附要求保薦以爲進身之階所以養成龐傲之御史敗壞陛下之紀綱此弊不可不祛也伏惟聖明將臣所言特下該司會議凡有舉劾當視巡按者之賢否以爲黜陟凡爲巡按當考舉劾者之當否以爲殿最凡遇接管巡按之際再加精擇一洗舊習而更張之庶幾內臺不至挾權以相陵外臺不至希求以獻媚名義既立弊端自清矣疏入上命董給事往勘得實鏗外謫深復職十一年補浙江提學陞江西右參政雪冤獄數十人陞陝西右參政道轉四川左布政使控制松茂諸番調兵食以書策勵總兵何卿進

攻深溝等處捷聞有白金文綺之賜陞光祿寺卿十七年用內閣薦進太常寺卿奕侍讀學士扈駕南巡御筆抹去侍讀二字掌行在翰林院印尋晉詹事府詹事上嘗評論廷臣云如今翰林無人只陸深舉動好又稱爲忠敬只是慙直其既受知如此而深性嚴毅與朝士少諧武定侯郭勛方有寵深惡之呼爲跋扈將軍助嗽焉多方沮之深遂乞致仕時首輔夏言深門人也欲留爲南禮部尚書深弗願也既去後上一日問侍臣翟鑾曰陸深張邦奇才學孰優鑾對以陸優于張上曰陸深曾爲祭酒桂萼欲害之今尚在否方有意召用而深歿矣

明史擬彙

卷二

五

上悼賜祭葬贈禮部右侍郎諡文裕深少與徐禎卿切磨爲文有名工書倣李北海趙承旨賞鑑博雅爲詞林冠有儼山文集數百卷論曰翰苑文學之臣雍容安坐可致臺閣而陸深抗論執政獨以風采自見及爲外臺復能排御史而去之豈非鐵中錘錚出乎其性者哉雖未枋用獨受主知其文學亦傳于世世之詞林先生在苒委蛇與時俯仰其爲人賢不肖何如也

列傳

趙用賢

孫士春

趙用賢字汝師常熟人父承謙贛州推官擢吏部出為廣東參議有政績用賢隆慶五年進士選翰林院庶吉士授檢討充纂修會典官長身聳肩議論風發突兀班行中人望而識之萬曆六年首輔張居正父喪有詔起復用賢因星變陳言請聽終制杖六十同時編修吳中行刑部郎艾穆沈思孝進士鄒元標後先拜杖五人直

明史擬彙

卷三

一

聲震天下削籍家居江陵威權日盛人惴惴為用賢危用賢意氣自如十年居正卒以原官召用陞右春坊右贊善時朝政初變江陵舊人猶布滿九列見用賢中行驟起詞林內慚且忌會御史李植江東之故以攻江陵擢用不快于執政連章劾之執政大怒目為朋黨許國疏中所謂意氣感激偶成一二事自負以不世之節號名浮薄喜事之人黨同伐異誣上行私者蓋專指用賢等也用賢上疏極言朋黨之說漢宋小人所以去君子而空人國者慮開讒賊之端遏仁賢之路聘報復之私消是非之公長諂諛之風來壅蔽之漸其言甚辨忌者

無以難益恨之用賢自劾求罷不允已充經筵講官陞

司經局洗馬管國子監司業右春坊右庶子十五年以

詹事府少詹事管南京國子監祭酒明年陞南京禮部

右侍郎其在雍舉高士鄧元錫劉元卿修忠臣黃觀廟

疏請建儲早教元子及宥言官李沂斥大闢張鯨最為

愷切復引歸不允用賢在南五年中外望其枋用謂不

宜棄之留署吏部郎趙南星訟言尤力執政不得已召

為禮部左侍郎兼翰林院學士再引歸不允比王錫爵

再相有三王竝封之命用賢上疏極論其不可事得寢

二十一年改吏部左侍郎是秋有監生吳鎮許奏之事

明史擬彙

卷三

二

鎮故御史吳之彥子初用賢與之彥約婚及用賢削籍之彥懼及坐鎮于其弟下曰婢子也用以辱用賢用賢返幣告絕之彥乃大喜用賢亦不以屑意也越十三年趙女已適人鎮亦他娶矣或陰嫉之突以絕婚奏先是用賢乞休疏十二上曰不歸無以謝忌者雖曾史夷由不點不止至是果然遂抗疏力辨移疾去舉朝大譁交章請留不報用賢性強直議論侃侃不少屈當被杖時到敗肉如掌妻陳恭人腊而藏之用賢語及時事意有不可嚙齒奮臂輒從容捧檣進曰公且休矣盍為餘腊地乎用賢為之斂容歎息然卒不能改也東南財賦甲

天下賦斂日增而科派無別從輸日急而隱漏多端用賢訪求悉其利弊在官坊延進士袁黃商權四十七晝夜條陳十四款上之執政不悅謂南人不當言南事寢閣不行天下惜之歸三年卒予祭葬至天啓中始贈禮部尚書太子少保諡文毅蔭子隆美國學生爲敘州守孫士春字景之崇禎元年第三人及第官編修武陵湯嗣昌以樞臣起復入相士春特疏論之謫歸同謫者修撰劉同升給事何楷也隆美聞之以特羊告家廟喜極而泣曰文毅公拜杖時腊肉猶在孺子爲無忝矣嗣昌尋以喪師自殺士春亦遂不起卒于家二陵奪情若出

明史擬彙

卷三

三

一轍而趙氏祖孫並以翰林建言著當世傳爲美談論曰方江陵枋國結馮保逐高拱幾于門生天子氣燄赫然朝士趨之如鶩而用賢與吳艾沈鄒五人者獨敢言無忌可謂直哉如矢者已時又有劉臺者爲江陵門人規諫尤切江陵痛恨之貶謫以至于死而用賢卒以功名終雖屢遭齟齬未可謂不幸也士春小同酷似其祖遭時鼎革故事業無得稱焉

周順昌 朱祖文

周順昌字景文吳縣人萬曆四十一年進士授福州府推官時稅監高宥橫斂激變劫巡撫匿私署爲質民心

洵洵不測順昌往責案出之衆始解散上聞撤案歸順昌以清直得最擢吏部主事進文選司員外郎署選事謝絕請託人不敢干以私告假還里天啓中魏闡竊政羅織忠良嘉善魏給事大中被逮過吳順昌徇往款語累日臨別涕泗許女字其孫買舟遠送校尉呵止之順昌張目叱曰若不知世間有不畏死男子耶若曹歸語而忠賢吾卽故吏部周順昌也御史倪文煥謂得之効順昌不當與罪人連姻且誣其署選時貪橫狀矯旨削奪繼而有前撫周起元之獄內臣李實疏叅縱騎至知縣陳文瑞其門人也懷牒詣順昌泣下順昌曰吾辨逮

明史擬彙

卷三

四

久矣顏色不變令請順昌入治裝舉家號慟順昌笑曰無事亂人懷也顧案上有素榜徐曰此龍樹菴僧屬我書者向固許之亦不了事乃題小雲栖三字後識年月投筆而起改囚服出門順昌居鄉素有名士民哀憤聚以萬計焚香呼冤聲徹十餘里擁巡撫毛一鷺車請疏留旌尉素驕橫擲銀鐺厲聲曰東廠逮官鼠輩何敢爾于是市人顏佩韋等大呼曰吾等謂天子詔耳東廠何得逮官卽前奮擊尉斃一人餘俱踰牆走順昌曰是益重吾罪也衆猶守順昌官廨中涕泣尼其行或有勸順昌自裁者順昌歎曰予小臣也豈敢引高公不辱之

義乎固知此行必死死見高皇帝請殛元兇以清朝廷
吾願畢矣乃間行赴詔獄拷掠慘毒順昌極口罵忠賢
不屈鎮撫許顯純搥其齒盡落順昌噴血濺其面罵益
厲因觸石碎首其夜為獄卒顏紫所害而一鷺疏上以
佩章及馬傑沈揚楊念如周文元等倡亂收斬之五人
咸慷慨就刑崇禎元年子茂蘭刺血上書贈順昌太常
寺卿諡忠介給三代誥命特恩也忠賢建祠在虎丘者
毀之即其地斂五人遺骸葬焉題曰五人之墓而參順
昌之倪文煥都人所稱百叩御史也家居揚州白晝見
五人嚴裝仗劍容狀甚厲馳入中堂已而旌旗衛從數

明史擬彙

卷三

五

十人導順昌來登座冠服儼然文煥大懼率妻孥叩頭
祈哀庭下石井欄自起舞空中良久墜地聲如霹靂乃
騰空去亡何而文煥誅方順昌之逮也逆黨偵覘往來
親故多自匿有朱祖文者獨能周旋患難以及于死祖
文字完天為諸生幼孤母守節未旌恒痛念之順昌未
之識也聞文震孟言其狀心憐之為白當事題表牒下
郡祖文始知感泣誓為順昌死及順昌被逮祖文慨然
先走都門告同鄉諸大夫辦橐餽事既懸贖三千兩則
為匍匐丐貸奔走吳橋定典間徒步冒暑跋涉千餘里
措糶甫就而順昌已益死矣畢命之日祖文夜宿野店

有聲魂然至京微服僻處營其後事每一慟哭聞者悽
惻竟以勞瘁憤辭死

論曰清流之禍自古不免然如鮑宣下獄太學生舉旛
救者千餘人此已難矣若順昌被逮市井小民環視而
起呼號涕泣擁塞道路至于抗權璫擊官校延頸就戮
而不辭何其烈也非有名節以感動之不及此至倪文
煥見五人事有似魏其灌夫之守武安厲鬼殺賊不亦
宜乎而或謂順昌倖直賈害有味保身之哲斯又責備
之論也

呂維祺

明史擬彙

卷三

六

呂維祺字介孺新安人父孔學以孝聞維祺少能文究
心理學聞鄉先正孟雲浦之風私淑之著知非箴心法
吟萬曆四十一年進士授兗州推官行保甲法擒黃河
巨盜三十餘人立山左大會蠶學田註邵康節孝弟詩
教之修孔廟仲子廟議正祀典黜季孫子叔疑益成括
立子思專祠以次子襲謂孔子至尊子思且不敢稱宜
改先賢忠為子蔑子先儒濤園為子國子皆奏行之擢
吏部稽勳主事歷考功文選員外驗封郎中當熹宗未
登極前二日諸閣導之幸小南城鹵簿具矣維祺亟偕
同官臺省見政府危言阻之乃止遂抗疏謂調護聖躬

近御不得干預政事常聞而銜之天啓元年假歸立芝泉講會從游者甚衆崇禎元年起尚寶司卿陞太常寺卿提督四譯館疏陳防微八漸如留中改票慎刑點陪免進講棄言官愼宴遊寡嗜欲上嘉納之三年陞南京戶部右侍郎總督糧儲時南京倉庫如洗軍糧壓欠至一二年脫巾鼓噪毆管餉司官焚科臣房屋維祺署大司農事心憂之設會計簿晝夜稽覈搜北部借南糧二百六十四萬疏爭之搜杭嘉蘇松等府侵南部抵漕折銀八萬五千餘兩劾布政莊廷臣等抵之搜各省未納二百三十六萬兩藩工銀十三萬四千兩又隱匿布絹

明史擬彙

卷三

七

紗銀二十四萬劾布政董承詔等抵之查出戶司書手韓文綜等侵欺南糧百餘萬庫書夏汝清等侵欺銀四千九百餘兩勒限究追修建三十六倉五場清完屯糧八十八萬有奇請開新舊鑪鼓鑄獲利八萬七千二百九十兩有奇前此倉米不足一月越三年存糧一百五十餘萬可備二年之用折色原銀九千餘兩壓欠應支三十八萬越三年存銀二十八萬紙贖公費約積一萬五千餘兩除修倉助餉學田優賞外存銀五千一百兩分毫不以入私維祺又以國用未敷民力已竭請將舊逋量折量蠲并罷北直河南江北米豆折色加賦及改

金衢徽紹四府水兌折色人皆便之會上遣內臣監視戶工九邊兵馬錢糧維祺首疏抗論仍責相臣首鼠不言繼而南北始有公疏上亦允罷六年陞南京兵部尚書參贊機務留都軍政廢弛冒濫驕玩維祺申令整飭嚴禁將官餽送不受一花一粟揭示優恤軍士十六條盡革打點需索每隊置小牌每營置大牌各書姓名使什長隸隊長隸總衛相習如臂指乃課武藝勤操練裁冒軍八千餘名察劾吏陳天翥等侵餉一萬二千餘兩正法備硝黃二十五萬斬流寇謀者十餘人賊遂西遁八年賊自汝寧來侵鳳陽犯皇陵折而西陷巢廬

明史擬彙

卷三

八

江一支北出潁州都督趙世臣守關山之兵潰走烏衣南都大震遂上疏自劾致仕尋以拾遺革職歸侍父洛陽宅艱立伊洛會初維祺在南京立豐芑會及門楊以任等二百餘人著孝經本義至是在洛及門姚賡唐等亦二百餘人而孝經大全或問成有芝十八莖生於庭內閣巡撫交薦復職而維祺終不出新城庫薄維祺首捐四千金倡修適有土賊王之典之變維祺率家丁鄉勇平定之邑賴安堵又值大饑維祺檄紳士民出家財設粥廠大賑四小賑七繪河洛災荒圖上之十四年寇陷宜永逼洛城福王在城中維祺以大計動之不從

寇至維祺守北城絕家丁殺賊數人總兵王紹禹親軍
通賊殺守堞者遂潰家人勸更衣弗聽勸絕城弗聽勸
避民舍弗聽賊執下雲梯掖出西城道遇福藩奮首曰
王死生命也名義至重無辱至周公廟見大寇不跪
怒曰汝日請兵勦我今復何如維祺厲聲曰我爲兵部
尚書恨無兵馬殺汝狗彘今日惟有一死死不辱聖賢
不愧天地生爲正人死必爲正神吾何畏汝耶左右欲
生之維祺更嫂罵曰生尚書不值一錢北何拜皇帝哭
曰君恩未報臣力已竭又西向拜辭父母延頸就刃遂
死事聞上哀之贈太傅諡忠節予祭葬造祠蔭子入監

明史擬彙

卷三

九

維祺少失恃育于祖母牛氏氏守節孔學事之孝天啓
中旌表建一門節孝坊崇禎時孔學復以捐粟一千石
錢二百千賑一萬七百人題請建坊旌義至維祺殉難
人謂忠孝節義皆出一家云

論曰道學經濟節義三者皆士君子之事也而兼之者
難明之季也道學盛而門戶開日斷斷于格致誠正之
說而朝廷刑政置之不講是以兵日敝糧日竭寇日劇
而國遂以亡雖有節義之士以身殉而已呂維祺中州
所稱道學先生也觀其在南都戶兵二部練軍籌餉深
達時宜非有大過人之才不能蓋有真道學然後有真

經濟有真經濟然後有真節義臨難不苟卓然爲千古
完人三者兼之嗚呼可以爲難矣

李繼貞

李繼貞字散尹太倉人萬曆四十一年進士授大名府
推官舉卓異陞工部主事調兵部副山東典試發策以
漢唐開寺爲問時魏璫欲方熾指謗訕降調尋革職崇
禎元年起補武選司改職方嚴法紀絕賂賂債師不得
通饋遺有營刺者雖應得陞賞抑不與造御覽冊先戰
功次列督撫薦因名對具言武臣難知狀又言邊事弊
在有查點無訓練上善之四年延綏大饑繼貞上疏請

明史擬彙

卷三

十

賑曰皇上以數十萬金錢而活數萬生靈福澤莫大焉
活數十萬生靈而農桑復業賦稅嘗供所獲不止數十
萬金錢也利益莫大焉彼地斗米銀四錢發銀不如發
粟之有濟宜先發四五萬金用董博霄人運之法就近
運粟輸至軍前更勅直省援納事例及贖錢俱輸粟入
邊酌量腳價低昂其直使輸者稍有饒益則輸必多可
以撫饑可以賞功而依賊之民必散賊不就降卽就縛
耳會延撫洪承疇秦帥杜文煥請撤王承恩還鎮繼貞
疏覆不獨王承恩宜還鎮延綏卽楊驥亦當還鎮固原
不獨二將宜還鎮其部下兵亦宜隨之西還使之殺賊

賊平乃許歸鎮秦中撫鎮既得西來兵將之助勇氣自倍賊當消阻而後可勦撫並用撫非撫賊撫我飢民之從賊者已從賊者雖歸猶有限未從賊而勢必從賊者無限當此斗米四錢之日慈父不能有其子而能禁其束手就斃乎撫臣請留站銀止可權給餼軍安能及民宜如神廟四十四年特遣賑荒東省之法必得三十萬石之粟以往在附近州縣稍熟地方賢有司設法糴買運至近賊處所盡心賑濟賊就撫者給以耕種推誠安插如此則民之已化爲賊者還化爲民而將化爲賊者永不爲賊賊勢漸孤必有斬元惡以獻者疏入上乃令

明史擬彙

卷三

十一

王承恩還鎮遣御史吳姓以十萬金往賑而藩王以下捐助五萬金粟麥二萬石然所救不及十之一七月因遣楊嘉謨還鎮繼貞再疏爭之曰前賑臣携十萬金往度一金一人止可活十萬人而斗米七錢亦止可活五十日耳皇上宜勅賑臣回奏十萬金果足乎不則當早沛恩膏雖內帑不宜惜也繼貞嘗語人曰賊初起得十萬金便可濟吾爭之經年始見從今賊勢已十倍于前非三十萬石不可主上以國用匱乏慎惜金錢雖下手詔命專使所齎止此如以杯水救車薪庸有濟乎後卒如其言五年登萊兵變總督議主撫仍以官兵駐登城

繼貞持不可請調關外兵解登圍亂乃定繼貞在部久邊事益練習先幾料得失贖若指掌權倖以請託不遂嗾論之解任亡何起補尚寶司卿轉順天府丞甫十日特陞兵部左侍郎都察院右僉都御史撫天津故水陸衝歲給遼關承餉餉一百二十餘萬石繼貞作三運接次無後期率僚佐練軍實開屯田五萬一千頃歲收穀數萬斛城中池瀉鹵相地鑿渠井得給飲軍民大安舊制遼餉中米豆一項每歲名貢於各州縣陸運至遼整解等費十倍本色餉司葉廷桂侵牟不可算繼貞繩以法遂結厥衛陰中之會劉應國兵失利詭言津登兵

明史擬彙

卷三

十一

後期論罷已上念繼貞不置卽家拜兵部右侍郎疾亟具疏辭復下南京操江巡撫之命命下繼貞卒天下惜之繼貞負幹略以孤立得主知三黜三起居家遠權勢蕭然若寒士所著有津門草雪虹閣集

論曰明末流賊大半驅饑民爲之故靖亂者先賑荒此長策也當賊破京城內帑山積不以此救饑民而棄爲寇盜之齎乎以十萬金賑數百萬之衆如撮抔土塞黃河之漏何益之有獨怪當時累若滿朝噤無一言獨一曹郎發徙薪之論終不見用以訖于亡信乎大厦將傾非一木所能支也

杜喬林

杜喬林字君遷華亭人幼而篤學性至孝萬曆甲午癸卯因父病皆不赴試己酉春鄰人夢神告曰杜君純孝將顯矣其秋果得舉丙辰成進士授刑部主事提牢三月釋冤罪二十餘人庚申出守湖州湖境枕太湖為盜藪時遂左已沒奢酋反東川白蓮教反齊地而海寇蛇山賊復作亂湖盜將竊發遙應之喬林廉得以次捕獲明年賊忽播流言郡民恐爭竄徙家人亦洵懼欲歸喬林曰無庸我守土臣難作閩門死事而已既賊黨高登瀛告發乃立擒渠魁葉朗生包包山丘太虛等輿情始

明史擬彙

卷三

七

安癸亥陞浙江按察司副使先是喬林擒葉朗生時副賊吳野樵跳免喬林禁游徵鄭賢責致野樵如律令長與令石確不可謂宜以賊力保賢出喬林既去任甲子正月朔野樵遂劫殺石令人皆見賢共野樵耳語始服喬林先見云任未半載聞父疾亟棄官歸尋丁艱服闋補福建屯鹽副使戊辰轉參政仍理屯鹽故事八閩鹽政不設御史屬鹽道專轄每歲按季掣鹽羨入甚厚喬林終任二載未嘗開掣去官日携閩刻經史四笥而已庚午進山西按察使辛未入覲上名九卿科道及外藩臬入對文華殿詢海內利弊次及喬林問流寇事

對曰寇漸渡河河曲孤危宜大創之但兵寡餉乏耳上

曰前言寇平何也對曰山陝僅隔帶水寇來去易故河曲特危上曰河曲何以易破對曰賊不必攻城饑民每為內應不早圖恐誤國事時內外臣莫肯言寇患者喬林據實敷陳最稱旨其年轉浙江右布政使管溫處兵巡道事會海賊劉香老入犯溫區鎮下江口二關喬林甫視事六日即馳赴瑞平沙埕調度策應募壯士韋古生等修戰艦七十餘隻練諸葛弩輕弩火器又築砲臺一座賊不敢過閱月復犯黃花關圍溫州府城二十二日喬林親督兵城上竭力守禦誅賊間湯家臣陳九阜

明史擬彙

卷三

七

等舉砲殺賊無算次日督諸哨鄉兵開門奮擊殲賊首名百歲翁者賊始燒木城遁計賊犯浙百日而溫郡最久前後戰守堵禦喬林功最多撫按交章請敘奉旨優賚尋以病請老卒于家子麟徵辛未進士官刑兵二部主事有言嘗上疏論時事參大璫張彝憲人皆避之
早
論曰吾聞杜君恂恂長者及其為吏治則文而無害武而不殘殆兼卓茂龔遂之長洵循良之最矣使在漢世當入為三公而官止外藩設施未竟其用或有傳其仙去者蓋豈弟君子固上帝之所勞也

黃道周

黃道周字幼玄漳州人家貧業農事親以孝聞年二十四始發憤讀書天啓二年舉進士選庶吉士授翰林院檢討時在翰林者多雍容養望道周乃作矯輕警惰文以諷之遼事方急中左寧遠相繼陷沒島帥毛文龍自詔鎮江之捷當關者欲藉之收覺華島以窺寧右漸圖河西上其議於朝當發兵餉數百萬道周獨決其非策已而文龍卒無成魏忠賢用事道周拂衣歸崇禎元年起原官明年遼督袁崇煥殺毛文龍道周前固策文龍不足恃至是獨撫膺謂關門之禍自此始亡何東兵大

明史擬彙

卷三

五

入薄京師帝震怒即軍中逮崇煥究主者崇煥言由閣臣錢龍錫上并械繫之獄具當龍錫死道周聞之歎曰安可使明主有殺輔臣名上疏救之謂督臣受劔制關外僨事誤國雖磔裂莫贖輔臣坐綸屏遙度邊事一不當輒坐死後之閣臣必且長顧却慮不敢任邊事邊臣亦得以瑕罅閣臣撫單詞片語為質是使綸屏之內割邊疆為殊域也陛下即位甫三載閣臣受重譴者九人矣一代之間寧有幾宰輔陛下即欲整齊羣下不過倣虞廷故事令諸廷臣各陳時政考詢屢省因而澄之何材不服即欲威柄獨運操縱海宇但乘輯瑞之期綱眾

數條別貴賤輕重親渙德音嘉與更始使天下噩然仰

誦神武何必囹圄債盆孤卿駢并使四方傳者咸謂朝廷獄吏甚貴士紳甚賤乎疏入上大怒降詔切責道周不為挫復疏言前代戮輔臣惟漢武帝之於劉屈氂我世宗之于夏言千六百年僅見此爾然武帝以英偉之略動若風霆世宗以玄穆之識同符造化雖有芟夷不損大業今震疊方殷拯援未及養兵多年物力已殫謀臣顧慮未有一決即殺一龍錫無益于邊計徒墮士氣而傷大體且陛下以兵躪畿輔赫然為誅督臣繫卿貳斥郎曹已過當矣而閣臣又且不免庶僚相對容頭顧

明史擬彙

卷三

六

身無復伏波朱勃趙王貫高之誼即國家緩急何所賴此全軀掩口為者臣故不自量欲歷疆場觀要害一當荷戈橫原草為繫輔減罪近臣雪恥此臣所大願也上益怒竟削籍然龍錫亦得減死道周既家居益著書講學臺行文章論薦九年擢右中允時帝頗矜英察值四海多故疾羣臣結黨行私敗國事臨朝歎咤憂形於色首輔溫體仁輒言災借兵戈皆郡邑無狀所致非重治無以懲後屢起大獄而上以為能任怨益信之道周上言天下神器為之有道簿書刀筆非所以繩削天下之具也陛下當法先王內以至仁其臣庶外以至明至

武奠其封疆引吉甫名虎之倫躬贊大業離瓊瑯人何足共圖大計乎夫郡邑之吏猶之全土所應不過數十里之內非所以廣名殺氛天下陰陽風化皆視當宁之心氣與二三元老刻責自厲而已奈何使草土臣庶市其怒色乎體仁見而術之明年遷少詹事兼侍讀學士偕閣部臣入對便殿問以用人理財策道周據古今條對甚切上亦名重之呼先生者三道周既負重名天下望以爲相而性慙直好面折廷諍雖屢被譏訶不恤也中夜讀書至真德秀傳拊几歎曰古人立朝一月三十六封事而吾儕默然已乎是時楊嗣昌奪情用爲兵部

明史擬彙

卷三

七

尚書宣大總督盧象昇丁艱嗣昌薦陳新甲代之亦自喪中起復道周儒者念國家卽乏人奈何數以墨衰從事貽後世笑慨然思論之仰視熒惑逆行太白晝見嗣昌所籌寇事滋失策顯謂馮元颺等天象如此此人必誤國宜率同列固爭乃爲數劄子論邊事寇事其一糾嗣昌新甲未上也會上傳部院舉閣員元颺謂枚卜無出道周上者疏入或觸忤卽推且弗用遣所知日守之曰公得政所挽回者大奈何必以口舌爭卽輕宰相獨不爲天下計乎以此久不發已而上竟相嗣昌等五人道周不與焉上素知道周學行以其性偏執非救時相

故置之道周亦非以不相少有軼望特恨爲同列所誤不早擊嗣昌竟就初藁爲三疏以進上之相嗣昌疑非朝士意道周又衆所推而出身強諫憚其詞直欲以理折服因名對羣臣詰道周曰朕聞無所爲而爲者謂之天理有所爲而爲者謂之人欲爾三疏適當枚卜不用之時可謂無所爲乎道周奏天人只義利之別爲利者以功名爵祿私之己此是人欲爲義者以天下國家爲心卽是天理臣三疏皆爲天下國家綱常名教不爲一己功名爵祿所以自信其無所爲上問何爲先時不言道周曰先時猶可不言至簡用後不得不言臣今日不言

明史擬彙

卷三

八

言更無進言之日且如高官厚爵誰則不樂臣緘默數時亦可偷升斗之祿但所惜者千古之綱常天下之名教耳奏未畢嗣昌出奏道周說綱常二字臣不生空桑豈不知有父母臣聞命之初瀝血控辭明旨迫切不敢不倉皇奔命道周品行學術爲人所宗臣意必有持正之言可以使臣終制而去不謂其疏中自謂不如鄭鄭臣始歎息絕望禽獸知母而不知父鄭杖母禽獸不如道周又不如彼尚何綱常之可言道周隨奏大臣聞言義當引避使小臣得盡其言漢唐故事諫官論執政者執政皆出聽諫官對仗讀彈文臣雖非言官未有大臣

跪在上前爭辨不容臣盡言者嗣昌曰臣爲經常名教不容不剖陳但委覺非體道屬實係清品爲人望所歸望皇上放臣歸里道周曰臣生平恥言人過今日在上前與嗣昌角口亦失體臣知爲天下後世留此綱常名教天理人心而已上曰對君有體何至潑罵污詆大臣道周曰臣何敢潑罵疏中只有兩句說公子開方不省其親管仲比之豺狗李定不持繼母服當時比之人梟此兩句是臣過激亦惟遇明主始敢直言宋臣司馬光云臣若有專司則有所不言如爲論思之臣則無不可言者臣爲侍從論思之臣與嗣昌比肩事主不比詆毀

明史擬彙

卷三

九

兩三月又辭謝往復動須八九日新甲未得來盧象昇不得去使新甲可以來則盧象昇可以不去上曰陳新甲服將滿盧象昇父死在途如何不放他去又指疏曰疏中破非常之格以奉不祥之人試問何爲是奉冠婚是吉禮喪祭是凶禮凶對吉而言是說禮非說人人皆有父母父母皆有年老之時是人人皆凶人皆不祥之人矣道周曰禮三年之喪君命不過其門援琴之後始稱釋吉未釋吉前則孝子自謂凶人不祥之人古者兵禮鑿凶門而出故奪情在疆外用凶禮則可在朝中則不可上曰自謂是孝子哀毀自謙豈真是凶真是不祥

明史擬彙

卷三

十

大臣臣二十躬耕手足胼胝四十喪親負土成墳誠不忍見奪情之事上曰既如此何又說不如鄭鄞道周曰章子棄于通國孟子不失禮貌孔子自云辭命不如宰予臣謂文章不如鄭鄞上曰章子是不得于父豈鄭鄞杖母之比爾言不如鄭鄞正是朋比道周曰衆惡必察劉華謂人奈何避於權勢使主上不知是非上曰陳新甲諳練軍情今爲邊疆多事不得不用嗣昌薦舉甚多不止新甲一人爾謂其走邪徑託捷足豈朕一人不知威福予奪盡出臣下乎道周曰臣不識陳新甲但人心正則行徑皆正心邪則行徑皆邪今新甲在場聞命已

人既可用何分內外道周曰臣見嗣昌二年來今日是墨襄明日是墨襄不知何日丁艱何日起復我朝自李賢奪情前後五十餘人多在邊疆惟白圭曾坐司馬堂翁萬達以尚書除左司馬亦自陳以去向使嗣昌在邊疆則可在司馬堂則不可在司馬則可在政府則不可使嗣昌一人爲之猶可又呼羣引類使成奪情世界則不可上曰孔子誅少正卯當時亦稱聞人惟行僻而堅言僞而辨不免君子之誅今人心有所爲借綱常名教大題目來道其私正此類也道周曰少正卯欺世盜名心術不正臣心正行無不正無一毫之私臣今日不盡

言則臣負陛下陛下今日殺臣則陛下負臣上斥之曰汝讀書有年止學得一佞口耳道周叩頭起復跪奏臣請爲上分別忠佞二字夫人臣在君上之前獨立敢言者爲佞豈讒諂面諛者爲忠耶忠佞不分則邪正不明何以致治上曰不是輕以佞字加汝問汝這邊適在那邊非佞而何若論紅牌輕換支吾可斬也羣臣見上變色皆戰栗流汗緹校在殿下惴惴將有所收縛上終以儒者優容之奪六級降江西按察司斷事十三年巡撫解學龍薦之上以其黨並逮至京廷杖下獄戶部主事葉廷秀太學生涂仲吉疏救皆予杖刑部主事吳文熾

明史擬彙

卷三

三

發源令所誘至明堂里兵潰被執至南京死焉論曰史稱汲黯好直諫數犯主之顏色而武帝以社稷臣許之若道周而折廷諍不與長孺而學術過之惜乎烈帝之不能用也觀平臺名對之言至今使人不寒而栗而道周侃侃自如豈非卓然大丈夫哉孟子曰富貴不能淫貧賤不能移威武不能屈道周者當之矣

明史擬彙

卷三

三

文苑傳

李夢陽

李夢陽字獻吉其先開封人祖成慶陽家焉父正為周府教授復歸開封夢陽少應河南試不利以故籍走陝陝場且閉夢陽大言曰場無解元何閉也王者奇其言試而納之榜發果第一時年十八連舉進士弘治六年也授戶部主事歷郎中嘗權關格勢人構繫獄尋釋十八年應詔上書陳二病三害六漸凡五千餘言其言兵

明史擬彙

卷四

害曰冗食而無補空名而鮮實也在京之兵七十餘衛分爲五軍帶甲數十萬至正統已已纔數十年拔之僅得十二萬爲十二團營至今又數十年耳日者遣將北伐拔之不滿三萬然其腰鞬弓刀不全也騎士則牽露骨馬又旋置鞍轡等夫兵數不減于前一旦狼狽若此者何也官不恤其軍豪勢多占使遠者逃近者潛職司不以報糧籍不開除壯丁各營其身老弱出而應點食者增而用者寡也夫騰驥四衛非今所謂內兵耶外官既不稽其數征役又不選用其丁故其人率富家而氣驕夫內官者陰狡而狠貪者也以富家氣驕之人而率

以陰狡狠貪之輩其害可忍言哉且夫錦衣衛爪牙之

司也內官之家人子弟官之團營兵之精也內官參之內兵又其專掌之今團營把總號頭等執非內官之私人乎彼其家人子弟執非詭託冒官也乃令布列要地爲爪牙陛下獨不爲之寒心耶宜查往年李玉事例仍置總兵官使參掌內兵又禁團營把總號頭等不得置其私人其詭託冒官自首者聽但罷免勿問如此則威立而惠亦行可以銷患于未形矣其言民害曰斂重而民貧貪墨在位恩不下流也今百姓困苦亡賴而有司不之恤斂之不問貧富也役之不問勝否也曰是爾職

明史擬彙

卷四

二

焉矣是故富者剝削貧者稱貸稱貸不足則必鬻子鬻子不足則必逋竄一旦棄父母捐親戚背鄉離井愁怨之聲上于天和則必有水旱風雹之災逋者不還居者縲縲而牽連則必有無辜暴露之屍臣故曰民害者重斂使之也夫內府供用有常數也宜有常簿今油蠟皮張諸料等較之弘治初年費且十倍于前則戶工二部科派必又倍矣下之州縣必又倍矣百姓輸納又有秤頭等必又倍矣又經內官必有賄賂益又倍矣陛下前嘗降旨存問然簿數不減也科派不省秤頭如故賄賂公行無憚此所謂空名而定禍也其言莊場之害曰臣

伏觀洪武某年詔曰直隸拋荒地聽民間墾永不起科夫民既自開墾即其田矣而今皇親之家聽亡賴光棍授獻主使謂非其田也請之朝廷朝廷亦謂非其田也即賜皇親家遂乃奪其地土削其墳墓毀其房屋斬伐其樹木于是百年土著之民蕩產失業拋棄父母妻子千里之內騷然不寧矣且薊州牧馬草場與百姓爭阡競陌尺分而寸割之是何賤人而貴畜也夫草場數千頃地耳今三遺官矣百姓年年坐勾攝轉相牽連妨廢本業男不秉耒女不上機賣男鬻女轉死泥途者過半臣知陛下有所不忍也宜勅戶部查景泰六年勘官

明史擬奏

卷四

三

馮謩奏內事理以前項田土仍給民徵租但以空閑草場牧馬便又言盜之漸其機在民窮夫盜者非不知法當死也彼以爲往固無食矣今盜而得食即死不猶愈于餓乎往固無衣矣今盜而得衣即死不猶愈于凍乎往有租調官司之轄矣今盜而得自由不猶愈于追擊鞭笞之乎夫天下無知愚強弱舉僂首捧心以事我者以有法維之且畏死也今雖死而愈于凍餒追繫鞭笞之則彼何所不至耶計今事勢非但憂盜將必有大患所謂有亂之機無亂之形也今天下無不臣之國百官奉職筐篚歲至太倉有紅腐之粟武庫之兵朽而不用

又無方二三千里水旱之災也然而哨聚殺人劫縣燒村剽掠婦女者日相聞也臣謂宜亟選良有司恤飢賑寒以安民心又密令整飭城池軍馬以伺緩急之變夫安不忘危霸者之略有備無患聖王之政况今承平日久民不知兵萬一有意外之警有如平原睢陽之倫乎又言貴戚驕恣之漸其防決也水防惟土國防惟禮水決則潰禮決則陵昔高皇帝制令皇親之家不得預政及考其須祿列爵則又使大貴而極富已考其器度田奴之等則又不使踰也臣于是歎曰是所謂禮之防也夫皇親與國至戚不宜有間今顧制禮以防之此固保

明史擬奏

卷四

四

全而使之安也今陛下至親莫如壽寧侯所宜保全而使之安者亦莫如壽寧侯乃不嚴禮以爲之防臣恐其潰有日矣夫天下替則上陵今壽寧侯招納亡賴網利而賊民白奪人田土擅拆人房屋強略人子女開張房店要截商貨而又占種鹽課橫行江湖張打黃旗勢如翼虎此謂之不替可乎替則陵則逼大逼則法行且今側目而視切齒而談孰非飲恨于壽寧者夫川潰則傷必衆萬一法行陛下雖欲保全而使之安得乎臣竊以爲宜及今慎其禮防則所以厚張氏者至矣亦杜漸剪萌之道也壽寧侯者張皇后兄鶴齡也疏入鶴齡奏辨

論夢陽斬罪十其最著者斥皇后爲張氏時后寵有權
后母金夫人日夜泣上前上不得已下夢陽獄掌獄牟
斌議罰德左右請杖之不許金夫人猶訴不已帝不憚
曰張氏誰張家也張家皆后耶推案起他日上遊南宮
二張夜入侍酒皇后太子金夫人皆逸遷出遊上獨召
大張勝語左右皆不聞但遙見大張免冠觸地蓋因夢
陽之言罪壽寧也後劉大夏入對上語及夢陽事曰前
鎮撫司本上朕試問左右皆曰此人狂妄宜撻以釋之
朕揣知此輩得旨便令重責致死以快官中之怒使朕
受殺直臣名可乎當是時天下賢孝宗而慕夢陽之爲

明史擬彙

卷四

五

人亡何夢陽遇壽寧侯大市街乘醉數疾過雜罵舉鞭
擊之落二齒侯負痛隱忍去武宗卽位入奄弄權戶部
尚書韓文每朝退對屬吏言淫下夢陽進曰公大臣也
徒泣何益文曰奈何曰比言官交章劾諸閣閣臣持其
章甚力公誠及此時率諸大臣伏闕死爭閣臣以諸大
臣爭持益堅去瑾輩易耳文曰善君爲我草疏草具文
袖之入會語泄中變文坐落職而以疏出夢陽所爲謫
山西布政司經歷既而羅織他事械繫之論死賴康海
救得免語具海傳當是時天下人人稱夢陽夢陽益喜
自負瑾誅起江西提學副使甫到官與總制陳金約曰

公治軍夢陽治諸生無相厄也舊僦監司五日一會揖
御史所夢陽獨不往日教諸生砥氣節毋謁上官諸生
謁上官雖都御史毋跪但長揖上官毋得以辭色加諸
生者時御史江萬實督過諸生夢陽手銀鐺率諸生往
鎖之萬實避去淮王府時與諸生爭于途夢陽答焉
至秀閣下萬實按狀夢陽訟訐萬實又下陳金檄布
政司鄭岳勘之夢陽疑岳和萬實復訐岳時宸濠重夢
陽甚而岳素忤濠濠爲夢陽執岳吏脅報岳子云通賄
奉聞繫云掠治而參政吳廷舉謂夢陽侵官亦上疏論
夢陽徑挂冠去吉安知府劉喬者嘗殺一諸生爲夢陽

明史擬彙

卷四

六

所持喬乃手疏一通示萬實曰此夢陽僞爲公草劾陳
總制者復持示金以激怒之金遂還所下不復勘詔更
遣大理詹燕忠出治諸生數萬環廣信獄忠至召夢陽
入據案罵罵已且誚讓之謂夢陽未講老氏不知雄而
守雌還奏夢陽欺凌僚屬挾制撫按勒冠帶閒住岳喬
以贓私革職充法戍廷舉擅去官罰俸夢陽既家居治
園林供帳賓客日進嘗從閭里俠少射獵繁臺良獄間
自號空同子海內慕空同子名多造廬請顧時時以俸
媵謝去宸濠誅御史周宣論夢陽黨逆逮詔獄大學士
楊廷和刑部尚書林俊救之乃以爲濠作陽春書院記

削籍年五十八卒先時館閣習文翰夢陽以諸郎倡起
與何景明輩刻礪爲古文辭館閣笑之夢陽岸然自得
旁若無人者所著有弘德集空同子諸書子枝泉進士
有甥曹嘉亦能文以御史諫南巡被杖其負氣陵鑠人
酷似其舅嘉靖初以抗論諸大臣謫茂州判過夢陽相
對慟哭同爲謝逢干廟詩以見志然後去

何景明

何景明字仲默信陽人父信滑源驛丞有詩名景明八
歲能屬文臨洮守李紀奇其才延師教之名置門下信
去官紀資助車馬餞送郊亭曰君吾老友令子吾小友

明史擬彙

卷四

七

也年十五舉于鄉形貌短小且秃笄也宗藩貴人多負
視留宿所至人遮道弗得過又四年弘治壬戌成進士
授中書舍人正德初逆瑾用事謝病歸踰年瑾盡免諸
在告者官景明坐罷瑾誅用李東陽薦復除中書直內
閣制勅房錢寧方貴倖持古畫造門求題景明謝曰好
畫毋污我題也師御史客死京邸中貴廖鵬爲買棺景
明却之曰吾友生不苟受死可免之耶因共賻焉嘗使
雲南遠方君長慕其名爭遺寶貨有熊太監者贈物尤
厚景明堅辭之太監歎曰彼年少所見如此吾局局躡
貨豈不愧哉遂自解去乾清宮災景明上封事曰義子

不當畜宦官不當寵聞者縮舌幸宦中得免守中舍九
年不遷久之升吏部員外郎出爲陝西提學副使居四
年勞瘁嘔血投筴歸抵家六日而卒年三十九所著有
何子十二篇詩婉縟流麗可風景明初與李夢陽創復
古學交相善也夢陽坐累江西獄景明奏記蒙宰楊一
清申救甚至及名成之後互相攻擊若敵國然然景明
嘗著論曰詩溺于陶謝力振之古詩之法亡于謝文靡
于隋韓力振之古文之法亡于韓識者非之

徐禎卿

徐禎卿字昌穀常熟人徙長洲少與唐寅祝允明文璧

明史擬彙

卷四

八

齊名號吳中四才子屢試不售感屈子離騷作歎歎集
又斷作詩之妙爲談藝錄弘治十八年進士除大理寺
評事會失囚降國子監博士數年不調與李夢陽何景
明輩切劘爲古文詞既諷道書有得聞陽明講學蹶然
起曰道果在是恨疾且作不能致遠奈何垂沒執子伯
虬手以指畫作冥冥漠漠四字神志不亂卒年三十三
初禎卿爲進士時武宗忽使中官問禎卿與陸深名顧
陸得庶吉士禎卿僅平進又早死人皆惜之伯虬字子
久嘉靖乙酉鄉薦未仕而卒亦能詩

邊貢

邊貢字廷實歷城人弱冠美風姿負才名弘治九年進士授太常寺博士一日貢以告不與祭上顧左右曰何不見年少官人耶十八年擢兵科給事中孝宗升遐貢劾太監張瑜與太醫劉泰高廷和用藥之誤又劾太監苗逵與保國公朱暉都御史史琳用兵之失是年升太常寺丞當逆瑾時貢不能善事顯貴人出爲衛輝知府正德五年改荊州升山西提學副使丁父憂九年復除河南丁母憂嘉靖初卽家起南太常寺少卿歷太僕太常卿六年改北提督四彝館時四彝文字體各地殊八館諸生學無師授貢徵求故譯是正諸文以成一家之

明史擬彙

卷四

九

學通遠人之情七年轉南京刑部右侍郎八年升戶部尚書汪鋈爲掌憲忌其名論去之遂引疾歸貢久官留都喜接賓客遊覽六代江山揮毫浮白夜以繼日每醉則使兩妓肩臂扶路唱歌觀者如堵了不爲怪生平癖于求書搜訪金石古文甚富一夕燬于火仰天大哭曰嗟乎甚于喪我也疾遂篤卒年五十七有華泉詩集論曰旨哉夢陽之止封事其論宦官外戚盜賊之禍有激乎言之痛矣至正德中逆瑾擅權幾危社稷流賊蠶起海內大亂訖于嘉靖壽寧卒以驕橫伏誅曲突之謀應若影響雖賈生治安策何以加焉惜其恃才而做好

許爲直爲世詬厲豈非昧壯頌之戒與景明慷慨亦有國士之風而北地之交同心隙末則二子者皆未免于文人之病也李何邊徐時稱四傑徐旣短年猶能以寡敵衆邊稍不逮祇堪鼓吹三家耳

康海

康海字德涵武功人少時與羣兒嬉爲嬉師父將筆之課其業無缺乃已讀書覽大義下筆數千言不休弘治十五年進士第一授翰林院修撰正德初逆瑾用事欲招致門下海弗往會戶部郎中李夢陽代韓文章疏劾瑾瑾恨之以他事逮下獄將甘心焉有爲夢陽謀者曰

明史擬彙

卷四

十

事急矣非康子不能解而夢陽素與海負名不相下不得已從獄中出片紙曰對山救我對山海別號也海見之曰是誠在我吾何惜一官不救李死耶卽馳詣瑾瑾大喜焚香延上座曰今日何好風吹先生來目左右設席海曰吾有言告公卽聽當爲公留不然去矣瑾曰云何海曰自古三秦豪傑有幾瑾愕然惟先生教之海曰昔桓溫問王猛三秦豪傑何以不至猛捫蝨而談世務旁若無人三秦豪傑舍猛其誰何溫聞若此瑾面發赤疑其譏已因問曰於今幾人海默然屈指曰三人爾昔王三原秉銓衡進賢退不肖今則有密勿親信在帝左

右者瑾知指已轉發喜色復問曰尚有一人其先生乎無謂王猛在前而吾不識也海曰吾何敢當其一人者今李白也瑾固問則曰不敢道不敢道昔曹操憎禰衡假手黃祖此奸雄小智惟高力士爲李白脫靴乃容物大度也瑾僂首思曰先生豈謂李夢陽耶此人罪當誅海曰海不敢道者爲此也瑾謝曰我知我知公但飲酒海遂解帶相與痛飲達旦明日釋夢陽于獄瑾諷海欲超遷吏部侍郎海固辭亡何丁母憂歸至順德遇盜貽書報瑾瑾爲奪都御史以下俸令追還瑾敗言者指爲黨落職爲民海既坐廢自放于山水聲伎間作樂庸小

明史擬彙

卷四

七

王九思

王九思字敬夫鄆人眉目秀麗如神仙中人弘治九年進士改庶吉士試端陽賜扇詩效李西涯體遂得首選授翰林院檢討時爲語曰上有三老下有三討及李何輩出九思舍所學從之相與倡導古風警館閣東陽聞之稍不悅逆瑾亂政翰林悉調部屬歷練政務九思獨得吏部不數月掌文選瑾誅諸翰林悉復官東陽倡言官至正郎可無復也頃之言官惡王納誨并劾九思堂上堂下一陝三吏部非瑾黨而何堂上謂尚書張綵也坐出爲壽州同知至則日與州人士講說經傳翕然從之太監錢寧舊鎮守雲南雲南人苦之聞將復任遂

明史擬彙

卷四

七

令使青衣被之管絃歌以侑觴西登吳嶽北陟九嶷南訪經臺紫閣東至太華中條停驂命酌歌其所製感慨之詞聽者無不欷歔罷去嘗生日邀名妓百人爲百年會酒闌各書小令一闋命送諸王邸曰此差勝錦纏頭也楊侍郎廷儀過潯西留飲甚歡自彈琵琶勸酒楊言家兄在內閣殊相念何不以尺書通問海發怒擲琵琶撞之楊走追而罵曰吾豈效王維假作伶人借琵琶討官做耶歸田三十餘年其歿也以山人中服殮遺藁蕭然惟大小鼓三百副而已所著有對山集

琵琶三絃習諸曲盡其技而後出之海尤妙于歌彈酒

酣以往擲彈按歌更起為壽老樂工自謂弗如萬曆中
廣陵顧小侯游長安訪求曲中七十老妓令歌康王樂
府其流風餘韻關西人猶能道之九思老而喪明四方
求文口占授人疾書不給年八十二卒所著有漢陵集
論曰士有負才不遇往往窮愁著書以自見其甚者發
為歌曲楊惲云家本秦也能為秦聲婦趙女也雅善鼓
瑟彼其仰天拊缶歌呼嗚嗚頓足起舞豈以行樂益自
鳴其不平也觀康王之事亦足悲矣二子後又有濟南
劉天民罷官忿激作三胡十八一闕濮州李先芳擲竿
揆瑟尤妙琵琶殆與同類當其伴狂自恣豈顧禮法之
明史擬彙 卷四 三
士執繩墨而議其後哉

桑悅

桑悅字民懌常熟人家貧亡所蓄書悅從肆中鬻得讀
過輒焚棄敢為大言以孟子自况為諸生謁部使者書
刺江南才子桑悅使者大駭延之校書預刊落以試悅
校至不屬即索筆請書亡誤使者乃敬禮焉十九歲領
成化乙酉鄉薦試禮部奇其文閱至道統論則曰夫子
傳之我縮舌曰必江南桑悅大狂士斥置乙榜授泰和
訓導去尚書丘濬雅善悅以屬按察視學者按察既行
部不見悅顧問長吏悅今安在豈有恙乎長吏素遭抑

侮皆恨悅曰故無恙乃使吏往名悅曰連宵旦雨淫傳

舍圯守妻子亡暇何候若按察候久更兩吏促之悅怒

曰若真無耳即按察能屈博士奈何屈桑先生為若期

三日來按察欲遂收悅緣濬不果三日悅詣按察長揖

立不跪按察厲聲曰博士分不當跪耶悅前曰漢汲長

孺長揖大將軍明公貴豈踰大將軍長孺固亡賢于悅

奈何以面皮相恐薄待天下寥廓士因脫帽徑出按察

度亡已乃下留之尋遷長沙府通判調柳州歲餘父喪

歸遂不出居家益任誕褐衣楚製往來郡邑間縣令計

宗道柳人嘗師悅迎致解舍餽給之亡何卒無子令葬

明史擬彙

卷四

古

之穿山悅在京見高麗使市本朝兩都賦亡有心恥之
作兩都賦居長沙著庸言又有易春秋周禮傳解文集
六十卷悅于文平生無所推諉嘗語丘濬曰舉天下文
章惟悅耳其次祝允明其次羅玘

楊循吉

都穆

楊循吉字君謙吳縣人成化八年進士除禮部主事善
病好讀書每得意則手足踴掉不能禁人呼為顛主事
在郎署每稱病不出淡歲中數矣長官厭而訶之即疏
請致仕年才三十一會詔求直言循吉上封事以故禮
官得言禮請復建文帝號以景皇及元順帝為比不報

迄萬曆始得復實循吉啓之也結廬支硎山下課讀經史折松枝爲籌不精熟不止多至千卷作文淫思竟日不肯苟性狷狹好持人短長又好以學問窮人至顏赤不顧家居貧甚武宗南巡問伶臧賢南人有善詞曲者乎賢以循吉對立名之循吉者武冠衣韎韐趨見命賦打虎曲稱旨每扈從輒在御前承旨爲樂府小令然不授官與優伶雜處循吉恥之謀于賢請急放歸嘉靖中上九廟頌華陽求嗣齋儀報聞而已晚節落莫益堅僻自好倨傲寡合寄食以卒自爲壙志年八十九無後所纂遼金二史已刻宋紀未竟緝類書曰奚囊手鏡集曰

明史擬彙

卷四

五

松籌攢眉諸種循吉家南濠同里有都穆者字元敬弘治己未進士授工部主事歷禮部郎乞休加太僕寺少卿致仕穆七歲能詩及長不習章句泛濫羣籍教授濠上幾二十年吳寬言之學使補弟子員三年而舉進士爲郎奉使秦中訪其山川靈勝故國遺蹟作西使記搜求金石古文摹搨繕寫作金雞瑯琊錄歸老之日齋居蕭然日事讎討或至乏食輒笑曰天壤間當不令都生餓死吳門有娶婦者夜九風雨瀟瀟燭燭乞火無應者誰然曰南濠都少卿家有讀書燈在叩其門果得火其老而好學如此穆與唐寅又忌其才名出已上寅以鎖院

得禮穆實發其事寅誓不與相見穆亦自悔人以此薄之

唐寅

張靈

唐寅字伯虎一字子畏吳縣人童髻入學才氣奔放與所善張靈縱酒放懷諸生或笑之慨然曰閉戶經年取解首如反掌耳弘治戊午舉鄉試第一主考洗馬梁儲還朝携其文示詹事程敏政相與歎賞遂招寅往還門下儲奉使寅乞敏政文以饑已未會試敏政爲考官同舍生徐經以幣交敏政家人爲給事華景所察詞連寅俱下獄掠問無狀竟坐乞文事論發浙藩爲吏不就放

明史擬彙

卷四

六

浪遠遊祝融匡廬天台武夷觀海于東南浮洞庭彭蠡歸築室桃花塢與客般飲其中嘗緣故去其妻自傷放廢無所建立僻諸梧枝旅霜苟延何爲復感激曰丈夫雖不成名要當慷慨何乃效楚囚因圖其石曰江南第一風流才子作悵悵詩讀者悲之寧庶人慕其名厚幣聘往寅一見知其有異志佯狂以歸少嘗乞夢九鯉仙贈墨一擔自是才思日進其學務窮研造化尋究律曆求揚馬玄虛邵氏音聲之理而贊訂之旁及風鳥壬遊太乙出入天人之間其于應世詩文不甚措意謂後世知我不在是奇趣時發或寄于畫下筆輒追唐宋名匠

厭苦徵求亦不盡其所至晚乃飯心佛乘自號六如年
五十四卒張靈字夢晉家貧嗜酒亡所得寅嘗晨詣之
臥未起呼之靈作色曰乃公正耐遽醒之若豈能醉我
者寅與遊虎丘見數賈飲于可中亭且賦詩靈更衣爲
丐者賈與之食靈且噉且談詞辨雲湧賈始駭令賡詩
揮毫不已凡百絕抵舟易維蘿陰下賈使人跡之不得
以爲神仙賈去復上亭朱衣金目作天魔舞形狀殊絕
靈亦能畫人物間作山水斬然絕塵惟掩其醉得之莫
可購取

祝允明

明史擬彙

卷四

七

祝允明字希哲長洲人參政顯之孫徐有貞外孫也五
歲作徑尺字九歲能詩內外二祖咸當代鉅儒耳濡目
染綜貫典訓發爲文章吐納古今或當廣坐詠諧雜選
援毫疾書義獻真行顛素狂草並臻其妙弘治壬子舉
于鄉王鏊爲主司手共卷不置曰必祝某也既而自喜
以爲能知人連試禮部不第除興寧知縣稍遷通判應
天府亡何自免歸卒年六十七允明生右手枝指白號
枝指生好酒色陸博善度新聲少年習歌之閒傳粉墨
登場黎園子弟相顧弗如也海內索其文及書贊幣踵
門輒辭弗見伺其狎遊使女妓掩之皆擱載以去日本

貢使過吳有僧名左省者謁允明求文不值遇沈淵翁
留贈一詩有見君似見祝先生之句其爲外國傾慕如
此允明居家未嘗問有無得俸錢及四方餽遺輒召所
善客劇飲歡呼費盡乃已或分與持去不留一錢每出
則追呼索遺者相隨于道路更用爲怵笑資其歿也幾
無以殮云子績舉進士官至布政刻其遺文曰祝氏集
略他書如蠶衣罪知錄野記之類凡數百卷

論曰孔子在陳嘗思魯之狂士于是琴張曾皙之徒出
所謂遊方之外者也若桑悅楊循吉唐寅祝允明者皆
吳中才士而人號爲狂生循吉則狂而近猶矣然古之

明史擬彙

卷四

六

狂者類多負奇不偶憤世嫉俗者之所爲唐生以之彼
三子者既仕宦爲縉紳先生而顧出此豈性與人殊與
後又有張救者與張孝資相爲儔侶或歌或哭或紫衣
挾妓或徒跣行乞每念故人及亡妓輒爲位置酒向空
酬酢孝資生日爲尸救率子弟衰麻環哭上食設奠孝
資坐而饗之翼日行卒哭禮列妓樂哭罷痛飲謂之收
淚其越禮任誕不啻狂幾于怪矣樂廣云名教中自有
樂地何必乃爾

文徵明

陸師道

陳淳

彭年

錢穀

居節

文徵明初名璧以字行長洲人父林爲温州守多善政

卒于官徵明年十六奔喪至郡俸哀千金爲贖徵明固辭不受溫人修却金亭以記之徵明于文師吳寬于書師李應禎于畫師沈周又與祝允明唐寅徐禎卿善兼其所長爲人孝友豈弟修長者行俞中丞諫者與徵明世講念其貧欲遺之金謂曰若不苦朝夕耶曰朝夕餽粥具也指其衣曰敝至此乎曰雨故以敝衣出耳諫竟不敢言遺金事一日過徵明廬門渠沮洳諫頤曰通此渠堪輿言當第徵明謝曰公幸無念渠渠通當損旁民舍異日諫自悔曰吾欲通文生渠奈何先言之吾終不能爲文生德也寧庶人以厚幣招致天下士使者及門

明史擬彙

卷四

九

徵明稱疾臥謝弗往同時唐寅往伴狂歸識者謂高之于是尚書李充嗣撫吳薦徵明于朝而徵明亦自諸生久次當貢入京特授翰林院待詔侍經筵修國史居三年邑邑不自得再疏乞歸不報相張璁溫州門下士用讓禮驟貴諷徵明同事辭焉首輔楊一清名入謂徵明故人子見獨後二人者謀遷徵明官實逐之也徵明遂決計引去歸田後四方造請日至惟不與藩邸通周王以古鼎古鏡徽王以金寶餅他珍貨直數百鎰爲贄使者曰王無求于先生也慕先生耳盍爲一啓封徵明謝曰王賜也啓而後辭不恭竟弗啓日本貢使踵門求見

徵明具冠服南面受之而却其贄曰此國體也築室于舍東曰玉磬山房樹兩桐于庭日嘯咏其中晚年衣紅絨衣戴捲檐帽坐白紙窓下擁爐曝背劇談故事坐客皆移時忘去卒之日方爲人書志石未竟欠伸閣筆端坐而逝年九十矣世稱衡山先生徵明故衡人以自號也二子彭字壽承國子博士工書法嘉字休承和州學正以畫名其從徵明遊者陸師道子傳陳淳道復彭年孔嘉錢穀叔寶居節士貞周天球公瑕其著也師道自儀部歸已負重名北面稱弟子善詩工小楷古隸旁曉繪事人謂待詔四絕師道約略似之淳號白陽山人善

明史擬彙

卷四

十

畫尤擅寫生年嗜讀書書法宗顏歐家徒壁立不肯一言于乞人卒以貧死有隆池山樵集穀家貧徵明嘗題其室曰懸磬手錄古文金石書千卷所纂有南北史摭言續吳都文粹節家故隸織造織監孫隆聞其名名見不肯往隆怒坐以逋帑拘係破家僦居半塘日得筆資輒沽酒招朋劇飲或絕糧則旦起寫疎松遠岫一幅令童子易米以炊詩名牧豕集天球篤志古學善大小篆隸行草豐碑大碣皆出其手吳門風雅後先掩映待詔之門數子爲彬彬矣

蔡羽

王寵

蔡羽字九遠吳縣人居包山自號林屋山人其學專精于易爲程文以應有司閱四十年不售嘉靖甲午以歲貢赴選天官卿雅知其名曰此吾少日所聞易蔡生耶奏授南京翰林院孔目居三年致仕歸卒羽爲文法先秦兩漢詩微尚纖縟時出奇麗見者謂雖長吉不過羽大悔恨曰吾詩求出魏晉今乃爲李賀耶所著有林屋南館二集羽門人王寵字履吉少與其兄守字履約從羽學居包山三年旣築草堂石湖之上垂二十年善病養痾棲息虞山白雀寺卒年才四十有雅宜集蓋自號雅宜山人云寵于書無所不窺行書疎秀妙得晉法風

明史擬彙

卷四

三

儀蘊藉人比之黃叔度八試鎖院不利以年資貢入太學而兄守舉進士以都御史撫治鄖陽時寵已前死死後數十年名譽益著凡人知有守者以有寵爲之弟也第五之名賢于驃騎信矣

何良俊

何良俊字元朗華亭人少而篤學二十年不下樓或挾策行遊志墮坑岸其專勤如此與弟良傳同學良傳舉進士官南祠部郎而良俊以歲貢入胄監時宰知其名用蔡羽例授南京翰林院孔目良俊好談兵以經世自負浮沉冗長鬱鬱不得志每喟然歎曰吾有清森閣在

東海上藏書四萬卷名畫百籤古法帖鼎彝數十種棄此不居而僕僕牛馬走不亦愚而可笑乎居三年遂移疾歸海上中倭留青溪者數載年七十始還雲間良俊風神朗徹所至賓客填門妙解音律晚蓄聲伎躬自度曲分判合度秣陵金閨都會佳麗文酒過從絲竹競奮人謂江左風流復見今日也所著文集及語林叢說行于世

論曰待詔爲翰林散官非史職也獨徵明以名德才藝見尊于時人皆以太史呼之觀其遊西苑詩稱陳侍講沂馬修撰汝驥爲同官其自待亦重矣何良俊云衡山

明史擬彙

卷四

三

在翰林大爲姚明山楊方城所窘時昌言于衆曰我衙門不是畫院乃容畫匠處此二人只會中狀元更無餘物衡山之名長在天地間今世豈更有道著姚深楊維聰者耶快哉斯論百世可以興起也蔡何風流稍殺抑亦可以爲次

楊慎

楊慎字用修廷和子也十一歲作擬古戰場文入京賦黃葉詩李東陽見而奇之命擬出師表及傳奕請汰僧尼表大加稱賞曰吾小友也正德六年會試第二廷試第一授翰林院修撰武宗閱天文書星名注張又作汪

張問欽天監及史館皆不知慎曰柳星也歷引周禮史漢書以對湖廣土官水盡源通塔平長官司入貢同官疑爲三地名慎曰此六字地名也取大明官制證之上南巡疏諫不報以疾乞歸世宗卽位爲講官講金作贖刑言聖人開人自新之路贖者用之于小過若元惡大惡則不在此時權閹張銳于經等皆犯先朝事罪當死進金銀得免故慎言及之嘉靖四年兩上議大禮疏糾諸臣撼奉天門大哭上以宰相子倡首大怒下之獄廷杖者再斃而復甦謫戍雲南永昌衛閱三十五上年上意不能忘數問楊慎云何閣臣以老病對乃稍解慎聞之

明史擬彙

卷四

三

益自放嘗醉傅粉作雙丫髻插花諸門生舁行市中諸妓捧觴從之諸土酋以精白綾作被遺妓妓服之酒間乞書醉墨淋漓諸酋輒購歸裝潢成卷慎聞亦用自快有規之者曰老顛欲裂風景聊以耗壯心遣餘年耳然慎初至滇安鳳兩土舍變起攻掠城堡慎戎服率旅僮及步騎百餘往援木密所與副使張義謀固守賊至會寧州土舍陸紹先率兵戰城下慎領城中兵鼓噪開門夾擊賊遁去慎之效國自奮此其一班也在戍既久每以省親往來蜀道最後還鄉年七十矣有終焉之志而巡撫曷者貪戾人也授四指揮銀鑄卽其家鎖之去慎

作詩自傷病寓禪寺以歿妻黃氏亦能詩每貽尺素見者皆爲隕涕初廷和艱嗣禱于神夢送五代忠臣夏魯奇至旣而曰武臣也以中庸十八章輔之解之者曰武臣者戍籍也中庸十八章豈所謂追王太王王季乎大禮兆是矣隆慶中追贈光祿寺少卿天啓中諡文憲

論曰楊慎博聞閱覽著述最富有明士大夫莫之或先也其在雲南不携載籍往往取之腹笥援據旣多舛錯間出附會古人點竄舊本英雄欺人時或有之後人翻駁紛紛要其辨論縱橫推倒一世豈淺學所易測哉以承明制作之才老死魑魅者三十餘年頽然自放固其宜也慎在滇中所交有張含木公皆詩人而木以麗江土官希風附雅自比于長卿之盛覽抑亦異矣

明史擬彙

卷四

四

王廷陳

類本

王廷陳字稚欽黃岡人父濟弘治間進士官參政廷陳少穎慧綴文不假師授好黏竿風鳶諸兒戲父扶之輒大呼曰大人奈何虐海內名士耶正德十二年進士選翰林院庶吉士翰林故事兩學士司教習體貌嚴重廷陳侯其退食棲樹杪窺見起居狀大聲叫呼兩學士無如何佯弗知也武宗南巡同館舒芬汪應軫要衆伏闕請留館師石瑤寃言沮之廷陳賦烏母謠大書玉堂之

壁曰烏母謂烏子弋人在傍汝勿啼弋人得知將汝歸
我但高飛起焉能救汝為瑀見之大慚執政聞之皆怒
解館授吏科給事中旋以忤旨出為裕州知州廷陳既
不習為吏訟牒堆案漫不省視左遷失職快無所發
怒有所案治榜掠過當夏月裸坐堂上挾彈彈徂民有
應拷者彈之十令吐實其當贖者入二十彈或十紙或
一研免其笞臺省監司過者皆不出迎亦不屬疾曰是
皆盲子足當王生迎耶臺省監司相戒莫敢道裕州御
史喻茂堅行部且至裕會布政陳鳳梧先至鳳梧廷陳
師也廷陳出候鳳梧鳳梧好謂曰足下候我以師生故

明史擬彙

卷四

五

固厚御史卽來候之當謹倍我夫御史街上命者也廷
陳曰諾前迎茂堅茂堅素知裕州守亢驚有意裁抑之
輒以小過撲廷陳吏廷陳過踞為吏言茂堅故益甚廷
陳大罵曰陳先生誤我直上堂搏茂堅悉呼其吏卒出
勿更待御史鑰御史門絕餼食御史窘甚夜逸去遂劾
奏廷陳而州民被案者亦佚出詣闕下告廷陳不法事
收捕下獄劄秩免歸屏居二十餘年嗜酒縱倡樂益自
放廢達官貴人相慕好請謁者多蓬髮跣足不具賓主
禮時衣紅紵窄衫騎牛跨馬嘯歌田野間舒芬嘗貽書
規之欲其矜飾名節以圖後効廷陳答曰辱承書教意

甚勤懇僕惟少負性氣自視無前遭事直往不知其可
復見近世州郡之吏務為諂承故于逢迎節數稍為損
減不意遂犯當世之怒又以一二宰執舊怨于僕內外
構扇中僕惟恐不深耳曩時交游見僕狠忤要津虞禍
無已莫敢張口伸舌一為論列明其不然者當是時也
吏無振滯之議友無急難之仁幽于圜牆之中日與徒
隸為伍身非木石其何以堪以故俛首震惕卒從文比
嗟乎百犬吠聲積羽折輪十夫撓椎三人成虎此墨翟
有素絲之悲阮籍有窮途之哭也身愧蛾眉敢云見如
行乖完璧而欲免瑕摘難矣然猶苟全首領生還鄉縣

明史擬彙

卷四

五

奉二親之晨昏上先人之丘墓撫今悼往憂喜駢集因
念河清難俟人事靡常南山之歌恨長夜之莫旦竹林
之侶假麴蘖以抒悰斯達生所以放言幽人因之長往
者也自分身累百垢長為世棄乃稍稍脫拘繫之文逸
瑣尾之忌弛煩多之繫然亦不敢踰大閑冒隱惡滅先
王之禮觸當世之禁務敦窮居之尚絕希進之心而執
事乃欲責煖于寒灰俟完于墜甕幾翔于鍛羽望僕以
回景曜之末照而收桑榆之晚績也無乃與僕私指謬
乎夫豢鹿頓縷志在豐草羈鳥奮翮棲慕一枝卽有惡
殺之國過仁之主腴詞之廝寵之以高軒餉之以玉饌

明史擬彙 卷五

史官尤侗纂

隱逸傳

沈周

沈周字啓南長洲人祖澄字孟淵二子貞字貞吉恒字恒吉孟淵永樂初以人才徵引疾歸隱相城西莊常著道衣逍遙池館日治具待賓客飲酒賦詩時令人于溪上望客舟惟恐不至所居窓几明潔器物古雅嘉樹奇石儼若畫中貞恒兄弟被古冠服登樓眺望或時扁舟入城留止僧舍焚香歎茗累夕忘返皆善繪事然自重

明史擬彙

卷五

一

荷炙雞麻酒由中道入門戟呵止之乃木也因共飲至醉委靡擗去不知所之其任誕自放踪跡與廷陳類論曰龐統未陽蔣琬廣都皆不事事彼固有王佐才不屑以百里自見耳若廷陳者本無奇材壯略不過以傲慢之性憤懣之氣洩之簿書手板爾其取禍于世宜矣予獨讀其答舒芬書慷慨激昂頗有司馬遷楊惲之風故哀而存之

明史擬彙

卷四

三

詔周筮之得遯之九五遂決志棲隱修閑居養親之樂
母年九十九乃終周亦八十矣又三年而卒世稱石田
先生周高致絕人有曹太守者名之圖其塞門一郡驚
詫周夷然囊筆往圖畢辭歸而守不知也亡何入覲謁
內閣李東陽問沈先生起居無恙乎守愕眙不能對走
叩吳宗伯寬具道周平生退詢吏卒卽向者囊筆生也
歸而惶恐執贄造謝周已踰垣遯矣至今吳中傳爲劇
談

論曰沈周以一處士名滿天下一時李文正吳文定王
文恪輩莫不斂衽稱述矜式典刑蓋其德藝備矣豈純
明史擬彙

卷五

二

盜虛聲者可同日語哉當周時有史鑑明古稱西村先
生朱存理性甫朱凱堯民稱兩朱先生又有邢參麗文
陸治包山並博洽好學執古信禮有隱君子之風然方
之石田則自郤以下矣

孫一元

方太古 張詩

孫一元字太初不知何許人人問其邑里曰我秦人也
嘗栖太白之巔故稱太白山人或曰安化王之親友有
託而逃也風儀秀朗蹤跡奇譎烏巾白袷以鐵笛鶴瓢
自隨善飲酒好譚論所至傾動其士大夫嘗西入華南
入衡返嵩室渡汴登岱游闕里久之踰江淮下吳越遂

棲遲不去費閣老宏罷相訪之南屏山寺值其晝寢就
臥內與語送之及門了不酬謝費出語人曰吾一生未
嘗見此人也正德中逆瑾亂政紹興守劉麟去官卜築
吳興之南坦建業龍霓以按察掛冠隱西溪郡人御史
陸崑亦家居而長與吳琬卜築蒙山窮經著書諸公皆
主焉琬乃以書招一元一元至相與結盟稱蒼溪五隱
一元于是買田雷水就婚於施氏生一女而年三十
七疾革告麟曰銘吾墓告琬及崑曰葬我道場山之麓
又曰晉安鄭善夫序吾文皆曰諾亡何善夫來弔皆如
其言一元自負有羽化術竟早死其所交又有方太古

卷五

三

張詩

方太古字元素蘭溪人少受經于章懋年十八走南海
謁陳獻章歸而棄經生業讀書學古已復出遊弔白沙
于江門泛彭蠡陟三天子鄣縱觀金陵吳會與楊循吉
沈周文璧暨孫一元結詩酒社正德初隱于玄英先生
之白雲源會乘輿南狩江楚騷動太古慨然曰嗟乎此
一壺千金之日也吾其爲不材之瓠乎自號一壺生作
一壺生傳嘉靖初徙金華之解石山茆山之金筍菴晚
歸溪上故里自號寒溪子不應徵召以終其身性迂緩
好潔雖出宿不假衾稠嘗與吳人徐縉宿黃姬水家姬

水以父執事之薦以新制乃自解其篋出白楮藉之寢質明視之楮宛然初置無礙積痕若無人藉焉者不知何以身輕若此出游冒大風雨揭泥淖者數十里衣履岿然不溼人疑其有仙術焉

張詩字子言自號崑崙山人故北平民家李氏子衡州同知張君抱以爲子二十年衡州歿始知之訪得二兄弟哭諸其父母之墓而衡州卒無子仍後張氏學舉業于呂柟學詩于何景明順天府試士令自負桌凳以進詩拂衣出北渡滹沱陟太行廣覽黃河徧遊雒川伊闕南走留都上金焦歷吳會探禹穴大梁訪李夢陽夜宴明史擬彙 卷五 四

瓶芝忽自墮以爲杵行觴焉詩與夢陽各作芝杵行送王廷陳歸楚窮沅湘之勝至汝南視景明疾哭之乃旋京師所居一畝之宮擇隙地種竹風雪飄蕭欣然相對興至跨一蹇驢任其所之風雨饑寒必窮佳山水而後返在武林與孫一元論詩孫自誇其青崖貼天日下照芝草斑之句詩掉頭大笑孫爲奪氣詩笑謂坐客今日崑崙山壓倒太白矣狀貌魁傑戟髯如武夫人以燕山豪士稱之著罵鬼詰髮笑琳七子等文曼衍論怪書狂放有筆力

論曰太白山人蹤跡變化人幾無以測之然究其終不

得中壽豈爲家室累耶乃棠陵方豪謂其宏才廣識議論鑿鑿副名實知兵曉吏事使之用世當爲王景略若是則山人蘊畜尚未見其萬一可惜也方張二子意氣豪上亦自奇士故附以傳焉

孝行傳

何競

何競字邦植蕭山人父舜賓爲御史謫戍廣西慶遠衛赦還邑有湘河溉田爲豪家私占舜賓揭縣奏復之當塗鄒魯者亦以御史謫今蕭山性貪暴狡悍與舜賓不相能豪家賂魯謀變其事誣以盜署事官印妄奏且身明史擬彙 卷五 五

結成逃無遇赦牒冒濫冠帶當押送原衛審理揭下所司會舜賓門人訓導童顯章發魯陰事魯陷以他罪論死獄上憲司疑之下府復驗道經舜賓家入與偁語魯聞之大詬曰舜賓乃敢篡取重囚發卒圍之毀門入并捕舜賓下獄不更白上司徑解赴慶遠密令胡紀輩十三人追至衢州屏其服食侵辱之至餘千宿昌國寺夜以濕衣閉其口壓焉舜賓遂死魯復捕舜賓妻子競與母逃常熟匿父友王鼎家鼎授館衣食之與圖復仇頃之魯陞山西僉事將行競潛歸與族父何寧謀召親黨數十人飲之酒爲御史稱冤衆皆感激有泣下者中坐

競出叩首哭以請眾皆踊躍願効命乃白衣手杖伏道旁圍伺督過競出袖中鐵錐奮擊騶從駭散仆其輿羸之杖齊下呼號震天地矐其兩目拔其鬚髮反接曳登舟更溺之競拔佩刀呼曰殺吾父者賊耶祈其左股眾止之抵渡用鹽水濯其血乃與魯並項鎖赴按察司而預令族父何澤二走闕下訴冤時鎮巡諸官聞變貽愕不知所爲僉事蕭紳故黨魯嚴刑訊競競不伏蹶起大言曰必欲殺競競非畏死者顧人孰無父母耶且競已訟於朝恐非爾所得擅殺噬臂肉擲案含血啖紳面一堂皆驚會鞠未決而競疏上遣郎中李時給事中李舉明史擬彙

卷五

六

年上令法司議坐競聚眾持兇器傷人編成福寧衛正德改元赦歸又九年卒競自復仇至死凡十六年服喪終其身

傅檝

傅檝字定濟泉州人祖凱父浚並以進士爲郎檝十六舉於鄉二十成進士授行人歸娶郡守諸公來賀凱治席延欵檝奉酒肴旁侍浚郎工部時檝以行人有事湘府未竣聞母病在京請入京視母方再往湘竣事母沒居喪盡禮其後浚娶後妻從官邸私其二蒼頭奴浚稍聞之欲摘其奸忽暴卒檝聞奔邸且慟且疑密得二蒼頭狀心藏之及扶櫬歸二蒼頭驚覺遽亡去久之偵得一奴逃德化縣備深山巨姓家檝微行往告之曰聞有一人力作君所願見之君幸無匿巨姓出奴檝曰是僕奴也有罪而不可面數君幸入內巨姓入櫬出袖中錘破蒼頭願立殺之謝巨姓去而其一不可跡矣葬畢勸而誓曰父讎尚一可爲公乎裂衣冠屏妻子出宿郊墟間蓬垢憔悴飢寒風雨不知就避時時撰詩文走縣市門大率庚詞隱語人多不解皆以狂易目之乃檝每過迅雷燦電中夜必與正衣冠拱立武宗哀詔至具衰杖朝夕臨終期然後釋服至其子壽卒不哭也或詰之曰

卷五

七

古有喪明公何忍耶檄涕下曰不能爲子敢爲父乎諸長者哀其瘁數請歸舍卒不肯久之其後母卒乃歸蓋自廢自罰者三十五年又十五年而檄卒

論曰齊襄復九世之讎春秋大之况不共戴者乎何競以庶民執縣官難矣傅檄以縉紳誅僕隸似易顧苦心勞形而後得其一復失其一也不逾難乎競復仇持服十六年檄自廢自罰至三十五年視包胥七日勾踐三年何其久也夫孝行不一而吾獨于二子深悲其過焉蓋復讎者孝經之所未及者也

忠節傳

明史擬彙

卷五

八

沈雲祚

趙嘉煒等

沈雲祚字予凌太倉人崇禎庚辰進士授華陽知縣先是蜀中有搖黃賊作亂秦纘勳者石砮土司秦良玉之族也潛伏內地爲賊耳目後被擒在獄夜半殺獄卒逸去吏請閉城大索雲祚曰無庸易獲耳潛遣人告土司土司果擒賊至已斷其手足指矣吏驚以爲神雲祚曰吾籌之熟矣賊踰獄必走歸石砮秦夫人方以勦寇効節朝廷其肯爲遁逃主乎于是立決殺之十七年正月張獻忠破夔門而入成都大震雲祚請見蜀王陳守禦之策不納乃以言激內江王曰人無愚智皆知賊勢猖

獮成都必危今蜀府貨財山積不早捐之募死士東向殺賊一旦豕突疆場軍民奔竄誰爲王守此府庫者且獨不見周楚已事乎內江王聞言心動入告蜀王王終以祖制辭五月賊陷重慶縱火燒劫數百里烟燄不絕城中一日數驚大雨雹雷震官殿火器局無故自焚蜀王始懼悔不用雲祚言稍出財名募而賊已薄城下矣雲祚知事不支慷慨與僚屬誓死曰事至此吾輩與城存亡他非所知也巡撫龍文光總兵劉佳胤率兵三千從川北來佳胤出戰敗還時城濠枯賊謀渡濠登城文光急遣郫縣令趙嘉煒決都江大堰注錦江以益濠水

明史擬彙

卷五

九

甫至城已破賊四面火攻北角樓崩守陴者迸散蜀王與諸妃嬪沉于井內江王至淶從之文光佳胤投浣花溪死雲祚與御史劉之渤推官劉士斗俱被執幽于大慈寺賊使其黨饋以食誘之降雲祚忽從衆中躍起大罵指其口曰吾有口食賊肉耳豈食賊粟哉賊相顧錯愕奔告獻忠遂與之渤士斗同遇害初之渤與崇慶知州王勵精皆賊同里人或疑之至是之渤不屈而勵精聞省城陷朝服望北闕拜書文山孔曰成仁教語于壁舉火自焚一時同死者蜀府長史鄭安民內江教諭姚思孝太常卿尹伸給事中吳宇英雲南按察使莊祖誥

東流知縣乾曰貞工部主事蔡如蕙禮部員外李合乙進士王起峩舉人江龍騰而前所遺舉令趙嘉燁方決堰卒遇賊射之赴水死其子慶麒自家走萬里求父屍三年不獲遇堰夫向應泰告以死處為安家三渡口遂指魂壘土葬焉而雲祚殉難時有幼子荀蔚方五歲友人匿之山中得脫越二十年始歸

論曰吾聞獻賊破蜀時有成都令某雲祚同里人也賊脅之降升為禮部尚書既以郊天祭文失格復殺之闔家殲焉蓋獻賊嗜殺士大夫必先百計誘使降已既殺其身又敗其名其毒為已甚矣而士大夫之偷生忍辱者一失足而忠逆分焉昔人所以有泰山鴻毛之喻也

明史擬彙

卷五

十

獨行傳

席本禎

席本禎字寧侯吳縣人住洞庭東山祖父用積居起家本禎少負才略讀書通大義嘗曰聖賢以博施濟眾為仁守一先生之言無為也當崇禎末比歲大稜俄夫載道本禎大發囊中金輓囊焚之粟貯之中吳以次平其值既而歎曰民尚安得值惟有賑耳於是戶書其口口計其食而分給之吳人之得活者幾萬家本禎度方尚

有餘凡所貨殖之地若金陵若臨清若濟寧皆賑之如

中吳凡發粟萬捐白金二萬聞者莫不驚歎巡撫上其事天子以為忠即家授文華殿中書兼太僕寺少卿建坊以旌之本禎感上恩且憤朝廷無肯捐身家為國出死力者上書願助國家討賊請悉輸所有以佐軍時軍事益急上日以捐輸望臣等特其本禎如漢卜式所以布告天下風百姓者久之海內漠然不應即貴戚世臣皆爭匿財袖手坐視本禎領卿寺空銜無所建白仰屋竊歎而時事已末可為矣弘光南渡嘗副節使移封唐藩於臨汝人譁不納本禎宣詔諷諭之卒怙服事竣歸隱山中教戒鄉人子弟嚴斥壻時餽糧眾奉約束惟謹

明史擬彙

卷五

十

東山獨不被兵本禎之力也

論曰明末綏寇皆起饑民當其時使天子大發帑金而大小臣工以私財濟之庸知揭竿斬木者不化為糧餉哉惜乎見不及此而捐賑好義僅出一布衣乃三吳幸賴以無恙然則本禎此舉實關國運未可以一行少之也

史官尤侗纂

循吏傳

董朴 子士毅

董朴字損齋湖廣人祖應軫解元官僉事子七人蟬聯科第獨朴父未仕朴少魯日讀不能識數行鄰父見而憐之謂其父曰郎君不慧奈何苦之曷不令牧耶朴聞之憤丐工畫一牧子牧牛置座右益力學卒成進士累官江西參政嘗以差過岳州聞劉大夏宅憂在里造焉大夏留之飯飯麥糲惟糟蝦無他具朴因感省終身

明史擬彙

卷六

一

持清操中年家居時按楚直指使門人也其秋當主監臨欲中朴子先時緘書起居密寄所擬經旨朴發書覽而火之竟不以示子子士毅故績學後科別直指監臨率中式朴參江藩時士毅為舉人遣僕候父官邸朴呼至榻前問舉人家居何為僕對云里中比年大荒餓殍塞途舉人日募江瘞骸幾千計矣朴惻然又問曰舉人寧甚募工費何能辦曰每一殍計工費穀若干斛皆貸于族叔某也朴曰是義所當為者因還書勉之云凡義所當為者闇然行之更勿示人微有好名意則淺陋甚矣致政歸不肯以片字干公府有鄰翁為盜誣遭捕過

其門泣訴曰公素習我善良望活我朴曰汝故知我素不干公府也其人泣而去已復心憐之呼之還曰憶汝昔年新築室吾曾以詩賀汝尚在否其人曰在曰汝第持此往吾不作別字也其人執詩以見郡守守矍然曰而非良善董公肯以一言假汝耶遂釋之其見重于時若此士毅字三泉令西充陞蓬州守赴任時諸子請曰大人平生志節兒輩能諒一切生事不敢少覲望第念大人年高蜀中多美材後事可為計也士毅曰諾既謝事歸諸子迎之問曰往者兒請命為後事計者如何士毅曰吾聞之人云杉不如柏也子曰大人今所具者柏耶士毅笑曰吾茲載有柏子在種之可也官十餘年僅一青布袍一革靴而已

明史擬彙

卷六

二

姜昂

子龍

姜昂字恒頰太倉人成化八年進士知棗強縣為治清簡門不立呵卒獄無滯囚三年赴召路遇盜見縣封此其值事者曰棗強縣豈有長物奈何犯我公環拜去至都授御史劾方士李孜省被杖尋以親老改南京出知河南府歲大旱昂至隨雨沛人喜稱姜公雨晨出吏白事畢退闔門讀書藩府入在法立決遣王有言則曰謹謝王無及矣復以母老乞便養改寧波府日本使道出

四明橫甚見昂皆斂手市舶中貴怙勢昂裁以禮亦媿服在任踰年築無事亭寓志升福建參政不赴仍請終養母服闋以疾卒昂性方潔在官日市少肉供母侍食畢則自食菜子弟學書不許用官紙筆家貧非歲朝未嘗燕客饗殮時置則磨麥作糜充食鄉人呼爲姜麥粥子龍字夢賓正德三年進士歷禮部郎武宗南巡龍率同官諫罰跪五日杖幾死出補同知建寧尋遷雲南按察司副使兵備瀾滄姚安等處滇故盜數人習椎剽龍讓其首曰爾世官縱盜卽不賄曷解酋懼請自劾卽單騎撫諭之羣盜泣聽命有巨盜丐定旣降貧爲妻妾詎

明史擬彙

卷六

三

不忍負龍仰藥死南安州大劫聚千人御史且徵兵龍檄三日散略盡四川鹽井刺馬仁雲南晒江和哥仲二酋仇殺數十年龍撫諭遂解仇大侯州土官猛國恃險肆暴龍擒之在滇四年番漢大和鄧川州立三正人祠祀袁州郭紳莆田林俊及龍

狄雲漢

狄雲漢字天章常熟人由鄉薦知沅江縣縣僻湖外俗朴野雲漢尚寬靜民愛信之郊外有名山嘗携妻子出遊民牽婦稚供果茗雲漢停輿受之因語父老自愛我數遊汝曷勝供皆喜拜而去湖盜故橫終不入邑郭都

御史馬溥然行縣怪無訟者令隸人出呼無一應嘉歎而去九年秩滿調臨清州判居兩月致仕舊田二十五畝在湖壩磽不任耕亦廢戲號餘夫時或斷炊日過午室人進食曰清官喫麥粥雲漢歡粥對藹竹吟咏如故年八十六卒先是罷官還僦廬虞山下縣令楊子器聞之曰先生黜四壁矣就沙溪薄置產室奉雲漢歸處士沈周作募買宅疏

張舉

張舉樂城人世業農至舉始讀書徒步入都從楊舍人一清遊侍立終日提一油罌詣館宿乘間請問辯難古

明史擬彙

卷六

四

今一清心異之成化丁未第進士授戶部主事監京城草場及巡象馬牛等房時倉場多儲貂璫督收半歸囊橐多供張設樂以娛部官往往掣肘結舌舉獨不受自携菓果裁度飢渴雖所乘馬弔之廐下終日不與芻秣內外憚之後監宣武諸稅門者不得私請於大司徒大司徒教下執不從乃泣訴於司禮司禮曰主事爲誰曰張舉司禮曰是弔馬張乎汝謹避之會岳州知府缺劉大夏力請爲守舉到郡首罷民所不便十餘事郡前湖水多魚守以下得有之至是未嘗舉網歲辦鮮貢外悉付漁戶爲課家貧親且老俸惟供養妻子未嘗衣紈綺

食重肉天資挺直數與監司爭事詞色凌厲上官積不能平屢詘辱之輒憤歎曰張舉亦男子也何至爲富貴下人哉卽上書求去會御史行部有所意望撻主簿一人至死舉仰天大慟曰以吾忤物之故乃不能庇其屬哉方草劾欲上不勝憤投筆而卒其篋僅俸錢數兩及衣衾而已後大夏過欒城親謁其祠涕泗交下蓋痛其不獲大用云

王勳

王勳湯陰人少爲諸生納粟入太學選涑水知縣正德初宦官用事有歸葬其親者詔令衆闖會葬所過州縣

明史擬彙

卷六

五

競事奢媚勳止具牲醴而已逆瑾聞之怒欲加罪而闈人有家於涑者屢以勳清廉爲解瑾使邏者入縣署覘之室中蕭然惟衣帶挂壁婦子紡織爾瑾始信之犒以肉帛勳分給里甲一無所留詭曰令衆感劉公公惠也時優伶有進戲御前者一鬼躍舞於途諸達官過之鬼恬不畏忽傳呼王勳來鬼亟趨避之問何故鬼曰官不要錢神鬼皆怕由是勳名徹內廷特賜旌獎且令吏部移文爲天下式擢知汾州

吳傑

吳傑字漢甫杞人正德己卯舉於鄉猶躬耕不輟母亡

貧不能葬適流賊至居民皆逃傑獨守母柩不忍去賊至歎曰孝哉此子戒勿相犯爲壺關令衣布衣飯脫粟清苦罕儔有故人欲薦之傑辭曰使我賢也薦不必公使我不賢不必公薦後卒於官至無以斂同官賻之其妻曰吾丈夫生平不愛一錢豈以死而易哉竟不受論曰周禮以六計獎羣吏曰善曰能曰敬曰正曰法曰辨而皆冠之以廉若是乎廉吏之重也而或者謂廉吏可爲而不可爲豈非儉于其身者嗇于其子孫乎然吾觀官以賄敗者身死而家滅何累繫也董姜諸人皆有還猶懸魚之風位雖不達其名傳矣

明史擬彙

卷六

六

李惟聰

李惟聰字自愚杞人人生而異狀碩首豐背厚面腰腹方濶身長七尺力舉千斤望之佻佻然躍馬擊劔僕捷如俠士性質氣猛趨義若奔甘淡服勤避污如不及每夜誦畢則入室習劔懸枕作壘爲攻鬪之狀孰諳古兵法成化乙酉舉於鄉屢上春官或獨行無僕荷杖跨驢惡少駭散丙午選邳州知州河濱荒田相地土之宜走濼開渠抽棘辟畝歲入倍常流民復業蝗不入境弘治壬子河決黃陵劉大夏檄取供事久之未塞惟聰忽悟卷埽法先於岸上作臺復密置兩木於下背環繫索臺

上作埽堅築之長七十丈高二丈乃抽水下埽於水其
激流并下二埽又以草束土密其隙河則東注不溢作
堤延袤六百里以四十日成功竣陞工部郎改禮部庚
申邊警擢山西按察副使備兵大同惟聰比伍簡閱十
抽一校制兵長短互用馬步錯行因藝執器不強未能
挑牌防矢戰車立藩晝則治武夜則固壘旗鼓號令聽
聞相辨自率三千與同甘苦又修邊城續斷剗複外曰
大邊內曰小邊皆十里一塾中舍小塾或三大塾守兵
五十人小亦得半由是士躍馬騰烽燧不舉居三年改
山東副使管邊陽屯田益市牛耕鑄鉞鈕副給農之
明史擬彙 卷六 七

陳文偉

陳文偉邑里未詳為諸生膂力過人嘗五更之田間猛
虎撲地而來兩手搏虎肩兩足蹴其勢虎死後應會試
場屋火以右手抵牆頭左手持同事人履肩而出幾千
人火勢迫乃揖後立者曰吾力止此矣遂名動天下選
為山東安丘令流賊百餘人劫庫文偉勅羣吏第謹簿

書諸寶藏吾無慮也羣賊大掠庫金去良久問左右曰
賊去幾何曰三十里矣乃以一騎一彈馳赴之問諸賊
孰為首者彈發左目中之又再彈右耳中之賊大駭伏
地請死文偉曰好為我送庫金還羣賊惟命文偉以一
騎尾其後抵縣羣賊叩首乞命文偉曰吾何有鼠輩各
杖三十遣之文偉雅自負不屑以見功御史竟以縱寇
劾免罷歸

論曰簿書筐篋俗吏之所為也盤根錯節乃別利器朝
歌渤海寔難其人時當擾攘封疆大臣束手無策而偏
隅末吏或有出一奇者如李惟聰陳文偉吾不識為何
明史擬彙 卷六 八

許人也漢武所云踞蹠之士殆庶幾乎

藝術傳

史忠

史忠字廷直南京人少不慧年十七方能言忽通詩詞
畫山水冰石縱筆揮寫不拘家數性豪俠不羈負氣高
抗不調權貴人有不合輒引去自號癡翁築樓近冶城
署曰臥癡引客談笑呼盧其中酒沾唇輒醉醉則搦管
為新聲樂府略不構思或五六十曲或百曲方闕筆有
妾何玉仙號白雲道人能篆書及小書解音律癡求兩
京絕手琵琶張祿授以南北曲間自度新詞被之醉後

倚歌絲肉交奮時時出遊不問所往邳州湯指揮風動
慕癡名過訪方盛暑散髮披襟笑語甚適徑携手登舟
游下邳家人不知也女笄當嫁婿家貧不能具禮詭詞
携之觀燈與其婦送之婿家大噓而去嘗訪沈周於吳
門值沈他出堂中有素絹潑墨成山水巨幅不通名姓
而出周曰必金陵史癡也要之歸留三月而別年八十
餘精強如少年自知死期預命發引親朋歌虞殯相携
出聚寶門謂之生殯至期無疾而逝

徐霖

徐霖字子仁其先姑蘇人徙金陵七歲能詩九歲能大

明史擬彙

卷六

九

書善畫松竹花草蕉石長而跣躄自放遭誣黜謝去舉
子業精研六書嘗得篆法於異人李東陽見之曰此周
伯溫之流吾不及也築快園於城東極游觀聲伎之樂
善製小令填南北詞皆入律棋酒之暇命伶童侍女被
其新聲都人競傳而歌之武宗南巡優人臧賢薦之名
見行宮應制詞曲皆立就雅俗雜陳語多譎諫上屢稱
善嘗午夜乘月幸其家夫婦蒼黃出拜上命置酒家無
供具以蔬筍鮭菜進御上大喜為引滿而去已而數幸
其家御晚靜閣垂釣得一金魚宦官爭買之上大笑失
足落池中袞衣沾濕快園中有宸幸堂浴龍池紀其遇

也霖故長髯上戲剪以為拂因號髯仙賜飛魚服扈從
還京每夜宿御榻前與上同臥起將授官禁近固辭會
上賓罷歸里二十餘年乃卒年七十七所著南京志繕
寫進御又有快園詩文雜集

陳鐸

陳鐸字大聲下邳人家金陵先世雖寧伯襲官指揮風
流儻以樂府名于世所為散套穩協流麗被之管絃
審官節羽不差毫末居第之南有秋碧軒七一居精潔
絕塵通人勝流過從談讌善畫山水做沈石田自為詩
題其上所著香月亭詩不務雕刻有盛唐遺風人但傳

明史擬彙

卷六

十

其樂府蓋詩畫以曲掩也其于經傳子史百家九流莫
不貫串可齋樂府中有甲乙交叉語出瑤珠子消息賦
押韻自然所蘊淵博略見一斑矣與高郵王磐並為南
曲之冠時稱二妙

王磐

張綬

王磐字鴻漸高郵人家富好學襟期瀟灑詩律流麗有
西樓集又著西樓樂府雅善諧諛李夢陽就警京口遇
人故自矜重元夕飲楊文襄家磐短衣下坐李傲不為
禮磐分賦得老人燈應口而成云形骸憔悴不堪描還
自心頭火未消自分不知年老大也隨兒女鬧元宵夢

陽心知其嘲默然而罷壻張延字世文正德癸卯舉人
遷武昌通判遷知光州罷歸少從磐遊刻意填辭每填
一篇必求合某官某調某詞第幾聲出入第幾犯抗墜
圓美必求合作著詩餘圖譜詞家以為指南作艷體詩
有南湖集四卷

梁辰魚

梁辰魚字伯龍崑山人好任俠喜音樂不屑經生業貢
入太學作歸隱賦以見志崑山有魏良輔者造曲律號
崑腔辰魚獨得其傳所製唐令宋餘元劇及傳奇諸本
多飛入內家戚邸貴游不遠千里爭為購請玉帛琛玩

明史擬彙

卷六

十一

多集其庭而損鼎擊劔之徒以至騷人墨士羽衣草袖
無不望以為歸性豪飲嘗與大梁王侯決賭侯八斗醉
辰魚盡一石弗動時有黎園數輩互奏雜調辰魚倚而
和之其音如絲侯大笑樂華亭莫士龍知其好戲為具
絲鳳風箏以貽之乃駕之大野百鳥盤旋日麗風道歌
聲相屬辰魚謂人曰聲音之道固與天通也嘗除夕大
雪徧邀諸年少載酒放歌繞城一匝而後就寢時年七
十矣又三年中惡卒

論曰詞曲者古樂府之遺也樂府亡然後詞曲作古人
詩皆可歌今人好為有韻之言而未能被之絲竹則不

如九宮十三腔之合拍也詞曲濫觴金元至明而浸盛
史徐數子亦一時之擅場矣予獨異髯仙得幸威武待
詔公車去就脫然無所連染其東方生之流與太史公
立滑稽傳以數子當之蓋猶賢于二優焉

郭詡

郭詡字仁弘泰和人少學書去而學畫徧遊九疑衡嶽
入吳越經汶泗弔古齊魯之鄉登孔林抵帝里過代汴
以歸曰畫在是矣何必譜乎于是手摸成畫畫已題詩
詩題不盡又肆為畫自號清狂天下競傳清狂畫有貴
人求之詡瞠目數屋梁不對盤金固索輒跳去中官蕭

明史擬彙

卷六

十一

敬唱以錦衣世官詡言平生不任拘檢且骨薄無貴相
力却之弘治中徵天下名畫士被推擇應詔京師諸達
官各誠門下清狂至無留門既而謁入歡甚延坐置酒
詡飲輒醉醉即呼紙揮灑不索酬也寧康王楚和王招
致賓客詡見王衣紋縠深衣鈎旁綴以續紅繫靛青條
垂兩綬如緞冠青綳冠冠左右有襟絲其下似側注步
搖狀靴足覆管首絲履杖斑竹杖王望見之飄然類有
道者奉百金為飲食具輒散與昆弟朋友間學少年為
踟躕鬪奕走馬拳猿之戲宸濠數名與語詡窺其有異
志辭謝之往依都御史王守仁守仁與符牒令遠避遂

間道走武昌至則通訊率又貴俠者乃僱窮船入德安絕跡其年濠反或言郭詡慷慨可借軀得詡勝一敵國矣濠使人齎書幣詒以好語入見如逗梗縱殺之其人跡至武昌弗得守仁歎曰鴻鵠橫絕非斯人耶而其時有燕人葉元靜者被庶人服能貴重其藝其遊跡類清狂云

吳偉

吳偉字次翁江夏人少孤貧善趙甲一日與趙出遇一道士目異之與期東門大石上三往乃見道士刺石出泉飲之曰二君去當以藝名天下遂別去不見偉後學

明史擬彙

卷六

三

畫專十二科山水人物入神品成化間成國公朱某延致幕下一見以小仙呼之因以自號憲宗召授錦衣鎮撫待詔仁智殿偉好劇飲或經旬不飯飲無妓不歡人欲求畫者則載酒携妓從之一日大醉被召蓬首垢面曳破阜履踉蹌行中官扶掖以見上大笑命作松風圖偉詭翻墨汁信手塗抹而風雲慘淡生屏障間上歎曰真仙筆也偉慙直有氣岸非其人雖篤請弗應即素昵一言不合輒投硯起出入掖庭奴視中貴人求畫又多不與于是中貴人數短之居亡何放歸南都孝宗即位復召見便殿命畫稱旨授錦衣百戶賜印章曰畫狀元

偉思還楚巧恩祭掃武昌數月還次采石有旨趣回京賜第西街逾二年稱疾返秦淮上武宗立復召之使至未就道中酒死而趙甲者塑神鬼像甚靈異著名蓋當刺泉時偉先掬為多趙飲少矣

論曰畫雖一藝多自文人游戲為之故畫品之高下視乎人品而已不然取青妃白一染匠事耳吳中畫家如沈周文徵明者豈可以藝術名之哉清狂小仙雖曳裾王門皆有夷然不屑之致固足多焉彼趙甲去而學塑亦猶楊惠之于吳道子乎

明史擬彙

卷六

四

〔清〕尚秉和撰

辛壬春秋四十八卷

民國十三年刻本

辛壬春秋

拙園鄧毓怡題



甲子初
秋辛壬
麻史編
輯社印

辛壬春秋序

國家大局不能積久而不變而損益焉事之改亦遂因天時人事為轉移而轉移之權又往往在下而不在于其始創自一二人之學術而遞推遞衍其說既深中乎人心而不可易其事遂變成為國俗而不自知今國家之變亟矣獨治共治之制當日不過盧梭孟德斯鳩之立說著書自鳴其學術之所在而此百數十年之間其說之西被東漸者風馳電激遂徧環瀛而狂易不學之子不知周召共和為何事既妄為宅比而又附會孔子大同之說以誣聖者誣國家不知大同者堯舜中天之

序

盛治小康者禹湯文武成王周公三代之遺規孔子備陳兩制以備後王取法此乃帝王升降自然之數初無所謂抑揚褒貶於其間故後世專制之主不得託詞三代以濟其私而今之所謂民主者更不能藉口唐虞以淆其實六經者聖人經世之書經術不明則君子本其學以造世者小人反假其學以亂世此則可為痛心疾首者也我國自三代以還君主之制四千年餘矣其政體既異於泰西其民復安於習尚乃歷二十餘代帝王之成局竟變易於二三十年喜事之徒奮臂一呼四方瓦解烏虜何亡之忽也是豈人事之多悖而禍由自取

與抑九世復仇之說果合於春秋之義與或者運會之所趨天與人相媾而其數有不可逃者與革命之事兆於數十年前而成於一二年之後閱時無幾而人事之紛拏全國之糜沸千端萬緒聞見異辭未聞有彙輯一書以垂世者行唐尙節之先生慮其久而益失真也乃竭十餘年之力詳諮精擇以成一代之信史名曰辛壬春秋蓋專記辛亥壬子兩年革命之事間有敘及癸丑年者則全國統一之本末也是書分省隸事各自爲篇其有大事不能分繫於各篇者則組之於大政紀中其繁而要者則列之於表以備後人之詳考文成而法

序

二

立詞簡而事賅後之讀是書者苟反復於獨治共治兩制之是非禍福而善變焉則亦千秋得失之林也

辛壬春秋序

學問之道莫不有賴於文而史爲尤甚孔子曰文勝質則史史之必澤於文也久矣夫世變紛則人才勝中國古今之變多矣而獨春秋戰國兩漢三國之際赫赫在人耳目他若前後五代羌胡之割據李唐趙宋朱明之勃興乃若存若亡不復悉煩睹記豈必人才之遠遜無亦左史班范之文章瑰奇特出有非後世所能企及者歟世運日降人之德行才能誠不足尙論於古至於怪奇駭謠之端機巧變詐之習則後世所遭蓋有百倍曩初者誠得挈海挾山之筆窮形極態一一記而傳之恐

辛壬春秋序

一

盲左腐遷之所記尙未足擬似萬一也然則史學不昌抑亦人文之不振耳革命議起近在二十年間至辛壬之際豪傑暴興不旬日徧及二十行省遂乃顛覆清室基業大定事變之大嬗代之速爲曠古所未有論者謂其機至順不必有待於傑出之人才也雖然履霜堅冰固非旦夕之故而各省先烈斷脰絕吭出萬死不顧以幸底於成者亦良非易矣忽忽一紀人情已習而忘之今試問開國之初艱難締造之成績已有不能詳言者更閱數百年之久欲求記載之無訛傳聞之不失實其可得乎吾友尙君節之夙雄於文尤留意故實於開

國以來遺聞軼事搜討至勤著辛壬春秋五十二卷纂述至詳以慎其文章意氣殆欲與左史班范相爭衡可謂奇作也世之言國史者能勿有取於斯顧惜其所記止於辛壬一役此後事變之繼起者至多皆付闕如讀者不能無憾嗟乎國家之所貴者在其立國之精神耳十餘載以來戰爭之禍雖繁求其足以發揮立國之精神者要以辛壬一役爲最著然則欲觀民國之史乘舍茲編所記復何求乎此殆作者之所閱默傷懷筆欲下而遽絕者也循讀既竟乃漫書以爲之序

中華民國十三年夏六月桐城吳蘭生謹撰

辛壬春秋

序

一

序

民國三年秀遜滬草中華民國開國史既刊行而於各省獨立始末付諸闕如方擬補綴未果也五年歸京晤故人尙節之先生得悉伊已著辛壬春秋省自爲篇於獨立始末特詳秀遂輟筆曰耀靈出燭火可以熄矣而先生不以秀著淺陋於南京政府國會諸篇亦多採及閱十二年而書成共五十餘卷浩矣博矣識議之深文章之美頗爲大雅閱達所稱許而秀於其有關興亡治亂之迹尤三致意焉夫清室覆亡之速民國肇興之勃固由清政不綱人心皆去亦實由起義之師一時皆有高尚純潔之精神故能共遵天下爲公之正軌及袁氏稱帝舉數千年遜禮義廉恥之國維蕩決無餘至武人專政又並維持人羣之一切綱紀秩序而殄夷之致賢姦倒置是非混淆兆民顛沛百度荒蕪求如清季一夕之苟安亦渺不可得嗚呼吾人果所恃以立國何所依以相安乎竊讀是書不能不慨然有感也民國十三年八月谷鍾秀序

序

一

序

趙衡

行唐尙節之紀民國始事爲辛壬春秋四十八篇夫共和行政局創五千年所未有事爲五千年所未聞此固非五千年不數見之才不能運天下於掌上亦非五千年不數見之文不足以傳載久遠外薄四海下既萬禩不泯滅也共和之名初見姬史厲雖見流諸侯爲政去王一間耳今則滿清作客而爲之主辦者眞皆編戶之民矣然先之共和歷二三十年之久又經秦火記載有缺論古者猶不肯慙置旁搜切究近有人於詩三百篇十攷得一二今民事方始手造共和之人儘在也有人焉操筆和鉛寫從其後豈不勝他年摹擬想像之勞而乃蕩蕩莫能名也今十三年矣政府數易國會未改極之多言而躁治國聞者而亦吞炭若啞有箝在口也豈吾國人之耳目蔽塞其心皆死與舉如是之奇功偉行焯焯鑠古今格上下勝跡一任小說家言爲之備極形容而義涉曖昧語多穢蕪啟口且羞側耳者誰此不可以信今傳後也吾甚惜節之所紀之止於辛壬也然而開國規模已約畧具見於此矣

評點辛壬春秋序

張鼎彝

同年友尙君節之撰辛壬春秋成輒以見示曰昔歐陽文忠公作五代史不欲多令人知而獨與梅聖俞先讀之蓋文章之事之難言也久矣彝讀之既竟不禁矍然曰是史遷以後之創作也以今之人而有是哉天下事之近於藝者傳者不盡創而創者無弗傳屈宋之騷左馬之史皆創作也騷雖後難爲繼而無害於傳史則不但能傳並且牢籠百代而莫能易今且置騷弗論但卽史以推其或因或創之所以然昔劉知幾論史法首重辨體蓋體也者馭事之具如匠者之有規矩準繩也上古之史只有二體曰記事體如堯典禹貢是已日記言體如大禹謨皋陶謨誓告是已記言者固止錄其詞記事者亦僅書其要蓋上古之時人事本簡兼風尙質直在後人以爲可書者在古人謂皆可畧也春秋之末國家由一統而漸趨分裂是爲古今之一大變局變既大則事必繁孔子作春秋專寓褒貶誅伐而不暇詳其事左氏承孔子之緒於是創爲叙事體以其仍舊編年也故亦謂之編年體西漢之初皇帝由貴族世襲變而爲平民崛起其變局又大於春秋變愈甚則事愈繁焉司馬子長氏於是復創爲紀傳體自二體出後之載筆者

分道而祖述焉自東觀記以至通鑑祖左氏體自漢書以及明史祖司馬氏體蓋自漢以降國家有興亡而世局無變更故史體亦因仍不改理勢然也民國肇興事盡翻前局昔之以一姓而掃蕩羣雄者今則合羣雄而拊扶一姓昔之以一人而驅策寰區者今則合寰區而委任一人橐筆其間者猶復遵循前例蹈襲舊規事非不可行文非不可通吾恐方鑿圓柄之齟齬者多而情事或因以不顯故論史法於今日其不能不別創一體以與時會相乘除此又世變所趨而能文之士所宜獨窺其秘者也尙子是作提綱以地以事而不以人一

序

創也全書一氣貫注大類佛經及歐人著述而貌迥不同二創也前史篇第分以年代者居多而精神脈絡不與焉其非年代所限者無不可先後易置故班史外戚居後范史則改爲后紀而居前諸王列傳班范二史皆雜廁諸臣傳中唐書則擢置諸臣傳上諸史皆志居傳前魏書獨志居傳後其他前後易置尤難殫述辛壬春秋獨以精神脈絡第其篇若頭目腹背上下前後之不可互易也求諸古籍秩序如此嚴整者惟周易大學中庸莊子內七篇及抱朴子數書而已而史絕無之三創也夫非古人不能而尙子獨能也學術之興非時不顯

時之未至欲創末由時之既至昧者失之識者得焉革命本由各省獨立其次乃設南京政府其次乃促清室禪政其次乃成北京政府由是而興革諸大端與夫革命偉人殉節烈士乃燦然而可紀但依其序而書之無所矯揉造作於其間已文成而法立較之古而見爲創者按之今亦適成其爲因而已東坡云文章本天成妙手偶得之豈不然哉豈不然哉是書也出不脛而走可以斷言其爲繼起者之所取法歟則左馬之史之弁冕百代也其不爲繼起者之所取法歟亦屈宋之騷之獨有千古也葬不文烏足以知尙子更烏足以知辛壬春

序

秋但讀之而意有所得輒於文之跌落提掇關節處加以評識俾便讀者至敘事之敏妙氣體之峻潔意義之幽隱不欲揭明者姑畧之俟閱者自得之也葬所見者如此不知榮古賤今者果以爲何如也此尙子所以有難言之慨也夫

凡例

一凡易代之際一二年之事常多於數十年故私家於此際紀錄最多在漢初則有楚漢春秋在三國則有漢魏春秋獻帝春秋漢晉春秋九州春秋茲書專紀辛亥壬子清室鼎革民國開國之事間有因事溢出辛壬後者不數篇也故曰辛壬春秋至辛壬以後歷史則有國史存不復私撰

一辛亥革命共和告成開數千年未有之局本書分篇叙述自革命起至民國統一日止中述開國之事末附民黨死事清臣殉難諸人小傳以備史官採擇而不名

凡例

為傳者以諸人生平事實懼有未備故直名為死事記殉難記云爾

一中國行政區域名稱至民國歸併析置廢改有數百處之多又邊遠行省增設縣治及設治局尤多而研究地輿者頗以不能盡知為憾茲從內務部最後所訂正增加者抄列為表以備攷查事雖有辛壬後者以其無關政治故備詳之

一紀各省事皆自獨立日起至一省統一日止紀中央政府事自組織政府時至全國統一日止故大政紀附癸丑事癸丑戰後國始統一也

一茲書分篇紀述其有大事不能分見於各篇者則盡納於辛壬大政紀中畧如各史之有帝紀也所以濟其窮也又所以為綱領也

一關於革命零星紀載向分新舊兩派而立論每不相容以致紀載每多失實茲篇於新舊人物精神道德各有表彰無所偏倚務存其實

一斯書纂輯凡十二年其間或因一人名因一事俟之數年而後得之恃以成篇或一篇而至四五易稿然不敢謂仍無訛謬閱者倘隨事指正以備修改則幸甚矣

凡例

一斯書初成常就正於諸友而王晉卿吳北江張子銘諸先生過為推許北江於諸篇體例字句繁簡糾正尤多子銘則於每篇加以評點諸公皆著述宏富當代斗山而阿好若是故特詳之以誌朋友匡助之勞

一各篇體例經朋友匡正而隨更改者即不錄其原評其或因文已成而不及改者則仍存其原評以俟異日非不從善也畏難故也

一斯書評語其無某云者皆張子銘筆

一各省初起草創簡畧情形每據事直書以博興趣拔劍擊柱古人不諱反侈為美談前例具在幸勿疑為訕諛

一民黨死事傳以死在辛亥前及辛亥冬者爲斷所以深痛民黨爲共和盡力未得享共和幸福也至死在辛亥後者則另行搜輯行狀俟積有成數再爲編輯

一坊間所輯民黨小傳多有現存之人本書則採輯其事實分別編入各篇中而弗爲立傳因其人以後建樹尙多懼挂一漏萬也

一各省起義情形常詢訪當事者甲與乙所述每不相同且每至互相駁斥甚至一人所述前後或亦小異然全是小節此等小節若律以古人簡括之紀錄則在不書之例茲畧述之者原以推助波瀾幸勿以小有參差

凡例

而生悞解

一清臣殉難列傳中所載事實每有與本省篇小有歧異者非未加檢點因傳聞異詞必有一是故兩存之一春秋乃年月之代詞本書用以命名並非援麟經之例有所褒貶閱者幸勿誤會

尙秉和識

評點凡例

一評點之學至明而大盛惟精者蓋寡至歸震川評點史記出凡文中界畫鉤勒提掇處詞藻華瞻處雄猛處宕逸處詼詭處無不於評點見之而方望溪姚姬傳梅伯言曾滌生張濂卿吳學甫諸大師演而愈精茲書評點悉遵先輩矩矱鉤勒界畫期便初學慎勿以事起近代嫌其傷雅

一評語爲評圈點亦爲評而圈點較評語尤便以故文義能以圈點標出者卽不再加評語以省繁瑣

一初學讀史每注重事蹟喜其熱鬧處類不於其文章

凡例

四

關節敘事精神處求之此固由於讀書者多不求甚解亦由史書文繁事蹟頭緒紛亂探求文法須再四讀然後得之若一開篇已有人預將文章內容剖析明白隨讀其文自隨得其義可省却初學無數腦力也

一圈點所以便讀者若或雜亂則反有害本書圈識祇及本文務求簡淨以醒眉目凡所引奏議書詞儘有佳者概不加墨神免混淆

一文勢雄猛處沈痛處跌宕處精神團聚氣脈流通局勢結束處圈提掇處轉折處串插處及文勢和緩恬

靜處點或圈

張鼎彝識

凡例

五

辛壬春秋目錄

行唐尙秉和節之纂輯

新城王樹枏管卿

桐城吳闓生北江 審定

獻縣張鼎彝子銘評點

辛壬大政紀第一上

辛壬大政紀第一下

四川第二

湖北第三

陝西第四

目錄

湖南第五

山西第六

雲南第七

灤州第八

吳祿貞被刺第九

江西第十

貴州第十一

上海第十二

江蘇第十三

浙江第十四

福建第十五
安徽第十六
廣西第十七
廣東第十八
新疆第十九
山東第二十
外蒙第二十一
西康第二十二 <small>西藏附</small>
直隸河南東三省甘肅第二十三
海軍第二十四
南京政府第二十五
清室禪政第二十六
北京政府成立記第二十七
辛壬之際月表第二十八
國會第二十九
官制廢置第三十
禮制第三十一
全國行政區域廢置表第三十二上
全國行政區域廢置表第三十二下
革命源流第三十三上

目錄

二

革命源流第三十三下
袁大總統事畧第三十四上
袁大總統事畧第三十四下
民黨死事記第三十五
陸浩東
唐才常 <small>傅良弼 黎科</small>
林圭
鄭弼臣
畢永年
熊成基
李朝棟
何自新
鄒容
劉大雄
陶成章
彭楚藩 <small>劉復基 楊宏勝</small>
張鍾端
張世膺
周維楨
民黨死事記第三十六

目錄

三

史堅如
吳樾
徐錫麟
溫生才
林冠慈
陳敬岳
陳軍雄
張先培
楊禹昌
黃之萌
目錄
彭家珍
薛成華
民黨死事記第三十七
趙聲
林文
林覺民
林尹民
陳興業
劉元棟
陳更新

四

方聲洞
陳可鈞
姚國樑
饒輔廷
宋玉琳
<small>范傳甲</small>
李達泉
馮超驥
韋雲卿
周華
羅仲霍
目錄
龐雄
勞肇明
民黨死事記第三十八
葉仰高
楊韻珂
趙膺
王又西
詹蒙
蕭鍾音
江來甫

五

陳芸興
李景沆
姚鑫三
周實 <small>阮式</small>
劉懋德
民黨死事記第三十九
白毓崑
熊朝霖
何任之
孫諫聲
目錄
張榕
薛福鏘
民黨死事記第四十
周達
周歧 <small>唐吉 盧唐 吳</small>
李君白
民黨死事記第四十一
焦達峯 <small>陳作新</small>
清臣殉難記第四十二 鄂川藏
程彬

六

劉錫祺
張曾疇
張景良
桂蔭
存厚 <small>周鵬飛</small>
榮潛
勞謙光
恆齡 <small>德壽 松興 多瑞 金秉 炳安</small>
駱兆綸 <small>哲森 榮綿 迎蔭 方祖楨 王萃奎</small>
端方
目錄
趙爾豐
汪承第
徐昭益
章慶
曹彬孫
羅長倚
清臣殉難記第四十三 <small>晉 陝 隴 豫 新 夏</small>
陸鍾琦 <small>子光熙 熊國斌</small>
譚振德
陳政詩

七

陸敘釗

齊世名 奎彰 世泰

文瑞 承燕 克蒙額 斌恆 多英 瑞明
文昭 賈坪 喜明 惠祥 春祥
奎亮 林放 林璋 惠斌 春祥
金常 德森 布

德祐

楊調元

楊宜翰

彭毓嵩 德銳 陳問紳 榮麟 張存善
張毅

玉潤

謝寶勝 姚藹雲

目錄

志銳

周玉魁

清臣殉難記第四十四 閩 浙 粵 滇

松壽

樸壽

來秀

劉念慈

王榮綬

貴林 哈楚顯 存炳 文海

趙翰楷

八

黃為熊

趙國賢

何培清

陳兆棠

黃新

馮汝楨

張德潤

張嘉鈺

鍾麟同 范鍾岳 羅鴻奎 張恩福

王振畿

目錄

張之泮

孔繁琴 張榮魁

世增

石家銘

毛汝霖

胡國瑞

張舜琴

清臣殉難記第四十五 湘 京師 贛 皖 蘇 魯

黃忠浩

王毓江

九

沈瀛
申錫綬
何永清
楊讓梨
馮汝駉
吉升
高謙
載穆
王有宏
何師承
黃凱臣
盛成 <small>哈耶阿</small>
王文棟
夏弼
清臣殉難記第四十六 <small>各省士人</small>
孫文楷
何承鑫
胡穆林
李澤霖
王乘龍

趙彝鼎
施偉
簡純澤
清臣殉難記第四十七
各省駐防將士殉難表
敘目第四十八
千支表 <small>附</small>

辛壬大政紀第一上

行唐
新城
桐城吳闈生北江
審定

獻縣張鼎彝子銘評點

宣統三年正月試辦本年歲出歲入預算初度支部原
送預算表列歲入共庫平銀三萬一百九十一萬二百
九十六兩八錢七分七厘歲出共三萬七千六百三十
五萬五千六百五十七兩經資政院審核增歲入四百
九十四萬七千五百七十四兩八錢五分五厘減歲出

辛壬政紀 第一上

七千七百九十萬零七千二百九十二兩出入兩抵贏
三百四十六萬一千九百三十一兩為宣統三年預備
費由資政院會同會議政務處具奏詔中外遵守勿得
溢額 法部奏停止刑訊再明詔實行詔京外問刑衙
門恭錄光緒三十一年三月二十一日諭旨懸挂法庭
遵守

三月戊申兼署廣州將軍副都統孚琦為黨人溫生才
刺死 以四川總督趙爾巽為欽差大臣調補東三省
總督兼管三省將軍事務擢川滇邊務大臣趙爾巽署
理四川總督以四川布政使王人文為川滇邊務大臣

爾豐奏辭不允 丁丑黨人黃興林文林尹民等入廣
州燬督署總督張鳴岐越牆走水師提督李準以兵與
黨人戰敗之黃興逃林文等七十二人皆死叢葬黃花
崗

四月辛未特借英美德法四國銀行一千萬鎊日本正
金銀行一千萬圓 乙亥給事中石長信奏鐵路宜分
幹路支路幹路應歸國有支路可許商辦詔郵傳部議
奏 戊寅內閣軍機處會議政務處同裁撤設立新內
閣詔授慶親王奕劻為內閣總理大臣那桐徐世昌為
協理大臣梁敦彥為外務大臣善耆為民政大臣載澤

辛壬政紀 第一上

為度支大臣唐景崇為學務大臣廕昌為陸軍大臣載
洵為海軍大臣紹昌為司法大臣溥倫為農工商大臣
盛宣懷為郵傳大臣壽耆為理藩大臣凡內閣總協理
大臣及各部大臣均為國務大臣改軍諮處為軍諮府
以貝勒載濤貝勒毓朗為軍諮大臣設弼德院以大學
士陸潤庠為弼德院院長大學士榮慶為弼德院副院
長 資政院以政府借款請開臨時會議不許 外務
部奏禁煙滿三年民間淨絕與英使續訂條約 已卯
郵傳部覆奏請准如石長信奏明詔曉諭幹路均歸國
有定為政策所有宣統三年以前部准商修幹路各案

一律取銷。由國家收回興築報可。戊子詔起用端方。充督辦川漢粵漢鐵路大臣。御史趙熙歐家廉劾盛宣懷借債賣路罪二十餘款。川湘鄂粵諮議局亦抗爭。五月川人立保路同志會。舉諮議局副議長蕭湘代表入都。聯合湘鄂京官立鐵路聯合會。上書政府。暫緩接收。庚子大理院少卿王世琪奏湘路改歸國有。請即停止抽收米鹽捐房捐報可。辛丑湖南巡撫楊文鼎代奏諮議局呈請湘省鐵路力謀自辦。不借債奉旨嚴行申飭。癸卯護理四川總督王人文代奏諮議局呈請鐵路暫緩接收。復奉旨申飭。總稅務司赫德因病辭職。以安格聯代為稅務司。戊午度支部郵傳部會奏償還路股辦法報可。己未以陳寶琛為山西巡撫。甲子內閣奏內閣官制首承宣廳。法制院次制誥局。叙官局。統計局。印鑄局。裁撤憲政編查館。吏部中書科。六月庚午以陸榮廷為廣西提督。龍濟光為陸軍第二十五鎮統制官。丙子都察院代奏直省諮議局議員呈請另行組織內閣。詔黜陟百司。係君上大權。載在先朝欽定憲法大綱。並註明議員不得干預。不許。辛巳皇帝典學。詔大學士陸潤庠山西巡撫陳寶琛授讀副都御史伊克坦授國語清文。壬午以江蘇布政使陸

辛壬政紀 第一上 三

鍾琦為山西巡撫。閏六月庚子陝西巡撫恩壽罷。以楊文鼎為陝西巡撫。余誠格為湖南巡撫。乙巳趙爾豐至成都奏請撤退川路總理李稷助郵傳部不從。丁巳以荊州將軍鳳山為廣州將軍。以善耆為理藩大臣。桂春為民政大臣。廣東水師提督李準為黨人林冠慈炸擊。準躍登屋頂免奉溫詔慰問。賞御藥療傷。七月丙寅朔內閣奏改設內閣官報。宣布法令。成都因鐵路官有罷市罷課。人民載景皇帝神主游行呼籲。匍伏督轅數萬人。並公舉劉聲元阮恒等入都陳情。辛壬政紀 第一上 四

復奏請先撤歸宜鐵路督辦李稷勳川人得春煊書亂勢畧定。戊子禁煙大臣奏開缺典禮院直學士李擢英前軍機章京孫筭經煙癮未除請革職永不叙用出結官易貞華世奎均罰俸一年。

八月丙申監國攝政王校閱禁衛軍。庚子岑春煊至鄂稱疾不行川亂復熾同志軍蠶起。壬寅內閣總理奕劻辭職溫詔慰留。郵傳部奏變通部章准四省路股十成償還虛糜倒虧由部擔認。丙午以張勳為江南提督張懷芝為甘肅提督。丁未典禮院製定國樂專章。庚戌以度支大臣載澤兼任鹽政院鹽政大臣。

辛壬政紀

第一上

五

癸丑夜湖北兵變總督瑞澂提督張彪棄城走甲寅武昌城陷乙卯詔奪瑞澂官以陸軍大臣蔭昌率陸軍兩鎮援鄂并詔海軍提督薩鎮冰長江水師提督程允和率師赴援。丙辰瑞澂劾罷張彪。軍諮大臣載瀾奏罷陸軍秋操。丁巳詔起袁世凱為湖廣總督岑春煊為四川總督春煊因武昌兵變歸滬。戊午詔王文撤去侍郎銜開去川滇邊務大臣趙爾豐仍充川滇邊務大臣。己未詔蔡鍔充陸軍第二十七協統領官。瑞徵匿兵輪游弋江中。壬戌詔四川湖北匪黨被脅自拔來歸者原有不問漢陽兵工廠龜山砲臺皆失守。

辛酉蔭昌始抵信陽北軍及張彪殘兵與民軍開始戰於劉家廟各省革命黨人因鄂亂蠶起。

九月乙丑朔資政院開第二次常會。湖南兵變巡撫余誠格走巡防統領黃忠浩死之黨人焦達峯為都督。陝西兵變護督錢能訓自戕不殊翌日滿城破將軍文瑞死之管帶張鳳翔為都督。丙寅九江兵變九江道保恆知府璞良遜標統馬毓寶為都督。戊辰廣州將軍鳳山為黨人炸死。己巳資政院奏參盛宣懷手握交通機關專擅權於交院協議交閣議決之案一切不顧於閣制發表之後二日首先破壞單銜入奏罔

辛壬政紀

第一上

六

上欺民怨苦鬱結上下爭持川亂卽作人心浮動革黨叛軍乘機竊發該大臣實為誤國首惡請予嚴懲詔罷郵傳大臣盛宣懷永不叙用內閣總協理大臣於盛宣懷朦混具奏時率行署名並交該衙門議處。以唐紹怡為郵傳大臣。端方奏覆查明四川京官會鑑等所陳川民爭路實情詔營務處總辦田徵葵貪功妄舉擅斃民命卽行革職發往巴藏効力署提法使周善培輕躁喜事候補道王揆王梓結怨紳商聲名素劣均著卽行革職候補道饒鳳環資輕望淺著以同知降補釋川紳蒲殿俊羅綸顏楷等。庚午隆裕皇太后特發內帑

銀一百萬兩充湖北軍餉。召陸軍大臣廕昌回京。以袁世凱爲欽差大臣。所有湖北赴援海陸各軍及長江水師均歸節制。調遣軍諮府陸軍部不得遙制。以一事權。以馮國璋總統第一軍段祺瑞總統第二軍。北軍奪據漢口大智門。壬申山西兵變。巡撫陸鍾琦協統譚振德死之。革軍舉標統閻錫山爲都督。瑞澂電奏因兵艦煤盡至九江。因九江兵變。至上海。詔江督拏解來京治罪。癸酉雲南兵變。總督李經羲走。布政使世增鎮統鍾麟同營務處總辦王振畿死之。革軍舉協統蔡鐸爲都督。皇帝下詔罪已曰。朕繼承大統於今三

辛壬政紀

第一上

七

禍變至此。悼心失圖。悔其何及。尙賴國民扶持。軍人翊戴。使憲政成立。因亂而圖存。轉危而爲安。惟望天下共知此意。資政院奏內閣應實負責任。國務大臣任用。懿親與立憲各國通例不符。請取消內閣暫行章程。實行責任內閣。不以親貴充當。國務大臣復請頒明詔。將憲法交院協贊。頒布實行。復奏請速開黨禁。以示寬大。而固人心。詔並允行。資政院總裁大學士世續辭職。以李家駒爲資政院總裁。民政大臣桂春。以漢人革命內城漢人宜盡行驅逐。昌言於朝。舉措乖謬。罷之。以趙秉鈞爲民政大臣。甲戌。湖南都督焦達峯。副都督

辛壬政紀

第一上

八

載競競業業。期與士庶同登上理。而用人無方。施治寡術。政地多用親貴。路事朦於僉王。馴致怨積於下。而朕不知禍迫於前。而朕不覺。川亂首發。鄂亂繼之。今則湘陝警報迭聞。粵贛變端又見。區夏騰沸。人心動搖。九廟神靈不安。欲享萬方蒸庶。塗炭堪虞。此皆朕一人之咎也。茲特布告天下。誓與我國軍民維新更始。實行憲政。凡舊法舊制。有不合於憲政者。皆罷除。此次湘鄂亂事。雖涉軍隊。實由瑞澂等乘於撫馭。激變棄軍。與無端搆亂者不同。朕維自咎。用瑞澂之不宜。軍民何罪。果能翻然改正。決不追咎既往。朕以眇眇之身。立於臣民之上。

陳作新爲亂兵所戕。舉譚延闓爲都督。南昌兵變。巡撫馮汝驤走九江。未幾死之。第二十鎮統制官張紹曾。頓兵灤州。與協統盧永祥藍天蔚等。合詞奏請。退組責任內閣。實行立憲。祛除暴政。詔嘉納之。乙亥。內閣總理大臣奕劻。協理大臣那桐。徐世昌。度支大臣載澤。海軍大臣載洵。外部大臣鄒嘉來等。辭職。允之。詔授袁世凱爲內閣總理大臣。湖北海陸軍。仍歸節制。調遣軍諮大臣載濤辭職。詔以廕昌代之。以魏光燾爲湖廣總督。丙子。張紹曾等復奏。申前請。詔復慰勉之。第六鎮統制官吳祿貞。頓兵石家莊。劫運鄂軍火。并嚴

電劾廢昌京師危迫。丁丑資政院擬具信條十九條請宣誓太廟。詔立即頒布。刊刻謄黃。宣布天下。信條第一條。大清帝國之皇統萬世不廢。第二條。皇帝神聖不可侵犯。第三條。皇帝之權以憲法規定者爲限。第四條。皇位繼承之順序於憲法規定之。第五條。憲法由資政院起草議決。皇帝頒布之。第六條。憲法改正提案之權屬於國會。第七條。上議院資格由國民於法定特別資格中公選之。第八條。總理大臣由國會公選。皇帝任命之。其他國務大臣并各省行政長官由皇帝任命之。第九條。總理大臣受國會之彈劾時。非解散國會。卽內閣總理辭職。但一次內閣不得爲兩次國會之解散。第十條。皇帝直接統率海陸軍。但對內使用時。須依國會議決之特別條件。第十一條。不得以命令代法律。除緊急命令外。以執行法律及法律所委任者爲限。第十二條。國際條約非經國會之議決。不得締結。但宣戰媾和不在國會開會期內。由國會追認之。第十三條。官制官規以法律定之。第十四條。本年度之預算未經國會議決。不得適用前年度預算。又預算案內規定之歲出預算案所無者。不得爲非常財政之處分。

辛王政紀

第一上

九

第十五條。皇室經費之制定及增減依國會之議決。第十六條。皇室大典不得與憲法相抵觸。第十七條。國務大臣裁判機關由兩院組織之。第十八條。國會之議決事項。皇帝頒布之。第十九條。第八第九第十第十二第十三第十四第十五第十八各條國會未開以前。資政院適用之。戊寅黨人李燮和圍攻上海製造局。總辦張士珩走。黨人遂據有製造局。翌日。陳其美爲都督。蘇州兵變。擁巡撫程德全爲都督。浙江兵變。囚巡撫增韞。舉湯壽潛爲都督。貴州兵變。巡撫沈瑜慶走。黨人舉楊燾誠爲都督。以吳祿禎爲山西巡撫。資政院請許黨人按照法律改組政黨。詔允之。己卯。資政院奏請速開國會。以符立憲政體。詔迅速草擬議院法選舉法。庚辰。詔張紹曾關懷時政。熱心改良。著賞加侍郎銜。授爲宣撫大臣。馳赴長江一帶。宣布朝廷德意。以潘矩楹爲第二十鎮統制官。法部奏黨禁既開。所有因犯政治革命嫌疑。人犯。請悉予開釋。詔釋黨人汪兆銘黃復生羅世勛。發往廣東。交張鳴岐差遣。庚辰。詔端方暫行署理四川總督。趙爾豐毋庸署理。辛巳。廣西獨立。舉巡撫沈秉堃爲都督。安徽獨立。舉巡撫朱家寶爲都督。盜殺吳祿貞。

辛王政紀

第一上

十

壬午福建兵變總督松壽將軍璞壽死之黨人推鎮
統孫道仁爲都督 癸未資政院奏遵照憲法信條公
舉袁世凱爲內閣總理大臣詔朕依憲法信條第八條
命袁世凱爲內閣總理大臣 癸未廣東獨立兩廣總
督張鳴岐走黨人胡漢民爲都督 乙酉詔奪軍諮大
臣毓朗職以徐世昌爲軍諮大臣 丙戌江西都督吳
介璋辭職黨人彭程萬爲都督 內閣總理大臣袁世
凱至都 丁亥西藏兵變囚駐藏大臣聯豫 山東獨
立舉巡撫孫寶琦爲都督 戊子選派張謇湯壽潛江
春霖譚延闓梁鼎芬趙炳麟喬樹枏謝遠涵柯劭忞渠
辛壬政紀 第一上

本翹王人文高增爵各爲本籍宣慰使宣布朝廷實行
立憲改革政治宗旨 乙丑以張錫鑾爲山西巡撫
潯軍亂皖安徽都督朱家寶走皖遂無都督 初武昌
兵變謠言繁興報紙復宣傳各省將獨立協理大臣那
桐電各省每日報安揭官報鎮人心 未幾報者日少至
是遂絕都人愈惶恐逃竄一空街巷婦孺絕迹 吳北江
惶恐逃竄一空非因各省獨立之多也因庚寅責任內
閣成立以梁敦彥爲外務大臣趙秉鈞爲民政大臣嚴
修爲度支大臣唐景崇爲學務大臣王世珍爲陸軍大
臣薩鎮冰爲海軍大臣沈家本爲司法大臣張謇爲農

工商大臣楊士琦署郵傳大臣達壽爲理藩大臣辛卯
以段祺瑞署理湖廣總督升允署理陝西巡撫督辦陝
西軍務 提督張勳固守金陵江浙起聯軍圍之以徐
紹楨爲總司令

十月乙未朔廣西都督沈秉堃率師北伐副都督王芝
祥暫代爲都督 重慶府兵變黨人張培爵爲都督
江西都督彭程萬辭職迎九江馬毓寶爲都督 丙申
內閣總理大臣面奏暫行停止入對奏事詔依議自是
總理大臣不每日召見 詔升允姜桂題將兵援陝
戊戌山東取消獨立 江蘇都督程德全督師江甯
辛壬政紀 第一上

庚子皇帝以十九信條宣誓太廟辛丑督辦鐵路大臣
端方駐資州衛兵變被戕四川總督趙爾豐以總督印
信交諮議局川民獨立舉議長蒲殿俊爲都督馮國璋
克漢陽賞給二等男爵 各省代表團至湖北議決臨
時政府組織大綱二十一條議建民軍政府 內閣命
馮國璋停戰 丙午民軍克金陵總督張人駿將軍鐵
良提督張勳走 丁未庫倫活佛哲布尊丹巴叛 河
南巡撫寶芬免以齊耀琳爲河南巡撫 庚戌監國攝
政王引咎辭職皇太后允之以大學士世續徐世昌爲
太保 辛亥從資政院請准民臣自由剪髮籌辦改用

陽歷 壬子。以袁世凱爲全權大臣。委託代表馳赴南方。討論大局。世凱以唐紹儀爲全權代表。以嚴修楊士琦爲參贊。赴滬會議。貴州都督楊蔭誠率師北伐。副都督趙德全代爲都督。各省留滬代表團。舉黃興爲大元帥。黎元洪爲副元帥。代表團議決。以南京爲民軍政府。由鄂歸滬。壬子。成都兵亂大掠。癸丑。伊犁獨立。殺將軍志銳。擁前將軍廣福爲都督。以馮國璋爲禁衛軍總統官。罷訓練大臣載濤。以河南巡撫齊耀琳。布政使倪嗣冲。兼轄皖吏治軍務。乙卯。成都亂定。尹昌衡代蒲殿俊爲都督。辛酉。代表團復舉黎元洪爲大元帥。黃興爲副元帥。元洪鎮武昌。黃興攝行大元帥職權。山東巡撫孫寶琦罷。以胡建樞爲山東巡撫。十一月。甲子朔。唐紹儀在滬與民軍代表伍廷芳開議。廷芳首要清帝退位。改建民主共和。詔例應奏事人員。陳述國務。均由內閣核辦。毋庸再遞封奏。馮國璋至都。接統禁衛軍。乙丑。安徽都督孫毓筠就職。丙寅。四川都督尹昌衡殺總督趙爾豐。巡警道王揆。己巳。黨人孫文自南洋至滬。壬申。隆裕皇太后詔曰。內閣代遞唐紹儀電奏民軍代表伍廷芳。堅稱人民志願。以改建共和政府爲目的等語。此次武昌變起。朝廷俯

辛壬政紀

第一上

三

從資政院之請。頒布憲法信條十九條。告廟宣誓。原冀早息干戈。與國民同享和平之福。徒以大信未孚。政爭迭起。予惟我國今日。於君主立憲共和立憲二者。以何者爲宜。此爲對內對外實際利害問題。固非一部分人民所得私亦非朝廷一方面所能專決。自應召集臨時國會。付之公決。茲據國務大臣等。奏請召集近支王公會議。面加詢問。皆無異詞。著內閣卽以此意。電令唐紹儀轉告民軍代表。預爲宣示。一面由內閣迅將選舉法妥擬協定施行。尅期召集國會。並妥商伍廷芳。彼此先行罷兵。以奠羣生而彌大難。予惟天生民而立之。君使司牧之。原以一人養天下。非以天下奉一人。皇帝繼承大統。甫在冲齡。予更何忍塗炭生靈。貽害全國。但期國會議決。以國利民福爲歸。天視民視。天聽民聽。願我愛國軍民。各秉至公。共謀大計。實有厚望焉。癸酉。各省代表團在江甯開選舉大總統會。舉孫文爲中華民國臨時大總統。乙亥。唐紹儀與伍廷芳簽定國會代表四條件。丙子。孫文蒞甯。宣誓就職。是日爲陽歷一月一日。民國紀元以此始。全權代表唐紹儀辭職。南京政府。任命黃興爲陸軍總長。黃鍾瑛爲海軍總長。王寵惠爲外交總長。伍廷芳爲司法總長。陳錦濤爲財政總

辛壬政紀

第一上

四

長程德全爲內務總長。蔡元培爲教育總長。張謇爲實業總長。湯壽潛爲交通總長。各省代表團依政府組織大綱代行參議院職權。己卯灤州兵變平。壬午曹錕攻克娘子關。浙江舉蔣尊簋爲都督。乙酉山西巡撫張錫鑾入太原。民軍都督閻錫山走。辛卯內閣總理大臣袁世凱朝罷出禁城。黨人張先培等以炸彈擊之。不中。

十二月丁酉。廣西提督陸榮廷至桂林。王芝祥帥師北伐。榮廷代爲都督。戊戌。山東巡撫胡建樞免。以布政使張廣建爲山東巡撫。陝西巡撫升允提督馬安良。

辛王政紀

第一上

五

崔正午張志行率甘軍援陝。圍鳳翔乾州。藍天蔚在燕台稱關外大都督。辛丑。黨人彭家珍以炸彈擊軍諮府軍諮使良弼。創重。三日死。第一軍軍統段祺瑞與北方將校姜桂題等四十七人奏請明降論旨。確定共和。詔封袁世凱一等侯爵。奏辭不許。資政院議長李家駒辭職。以許鼎霖充資政院議長。己酉。直隸總督陳夔龍病免。以張鎮芳爲直隸總督。北洋大臣伊犁民軍與迪化軍戰於精河廳。詔曰。朕欽奉隆裕皇太后懿旨。前據岑春煊袁樹勳暨出使大臣陸徵祥等統兵大員段祺瑞等電請速定共和國體。以免生靈塗炭等語。現在時局岌岌。四民失業。朝廷亦何忍因一姓之尊榮。貽萬民以實禍。惟是宗廟陵寢。關係重要。以及皇室之優禮。皇族之安全。八旗之生計。蒙古回藏之待遇。均應預爲籌畫。著授袁世凱以全權。迅與民軍商酌條件。奏明請旨。乙卯。熱河都統錫良免。以崑源署理熱河都統。袁全權提出皇室皇族八旗及滿蒙回藏優待條件。致南京政府。丙辰。南京政府交參議院同意。戊午。皇帝下退位詔曰。朕欽奉隆裕皇太后懿旨。前因民軍起事。各省響應。九夏沸騰。生靈塗炭。特命袁世凱遣員與民軍代表討論大局。議開國會。公決政體。兩

辛王政紀

第一上

六

月以來。尙無確實辦法。南北睽隔。彼此相持。商輟於途。士露於野。徒以國體一日不決。故民生一日不安。今全國人民心理。多傾向共和。南中各省。既倡議於前。北方諸將。亦主張於後。人心所嚮。天命可知。予亦何忍因一姓之尊榮。拂萬民之好惡。用是外觀大勢。內審輿情。特率皇帝。將統治權公諸全國。定爲共和立憲國體。近慰海內厭亂望治之心。遠協古聖天下爲公之義。袁世凱前經資政院選舉爲總理大臣。當茲新舊代謝之際。宜有南北統一之方。卽由袁世凱以全權。組織臨時共和政府。與民軍協商統一辦法。總期人民安堵。海內久安。

仍合滿蒙回藏五族完全領土爲一大中華民國子
與皇帝得以退處寬閑優游歲月長受國民之優禮親
見郅治之告成豈不懿歟又詔曰朕欽奉隆裕皇太后
懿旨前以大局岌危兆民困苦特飭內閣與民軍商酌
皇室各條件以期和平解決茲據覆奏民軍所開優禮
條件於宗廟陵寢永遠奉祀先皇陵制如舊妥修各節
均已一律擔承皇帝但卸政權不廢尊號並議定優待
皇室八條待遇皇族四條待遇滿蒙回藏七條覽奏尙
爲周至特行宣示皇族暨滿蒙回藏人等此後務當化
除畛域共保治安重親治世之昇平胥享共和之幸福

辛壬政紀

第一上

七

予實有厚望焉

甲關於大清皇帝辭位後之優待條件

今因大清皇帝宣布贊成共和國體中華民國於大

清皇帝退位之後優待條件如左

第一款

大清皇帝辭位之後尊號仍存不廢中華民國以待

各外國君主之禮相待

第二款

大清皇帝辭位之後歲用四百萬兩俟改鑄新幣後

改爲四百萬元此欸由中華民國撥用

第三款

大清皇帝辭位之後暫居宮禁日後移居頤和園侍
衛人等照常留用

第四欸

大清皇帝辭位之後其宗廟陵寢永遠奉祀由中華
民國酌設衛兵妥慎保護

第五欸

德宗崇陵未完工程如制妥修其奉安典禮仍如舊
制所有實用經費均由中華民國支出

第六欸

辛壬政紀 第一上 六
宮內所用各項執事人員可照常留用惟以後不得
再招闖人

第七欸

大清皇帝辭位之後其原有之私產由中華民國特
別保護

第八欸

原有之禁衛軍歸中華民國陸軍部編制額數俸餉
仍如其舊

乙關於清皇族待遇之條件

一清王公世爵概仍其舊

二、清皇族對於中華民國國家之公權及私權與國民同等。

三、清皇族私產一體保護。

四、清皇族免當兵之義務。

丙、滿蒙回藏各民族贊同共和，中華民國所以待遇者如左。

一、與漢人平等。

二、保護其原有之私產。

三、王公世爵概仍其舊。

四、王公中有生計過艱者，設法代籌生計。

辛壬政紀 第一上

九

五、先籌八旗生計，於未籌定之前，八旗兵員俸餉仍舊支放。

六、從前營業居住等限制一律蠲除，各州縣聽其自由入籍。

七、滿蒙回藏原有之宗教聽其自由信仰。

以上條件列於正式公文，由兩方代表照會各國駐京公使轉達。各該政府復詔曰：朕欽奉隆裕皇太后懿旨，古之君天下者，重在保全民命，不忍以殺人者害人。現在新定國體，無非欲先弭大亂，期俾乂安，若拂逆多數之民心，重啟無窮之戰禍，則大局決裂，殘殺相尋，必演

成種族之慘痛，將至九廟震驚，兆民荼毒，後禍何忍復言。兩害相形，惟取其輕。此正朝廷審時觀變，痼瘼吾民之苦衷。凡爾京外臣民，務當善體此意，為全局熟權利害，勿得挾虛憍之意氣，逞偏激之空言，致國與民兩受其禍。著民政部步軍統領姜桂題、馮國璋等嚴密防範，凱切開導，俾皆曉然於朝廷應天順人，大公無私之意。至國家設官分職，以為民極，內列閣府部，外建督撫司道，所以康保羣黎，非為一人一家而設。爾京外大小各官，均宜慨念時艱，慎供職守，應即責成各長官，敦切誠勸，毋曠厥官，用副予夙昔愛撫庶民之至意。

辛壬政紀 第一上

三

辛壬大政紀第一下 癸丑附

中華民國元年二月十三日，已未清室既遜位，袁全權布告內外大小文武官署，曰：現在共和國體業經宣布，世凱忝膺組織臨時政府之任，力小荷重，深懼弗勝，竊念政府機關不容有一日之間斷，現值組織臨時政府，所有舊日政務，目下仍當繼續進行，庶政方新，百端待舉，全賴羣策羣力，互相匡濟，務以保全治安，共維大局，爲要務。在新官制未定以前，凡現有內外大小文武官署人員，均應照舊供職，毋曠厥官，所有應行公務，應司職掌，以及公款公物，均應照常辦理，切實保管，不容稍

辛壬政紀 第一下

懈，倘有藉端規避曠厥職官者，不獨違背官規，抑且放棄國民義務，竊願在官諸君子，共懷此意，又布告全國軍警，曰：共和宣布，地方治安，全賴軍警協同維護，所有舊定軍紀警章，仍當繼續施行，藉以統一政權，保持秩序，倘有不逞之徒，藉端生事，擾亂治安，卽按法懲治，以維大局。凡各級長官，共申此愷，又布告軍隊，毋得再捕黨人，其已捕者，卽行釋放，又電飭北方督撫州縣云：現在改定國體，採用共和業經大清皇帝明白宣布，凡我國民，須知此次改革，爲我國從來未有之新局，非舍故君而戴以新君，乃由帝政而變爲民政，自茲以往，我中

國之統治權，非復一姓所獨擅，而爲四百兆人所公有。我中華民國，不論滿漢蒙回藏何種民族，均由專制朝廷之臣僕一躍而爲共和平等之人民，實我中華無上之光榮，亦世界罕聞之盛舉，惟當新陳代謝之際，正禍福攸分之日，始基不慎，遺害何窮，吾人同屬國民，各有天職，艱難締造，義不容辭，凱以菲才，謬膺組織臨時政府之任，力小荷重，其何能堪，所賴我賢士大夫，盡竭知能，共謀匡濟，諸公久膺疆寄，外觀世局，內察民情，必有以慰同胞望治之心，方不負大清皇帝致政之意，其或愚民無識，胥動浮言，亦宜剴切詳明，廣爲勸導，總之共

辛壬政紀 第一下

和國家輿論，卽爲法律之母，國是一定，萬難動搖，無論何人均有服從國法之義務，凱雖不敏，願與諸公努力行之，外務部致優待條件及退位論旨，於各國公使轉達，各國政府，袁全權自稱臨時政府首領，改各部大臣名爲首領，出使大臣名爲臨時外交代表，庚申南京臨時大總統孫文，向參議院辭職，並推薦袁全權爲臨時大總統，辛酉南京參議院選舉袁全權爲臨時大總統，決議政府仍在南京，參議院致電袁總統云：本日開臨時大總統選舉會，滿場一致，選公爲大中華民國臨時大總統，查世界歷史，選舉大總統，滿場一致者，只華盛頓

頓一人公爲再見同人深幸公爲世界之第二華盛頓我中華民國之第一華盛頓統一之偉業共和之幸福實基此日務請得電後即日駕蒞南京參議院受職共和萬歲中華民國萬歲癸亥令內外文武百官改用陽曆丙寅南京參議院選舉黎元洪爲臨時副總統王申南京政府遣專使蔡元培汪兆銘等至北京迎袁大總統來南京就職乙亥北京兵變焚掠

三月丙子朔天津保定皆兵變令曰昨夕第三鎮炮輜兩營因事譁亂哨兵附之士匪繼之縱火鳴槍全市震驚損失鉅萬查丁兵原以彈壓地面保衛治安不意有

辛壬政紀

第一下

三

此結果乃與初心相反此雖由該兵丁等誤會謠傳不能恪守紀律實由鄙人鎮撫無術未能先事防維之所致鄙人甫受國民委託膺此重大仔肩誠欲竭區區之愚爲同胞謀幸福乃新任未履而愆尤先叢利國之政無聞病民之事已見撫衷自問負咎良深嗣後益當振刷精神妥爲布置一面嚴申軍紀鎮壓亂萌務竭心力所能爲以無負國民付託之重至此次商民損失已飭詳細查明籌給賑恤所賴全市商民仍還舊業共鑒鄙忱雲南援黔軍唐繼堯至貴州擊定會匪貴州都督趙德全遯黔耆老會舉唐繼堯爲都督丁丑令曰二十

九日夜間亂兵暴動縱火焚劫初一日夜西城又被焚搶多處殊堪痛恨昨經通飭各軍隊長官及地方官吏嚴擊犯事各兵及附從土匪按照軍法從事此後如敢再滋生事端除重懲該犯外並將該管長官一併懲處決不寬貸戊寅禁兵丁擅帶槍枝游行街市及夜出南京參議院允袁大總統在北京就職壬午理藩部正首領達壽免癸未南京參議院議決臨時約法

乙酉袁大總統行就職禮令曰本大總統於中華民國元年三月初十日舉行受職禮訖自念德薄能鮮膺茲重任兢兢業業惟以隕越是懼維我民國建設伊始千

辛壬政紀

第一下

四

端萬緒肇造維艱是皆賴我內外文武百官協力同心共擔義務當此瘡痍未復國步艱難苟有可以破除私見保持公安謀秩序之挽回籌政事之統一者本大總統當與諸君竭力齒之又令曰國體變更首在蕩滌繁苛與民更始凡自中華民國元年三月初十日以前我國民不幸而罹於罪者除真正人命及強盜外無論輕罪重罪已發覺未發覺已結正未結正者其皆免除又令曰國民積苦專制重罹兵禍農民損失甚鉅豈宜催督逋欠重滋擾累所有中華民國元年以前應完地丁正雜錢糧漕糧實欠在民者其皆免除有司勿得催索

又令曰：現在民國法律未經議定頒布，所有從前施行之法律及新刑律，除與民國國體抵觸各條應失效力外，餘均暫行援用，以資遵守。又令曰：天津保定等處，猝遭亂兵土匪焚燒搶掠，民喪其居，商失其業，流離蕩析，生計維艱，言念及之，深堪憫惻。著直隸總督竭力籌款，妥為撫恤，以靖人心，而復生業。丙戌，特派姚錫光前往津保慰問被難商民，會同直隸總督籌議善後。甘肅秦州道黃鉞獨立。戊子，特任唐紹儀為國務總理。己丑，陝甘總督長庚辭職，以趙維熙為陝甘總督。庚寅，令直隸東三省陝甘總督及河南山東吉林黑龍江巡

辛壬政紀

第一下

五

撫均改稱都督，權職仍舊。以閻錫山為山西都督，專管軍事。李盛鐸為山西民政長，張錫鑾為直隸都督。藍天蔚自燕台電請取銷關外都督，因制服未定，丁祭緩。升允馬安良與陝西都督張鳳翽停戰退出陝境。乙未，江西李烈鈞代馬毓寶為都督。戊戌，以張鎮芳署理河南都督。癸卯，山東都督張廣建免，以周自齊為山東都督。乙巳，以陸徵祥為外交總長，趙秉鈞為內務總長，熊希齡為財政總長，段祺瑞為陸軍總長，劉冠雄為海軍總長，蔡元培為教育總長，王寵惠為司法總長，宋教仁為農林總長，陳其美為工商總長，唐紹儀兼任交

通總長黃興為參謀總長。丙午，任命黃興為南京留守。徐紹楨為參謀總長，紹楨旋辭，以副總統黎元洪領參謀總長。

辛壬政紀

第一下

六

四月，丁未朔，南京臨時大總統孫文向參議院行辭職禮。壬子，參議院議決臨時政府移於北京。南京政府畢甲寅，任命施肇基為交通總長，以王人文為川滇宣慰使。己未，江蘇都督莊蘊寬辭職，任命程德全為江蘇都督。乙丑，任命樊增祥為湖北民政長，辛酉，楊州都督徐寶山電政府請取銷楊州分府，以為中央統一倡。奉令嘉勉。丁卯，新疆都督袁大化免，以喀什噶爾道袁鴻祐為新疆都督。鎮迪道楊增新為布政使，以唐繼堯為貴州都督。己巳，安徽都督孫毓筠免，以柏文蔚為安徽都督。重慶取消獨立，以張培爵為四川民政長。五月，甲午朔，召江北都督蔣雁行來京。廢江北軍政府。丙申，以嚴復為北京大學校長。庚子，以王正廷署理工商總長。辛丑，以鍾穎為西藏辦事長官。壬寅，令曰：共和以法治為基，民權以財產為重，保護財產，世界各國法律所同。自頃戰事告終，元氣未復，正宜同謀樂利，以奠民生。况保護公產，保護私產，禁止濫捕撞騙，均經前孫大總統辦理有案，乃捕人索銀之事，迭有所聞，國

法何存民業奚恃本大總統既膺公選即當以國利民福爲己任用特申戒國人須知人民權利載在臨時約法保有財產自由無故不得侵犯從前用兵之際雖有將無主財產及官吏私產充公等事乃出於軍事上之權宜斷難沿爲習慣現在政府成立自應實行法治嚴戒武斷嗣後應由各省長官及各軍隊長官恪遵約法嚴飭所屬切實保護人民財產倘再有逞私謀奪情事一經告發務必按法懲治其從前迫脅立約尙未履行者自奉令之日始概失效力至於坐贓犯科應行籍沒者自可按照法律由檢察官提起公訴歸司法衙門審

辛壬政紀

第一下

七

斷決無盡人可得越俎之理本大總統爲恢復秩序尊重人權起見深願國民同享幸福共保和平其各懷遵癸卯改任陝甘經畧使胡瑛爲新疆青海屯墾使甲辰以伊犁都督廣福爲伊犁鎮邊使戊申以畢桂芳爲塔爾巴哈台參贊帕勒塔爲阿爾泰辦事長官新疆都督袁鴻佑在喀什噶爾道署爲亂兵所戕已酉以楊增新爲新疆都督改大理院正卿爲大理院長癸丑令曰新疆都督袁鴻佑猝被戕害南疆一帶幅員過廣民族衆多亟宜速籌鎮撫以靖人心而維大局前任都督袁大化現尙在新著派令督辦南疆剿撫事宜所有省垣及

南疆軍隊均准節制調遣乙卯令曰據融洽漢滿禁書會發起人陳其美王人文等請將從前鼓吹排滿各書通令各省禁止出版其已出版者籌費銷毀等語中華民國由五大族合組而成自宜聯絡感情美滿融洽况優待條件早經頒布從前排滿等說顯與民國宗旨不符該會規畫闊遠用意至可嘉尙應即通令各省長官一律禁絕而昭大同丙辰以溥錕爲烏里雅蘇台將軍壬戌令曰南京留守黃興以整理軍隊業有端緒迭請取消留守機關以保行政統一當因南方人心尙需坐鎮再三電令緩撤並派陸軍次長蔣作賓馳往商

辛壬政紀

第一下

八

辦該留守去志甚堅情詞懇切未便拂其初意所有南京留守機關候程德全到甯接收後准即取消黃興俟解職後迅即來京用資贊助以柏文蔚爲江甯第一軍軍長徐寶山爲第二軍軍長均歸陸軍部直接管轄其向隸留守府軍隊歸江蘇都督接管並令陸軍次長蔣作賓按照黃留守原定計畫切實陶汰六月甲子廢翰林院都察院給事中庚午參議院議決以五色旗爲國旗商旗適用國旗以十九星旗爲陸軍旗以青天白日旗爲海軍旗明令公布嚴禁鴉片乙卯國務總理唐紹儀因病赴津以外交總長陸徵祥

攝國務總理。戊子參議院議決修正國務院官制。已丑國務總理唐紹儀免。庚寅交通總長施肇基免。壬辰以陸徵祥爲國務總理。工商總長陳其美免。孫文黃興等來都。癸巳以那彥圖爲烏里雅蘇台將軍兼轄苗什業督車臣兩盟事宜。

七月乙未朔安徽都督孫毓筠免以柏文蔚爲安徽都督。己亥以倪嗣冲辦理河南邊界善後。癸卯令曰。民國肇造政黨勃興我國民政治思想之發達較諸帝政時代何止一日千里。環球各國皆恃政黨與政府相須爲用。但黨派雖多莫不以愛國爲前提而非參以個人意見。辛壬政紀 第一下

見我國政黨方在萌芽其發起之領袖亦皆一時人傑。政見雖有參差心地類皆純潔惟黨徒既盛統系或歧兩黨相持言論不無激烈深恐遷流所極因個人利害忘國事艱難與言及此憂從中來凡我國民務念闕墻禦侮之忠言慎同室操戈之大戒折衷至理互相提携忍此小嫌同扶大局丙午令曰各省議會立於監督官廳地位論名義則顯相對待論事實則隱相維持若行政官廳日在憂讓畏讓之中朝不保夕必至百事廢弛放棄職權地方秩序無以保持人民將何所託命卽在議會若惟抵瑕蹈隙使賢智之精神才力銷磨於言論

九

爭執之間而國家觀念轉形薄弱民間疾苦未遑調查亦豈代表人民之本意數月以來各省行政長官與該省議會或因權限而啟紛爭或因意氣而生衝突始由誤會繼走極端既無曲諒之誠復鮮交讓之美本大總統自維薄德不能使我邦人士庶化洽太和內疚於懷不可終日要知政廳保障民福議會疏通民情分雖各殊道無二致若彼此抨擊暗鬪弗休何異言居而毀其室家言行而棄其軌軌特此布告各省行政長官及省議會務宜共體時艱勿膠成見勿挾私旨庶幾開誠布公以漸臻於大同之治又令曰各省統一以來秩序漸

辛壬政紀 第一下

十

就恢復各該都督綏靖地方已著成績除業經任命各都督外亟應正式任命以專責成茲任命黎元洪領湖北都督事譚延闓爲湖南都督孫道仁爲福建都督蔣尊簋爲浙江都督李烈鈞爲江西都督尹昌衡爲四川都督張鳳翔爲陝西都督胡漢民爲廣東都督陸榮廷爲廣西都督蔡鍔爲雲南都督其各整肅軍隊共扶艱危尹昌衡現西征川邊以胡景伊護理四川都督張培爵爲四川民政長戊申財政總長熊希齡司法總長王寵惠教育總長蔡元培農林總長宋教仁免。庚戌參議院議決改東三省都督爲奉天都督毋庸兼轄吉江

兩省。壬子參議院議決各部官制通則。丁巳浙江都督蔣尊簋免。以朱瑞為浙江都督。庚申以周學熙為財政總長。許世英為司法總長。范源濂為教育總長。陳振先為農林總長。朱啟鈞為交通總長。章宗祥為大理院長。辛酉禁軍警干涉政治。癸亥以姚錫光為蒙藏事務局總裁。常連為甯夏將軍。趙均騰為貴州宣慰使。乙丑河南省議會開會。匪徒闖入鎗傷數人。軍警懲罰有差。以詹天佑會辦粵漢鐵路事。

八月癸酉參議院議決制定勳位勳章公布之。甲戌參議院議決國會組織法及參議院議員選舉法。眾議院

辛壬政紀 第一下

十一

議員選舉法公布之。己卯長江水巡總稽查李燮和免。以黃漢湘為水巡總稽查。甲申國務總理陸徵祥免。以趙秉鈞為國務總理。乙未科爾沁右翼前旗扎薩克郡王烏泰叛。

九月己亥參議院議決省議會選舉法。庚子令以十二月初十日舉行眾議院選舉。以何宗蓮署察哈爾副都統。壬寅段祺瑞黃興授為陸軍上將。癸卯以馮國璋為直隸都督。貢桑諾爾布為蒙藏事務局總裁。甲辰以孫文為籌畫全國鐵路全權。乙巳以各省民政長為參議院議員選舉監督。庚戌以谷如墉為山西

民政長。辛亥以梁如浩為外交總長。甲寅進封效忠民國翊贊共和之蒙古扎薩克王公爵各一位。丙辰令曰。故新疆都督袁鴻佑五月間在喀什喀爾道署內被戕。經飭新疆都督楊增新提督焦大聚查究。茲據查明肇事始末及事後維持情形。懇准銷案。並請議卹。該故都督等語。查袁鴻佑久歷邊疆。甫經受任。即遭戕害。深堪憫惻。應准從優議卹。所有肇事之人。皆因誤會暴動。旋即平定。未擾地方。情尚可原。准其銷案免究。己未以尹昌衡兼充川邊鎮撫使。

十月壬申。草烏泰郡王世爵以鎮國公。鵬束克為科爾沁右翼前旗扎薩克。癸酉令曰。清季官紳制止革命。乃職守使然。共和成立。自應不追既往。迺舊日官紳仍多疑畏。匿迹不返。地方官吏無識者。或復苛求。陷諸刑網。均於共和真意有乖。自今以往。各省行政長官。除犯罪者外。概不得追論反正以前罪狀。參議院議決十月十日為國慶日。追祭先烈。乙亥命國務總理趙秉鈞前往致祭。特授孫文黎元洪以大勳位。唐紹儀伍廷芳黃興程德全段祺瑞馮國璋以勳一位。孫武勳二位。丁丑綏遠城將軍瑩岫免。以張紹曾為綏遠城將軍。庚辰參議院議決中央官吏官等官俸法公布之。

辛壬政紀 第一下

十二

奉天統領吳俊陞平定扎鎮兩旗亂特授勛五位。癸未章嘉呼噶克苗甘珠呼圖克圖均賞穿帶膝貂褂給用紫韁晉封新土爾扈特盟長以下爵有差科爾沁親王阿穆爾靈圭賞食雙俸。辛卯以楊繼緒為喀什噶爾提督。壬辰參議院議決國史館官制。恢復西藏達賴喇嘛佛號名號。以夏壽康為湖北民政長參議院議決男女禮服公布。

十一月丙申朔以傅良佐為察哈爾副都統戊戌奉天都督趙爾巽免以張錫鑾為奉天都督。辛丑制定公文程式。己酉外交總長梁如浩免。黑龍江都督宋

辛王政紀

第一下

三

小濂請將効忠民國郭爾羅斯復旗扎薩克布彥戎克等進爵有差。庚戌公布審計規則。以陸徵祥為外交總長辛亥以張元奇為福建民政長。癸丑參議院議決國籍法。甲寅以應德閔為江蘇民政長。乙卯蒙藏事務局請晉封首翊共和有功大局在京蒙古王公。庚申改各省府廳州縣官名一律稱為知事壬戌卓哩克苗親王色旺巴魯布奈曼親王蘇珠克苗巴苗爾等朝京師賞賚有差。以譚人鳳為長江巡閱使。癸亥以黃興督辦漢粵川鐵路。甲子參議院議決中央觀象臺官制。乙丑姜桂題報豫匪平。

十二月己巳以陳炯明為廣東護軍使。辛未蒙匪高喇嘛竄匿開魯戕西扎魯特公爵東扎魯特福晉。丁丑以王闓運為國史館館長。辛巳參議院議決戒嚴法公布之己丑北吐爾扈特盟長及左右翼副盟長青海左右翼正副盟長及二十九旗王公因翊贊共和各進爵有差辛卯土觀呼噶克苗察罕殿齊呼噶克苗翊贊共和均晉封名號賞賚有差。壬辰以熊希齡為熱河都統段芝貴為察哈爾都統。乙未川邊鎮撫使尹昌衡督師剿定川邊番匪給予一等文虎章統領官顧占文軍務處總長李延述北路督戰官劉瑞麟營長彭

辛王政紀

第一下

四

日昇丁成信李焱森舒雲山各給獎有差。申令嚴禁鴉片地方官視此事定殿最。己亥以張瑞璣為山西民政長。二年一日丁亥畫一地方官制以民政長為省行政長官下隸內務司財政司教育司實業司警察廳觀察使知事。戊子令各省薦任以上文官照任免令呈請任免。庚子令日前據山西都督閻錫山電呈河東籌餉局局長南國馨被河東觀察使張士秀旅長李鳳鳴拘禁拷打當經電令將南桂馨提省訊辦茲據該都督電稱派員守提并四次電催張士秀迄無隻字回復李鳳

鳴復敢派兵盾犯省垣請派兵剿辦等情晉省自改革以來秩序漸復惟河東一隅占收糧賦終未解交擁護軍隊不服編裁已屬形同割據南桂馨係閩錫山電明中央委任局員竟敢擅行拘禁橫加凌虐第一旅長已派孔繁爵接充復敢抗不交替現且有派兵赴省情事似此橫蠻抵抗逆迹昭彰著參謀部陸軍部酌派軍隊前赴河東勒令交出南桂馨並將張士秀李鳳鳴嚴拏懲辦甲辰以趙淵為山西民政長封賚年班來京蒙古王公 己酉教育總長范源濂免 庚戌漢粵川鐵路督辦黃興免

辛壬政紀

第一下

五

二月乙卯以岑春煊督辦漢粵川鐵路三月戊戌令四月八日舉行國會開會禮 辛丑令曰據前農林總長宋教仁電稱二十日晚在上海車站被奸人槍擊受創當即令江蘇地方官勒限緝凶并派交涉使陳貽範前往慰問茲據報稱宋教仁竟於二十二日寅時身故閱電殊堪髮指前農林總長宋教仁奔走國事締造共和厥功甚偉迨統一政府成立贊襄國務尤能通知大體學盡勤勞方期大展鴻猷何意遽聞慘變凡我國民同深愴惻著國務院從優議卹并責成江蘇都督民政長迅緝凶犯窮究主名按法嚴懲 壬寅

川邊鎮撫使尹昌衡以川邊大定請任命巴安等縣知事

四月乙丑令曰據湖北都督黎元洪電稱湖北匪黨云託改進團名目編送傳單煽惑軍隊希圖起事當經偵查破獲供係陸軍中將季雨霖少將熊炳坤步兵中校會尙武容景芳等主謀似此潛謀內亂危害大局殊堪痛恨著褫奪季雨霖等勳位官職通緝治罪

五月壬午朔國務總理趙秉鈞病以段祺瑞攝行總理甘肅都督趙維熙免以趙炳華護理甘肅都督 甲

申令曰近聞上海四月二十九日路透電稱有人在滬

辛壬政紀

第一下

六

運動第二次革命諄勸商家捐助籌餉反對中央又英文大陸報稱上海有人運動滬甯鐵路預備運兵赴甯各等語披閱之餘殊甚駭怪惟西報登載風聞不必實有其事而既有此等傳說豈容坐視亂萌用特明切宣示昭告國民須知總統向稱公僕與子孫帝王萬世之業勞逸懸殊但使眾望允孚即能被選何用籍端發難苦我生靈倘如西報所言奸人乘此煽誘釀成暴動則是擾亂和平破壞民國甘冒天下之不韙本大總統一日在任即有捍衛疆土保護人民之責惟有除暴安良執法不貸復令曰近日接各處電文語極離奇滑人耳

目一爲宋教仁被刺，因洪述祖與應夔丞往來函件，影射國務總理趙秉鈞，一爲五國借款告成，誤認爲未經議院通過，並疑及監督財政市虎杯蛇，深堪詫異。宋教仁被刺一案，業經趙秉鈞通告說明，五國借款亦由財政總長詳細宣布，閱者準情酌理，當能瞭然，乃有不問是非，不顧虛實，竟將立法行政司法機關一筆抹倒，憑個人意見，強舉世以盲從，直欲釀成絕大風潮，以遂其傾覆政府，擾亂大局之計。共和國民，豈宜如是。本大總統有維持治安之責，何敢坐視擾攘，負我國民也。乙酉，令廣西參議院議員全部改選。戊子，令曰：據尹督

辛壬政紀

第一下

七

昌衡電稱：國基未固，險象環生，實因軍令不肅，有以致之。今雖不能以軍法治國，亟應以軍法治軍，請特下軍令等因。自武漢起義，各地響應，大功於以告成，而人民之隱受其害者，痛深創鉅，甯不疚心。本大總統方欲滌垢蕩瑕，與天下更始，故將戰時責任一律解除，共謀幸福。乃近日風聞有人潛謀內亂，煽惑軍警情事，設或盲從難端，猝發恐內訌未靖，外患紛乘，必且國種淪胥，萬劫不復。卽幸而人心厭亂，戡定非難，彼時首亂之魁，尙可席捲重資，遁逃海外，惟有軍警從惡之羞，無從滷洗，孰願執逆何去，何從。各秉天良，急宜自擇，爲此掬忱相

告，令行各該管將領官，詳悉開諭，嚴加防範，遇有藉端煽亂之人，應卽按照軍法，盡法懲治。丙午，令曰：邊藏自去年以來，迭遭變故，始因客軍肆劫，繼則土匪搆兵，無辜商民，慘遭荼毒。現據雲南蔡都督電呈，達賴喇嘛派邊務大喇嘛洛桑吉麥郎結文呈，達賴令番官，勿得戰爭，并懇委員到境查辦等情。該喇嘛等，傾向中央，盼望和平，殊堪嘉念。已飭尹督等嚴飭川邊各軍隊，撫輯番民，保護廟宇，毋得稍有損害。所有川邊區域，應守前清末界限，軍隊所駐，勿過江達以西各處。番人無叛逆情狀者，皆不得派兵往剿。爾僧俗人等，亦宜各釋猜

辛壬政紀

第一下

六

疑，勿得阻兵恃眾，驅逐漢人，以期永遠相安，同享共和幸福。丁未，令曰：據報揚州第二軍軍長徐寶山，於二十四日，有奸人僞充骨董商，持一小盒求售，晨起開視，炸藥猝發，傷重殞命等情。徐寶山駐兵揚州，夙著威望，前年尤復江北一帶，旋師屯鎮，保障一方，尤能尊重國權，維持風紀。近因破壞之徒，時往煽惑，該軍長搜查破獲，已有數起，乃險詐環生，竟遭毒手，殲我良將，憤慨何窮。徐寶山應照上將例治喪，由陸軍部從優議卹，並由江蘇都督懸賞嚴緝凶手，以慰英靈。庚戌，上海亂黨徐企文等，攻製造局，地方兵警擊敗之。

六月丙辰山西民政長趙淵辭職以陳鈺爲民政長特赦甘肅隨同起義犯官焦桐琴樊政胡登雲郭成培王法西等有期徒刑 戊午令曰江西都督李烈鈞擅自改編師團并調兵遣員管理九江礮台脅迫鎮守使戈克安離滬措置乖方不稱厥職應卽免江西都督本官來京聽候酌用 以黎元洪兼領江西都督歐陽武爲江西護軍使所有江西陸軍各營均歸節制陳廷訓爲江西要塞司令官所有九江湖口一帶江防各營均歸節制 乙丑以尹昌衡爲川邊經畧使胡景伊爲四川都督 吉林都督兼民政長陳昭常免以張錫鑾爲

辛壬政紀

第一下

九

吉林都督齊耀琳爲民政長 河南土寇白狼爲亂 戊辰以陳炯明爲廣東都督以陳昭常爲民政長以陳貽範胡漢民爲西藏宣慰使 己巳漢粵川鐵路督辦岑春煊免 辛未令曰中國尊孔始於漢武帝擴黜百氏表章六經自是學說遂統於一尊顧孔學博大與世推移以正君臣爲小康以公天下爲大同其後歷代人主專取其小康學派鞏固君權傳疏諸家變本加厲而專制之威能使舉世學者不敢出其範圍近自國體改革或謂孔子學說與今之平等自由不合淺妄者流至悍然倡爲廢祀之說此不獨無以識孔學之精微并且

昧平等自由之真象孔子生當貴族專制時代憫大同之不行乃退而祖述堯舜刪修六經春秋據亂之後爲昇平太平之世禮於小康之上進以大同共和之義此其導源遠如顏會思孟近如顧黃王諸儒多能發明宗旨擇精語詳大義微言久而益著醞釀鬱積遂有今日民主之局天生孔子爲萬世師表既結皇煌帝締之終亦開選賢與能之始所謂反之人心而安放之四海皆準者本大總統證以數千年之歷史中外學者之論說蓋灼然有以知日月之無傷江河之不廢也惟民國以人民爲主體非任其自由信仰不足以証心理之同前

辛壬政紀

第一下

三

經國務院通電各省徵集國民意見茲據尹昌衡電請令全國學校仍行釋奠之禮所見極爲正大應俟各省一律覆到卽照民國禮制根據古義將祀孔典禮詳細規定以表尊崇而垂久遠 丙子以戴戡爲貴州民政長壬午以柏文蔚爲陝甘籌邊使孫多森爲安徽民政長兼署安徽都督 七月癸未朔綏遠城將軍張紹曾報蒙匪肅清統領劉廷森等給獎有差 乙酉張紹曾報板申崑山口丹伯嶺西蘇尼特王府滂江等處蒙匪肅清旅長孟效會等給獎有差熱河都統熊希齡報統領米振標剿平烏泊羅

河蒙匪給獎有差。丁亥以張鳳臺爲河南民政長。山西都督閻錫山報晉軍赴援後套。及剿平台梁大奈太蘇白爾蓋昭廟白靈等處蒙匪。團長趙守鈺等給獎有差。己丑令曰。據兼領湖北江西都督事黎元洪電陳亂黨擾鄂情形。並請通緝各要犯。歸案訊辦等語。此次該亂黨由滬攜帶鉅資。先後赴鄂。武漢等處機關四布。勾煽軍隊。招集無賴。約期放火劫獄。攻城撲署。甚至議在漢陽下游一帶。挖掘盤塘堤。淹灌黃廣等七縣。不惜拚擲千百萬生命財產。以逞亂謀。雖使異種相殘。無此酷毒。經該管都督在漢口協同西捕。破獲機關。搜出賬

辛壬政紀

第一下

三

簿名冊旗幟布告等件。并取具所獲各犯供詞。證據確鑿。無可掩飾。若再曲予優容。養奸長亂。勢必至釀成無政府之慘劇。所有案內各犯。除甯調元熊越山曾毅楊瑞鹿成希禹周覽。在德法租界拘留。另由外交部辦理外。其在逃之季雨霖夏述堂王之光詹大悲趙鵬飛等犯。著各該省地方官一體懸賞嚴緝。命川邊經畧使尹昌衡兼領川邊都督。癸巳阿爾泰護軍使馬福祥電陳本年庫倫偽東西盟統帥東盟扎薩克旗佛僧班的達即王德呢嗎率匪攻陷奈太。焚殺搶掠。近復遣派匪黨分往後套脅迫各旗出兵。繞道圍攻包頭。以致晉

甘邊境騷然不靖。茲經設法誘擒佛僧班的達暨偽參謀彭素胡鄂木加偽統領韓福海巴圖得勝等。餘匪四散。後套救平。奉令佛僧班的達等就近解交孔庚。訊明擬辦。并獎給勳章及銀一萬元以示鼓勵。甲午熱河都統熊希齡電陳統領米振標在浩落苗與蒙匪接戰。連奪山險。斃匪七百餘名。軍威大振。奉令特授米振標以勳五位。并獎銀一萬元。以李純鎮守九江。乙未黎元洪電請禁止亂黨借政黨名義勾結軍隊。散給黨証。作爲票布。丁酉令曰。據領江西都督黎元洪電陳。據九江要塞司令陳廷訓報稱。亂黨近日挾帶鉅資。來九

辛壬政紀

第一下

三

江湖口運動煽惑。約期舉事。懇請派兵赴潯鎮。即經派兵前往。嗣據護軍使歐陽武電阻進兵各等語。茲復據鎮守使李純電陳。李烈鈞帶同外國人四名。於本月八號到湖口。勒令各台交出。歸其佔領。調九十兩團兵扼紮湖口要隘。進逼金鷄炮台。并指揮沙河鎮贛軍。突於十二日上午進攻我軍。宣布獨立等情。閱之殊堪駭異。李烈鈞背叛民國。破壞共和。應即禡去陸軍上將銜。著歐陽武李純設法擊辦。戊戌國務總理兼內務總長趙秉鈞免。以段芝貴爲江西宣撫使。李純擊敗沙河鎮叛兵。己亥以交通總長朱啟鈐攝行國務總

理以劉若曾爲直隸民政長。歐陽武在南昌自稱都督，令李純查辦。庚子，工商總長劉揆一免。辛丑，以陸軍總長段祺瑞攝行國務總理，以張勳爲江北鎮撫使。癸卯，令曰：本大總統受國民付托之重，承之今職，於茲經年，國基甫定，百廢未興，乃忽有贛甯亂耗發生，本大總統不能消禍未萌，致釀此變，震擾閭閻，循責區躬負疚何極，然政象不振之源，因由於本大總統德薄能鮮者半，由於各方面形格勢禁者亦半，謹述甘苦，爲國民一言，夫用人爲行政之本，而國務院爲大政所從出，本大總統爲國擇才，尤深兢業，遵據約法，必須求同意。

辛壬政紀

第一下

三

於議院乃提出否認，至再至三，夫賢才之士孰不愛惜羽毛，未受任而已見擴，則延攬益難，降格以求，實勢所逼，躊躇滿志，事安可期，且施政程功在明黜陟，一度政府成立，疏通動需數月，求才則幾如薰穴，共事則若撫驕兒，稍相責難，動言引退，別提以番補缺，通過艱於登天，挽留且難，遑論罷黜，至各部司員，半經偉人薦拔，彈冠相踵，濫竽日多，中央艱窘，既已若斯，其在地方，抑又甚焉，最初都督總領軍民，率以光復元勳，遂乃真除，受事等漢牧之就拜，跋扈類唐藩之留後，威令本自不行，功績安從責課，厥後急籌分治，民政則置長官，而乃簡

命朝顏拒電夕至，一方擅命，諸方效尤，誰生厲階，至今爲梗，今欲濟此時艱，勤求治道，條理雖多，本原惟一，首在恢復政令之紀綱，建行國家之威信，此本苟撥，他復何求，本大總統以仁柔姑息，延此厲階，今當以勇猛精勤，贖彼前愆，叛黨欲破壞民國，本大總統責當保之，叛黨欲塗炭生靈，本大總統責當拯之，垂涕伐罪，掬心質天，除舊布新，敢告有衆，以步軍統領趙秉鈞爲司令官，宣布戒嚴。江甯第八師宣布獨立，江蘇都督程德全，民政長應德閔逃滬。甲辰，令曰：前南京留守黃興自辭卸漢粵川督辦後，來滬就醫，本月十二忽赴甯煽惑第八師軍隊，脅迫程德全離甯，出示叛立，自稱討袁軍總司令，又迭迫叛軍攻擊韓庄防營，遺其死黨柏文蔚、盜兵臨淮，陳其美、雷佔上海，唆使吳淞叛兵，破擊飛鷹兵艦，戕要塞總司令吳紹璘，講武堂副長蒲鑑，要塞掩護團教練官程鳳章等，查黃興亡命鼓吹，本以改良政治爲名，乃迭遣暴徒，至武漢起事，陰資暗殺，黨至北京行刺，侵蝕南京政府公款，及公債票數百萬，政府雖獲證據，未經宣布，原冀其或有悔悟，乃竟與柏文蔚、陳其美等，肆爲叛逆，所有黃興、陳其美、柏文蔚，從前頒給榮典軍職，一律褫奪，著張勳、馮國璋督兵，迅行剿辦。

辛壬政紀

第一下

三

命朝顏拒電夕至，一方擅命，諸方效尤，誰生厲階，至今爲梗，今欲濟此時艱，勤求治道，條理雖多，本原惟一，首在恢復政令之紀綱，建行國家之威信，此本苟撥，他復何求，本大總統以仁柔姑息，延此厲階，今當以勇猛精勤，贖彼前愆，叛黨欲破壞民國，本大總統責當保之，叛黨欲塗炭生靈，本大總統責當拯之，垂涕伐罪，掬心質天，除舊布新，敢告有衆，以步軍統領趙秉鈞爲司令官，宣布戒嚴。江甯第八師宣布獨立，江蘇都督程德全，民政長應德閔逃滬。甲辰，令曰：前南京留守黃興自辭卸漢粵川督辦後，來滬就醫，本月十二忽赴甯煽惑第八師軍隊，脅迫程德全離甯，出示叛立，自稱討袁軍總司令，又迭迫叛軍攻擊韓庄防營，遺其死黨柏文蔚、盜兵臨淮，陳其美、雷佔上海，唆使吳淞叛兵，破擊飛鷹兵艦，戕要塞總司令吳紹璘，講武堂副長蒲鑑，要塞掩護團教練官程鳳章等，查黃興亡命鼓吹，本以改良政治爲名，乃迭遣暴徒，至武漢起事，陰資暗殺，黨至北京行刺，侵蝕南京政府公款，及公債票數百萬，政府雖獲證據，未經宣布，原冀其或有悔悟，乃竟與柏文蔚、陳其美等，肆爲叛逆，所有黃興、陳其美、柏文蔚，從前頒給榮典軍職，一律褫奪，著張勳、馮國璋督兵，迅行剿辦。

以倪嗣冲爲皖北鎮守使。乙巳，視奪孫文籌辦鐵路全權。丁未，江西宣撫使段芝貴、左司令李純、右司令王占元、海軍次長湯壽銘等，攻克湖口。李烈鈞敗逃，先是少將余大鴻參謀湯則賢奉命往湖口慰諭叛軍，及敗，叛將何子奇戕余大鴻，湯則賢投尸江流。戊申，廣東商民電陳本月十八日，都督陳炯明在議會拔刀，威迫議員，宣布獨立，殺參謀陳鍾英、汪兆明，副官長梁鑾坡，請督師討之。奪陳炯明官職勛章。己酉，以倪嗣冲爲安徽都督兼民政長。癸丑，以熊希齡爲國務總理。令警備司令傅詞、國民黨黨員黃興、陳其美、李烈鈞。

辛壬政紀

第一下

五

柏文蔚、陳炯明叛亂，該黨是否通謀，抑僅私人行動，如該黨不預亂，謀限三日內自行宣布，將該亂黨等除名，政府照常保護。張勳克徐州，師長冷通逃，黃興、俱走滬。江甯叛軍反正。

八月甲寅朔，以姜桂題爲熱河都統。陳其美襲攻上海製造局，鎮守使鄭汝成擊敗之。福建師長許崇智宣告獨立，令都督孫道仁討之。以龍濟光爲廣東都督兼民政長。丁巳，令曰：上海自五月二十九日，匪首徐企文突攻製造局，經防兵擊退，復派海軍中將鄭汝成團長藏致平率兵一千三百餘名，與海軍總司令李

鼎新合力防守，乃自七月十五日，黃興倡亂南京，脅迫該團退出製造局，叛黨陳其美、鈕永建等，嗾使六十三團三營、松軍三營、三十一旅步兵三營、福字三營、滬軍四營、砲隊一營、岑春煊衛隊二營，環攻數晝夜，官軍極力抵禦，暴徒就殲過半。現在上海城廂完全恢復。李鼎新、鄭汝成，授以勛三位，臧致平授以勛四位。江西宣撫使段芝貴，護軍使李純等，與贛叛兵大戰於黃老門，敗之，進復瑞昌。己未，廣東都督龍濟光電陳抵肇慶，分路督軍赴粵，粵軍師長鍾鼎基及砲營，共逐陳炯明。炯明遁走，師長蘇慎初、張我權維持省垣秩序，取消獨

辛壬政紀

第一下

五

立。江西省議會，因宣言獨立，舉都督，勒令解散陸軍中將蔣翊武，刊用偽印，自稱鄂豫招撫使，通令嚴緝。庚申，荊州鎮守使丁槐，剿平沙洋叛黨數千人，黨首劉鐵逃，江陵全境肅清。辛酉，亂黨何海鳴復據江甯，獨立。安徽都督倪嗣冲，督師克復八公山、四頂山，進復壽州、正陽。勒令解散廣東省議會。癸亥，倪嗣冲復鳳陽。湖南軍事處長程潛，黨人陳強、程子楷、唐蟒、長江巡閱使譚人鳳，謀叛，令湖南都督譚延闓討之。甲子，蒙匪佔據大王廟，多倫團長張鳳鳴，遇敵先退，喪失險要，逮捕治罪。乙丑，四川第三師師長熊克武，在重慶叛

變令鄂陝軍貴都督討之。丙寅海軍總長劉冠雄率艦隊攻克吳淞南北塘獅子林砲台。陳其美居正鈕永建棄台走。己巳湖南省議會通電取消參眾兩院。令湖南都督譚延闓解散之。辛未龍濟光電陳廣東自蘇慎初張我權驅逐陳炯明後。互爭權利。肆亂不已。八月十一日。督隊入城。亂兵據觀音山開槍攻擊。激戰兩晝夜。亂軍潰走。省城肅清。令奪蘇慎初張我權官。段芝貴李純克復南昌。江西大定。甲戌。令曰。岑春煊久負虛望。乃於六月間忽有異言。嗾廣西都督陸榮廷。護軍副使龍濟光。助粵贛反抗中央。後復被黃興陳其美優

辛壬政紀

第一下

三

伶潘月樵等。委為大元帥。荒謬糊塗。著地方官一體嚴緝。戊寅。張勳率師攻入江甯朝陽門。會柏文蔚援師至。叛軍囊沙固守。己卯。多倫鎮守使王懷慶陳報剿除蒙匪。收復正藍正白地方。以唐繼堯兼滇黔援川軍總司令。甲申。江甯叛軍潰走。九月乙酉。張勳馮國璋復江甯。多倫准軍司令李際春陳文運等。與蒙匪偽二將軍烈拉瑪先鋒。忙乃巴。高。迭戰於力不胡。高格。及哈噶。蹋拉奎素等地。敗之。烈拉瑪逃。丁亥。以張勳為江蘇都督。戊子。外交總長陸徵祥。財政總長周學熙。司法總長許世英。農林總長

陳振先。交通總長朱啟鈞均免。庚寅。以韓國鈞為江蘇民政長。甲午。以屈映光為浙江民政長。乙未。以孫寶琦為外交總長。朱啟鈞為內務總長。梁啟超為司法總長。汪大燮為教育總長。張謇為工商總長。周自齊為交通總長。熊希齡兼財政總長。張謇兼農林總長。川邊打箭爐邊軍統領張照。響應熊克武。攻撲觀察使署。劫質經畧使尹昌衡。父母家屬。迫令為變。尹昌衡單騎馳入勸導官兵。去逆效順。亂平。張照逃走。辛丑。以靳雲鵬為山東都督。貴州援川軍旅長黃毓成。克復重慶。熊克武走。癸卯。廣東都督龍濟光。誅警察廳長陳

辛壬政紀

第一下

天

景華。韶州清鄉督辦陳仲賓。陽江清鄉統領劉越。壬子。令雲南都督蔡鍔來京。以唐繼堯為雲南都督。劉顯世為貴州都督。癸丑。以李純為江西都督。十月。庚戌。國會依法開大總統選舉會。前大總統袁世凱當選為中華民國第一任正式大總統。辛酉。復開副總統選舉會。前副總統黎元洪當選為中華民國第一任副總統。以王瑚為湖南省長。甲子。大總統在保和殿。行就職禮。宣誓詞。美國法國承認民國。丙子。四川都督胡景翼。呈報剿平新津資州內江隆昌榮昌永川自流井等處叛兵。戊寅。令湖南都督譚延闓來

京以湯薌銘爲湖南都督兼民政長。以張鳴岐爲廣西民政長。廣西柳州防營統領劉古香。幫統劉震寰。於九月中旬獨立。劫獄踞城。團長沈鴻英。管帶李天民。會趨廷。稅務局長黃肇熙等。先期密謀。分占東西北各門。至是援軍到。沈鴻英等奮勇巷戰。叛兵敗逃。柳州復。辛巳。浙江都督朱瑞。報甯波旅長顧乃斌。宣布獨立。係被脅迫。自奉令取消獨立後。尙能維持地方秩序。請免予置議。報可。癸未。米振標自林西進剿蒙匪。敗之。復經棚。

十一月。丙戌朔。特赦歐陽武。戊子。蒙匪竄入察哈爾。辛壬政紀 第一下 无

照蘇乃木師長王汝賢擊走之。復昭蘇乃木城。己丑。令曰。據警備司令官彙呈。查獲亂黨首魁李烈鈞。與亂黨議員徐秀鈞等。往來穆密鴻密。各件數十件。本大總統遂加披閱。最爲我國民所痛心疾首者。厥有數端。一。電內稱李烈鈞聯合七省。攻守同盟之議。二。電李烈鈞速防要塞。以備對待。三。促李烈鈞先發制人。機不可失。並稱黃聯甯皖。孫聯桂粵。甯爲根據。速立政府。四。內訌迭起。外人出而調停。南北分據。指日可定。本大總統受國民付託之重。既據該國民黨本部。與該黨議員勾結。爲亂。應飭北京警備司令官。將該國民黨京師本部。立

予解散。仍通令各戒嚴地域地方官。凡國民黨所設機關。限令到三日內。一律解散。至該國民黨國會議員。既預李烈鈞傾覆國家亂謀。已自取消其法律上議員資格。應飭該警備司令官查明。自江西湖口地方倡亂日起。凡國會議員籍隸國民黨者。一律追繳議員證書。撤章。並由內務部令行各省候補當選人。如額遞補。己亥。令內務部規定知事資格。禁本縣人充本縣知事。甲辰。師長吳俊陞。統領米振標。克復大王廟。蒙匪北竄。辛未。令內務部規復孔廟典禮。乙亥。內務部訂定知事試驗暫行條例二十六條。知事任用暫行條例七

辛壬政紀 第一下 无 條。

十二月。丙子朔。江陰澄台陸戰隊。受亂黨搖惑。焚掠街市。令宣撫使馮國璋討之。誅陸軍上校郭以廉。中校張壽榮。己卯。英使呈遞國書承認民國。庚辰。福建都督孫道仁。免以劉冠雄爲都督。丁亥。召集政治會議。以李經羲爲議長。辛卯。江蘇都督張勳。免以馮國璋爲江蘇都督。趙秉鈞爲直隸都督。各省都督民政長。電陳民國開始法制紛繁。立法機關。成績甚少。請諮詢政治會議。討論救國大計。甲午。領湖北都督黎元洪。免。丁酉。修正各部官制。令曰。本年四月國會成立。

方冀憲法制定可告成功約法施行爲期無幾詎意展轉五月有餘乃有先舉總統後定憲法之議惟正式政府適用臨時約法於政治刷新大有妨碍是以本大總統就任越日即依約法提出增修並希速議乃爲時二月始終未列入議事日程現在兩院勢難開議昨據領湖北都督黎元洪等電稱美國開國之始即有費拉德費亞會議修正憲法之舉論者不詆爲違法先例具在可爲明徵現在政治會議已經召集請大總統以救國大計諮詢該會等語查該都督民政長等所請實爲民國根本大計起見用特諮詢政治會議討論具覆 戊

辛王政紀 第一下

戊初大理會黨楊春魁及大理提督張文光等與孫文黃興密結煽動陸軍於十二月八日叛變戕官踞城劫掠餉械竄擾鄧川洱源賓川漾濞蒙化彌度雲趙等縣勢頗猖獗雲南都督唐繼堯檄前雲南提督李福與師長謝汝翼旅長韓鳳樓等討之至是獲文光殺之復大理庚子大理亂黨楊春魁逃竄瓦村連長栗鵬飛稅員張一鯤追及圍攻楊春魁自焚死搜獲銀二萬八千餘元生擒僞職馬蓋臣楊熾昌冉洪等戮之雲南亂平乙巳裁撤福建都督 時蒙匪已靖各省亂黨以次削平中國既統一

四川第二

革命之起由川亂川亂由鐵路收歸國有政策始於張之洞成於盛宣懷起首作網羅不但本國各省鐵路而亡國獨清以政策正當而亡國昔人以蕭規曹隨爲美德爲宣懷以蕭規曹隨而得罪文於此 宣懷博通時務爲北洋大臣李鴻章所識拔創辦新政事舉績著至光緒二十二年遂以津海關道充督辦蘆漢鐵路大臣二十八年宣懷與美商合與公司訂約修粵漢鐵路既籤約築路矣湘鄂粵紳商議自築力爭湖廣總督張之洞助之卒廢約之洞之主廢約非拒外資實欲擠宣懷

四川 第二

奪之權著語無多情事畢著是謂峻潔宣懷把持商約張公項城亦最有力也於是粵漢鐵路川漢鐵路均歸商辦既數年四省集資力薄勢漫難遽成之洞復謀借債築川漢粵漢兩路於三十四年十一月奏上報可宣統元年草合同既籤押矣而之洞遽卒美人屢催履約郵部以四省拒款搪塞之至宣統二年冬各省路工仍遲滯無成而籌款之法川則按租抽股湘更抽及米鹽房屋田畝各雜捐民不堪命川董事施典章侵蝕股款二百餘萬爲川紳甘大璋杜德輿等所參奏輿論譁然十二月詔授盛宣懷爲郵傳部尙書宣懷外授意四品京堂鄭孝

得條議鐵路國有利益揭之報紙以同視聽內與度支部尙書載澤相結極言鐵路商辦有百害無一利且恐終不成應仿外國制收歸國有一事權時載澤方用事陰助之更風給事中石長信奏言以正當之事而用許多陰謀反使人疑其不正此其鐵路有幹路有支路支路可許商修幹路必歸國有從前規畫未善全國路政錯亂紛歧不分枝幹不量民力一紙呈請輒許商修乃數年以來粵則收股及半造路無多川則倒賬甚鉅忝追無着湘鄂則開局多年徒資坐耗竭萬民之脂膏虛糜侵蝕恐曠時愈久民累愈深一誤何堪再誤宜請明白曉諭昭示天下除

四川

第一

二

礎由國家借款籌還商股迅行修築并請將宣統三年以前郵傳部批准商修鐵路除枝路外所有幹路前案一律取銷詔報可並詔郵傳部度支部籌畫收回細則迅奏聞此政策頒布後中外人士額手冀幹路可告速成便民利國而把持各路之紳商特不便也此以見國正當昔人謂才學識不備不能作史作者每於事之所病必察其癥結而攻之蓋洞見垣一方人也於是御史趙熙歐家廉首劾盛宣懷借債賣路各罪二十餘款湘鄂諮議局及京朝官亦抗爭時革職直隸總督端方方家居戊子詔起端方充督辦粵漢川漢鐵路大臣庚寅郵傳部度支部奏言連載三疏毫無壅滯之嫌良由氣盛足以驅遣之且三疏

四川

第一

三

枝路仍准商修外所有幹路均歸國有定為政策事下郵傳部當是時政府方釐訂官制議廢舊內閣軍機處改組新內閣更易閣臣以故宣懷久未奏覆略作一頓文勢遂不平衍亦以見三年四月戊寅詔授慶親王奕劻為內閣總理大臣那桐徐世昌為內閣協理大臣同日并授盛宣懷為郵傳大臣翌日宣懷即奏言給事中石長信奏請鐵路收歸國有臣等悉心籌議擬自北京至漢口至廣州為南幹自北京至張家口至恰克圖為北幹自北京至齊齊哈爾至琿春為東幹自正定至太原接同蒲至伊犁又自漢口至成都為西幹而以舊有鐵路為基

則去則事查前大學士張之洞與英法美德所定之借款草合同於宣統元年四月簽字因病未奏出缺兩年以來各省拒款延擱至今而四國銀行屢催履約難於應付是以本年四月十一日欽奉諭旨取銷前案另訂合同遵照原合同與四國銀行磋商原議五釐息九五扣借英金六百萬磅仍之原議建造鐵路幹線由武昌起至宜昌止又由廣水經襄陽荆門至宜昌止枝路由漢陽至荆門止今改議將漢荆枝路六百里刪除而添築宜昌至夔州之難工六百里以為抵補限三年造竣籤押後六月內開工原議鐵路將來接觸或造枝

路須借外資時。則先儘銀行團承辦。今改議爲先用華資自造。如借外資。倘銀行團所訂條款。與他家同。則先以銀行團承辦。原議購買木材鋼軌。須一半購自外國。今改爲自行製造。原議此項借款。分儲滙豐德華滙理銀行。今改議儲於交通大清銀行。原議借款二十五年償畢。今改爲四十年。但十年後即可全還。以上各節。磋商數月。舌敝唇焦。較原約挽回權利頗多。詔允由郵傳部簽押。同日郵傳部復奏言。川路股款虧倒過鉅。先後爲資政院及鄧錫等所奏。均奉旨着郵傳部查核具奏。查該路虧倒滙款約分三項。一爲正元兆康謙餘晉

四川 第二

益升寶康慶餘德大裕源等商號。共倒銀一百四十萬兩。以上各錢莊。本非殷實商號。該路董事施典章。分存鉅款。已屬不合。然猶可諉爲疏忽。乃臣部調查施典章除私以公司名義。向正元借銀十萬兩。又自借兆康銀十萬兩外。并查有十七萬兩。一欸私自移存滙豐銀行。且德大號於宣統元年八月倒閉。而施典章於二年三月尙向該號存款。厚大號於二年三月倒閉。而施典章於四月仍轉期交存。詐僞顯然。無從遁飾。一爲施典章與利華銀行買辦陳逸卿私相授受。暗訂合同。貸欸至六十萬之多。而利華洋行并未簽字。朦混侵蝕。尤屬顯

然。一爲施典章購藍格志火油股票銀八十五萬二千餘兩。浮報股票價中飽十二萬餘兩。復將股票在外押借銀二十九萬餘兩。查該路存滙欸共三百五十萬。施典章虧挪各欸。竟至二百萬兩。而股票銀八十五萬餘兩。尙不在內。甘大璋原奏稱。此次路欸係四川民按畝加捐。敲筋擊髓而來。竭小民之脂膏。傾而付之東流。非惟可惜。抑且可憫。應請飭下江蘇督撫。仍提施典章到案。先行管押。勒限嚴追。并飭下四川總督。督同該公司認真清理。該省畝捐之公款。至該公司駐京總理喬樹柟。詳加查核。尙無扶同作弊情事。惟滙欸倒虧。事前毫

四川 第二

無覺察。咎實難辭。應撤銷其總理。詔報可。并下四川總督刊刻謄黃。停止畝捐。其三年四月以前已收之欸。由郵傳部督辦鐵路大臣查明。妥擬細則。奏聞。當是時。四省商民均抗爭。川尤甚。爲後文三省漸熄立保路同志會。公舉諮議局副議長蕭湘代表入都。聯湘鄂京朝官。立鐵路聯合會。上書政府。而諮議局更要求王人文代奏。暫緩接收。人文本護督。恐激變。允之。五月癸卯。詔鐵路國有。既定爲政策。斷無反汗之理。該諮議局不明此意。輒肆要求。必所收路股侵蝕已多。不能掩飾。該督督目擊情形。應所深悉。乃竟輒爲代奏。殊屬不合。着傳旨

嚴行申飭川人聞之愈激昂未幾湘撫楊文鼎亦為諮議局代請詔復申飭也戊午度支部郵傳部奏稱粵漢鐵路光緒三十二年改歸商辦不惜鉅資贖銷美國借款合同實係張之洞主之宣統元年又與四國訂立借款合同議辦川漢粵漢兩鐵路亦係張之洞主之豈好為其難哉亦實見商辦之難成數年以來鄂路並無尺土寸料湘路線甚長集資甚少至川粵收股均達一千數百萬兩乃六年之久粵僅造一百五十里川路已通車者僅三十餘里未通車者僅八十餘里延曠虛糜在商民受害無窮在國防關係尤鉅臣等仰體聖意俯察

四川

第二

六

輿情但求於國事有益決不與小民爭利擬將粵湘川鄂各公司股票盡數收回由度支部郵傳部特出國家鐵路股票六釐給息惟粵路全係商股糜費太甚票價不及五成現從優發還六成其虧耗之四成并許發與無利股票俟路成獲利分十年攤還湘款共五百數十萬內商股一百萬所成之路由涿州至長沙一百餘里已經完工約計其數耗費無多應將商股一百萬兩照數發還其餘租捐各款允發保利股票年息五釐五年後分十五年攤還鄂商股共一百十四萬餘元現尙存銀九十一萬餘元允照數歸還其因振耀動用者亦允

發保利股票川路宜昌等工已用之四百餘萬元發保利股票餘七百餘萬是否入股聽便詔報可王人文楊文鼎既後先為諮議局代奏奉嚴譴鄂粵大吏識朝旨不敢諍則設法阻遏紳商開會聚眾而請求朝廷優還股款及度支部郵傳部奏定籌還路股湘鄂最優風潮漸熄即粵亦無大爭執矣獨川人謂鐵路商修乃先皇所許不得無故收回且處分商股厚薄不同益紛擾里來龍崩騰奔赴至過岷虛必有一束地氣之所以聚而不散也作者善相地移其術以為文故起伏伸縮皆現龍形三省事勢漸熾文勢亦隨之川自趙爾巽去後詔其弟川滇邊務大臣趙爾豐為總督而以布政使王

四川

第二

七

人文充川滇邊務大臣爾豐不即來人文權督篆川事之起人文以將去不欲拂輿情鎮亂遇事委蛇政府深惡之促爾豐速來閏六月乙巳爾豐始至成都川人沸騰已數月矣李稷勳者川路駐宜總理也自鐵路國有即與郵傳部商訂移交工款郵部招與密議仍令接主宜歸路工川人謂稷勳并未經總公司知會股東會議決及川督命令擅自達部仍用川營築宜歸路要爾豐代奏黜退稷勳爾豐初至亦重輿論為上達矣而郵傳部復奏請欽派李稷勳管理宜歸路事川人聞之謂郵部蔑法欺天置全川出資築路商民於不顧益忿不可

邊極力爲成字設七月丙寅朔全城罷市罷課人民泣

戴景皇帝靈主焚香游行街市呼籲旬伏督轅者數萬

人并聲言從此不納賦不出雜捐抵股息爾豐命司道

府縣官慰解之如故川紳復公舉劉聲元阮恒李孔揚

黎廣芬代表入都陳情辛丑鐵路股東會會長顏楷副

會長張瀾復請爾豐代表奏鐵路暫歸商辦俟資政院開

會由政府提交議決爾豐以眾怒難遏復鑒於人文之

被嚴譴也乃與將軍玉崑副都統奎煥提督田振邦布

政使尹良提學使劉廷琛提法使周善培巡警道周懋

勸業道胡嗣芬合詞奏言伏查川路自奉改歸國有之

四川

第二

八

命歷經前護督王人文及爾豐反覆開解輿情洶洶仍

懷疑慮此次代奏罷黜宜昌總理李稷勳郵傳部復奏

改欽派羣情大激致有初一日罷市罷課之舉爾豐等

日集紳民竭力開導而羣疑已結萬眾哀憤禍機四伏

若不速籌解決是以一路發其難而全局蒙其害且該

股東會此次所陳係爲法律上之請求應懇聖明俯鑒

民隱暫予准歸商辦俟九月資政院開會提交議決爲

期至邇與其目前迫令交路激生意外何如待交院議

稍得從容政府初以人文懦冀爾豐來可鎮亂及接此

奏大失望載澤盛宣懷主嚴懲諸紳而總理奕助協理

徐世昌意不謂然也總協理意不謂然而不能匡正一

之不能盡職仍爲成於盛以見盛澤之氣缺一以見總協理

宣懷五字添毫義隱而微仍電覆不允且命端方率兵

一協入川戡亂將軍玉崑憤曰九重高遠焉知萬里之

情卽單銜電奏曰川省財賦占全國十分之一滇黔甘

新四省協餉皆仰於川川糜爛四省不保近年各省因

加稅釐滋事者多至十一省獨川民負擔至重曾未一

言川民何負於政府政府卽不爲川民計獨不爲財政

計乎其詞甚激鐵路國有非慶王奕助意徒以載澤爲

監國載灃所信任得見施行及得此奏持示諸閣臣曰

四川

第二

九

爲之卽移病不出吳北江云慶王生平最爲嬌愛數語

地位在澤盛猖獗不敢力爭及既釀亂而後爲不堪風

非剛代表劉聲元阮恒等既入都上書郵傳部都察院

請代奏并哭訴於慶王府均不得要領攝政王入朝聲

元等復攔輿哀訴王大怒命遞解聲元等同籍蕭湘亦

懼禍南歸載澤恐湘歸煽亂電瑞澂捕之囚於武昌川

人所屬州縣以及瀘州資州嘉定重慶各屬亦相繼罷

市已卯鐵路公司開股東會列席者數百人有高等學

堂學生間一士者作自保商榷書當場散布時爾豐亦

列席視其詞悖謬爾豐初和平聞端方來以爲將代已也。不自安及得自保商權書疑蒲殿俊等欲嚴懲之迎政府意也。政府者何非總理協理乃敢禮載澤而禮澤仍處處根於政府爲成於盛初提法使周善培以川人宣懷五字生色文律細極。罷市諸股東會調解會員晉之幾遭毆狼狽返恨甚至。是與巡警道王挾候補道饒鳳璋密謀勸爾豐捕首要定亂庚辰逮捕羅綸鄧孝可蒲殿俊顏楷胡榮張瀾江三乘葉秉誠王銘新等集司道環訊之羅綸鄧孝可語尤激爾豐大怒欲斬之將軍玉崑聞變飛騎至與提督田振邦藩司尹良合力營救會在籍內閣學士任崧生

四川

第十

第十

復殺傷數十百人成都閉門數日爾豐電奏羅綸等爲逆焚攻督署已以計先期捕獲政府雖獎之益謂其不能已亂而徐協揆世昌尤以指羅綸等爲反逆爲誣。命丁亥詔起岑春煊入川辦理剿撫事宜春煊前督川有恩信得民心於是川省并爾豐有三大臣端方本不願入川迫朝旨勉就道及聞川亂甚又命春煊來也因留滯夔峽間不進端方入川趙爾豐已不安政府復起狐疑不前川亂安得不愈大春煊既被命即奏言川事當分治標治本二策治本之策在申明鐵路國有係朝廷政策本以利民許民附股特以辦法稍涉操切又與

四川

第十一

第十一

湘粵等省顯分厚薄致激而生怒似應對川民宣布德意並將股款一律發還治標之策則宜先撤李稷勳使無所藉口摺交郵傳部議奏仍不從春煊復爲書請說川人曰春煊與吾蜀父老子弟別九年矣乃者丁此不幸之事使春煊再與吾父老子弟相見引領西望不知淚之何從春煊衰病侵尋久無志用世然念及蜀事糜爛吾父老子弟正在顛連困苦之中不能不投袂而起是以一朝奉命無暇再計匍匐奔赴第蜀滬相距六千里而遙斷非旦夕可至郵電梗塞傳聞異辭苟不爲耳目之聞見何能遽加斷決今與父老子弟約自得此電

之日始士農工賈各歸本業其一切未決事春煊一至
即進爾父老子弟於庭謂誠公布父老子弟苟有不能
自白於朝廷之苦衷但屬事理可行無論若何艱鉅皆
當委曲上陳必得當而後已倘有已往冤抑亦必力任
伸雪無所瞻徇父老子弟其敬聽吾言復電告全川文
武各官自此電到後地方人民非實行倡亂不得妄捕
其已捕者應量予保釋即情節尤重必不可原只許暫
拘候春煊到判決不得擅殺川人自得春煊電日延頸
企踵待其來伸訴冤抑亂勢畧定八月庚子春煊行至
鄂春煊與慶王舊有郟其起用非慶王意遇事尼之川

四川 第二

官吏亦畏春煊嚴敢誅殺助爾豐造蜚語謂春煊獨斷
侵權春煊憤甚託病不行川民聞春煊不來也復揭竿
而起忽揚忽抑忽起忽落無一直於是新津雙流彭山
崇慶州溫江榮縣威遠犍爲雅州邛州同志軍蠶起抗
官劫獄到處糜爛盛宣懷載澤始大懼即奏准四省路
股均按十成償還虛糜倒虧由部擔任而已無濟成字至此
收得十甲寅武昌兵變總督瑞澂逃城陷政府益懼乙
卯詔授岑春煊爲四川總督時春煊已因鄂亂逃滬益
以疾辭端方仍稽滯夔峽間戊午詔王人文撤去侍郎
銜開去川滇邊務大臣趙爾豐仍充川滇邊務大臣九

月己巳詔奪盛宣懷官以諫天下初川京官曾鑑等合
詞奏劾趙爾豐誣奏正紳爲逆戕斃無辜多命事下端
方至是端方覆奏屬實詔奪提法使周善培營務處總
辦田徵葵候補道王梓官徵葵并發往巴塘効力
候補道饒鳳瓌降補同知釋議長蒲殿俊副議長羅綸
編修顏楷主事鄧孝可胡嶸蕭湘舉人江三乘葉秉誠
王銘新貢生張繼慶辰詔端方暫行署理川督川僻在
西南交通阻絕素無同輩曾黨踪跡其間徒以激於冤
忿揭竿而起故亂數月而省城不陷及武昌兵起大江
南北踵迹獨立川人始實行革命矣只爲川亂成於盛

四川 第二

宣懷作勢至此始跌到篇首革命二字文勢如龍脈周
迴數百里至此結穴又如黃河九曲至巨靈壑太華以
後始奔騰彭海東下矣丙戌端方至資州時川電已不通端方爾
豐被命皆不知十月乙未朔重慶獨立黨人張培爵爲
都督夏之時爲副都督培爵初爲中學堂學監與監督
楊庶堪黨人夏之時謝持等密說防軍統領李湛陽圖
獨立湛陽懼爲端方兵所擊不遵從及端方至資州會
夏之時亦說降龍泉驛防軍與司令官林紹泉統兵數
營迂道由安岳會渝培爵軀幹魁梧雄奇可畏即以兵
守四門躬率炸彈隊召重慶官紳集議宣布獨立時人
心惶駭履會者畏炸彈輒移席避培爵不敢近實所持

炸彈皆鷄卵裏以巾也。重慶道朱有基先期遁。知府鈕傳善知縣段榮嘉均降。重慶大定。庚午。夔州府陷。知府成昌遁。奉節縣知縣曹彬孫警務長徐希賢死之。夔為川門戶。武昌兵起。川督命候補道余大鴻率兵三營赴夔防堵。既川東土匪大起。大鴻畏不至。知縣曹彬孫練勇千餘。與警務長徐希賢日夜防禦。劬勞。團防紳士鮑立貴者。鮑超裔也。欲獨立。而彬孫不從。午夜彬孫巡城。猝與立貴遇。迫之降。彬孫峻詞拒之。遂與希賢同被戕。立貴武斷。鄉曲輿論沸騰。渝軍政府遣兵討之。罰金二萬。赦其罪。川東遂全入民軍。先是萬縣巡防統帶劉漢

四川 第二 十四

卿被推為萬縣都督。瀘州道劉朝望被推為瀘州都督。立川南軍政府。并培。爵有三都督。端方之奏釋蒲羅諸人。嚴劾川官吏提法使周善培等。畏其來。及端方入川。說爾豐遣人監視沿途郵電。不為達。更致書端幕。以爾豐嚇端方。端方懼甚。駐資旬餘。不敢進。乃遣隨員劉景沂。弼良赴成都。謁爾豐。爾豐以川局愈危。已釋前嫌。囑速來。而將軍玉崑尤殷勤。任保護。景沂返報。端方仍猶豫。田徵葵等更假弼良名。電端方北京失守。兩宮幸晉。詔率鄂兵入陝。勤王。端方得電。哭失聲。即以牛酒犒軍。傳令北上。鄂軍官董海瀾者。川人。自自流井歸。受黨人

煽惑。因嗾鄂軍為變。鄂軍以不願赴陝。又恨端方。匪湘楚亂。耗不令。眾知也。大譁。剪髮。斃。肩章。袖綴。白布。主張。回鄂。端方。午夜。聞變。與弟。端錦。相持。而泣。端方。乃許。眾。眾。眾。至陝。犒銀。四萬。三十二標。已允矣。三十一標。不從。協統。孫承。拔。標。統。會。廣。大。懼。禍。夜。縋。城。走。端方。自入川。遇。士。卒。厚。至。是。其。幕。密。勸。出。城。微。服。透。端方。恃於眾有恩也。不從。辛丑。平明。軍官。數十人。入。辭。伏。地。哭。失聲。端方。亦。哭。仍。以。銀。二。千。兩。為。贖。眾。既。去。隊。官。劉。鳳。怡。率。兵。入。擁。端方。端錦。至。天。上。官。問。欲。何。為。鳳。怡。大。呼。曰。請。大。帥。升。天。耳。即。與。端。錦。同。被。害。端方。嗜。古。成。癖。收。蓄。鼎。彝。

四川 第二 十五

碑。版。書。畫。海。內。倉。猝。遇。害。古。物。散。失。一。時。名。流。多。惜。之。是。日。成。都。亦。獨。立。自。重。慶。失。同。志。軍。勢。益。張。提。督。田。振。邦。知。府。于。宗。潼。出。城。慰。撫。為。民。團。圍。困。幾。不。免。巡。防。第。八。營。第。九。營。降。民。軍。馬。邊。防。軍。五。百。人。調。至。印。亦。殺。管。帶。王。昌。與。民。軍。合。成。都。孤。立。陸。軍。統。制。朱。慶。瀾。夙。為。趙。爾。豐。所。倚。信。爾。豐。擁。兵。黨。人。仍。不。得。逞。川。紳。邵。從。恩。等。說。爾。豐。繳。印。由。川。民。舉。蒲。殿。俊。為。都。督。朱。慶。瀾。為。副。都。督。而。以。保。護。旗。官。旗。兵。籌。置。旗。人。生。計。為。要。約。爾。豐。懼。川。人。仇。已。謂。朱。慶。瀾。足。恃。也。竟。允。之。交。印。出。惟。名。與。器。不。可。以。假。人。趙。制。而。蒲。殿。俊。朱。慶。瀾。遂。為。都。督。殿。俊。本。憲。政。軍。之。敗。在。此。

黨人與軍人不相屬。既就職，許各軍休假十日。給三月餉。庸至期，索餉者紛紜。茶寮酒坊，彌望皆兵。巡防軍以無人統治，騷擾尤甚。王子假滿歸營，給餉一月。眾不服。戕發餉委員，遂譁變。分劫銀行，典當、藩庫、鹽庫銀百餘萬。火三日不熄。乙卯，變兵飽掠，出城颺去。殿後方謀善後，而各路同志軍已紛紛入城。其首領皆乘八人肩輿，與前衛士短裝，黑衣大帶，頭插紅絨球，悍惡可怖。未半日來三萬人，而無人統治。吳二代王者，南路同志軍首領也。守南門，南門居民號南門統領，餘三門由是皆有統領。當是時，陸軍小學堂總辦尹昌衡亦率兵入城。

四川

第二

十六

剿捕亂兵，脅陸軍繳械。亂少定，眾遂舉尹昌衡為都督。羅綸為副都督。昌衡日本士官學校畢業生，陸軍小學堂總辦。當成都未獨立，與黨人董修武、王禱、周炯伯等分率同志軍攻省城。省城戒備嚴，不得逞。乃各歸里，倡民團攻下川西南州縣及閬川。紳與爾豐結約，心弗善也。遣人到渝請兵，并與修武等密謀逐殿後，以勢弱未有以發。適兵變，數日城內無主。即馳往鳳凰山招募新軍數百人入城。定亂，故得舉為都督。而董修武、王禱、周炯伯等皆居要職，收集散兵，禁同志軍不得再入城。十餘日軍心畧固。昌衡本激烈黨人，以趙爾豐雖解

印仍居督署，擁兵欲得而甘心。又謠傳爾豐在川邊征三巖蠻，擄喇嘛、金佛數百尊，誣其財。乃遣人密說其衛兵稍稍散去。十一月丙寅，昌衡以兵圍督署，復昇大砲於南門城樓，猛轟之。衛兵星散，爾豐及巡警道王揆均被執，擁至皇城內，明遠樓側，數其罪殺之。並梟首傳示城中，昇其財物三百篋於都督府。將軍玉崑前救蒲羅諸人，得不死。川人德之，及宣布獨立，旗員澤宣即代表旗營，繳械投誠。軍政府優與保護，以故各省駐防兵多慘殺獨蜀未戮一人。以下逐層收束明晰簡淨蜀未獨立時，滇黔都督均遣師來援。十一月，黔軍二千至重慶，二千至瀘

四川

第二

七

州滇軍第一梯團至叙州，客軍紛集，而州縣豪猾亦紛起。練兵數千，百不等。逐縣官，專地方財政。成渝軍政府草創，號令不行。川東西益騷然矣。趙爾豐之急，迭求救於川滇邊務大臣傅嵩煇。駐藏大臣聯豫辛未嵩煇率兵數千至雅州，分守各關隘。軍政府遣兵兩標，禦於邛州。更遣人說其軍，軍多川人，漸潰散。嵩煇匿雅州教堂，為川軍所獲，囚於成都。川西畧定，重慶黔軍以無餉，遣散滇軍總司令謝汝翼至叙。剿平同志會，殺會首羅子舟及其黨數十人。叙民稍安，而自流井同志會周鴻勛尤殘暴。商民訴滇軍求援，汝翼復遣支隊長黃斐章率

兵攻之。鴻勛敗逃。獲快槍三百支。馬四十四匹。錢七千緡。於是滇軍復據有自流井。釐鹽稅濟軍。汝翼進屯嘉定。爲自流井聲援。卽電蔡鍔云。川地皆爲同志會所據。成都巡陸各軍。飽掠颺去。請速增兵。進規成都。鏑遣師長韓國饒繼往川。滇交惡。自此始。十二月己亥。瀘州防營潰。都督劉朝望走。叅謀余大鴻率殘卒降重慶。萬縣劉漢卿亦去。都督名附渝。川東亦定。田徵葵過重慶。張培爵以甘言誘其衛兵。令繳械。追殺之於唐家陀。民國元年三月。重慶軍政府與成都合。仍舉尹昌衡爲都督。張培爵爲副都督。羅綸爲參議院長。夏之時爲重慶鎮撫

四川

第二

大

府總長。全川始統一。之時旋辭職出洋留學。昌衡贈金三萬。以酬其勳。改造軍團長胡景伊爲重慶鎮撫總長。景伊改編軍隊。汰冗去繁。條理秩然。川邊自傅嵩炆去後。久無主藏。番勢力東漸。由是大亂。而川事訖不定。七月尹昌衡始統兵西征。政府以胡景伊權四川都督。張培爵爲民政長。九月以尹昌衡兼充川邊鎮守使。二年四月川邊定。昌衡歸。胡景伊拒不交卸。政府亦信任景伊。以尹昌衡爲川邊經畧使。胡景伊爲都督。論曰。鐵路國有。全國抗爭。因以革命。覆清。至民國。事事以民意爲從。違國有政策。宜廢置矣。乃四省之民。不復

有言。然則策非不善。行之非時。主者偏私。清命竟畢於斯。因備著之。古殊 盎然

前幅層層鋪敘。導之泉流。後幅層層收束。頓之山立。中敘政府處置川事紛亂情形。及各人心事千頭萬緒。無不曲曲傳出。而左右搏擊。總在一珠。故尤妙也。

四川

第二

尤

湖北第三

武漢扼長江上游為自古用兵必爭地首提湖北形勝

由亦為下文洪楊革命三得武昌而三失之胡林翼卒

資以定江南後張之洞督鄂用外國法練新軍開漢陽

鐵廠造軍械設學堂一切新政先天下並舉湖北隱然

為天下重鎮自是督鄂者朝廷恆矜慎其選莫命黨人

亦往往集其地潛謀為變宣統二年詔江蘇巡撫瑞澂

為湖廣總督劉夔別靈有能聲負時譽三年八月黨人

孫武張振武等謀起事武漢問事洩殺三人至夜兵變

瑞澂棄城逃而武昌遂陷創戰而入初四川因爭路大

亂鄂軍奉政府命援川徵調頻繁黨人煽之自是鄂軍

時不安八月乙未朔礮兵有退伍者其留營弁目設筵

飲饒排長劉步雲不許蹴翻飲器眾怒毆之遂羣奔子

藥庫掠子彈並推出過山礮二尊附近居民聞槍聲喊

殺聲嘈雜鼎沸大驚恐會馬隊出巡變兵俱奪門逃瑞

澂聞警大怒敕統制張彪巡警道王履康懸賞緝捕後

於輪船碼頭獲六人參謀鐵忠欲殺之協統黎元洪恐

激變請輕罰并黜退劉步雲當變兵擁入子藥庫掠彈

時其真彈皆備假彈箱籠下不易得而變兵王葆清有

真彈百枚分給於眾葆清會充粵軍於是自鎮統以下

羣疑有黨人在礮營煽惑乃製葆清像密緝之癸卯瑞

澂忽下戒嚴令凡衙署皆駐重兵守衛文昌漢陽二門

薄暮閉商民不知自漢口歸者數百人露立門外終夜

翌晨行李篋篋檢而後入時張振武運炸彈夾黃絲箱

內以拳碎鎖血濺衣袖檢吏驚愕放入城而協統王得

勝獲礮兵照片中一人酷類黃興告密瑞澂愈疑礮標

謀變檄步兵兩營託演夜操防之張彪則禁營兵私語

凡剪髮者皆除籍禁逗留礮標愈恐愿者越牆逸獷悍

者叫囂於是市肆驚擾訛言革黨與礮標中秋起事遷

徙奔匿官吏眷屬隨之蓋瑞澂於數日前得粵寧總督

及外部電言黨人集武昌謀舉事情形甚悉故驚擾如

此既至中秋竟夜無事人心復靖矣王子漢口俄租界

寶善里突有聲轟然火隆隆起俄捕馳至已無人熄火

履勘搜出炸彈手槍旗幟印信札文底冊鈔票滙票甚

多至夜張彪方籌防忽有退伍礮標鄧弁來告密彪即

率兵警赴大朝街小朝街保安門按門牌圍捕革黨三

十一人彈丸數箱軍械百餘件癸丑平明瑞澂集文武

會訊內彭楚藩係憲兵楊宏勝充礮隊劉汝夔開槍擲

彈傷人定讞後即斬於轅門外餘均繫獄瑞澂既奏報

亂情且云本月初即有革黨起事之謠臣不動聲色一

以鎮定處之。故得弭患於初萌。定亂於俄頃。所有失察。巡警及異常出力員弁。請免置議。擇尤保獎。政府深喜其先期破獲賊巢。能定亂。甲寅下優詔褒獎。并可其奏。詔既下。閣臣散值矣。瑞激復有電至。譯視則武昌已陷。縱之至極。陡然初瑞激備黨人專恃防軍及巡警。擯陸軍不用。事急盡徙軍械子彈於楚望台。斬與陸軍子彈及訊黨人。詞連軍界甚多。檢籍信然。瑞激大怒。厲聲。張彪歸營。逮捕時新軍數百人。鵠立階下。具聞其語。惴恐。孫武與張振武等謀曰。事急矣。惟速舉事。可免至夜。唐家營工程隊舉火為號。城內工程營砲馬各隊應之。

湖北

第三

三

擁亦割鬚出城。登楚豫兵輪。大罵瑞激而去。政府未接武昌電。漢口法領事已電達法駐京公使。時協理大臣那桐方在六國飯店。晏外賓。法使怪那桐飲噉從容。問武昌失陷。貴政府對革黨意云何。那桐方白其誣。及歸而武昌果有急電。遂羣集慶王邸會議。竟夕。與前武昌。週氣合且為下政府。乙卯詔陸軍大臣蔭昌率陸軍兩處理湖北事。發勢。鎮海軍提督薩鎮冰。長江水師提督程允和。援鄂。奪瑞激官。瑞激思卸罪。嚴電劾張彪。平日訓練無方。臨時棄營逃走。弁波及前督臣張之洞。彪山西人之洞。差弁便捷。有才之洞。愛重之。由是招練新軍。而彪為大將。局所肥差無不著籍。司道以下官爭附之。彪雖貴之洞出則為扶輿。入則帶刀侍。瑞激至。彪亦如之。瑞激嚴詞謝絕。而涎其富也。聲言將劾之。彪大憂懼。關說始解。故瑞激初告城陷時。猶曰督同張彪率兵抵禦。最後始據實劾之。丙辰詔奪張彪官。初四川之亂。慶內閣欲起用袁世凱。而載澤則主起岑春煊。後澤雖爭勝。慶內閣尼之。春煊仍無實權。已移病去矣。至是詔授岑春煊為四川總督。袁世凱為湖廣總督。痛之亡。由於朝端事權不一。文主致為情晰分明。則世凱在直。練新軍六鎮。罷歸後。舊部更易殆盡。不能遽出。蔭昌謂鄂亂不足平。遲不來以。

湖北

第三

四

故黨人張振武、蔣翊武等得以其暇定漢口、漢陽、龜山、兵工廠諸扼要，守禦甚固。黎元洪字宋卿，黃陂人，北洋水師學堂學生，充鎮遠船砲弁。甲午之敗，元洪浮海遇救，轉陸軍留學英國。後湖北派充日本陸軍留學生監督歸國，張之洞命與張彪、錢恂等籌練新軍。彪日在之洞左右言兵事，之洞愛重之。元洪實爲主謀。光緒三十一年，練兵處編天下軍鎮，湖北列第八鎮，并三十一混成協，而張彪爲鎮統。元洪爲協統。甲寅之變，匿營室後不出，事定，黨人窮索得之，推爲都督。元洪不得已與眾要約，眾雖呼允諾，遂任職視事，以湯化龍、夏壽康、孫武

湖北

第三

五

張振武等爲各部長編新舊軍爲四協，以吳兆麟統第一協，何錫藩統第二協，楊開甲統第三協，杜錫鈞統第四協。俊材雲集，檄告喧騰。檄文上書中華民國軍政府鄂軍都督黎元洪，書黃帝四千六百九十年八月改大清郵政爲中華民國郵政，大清銀行爲中華民國銀行，旗赤色，中繪日、十八星圍之，皆黃，並築壇祭告天下山川及黃帝。民軍初起，遣兩湖師範教授張銘說領事團守中立，民軍任保護，銘習英語，嫻外交，領事團允之。丙辰，海軍艦以大礮擊武昌，民軍恐疆落租界，不還擊。於是外國軍艦搖旗，止礮艦發礮，令駛赴上下游，瑞徵、張彪

出走時，新軍變者未及半，及城內無主，始相率投革軍。瑞徵既出，蟄伏楚泰兵輪中，游弋揚羅。海軍來復，礙於租界，上駛則受夾攻，下駛則礮力不及，而廕昌大軍不遠至。寫廕目前日遲不來，茲癸亥，黎元洪出城督戰，北軍標統馬繼增以無援，敗退，混成三協統領王占元方駐劉家廟，亦牽率驚潰，失輜重甚多。甲子，北軍退，瀟口薩軍艦因無煤米，駛還九江。瑞徵隨遯，並電陳不得已情形，詔逮捕治罪。時北軍寡，與南軍相持於瀟口，李威間既而第四鎮統制王遇甲來會，北軍雲集。九月庚午，王占元趨鐵路東，王遇甲趨鐵路西，進攻劉家廟。會海

湖北

第三

六

軍亦自九江歸，夾擊之。南軍敗，走跑馬廐。北軍遂奪據三道橋，劉家廟辛未，北軍乘勝進奪大智門，王申至玉帶門，時連日陰雨，路泥淖，士卒酒水相搏，死亡極多。南軍多新招，既戰，敗則避匿。漢口廛市隱市，樓狙擊北軍。北軍自散，生路進擊礮彈，雨下，列肆焚燬，煙蔽蔽天，日慘慄無光。廕戰三晝夜，死傷山積。既南軍決走，焚所儲葯彈糧秣，退歸漢陽。乙亥，北軍遂奪據漢口。漢口市廛櫛比數十里，一旦焚燬殘破，商民流徙。廕昌奏捷，詔嘉勉之。而山西兵變，戕撫臣陸鍾琦，東兵娘子關，鳳山炸死廣州。陝西、湖南、九江、雲南相繼起兵，警電日益多。川

亂流奔赴腕底非政府以廢昌威望輕又戰地不能有
熟龍門法者不能授袁世凱為欽差大臣海陸軍均歸
二帥乃召廢昌歸授袁世凱為欽差大臣海陸軍均歸
節制世凱以馮國璋總統第一軍段祺瑞總統第二軍
世凱始赴孝感勞軍時第二十鎮統制張紹曾第六鎮
統制吳祿貞在京畿左右頓兵要改革政體京師危迫
而慶內閣遂為資政院推倒當是時中外大臣威望無
能勝內閣任者事勢湊拍文勢隨之美人細乙亥詔以
袁世凱為內閣總理大臣世凱初被詔即建議此次之
亂非兵力所能伏已而各省響應悉如其言漢口復軍
罷世凱命停戰息兵遣道員劉承恩海軍正參領蔡廷

湖北

第三

七

幹渡江說黎元洪曰湖北倡義東南十餘省相繼響應
海內佩欽第革命本旨由朝廷立憲徒托空言今已下
詔罪己宣誓太廟與民更始若再久戰非惟塗炭生靈
外患或相繼而起望統籌大局電各省息兵公舉代表
入都共襄新政且十九信條帝室徒有虛名參政之權
固在國民語未竟元洪曰愚哉項城忘國門被逐時乎
今反以德報仇何夢夢至此昔者滿人待遇漢功臣用
之則倚如泰山及其功成則棄如土芥歷史所載無不
皆然項城豈忘之耶以項城威望返旆北征廓清幽冀
大功既就選舉總統非伊而誰且滿人為天下公仇入

關之始殘暴淫殺奴虜我人民不耕而食不織而衣者
數百年項城即忘其私仇亦不得以公仇為請元洪聲
色甚厲廷幹因不復言夜宿府中各部長陪飲盡歡而
歸南軍既退歸漢陽與北軍夾襄河而守丙寅初湘獨
立屢出兵援鄂故鄂前敵多湘兵及湘黨人黃興至宋
教仁譚人鳳說黎元洪以黃興為總司令元洪不得已
從之築壇授旗興書生突居眾上鄂軍士多怨望南軍
一興乃益招湖南學生數千人編為敢死隊驅使赴戰
當是時東南各省相繼獨立惟江甯孤守蘇浙軍方會
攻金陵屢用揮筆是學項丁亥袁世凱入都庚寅南軍
羽紀得其神髓

湖北

第三

八

遣敢死隊三千人自漢水上游駛驟口渡河襲北軍右
翼標統張敬堯逆擊南軍卻競渡多溺死是日大雨至
夜雨息突有砲聲自武昌起四處砲台應之而敢生路
劉家花園等處北軍亦然砲還擊時天色昏黑砲彈從
空際電掣星流光耀數里租界洋人攀檻登屋而觀南
軍乘黑夜潛由黑山下渡河向韓家墩橋口分三路進
翌晨均會合於跑馬場猛攻敢生路北軍大隊來援橫
衝而下南軍復退還南軍扼襄河右岸時欲襲孝感大
營北軍憑漢口擊龜山以為牽制而暗布遠勢從孝感
分大隊西趨渡襄河上游冀拊漢陽之背故相持久未

決而北軍礮術特勝南軍敗。初海軍與陸軍協同作戰復漢口後沿江各省皆獨立軍艦無處購煤米軍心解體相率投革軍自是民軍有軍艦矣已海容海琛海籌江貞弁魚雷艇一艘自九江來高懸國旗武漢軍人額手歡慶北軍不知其叛方用遠鏡視察四艦已馳過最後魚雷艇駛至北軍礮台彈雨下魚艇毀海容海籌猛攻三道橋二道橋北軍受創甚鉅是時袁世凱復遣人至漢口議和俄租界中仍不得要領北軍戰線既於襄河上游延長南軍備多力分南軍敗十月丙申初北軍軍統馮國璋分兵別編為甲乙兩支隊以二十一標

湖北 第三 九

統領吳金彪為甲支隊長十一協統領馬繼增為乙支隊長以第六鎮統制李純為統率挾布舟數十繞襄河上游渡師至是以布舟三十民船六十成軍橋四十九丈於漢口丁酉夜北軍自漢口潛渡由漢口經蔡甸至漢陽湖澤縱橫谿徑偏側兩軍沿谿晝夜鏖戰戊戌北軍奪四平山三亥奪扁擔山黑山時南軍乘虛屢以大隊從漢口謀家磯登岸襲北軍後路軍艦助之北軍機車為礮艦擊燬勢危甚馮國璋檄管帶丁搏霄等以機關槍逆擊於二道橋三道橋南軍復退庚子北軍奪湯家山時漢口江岸浮橋亦成協統王占元冒彈先渡與

李純甲乙兩隊合李純分北軍為三縱隊以一縱隊攻大別山兩縱隊攻漢陽大別山高控武漢礮壘環峙北軍銜隊殲升闕尸以進漢陽南軍阻於兩縱隊不能來援北軍遂登大別山馮國璋之遣李純渡河也約克大別山樹紅幟為號至是李純手執紅旗四起四落漢陽南軍望見潰走當是時蘇浙民軍會攻金陵垂克矣辛丑漢陽失守漢陽失守未書先書金陵垂克字字落紙分外有聲又漢陽失守與金陵垂克並書見漢陽之失與湖北關係甚大深為湖北惜且為下文民軍主力移於寧滬伏脈此與前文失武昌俱用突字之筆遂遙相對而總不肯直說故字初黎元洪以十字信條清君主徒擁虛名與共和無異意欲罷兵而黃

湖北 第三 十

興疑之元洪老將知兵謂北軍強悍難禦欲堅守不戰以老北師興謂民氣方強可一鼓下也不用元洪策及漢陽將失興渡江慙慙去北軍既得漢陽大別山礮台俯瞰武昌岳州鎮守使唐蟒聞風棄職逃湖湘震動湖湘震動為下文議和蓄勢元洪召諸將集議或建議退保湖南或九江再偪大舉語未竟元洪厲聲曰余鄂人也余去鄂誰與鄂民共生死甯枕武昌城戰死耳願去者聽甲子龜山礮擊燬都督府元洪移軍政府洪山上時英領事說國璋停戰武昌民亦至漢陽求止攻國璋以江權既失隔江守孤城甚難止攻渡江革軍既戰敗則携大礮

入黃陂城守以率北軍馮國璋檄統施從濱往攻甲辰入黃陂南軍退走馬跡山會江西援軍馮嗣鴻至與青山鄂軍八千人復從陽羅登岸出卒集襲黃陂馮國璋檄協統陳光遠率五千人往援迭戰於馬跡山甘露山等處壬子南軍潰敗散走北軍後路始固元洪企和平慮大局漢陽之將失急傳令煨兵工廠者斬或慮資敵元洪曰今不過兄弟鬩牆耳如外侮何以故兵工廠機器得盡保全寫黃陂顧大局可欽可敬至是通電全國云久戰自廢乘人道鄙意共和人民應與政府暫時議和各遣代表宣布政見若全國共和黨人仍欲續戰元洪當效死

湖北 第三

疆場以終此局會袁內閣亦遣唐紹儀為代表來鄂討論大局乙卯紹儀至鄂當是時蘇浙民軍已攻下金陵初各省獨立無政府為統一而武昌首起義功高地又扼大江形勝羣議建臨時政府於武昌各省代表團已由滬赴鄂矣及漢陽軍敗金陵復民軍主力遂移於甯滬指陳時勢瞭若觀火讀至此然後知上文會攻金陵垂克句之非閒文此為湖北大關鍵故特筆標出甯滬民軍推伍廷芳為代表廷芳以議和在鄂不如在滬便元洪語紹儀紹儀遂如滬北軍既戰勝馮國璋授二等男爵擢協統王占元為第二鎮統制官國璋河間人武備學生甲午之役隨葉志超戰平壤事定袁世凱

練新軍小站求才於提督聶士成士成舉王士珍段祺瑞及國璋世凱厚遇之練新軍六鎮籌議肇畫三人力為多世凱內召釋兵權六鎮歸軍部直轄而鐵良為尙書侍郎壽勳督練大臣鳳山狼狽為奸利自隊官以上懸價鬻之軍政遂壞鐵良去唐昌代為尙書推權壽勳會軍諮府成立以貝勒載洵毓朗為大臣納賄尤甚凡鎮協統額缺由軍政司司長文華關說於親貴視賄多寡為版次先後軍政因益亂而世凱舊部零落盡矣世凱之罷歸士珍祺瑞相繼外遷國璋為軍諮使尤鬱鬱不樂居武漢事起世凱督湖廣世凱內召王士珍繼之

湖北 第三

士珍為軍部大臣祺瑞復繼士珍督鄂而國璋則統大軍督戰北軍將士多國璋弟子故自國璋統軍後布陣取勢敏捷便捷戰十日而得漢陽士爭用命也寫馬戰勝十分酣足下接和議起三和議起遷國璋為察哈爾都統充字為後文馮憲伏根禁衛軍總統官而以祺瑞接統大軍戰事始已初武漢事起江北各屬騷動不安八月晦宜昌兵變荆宜道吳鈞孫宜昌知府金世和走推防軍統領戴壽山為都督壽山逃捕得囚之以唐儀支為都督十月鍾祥劉英陷天門知縣榮澂死之初光化縣河口鎮駐巡防馬隊及水巡數百人陸軍二十八人陸軍排長張國荃弁目李秀

昂權請勇悍癸亥光化令黃仁葵至河口與隊長周飛鵬水巡長黃裕斌計事國荃率二十人馳河口大呼曰大軍至矣速豎白旗市民驚擾仁葵及飛鵬出視國荃擊飛鵬斃之即召集兵警謀率師攻襄陽眾以兵寡爲慮國荃曰兵貴速不貴多即夜募新兵二百人合六百入率以往黎明抵襄陽國荃首攀垣入開門納眾時城內駐巡防隊馬步共五營管帶劉温玉孫長齡等以未知敵眾寡不敢抵拒襄陽道喜源聞風走知府存厚死之眾推黃仁葵爲軍政分府張國荃爲總司令於是穀城南漳均州棗陽宜城德安鄖陽皆聞風降荆州爲鄂

湖北

第三

三

讓入前者力戰爲何矣袁內閣聞之召與計事不赴電語亦不答久之始見世凱慰勞百端然國璋終抑鬱不自得民國成立授直隸都督始夙憾釋矣民國元年二月黎元洪當選爲副總統時各屬暴民專制爭攘糾紛獨元洪顧大局主張光明隱然爲各省盟主聲望遠出南京政府上前文層層爲黃陂設色此處又特筆表彰以其爲民國元勳也袁總統遇事特推重之而黨人張振武等覬覦都督謀變屢爲軍務部長孫武所破振武等恨之煽三十一標近衛軍圍軍務部大索孫武不獲戕二鎮統制張廷輔四鎮統制鄧玉麟聲言欲逐黎元洪覆軍政府城內大亂元洪不

湖北

第三

十四

能治賊也六月張振武方維來京元洪請中央執戮之自是湖北始靜謐無事

四川篇用筆多宕逸空靈此篇用筆多奇崛突兀五花八門各極其妙

陝西第四

陝被山帶河沃野千里古所稱天府之國雄制六合者也自近世中外大同沿江海利交通文明之滙形勢之集趨重東南陝遂同於邊僻顧民俗強悍輕生黨人于右任在滬創民呼日報昌言革命不諱鄉人化之辛亥八月朔省垣四城忽張匿名紙云秦陸軍及武備學堂革黨將起兵於是八月十五殺韃子之謠充盈街巷將軍文瑞逃旗兵精壯者得千五百人初將軍榮祿購槍三千枝備簡練及榮祿去旗卒旋盜之售與鏢師至是盡無一存難悉誅文瑞乃商借於撫臣錢能訓能訓命

陝西

第四

叅議毛琦檢予之琦詢將軍用何式宜文瑞不能舉其名副都統承燕年少尤怯懦中秋夜駐將軍署泣涕不敢歸撫標中營李士貞奉巡撫命夜巡城懼匿藩署齒震震有聲辛巳移北門外大明寺火葯於城內乙酉武昌警耗至省垣戒嚴駐防城禁外人出入市民更訛言駐防城內埋地雷風聲愈惡錢能訓知陸軍不可恃而巡警道張藻謂陝境無革黨力白其誣能訓亦恐張皇激變庚寅檄陸軍一標一營往漢中二標三營往龍駒寨一標三營駐長武而添募防營一標三營督隊官錢鼎者革命黨魁也初與諸軍謀約九月壬申起事及各

營陸續出調知巡撫有備懼會測繪學堂監督霍色哩

得黨人名冊學生陳建侯趙皖江見之知事洩欲即為變當是時提學使余炳堃偵得之上謁巡撫言明日兵必亂宜為備如否者請以造謠惑眾罪坐吾置冠於案而張藻謂仍必誣一個謂有革黨確極一個謂無九月乙丑朔黎明錢鼎密與二標一營管帶張鳳翽三營管帶張益謙隊官劉自新周子貞等集會曠野森林中謀即日舉事議既定即歸營整隊由西門入時事起倉猝巡撫將軍方赴諮議局行開會禮散歸文瑞前騎猝與新軍遇中彈死三人紆道歸營即與副都統承燕克蒙

陝西

第四

額登城籌戰守錢能訓則檄守城兵閉四門當是時臨潼巡防營亦變趨至城下中學堂學生開門納之即與新軍分劫藩庫軍裝局及各官署錢能訓穴牆走匿巡捕馬家後三日知大事去即以槍自戕不殊會幕友至望見大呼曰速畢吾命能訓至陝罷恩壽虐政陝人弗仇昇至行宮樓上為療其傷長安令德銳歷宰秦中有政聲聞亂殺妻子自焚出門大呼曰吾滿人某請殺吾亂軍知其賢遂巡不忍德銳怒曰諸君若此者尙言革命乎奪刀自刎死餘官吏或逃或囚滿城前自撫署假槍械甚多可抵敵而防兵不知用子彈槍枝柄鑿故不

敢出戰。然滿城垣墉高。民軍亦難以攻入也。搖曳生姿

入城初陸軍學堂號兵張雲山者。紅漢首也。紅漢者哥

老會變名。張鳳翽之起兵。雲山亦率其徒黨數千人助

攻。規滿城既未攻下。丙寅昧爽。復圍之。文瑞督旗兵五

千分陣而守。戰至日中。新軍請停戰議和。文瑞遣協領

葆鈞出議。不協。張雲山大懼。議逃走。鳳翽曰。事至此。勢

不得休。乃督兵復戰。滿城在北門內。北負城垣。西南與

鼓樓接。民軍攻之多。在西故城東。不設備。鳳翽獨身持

刀。自缺垣躍下。折缺口。放一騎入。遇室焚之。寫張鳳翽

旗兵望見。火起。遂大亂。將軍文瑞投井死。副都統承燕

陝西 第四

克蒙額均盡室自戕。婦孺號哭。麇集北門城樓上。自焚

新軍入。與旗兵巷戰。一夜死二千餘人。張鳳翽以功推

為復漢軍大統領。張世謙錢鼎為復漢軍副統領。革命

軍之起。其主將皆等夷。無首領。以為約束。焚燒擄掠。數

日。省垣富室鉅商殆盡。己亥。城內亂稍定。張鳳翽始出

示禁。焚掠誅土匪。庚子。設軍政府於高等學堂。改統領

曰都督。以李異焦冰郭希仁吳映星為參謀。尹昌齡為

民政部長。張瑞璣為財政部長。陳官韶為司法部長。陝

故多劇盜。附省數十州縣。聞省城亂也。土寇揭竿起。庚

午。鳳翔陷。知府德祐。知縣彭毓嵩死之。白水陷。知縣陳

問紳道員榮麟死之。副統領錢鼎以潼關重鎮。關道瑞

清滿人。急欲下之。自率師東行。王申至渭南。先是渭南

黨人張世瑗。率土寇數百圍縣城。知縣楊調元。招世瑗

入城。與金五千。命之退。世瑗弗從。招其眾入城。爭圍局

餉。相攻擊。調元被逼投井死。縣民間調元被逼死也。殺

世瑗。會鼎自西安來。駐縣署。聞亂。乘夜與測繪學生十

餘人。由署後總城出。道為土寇所獲。同遇害。乙亥。遣張

伯寅為東路招討使。率步兵兩標馬礮各一營。平渭南

亂。即東會師。攻潼關。逐關道瑞清。進規陝州。與山西民

軍遙為聲援。河洛震動。聲勢赫然。讀至此。試掩卷必以

陝西 第四

使一丙子。政府遣姜桂題援陝。由問道攻潼關。復破之。

自是秦軍不能東出。戊寅。遣張仲仁為南路招討使。曹

位為西路招討使。井勿幕為北路招討使。平土寇。及地

方官吏之不從者。初提法使錫桐。匪商家不敢出。癸未

事洩。民軍捕得之。錫桐悚惶惶恐。云姓趙。非錫桐。統領

張雲山曰。爾既易姓。吾錫汝嘉名。曰趙興漢。可乎。錫桐

泥首謝得免。窮形盡相升允者。前陝西巡撫也。罷官居陝。置

田產。秋後出城收租。會陝亂。逃至甘肅。辛卯。詔升允署

陝西巡撫。督辦軍務。政府既以毅軍扼潼關。復命陝甘

總督長庚分兩路出兵。援陝。而以升允為統帥。讀至此。幾為張

鳳翔危而又不然。升允與寧夏總兵馬安良出北路固
總不使一平筆。原提督張行志出南路。十月南山土寇陷興安府。進據
商州。軍政府遣兵討之。賊就撫。盡編爲軍。癸未。馬安良
出長武。與陝軍戰敗之。克長武。進克邠州。永壽。陝將張
雲山退守乾州。丁亥。張行志出秦州。克汧陽。岐山。圍鳳
翔。秦軍與隴軍迭戰於邠岐之間。十二月。隴將陸洪濤
越乾州。克醴泉。進規咸陽。民國元年二月。升允聞清帝
退位。攻咸陽愈急。袁總統命張鳳翔以全力禦升允。並
電黎元洪分兵援陝。元洪檄北伐軍西行矣。段祺瑞謂
升允之徒。金底游魚。不足慮。惟回民狡悍。戰端果開。新

陝西

第四

五

伊萬里。兵連禍結。殊可大憂。且餉匱難籌。不如遣人說
使歸附。如頑抗者。再興師。袁總統允之。電元洪止兵。遣
秦領毛繼成赴陝。說升允。并風汗撫齊耀琳。電升允退
兵。升允覆耀琳云。鄙人此次討賊。係奉朝命。及內閣令
而來。用兵數月。日在冰天雪地之中。世界共和。迫於時
勢。允何敢獨違。第允初來。爲討張鳳翔。今共和甫布。忽
又命鳳翔討允。昔視曰賊。今爲義師。昨日勤王。刻成悖
逆。天下有此公理乎。允雖不才。決不能與共和爲難。亦
決不朝秦暮楚。如某某等所爲。獨鳳翔以大總統命令
而來。討允。實所不甘。刻下允有子弟一萬五千人。又有

董軍萬人。長馬兩軍。數亦及萬。自茲以往。誓與鳳翔爲
敵。一息尙存。定不兩立。袁總統聞之大驚。卽遣趙倜率
毅軍十三營入陝備戰。升允之軍皆主於馬。安良遜位
詔下。升允秘不使知。及安良得張鳳翔及北京王寬函
電。大怒。召升允詰之。升允惶悚。始出電示安良。安良曰。
清帝已退。吾爲誰爭。欲令吾輔爾爲帝乎。升允語塞。適
趙倜及張鳳翔相繼至乾。與安良訂議和條件。毛繼成
亦來說升允。三月壬午。馬安良彭英甲兵退出乾醴。圍
鳳寶軍張行志崔正午亦罷歸。升允潛遁陝局。畧定錢
能訓養疾行宮。凡四月。共和宣布。袁總統電張鳳翔索


陝西

第四

六

之能訓始歸。滴源

雲斂秋高沙明水淨文境似之



湖南第五

洪楊革命。三得武昌。而三失之。以長沙始。為清有能撫其背也。鄂軍之變。因川亂。川路阻。遠聲氣。阻絕難為助。所急欲下者。湖南耳。湖南故多黨人。自譚嗣同。唐才常。先後被難。黃興。宋教仁。劉揆一等。復興。然亡命歷年。不歸。焦達峯者。洪江會首也。恆言其部下。有萬餘人。可用。黨人譚人鳳。文斐。曾杰等。欲以焦部發難。炸督署。焦部多流氓。未得多數同意。黎元洪。信使日。至不能遠應也。然蓄慮待發。甚急。黨人陳作新。黃翼球。吳作霖等。日赴軍營。稱說革命。軍人或信。或否。不遽從。諮議局議長

第五

譚延闓見事急。亦言於眾。曰。文明革命。與草竊異。草竊為中眼目。知借譚口說。出史記多此法。當與世家巨族軍界長官謀之。延闓故世家子。物望所歸。軍人聞其言。則大譁曰。譚翰林且言之。大事可行。交語互勉。不數日。巡防營新軍皆變。譚為都督。伏線湘事。始終譚翰林。收束放出語。即與眾不同。清未廢科舉。謂其不足得人才也。就謂真革命家。乃在科舉中出乎。是知人貴讀書也。八月辛酉夜。城外礮營舉火。馬隊營應之。而輜重營寂然。城內亦未舉火。翌日。各營代表集會於福壽茶樓。議久不決。且責陳作新約期不實。作新垂涕曰。事至此。有死耳。李德羣拍案叱曰。等死坐以待死。即亟行。可不死。眾鼓掌和之。約九月朔黎明舉事。

學史記三字兩字。至期城外新軍易棠齡等。分攻小吳門北門次第入。初湘撫余誠格。視事甫數月。鄂事起。知新軍不可恃。而鎮統蕭良臣。北人部下不服從。乃起湘紳黃忠浩。為中路巡防營統領。王兵事。忠浩說誠格。檄新軍分駐常辰衡永。以散其勢。而調巡防營入衛。由是新軍愈疑懼。要給于彈。不即行。至是突變。以一隊攻軍械局。局長嚴家熾。走以一隊攻撫署。督兵皆逃散。當是時。中路巡防營亦變。黃忠浩方計事。撫署聞警。與余誠格。偕出堂皇。撫變兵。變兵要誠格為都督。誠格伴允之。從間道亡去。護弁楊詠松。挾忠浩。從又一村出。遇亂兵。

第五

被執。擁至小吳門城樓上。殺之。忠浩黔陽人。饒幹畧。兼資文武。少受知於張之洞。陳寶琛。以諸生治軍。迭平廣西寇亂。補狼山鎮總兵。及歸湘。於新政尤盡力。為士望所附。倉卒被戕。士論惜之。當變兵擾攘時。黨人焦達峯。陳作新。聞余撫走而忠浩死也。徑往諮議局開會。時各界均未至。祇同黨二十餘人。達峯昌言曰。余在湘謀革命。最先又最久。功首宜為正都督。陳作新。臨事奔走。俾新軍防軍。並行不悖。功次宜為副都督。文斐如言。以紅紙大書黏壁。曰。正都督焦達峯。副都督陳作新。無梗者。寫草竊。如畫。達峯即着清制協統服。坐堂皇。決事。初黨人擬

事成舉譚延闓爲都督黃忠浩爲鎮統及達峯出示市民訝其人陸軍小學校長夏國楨率全校至諮議局抗詞詰問軍界和之幾譚延闓聞之亟出席語衆曰焦都督既舉定宜合力建國家謀幸福今以天下之大舉義者僅一二省民軍方萌芽豈爭都督時哉衆聞喜始靖再寫譚吳於草編爲充都督作勢初藩司鄭孝胥到官八日以辜憲託故去學司黃以霖攝藩篆余誠格既走提法使劉鍾琳巡警道桂齡皆走獨以霖守藩署不去民軍過衛兵輒擊之并遣人至舟中與余誠格謀調飛翰選鋒兩水師內外應高恢復焦達峯麾機關槍攻之譚延闓

湖南

第五

三

曰是易與耳即說以霖出城走長沙知縣沈瀛明幹宦湘楚有聲黨人執之請爲長沙知府不許知縣仍不許管帶蔣國經怒叱之瀛亦怒曰使余撫聽吾言焉有今日今已矣吾力不能殺若若速殺吾國經即命曳出斫首既又惜其材復曳回囚於諮議局與候補知縣申錫綬相對終日不食國經知不可屈翌日并殺之候補道王毓江亦被執不降與瀛等同死焦達峯既爲都督以會燕楊守貞文斐爲秘書譚人鳳任震爲顧問時都督印信未刊輒取草紙一方上書都督焦令某爲某官下鈐四正小印四正者罡字洪江會暗號也日委署十數

人凡城內廟宇公廨旅邸皆高懸旗幟招兵流氓乞丐車輻擔役均入伍無軍械戎裝胸前拖長帶高髻絨球謂是漢官威儀寫草竊彷彿劉盆子初起景象大盜馮廉直者洪江會首也囚已三年至是出獄充標統募三百人駐湘潭尋殺夙仇氛惡甚湘潭知事余屏垣紳士黎丹求救於譚延闓延闓詰都督都督曰無之延闓曰若然廉直可斬也即以軍政部長令檄水師管帶陳開雲及巡防營擊殺之焦陳之爲都督非衆意及見舉錯果乖謬衆乃舉譚延闓爲軍政部長繼復建設參議院仍以延闓爲院長凡募兵給餉任免官吏將校經參議院可決方得施行而同盟會黨人譚人鳳曾燕等特不便也復建議撤廢參議院軍政部集權都督而焦陳亦自知望不屬宣言辭職作新已出府不視事矣達峯爲同盟黨鴻飛劫持不得去達峯常着袈裟龍服爲譚人鳳所見斥之曰子行誅死矣山雨欲來風滿樓文有以突爲貴者如湖北篇諸突筆是也有不以突爲貴者此類是也梅馨者五十標二營管帶自益陽歸謁都督計事都督語不經遽拂衣出言於衆曰焦非元帥陳酒瘋耳達峯等頗聞其語惡之然恃衆不爲備馨即開軍事會議密計誅焦陳無敢諾者時五十標標統余欽翼已遷爲第一師軍統久之語馨曰茲事體大請不助君亦不阻君

湖南

第五

四

一師軍統久之語馨曰茲事體大請不助君亦不阻君

警曰如約甲戌達峯召各界詣諮議局會議會次譚人鳳閣鴻飛在震等建議撤廢各機關集權都督譚延闓出府辭議長軍政部長職會畢達峯歸時陳作新亦出北門鎮撫和豐公司兌紙幣亂梅馨即遣隊官袁富榮率兵躡之遇諸途曳作新下馬斷其首首已剪髮無可携乃以指鈎其口而還事趣文極并遣隊官吳家輪率兵至都督府列陣門外稱有要公要都督判決達峯趨起出即曳至轅門坪內石獅前斬之寫梅馨殺焦當是時焦部下屯集府內外如織矛戟森列皆錯愕不敢動新軍復鳴槍兩排示威城內居民聞聲喧騰搶攘出奔者數

第五

五

萬焦陳既誅死眾即舉梅馨為都督馨曰吾為湖南斬亂耳若居此是利之也人其謂我何眾即舉譚延闓遣目兵八人護肩輿往迎排入堂輿大呼曰誰為譚延闓者延闓驚悸失色固遜謝不行軍士不得已以四人強負之入輿四人昇之飛奔逕去其家人以吉凶不可卜舉室號咷若臨喪然前路步步為此作勢其來也如虎其去也如風石破天驚逗秋雨自招牌始擄去延闓既就職念焦陳光復有功厚殮之郵其家各萬金復慮其黨為患也使仍任職初府內人眾凌雜內外廳卧榻錯陳無隙地可容几案每餐四百餘席至是以唐乾一陳炳煥黃翼球草定章制分職別掌

汰冗去器府內廓清城內新募兵命余欽翼危道豐巡視定留遣省垣畧定初南路巡防統領張其錕聞焦達峯為都督即連結桂林軍欲攻之永州統帶黃岱黃忠浩舊部亦欲復仇及聞達峯誅死譚延闓為都督也均按兵不動衡州知府顯祿因焦達峯有令殺旗人首棄官逃顯祿嘗救唐乾一乾一護出境於是各屬州縣官聞風潛遁及為暴民逐殺者不可勝數衡岳以南土寇蠶起雲湧大言曰焦大哥為都督今日我洪家天下矣草竊衡為南路重鎮譚延闓既為都督憂之劉嶽峙者餘波衡山人也請歸里募團練延闓許之嶽峙遂招洪江會

第五

六

五千人黨人周果一煽之日焚掠延闓檄府知事殺果一事洩果一逃以李漢丞李汝梅代嶽峙汰洪冠申法令賊氛始熄復遣唐維藩為衡永彬桂安撫使維藩前官鄂有能名聞命即行率衛兵數十人周歷各屬清除積寇拊循良善南路畧定當是時岳州已下湘援鄂兵通行無阻而黨人鄒代藩據寶慶為都督代藩弟代烈不法譚延闓遣譚心休以兵兩營逼寶慶殺代烈代藩改稱府知事中路亦定矣獨西路未下陸續洗刷草竊之毒步騎清斷西路巡防統領陳斌生者亦黃忠浩舊部也駐常德講演團場任等演說至常勢涵涵常人多惡之斌生遂疑

楊任等實殺忠浩會忠浩柩至常斌生即與管帶陳書田捕楊任等七人殺之剖其心以祭辰沅永靖道朱益澹鎮軍總兵周瑞龍辰州府知府景方和均固守不降初長沙急巡撫檄瑞龍選精壯千人詣長沙瑞龍命游擊楊讓梨率以行至常德河洲鎮聞長沙陷即回軍辰龍關時景方和方募兵備攻守得讓梨軍大喜即請瑞龍留楊軍不遣繕治關卡分戍諸邊隘塞而供其精餉朱益澹亦徵集所部與綏靖鎮總兵續福兵合議討賊勤王長沙大震譚延闓遣龍璋為西路巡按使率標統李季洪赴常德備變陳斌生既為季洪等所迫軍又久

湖南

第五

七

飢龍璋至輒饋之大歡輯兵不動周瓚者瑞龍子官武昌降民軍自請說降鎮軍武昌軍政府縱之往瓚因先以書說瑞龍事為朱益澹所聞索觀其書甚急瑞龍諱之乃密遣人阻瓚勿來瓚因造流言煽辰軍幾變楊讓梨即上書瑞龍勉以大義滅親全晚節並代瑞龍傳檄諸軍名捕瓚瓚乘舟遁滕代春者鎮軍營弁因請餉赴長沙長沙獨立降亦以書說瑞龍瓚之來實預其謀至是瓚不得逞代春乃密謀由鎮軍發難糾黔蜀土寇千餘夜襲鎮城鎮標兵承瑞龍旨聞與通道標兵自城上擊之會駐辰哨弁李鳳鳴率兵回鎮亦夜至內外夾

攻之殺二百餘人寇乃遁代春計仍不行復說瑞龍稱疾委中軍攝篆集眾庭中云道庫餉多朱道稽不發以激怒眾眾果大譁出懸白旗擁瑞龍為軍政分府道標兵隨亦變朱益澹被逐去十一月甲戌譚延闓檄瑞龍仍為總兵兼攝道篆並檄瑞龍以兵護益澹歸江西鎮軍既下越二日楊讓梨景方和始知讓梨以孤軍難守厚犒之遣還鎮方和亦走周瓚之被逐恨讓梨至是即入辰為主捕讓梨獲之械致常德龍璋營中璋責其負固且說之降讓梨曰汝與譚延闓皆土族讀書世受國恩胡乃反耶璋怒殺之綏靖鎮總兵續福亦為延闓說

湖南

第五

八

降待以殊禮於是綏靖與鎮軍俱下西路亦為軍政府所有自九月朔長沙起義至西路平凡三月湖南大定總束筆力千鈞當鎮軍之未下馮國璋攻破漢陽湘鄂潰軍紛紜上竄岳州鎮守使唐蟒及府知事逃竄一空常德陳斌生本持兩端至是亦整軍待變長沙兩面受敵幾崩潰矣及和議起北軍止攻始知袁內閣別有用意羣慶再安敘此以見項城醞釀共和之功延闓沈毅有為自視事以唐乾一劉炳煥彭國鈞黃翼球等為腹心竭智盡慮定亂理楚爬梳數月諸事辦理又遇事能持大體元年夏首致餉三十萬於政府以風諸鎮聲望埒於蔡鐔亞於黎元洪

錄兩及同盟會黨魁黃興宋教仁等先後歸湘爲所劫
悉稱不能盡其材而唐乾一以助延闈故爲黨人所排避禍
北京延闈勢益孤二年夏黃興謀革命遣使說延闈踵
相接不部能就一復自北京歸爲調解之黨人恨之甚
擊以炸丸不中乃囚其兄擄其家產劫延闈獨立然湘
事終得和平免於戰禍者延闈與乾一之力也結筆
深厚

湖南

第五

九

山西第六

晉四境皆山在直省爲小弱俗淳樸少盜賊駐陸軍一
協訓練不勤器械亦窳鄂事起豫撫寶棻假晉軍兩營
槍千枝子彈十五萬粒助防巡撫陸鍾琦允之定九月
朔拔隊行矣而諮議局以本省空虛請勿援豫鍾琦猶
豫會得豫撫電北軍大集止勿行自巡撫議援豫晉軍
卽有九月朔起事之謠援豫議罷人心復安九月乙丑
朔西安兵變潼關河東兩道請援電日三四至鍾琦乃
檄南鎮巡防營渡河迎剿遣新軍步隊兩營馬砲各一
營駐潼蒲防守復檄北鎮巡防營來省填防新軍懼戰
山西
第六
一
多要請不卽行鍾琦子光熙以翰林習陸軍日本與新
軍長官有舊聞之赴晉察軍情既知事急光熙爲父哀
之始允中立協統譚振德尤慷慨任無事幸未砲隊一
營拔赴蒲州王申黎明步隊兩營亦赴蒲就道矣管帶
姚以价知衆憚遠行備戰謂衆曰吾儕與出防不若起
義既響應他省且博名利衆然之乃選勇敢士五百人
以五十人攻撫署以四百五十人攻旗營黎明折入城
中巡撫陸鍾琦方晨睡聞警躍起披衣出幕友或勸之
避鍾琦曰死耳何避爲直升堂皇變兵望見大呼曰得
之矣鍾琦怒叱曰擊語未畢而身仆筆筆跳躍
生龍活虎
光熙

踰擊槍出亦死父尸旁光熙母唐夫人方擁幼孫卧變
兵入夫人恐殺其孫也翼蔽之變兵并殺陸夫人當變
兵之入城協統譚振德聞之即控馬馳及喝阻眾不聽
振德怒曰諸君不聽吾言請先殺吾亂兵即環槍擊之
死議者謂振德不負友也舉標統閻錫山爲都督溫書
泉爲副都督以諮議局爲軍政府布政使王慶平自縊
氣將絕矣會變兵至解其索以人力車載入諮議局劫
使降慶平不允將殺之議長梁善濟爲緩頰得免復劫
按察使李盛鐸爲民政長盛鐸云吾在外國見革命多
矣異諸君所爲拂衣逕去餘司道盡逃匿太原城內有

山西

第六

二

皇城旗兵駐所也器械皆竊旗兵年久長養子孫與居
民無異然恃勢自爲風氣漢人肩挑小貿易至者往往
爲所陵漢民久嫉恨之至是變兵攻入慘加殺戮焉插
法得民軍既有太原即遣兵赴井陘扼守娘子關政府命
第六鎮統制吳祿貞率兵援晉祿貞本黨人主撫既至
石家莊即單騎叩關說關將仇亮降更赴太原說降錫
山復馳歸石家莊電要政府改革政治實心立憲且言
晉混成一協巡防二十餘營皆經臣招撫可徵調政府
雖不善其所爲冀或弭晉亂且慮祿貞爲變戊寅詔授
吳祿貞爲山西巡撫時嵐岢州兵變知州世泰奎彰方

交替同被戕祿貞授晉撫仍不即行輒截奪運鄂軍火
政府患之辛巳盜殺祿貞語詳吳祿貞被刺篇由是晉
兵之招降者復入關己丑詔授張錫鑾爲山西巡撫十
一月壬午錫鑾率第三鎮統制曹錕協統盧永祥會攻
娘子關晉兵駐乏驢嶺苦仰攻乃繞至雪花山列陣而
戰晉兵砲不能及遠且操練未熟甲申潰走太原錫山
度太原仍不能守更欲北潰去而下級軍官思大掠充
軍實且令敵至無所資錫山跪地哭阻之曰諸君若如
此者與洪楊何異且違起義本旨現藩庫尙有餘銀十
數萬爲眾分之何如眾不得已而止按察使李盛鐸前

山西

第六

三

被捕時語不遜眾恨之欲殺而後去錫山復阻之眾不
聽行及臬署忽聞火車氣笛聲大驚曰清兵至矣即驚
擾出城去實清兵尙未至盛鐸竟免焉寫初起時驚
子錫鑾至太原招集舊司道撫輯商民由是太原復爲
清有初大同鎮總兵王得勝奉陸撫檄遣巡防馬兵一
營赴太原填防步兵一營守雁門關巡防馬隊於九月
壬申日暮至省而民軍已於黎明起事遂厚餽遣歸俾
連合各防營爲變及至代州爲守關將所說仍合力守
關德勝懼民軍北攻請內閣調毅軍一營助守嚴斥堠
備攻具且以剿滅晉軍自任十月甲辰城內外巡防營

忽譁變得勝前期偵知潛遁而中學堂學生李國華庶務長常珍與土寇弓富魁乘機立軍政分府大同遂陷丁未毅軍統領郭同率毅軍及淮軍五營來援知府李剛已率紳士出城往迎而李國華等閉門拒守同欲以砲攻城紳士阻之徘徊數日不能入當是時雁門關已為民軍所據道管帶賈仲華王弼臣來大同助攻道與毅軍管帶米振標遇擊敗之殺仲華弼臣會張錫鑾曹錕等攻破娘子關收復太原雁門關民軍統領吳馨芳聞之懼棄關遁走保德州冀與秦軍合而毅軍仍不能破大同且思譁變十一月耶蘇教牧師耿而深關說李

山西

第六

四

國華等降撤軍政府由是大同復入於清一則曰為清初起之不易以陳希義為總兵閻錫山之北走與副都督溫壽泉約晉北事錫山主之晉南事壽泉主之壽泉率殘卒趨河東錫山出寧武至保德州即與大同及雁門關潰軍合馳至包頭欲進闕歸化史記項羽傳指點西二字此篇暗師其意用南北二字彼只項羽一人此分間溫二人彼一人而忽東忽西此二人一南一北此雖不同文法則包頭為塞外鉅鎮初包頭權稅委員候補知縣沈凍生與黨人郭守義連結巡防隊舉兵獨立設晉邊民軍籌備處以應太原而陶林廳巡警殺同知齊世名以應包頭歸化東西驂然不靖將軍堃岫欲分

兵討之而歸化巡防統領周銘恩欲為亂銘恩日本留學生與黨人通堃岫乃招土默特兵及旗兵數百人監視之九月己卯夜防軍以火油洒商家門焚焚掠矣會為土默特兵所見不敢動庚辰夜銘恩率巡防軍數營竄往陰山嘯聚於烏蘭察布盟一帶與山匪合各盟旗迭擊之銘恩本書生不能堪遂逃歸山西餘眾復竄至包頭冀與沈凍生合凍生誘誅其魁遣其眾將軍堃岫自銘恩潰走復招新巡防軍以譚湧發為統領克桃林定東路土寇乃進規包頭薩拉齊知縣呼延庚機警密與武原廳同知樊恩慶謀說降防軍而沈凍生郭守

山西

第六

五

義不從恩慶乃誘凍生守義會飲而伏甲於室庚與凍生有舊不忍其死授意使去即席斬守義持其首以令於眾眾懾服包頭遂復十一月大同府土寇小狀元潛與豐鎮廳巡警連結為變陷豐鎮同知章同匪商家樁木中得免歸化防軍聞警馳至殺巡警管帶復豐鎮歸化亂稍稍定矣至是錫山復據有包頭接筆點忽不測分三路進兵撲歸化堃岫連告急內閣並遣歸化關監督吳蔭桐赴大同請兵而錫山已逼境譚湧發禦之薩拉齊湧發軍新募未訓練馬聞砲輒奔砲不能然敗退土默特兵素强悍且多獵戶彈無虛發復與晉軍戰斃其先鋒

晉軍驚潰當是時第一師援軍亦至錫山知歸化有備
卽南奔朔平歸代州屯聚歸化亂兩月餘至是復定山
西巡撫張錫鑾既至太原會東三省總督趙爾巽憲共
和欲去內閣乃復以錫鑾爲東三省防務大臣而以按
察使李盛鐸權巡撫沈誦生逃至太原上謁藩司許士
英版書奉旨嚴擊就地正法前候補知縣某聞者笑之
士英喜其倜儻且委署縣缺焉溫壽泉之南奔與標統
彭福齡俱既福齡東趨潞安壽泉則道平陽趨蒲州蒲
州巡防統領陳政詩從溫壽泉敘入河東妙造自然當太原初亂卽以
兵三百守聞喜隘口鎮民軍管帶劉漢臣率兵千餘來

山西

第六

六

攻政詩逆擊敗之殺漢臣再戰再敗之會有學生自太
原來云有詔命停戰乃北守絳州十一月丙子黨人張
士秀李鳳鳴連結陝境刀匪閻小泉及秦亂兵薄運城
河東道余棗走運城陷同知陸敘釗死之癸未運城民
軍進偃絳絳紳開門延敵統領陳政詩及其弟敷詩隊
官陳順興劉占魁均巷戰被執死平陽府知府福興自
晉亂卽遞走獨總兵謝有功與臨汾縣武樹善合力固
守民軍圍之二十餘日不能下至是壽泉來合攻之仍
不下壽泉乃南趨蒲州十二月丙午清協統盧永祥率
兵援平陽民軍退平陽圍解會共和詔下袁內閣檄永

祥駐平遙止攻晉南戰事始息民國元年三月任命閻
錫山爲都督晉南士民與晉北夙不和民軍之起河東
黨人張士秀李鳳鳴既招延秦寇陷河東至民國士秀
遂爲河東觀察使鳳鳴爲旅長佔收糧賦鹽釐不解省
錫山晉北人以大局初定優容之後士秀鳳鳴以事將
河東籌餉局長南桂馨拘禁懸梁毆之錫山遣人案
視士秀等更聲言將遣兵襲太原事爲袁總統所聞檄
陸軍部討之鳳鳴士秀均被捕囚於獄晉始統一錫山
爲人沈毅勇摯當民國之初孫文黃興皆薦令仍爲山
西都督袁總統曰俟吾面之及入覲袁總統一見深爲

山西

第六

七

器異語人云革命人才鮮當人意獨閻督器宇深純與
流俗異也卽加任命後數年國內紛爭兵端迭起晉獨
不被兵厲行自治興教育祛錮習保境息民治安爲民
國第一此等收束筆力闕達

頭緒至爲繁複申插斷續奇妙玲瓏神氣絕類齊悼

惠王世家

晉事頭緒雖繁實只晉北晉南四字足以括之中幅
晉北事錫山二句爲通篇樞紐自此以上爲一頭以
下爲兩腳格局既定便將無數瑣事歸納此兩句中
執簡馭繁舉重若輕故曰作文在善尋線索也

五代史王都傳頭緒極複雜而六一敘來簡捷分明
爲方望溪所激賞此篇銜接處奇妙絕不讓王都傳
惜不得望溪一爲商榷耳

山西

第六

八

雲南第七

雲南僻在西南駐陸軍一鎮而鍾麟同爲鎮統蔡錕曲
同豐爲協統同豐軍駐臨安大理錕軍駐省城錕湖南
人湖南之獨立譚延闓電錕響應錕與譚武堂總辦李
根源七十四標統帶羅佩金礮標統帶韓國饒等密謀
九月甲戌寅時攻城而以講武堂陸軍小學堂測繪學
堂學生爲內應當是時七十三標駐城北標統丁錫不
從管帶李鴻祥隸錕標恐事洩卽於癸酉夜突攻標署
丁錕負傷逃錕祥卽夜與根源攻北門而講武堂學生
以約期未至門未啟根源命壯士三十餘人越城入開

雲南

第七

門納衆時事起倉猝蔡錕尙未知遂焚虹溪試館以爲
號圍攻軍械局鎮統鍾麟同方計事督署聞警與叅議
靳雲鵬率陸軍警察隊及衛兵扼守五華山兵備處總
辦王振畿護督署并電調輜重營范鍾岳率兵來會五
華山扼全城形勢麟同既據守卽用機關槍扼武侯祠
夾攻民軍民軍幾敗會巡警內應蔡錕羅佩金韓國饒
亦自小東門入以大砲猛轟督署及武侯祠民軍復振
而軍械局以牆垣高不易入根源訖未能下黎明羅佩
金復遣管帶雷應率兵會根源夾攻當是時督署已破
王振畿兵敗被執范鍾岳陣亡巡防軍二營亦敗降韓

國饒復遣砲標管帶謝汝翼來會汝翼穴地入軍械局
遂破諸軍既下軍械局即合圍五華山戰至日午民軍
昇大砲自城上擊之鍾麟同兵死亡過半與參議靳雲
鵬率殘卒下山欲奪城走奮攻不能出麟同仰天歎曰
身爲大將使大局至此復何面目見天日即拔刀自刎
靳雲鵬亦中彈仆於山麓後爲衛生隊總辦陳仲華救
出得不死兵備處總辦王振畿既被執至司令部蔡鏐
以故人禮遇極優而講武堂學生突入殺之并殺正參
謀楊集祥鏐痛哭不能制止也當民軍起事時滇督以
下各官盡奔匿布政使世增以旗籍故民軍禁於承華

雲南

第七

二

圃至夜殺之總督李經羲合肥李鴻章從子自爲滇督
政績隆然朝廷議新政必諮而後行滇民素附兵變時
匪巡捕蕭家事定請復出經羲難之蔡鏐強迎至諮議
局舉爲大統領雲南之變盡新軍而防營無叛者自省
城巡防營爲民軍鏟除由是防營與新軍爲敵語必透
宗呼起
下蒙自關道龔心湛開化鎮總兵夏文炳各有巡防兵
十餘營圖抗拒軍政府電說文炳心湛降不從遂檄駐
臨安陸軍標營趙又新將兵攻蒙自行十餘里與個舊
巡防兵遇逆戰於孔家坡防營敗績管帶張銘臣戰死
孔繁琴被捕殺之蒙自紳商懼遭戰禍舉代表七人來

營投誠請遵民軍約束而以夏文炳暫維治安軍政府
允之檄文炳仍爲總兵兼攝關道已卯道標巡防新營
及九營譁變戕開化府知府石家銘擄掠鹽釐各局及
富商夏文炳督兵剿之亂復定英之據片馬李經羲命
巡防軍運槍礮六十馱於騰越至是恐防軍得之也復
遣兵追至祿豐縣山峽中逐防軍殺押運官奪回經羲
之出非本意遇事退避而蔡鏐握兵權士民念鏐首功
爭推舉丙戌經羲改裝走香港而蔡鏐爲都督鏐字松
坡會留日本學陸軍雄武有大志既就職以李根源爲
軍政部總長殷承瓛爲參謀部總長唐繼堯劉存厚爲

雲南

第七

三

次長楊福祥爲審判局長兼民政司長陳介爲財政司
長周沅爲外交司長吳現爲實業司長以上初騰越黨
初起
人張文光彭冀等喉陸軍七十六標第三營及防軍兩
營於九月庚午舉事至期隊官陳雲龍請於管帶張桐
桐愕然雲龍即擊殺桐時防軍四營管帶曹某亦爲部
下所殺即率隊入城圍鎮署戕總兵張嘉鈺舉張文光
爲都督號騰永革命軍爲李根源
西征伏線會龍陵兵變殺管帶
龍鳳鳴張文光進兵據之永昌陸軍管帶羅長庚與教
練官郭齡昌有隙私鬥適省城起義電至齡昌謂省電
不可恃率隊歸大理長庚亦旋爲部下所戕城內大亂

知府毛際昌仰藥死雲龍復進據永昌當是時大理臨安陸軍亦獨立協統曲同豐北人聞王振畿等謀死意不安亦亡去滇軍政府以孫紹騫爲統領主榆軍而以前四川建昌道趙藩爲西路巡按使亦駐榆辛巳初順寧府知府琦璘聞省城起義懸旗慶祝并捐銀五百兩爲地方用紳民賴之已革知縣蕭洪斌與哨弁滕久名皆因事爲琦璘參革恨之乃與土寇譚洪鑫相結爲亂琦璘逃至城北古廟中翌日爲寇所得擁至城內殺之未幾順寧紳袁恩錫求救永昌李學詩將兵討洪鑫誅之由是順寧亦爲騰永軍所有騰永軍之初起張文光

雲南

第七

四

招千崖土司刁安仁率番賊入騰越踞道署強索銀萬兩槍三百枝而後去至是安仁據安崖獨立亦稱都督煽騰屬各土司起兵爲亂番寇蠡起甲申德党土司刁上達戕永康知州陳文光永康陷上達原鎮康土司刁闕純毆戚刁闕純毆死無子上達冒姓名冀襲職滇督錫良奏土司刁闕敗土歸流囚禁上達後釋歸寄寓南甸土司刁定國家及安仁獨立助其復職上達遂檄土目羅天福王玉等及各處頭人爲亂知州陳文光避至邦密壩被戕猛頭巡檢及小猛統巡檢亦被害陳雲龍之東下以援榆爲辭及大理已獨立欲投效省城軍政

府令仍歸騰越防邊雲龍不從蔣樹本者永平知縣雲龍以爲參謀樹本說雲龍速攻大理爲迤西根據雲龍信之十月甲辰兵至平坡巡按使趙藩命杜育率兵伏於合江浦別以統領孫堯臣誘雲龍軍過河夾擊之雲龍大敗死三百餘人而蔣樹本率曲嗣番寇畧蒙化蒙化人以爲民軍也迎之樹本入城遽大掠紳民有知兵者集鄉團巡警閉門攻之樹本殲焉陳雲龍既不退兵及敗於平坡電蔡鐸詆趙藩語不遜復進陷雲龍明喬喇井所至剽掠喇井爲大理餉源大理管帶鍾祥藻擊敗之而巡按趙藩統領孫紹騫連告急於蔡鐸以上迤西亂

雲南

第七

五

當是時軍務部長李根源爲諸將所忌欲圖之根源懼請西征定亂而張文光等以根源騰越人同里亦冀其蒞臨鐸乃以根源爲西防總司令率兵二千西征騰永寫李根源經畧滇西有聲勢庚子鶴慶州民團逐鶴麗鎮總兵張繼良繼良以州民懸旗慶祝共和大怒檄哨弁黑德魁以兵逐之民團怒卽夜攻鎮署走繼良丙午蒙自兵變劫掠燒殺全城糜爛法商歌臚士洋行亦被焚統領兼關道趙復祥不敢出丁未大理軍鍾翔藻擊騰永軍於鼠街敗之己酉譚洪鑫餘黨李宗唐寇雲州騰永軍李學詩與順雲協馬長安計擒李宗唐殺之騰永軍既屢爲

大理軍所敗李根源又迭電張文光讓之文光懼去軍都督名稱協都督并檄陳雲龍同承誅不法隊官魏正榮及其兵十餘人復舉根源父爲代表如大理議和根源以父故檄大理止兵迺西戰事始息蒙自亂軍飽掠後仍歸營法人要賠償並運兵保路蔡鏞乃遣師長羅佩金將兵定亂誅亂首營官龔裕和李鎮邦徐國光以火車載亂兵數百至中途坑之亂始已十一月丁卯騰永軍管帶張祠樑鄭明軒李光斗等攻德黨破之刁上達逃耿馬耿馬土司罕華基誘擒誅之永康復根源更遣教練官徐鴻恩姚關剿平小猛統鄆底餘寇祠樑等

雲南

第七

六

既破德黨大掠聞關等至潛遁壬午李根源趙藩至騰越騰越兵匪洞雜到處剽掠根源至汰留七營而以張文光爲騰越鎮總兵十二月丁未永昌總指揮彭莫管帶錢豐泰家飲酣彭莫出手槍誇豐泰誤擊豐泰洞胸死豐泰衛隊亦擊殺彭莫由是永昌兵思爲亂未幾三營管帶宋學詩四營管帶黃鑑鋒六營管帶李光斗等兵及騰越汰兵譁變掠一夜焚百餘家根源大怒即回軍至永先後捕獲不法軍官大隊長王太潛小隊長王得勝管帶黃鑑鋒李光斗張祠樑唐明臣張文煥鄭明軒幫帶馬鴻發哨長何春芳等誅之自是騰永軍始

靖騰越土司前因刁安仁獨立咸思蠢動後根源至騰安仁懼遁赴省垣其弟刁安善亦病死根源即於南甸千崖蓋達蠻允戶臘撤隴川猛卯遮放芒市猛板各土境分設彈壓委員執行民政土民便之由是土司之權盡奪與改流無異根源復覓得刁安仁檄各土司文主張興夷滅漢帝制自爲各證民國元年三月電蔡鏞請於政府殺之由是土司無爲亂者而迤西大定滇始統一以上平定迤西滇本瘠區不能養多兵川未獨立蔡鏞即遣營長謝汝翼爲援蜀總司令郭燦陳其殷爲援軍巡按統兵數千由昭通入蜀剿平叙州同志軍進據自流井

雲南

第七

七

貢井嘉定等處黔之獨立鏞即以銀三萬兩快鎗一千枝子彈十萬粒助黔都督楊蓋誠北伐哥老會首黃澤霖張百麟爲亂黔紳周沅戴戡等請救鏞復遣軍務部次長唐繼堯率師數營援黔民國成立滇師赴川者遲遲不歸川人屢有責言而唐繼堯竟爲貴州都督人皆服鏞之遠畧未叙蔡松坡雄舉文勢奮舉鏞治滇二年政明事理爲各省最袁總統以其雄武忌之至二年夏令鏞來京備顧問以唐繼堯爲滇都督

微而顯志而晦婉而成章盡而不汙

灤州兵事第八

武昌兵起。北洋軍鎮奉檄赴援者。星夜不絕。僉謂北軍忠勇。亂可速平。而鎮統張紹曾首發難。灤州京師大震。紹曾大城人。充陸軍第二十鎮統制官。駐山海關。永平各境。八月秋操。紹曾統兵詣操行。至灤州。而武昌事起。師遂次灤。久之。紹曾糾合第三鎮協統盧永祥。第二混成協統領藍天蔚。三十九協統領伍祥禎。四十協統領潘矩楹等。奏言。臣等伏讀連日詔勅。武昌失守。大軍南下。驚心動魄。以為世界革命慘史。行將演於國中。彌漫而未有極也。乃旬日以來。中央政策。用兵而外。未聞於

灤州 第八

政治本源。大加改革。以懈其已發。而遏其將萌。循是以往。人懷疑阻。禍患益深。臣等忝膺戎寄。值國家多難。正宜疆場效命。秣馬厲兵。靜候驅策。何敢妄干時政。越職建言。無如警報頻傳。軍情浮動。時聞耳語。各有心憂。乃據各將士等環陳意見。臚列政綱。以改革政治諸端。要求代奏。臣等再四思釋。立言雖或過激。而究非狂悖之談。壓抑既有所不能解。譬亦苦於無術。當此時局岌岌。億眾之向背。實為可慮。萬一中路邁征。軍心不固。大局將益不可收拾。所有各將士請願意見。政綱十二條。謹據情代奏。時太原失守。清廷震懼。立可其奏。採擇施行。

丙午。紹曾復奏。請迅速改組內閣。制定憲法。以靖亂源。復可其奏。并奉溫詔嘉獎。時第四十協統領官潘矩楹。已受軍諮府密飭。使圖紹曾。矩楹猶豫不忍發。事初全在潘趁勢提。庚辰。詔授紹曾為長江一帶宣撫大臣。出為文關鍵。而以潘矩楹為第二十鎮統制官。紹曾電辭。其部下亦電政府留紹曾。不受代。既紹曾客來自津。出矩楹報政

府密電示之。紹曾始稱病。避入天津德國醫院中。隱事始已。既平。灤共駐兵八營。其七十七八兩標共五營。自矩楹接統。即由協統蘇廣傳率赴湯河海陽等處屯紮。餘七十九標步兵三營。歸通永鎮王懷慶節制。管帶

灤州 第八

施雲從。王金銘。為黨人白毓崑等所煽動。昌言獨立。亂復起。一波而起。而三營管帶張建功不從。閉城門。擊一營二營。黨人孫諫聲。以為清軍至。備戰也。登城指揮。亂軍以槍刺斃其腹。推口城下。時王懷慶方駐防開平。金銘等推懷慶為北軍大都督。迫地方紳商籌款。且電告北京政府。外交團。及省諮議局。十一月丙子。標統岳兆麟潛赴開平。告變。懷慶聞警。即單騎赴灤。慰諭。語未畢。王金銘起立曰。吾輩主共和。除專制。且已公舉軍門為北軍大都督矣。即請入室就職。任事。懷慶以勢孤。佯許之。丁丑。第一營管帶施雲從。復延懷慶入營計事。警衛極嚴。

懷慶入謂眾曰細思諸君議論極有理致第餉匱兵寡
為可慮也萬一事敗王懷慶三字一文不值矣故不能
不謀定而後動為今之計籌餉為先樂州士紳吾多稔
者請入城募之如何眾喜以肩輿進懷慶曰吾輩軍人
若乘此者於尚武精神謂何矣遂選良馬乘之去稍遠
輒停驂待眾以示閒暇及行至紫金山猛犴輒向西南
大路馳當是時王金銘施雲從數十人隨行方訝其入
岐途既悟其逃也馳騎追之并發彈遙擊而懷慶馬疾
不能及竟免王將軍逃走智畧騰氣絕倫文亦翔翥飛舞懷慶既逃歸開平
即整軍備戰會曹銀亦將兵至己卯夜半變兵劫火車

樂州

第八

三

乘之期潛至北京銀等已預將雷莊鐵路掘斷而變兵
不知車覆伏起四面圍攻死亡殆盡管帶施雲從王金
銘均生獲殺之餘兵繳械遣散京奉路遂通自九月紹
會頓兵於灤至是兩月餘亂始已總白毓崑者天津法
政學堂教習自灤事起毓崑即為主謀黨人推為參謀
部長及事敗入古廟中以木偶自障匿竟日飢凍不堪
復出走至古冶為淮軍所捕毓崑自有傳此段宜移入傳中毓崑將就
刑慷慨索紙筆為詩伍倫曰吾輩知殺人耳不知文字
無庸向我輩哦詩為也即揮刃斬之黨人後先死於此
役者陳濤董錫純葛勝臣劉瀛黃雲水戴純齡張永勝

常福安馮日興雲振飛文道溥能朝霖孫諫聲何尙達
其迭往游說倖免於難者籍忠寅胡源滙王葆真諸黨
人尚不可勝數也當吳祿貞張紹曾東西轉兵抗疏言
事時北方秩序岌岌不保兩湖總督袁世凱憂之商於
第二軍軍統段祺瑞欲留兵扼武勝關與南軍相持而
自提大軍定北方平反側回後路祺瑞曰此小事無煩
大兵祺瑞了之足矣即芒屨草笠微行北歸去旬日而
祿貞紹曾皆敗將段公引來作結與中段相輝映餘霞散成綺文境似之其藍天蔚
一軍向屯山海關外天蔚倡言革命尤激烈軍士無所
適從祺瑞到并收其軍易置將校激厲才賢撫綏輯安

樂州

第八

四

軍心復固

叙王將軍及段公雄畧獨為精警

吳祿貞被刺第九

九月壬申山西兵變巡撫陸鍾琦死之

山西乃吳祿貞根據故先提明

丁丑命第六鎮統制官吳祿貞為山西巡撫率師援晉

祿貞字綬卿湖北雲夢人庚子時蓋嘗與黨人唐才常

等謀起事漢陽才常敗學陸軍日本回國為肅親王善

耆所識拔因上萬言書於監國載灃條陳東三省邊事

甚悉監國賞其才遂以道員賞加副都統銜充延吉邊

務大臣間島之爭於邊事多所裨益居民利賴以功補

蒙古正白旗副都統調充第六鎮統制官湖北兵起廢

目統各鎮赴援臨行語人云吳祿貞係革黨至前敵當

一

誅之既廢昌至保定論鄂事祿貞主撫謂可以口舌下

也廢昌大怒叱為非計祿貞遂託病不行會山西兵變

命祿貞率一鎮六鎮各數營赴援祿貞頓兵石家莊招

山西守關將仇亮降亮狐疑不敢出祿貞遂單騎叩關

呼亮與語亮感悟出降復單騎至太原說降都督閻錫

山馳歸招晉兵同駐石家莊釋猜疑

祿貞與良弼交最親密二人皆以推

滅頂城勢力為主有祿貞遷晉撫閩良弼實推薦之而不料其即行革命也

初祿貞之赴晉其參謀張世膺劫留運鄂軍火而不附祿貞者則電軍

諮府告變吳氏勝敗樞紐全在此舉祿貞聞之大驚曰山西根本

地尙未固事豈可洩君等敗吾事矣既而曰事已如此

仍吾自當耳即奏言自湖北兵變各省響應如決江河

莫之能禦為今之計莫若大赦革軍而息戰事夫革軍

之所以敢冒不韙赴湯蹈火而不辭者固欲求國民幸

福而非甘心與國家為難也現祿貞已經招撫晉省混

成一協巡防隊二十餘營可供徵調如蒙採一得之愚

請飭馮國璋軍隊退出漢口願以隻身赴鄂說以大義

命其投誠以扶危局倘彼不從當率所部二萬人以兵

火相見朝廷若不速定政見深恐將士忿激阻絕南北

交通而防害第一軍之後路則非祿貞所能強制也抑

更有言者官軍佔領漢口焚燒掠殺慘無人道祿貞桑

二

梓所關尤為心痛此皆陸軍大臣廢昌督師無狀可長

丁士源易適謙逢迎助虐應請聖裁嚴行治罪時第二

十鎮統制張紹曾亦頓兵灤州祿貞電紹曾迅率師來

會起兵於直晉豫之間斷北軍後路電為直督陳夔龍

所得祿貞俟覆欠之不至當是時湖廣總督袁世凱已

授為內閣總理大臣以道梗不能北上患之祿貞以留

日學生統兵北洋屬及援晉輒招降革軍劫奪軍火

嚴電劾廢昌政府雖惡之恐促亂不敢顯斥其非也

寫出被刺之祿貞部下馬標第二營管帶馬蕙田者綠

林也祿貞在延吉時就撫慄悍驚恨以祿貞刻薄常怨

之而標統周符麟亦以事嫉惡祿貞軍諮府大臣載濤因招至都許以二萬金為犒刺殺祿貞蕙田等慷慨自任庚辰蕙田來自都月下與協統吳鴻昌密語涉祿貞事會軍需官李真遺橋下微聞其語告祿貞祿貞自宣撫晉人深入敵境馳驅往還皆單騎無衛隊示坦白及歸自晉不駐營夜宿鐵路站房仍無警衛聞真語殊不置意寫祿貞側至夜半與參謀張世膺副官周維楨方治文牘突有人大呼奉密旨殺吳祿貞他人不問祿貞聞變持馬刀起連斫數人忽飛彈自牕外入祿貞仆地賊持其頭去世膺維楨均中彈死一鎮兵盡旗籍鐵良

利吳祿貞被

三

鳳山迭為督練大臣特優其餉以故與各鎮兵不協見則私鬪此亦各鎮離叛之大因後第一鎮駐北京事始已否則早釀大亂矣鎮兵百餘人伏站臺圍守辛巳夜半起得祿貞之死一鎮兵百餘人伏站臺圍守辛巳夜半一鎮兵懼為六鎮所襲分三路北潰棄子彈三百萬軍械二百餘箱馬四百匹餉銀數萬兩晉軍遂載之而西負關自固不復就撫而北軍後路遂通收虛文氣勁健

江西第十

贛居吳楚之間而九江扼長江咽喉一語已攝起全篇巡撫馮汝駮聞鄂亂憂恐不知所為後聞袁世凱督鄂岑春煊督川以亂可迅弭日軍服乘馬巡視陸軍一周示坦白而檄九江湖口吳城鎮戒嚴九江道保恆知府璞良均旗籍懼請卸篆汝駮不允為奏派提法使張檢督辦江防駐九江壯聲威八月晦薩鎮冰砲艦數艘自武昌戰歸裝煤九江遂巡不去市民謠傳官軍敗民軍將東下薩提督質坐艦於正金銀行日數驚嘗是時駐潯五十

江西第十

一

法教練官黃子卿與黨人李烈鈞密謀起兵九月丙寅夜府署及巡警公所均火起時聞槍聲而巡警及防軍無抵禦者保恆聞警登陸和輪船赴滬璞良亦遁標統馬毓寶聞變即將兵入城鎮亂熄矣及覓道府各官均不得城內無主眾軍遂舉毓寶為都督響應湖北江防督辦張檢聞變夜走徒步三十里始以重賞賃竹輿贛程回省九江鎮李雲峯年七十餘以防營均變懼禍即袖纒白布降莊守忠者馮撫之戚也充三十五標統領民軍既獨立以兵逼之守忠亦走於是九江全埠並沿江礮臺全為民軍所有南昌電由九江傳達九江失

電阻故亂數日而南昌不知及張檢歸自潯未終日而省城騷亂不可止汝驤大懼檄張檢仍駐防吳城鎮吳城鎮近湖口商業繁盛當九江獨立土寇乘機焚掠全鎮大亂巡防統領殺十餘人而後定乃未幾亦懸白旗檢聞不果行熊天覺者陸軍學生自革命軍起晝夜奔走謀響應既遣黨人劉星駟王以立赴潯復說馬營管帶方先亮李柏年工程營管帶蔡森為變軍人時鼓譟馮撫飭自九月起倍其餉復以牛酒為犒自借軍事參議張季煜協統吳介璋親履各營慰勞諭勉得無事初馮撫頗信任新軍及九江起義始知新軍不可恃急檄

江西

第十

各屬巡防軍來省遲已不及甲戌夜半新軍突變焚撫轅城守巡防水師各營聞警亦變市上巡警匿不出旋由變軍牒警區不相仇并勉以大義巡警始陸續荷槍出軍隊則由長官督率梭巡以故城內秩序未至大亂當新軍為變時巡撫以下官皆避匿即協統吳介璋亦不出也城內騷然無主己亥日晡紳商各界開大會於商務公所公議舉馮汝驤為都督而不知其所在丙子始獲自旺子巷民家由各界備肩輿昇歸司道府縣亦以次來會撫轅自儀門外盡焚燬各官履瓦礫場魚貫入形色淒然旋由各界議以高等學堂為軍政府舉汝

驤為大都督汝驤曰若我仍為巡撫司道得仍舊則前事可不究耳都督則吾不敢乃改舉吳介璋介璋亦辭眾迫以大義允暫攝汝驤既不任職丁丑拜辭各團體登輪赴潯官紳軍隊均送至河干汝驤云吾老矣不能助諸君將埋沒姓名求桃源避世耳諸君勉之揮淚而別初藩司劉春霖年七十餘欲告歸巡撫不允及九江失省垣益危春霖悲曰馮星巖將我一把老骨斷送在此乃購毒葯樽木示必死及新軍變春霖由後園穴壁出匿已革知縣錢之銘家之銘革黨得庇不死餘司道盡逃各省新軍與防軍相仇故起事時往往激戰有流

江西

第十

血之慘獨江西既獨立吉安袁州廣信建昌等處巡防軍始奉巡撫檄陸續至至即懸白旗與民軍合故南昌無戰禍革命各省皆有特無戰禍色故特筆記之庚辰汝驤至九江馬毓寶迎至城內館於孫氏宅仍勸為都督汝驤不從辛己夜仰藥死其子邁卒齋巡撫印呈送京師奉優旨褒獎于謚忠愍當是時安徽亦獨立馬毓寶扼九江礮臺林立遇敵船即鳴礮轟擊即非敵船亦檢而後行安慶復更遣兵赴皖議攻金陵威棱赫然遣出贛都督上南昌日夜驚恐謂毓寶恥為分府將統師攻破南昌實毓寶并無此意即介璋自開府視事輿論亦附與毓寶互為聲

援甚相得也。寫馬毓寶有聲有丙戌忽有飛函致軍政

府云孫文黃興在海外開會公舉貴谿縣江西測量司

司長彭程萬為都督恐或違遣敢死隊百人持炸彈入

城備非常軍民兩部聞耗頓驚恐紛散沿路警兵復逃

匿居民局戶是夜敢死隊及五十五標陸軍圍軍政府

三匪突一人自稱孫文代表詣軍政府召集各部開會

宣讀孫大總統與彭程萬受命書眾相顧瞻眙都督吳

介璋即對眾辭職乘小輿出城革命時舊官吏常受騙

此大騙豈時黃興與方慶武漢間孫文在海外未被舉

不異哉為總統眾疑之莫敢究詰文亦奇詭與事相稱程萬既就職誓師

江西

第十

四

辭用書經誓誥體稱予一人讀者驚駭發矇程萬曾留

學日本凡少年歸自日本者皆委居要職引援黨徒連

袂接踵由是軍府政秩序紛亂無能治事者而九江馬

毓寶以更易都督事大未與聞來電嚴詰敢詰者乃在

無人程萬憂恐不知所為府內軍人復擅作威福都督號

令不能下行益日夜虞禍及十月乙未朔程萬辭職軍

政府會議電請九江馬都督為主并遣賀贊元偕軍界

代表赴潯迎迓時皖撫朱家寶既為都督條以潯軍諫

餉肆亂家寶去乃議迎毓寶為都督毓寶辭之然亦未

遽允督贛語贊元云贛一月易都督三軍民視聽淆惑

易動難靜且軍政府及軍界能代表國民公意哉贊元

歸糾合各界發急電備公文赴潯迎毓寶毓寶命各營

公舉管帶范福增為總司令處理軍事而後行壬子毓

寶至南昌視事南昌已十八日無主至是復有都督以

賀贊元為民政部長湔除軍政府積弊重組各部初彭

程萬為都督其所持孫文黃興受命書盡軍官鄒恩灝

陶憲章及少數留學生所為以故程萬遇事輒為恩灝

憲章所制毓寶至眾發其姦已未誅恩灝憲章及其黨

人心大快初五十四標新軍駐萍鄉湘軍起黨人說第

一營降湘標統齊寶善逃地方紳耆公舉黨人胡謙為

江西

第十

五

都督謙所為多不法兵士逐之既復囚於獄中瑞州兵

變知府知縣逃舉牌照委員鄭舉卿為都督不從殺

之而吉南贛總兵趙金凱兵備道吳慶濤均棄官走地

方舉巡防後路統領劉槐森為都督袁州贛州亦各設

軍政分府地方長官均為暴民所逐爭攘無虛日毓寶

至始取消各軍政分府遣委府知事縣知事誅洪江會

匪首十餘人逐令出城去亂稍稍熄矣而李烈鈞援鄂

軍回九江文筆民國元年二月軍官陳廷訓戈克安余

鶴松等偏駐潯衛戍司令官朱漢濤退職并囚禁之舉

陳廷訓為司令官三月廷訓復電逼馬毓寶辭職舉李

烈鈞爲都督，毓寶本武人，其行政皆由民政部長賀贊元佐理，而黨人殊不便。李烈鈞復嗾省議會彈劾贊元，或謂九江聲光皆李烈鈞一人所演，限毓寶三日，宣布罪狀，拘送法庭，否則別舉都督，毓寶以贊元無罪受逐，而駐潯軍隊，又聲言將赴省，遂電南京政府辭職。三月，李烈鈞至南昌，烈鈞贛人，雄武權奇，潯起義，充陸海軍總司令官，功最多。潯軍亂，皖充皖都督數日，後以皖人不服，始離皖，將兵援鄂，民國成立，烈鈞遣參謀陳廷訓等歸，據九江，都督馬毓寶遂爲所逐。至是以陳廷訓、歐陽武、余鶴松等爲腹心，汰冗兵，殲除洪江會匪，漸能統一。

江西

第十

六

一、七月，政府始正式任命李烈鈞爲江西都督。至二次革命，烈鈞仍據湖口起兵，敗奔日本，語詳革命始末篇。



貴州第十一

黔僻處萬山中，風氣阻絕，武昌兵起，黔老及官吏方以地無革黨相慶，幸巡撫沈瑜慶復檄省垣新軍出防，外屬備不虞，謂可無事矣。貴州革命初起情形，與湘畧東而黔無之，致借才異地，前路同但湘有一譚延闓以爲收層層鋪敘者，爲唐繼堯作勢。然黔會黨頗多，有自治社，有憲羣社，有光復公會，自治社以張百麟爲首，憲羣社以任可澄爲首，而黃澤霖則光復公會正龍頭也。光復公會，卽哥老會，尤秘密，自治憲羣兩社，素不相能，鄂事起，黔紳蔡衡武爲和解之，設全黔自保會，謀響應湖北，而以光復公會爲其機關部，招集會匪三千餘人，匿

貴州

第十一

迹附郭間，澤霖復密說新軍教練官楊盡誠，隊官趙德全，及學堂學生爲變。九月丁丑，自保會遣會員郭子華謁巡撫，請爲會長，宣布獨立。時陸軍巡防營及撫署衛隊皆貳瑜慶懼，允之。戊寅黎明，陸軍學生及新軍巡防營數百人，哥老會匪數千人，同時入城，分定藩庫、火藥局各官署，宣布獨立，改諮議局爲軍政府，舉楊盡誠爲都督，趙德全爲副都督，巡撫沈瑜慶布政使王乃澂等，均散走。當事之將起黨人劉琪、溫瑞庭等，與哥老會約塗白粉左目，下爲識，禁剽掠，陸軍復監視之，故哥老會雖衆，未爲亂，而自治社首張百麟以非軍人，不得爲都

督恨甚振衣千遂與任可澄謀創設樞密院自爲院長

可澄副之復與黃澤霖相結募會匪萬餘人入城給械

盡編爲軍明開山堂自注山堂者哥老會之會所甲士踵錯於途片

語且吾輒拔刃相仇殺莫敢問楊蓋誠本庸懦又眾新

附望不屬由是實權盡歸樞密院黃澤霖既擁有多兵

遂自稱巡防大總統凡提鎮將領皆有權任免欲奪都

督者屢矣蓋誠懼甚揚言援鄂率兵入湘副都督趙德

全攝行都督事益畏澤霖遂附其黨自是都督府亦明

開山堂迎元帥印鳴炮二十一響王榜張甬壁長數丈

德全以都督輸千三百金僅得承堂職其階級去正副

貴州 第十一

龍頭尙遠也援川議起眾推澤霖澤霖要軍餉二十萬

財政部爲所脅如索與之澤霖仍不行者老會詰之乃

遣行兩營一取道遵義一取道大定所至殘破當是時

黔公口自注公口者哥老會之別名有百餘處甚盛益興川滇會匪

聞風踵至黔大局岌岌不保駐黔陸軍第四標統帶劉

顯世團防營統領胡錦堂獨不附澤霖嚴整軍紀省垣

治安賴以保持澤霖既不援川而多金其同黨屢謀劫

之澤霖乃卽貴山書院山上築高樓環營房自衛復時

縱反間離軍構釁流布訛言駭動愚眾所部無不疑貳

吳子清者東路巡防先鋒隊什長與澤霖僕夫不睦譏

之澤霖不察欲殺子清時諫者甚眾分統李香池語尤

切均不聽至夜竟斬之先鋒隊大譁澤霖怒復黜退李

香池等十餘人眾益懼十二月戊申先鋒隊僞縛二人

臺持槍送入總統府云某某挾械潛逃今緝獲請懲之

澤霖方出室遽爲眾所殺初張百麟與澤霖相倚爲暴

知不容於眾託名安撫出巡西路安興等府沿途文武

官吏任意罷免敲詐欺奪得貲鉅萬及歸復強索金萬

兩黔民尤恨之眾既殺澤霖卽圍百麟私第百麟易服

雜眾中出匿都督府眾大索終日不獲夜復圍都督府

迫趙德全出百麟德全力白其誣眾不信入搜之果不

貴州 第十一

獲百麟竟免焉省垣匪勢畧衰矣方張黃爲亂時黔紳

周沆戴戡唐爾銀等哭訴於滇都督蔡鐸遣參謀次

長唐繼堯率兵援黔推出唐繼堯黔有主筆亦有主元年二月癸酉繼

堯至貴州者老會代表出城歡迎並遞陳都督趙德全

罪惡三十餘條迫令辭職繼堯亦與德全書謂眾怒難

犯願擔保身家自行辭職德全不答陰與同黨民政部

長藍鑫統帶葉占標等謀焚叔省垣大掠颺去三月丙

子朔繼堯會黔陸軍第四標統帶劉顯世團防統領胡

錦堂兩師入城以次擊定都督府火藥局司令部等處

趙德全藍鑫葉占標潛遁次日復擊定城外南場黔黨

山頭橋等要隘餘匪省垣大定。耆老會遂公舉繼堯爲都督。初滇兵將至黔管帶陳開劍先率眾由貴定據掠而東至鎮遠防軍兩營和之遂進陷銅仁憑城固守時陸軍管帶陳鍾岳方在籍養疴招集鄉團與司令官劉德坤東路巡按使何麟書合力攻之戰十餘日復銅仁開劍遂東竄入湘黔大局畧定初楊蓋誠率師援鄂至常德黎元洪以共和將次告成止之蓋誠畏張黃不敢歸及澤霖誅死百麟逃滇軍復入唐繼堯爲都督蓋誠益不得歸乃赴滬請孫文加給委任狀謀返黔黔紳戴戡劉顯世任可澄等聞之大懼乃通電數蓋誠罪曰并有

貴州

第十一

四

多事實見於兩電中藉黔省自遭張百麟黃澤霖趙德以補叙亦史記常法 黔省自遭張百麟黃澤霖趙德全等哥匪之亂糜爛已極紳民潛遣代表赴滇乞援業蒙俯允代平禍亂大局救平黔人感激有同再造方謂此後長保安甯詎閱前都督楊蓋誠自武昌來電謂已得孫大總統資助餉械並加給委任狀促令歸黔云云聞省震悚如聞迅雷查楊蓋誠本無功績又鮮材能反正後忝任都督毫無表見張黃提攜濫招匪類爲害地方蓋誠不能制止反見好喉令橫索餉銀虛糜鉅款以都督之尊至令黃澤霖面加唾辱順受不辭乃藉名援鄂索餉銀六七萬甫出省一日即被擄騰笑四方所統

兵在鎮遠銅仁勒索餉項行同搶劫尤異者蓋誠出巡大開山堂所用旗幟均書某漢公字以至民間只知道龍元不知有都督及其赴湘留兵站在銅仁兵官陽陪武勒索苗人幾釀大變復招集鎮遠棠屏兵隊屯駐銅仁姦淫擄掠慘不忍聞其部下標統蕭洪斌在常德淫擄業經正法又所部隊官陳勉齋携械率眾回黔肆擾龍里貴定被害者數萬家且蓋誠出省數月無一字回黔趙張秉權時即由立法院議決取銷其職以趙德全爲正都督黔人當時無或異議者固懾於張趙之威亦以蓋誠罪有應得無足念也夫當時危勢迫則擁眾還

貴州

第十一

五

行置地方人民於不顧及事已平定則靦顏歸來坐享高位人縱不言亦何面目復入黔境乎現經各界公同議決如蓋誠不知自責妄生希冀吾黔人全體誓以武力相見縱犧牲生命有所不辭蓋誠既見擯黔紳不敢歸入稽滯常德聞湘人患之副總統黎元洪湘都督譚延闓迭奉袁大總統命遣員調解而黔人謂楊軍爲匪卒不許其歸且請政府速解散之四月政府遂任命唐繼堯署貴州都督五月駐常德軍官蔡爾駿席正銘徐焜等通電自白云自滇兵詐入黔守者既遭殺逐行者復被遣散黔無一可用之兵徒以二三人欲固其位

藉滇兵勢力。賸黔民脂膏。為滇人奴隸。尤可駭者。鎮遠
 嗣仔一帶。滇兵雲集。凡歸自湘。涉軍界。殺無捨。復抄滅
 駐常軍人家屬。人孰無情。回首家山。椎心泣血。吾儕武
 夫。讀書粗知大義。再四籌思。若久駐常。餉糈誰濟。若接
 管回黔。始必勒繳槍械。繼必橫肆慘殺。前車之覆。後車
 之鑒。是久留湘死。歸黔亦死。束手死。不如血戰死。
 現公議決。整隊回黔。誓以數千健兒。頸血飽滇軍鋒刃。
 齋粉所不辭矣。然我軍之出也。楊都督率以出。今日我
 軍。必奉楊都督以入。羣以死爭。斷不容楊都督棄我軍
 於不顧。若據有我黔土地。慘殺我黔同胞。據掠我黔金

貴州

第十一

六

銀如唐繼堯輩。必剪除乃止。行將擊楫中流。誓茲湘水。
 率吾黔壯士。還我貴山。陳開釗餘軍。既敗竄入湘。久之
 與駐常黔軍合。此接有嶺斷雲連之勢十月。陳開釗。席正銘。田荆
 椿等。招納湘中流亡。及松桃江口諸苗。共二萬餘人。回
 黔。猛撲銅仁。時陳鍾岳為北路總兵。復與劉德坤何麟
 書等。憑城固守。開釗等據外高山。以大礮轟城。勢張甚。
 鍾岳等迭出城與戰。月餘。獲開釗殺之。正銘亦潰散。黔
 自經此戰。大局始定。二年。以唐繼堯為滇都督。任命劉
 顯世督黔。銅仁為黔東門戶。陳鍾岳固守。裏創兩次血
 戰。卒定黔局。乃未幾。以勞病卒。黔民悲思。籲請大總統

建專祠銅仁。報賽至今。篇未得此鎮住通篇文氣亦厚重有餘

貴州

第十一

七

上海第十二

滬岸海為長江門戶。縮殺蘇浙陸軍水舟。全國交通恃為樞紐。敘上海形勝何等嚴重以下寫取得上鄂事起

黨人圖之尤亟。武昌軍政府特派湘人李燮和為總司令。偕敢死士十餘人來滬。密謀起事。滬南製造局產軍火。南北利賴。故欲下滬。必先下製造局。局勇故多湘人。燮和綢繆連結。說降局勇。敢戈不戰。陳其美者。浙黨人。人居滬。與燮和共。唆巡警商團滬軍營為變。聞北巡警局長姚立德偵知之。立收隊兵。子彈九月丁丑。立德自外歸。有預防隊數十人守局門。求發彈。立德支吾。隊官

第十二

汪景龍厲聲喝責之。隊兵即鳴槍示威。局員聞警。星散。條樓上火起。巡警袖圍白布。光復旗豎門外矣。舉管帶陳漢欽為首。宣布獨立。當是時。城內商團聞風亦變。商團及巡警既變。滬軍營亦變。管帶洪適聲懼禍。先期逃其美等以為義旗所指。無不歡迎。製造局可唾手下也。反振一筆極抑揚之妙為註字作勢日既暮。其美觀各廠工匠散出。率十餘人往攻製造局。僱人王鐘聲夏月潤與焉。局前左右盡土崗。營勇棋布。局門僅通微徑。中架礮守之。形勢甚固。其美恃局勇歸附。乘勢擁入。聲言往謁張總辦。接收局務。局員以其詞狂悖。反接其美手足繫馬廐中。民軍

疑防勇悔約。擁至局前。逡巡不敢進。突有敢死隊二人。擲炸彈於階。聲隆隆。然管帶蘇文斌亦飭局勇鳴槍嚇之。民軍聞槍聲復疑局勇欲戰也。大駭而奔。時黨人李平書乘馬車至商團隊。亦至平書下車。行不數武。遇逃者。倉皇喘息告以敗。平書戰慄足軟不能舉。而十餘人雜沓來。擠平書仆地。大號御者劍而置。諸車狂奔去。商團隊行及局門。聞炸彈聲。變色却步。見逃者亦返身奪路走。忽哀號聲出隊中。則商團公會幹事張沛如誤觸槍刺洞胸倒地。驚擾間。前伍刺刀刺傷後伍臉頰者。益叫嘶紛拏不已。寫一証情形如畫筆筆入神滬道劉燕翼聞警遁入租

第十二

界署內火起。居民訛言蘇州兵大至。張皇疑懼。城內外白旛瞬息盡偃。其美既兵敗被執。燮和復徵集各軍。繼至。預防隊管帶陳漢欽商團長高一梅畏險仍不敢進。徘徊達旦。而隊官王介夫中流彈死。戊寅拂曉。諸軍齊集。猛以炸彈轟燬局門。而內門仍堅不可入。局勇不響。應亦不抵拒。相持久之。粵人錢林一與匠人有同里者。遇之。始導往局後。踰垣入。敢死隊周德厚潘永強姚毓江邵汝欽等繼之。灌煤油於薪。焚之火起。總辦張士珩管帶蘇文斌乘船遁。漢欽等乃率隊入。局勇見之笑曰。吾輩候君久矣。來何遲也。於是製造局遂為民軍所有。

其美得免矣。民軍既克製造局，滬礮臺統領姜國樑遊擊龔光輝，參將許宏恩皆降。惟巡防統領梁敦彥不從。并電江督請兵，電爲黃漢湖所得，卽勒兵逼之。敦彥知不敵，棄師遁。於是防軍之駐龍華子葑廠者，亦懸白旗降。民軍遂全有滬地。李燮和以司令部長行都督事，出示安民。庚辰開會組織軍政府，滬紳以上海爲全國交通要區，而偏處租界，公議以伍廷芳溫宗堯出任外交。廷芳以老辭，繼爲地方治安計，勉從衆議。既開會，其美對衆自述在製造局被囚情形，有居功意，優人王鐘聲和之曰：微陳君力，上海不能有都督。非陳君莫屬。衆因

上海

第十二

三

上海之克原出一証。註：無明証字，爲通篇主意。無戰功可言，而李燮和當戰時適抱病未往，相視唯唯。伍廷芳曰：上海一隅地耳，稱軍政分府可稱都督，不可語未畢。鐘聲擊槍起立拍案曰：上海乃吾輩血戰而得，誰反對稱都督者？吾以此槍擊之。都督由優人証得。廷芳默然不歡而散。其美遂自稱都督，以鐘聲爲參謀長。焉李燮和既不得都督，又不欲顯爭起內訌，乃避往吳淞口，自稱都督。云吳淞軍政分府。隸武昌，不受上海節制，而輿論頗不直其美。其美懼甚，粵黨人陳鐵生充其美副參謀，奔走游說，卒使其美出餉銀三萬兩，快鎗三千枝，贈燮和，始懽然無間矣。

由是一府有兩都督，各省分府之未稱都督者，皆聞風改稱都督。都督滋益多。註：仍是王鐘聲以優人無行，不容於軍政府，挾資遁。至天津，仍稱滬軍參謀王大人，密謀爲直隸都督。天津鎮張懷芝捕殺之。自民軍起，滬甯火車守中立。伍廷芳出任外交。三日後，火車遂爲民軍所有。輪運敏捷，蘇浙便之時，蘇地歸民軍。八九惟金陵爲張勳固守不下。蘇浙起聯軍，舉徐紹楨爲聯軍總司令，會攻金陵。辛卯，李燮和遣濟軍六百赴甯。濟軍者，廣東龍濟光之軍。岑春煊調以赴蜀。甫至滬，鄂事起，春煊不果行。滬道劉燕翼飭鈞和輪船管帶馬廷樹載至吳淞。

上海

第十二

四

以各兵待之，頗不禮焉。濟軍怨甚。上海光復，陳其美欲招致之，統領黎天才曰：吾輩來滬久矣，滬人誰親我者？事急而見招，吾輩頭顱雖賤，豈能無價值如此哉？守中立不出。吳淞軍政分府李燮和聞而壯之，與陳鐵生謀結以禮義濟軍，感激燮和既率師與聯軍會，濟軍慷慨請爲先鋒。後卒賴其力，奪幕府山，克金陵，爲功首。語詳江蘇篇中。上海爲民黨所聚，其美既首倡名美，實歸義師。益相繼起，有光復團，規復團，光復軍，國民軍，學生軍，敢死隊，決死隊，北伐先鋒隊，北伐獨立隊，北伐預備隊，北伐女國民軍，女子軍事團，名號繁多，不相統屬。是

訂羣集軍政府索餉其美不能給亦不拒之支吾而已其美苛斂橫征商民咨怨既為都督仍治遊日平康狎妓人號為風流都督然滬報館畏威無敢暴其實者十月丙辰殺鎮江軍政府參謀陶駿葆駿葆平南京有功而與陳其美有隙會駿葆以事至滬謁其美其美即坐以扣留軍械罪殺之於都督府內或曰陶駿葆陶成章皆光復會黨人其美仇視異黨故致之死疑莫能明也民國元年春以其美為工商總長又數月軍政府裁撤滬治權始歸江蘇都督二年黃興等為亂其美仍攻製造局到底語詳革命始末篇又數年陳其美為仇家所殺

第十二

五

江蘇第十三

江蘇財賦甲天下形勝亦足控東南清末凡督撫同省者皆裁併江蘇獨否將軍總督駐金陵巡撫駐蘇州一仍其舊畧叙舊官制籍以攝起全八月鄂亂警耗至蘇撫臣程德全召統領劉之潔等議進止之潔曰時局轉移視鄂勝敗及他省響應與否儻長江各省響應日多蘇居其間難獨異宜沈機觀變以俟時耳德全然之態度殊從容署內外防衛不異平時有訛傳巡撫眷屬赴滬者德全特命其夫人乘絳肩輿盛儀衛從鬧市經過謝客二日民心頗恃以自固九月戊寅上海失守蘇紳

江蘇

第十三

潘祖謙尤先甲孔昭晉江衡等先後說德全宜自保免禍德全允之命孔昭晉草自保條件已卯夜突有民軍五十人由滬到蘇蘇新軍駐楓橋即與民軍合庚辰拂曉馬隊步隊工程隊輜重隊偕民軍入城守四門維治安徑謁德全推為都督德全嘆曰時勢至此無可奈何但須秋毫無犯不使百姓苦耳語次民軍進江蘇都督印德全受之當民軍之將至德全延司道集議提法使左孝同以世受國恩主防禦繼見事不可為仰天大哭巡警道吳肇邦參謀吳茂節協統艾忠琦均聞變走左路巡防營管帶戚雲從以俟統領命不即從為變兵所

殺以督練公所爲都督府。蔣懋熙爲巡警道。應德宏爲財政司長。江紹烈爲司法司長。而以陸軍協統劉之潔爲蘇軍統領。各省舉義盡民黨。官與民齟齬多紛擾。獨蘇以行政長官順民欲仗義反正。勢順事舉。雁吠不驚。是日常州府亦獨立。送知府長明至蘇。舉何健明爲都督。上海舉陳其美爲都督。庚辰松江獨立。知府戚揚走防營管帶余志斌。劉世全均與民軍合。舉鈕永建爲都督。清江十三協兵變。江北道馮良逃。城陷。亂兵掠數日。呼嘯星散。土匪繼之。凶狠甚於兵。鄉民起團練。自衛。亂入之鄉民始推參議蔣雁行爲江北都督。辛巳鎮江軍

江蘇

第十三

二

獨立副都統載穆死之常鎮道林景賢知府承璋棄城走。民軍盡有沿江砲臺。舉標統林述慶爲都督。述慶木訥。其起義事皆主於參謀陶駿葆。及爲都督。駿保恐述慶見人令深居簡出。爲傳達意旨。由是鎮江軍政府威望赫然。揚州在江北。聞江南亂也。人心大震。會日暮有顛人孫天生者。身纏白帛。路舞飛揚。因防兵入城求餉。大呼革命。奔入運署。運司增厚莫知。虛實倉皇。走。顛人其來而官卽倉皇遁走。捕防兵因劫庫銀數十萬。縱江寫當時驚惶之狀入神。都甘泉兩縣獄死囚。終夜狂譟。時防軍統領徐寶山方居鎮江。聞變。馳回誅天生。鎮壓亂兵。翌晨亂定。公舉寶

山爲都督。時兩淮州縣紛紛告急。寶山將兵星夜馳赴泰州。興化鹽城阜甯東臺各縣定亂。東臺防營管帶劉鳳朝。剽掠商旅。尤殘暴。寶山至。誅之。戊子。淮安獨立。知府劉名譽走。山陽令姚榮澤殺黨人周實阮式。淮安秩序復定。自江北亂後。變兵四出。劫掠詐墟。市蘇軍統劉之潔致書江北軍官。規之。且招使至蘇。厚兵力。共攻守。其言至深痛。然江北去蘇遠。無來蘇助戰者。蘇方規復金陵。亦無暇北顧。都督蔣雁行無力。統馭以故。江北糜爛。爲江蘇最當。是時江蘇全境皆歸民軍。獨金陵孤守。頓住蘇州軍。叙金陵事勢如此。文勢亦如此。方贊篇首叙舊官制之妙。金陵駐陸軍

江蘇

第十三

三

第九鎮江防營十二營。新防營十營。初長江事起。巡防統領王有宏請率兵三千赴滬。守製造局。斷蘇杭鐵路。扼長江樞紐。而總督不能用。總督張人駿將軍鐵良疑新軍皆民黨。靳子子彈。檄統制徐紹楨移駐陵關。調巡防營城守。更命紹楨將部下眷屬送督署爲質。紹楨如言。始每兵給子彈數粒。新軍憤怒出城。始決意爲變。時城內人心恐怖。訛言將軍鐵良仇漢。昇大砲於皇城後。宰門北極閣上。將燬城。同歸於盡。於是城內秩序紛亂。不可止。鐵良張示自白云。外間謂滿漢挾恨。本將軍將仇殺漢人。要知殺盡漢人。滿人將置身於何所。且本

將軍亦猶是人也。胡能出此人。駿則日榜示軍。諮府戰勝報以鎮民心。復奏請暫以鐵良爲沿江巡閱大臣。別以漢員爲將軍。泯嫌疑。不報。當是時。江防營統領張勳。勇氣勃發。視民軍蔑如也。金陵之戰。以張少軒爲主。故特筆標出。庚辰。蘇議員仇繼恆。虞洽卿。謁人駿。謂蘇滬相繼陷。金陵孤守。難請宣布獨立。免戰人駿。鐵良亦懼。有允意。卽召集文武官議。進止。張勳首抗議。謂不戰而屈兵家之恥。如戰敗。則與之耳。摹繪張少軒精悍絕倫。新防營統領王有宏。和之。各司道則承張鐵意。主中立。人駿鐵良相覷。議竟夕。不能決。初鄂事起。人駿命王有宏增募防軍。會徐寶山來甯

江蘇

第十三

四

勳已有備。戰三小時。新軍彈盡。死千餘人。紹楨大敗。退鎮江。餘兵皆潰散。張勳知民軍必大至。而又恐張人駿鐵良之臨危致命也。乃禁人駿鐵良於北極閣。留兵護之。金陵城險。而大勳所將三千餘人。餘新防營及旗營數千人。不能戰。勳初不以兵單爲慮。日帕首芒屨。短褂大刀。與王有宏趙會鵬胡令宣等。馳驅警視。梭巡城中。極寫張少軒爲民軍大振作勢。紹楨等既敗。民軍大憤。揚州都督徐寶山鎮江都督林述慶。蘇軍統領劉之潔。浙軍司令朱瑞。濟軍統領黎天才。及滬兵共萬餘人。舉徐紹楨爲聯軍總司令。張勳爲袁世凱舊部。當事急時。遣統領高元善。賈

江蘇

第十三

五

軍敗癸卯民軍復糾合大隊再撲紫荆山戰至日中勝負猶未分防營管帶馬占魁大呼衝鋒民軍復敗張勳方臨陣指揮忽報民軍有支隊降勳大喜停戰以待民軍既入戰線突開槍勳兵不及防陣遂亂民軍乘之遂奪紫荆山浙管帶葉向高鎮軍管帶楊韻珂江防統領成文均戰死是日蘇軍劉之潔亦奪雨花臺雨花臺幕府山紫荆山既失又二日天保城遂全爲民軍所有金陵不能守乙巳張勳鐵良遣徐州鎮胡令宣至雨花臺與蘇軍統領劉之潔商美領事出堯化門與總司令徐紹楨商命張勳退出金陵而以不殺旗人許張勳率兵

江蘇

第十三

六

說述慶徽甯都督印於德全檄各省兵移駐城外甯垣始定矣而同盟會黨人麇至勢凌氣驕德全意不自安稱疾辭職會民軍建臨時政府於南京以德全爲內務總長蘇人舉前廣西右江道莊蘊寬爲都督元年四月南京政府畢莊蘊寬辭職仍以程德全爲都督時上海軍政府江北軍政府揚州常州兩軍政分府皆未撤而黃興於南京更新建留守府號令紛岐莫能統屬^{總束筆力}舉揚州都督徐寶山憂之電政府云^{借徐電結束全篇}查軍政府與軍政分府之設本爲光復之初一時權宜之計若循此日久不圖變計互爲長雄爭端迭見或爲權利或爲私仇原因各有不同貽害地方則一寶山蘇人也姑就蘇論江蘇一省有軍政府三蘇州上海清江是也有分府二揚州常州是也有留守府一南京是也論階級則以留守爲最尊然號令行於軍隊而不及省外論名分則以江蘇都督爲最正然權限且不能及於分府遑論清江與上海乎以故數月之間統係不明政令歧出下級官吏既覺無所適從各屬人民亦徒淆於觀聽一省如此全國可知寶山瞻懷時局憂心如搗謹先自請取消揚州分府以爲統一倡五月陳其美蔣雁行來京上海軍政府及各分府皆廢六月南京留守府亦廢江

江蘇

第十三

七

蘇始統一

論曰吾聞之蘇軍統劉之潔云民軍之圍金陵號四萬人實浙兵三千蘇兵三千鎮江兵三千淞滬軍二千共萬一千第九師自雨花臺戰敗潰散無一存故徐紹楨為總司令兵非已屬將之甚難城內兵江防營三千新防營三千合之胡令宣兵二千衛隊二千亦萬餘人而旗防不與焉方事之未起王有宏請率兵守滬斷蘇杭路一時黨人聞之皆驚懼又有人獻計守鎮江鎮江保則金陵固而總督將軍皆不用民軍乃大舉幕府山之失因守臺官有貳志不然濟軍雖勇奪之不若是易張

江蘇

第十三

八

勲之退鎮軍最先知揮兵逐之於浦口獲餉最多陳其美之殺陶駿葆蓋因爭餉之潔當時率兵攻金陵東南身親戰事故記其言如此

浙江第十四

蘇浙岸海相唇齒又有滬杭甬鐵路相通流故蘇於九月已卯獨立浙亦隨之浙駐防將軍德濟有兵千餘不堪用而巡撫增韞有循吏名民黨散播流言謂巡撫宿督練公所或大關輪船上無定所城市聞之益皇恐銀根緊急商業停滯不流機戶工人閑散者萬餘居民一日數驚爭逃走巡警道場士燮嗜古好飲亂仍不悛增韞召與計事面戒之士燮恚請投劾去增韞無如何九月癸酉閩省官紳集撫署會議紳士欲浙江先宣告自保增韞不從甲戌上城羊壩頭火起自是日日有火警

浙江

第十四

一

丁丑盜集清泰門外焚掠官吏坐視不敢出諮議局副議長沈鈞儒請毀旗營編駐防兵為漢籍以免交關將軍德濟亦不從戊寅增韞復召集會議至夜仍不決紳董臨辭云禍懸眉睫矣而大帥不知恐後悔無及耳是夜半八十二標標統周承炎八十一標新軍及敢死隊由南星橋乘汽車入城城內巡防兵巡警應之敢死隊猛攻撫署女士尹志銳尹維進尤勇猛首擲彈焚堂皇增韞聞警奉其母踰垣走既為民軍所獲禁於福建會館已卯藩司吳引孫提法使啟約織造聯榮均走滬衛隊管帶趙翰楷已逃走繼謀救增韞途遇民軍被戕浙

新軍一鎮駐杭一協駐甯波一協駐杭軍變時統制蕭星垣逃走眾擁協統蔡成勳爲都督成勳以未得諮議局同意爲辭黨人許次日開會公舉成勳詭許之即夜單身亡去眾乃舉童訓爲都督訓望輕軍界不附懼辭乃舉湯壽潛爲大都督褚輔成爲民政部長周承茲爲軍政部長而駐防旗營仍抵抗不降庚辰軍政府命增韞函勸德濟降使者至滿營外旗兵輒擊之不得前民軍在吳山發礮傷旗兵數十人旗兵亦殺漢人置尸營外民軍怒圍之三匝初滿營大礮因久置召匠修之匠竊其樞捩詭云修竣至是架礮城上礮不能然德濟懼

浙江

第十四

三

遣協領貴林至諮議局求和議員杭辛齋等商請軍政府限旗營七點鐘內繳械毀城壘貴林如約和議定省垣戰事遂息是日湖州紹興均獨立紹興舉王繼高爲都督辛已嘉興獨立知府楊兆麟巡防統領沈棋山遜公舉中學堂監督方於笥爲都督衢州獨立統領劉忠樑爲都督甯波地濱海商務繁勝甲浙省爲重鎮自武昌事起官紳設立保安會鎮恐惶至是改保安會爲軍政分府推協統劉詢爲都督標統常榮清爲副都督未幾金華台州等府亦相繼獨立浙東西盜賊竄起剽掠王戍遣管帶俞煒率兵一營赴滬助防製造局殺前長

興縣知縣文海文海前吞沒漕糧十餘萬金在杭置田產甚富有謂其私蓄軍火圖起事者遂殺之籍其家產充公逮仁浦副都統嵩齡理事府斌福嵩齡斌福不降故囚之戊子殺旗營協領貴林存炳哈楚顯量海滿城之戰皆貴林等主之及繳械多窳敗者軍政府稽檔案滿營會領槍四千枝子彈五十萬貴林所繳不及半已疑之至是將軍德濟貽書軍政府告密洩匿槍所民軍入搜果獲槍彈甚多遂捕貴林等殺之當是時蘇浙地皆入民軍獨江甯張勳固守己丑遣兵三千會師江甯以朱瑞爲總司令釋巡撫增韞各省之變盡軍人故都

浙江

第十四

三

督督軍界長官獨壽潛以紳望被舉主張和平文海等之被殺皆軍人意不俟都督命而行壽潛志甚然德濟增韞卒賴其力得免十一月己巳以蔣尊簋爲水陸軍總統尊簋廣東陸軍協統廣東獨立充軍務部長攝都督數日泊粵亂亟乃歸浙丁未南京政府成以湯壽潛爲交通總長壽潛以軍人跋扈久思去至是檄每府遣代表一人公舉蔣尊簋爲都督王戍尊簋就職民國元年七月蔣尊簋免以朱瑞爲都督

福建第十五

閩岸海黨人素多而將軍總督皆旗籍故嫌疑易搆革命風潮易以盪起武昌之變由新軍將軍樸壽總督松壽每惴惴以新軍為慮凡藥庫子彈悉移入旗界中選健壯旗卒別編為健勝軍以佐領定煊為管帶凡十三歲以上男子均使荷槍學打彈婦女則各給刀一柄協領文楷以漢人仇滿也更組織殺漢黨以為抵制九月初旬居民一日數驚謂旗兵伏地雷備事急同盡又謂文楷將狙殺漢人流言愈惡諮議局議長劉崇佑提出議案請宣告獨立自保俟事定擇能保民而有主權者

福建第十五

歸之經眾議決說松壽已允矣而漢口官軍捷報至議復中阻壬午諮議局復牒松壽要讓政權歸新政府令旗兵繳軍械免交開松壽接視知大勢不可挽有允意而樸壽不從檄健勝軍整隊備戰初黨人孫葆瑤吳景震彭壽松等由南洋運炸彈數百箱迭與礮營管帶蕭奇斌步兵管帶林肇民林仲鏞等密謀起事至是推第二十協統領許崇智為總司令置大礮禹山至夜果有旗兵數百人持水龍灌煤油擁入津門樓鬻峯坊軍門前河灘等處沿街縱火同時炸彈隊長吳景震亦率數十人奔入旗汛口擲彈轟擊火光燭天而礮營管帶蕭

奇斌在禹山以大礮射旗營總督松壽聞變自經死旗兵及婦女投河死者數百人將軍率殘卒千餘人走水部門外機械局自保癸未旗兵五百人復趨禹山砲臺道與新軍前隊遇新軍敗死數十人會統制孫道仁檄長門兵繼至夾攻之定煊陣亡旗兵敗死百餘人甲申黎明旗兵復欲奪據井樓城大樓新軍復敗之初旗兵遁入機械局新軍恐燬民居止礮擊至是不得已復以大礮攻之旗兵不支將軍樸壽副都統勝恩易服逃道為新軍所執囚於禹山大士殿旗兵遂懸白旗降承認諮議局前提條件繳毛瑟槍千餘枝子彈萬餘粒乙酉

福建第十五

給旗營米五百包并人給銀一元遣之樸將軍願負人望美領事為緩頰即統制孫道仁亦舊交甚相得也和議成設筵宴之訂次日釋歸矣至夜軍人環請道仁殺樸壽道仁不從大譁劫道仁出令箭時樸壽已就寢呼起殺之拋尸禹山下丙戌公舉孫道仁為都督登十八星旗當事之初起司道各官盡奔匿藩司尙其亨旗籍懼禍道仁護之出境而以臬司鹿學良為藩司已而學良亦去勘倉庫被劫一空軍政府檄州縣繳地丁釐金甚急而州縣以辦團備匪故無應者十月庚戌汀州府亂士民說知府來秀繳印於自治公所護之走汕頭來

秀曰印受之朝廷我弗能與也仰藥死永安縣知縣劉念慈抗拒不屈民軍繫之豚柵中自刎死連江縣知縣王榮綬亦爲變兵所殺地方日焚亂軍政亦無如之何也道仁湖南人其父常率兵閩中故道仁部下多湘人及事平軍久無餉道仁乃令軍人盡隸閩籍盡義務而月給副都統勝恩百二十金

浙江湯壽潛福建孫道仁均不嗜殺合革命宗旨故叙二人處特見精神

福建

第十五

三

安徽第十六

皖當吳楚要衝鄂失而潯繼之官吏紳民亡命者麇集於蕪湖安慶各埠由是皖江騷動不可止起筆有風驅雲湧之勢未幾南昌亦陷紛傳革軍將順流東下市民愈驚怖而官僚眷屬尤甚撫臣朱家寶特將其夫人并子女乘肩輿出東門至英果敏公祠小憩復迂道江干至西門外大觀亭游覽設宴饗客以示間暇而人心之驚恐如故九月癸酉新軍礮兵紛入城携布被赴典庫強質日暮商家皆扃戶巡警匿不出夜半礮營自城外發信礮數聲而城內無應者知事洩遂潰散聲言連合英霍二山駐軍及一二標各營進攻省城家寶遂下令戒嚴閉城門甲戌夜二鼓西門外老馬營北關外協司令部集賢關外六十二標營同時火起變兵猛攻北門江防營登城擊退之而六十一標兵亦隨變標統胡永奎先期收各軍子彈儲標署樓上變兵環樓下欲攫取永奎從樓上擊之至天曙始散初皖省有防軍數百人防護菱湖嘴火藥庫及事起家寶迭告急江甯陸續調江防巡防各數營并兵艦游弋江中而城內外復按區編練商團與巡警相輔助布置完密故新軍變二日而城不陷朱鳥

撫善守畧作一頓文勢紆徐家寶遂命各新軍長官解散軍隊其照

繳軍裝者人給六圓於是工程輜重駁馬步各營一律遣散諮議局聞之大譁議長童挹芳要家寶速撤防營招回新軍改練民軍以保治安當是時蘇杭皆獨立警電紛馳北京趙秉鈞亦傳達內閣意謂勿貪小節致味遠旨家寶意解答挹芳曰軍心如此民心如此各省踵躡而行我敢獨異請諸公策自保吾遵奉施行耳庚辰諮議局召各界開全體大會決議撤防營招新軍為民軍巡警權財權政權均歸諮議局接管時會場人千百聲嘈雜忽有數人出眾中大呼吾乃革命黨某某奉鄂都督命運炸藥來此而大軍在後今聞諸公慨然大

安徽

第十六

二

義余等即返鄂去矣但軍到時煩貴局供張耳言畢轉外出不知所之各界聞之愕然既鼓掌歡慶彼何人斯若此用筆亦生龍活虎不可捉摸會得軍政府牒諮議局云得將遣師恢復金陵道安慶要請獨立王午各界仍集諮議局決議推巡撫朱家寶為都督王天培為副都督遣散江防軍家寶以省垣秩序紊不欲居天培者黨人自稱奉黎元洪命來為主屢索印礮營附之其被舉非國民公意也會諮議局建議副都督為他省所無改副都督為軍事總監天培聞之大怒往諮議局限時要各紳交出都督印否則以鐵血相見眾紳股慄謁家寶出都督印與

之癸未天培遂自稱大都督首下令限官界三日軍界半日皆剪髮軍民騰怨然以家寶未去冀可挽回是夕宣傳家寶將去皖撫轅衛隊并巡防營突向軍政府鳴槍數排奪門出城聲言王天培虐我朱大帥今日去明日吾輩不餓死即誅死耳不如逃命商民於睡夢中聞警深恐家寶去拂曉集數萬人闖入撫署守家寶牽衣挽袖哭失聲家寶亦涕泗橫流悲極語吃允不即行寫朱撫生色革命時情地方長官之能者以朱撫及張鳴岐最為特出眾復擁至軍政府索取都督印天培以眾怒難犯先期走而電調砲營運過山礮八尊置通衢商民益怒攢毆管帶官奪大礮昇

安徽

第十六

三

至撫署未幾諮議局議長寶以珏等復取都督印出還家寶家寶亦遣左右翼統領到商會宣告留皖答父老厚意乙酉海軍至皖開軍事會議舉定總司令都督朱家寶兼任中央司令黎宗嶽胡惟棟參謀部長宋邦翰劉國棟司令部長胡萬泰龔克定軍務部長唐潤甫管鵬作戰部長張國越情報部長朱殿科軍制部長羅心源憲兵部長歐陽豪執法部長吳介璘軍械部長金鼎彝文牘部長黃健祿軍需部長沈多文軍養源運送部長臺樹仁庶務部長夏爾嶼顧英招募部長黃煥章民政股長童挹芳財政股長寶以珏司法股長洪思亮王

天培初由軍界推為軍事顧問官後改為左翼司令部
長趙繼樞為皖南道劉廷鳳為皖北道家寶出示安民
并遣紳士分途勸導人心畧定矣初溥都督馬毓寶以
安慶未下金陵不能合圍遣司令官黃煥章率師八百
赴皖既至而皖獨立煥章乃赴諮議局籌議合皖軍攻
金陵故煥章得舉為招募部長其兵站長顧英得舉為
庶務部長英性貪很以不得軍需長為恨皖新軍之變
祇下級軍官與營兵無偉人為統率故事敗潰散四出
泊既獨立諮議局又議招潰軍遣防軍省垣多故潰軍
未及招巡防未遣者餘二營由是省垣無主軍溥軍握

安徽

第十六

四

皖軍權此段為前後轉關於致亂之源層層已丑英德
揭出事情委曲詳盡文勢雄駭宏邁
惠軍人要煥章向諮議局索餉銀八兩議長實以珏
允之而防營亦援例要增餉以珏躊躇議先與溥軍二
千五百元煥章亦允矣及出而顧英不許望空鳴槍全
城震恐諮議局復邀煥章履局磋商而顧英已率兵劫
軍械庫藩庫圍攻都督府家寶穴牆走巡防營水師營
商團衛隊聞風皆變沿市鳴槍示威劫取銀幣呼嘯去
庚寅溥司令官始整隊出巡彈壓土匪復迫商會助餉
兩萬元吳春暘者鄂軍經畧部員助皖光復功最多以
溥軍肆擾責煥章皖紳畢道懷亦往說之煥章不聽王

辰春暘等復往溥軍怒殺春暘道懷是日出防英山新
軍司令官胡萬泰聞省垣亂而春暘等被殺也整隊馳
回省城紮集賢關聲言討賊會九江都督馬毓寶亦遣
海陸軍總司令李烈鈞到皖皖人初議迎毓寶為都督
毓寶以贛事急不果來至是遂公舉李烈鈞為都督溥
幾併皖矣十月乙未朔皖紳陶壽民等恐皖軍與溥軍
戰乃見列鈞請維公安保大局更馳赴集賢關說萬泰
萬泰亦悟是夜烈鈞約胡軍移紮城內啟北門釋猜疑
萬泰既入城烈鈞率樂隊歡迎允三日內撤退溥軍會
議善後萬泰之人也隨衛隊二十人大隊紮北門外煥

安徽

第十六

五

章懼討復閉北門胡軍頗疑其反覆丁酉忽有檄文榜
通衢云溥軍初來宣言會攻金陵在我會場杯酒相逢
殷勤握手以庫之枯竭東征餉項悉允擔任乃該軍
自九月二十五日狂突至今凶燄未熄驅我都督劫我
軍械奪我庫儲商民破宅焚巢絕吭洞腹者日有所聞
諮議局議長實以珏為吾三千萬民之代表因而欲殺
至再至三吳春暘者該領袖所崇信之人也仗義執言
身被七鎗而殞天昏地闇人道何存今與溥軍約今日
不去願明日明日不去願以三日三日不去則是終於
濁亂一隅矣吾皖各界只有殲厥渠魁共誅蠹賊烈鈞

見檄文大愕當溥軍肆亂時參謀總長黎宗嶽馳赴大通合撤甯池泰四府及廣餘二縣立軍政府自稱都督即電滬軍政府陳其美鄂都督黎元洪宣布溥軍亂皖狀戊戌李烈鈞知皖眾不服遂命煥章拔隊返溥凡亂兵所劫錦帛衣物傳令扣留發商會招領烈鈞聲言武漢事急率湖鷹海籌江貞三軍艦援鄂溥兵始盡退而皖復無都督皖自起義都督迄不定軍政府人員亦朝暮更易而新軍及江防營之潰遣者遂分竄六安英霍舒桐廬各境劫掠無虛日壬寅皖紳設維持皖省統一機關處攝行都督事已而舉黨人孫毓筠為都督毓筠

六安 第一六

壽州人募鄉兵東征居滬既被舉西上途經大通欲清釐督消厘金各局帑項黎宗嶽之至大通攫督銷局金九萬元聞之懼陰備兵阻之毓筠率壽州兵七百人軍機竄賊難用及至大通與宗嶽爭餉果齟齬甲寅宗嶽猛擊之毓筠敗走械餉盡為宗嶽所奪皖人大憤統一械關處即遣司令部長胡萬泰將兵赴援並電甯滬軍聲罪致討而滬都督陳其美嚴電兩軍息戰遣旅滬皖紳蒯壽樞赴大通和解之十一月乙丑毓筠至皖皖自九月獨立變亂相尋無暇日至是始復有都督無暇情事都包括無都督有都督六字撤維持皖省統一機關處組織內呼應靈通界畫清晰

軍政府宗嶽尋悔罪電毓筠請會師北伐贖罪毓筠亦優詞答之由是孫黎歡好如初皖紛擾暑熄矣初安慶多故蕪湖人民推統帶李葆林為都督後黨人吳振黃自稱奉鄂都督命招集地痞却正紳攫兵柄代葆林為都督月索商民十餘萬金民不堪命廬州府推孫萬乘為都督他府縣有兵百人或千人以上者無不設軍政分府舉都督毓筠至檄各屬去都督號易為府知事縣知事企統一十二月撤廬州分府以孫萬乘為第二師師長民國元年二月蕪湖都督吳振黃抗不交卸毓筠遣師長胡萬泰率兵偪之并聘振黃為軍政司長振黃

安徽 第十六

懼三月始來皖而大通黎宗嶽據江東稱都督如故與毓筠對江而守前以無都督為患者此又以多都督為患文勢如煙雲變幻舒卷自如四月毓筠檄第二師師長孫萬乘旅長劉醒吾各率水陸數營來蕪與胡萬泰會師攻大通并以軍統柏文蔚為總指揮宗嶽懼潛遁大通軍政府始撤初河南布政使倪嗣冲奉清命兼署安徽布政使即進兵規復皖北十月取太和民軍統領張孟介禦之敗歸穎嗣冲圍之民軍潰穎州復為清有自是宿遷臺阜各城皆為嗣冲攻下前巡撫朱家寶亦率兵數營來穎助戰冀再至皖共和宣布家寶去嗣冲仍駐兵穎亭之間六月江蘇第一

軍軍長柏文蔚與黃興等相結謀為都督毓筠不安辭職七月朔任命柏文蔚為安徽都督二年六月文蔚與黃興等謀叛起兵臨淮嗣冲自穎州將兵以次戡定皖境七月任命倪嗣冲為安徽都督

安徽

第十六

八



廣西第十七

桂與湘鄰桂巡撫沈秉堃協統趙恆惕皆湘人湘獨立遣黨人羅松濤兼程走五晝夜達桂林謀舉堃恆惕起兵已允矣而巡防軍皆為藩司王芝祥所統芝祥北人所部又慄悍以故新軍不敢動湘紳劉人熙者芝祥姊夫也幼從之受讀湘黨人屢命人熙說芝祥芝祥以諮議局議長甘德藩提出條件望獨立黨人冷通耿荷生復時時煽軍隊為變有允意而沈秉堃陽為拒絕芝祥亦不敢言也言迴環縈抱乃命人豎獨立旗幟於城垣內外大書恭請沈都督宣布獨立冀秉堃有所聞適諮

廣西

第十七

一

議局副議長秦步衢自長沙歸主獨立尤急至夜秉堃果赴諮議局承認前提條件宣布獨立九月辛巳公推沈秉堃為都督王芝祥為副都督秉堃以世亂既就職宣言暫攝都督篆不久留而同盟會黨人李應元陳樹勳蒙經盧汝翼張仁普張鴻智等欲乘勢攬政權以芝祥北人不欲以芝祥代秉堃委曲畢現借此逼出陸榮廷乃授意桂林報詆防軍譽新軍并遣人喉防營為變甲申防軍十五隊步兵譁變攻藩署衛兵八人迎門與戰十三隊幫帶宋尙傑時駐署內聞警出揮兵擊之叛兵潰退尙傑分途追逐而十五隊砲兵亦變搗毀議院電報局方欲

會攻藩署道與潰兵遇遂同走當是時第一隊十四隊亦聞聲響應十四隊已戕管帶李鼎助矣尙未出尙傑復以兵圍之迫令繳械遣散亂乃已南甯提督陸榮廷本武人不諳政治而桂籍革命時南北界限頗嚴前文又着桂籍二字皆爲當時事實自桂林宣布獨立黨人即進電擁戴令遂芝祥榮廷與芝祥平遊匪共甘苦陸洽不爲動至是電報局被燬電阻訛言桂林兵變官吏逃安邊道陳鳳昭及標統陳炳焜遂電桂林舉榮廷爲都督黨人和之秉堃芝祥愈不安時湘鄂方電促各省會師北伐諮議局即公推秉堃芝祥出督師而電促榮

廣西

第十七

二

廷來桂榮廷不悉黨人謀遽允之一推出一引進隱微之筆不足曲折非此分風筆流以達之十月乙未朔秉堃辭職以趙恆惕爲統領率師一協道湘援鄂王芝祥攝行都督事芝祥既不爲黨人所擁戴乃編巡防軍爲六大隊日夜訓練備北伐十二月丁酉陸榮廷率精兵數千到桂芝祥恐兩軍相見爲黨人所喚起釁端俟榮廷行距城數十里即叛隊離桂而榮廷遂入爲都督時諮議局已改爲廣西議院議員蒙經等議決臨時約法及軍政府組織大綱及榮廷來一切政權遂爲議院所奪前文不悉字據字此處二不着一字以陳樹勛爲民政司長嚴端爲財政司長張盡得風流

仁普爲司法司長蒙經爲銓叙司長盧汝翼爲法制局長諮議局副局長秦步衢爲巡警道兼統防營初廣東高雷陽道彭言孝巡防統帶黃開仕皆桂籍高州亂言孝開仕率巡防數營由高州遯入陸川進據鬱林王芝祥懼言孝等爲變即命言孝統領潯鬱游擊國民軍至是廣東兵譁變大掠州民懼懼推管帶黃開仕爲知川開仕遽奪良家婦女十餘人入署叛兵擾益甚商民切齒陰與前知州陳廷傑巡防管帶梁遵賢劉坤隆謀分兵攻開仕廣東兵敗言孝逃走至西門外民團復擊之言孝僅以身免開仕窮促至夜絕城走亂定陳廷傑復

廣西

第十七

三

爲知州時財政司長嚴端內務司長陳樹勛任事勇決輿論疑沮巡警道秦步衢議員蕭晉榮王乃昌尤不直其所爲久之黨人疑懼遂密謀遷省南甯避攻擊民國元年二月召集臨時省議會同盟同黨議員自由集會南甯而議員蕭晉榮王乃昌等以廣西貧瘠秩序急待維持不宜自由集會遂別組一省議會以相抗并電陳袁總統求主持袁總統以議員集會南甯非法嚴電軍政府解散之而軍政府左右皆黨人陸榮廷仍不悉黨人謀黨人竟假榮廷名宣布南甯爲省會前爲都督此遷省會皆納入不悉二字中妙袁總統以權力未能統一乃以是案諮詢臨

時參議院參議院可決之廣西省會竟遷入南甯水土
惡劣夏日溫度達一百八九度且地處極南與越南鄰
官吏至者咸感不便詆黨人二年孫黃革命喉陸榮廷
獨立使者踵錯於途榮廷不爲動且助龍濟光定廣東
亂定廣西黨人始匿跡

王陸去來爲桂局關鍵筆筆活字字醒

廣西

第十七

四

廣東第十八

自孫文倡革命粵遂爲黨人淵藪地又邊海與英界香
港一水隔黨人出入較他省便故舉事獨多語皆詳革
命源流篇宣統三年八月武昌事起黨人陳炯明胡漢
民等屬集香港謀起兵總督張鳴岐水師提督李準盛
年強幹戒備嚴黨人不得逞而人心恐駭謠譏蠢起九
月戊辰將軍鳳山至粵自大吏以下惧要擊不敢出迎
及行入大南門黨人果以炸彈擲之墻屋崩頽尸骨紛
碎省垣大震粵紳鄧華熙梁鼎芬等集議謀自保免紛
亂截留協餉監督財政鳴岐避其議即奏請停解京餉

廣東

第十八

一

宣布自保將署內龍旗撤下矣後聞北軍在漢口戰連
捷復豎龍旗并奏言臣辦理粵事不善請罷黜効力自
贖清廷殊諒之不罪也鳴岐復飭屬罷各項雜捐請粵
路仍歸商辦以結民心未幾腹地各省相繼獨立黨人
不得逞愈激昂乃散巨資招土寇使倡亂各屬分省垣
兵力革命策源之地竟讓人先着祖鞭於是粵屬土匪
宜其奮也然愈見張李二人之能蠢起焚掠劫殺無虛日鳴岐悉其謀始大懼九月已卯
民軍入香山千總張德潤死之辛巳民軍入博羅管帶
何培德千總何培清死之壬午新安歸善皆失守民軍
號數萬圍惠州張鳴岐與提督李準龍濟光等議進止

濟光謂土匪不足慮一戰而定準以水師携貳難戰不如順輿情宣布獨立鳴岐從之癸未粵民遂舉張鳴岐為都督呈上木質印信鳴岐受之而香港黨人利鳴岐去揚言鳴岐前殺黨人多須受審判又電傳北京陷兩宮自盡鳴岐聞之即乘英艦詣香港布政使陳望曾提法使王秉恩運司蔣式芬均散走時官民擾攘不知主帥所之哭聲震天金珠滿地間以偶句穠郁可桂軍統制龍濟光嚴兵守飛來寺軍械庫藩庫以故槍彈數百萬銀幣數十萬紙幣八百萬均得保存而城內秩序不至大亂者濟軍鎮壓之力為多甲申胡漢民陳景華黎

廣東

第十八

二

國廉李福林羅文幹石銘泉等自港來粵以諮議局為軍政府集粵紳會議或說胡漢民為政治家可任都督漢民即自畫名於黑板上覓白錫腰牌佩胸前次舉民政長陳景華以黎國廉對舉警察長國廉以景華對漢民皆為書黑板上予錫腰牌傳呼籐兜赴新任每到署龍軍守署門喝問各以新官對乃放入是日惠州民軍總司令陳炯明攻克惠州惠潮嘉提督秦炳直走管帶許德普死之乙酉民軍第四師攻潮州城內民軍開門降總兵趙國賢游擊白如鏡死之未幾知府陳兆棠亦為亂軍所殺初胡漢民等欲攻城苦無械凡兵應募自

携槍械者則給價百五十圓月餉十圓及省垣獨立民軍鑾擁入城爭掠各衙署鎗械博現銀石銘泉者盜魁也自起一軍名志成公司騷擾尤甚至是竟逼踞水師行臺掠大礮去軍政府下令勒其遷出銘泉不聽準憤甚欲攻之繼恐震動省垣乃貽書軍政府曰前日之所不忍去者以張督既已宣布獨立不能不與龍子澄軍門維持治安答父老厚意詎數日以來堪以痛哭流涕之事層見迭出揆之始願實不及此再四思維祇有毅然捨去不敢復留辛卯準去漢民本書生弗知兵而陳炯明自惠州來携軍餉三十萬濟省垣高州新軍參

廣東

第十八

三

謀黃士龍當宣統二年春倪映典舉事時士龍調和軍警為新軍所信仰炯明士龍皆有都督望眾復推炯明為副都督士龍為參都督粵黨爭本激烈自黨人招土寇為民軍民軍多不法誅不勝誅粵糾莽遂為各省最領起下文文勢驟邁十月已亥初廉州府獨立推欽廉道郭人漳為都督人漳走而黨人爭權喉防營為變戕軍政分府總司令楊德昭遂知府李端棻盜魁陳武遂自稱西南部大都督焚劫數日紳商赴省求援軍政府方草創紛亂不之省人之始以龍濟光為欽廉高雷瓊崖等處安撫使凡各屬軍隊均歸節制由是粵西南始漸定十一

月先作一小小收拾停蓄有法丙寅胡漢民隨孫文赴滬以陳炯明代理都督王申化州防營管帶李中柱率兵出巡民團長彭炳楫誤為匪圍中柱殺之防營遂與民團戰焚燬十餘棚初瓊州獨立眾推瓊山縣知縣范雲梯為統領民賴以安趙世槐者黨人也廣州軍政府以為瓊崖安撫使世槐至瓊為土寇所惑謂雲梯竊兵權命交械雲梯及商民皆不從世槐怒擲炸彈攻城商團登城擊之世槐敗逃不歸胡漢民以粵難治充孫文秘書時汪兆銘在北京已出獄粵人遂舉兆銘為都督而陳炯明握兵權兆銘辭復舉朱大符馮自由大符自由亦辭炯明

廣東 第十八 四

仍攝行都督事民國元年二月乙丑初王和順為亂廣西提督陸榮廷擊之逃至欽廉繼犯鎮南關復為榮廷所擊敗乃逃至惠州聲勢復振炯明藉其眾逐秦炳直據有惠州稱惠軍統領廣州獨立和順率其眾歸廣州據虎門砲臺駐南關即遣人說榮廷饋餉銀二十萬釋舊怨復日出焚掠於石龍東莞各境而其部將關仁甫私招兵數千人至是軍政府檄令解散和順不從遂叛變關仁甫踞東堤以大砲猛轟城內楊萬夫分攻永漢歸德二門陸軍分途禦之戰三日惠軍大敗盡繳械降和順逃而黃埔虎門各砲臺仍為惠軍所踞炯明遣標

統李湛說之降各砲臺已允矣惠軍標統陸梅者前復惠州有功惠軍敗炯明贈以資促之走陸梅即奔赴炮臺劫使弗降炯明調集海陸軍圍攻之戰二日黃埔長洲牛山河路魚珠各炮臺以次克復和順亂平

和順通電自白其冤而粵黨魁有庇和順者炯明甚電南京政府辭職大總統孫文慰解之癸酉誅石銘泉及其參謀張興漢銘泉私購軍火數萬為虎門駐軍扣留銘泉赴虎門強索且以開戰脅炯明炯明即遣軍務司長魏邦平駕兵輪至虎門誘擒銘泉并檄協統黎壽標統謝昭黃其貞等以兵數千脅其部下盡繳械遂殺銘泉及

廣東 第十八 五

其參謀張興漢銘泉人為粵民所痛恨及見殺人心大快粵自獨立省垣兵匪雜處糾紛難理及王和順石銘泉相繼剪除軍事始有條理事權漸一矣總束上文糾紛極矣收拾乃毫不費力固陳炯明之赴廣州留林激真為惠州軍總司令及炯明為都督激真遂自稱惠潮梅鎮守使惠貧瘠軍屢乏糧激真欲移鎮潮州乃潛賃商輪渡兵赴潮三月癸巳激真至潮時安撫使陳宏壽駐潮激真即移牒要陳軍繳械宏壽不從次日戰於城內宏壽敗退駐汕頭已亥激真復以兵至汕宏壽復敗激真更據有汕頭潮軍標統何子固陳靜山縱兵大劫全汕糜爛時

外國軍艦藉保商爲名嚴兵備亂軍政府聞之恐起交涉激激真歸惠并迫以兵艦甲午激真飽掠還走宏粵復回潮宏粵與激真戰時第四師有三營駐潮守中立宏粵銜之至是入城猛擊之第四師潰退自惠潮亂已粵各屬雖不能統一然無大亂可紀秩序亦漸恢復矣而孫文回粵仍以胡漢民爲都督袁總統從之七月加以任命焉

廣東

第十八

六

新疆第十九

新疆去中國萬里而伊犁尤孤懸西北故巡撫駐迪化

將軍鎮伊犁新疆與江蘇大畧相同故起法亦畧相似皆以數語攝起全篇其人民則

漢蒙哈薩新舊同教及纏民雜居錯處而同盟會日知

會哥老會黨人亦蹤跡其間宣統三年七月以志銳爲

伊犁將軍九月甲申志銳至伊時武昌兵起月餘警耗

已到伊志銳日爲陳說大義相與羈縻已而蘭州寧夏

軍相繼譁變風聲愈惡志銳以革命者漢人即密召八

旗兵入衛并調蒙古兵千餘人屯伊犁河岸移軍械庫

彈藥儲署內楊繼緒者新軍協統而湖北人自湖北起

新疆

第十九

一

兵黨人日來電說使獨立志銳頗聞其語乃猝免繼緒

官而議遣新軍新軍大懼初伊犁府知府賀家棟教練

處提調馮超皆湘人與黨人郝可權李輔黃等嗾新軍

爲變新軍多應之而超等以伊犁回民多慮變起與漢

民相仇殺不敢動新軍步隊隊官馬凌霄者回教徒也

超等復說凌霄釋漢回宿仇同起義凌霄爲回民望命

然從之會志銳欲解散新軍遂約期舉事十月癸丑夜

二鼓繼緒等率眾猛攻南庫取軍火而北庫滿營新兵

殊死戰相持一夜不能下繼緒等乃舁大砲猛轟之滿

營畏懼出降焚軍署將軍志銳初聞槍聲即越牆出匿

吳協領家既二日新軍拽得之議舉爲都督不可迫赴商會又不可馮超怒遂出短銃擊之仆地死時前將軍廣福仍在伊犁懼旗兵遭慘戮卽出與續緒等結約罷戰遂公舉廣福爲新伊都督組織軍政府伊塔道潘震避居深山不出伊犁鎮總兵周玉魁在新疆數十年積私財數十萬革命軍起被掠俱盡事定陽附黨人而心恨之伊犁火葯庫在府署東一日賀家棟在署內宴集楊續緒及舉事諸要人玉魁朝服潛入焚庫欲聚殲諸人及庫焚府署墻垣崩摧而續緒等皆無恙玉魁死焉伊犁去迪化千餘里變數日巡撫袁大化始知革命起自伊犁

新疆

第十九

二

至此入迪化水到渠成電廣福取消獨立廣福爲續緒等所持不從且電大化亦獨立讓以都督位大化大怒欲起兵攻之欲起兵攻之似刻不容緩矣而竟不然文以曲而愈靈伊犁祇新軍千餘人餘蒙哈纏回兵不足恃且器械窳乏意不欲戰復電大化各保疆土俟內地政局定唯命之從大化仍執不允大化皖籍其親軍多淮人而迪化新軍舊多湘籍故自大化來湘軍頗受擠怨之會黨人劉先俊煽湘軍爲變以故久不能出兵劉先俊者湖南寧鄉人日本士官學校畢業生而常鎮道陶森甲之甥也森甲與大化有舊大化之赴伊森甲薦先俊先俊謁大化於汴大化聽辭之

至是先俊忽至新投効時陝西已獨立或言先俊與陝西革黨通聲息大化猶預既委充防軍督練官不就贈以金亦不受及湘淮軍構釁先俊乃乘隙勾結撫標小衛隊協兵營爲變撫標小衛隊及協營多湘人而隸哥老會大化聞耗先期選內地所招衛兵及中營參將張鴻疇備之十一月壬申大化計擒偽總統唐小雲僞幫統陳光模斬之時已日暮先俊知謀洩突率暴徒百餘人臂纏白布撲撫署東營營兵欲內應幫帶官手及數人卽與隊官王學斌督兵拒戰賊敗竄猛撲陸軍砲營督隊官鄧玉山登短垣周呼指揮中流彈死復猛撲警

新疆

第十九

三

察署皆不得入後退踞協營衙署中時大化已檄陸軍馬步隊入城圍協署攻之先俊知不免易服潛遁匪劉猛將軍祠內豕圈中爲步兵管帶韓起鳳部下所獲誅之大化卽傳令誅止首惡脅從不問而餘黨仍踞協署負固不從有請以大砲轟毀者大化恐殃居民不許相持至日中陸軍協統王佩蘭擅神砲名大化不得已命佩蘭昇大砲於東城樓連發三彈皆命中餘黨震慄縛首逆降亂二日而定迪化亂既定遂出兵攻伊犁遂字遙接爾番迪化兵却退出古爾巒民國元年二月乙卯迪化

協統王佩蘭與參軍官兼管帶張鏐復與伊軍戰於古爾岳會大風雪戰竟日伊軍兵大敗管帶李仁同陣亡伊軍退守精河伊軍總司令楊續緒聞敗即親駐精河督戰三月己丑兩軍復戰於沙泉子伊兵復敗退精河次日伊兵反攻沙泉子迪化團長張少安與司令王佩蘭不睦率馬兵三營不戰先退砲營步兵因亦退伊軍復奪沙泉子佩蘭因殺少安迪化兵屯四顆樹伊軍扼精河精河爲入伊要塞地險易守兩軍久相持兩邊情事合用一筆寫之鉤勒未幾清室遜位詔至國體共和大總統袁世凱副總統黎元洪迭電大化休戰而大化仍宣布

新疆 第十九 四

清廷德意謂伊軍爲匪期四路進攻伊軍總司令楊續緒參謀長賀家棟等乃通電自白謂袁撫自稱以巡撫兼都督亂名號無意識上海民軍爲言於袁總統袁總統仍電大化息兵聽候中央命令大化憤恚自請免官密薦喀什喀爾道袁鴻祐代之政府即以袁鴻祐爲都督迪化道楊增新爲布政使新疆綠營故多湘人而湘兵半黨於哥老會伊軍黨人煽之在南八城圖獨立四月阿克蘇礮隊營長湯友廷與會匪連結爲亂戕阿克蘇道陳正源溫宿府知府王乃發總兵查春華陰與伊犁黨人通坐視不救五月喀什道王效曾過焉耆參將

吳首懷招飲知府張銑亦在座席次突有會匪連沒泉何正魁等持械入殺張銑及委員馬鴻賓效會跳免而庫車知州毛英畏被游擊譚長毅守備陳崑林會匪陳冠華戕殺輪臺知事李華嵩被會匪蕭秋舫等戕殺袁鴻祐已被命未行突爲督標兵弁哥老會首領邊永福魏得禧陳得功等所戕並戕縣令張秉鐸參將楊殿恆當是時哈密纏民亦叛同王爲亂戕巴里坤總兵易盛富新疆到處糜爛無完土極力爲楊督作勢所謂不遇盤根錯節無以別利器也政府即以楊增新爲新疆都督廣福爲伊犁鎮邊使節制鎮道以下楊續緒爲伊犁鎮總兵賀家棟爲伊犁道

新疆 第十九 五

尹時前都督袁大化尙未行並命大化督理南疆剿撫事宜大化欲速行刊督理印調兵自衛入關不奉命也增新字鼎臣雲南蒙自入初以進士官甘肅宣統三年調新疆性樸訥沈摯鎮靜有爲自革命軍起即別募新軍數營以管帶馬福興爲統領福興滇人同教徒所部亦盡同民強悍增新頗恃爲鎮懾既爲都督即遣代表朱瑞璋周得金等與伊犁代表賀家棟在塔城議和停戰八月協商條件成伊犁軍官軍佐數百人紛至迪化求任使增新爲設軍事研究所稽勛局以位置之並優給薪俸時迪化會匪欲因伊犁黨人煽亂造作蜚語人

心一夕數驚未幾喀什喀爾提督焦大聚辭職增新即以楊續緒爲提督賀家棟爲新疆民政長調伊犁財政司長黃立中爲新疆財政司長伊犁團長姜國勝爲哈密協幫統譚鍾麟爲塔成協化除畛域相見以誠漸歸和洽而伊犁廣福爲馮超李輔黃所持自爲風氣形同割據至二年政府命馮超李輔黃來京聽候任用超等抗不用命政府命廣福戮之超與輔黃皆死又數月廣福亦卒增新即請裁撤鎮邊使改爲鎮守使新疆始統

新疆

第十九

六

一收束 增新遇事鎮定無張皇處置亂黨和緩從容主寬大戒株連及其終必致之法魏得禧邊丞福陳得功之害袁鴻祐也意欲擁賀家棟爲都督增新恐激變且慮俄兵構釁與提督焦大聚合請政府釋不問且命三人各爲營長調其兵赴阿山剿蒙寇自効後魏得禧立功免罰陳得功邊丞福皆解至甘肅本籍誅之庫車游擊譚長毅守備陳崑林及焉耆輪台戍官各犯後皆以次伏誅鮮有免者初哈密纏民叛同王爲亂戕巴里坤總兵易盛富袁大化恐與蒙寇連撫之至元年冬纏民復叛其首領曰鐵木耳雄武悍擊盤據深山增新復撫之編爲鎮邊軍即以鐵木耳爲統領調駐省城數月鐵木耳復謀變誅之後年餘調其眾赴安西禦土寇行

至猩猩峽預約隴軍截其東新軍堵其西盡坑之未二年新疆全境皆定第二層收束而處變機警絕倫增新之爲都督雲貴黨人多往投効增新以其鄉人也倚重之使分統各軍三年冬黨人以其服從中央合謀爲變定次年正月起事矣偵探長謝口口告變增新聞口口升堂皇坐以造謠惑眾罪斬之至元旦宴旅長以下謀叛軍官十數人既醉盡坑之而與口口子二萬金并給以武職人始服其智自是師長旅長皆食俸不令治軍其營長連長皆直接督軍白事而執法如山犯即不赦以故他省商民皆畏兵獨新疆兵畏民其治事與司道科

新疆

第十九

七

長科員同廳點竄公牘指示機宜姁姁如村學究嘗曰新疆去中國萬里跋扈之事吾甯不能顧家國本根以相維相係相統屬而安者也疆吏不服從中央屬吏能尊崇大吏乎以故中央執政者無論爲何如但有其名吾即奉從之他非所聞也結寫楊督字皆露精光論曰自民國來各省蠅蟻鼎沸獨山西新疆宴然無事民賴以休息衰然爲民國循吏首矣然山西治績愚民頌之政府褒崇之新疆治安則無道及之者豈非以荒遐萬里風氣阻絕故風聲所樹不能廣被於國中也乎惜已吾聞之王仲英云入新疆境商旅夜行無盜賊之

警民物恬熙與內地迥異殆今世域外桃源也仲英又述楊督軍之言曰兵者盜之本多一兵卽多一盜故欲靖盜必先汰兵新疆之治本如是以是知儒者之爲政固與俗吏異而尤非塗飾耳目藉博虛譽者之所可媿也茲足風已

新疆

第十九

八

山東第二十

魯豫晉屏衛畿輔武漢發難晉既獨立魯亦皇恐諮議局議長夏繼泉合軍警商學各界人起聯合會保公安九月己卯開會議決八條禁政府借外債迅明詔罷職允南軍要求魯新軍不得調遣留協餉憲法定中國爲聯邦體外官制地方稅本省自定之本省得自由規定本省憲法及練兵要巡撫孫寶琦代奏寶琦允之當是時政府迫於大勢凡地方所陳請無不允納壬午報可聯合會初旨祇欲攬本省財政兵政及一切政權無脫離中央政府意而黨人激烈者密說軍人岳獨立丙戌

山東

第二十

一

忽有第五鎮軍官三人蒞會宣言各省皆獨立吾魯獨否恥後人願秣馬厲兵以武力助成獨立請速決會員惶遽失措同聲贊成時巡撫孫寶琦尙未知軍人議圖之繼恐德人干涉復止丁亥復開大會自巡撫司道及軍弁畢集有軍人首發言魯決獨立撫帥如認可卽推爲都督否則他舉擊槍握刀聲色甚厲寶琦以勢不可遇立允爲都督而以統一政權更易司道會紳籌餉爲要約眾鼓掌謹諾并當場認籌銀二十萬兩卽舉寶琦爲大都督協統賈賓卿爲副都督設臨時政府電告清廷翌日軍界言寶琦無軍事學全省兵權宜隸副都督

寶琦聞之即命賓卿草章制賓卿遲未草出時候補直隸州張廣建候補知縣吳炳湘皆仕東多年機警幹練爲袁內閣舊識受密敕保持和平阻遏獨立已而第五鎮軍官果鼓譟謂賓卿既爲副都督其協統官應遷讓以次遞除寶琦不從軍人大憤復詣聯合會要取銷獨立否則爲變會紳惶恐說寶琦寶琦以反覆爲難會五鎮標統吳鼎元張樹勛管帶方玉普劉景霽張培榮鄭士琦張懷斌王學彥亦合詞上請取銷獨立寶琦不得已允之於是副都督賈賓卿諮議局長夏繼泉及首倡獨立諸人聞風即夜亡去十月戊戌改都督名爲巡

山東

第二一

二

撫劉黃帝四千六百九年示張宣統三年示辛丑復電告政府撤銷臨時政府取銷獨立詔責其張皇而諒其被脅弗嚴譴也當寶琦電奏獨立時第五鎮統制張永成首逃走司道亦逃散及獨立取銷寶琦奏劾之詔謂該撫既立臨時政府監司逃走固無罪弗許張廣建吳炳湘既承袁內閣密旨和輯軍人取銷獨立即詔以張廣建爲布政使吳炳湘爲巡警道張樹勳爲第五鎮統制官而張吳勢權在巡撫上聯合會愈恐即電內閣云九月二十五日五鎮軍人遣代表來倡言獨立覆政府戕殺長官舉賈賓卿爲大統領聯合會恐事牽外交痛

陳利害舌做唇焦始有二十三日之舉乃不數日五鎮復倡言取銷獨立圍困學校索取操槍取締政黨出爾反爾咎將安歸更遣候延爽抵都陳情袁總統慰解之孫寶琦內爲政府所詰責外見嫉於民黨懣懣不自得移病詔以胡建樞爲山東巡撫聶憲藩爲提法使憲藩前提督士成子統領巡防營癸亥管帶薛保鈞捕黨人劉浦霖蔡元之杜璿臧曜西王玉芬蔡湘波等囚之於是民黨不能容於濟南竄登萊起民軍舉事十一月甲子朔黨人杜潛在煙臺獨立潛以兵少乏餉械赴滬求援而以王傳燭爲都督庚寅登州黨人徐鏡心說登州

山東

第二十

三

防軍獨立舉連少臣爲都督翌日進據黃縣濰縣即墨時南京政府已以藍天蔚爲關外大都督遣海容海琛江元三軍艦運兵二千至煙鏡心以登州勢孤求救於天蔚命海琛泊登州海岸爲聲援十二月杜潛自滬借招商局輪船載民軍及軍裝到煙潛奉南京政府命爲山東大都督廢軍政分府建大都督府及舉大都督而胡瑛當選潛爲都督數日望不屬更舉虞繼堂代之未幾繼堂亦不安胡瑛始北來然煙臺民軍所有地不過數縣勢弱甚以議和故濟南軍不北伐瑛至亦無所發展也時張廣建已爲巡撫民黨以廣建與吳炳湘摧敗

山東獨立恨之及共和宣布要政府罷黜元年二月召
廣建炳湘來都以周自齊爲山東都督與胡瑛以資遣
散民軍東事始定

袁項城機權幹畧上追魏武其顛倒羣雄亦有過之
無不及賈賓卿爲余老友雖軍人而恂恂如書生絕
非首倡獨立之人微聞當時輿論取銷獨立有人主
之創始獨立似亦有人使之也讀此文者須從此處
着眼若但以兒戲視東事則笨伯也

山東

第二十

四

外蒙第二十一

自日俄戰後俄力絀於東遂壹意侵畧我蒙古而庫倫
首當其衝庫倫之亂及取消自治皆原因於俄故篇首即將主意揭出緯絡通篇庚子之
亂庫倫俄領事藉口駐防兵千餘名後駐庫大臣交涉
減至百五十名光緒三十四年駐庫大臣三多議練蒙
兵俄復增兵恰克圖以相抵哲布尊丹巴者庫倫活佛
也其尊亞於西藏達賴班禪一等爲外蒙佛教主尤貴
重俄人密以美女贈哲布尊丹巴使俄民數千拜哲布
尊丹巴爲門徒復以甘言誘結蒙古王公貝勒及各盟
盟長謂中國在庫練兵欲驅逐活佛及喇嘛且中國大
局危蒙古終恃俄保護及早投降利莫大由是庫倫王
公貝勒及盟長惑之而兵備處會辦杭達親王杭達多
爾濟主持尤力宣統二年杭達多爾濟潛赴俄都訴中
國在庫練兵騷擾諸情狀請俄扶持會俄總理大臣被
刺死不得要領三年七月俄使遂照會我外部云中國
在蒙古殖民練兵於兩國邦交危險要求裁撤練兵處
是爲俄人干涉外蒙之始庫俗六月六日爲喇嘛跳鬼
期凡王公貝勒盟長均赴庫進寶而杭達多爾濟乘機
復與諸王公祕議降俄事至八月十六日竟簽押呈明
於駐庫大臣三多自三多駐庫以活佛威權大遇事抑

外蒙

第二十一

制之爭官權哲布尊丹巴已怏怏不悅以下歷敘致亂之因筆姿洒落

委曲宣統二年二月庫倫喇嘛劫掠德義湧木厥三多

嚴懲之哲布尊丹巴力爭不能勝恨之蒙古王公拙於

生計華商遇事以重息盤剝之而以牲畜為抵年積月

累各盟旗負債甚鉅破產不能償憂恐庫地邊僻俗陋

樸歷任大臣皆隨俗委蛇不敢有建白三多至則創設

審判廳兵備處交涉局貿易市場事多改革蒙古王公

錮蔽益惴惴不安庫臣辦事無的欸專恃陋規為挹注

三多創辦新政費益多無所出則丈量地畝課木炭稅

銷場稅以及差馬夫役薪炭等費蒙人供給日多於是

外蒙 第二十一

蒙民亦怨之至是哲布尊丹巴竟昌言降俄俄亦照會

我外部述外蒙投降意并自恰克圖調哥薩克兵四千

分駐叻林東營子以示威而我兵駐庫者才步隊百人

馬隊百五十人眾寡懸殊三多屢告急會武昌事起政

府不顧也哲布尊丹巴雖宣言降俄然未得中政府允

可仍未敢肆未幾內地亂益亟十月丁未哲布尊丹巴

遂謁三多謂中國擾亂勢不能衛外藩莫如先獨立公

謂云何三多默然哲布尊丹巴既去三多即避入俄領

事館庫市大亂朔日哲布尊丹巴遂宣布獨立華商謁

三多請仍出任事眾商衛之三多允矣而俄領不許已

西三多察蒙人殊無害漢官吏意遂逃至恰克圖辦事

章京哀懇勿去三多不從賣金砂易俄鈔走歸奉天哲

布尊丹巴既獨立遂稱皇帝改元大元重興元年以松

彥光汗為內閣總理貸俄幣百萬以七十萬練兵購械

以三十萬與喇嘛朋分我駐庫巡防馬步兵皆迫令退

至張家口廢南北軍台示與中國絕遂烏里雅蘇台將

軍奎芳科布多辦事大臣忠瑞參贊溥彥以俄兵守要

隘禁漢人出入恰克圖而風聲所播各埠華商財產被

喇嘛掠劫殆盡以上庫倫獨立哲布尊丹巴復傳檄內外蒙古

王公及各處呼圖克圖舉兵響應於是西訖青海東訖

外蒙 第二十一

黑龍江東西萬餘里蒙古各部落皆蠢蠢思亂局勢開闢筆力

十一月俄使乘我內亂來外部要我五款一庫倫至

俄境有建築鐵路權二中國須與蒙古訂約如下甲中

國不得在蒙古駐兵殖民乙蒙人自治受辦事大臣管

轄丙中國治蒙主權改隸辦事大臣中俄交涉仍由兩

政府協商丁俄領事官協助擔保蒙人對於中國應盡

義務戊中國在蒙有所改革須與俄國商酌俄干涉蒙

事愈迫切己丑呼倫貝爾副都統勝福受俄人煽惑獨

立呼倫道黃仕福呼倫廳同知翟文選遞至夜半蒙古

兵百餘人始入城蒙人以取呼倫之易也遂進迫臚濱

府知府張壽增調集巡防營及巡警二百人犒以牛酒與賊大戰破之賊四百人內有俄兵百人助戰及戰敗俄兵官死者甚多壽增摘其金線肩章為證牒俄領讓之俄領遜謝而阻我進兵呼倫呼倫隸黑省人民盡滿族北接俄邊西北與外蒙車臣汗部接而中東鐵路橫貫其中境內森林漁業礦產極富俄久涎之呼倫既獨立黑省以地隔興安嶺須由中東鐵路進兵而俄不允假道我熟視無如何也十二月庚戌蒙賊四百人率俄兵八百人圍臚濱府知府張壽增以眾寡懸殊豎白旗停戰俄人迫壽增於六小時內交械及馬壽增從之於

外蒙

第二十一

四

是沿邊二十餘卡倫及吉拉林議治局均不能守呼倫全境皆陷以上呼倫獨立外蒙之獨立科爾沁左翼前旗扎薩克多羅賓圖郡王棍楚克蘇隆請赴庫倫查究至則哲布尊丹巴迫之降不從喇嘛唸黑經咒之七日發狂死民國元年四月政府籌議規復外蒙舊狀俄使聞之即照會我外部云聞中國欲由黑龍江及新疆進兵蒙古並聞烏里雅蘇台將軍亦將帶兵赴任俄政府誼難漠視決不承認後政府復擬派兵保護華民俄使復謀我無論如何向外蒙進兵必有後患俄既以大言嚇我阻我進兵而暗助外蒙寇我八月科爾沁右翼前旗扎薩

克郡王烏泰叛陷鎮東奉天都督趙爾巽命統領吳俊陞討之庚午克鎮東壬申戰於奎基屯斃賊官金錯護甲戌戰於白虎店戊寅戰於包省屯舊公爵府皆敗之九月癸未戰於楊腦口開通縣西丁亥戰於嘎西喇嘛廟辛卯戰於瓦房葛根廟管帶曹鴻俊陣亡朔日復戰於王府王爺廟皆敗之乙未復戰於敖韃山包得罕殺賊二百人生虜六百人烏泰窮蹙遜索倫山中烏泰在清時舉動傲慢慢懼愈尤及民國反抗尤力日俄人陰助之購械增兵政府命東省長官及盟長開誠撫慰烏泰不從及亂起慘殺漢民三千餘人凡開通靖安鎮東

外蒙

第二十一

五

安廣等縣牲畜財產廬室被賊焚掠過半至是始平烏泰叛變當烏泰初起時札賚特旗旗員羣思響應貝勒瑪喇布坦之母巴旺瑪誓死弗從得免於亂事定黑龍江都督宋小濂特請政府褒封以彰功績十月己未蒙賊圖們烏爾濟棍卜札布等臨開魯圖們烏爾濟本東札魯特旗台吉棍卜札布亦協理台吉受庫倫偽貝勒那遜阿拉起古煽惑糾眾千人竄逃北邊至九月復竄回東札魯特魯副盟長貝勒林沁敖里巴為逆弗從燬其府奪其印信戕旗官數人林沁敖里巴僅以身免未幾流離死賊復猛撲開魯熱河北路統領張玉春聞警自

赤峯率五營赴援行至樹筒地盡森林賊預設堵卡不能進迂道行開魯遂陷十一月丙午奉軍統領吳俊陞統王頁臣與賊戰於達根廟破之復戰於未掌營子破之圖們烏爾濟勇悍異常率殘兵八百人竄據嘎海廟負隅死守我軍督隊包圍復以大礮轟之始敗逃庚戌吳俊陞與熱河防軍張玉春李連元宋道鳳及直隸練軍八營會師克開營時直熱奉各軍畢集於昭烏達盟各境蒙賊東突西掠勢漸熾而東西札魯特及奈曼等旗牛羊牲畜被賊掠奪殆盡漢蒙人民無所得食男女流離凍餓千百為羣慘不忍觀以上收復開魯二年三月

外蒙

第二十一

六

庫倫偽東西盟統率東盟扎薩克旗佛僧班的達郎王德呢率兵數千犯綏遠陷奈太進陷滂江丹伯嶺板申圖諸要隘復遣支黨竄擾後套脅迫各盟旗出兵并繞道圍攻包頭晉甘邊境驕然不靖五月蒙寇復入熱河陷浩落圖六月綏遠旅長劉廷森團長霄雙安趙守鈺譚湧發及山西援軍會討佛僧班的達敗之大奈太滂江蘇尼特王府板申圖山口丹伯嶺等處以次收復餘賊復憑據蘇三爾蓋昭昭蒙古古言廟也抗拒晉兵燬其廟賊復竄西北山中寧夏鎮守使馬福祥出兵蹙之後以計誘賊至深山生擒佛僧班的達暨偽參謀彭索胡鄂木加偽

統領韓福海巴圖得勝等械送京師後套肅清以上肅清後套七月熱河剿匪總司令米振標攻克浩落圖廟時蒙寇約四五千人勢倍我軍振標襲之自卯至未連奪山險十餘處賊大敗死偽官七人兵二百人我軍大振政府聞報特授米振標勳五位八月庫賊烈拉瑪寇多倫先是庫賊阿爾巴阿至西烏珠穆沁迫其王索諾木喇布坦降不從阿爾巴阿大怒盡擄其牲畜去與烈拉瑪合勢愈張烈拉瑪號二將軍為蒙寇著名勇將遂猛撲大王府守將團長張鳳鳴少將于有富上校沈廣聚等方挾妓飲酒冠猝至士卒因譁散敗走軍械糧餉盡委敵

外蒙

第二十一

七

於是大王府經棚諸重鎮皆陷鳳鳴等僅得職罪也九月駐多准軍縱隊司令李際春與烈拉瑪及偽先鋒忙乃巴圖大戰於力不胡圖格及哈噶喇拉奎素等地賊分踞山隘勢甚張甚際春與統帶褚恩榮騎隊長陳文運更番襲之至日晡賊勢蹙屯營同時火起自焚糧秣適天大風雨雪賊乘勢反攻際春等復敗之連奪山險數十處賊傷亡過半餘眾竄歸大王廟我軍亦旋多烈拉瑪詭譎多智我方退兵猛以殘兵八百餘抄我後路兇悍異常際春等復回兵逆戰賊之殆盡十月熱河防軍總司令米振標張殿如自林西分路進規經棚與賊

戰於大壺梁再戰於哈達山口新廟敗之遂復經棚十一月師長王汝賢團長何鋒玉克昭蘇乃木城及奎蘇

又二日克新蘇木時綏遠團長李春秀楊其蔚等亦攻

克白靈廟白靈廟即清聖祖征噶爾丹時駐蹕之鴻臚寺土人因此廟乃達爾汗貝勒所建故呼之

為貝勒廟其後因貝勒白靈音近又訛為白靈廟不與

之甚宜改為鴻臚寺在武川縣北界喀爾喀右翼地余

所著綏乘林西鎮守使米振標奉師長吳俊陞亦會師

攻克駱駝廟遂復大王廟自大王廟失守烈拉嗎以其

地為巢窟糾黨四出滋擾標疾悍很殺遠察哈爾熱河

黑龍江邊境數千里商民困苦至是烈拉嗎始受重創

孤身北遁北邊大定矣以上收復大王廟蒙古人民知

外蒙 第二十一

識樸陋風化不開共和以來即多疑慮加以盛藏要於

內日俄煽於外輸送軍火造作謠言當烏泰叛變時各

盟旗皆徘徊觀望不知所從及奉師一出即剿滅懼禍

甚慘各盟旗既有所戒懼政府復迭遣宣撫使姚錫光

陸鍾岱參謀次長張士鈺局長張聯棻科長李炳之等

分赴各盟旗宣布德意示以禍福而科爾沁王阿穆爾

靈圭久駐京師洞達時務自改建民國即遣其總管策

凌端魯晉赴錫盟奉迎章嘉呼圖克圖諭導錫林郭勒

諸旗拒逆效順以及青海二十九旗阿爾泰新土爾扈

特各旗亦迭經地方長官遣員宣慰解釋共和泯猜嫌

以故庫倫亂二年餘鮮有貳志外蒙寇邊之兵既屢為

我所剿滅而內蒙形勢亦日臻平靖然為俄人阻格訖

不得進兵庫倫以上詳敘政府和平內蒙策畧當是時

俄人已與外蒙訂立俄蒙商約要我允行外交部以外

蒙為中國領土無與他國訂約之權駁之俄使仍堅持

并聲言外蒙形勢不能復歸宣統三年十月以前狀況

俄廷且將接待蒙使云云袁大總統以民國初奠蒙事

悉由俄人操縱宣慰無效進兵不能恐日久主權愈益

墮落不得已遂與俄使磋商條款會議至三十餘次而

中國所提條件俄使訖不允同意後政府以俄人恃強

外蒙 第二十一

九

難理爭因就俄人最後所提五條委曲磋商一俄國承

認中國在外蒙古有宗主權二中國承認外蒙古有自

治權三中國承認外蒙人享有自行辦理自治外蒙古

之內政并整理本境一切工商事宜之專權中國不干

涉以上各節是以不駐兵於外蒙及安置文武官員且

不辦殖民之舉惟中國可任命大員偕同應用屬員及

護衛隊駐紮庫倫亦可派專員駐紮外蒙古地方保護

人民利益但地點應依照本文件第五款商訂俄國除

領事署駐衛隊外不在外蒙駐兵不干涉外蒙內政及

在該境殖民四中國承受俄國調處按照以上各款大

網以及一九二二年十月二十一日俄蒙商務專條明定中國與外蒙古之關係五凡於俄國及中國在外蒙之利益暨各該處因現勢發生之各問題均應另行商訂又另件四款一俄國承認外蒙古土地爲中國領土之一部分二凡關於外蒙古政治土地交涉事宜中政府允與俄政府協商外蒙古亦得參與其事三正文第五條所載隨後商訂事宜當由三方面酌定地點委派代表接洽四外蒙古自治區域應以前清駐紮庫倫辦事大臣烏里雅蘇台將軍及科布多叅贊大臣所管轄之境爲限惟現無蒙古詳細地圖而各該處行政區域

外蒙

第二十一

十

又未劃清界限是以確定外蒙古區域及科布多阿爾泰劃界之處應按照聲明文件第五款所載日後商定云云後卒根據另件第三款於民國三年由中俄蒙各遣代表在恰克圖會議至民國四年中俄蒙協約議成共二十二款簽定於是我於外蒙古主權喪失大半而俄蠶食之計以成中俄蒙協約既定俄復迫我訂立呼倫條款時呼倫獨立已三年俄人愚弄呼倫官吏訂立合同凡一切實業權剝奪殆盡至是復要政府訂呼倫條款於是呼倫亦自治定爲特別區域我虛有其名而已以上俄道我訂協約五月政府始命陳毅爲庫倫辦事大員時

歐戰已年餘俄國駐兵盡西歸赴戰軍械杼項不再輸庫倫於是外蒙所恃賴於俄者希望漸絕困迫不堪而又恐中國乘機以兵襲之也恒惴恐及民國六年俄國因戰敗兵變皇帝被戕全國瓦解俄新黨與舊黨交開游兵潰卒闖入境內庫倫邊防益危險而中國西北籬邊使徐樹錚亦以兵來庫鎮亂至此外蒙王公始自悔自治制度之非而思恢復前清舊制八年十一月外蒙王公乃合詞上書大總統曰外蒙自前清康熙以來即隸屬於中國嗚呼向化二百餘年上自王公下至庶民均安居無事自道光年變更舊制有拂蒙情遂生嫌怨

外蒙

第二十一

十一

迨至清季行政官吏貪婪污穢眾心益怒當斯之時外人乘隙煽惑遂爾獨立嗣恰克圖條約簽定外蒙自治告成中國空獲宗主權之名而外蒙官民喪失權利迄今自治數載未見效果追念既往令人浩歎近來俄國內亂無知亂黨侵入蒙境俄人既無統一之政府即無保護條約之能力現以不能管轄其屬地而布里雅特等任意勾通土匪結黨糾夥迭次遣人到庫催迫歸從擬行統一全蒙獨主爲國種種煽惑甚形迫切本官府洞悉此情毫不爲動而該布匪復以大言恐喝謂我不即服從行且進兵侵畧又唐努烏梁海向係外蒙所屬

區域始則俄之匪黨強行侵佔拒擊我中蒙官軍繼而紅黨復至愈益殘暴外蒙人民生計向稱薄弱財政支絀無力整頓槍乏兵弱中央政府雖經擔任種種困難兼負保護之責乃振興實業尙未實行內政外交危險已極以故本官府迭經召集王公喇嘛等會議僉以爲中蒙感情日益敦篤均願取消自治仍復前清舊制扎薩克之權仍直接中央劃一權限所有平治內政防禦禦外患均賴中央竭力扶救當將議決情形陳報博克多哲布尊丹巴呼圖克圖汗業經贊成惟期中國關於外蒙內部權限均照蒙地情形持平議訂并於中央政府

外蒙

第二十一

三

統一權兩無抵觸五族共和共享幸福是我外蒙官民所共祈禱者也再前訂中蒙俄條約及俄蒙商務專條并中俄聲明文件原爲外蒙自治而訂今既已取消自治前訂條件當然概歸無效其俄人在蒙營商事宜將來俄新政府成立後應由中央政府負責另行訂議以篤邦交而挽權利所有王公喇嘛等合詞情願取消自治官府恢復前清舊制各緣由伏乞大總統鑒核訓示不勝迫切待命之至總理兼內務總長親王喇嘛巴特瑪多爾濟次長達爾汗親王彭楚克車林次長比力克圖大喇嘛貝勒彭楚克多爾濟外交總長公爵車林多

爾濟次長達賴親王車當同諾木次長阿其國王高楚克丹巴陸軍總長額爾德呢親王扎木彥多爾濟次長額爾德呢親王色隆托吉勒次長額爾德呢王彭楚克拉布丹次長依特格木吉圖貝子朝克圖瓦其爾財政總長貝子喇嘛羅巴倉巴勒丹次長王多爾濟車林次長蘇珠克圖貝子德木楚克旺斯勒司法總長達賴車臣汗旺那林次長岱青吉農王朝克巴達爾祜次長卓里克圖親王喇嘛達什敦遇布以上取消自治外蒙既因俄亂取消自治呼倫亦怵於孤立不能自存呼倫自民國五年巴匪餘黨竄入橫被蹂躪中國拘於條款不能進兵

外蒙

第二十一

三

副都統勝福逃亡人民生命財產受害甚鉅後得俄人同意發兵救之自此呼倫對於中央漸恭順泊俄國大亂逃軍散卒蠶來呼境中國復進兵呼邊鎮懾俄黨呼倫人民得以少安益感激十二月呼倫遂亦撤銷特別區域繳政權於黑龍江省長

嗚呼外蒙之變豈一朝一夕之故哉稽之舊籍外蒙喀爾喀諸部本元裔達延車臣汗之後達延車臣汗南徙近邊駐牧明人稱曰小王子其季子格埒森扎賴爾琿台吉留漠北析其部衆爲七授子七人領之分左右翼有三汗卽今之士謝圖汗車臣汗扎薩克圖汗也前清

崇德三年三汗始入貢然各王其國不請吏不置戍且叛服不常洎康熙中土謝圖汗殺扎薩克圖汗時準部鳴爾丹汗方盛強乘亂大舉入其庭再戰再北三部落數十萬眾咸瓦解二十七年全部南奔欸塞內附三十年清聖祖親巡塞外受其朝大會於多倫諾爾即安置牧所於多倫諾爾近地三十六年鳴爾丹竄死準部平土車扎三汗始還原牧由是外蒙始爲中國領土然尙未置將軍大臣以統之也其後準部策旺那卜坦父子復阻兵侵喀爾喀始於察罕瘦爾推拜河達克里河諸處置軍戍以防準保喀雍正中西北出師屢不利喀爾

外蒙

第二十一

古

喀親王策凌蒐部眾禦準大捷遂以爲鎮邊左輔將軍鎮烏里雅蘇台總蒙部兵清廷褒其功析土謝圖汗等所屬爲一盟曰三音諾顏使長之合土車扎三盟凡四部落策凌卒其子成袞扎布車布登扎布等相繼爲將軍者數十年乾隆中平定伊犁準部滅西睡息警而俄羅斯於庫倫屢有事二十七年始設庫倫辦事大臣而滿大臣諾木渾輔德等與蒙王積不相能先後劾罷於是又命蒙古親王桑齋多爾濟貝子瑚圖靈阿等相繼任庫倫大臣奏事皆首銜滿大臣柏琨勒保等與泰佐無異清高宗曲意優容之外蒙之悍驕當中國全盛時

已如此至烏里雅蘇台將軍後雖用滿人而猶擇蒙古王公一人爲叅贊凡四部落之兵皆統於每盟副將軍又降旨將軍大臣不得干預四部游牧事務設防兵盡撤僅於烏里雅蘇台科布多各留宣大換防兵一百二十名三年一易此外各城卡專用蒙兵其詞訟專爲蒙人者用蒙律盟地租賦皆歸蒙收漢民不得墾蒙地開礦蒙人生殺官缺予奪陞轉皆爲各扎薩克特權邊帥不得問當此時中國盛強力可制服外蒙而放任如此當喀部爲準部侵迫時本欲降俄因取決於哲布尊丹巴呼圖克圖呼圖克圖以中國奉佛同教力主南歸以

外蒙

第二十一

五

故歷朝皆加優禮建寺立碑所以推崇之無不至中國盛時之能因俗利導如此設使當日者內蒙旣已底定準回兩部亦漸戢平例以後世領土之義凡官吏予奪人民生殺詞訟法律賦稅各大權以及文字語言之統一皆須遵循定例一軌同風有不從者則以武力臨之務殺其驕悍之心而馴戢其蠻野之氣力優爲矣然而不出此者豈不以外蒙各境北鄰強俄南阻沙漠地寒少水輪輓艱險緩之則來歸急之則他去又親王策凌佐平準部有大功勛故一意懷柔使之誠服長爲外藩二百年來無有携貳咸同以還外蒙桀驁雄悍之氣亦

稍衰矣。而政府駕馭之方，隨之彌劣。每將軍大臣缺英才上選，皆以僻遠而不肯爲其願爲者，類皆卑瑣闕茸，貪瀆不學無術之夫。每稽查卡倫查禁地名，以爲需索而虐之於外，內則理藩院值各王公更易承襲，盟長簡放，年班入朝，種種婪索，務盈其欲而後已。因而各盟王公所負華商之債，積億累萬，破產難償，其種種積憾，備見於俄人所著蒙古游紀中。而政府不之察，光緒季年創興新政於外蒙之風俗人情，是否合宜，不考慮也。於聖祖世宗高宗三朝，懷服外蒙，深識遠慮之歷史，不計及也。而懵然命庫倫大臣亦仿行之。庫倫大臣迫於明

外蒙

第二十一

六

令不敢力爭創設審判廳練兵處交涉局博虛名塞政府而自哲布尊丹巴以下已疾首蹙額視如寇仇會武昌事起與同爆發耳然即使武昌無事海內宴然外蒙內積憾於我君臣外受餌於強俄之變詐叛離之期當亦不遠且夫外蒙之變叛國耳胡能與各省獨立等觀哉而當時報紙以積恨清室之故大書特書曰庫倫獨立若有幸詞者是眞味親疏忘遠近而不知其禍之大且久之倍徒於各省也當元二年間庫賊寇邊西自新疆山陝甘肅綏遠察哈爾熱河東至奉天黑龍江縱橫萬餘里賊踪出沒屠戮我人民焚燬我廬室擄掠我牲

畜財產沿邊商民所受患害雖內地革命蹂躪極久之地亦無其慘徒以邊僻荒道交通阻絕報紙不能紀其詳遺黎無自鳴其苦非身歷其境者不能道其彷彿也嗚呼悲已泊夫三年協約既定戰事停息四五年間沿邊商民畧與爲孳息而元氣已耗難復舊觀值強鄰崩頽無暇肆毒蒙亦悔禍還我主權則又時會之所乘而非謀國者之果臝也至若呼倫人民純爲滿族與外蒙既不同種聲息亦不相通其叛也俄實主之而因於庫倫之亂故亦附及焉吳北江云論甚雄偉但似偏重康不無少偏之處乾時懷柔政策則今昔時勢不同

外蒙

第二十一

七

各省獨立推翻君主外蒙獨立背叛中國其性質迥不相同又民國共和以五族爲旗幟外蒙離叛顯然裂出一族影響國家前途甚鉅故在全書中敘述別具一種書法一種眼光與他篇氣息不同吳北江云此卷及西康篇詳人所畧尤極可寶貴文字



西康第二十二 西藏附

西康古康藏衛三區之一西康為西藏之東

而功敗垂成前此無人道及文特且加詳焉是吾國西南極有關係大文字

輿圖知有藏不知有康一出打箭爐即云進藏國家于

藏設辦事大臣於康則否至光緒三十二年始創設督

辦川滇邊務大臣康居川滇之間故名川滇邊務若曰

此藏地之鄰于川滇者耳仍不以駐康名則執政者之

謬也敘事之文間以辨駁在書中別具一幅精神地名不正中國人士恆視

康藏為一于是藏人受外人煽惑藉端兼併其實康地

東自打箭爐起西訖丹達山止三千餘里南與雲南之

西康第二十二

維西中甸兩廳接壤北踰俄洛色達野番與甘肅西甯

接壤更四千餘里其西南隅踰雜瑜經野番境數日程

即為英屬幅員遼闊倍於川等於藏歷代不知經營將

地界于原有土司而自治者十之五界于呼圖克圖者

十之一流為野番者十之三由清廷賚予西藏者十之

一江卡貢覺桑昂雜瑜瞻一對皆後先賞給西藏以數千里之地界限混淆藏

既不全有清雖有羈縻之名然祇於打箭爐設同知裏

塘巴塘察木多設糧員外雖設副將遊擊都司守備等

武官但供給官差過往衛護驛站行旅而已至各地番

民之治理任土司及呼圖克圖並堪布橫徵暴斂慘無

人理中國不過問也其酋長之雄黠者或蠶食各部併

其地役其民淫昏凶虐頑梗自大中國亦不過問也不

諳其俗故弗理其政不征其稅亦不利其土莽莽隕區

視若歐脫指陳形勢剖析原委如數指上光緒三十一年

駐藏幫辦大臣鳳全由川赴藏道經巴塘察其土地

膏腴即招漢人開墾番人以神山不可動出而阻撓鳳

全不聽於茨黎隴築壘場委巴塘糧員吳錫珍都司吳

以忠經紀其事番人愈疑阻巴塘正土司羅進寶及堪

布知眾怒難犯勸鳳全速行鳳全晉之番人遂羣起逐

鳳全漢兵寡不敵眾吳以忠陣亡鳳全逃入正土司寨

西康第二十二

內與番人議和番人詐許迫鳳全回川鳳全東行至鸚

哥嘴伏起官兵同及於難川督錫良奏派提督馬維祺

建昌道趙爾豐督兵征之爾豐經營西康自此始特筆

以為前半高綱領六月克巴塘誅正土司羅進寶副土司郭隆

宗保及首惡之堪布喇嘛數人嗣以糧運不濟維祺回

川留爾豐善後九月爾豐復率師剿滅倡亂之七村溝

並搜擒各處餘匪遷正副土司之家族于成都給以俸

養巴塘底定十月遣道員傳嵩林查戶口定糧賦十一

月遣員赴鹽井權鹽稅西康部落以巴塘為最繁盛地

方千餘里而與巴塘相持者裏塘也在巴塘東亦土司

制初裏塘屬地鄉城喇嘛普中扎娃強悍知兵叛土司獨立。至光緒二十年復誘殺裏塘守備李朝富父子。川督鹿傳霖遣遊擊施文明率兵攻之。爲番人所敗。文明被擒。剝皮實草。以爲歲時還崇之具。及爾豐赴巴塘路過裏塘。雇用烏拉運糧。烏拉者番人支差之名。而正土司四郎占兌乃巴塘正土司之妻私生子。故約副土司禁頭人給烏拉。由是糧餉不能轉運。爾豐乃殺其頭人。拘禁正土司。糧乃運行。爾豐赴巴塘。令糧員查窺。仍拘禁正土司。勒令續雇烏拉。未幾正土司殺守卒。逃往稻壩。貢噶嶺。嘯聚爲亂。爾豐既定巴塘。移師攻鄉城。並

西

康

第二十二

三

都與川督錫良滇督丁振鐸議籌西康用款。十二月鹽井臘翁寺爲亂。爾豐電飭防兵攻克之。三十三年正月春。詔爾豐護理四川總督兼督辦邊務。爾豐卽修建關外旅店。招募農民開墾。奏遣吳嘉謨辦學務。聘美人勘金礦。創製革廠於巴塘。建鋼橋於河口。並延日本農技師提倡農業。遣員出洋購織絨磨麵各機器。分遣醫生購藥餌。出關設局。奏設裏化縣。定鄉縣於裏塘。巴安縣於巴塘。凡西康應興革諸大端。次第陳奏。允行。復由部撥開辦經費銀壹百萬兩。西康規模粗具。三十四年正月。詔授爾豐爲駐藏大臣兼邊務大臣。七月復與川

西

康

第二十二

四

兩地張繼乘畔與土司言為逐其婦及降白仁青乃率兵入德格擄土司夫婦至成都鹿傳霖奏與瞻對同攻流後駐藏大臣文海成都將軍恭壽劾傳霖翻瞻對案德格亦與焉土司夫婦得省釋旋皆病故傳霖遣其二子回籍朝廷允以多吉僧格暫管地方承襲土職後降白仁青爭土司多吉僧格遂奔藏娶妻妾欲不歸矣而德格頭人百姓以降白仁青非羅道彭錯子且殘暴不願戴之赴藏迎多吉僧格歸擁為土司降白仁青以民不附已已退讓既數年矣而頭人正巴阿登等樹黨營私復嗾其爭職並誘奪多吉僧格妾多吉僧格夫婦復

西康

第二十二

五

奔藏控于駐藏大臣有泰張蔭棠不得要領德格百姓復迎之歸且擒降白仁青禁錮之降白仁青越獄逃因復為亂多吉僧格避匿民家財貨被掠皆盡會爾豐出關多吉僧格即遣人赴打箭鑪呈控爾豐即率兵往剿十一月抵更慶十二月攻賊于贈科賊竄雜渠卡時雪深草枯烏拉難行官兵不能追賊復猖獗宣統元年正月瞻對藏官調兵來犯遣道員傳嵩姚扼之于昌泰爾豐奏請銷去駐藏大臣專任邊事詔允之四月爾豐親督兵赴雜渠卡敗賊于麻木北遁千餘里至卡納沙漠官兵追十日及之斃其魁餘眾投降降白仁青亦竄入

藏德格乃平多吉僧格夫婦泣請爾豐收土歸流爾豐許仍襲土職多吉僧格以土廣人稀窺伺者眾與其不保于將來何若早圖于今日爾豐從其請奏收多吉僧格宣慰司職為花翎二品頂戴都司世襲年給養贍銀三千兩分其地為五區中區曰德化州南區曰白玉州北區曰登科府極北一區曰石渠縣西區曰同普縣東區之絨壩擦暫附中區而德格北之俄洛色達兩野番亦聞風來附俄洛色達地延袤數千里西北直達西寧爾豐復奏設邊北道缺於登科以資控馭焉附德格境內有三小土司曰春科人口不及百戶土司官絕無嗣

西康

第二十二

六

由藏派春科寺喇嘛為堪布治其民徵其賦至是爾豐逐堪布改流曰高日人口百餘戶耕牧于登科金沙江及雜渠卡雅龍江之邊其土司印信久為藏官堪布奪去收為藏有至是爾豐勒堪布繳印驅之回藏併其地于登科府石渠縣分領之與土司以都司世職曰靈惹人民數百戶地僅數村有耶吉嶺一村土司會施與德格之巴邦寺喇嘛復欲收其地屢經械鬥適爾豐至登科巴邦寺控于行轅爾豐判令土司還所却耶吉村牛馬改流歸登科府德格全境皆定德格分兩層叙與前巴塘裏塘文法相配爾豐即奏設收支局定賦稅鑄銅元出關行使八月爾

豐渡金沙江至春科巡閱十月回德格更慶適川兵入藏藏人梗阻于察木多西境劫軍糧擄官兵爾豐聞警復率邊軍兼程進經崗沱渡金沙江由翰林同普越雪山抵察木多護川兵入藏三十九族者地與西甯相連原百餘族數十族歸西甯三十九族歸駐藏大臣然地非藏境族人不願屬之爾豐駐德格時族人慕爾豐威德來投至是復來請爾豐即奏歸管轄議設官八宿者在察木多西歸呼圖克圖治理聞爾豐待番人有恩信僧俗頭人來謁請歸流設官爾豐並允之過八宿西即丹達山矣為康藏分界處有四部落焉附丹達山東麓

西 康

第二十二

七

者曰類伍齊曰搬碩多曰洛隆宗曰邊壩與藏境毘連清時嘗賚予藏人四部落地當入藏孔道故于搬碩多邊壩等處駐千總把總外委等官護守驛站川兵之入藏阻我者即四部落也川兵繞道由三十九族入藏爾豐即督軍向大道轉戰前進四部落皆敗潰投誠且為我兵購運糧秣時隆冬雪深草枯牛馬乏食倒斃甚眾爾豐憐之遣察木多糧員劉廷灝携資賑卹番民大悅而駐藏大臣聯豫聞邊兵收服四部落即遣員駐搬碩多充理事竟據為轄境於國家籌邊遠畧及爾豐力征經營苦心茫然莫解也文氣悠揚委婉歎歌唱歎有弦外之音爾豐既定

類碩落邊四部落即分兵取江卡貢覺桑昂雜瑜各部江卡貢覺者蒙古人種土人尙存元代蒙文制誥桑昂雜瑜皆野番投誠者清初川兵入藏多取道於桑昂設有台站後乃併歸乍了雜瑜之外尙有野番與英屬接界合四部落地廣袤千餘里南與雲南怒江接北與三巖乍了接東與巴塘鹽井接西與察木多波密八宿接清時亦賞給藏人於江卡設守備等官護驛站而藏官徵其糧賦川兵之入藏初由江卡藏官調土兵阻之乃改道由德格察木多以避江卡之藏兵時邊軍為前驅越丹達山直抵江達而江卡藏兵數千人即欲乘虛犯

西 康

第二十二

八

巴塘勢張甚爾豐分兵擊之藏兵潰散二年春爾豐疏請收回其地並請與藏人劃界於江達而聯豫送為藏人爭仍還其地爾豐乃招集頭人百姓詢問歸何屬僉以藏官虐願歸流爾豐即為設官治理之於是江卡貢覺桑昂雜瑜四區卒為國有不屬藏人四月爾豐與川督趙爾巽奏設邊北道登科府德化州白玉州同普縣石渠縣五月邊軍自江達回察木多六月爾豐率兵赴乍了乍了與察木多相連兩地共千有餘里皆受治於呼圖克圖亦清初所賚予爾豐既至即宣布呼圖克圖橫征暴斂狀勒令改定番人悅服並設官為理詞訟初

鳳全之被圍乍了曾出兵至是罰出房贖罪以爲衙署
至次年遂改流令呼圖克圖繳印查丁口定稅則以一
半爲行政經費一半給呼圖克圖乍了察木多亦定七
月定鄉兵變遣統領鳳山定之九月三巖野番投書索
戰三巖在德格南江卡北地僅數百里分上中下三巖
無土司頭人爲約束專劫掠爲生各屬番人及商旅無
不畏惡之川兵入藏由三巖捷徑可省五六日程然恒
繞道由江卡不敢直經其地光緒二十年乍了江卡貢
覺合兵攻之大敗而遷三巖勢愈熾漸侵劫大道川督
鹿傳霖遣夏提督及統領韓國秀往攻之被野番圍困

西康 第二十二

九

於下三巖之間賄以茶包始得退出並割巴塘土司白
獎工地一段與之又爲請獎土千總土把總兩職年給
土餉銀數百兩以羈縻下三巖之喇嘛數十戶藉以息
事而野番掠劫如故藏商屢遭其害三十四年藏人以
兵攻之經年不克亦議和野番愈肆至是復割官兵槍
械擄哨弁毆傷放回爾豐乃密遣人探其路徑及地勢
久之悉得其情十月遣傳嵩林率兵分五路進攻野番
首尾不相顧戰旬日人其巢穴乃乞降即改流設官全
巖肅清康西南地既大定爾豐即馳歸巴塘經營西北
東上起下轉關清晰 三年試驗番學生奏撥學費二月攻克巴塘

屬之得榮浪藏寺設得榮委員收服冷卡石三月詔爾
豐署四川總督以四川藩司王人文爲督辦川滇邊務
大臣爾豐以邊功未竟不欲來請收回成命不允而人
文不能卒至時川民以鐵路收歸國有方力爭朝旨催
爾豐到官甚急四月奏以道員傳嵩林代理邊務大臣
初波密者界于康藏之間與白馬崗相連自稱係漢人
苗裔漢兵進藏因無餉而流落于此鍾穎之率兵入藏
也聞波密係漢裔遣守備楊德修招之爲兵波人不願
及爾豐至察木多波人來投願仍歸漢爾豐嘉其順允
之重賞遣去而駐藏大臣聯豫忌爾豐功謂波密改流

西康 第二十二

十

恐招藏人忌持甚力及宣統二年春復呈驗其產棉種
糧及所織之布以實其確爲漢人並詳述其疆界與白
馬崗相連白馬崗外爲野人野人之外卽英屬也請早
設官保護以免歸藏爾豐方猶豫令稍待而聯豫聞波
人之樂于就撫也卽派兵招之波人不降至是聯豫遣
鍾穎攻之大敗而退全藏振恐求援于爾豐爾豐遣統
領鳳山率兵往會克波密並取白馬崗奏請改流而聯
豫仍欲爲其轉境朝廷懵然不知其謬也爾豐雖卸篆
仍與嵩林籌議西北各部落改流事不卽行瞻對者距
打箭鏺七日程東連明正單正麻書孔撤章谷五土司

南接裏塘毛了崇禧三土司咸豐間有土司攻布朗結者陰鷲多謀併五土司爲一由是西藏各部皆爲懾服同治初藏商購茶歸被攻布朗結掠其貨藏人怒由駐藏大臣奏請川藏會兵討之時川督駱秉章以方計石達開不暇顧而藏兵已出各土司羣起助之秉章料瞻對敗必爲藏有始飛檄止藏兵不聽卽遣道員史念祖率兵會攻念祖至打箭鑪不敢進藏兵已克瞻對誅攻布朗結父子矣念祖乃往收其地藏人索賄兵費二十萬金時府庫空虛朝廷卽以瞻對歸藏藏人遣民官僧官各一併駐兵鎮撫之垂三十餘年瞻民不勝苛虐

西康 第二十二

至光緒二十年殺藏官自立川督鹿傳霖卽遣兵攻克之當是時藏人自失瞻對而川收之藏人既無詞以爭卽爭亦可重索兵費以難之也乃駐藏大臣文海成都將軍恭壽祖藏人密劾罷傳霖仍將瞻對與藏矣自是藏官愈肆凡西康各土司無不役使之民不堪命重筆愈見爾豐魄力沈雄能負重任下文收瞻對乃倍有力至是爾豐出關沿途控訴者成市爾豐屢電政府請逐藏官收瞻對政府恐釀交涉訖不決六月爾豐將歸與嵩林議以瞻對屬藏終爲西康害且禍川卽與嵩林率兵入瞻對逐藏官收其地召百姓公議稅則設官治理遠近番人歡抃鼓舞後藏

人迭請聯豫爭瞻對均經傳嵩林駁之藏人無如何瞻對卒爲西康所有者爾豐之力也孔撤直瞻對北境其土司兼襲麻書土司曰俄珠宜美與其母央機曾抗拒過境官兵思爲亂後爾豐至懼罪乃盡出其資購茶遁往西藏中途爲爾豐所獲囚禁之爾豐與嵩林北行至甘孜央機母子懇捐學費金三千兩贖罪爾豐釋之並發還其茶設委員治理之爾豐威德日隆于是白利倬倭東科章谷單東魚科卓斯納奪沈邊冷邊咱里巴底巴旺魚通明正十五土司及羅科野番泰凝一作泰甯喇嘛寺皆聞風震懾白利倬倭東科章谷單東境皆與孔

西康 第二十二

撤麻書連魚科與單東連卓斯與魚科連羅科則在章谷魚科之間冷邊沈邊咱裏與四川清溪縣接巴底巴旺與懋功廳接距成都尤近魚通在打箭鑪北納奪在察木多東其部落皆編小人民不過數百戶其土司或絕或否而明正最大神似西南夷列傳明正卽打箭鑪古旌牛國地縱橫千餘里其土司名甲木參瓊珀爾豐旣與傳嵩林東行至鑪卽飭各土司一律繳印收流各土司皆俯首聽命惟魚科土司及下羅科野番不從嵩林遣兵攻之預飭上羅科投誠番人阻其竄路獲土司殺之併其地于道鳴而下羅科因魚科敗降亦懼而就撫焉泰

疑者距打箭鑪西南三百里昔為達賴喇嘛降生之所故歸藏屬地產金沙錫良之督川曾飭打箭鑪同知劉廷恕開採而泰凝寺喇嘛梗阻殺都司盧鳴鳳錫良遣提督馬維騏討之乃平傳嵩林以康地皆改流泰凝應歸一律即追繳駐寺堪布扎委銷毀之另與喇嘛以卹銀西康北境亦平爾豐自光緒三十一年以次戡定康地馳驅勞瘁至是凡七年共用款六十餘萬部撥經費尙餘三分之一而西康全局皆定爾豐之治康以傳嵩林為主謀嵩林川人助爾豐謀經營習其俗狎其人並知其山川扼要形勝其制馭蠻人既威之以兵復懷

西康

第二十二

三

之以恩故蠻人悅服視爾豐若神聖爾豐以便接人傳聯尹諸人○將年限經費通盤籌畫非但為趙爾豐生色無此重筆固鎮不住如此大文也收拾完整筆力千鈞爾豐既去傳嵩林復接辦改流事又數月規模益具乃建衙署於巴塘以為省會即奏言查邊地界于川藏之間南接雲南北連青海地處高原對于四方皆有建瓴之勢非特與川滇輔車相依而已我朝版圖式廓以其僻陋未及經營僅以羈縻之方官其酋長作為土司俾之世守以數千里之地分為二三十部落等於封建有朝貢之名無臣服之實如咸同年間瞻對土司攻布朗結併吞五土司地土夜郎自大頑梗跳梁其地卒為

藏人奪去于是各處土司喇嘛只知有藏不知有朝廷光緒二十年以來鄉城則據邑而抗殺將官乍了則入藏而圍攻欽使泰凝以開礦而拒斃武弁巴塘以墾地而戕害大臣叛亂疊興屢煩兵力光緒三十二年裏巴兩塘經建昌道趙爾豐戡定朝廷注重邊疆為長治久安計特簡趙爾豐充邊務大臣鎮撫其地六七年來草創經營所有各屬土司及野番各部落並瞻對等屬之為藏有者皆以次戡定改流設官及本年三月爾豐又奉命署理川督由邊入川此時關外未改流之土司及野番只餘數處經臣接續辦理就緒計地面已奏設府

西康

第二十二

四

聽州縣者十餘缺已奏設官而未定府廳州縣者拾餘處近且改流及從前應行添設郡縣之處猶多建省之規模已成而星使非嘗設之官形同寄處亟應及時規畫改建行省俾便擴充政治底定邊陲查邊境乃古康地其地在西擬名曰西康省建設方鎮以為川滇屏蔽藏衛根基嵩林奏於閏六月發遞七月十二日至成都時川省已大亂文報不通能達與否訖不得知即使能達而四海鼎沸清室垂亡亦無暇議此也惜已惜字為通篇之十月成都獨立趙爾豐乞援于駐藏大臣聯豫骨至此及嵩林十二月嵩林率防軍數千至雅州四川軍政府

遣兵禦之。嵩林戰敗。匿教堂中。川軍捕得之。囚于成都。由是川邊無主。當是時。駐藏大臣聯豫亦因兵變逃走。藏番勢力東漸。煽蠻民為亂。各屬防軍數十營。因餉缺。川亂恐慌。後先譁散。爾豐力征經營之績。復墮毀無餘。接入革命引起藏事為通篇大轉折。文筆變幻。矯矯健。大有八月秋高風怒。號卷我屋土三重茅之勢。初駐藏大臣聯豫者。軍機大臣那桐之戚也。光緒三十一年。由雅州知府擢駐藏副大臣。聯豫為人小有才。不知大體。以下追敘聯豫亂藏原因。簡明清晰。三十三年。拉薩開商埠。欽差大臣張蔭棠入藏查辦。蔭棠嫻外交。處藏事得宜。聯豫恐奪其位。搆於政府。那桐助之。竟擠蔭棠去。藏舊駐綠營兵五百人。足資鎮懾。聯豫性貪不整頓舊營。而奏練新兵兩營。以徐方銳為統領。方銳性剛猛。常失禮於其左右。聯豫信讒。疑方銳者屢矣。一日方銳上謁論事。手摩刀柄。聯豫遽指為行刺。縛出斬之。三十四年。聯豫復奏調四川候補道鍾穎為協統。率兵一混成。協入藏實千餘人。鍾穎報入藏旅費六十萬。與聯豫朋分。達賴喇嘛不知。聯豫練兵意在吞沒帑項也。則大懼。一則字便生出無限風波。所謂一語人達賴堪布。厦札葛布倫者。狡黠陰險。凡藏事皆主之。聯豫屢欲殺之。皆為人勸阻而止。厦札葛布倫聞之。懼遂挾達賴逃居英屬大吉嶺。時參贊羅長荷說聯

西康 第二十二 五

豫速以計釋嫌疑。迎達賴歸。聯豫不從。遽奏請革除。達賴宗教名號。立威藏人。藏人信仰。宗教深望。達賴歸甚急。聯豫久之始悟其非。遣羅長荷往迎。達賴要求恢復名號。撤退陸軍及聯豫。始肯歸。不得要領。藏人因達賴不歸也。嫉惡聯豫。初駐藏綠營兵皆娶有藏婦。人月給青稞一斗。年給米一石。米自食。青稞養婦。再以餘資使婦牧羊豕。以故安分不為非。及陸軍來欺侮商民。姦良家婦女。日有聞鍾穎者。貽穀姪。紈袴無軍事知識。放任之。藏民益怨怒。宣統二年。聯豫復欲興辦水師。藍翎侍衛楊有奎者。四川大邑人。其同里葉綸三因有奎投効水師。綸三哥老會首也。既而水師議罷。綸三因居藏中。遂誘軍人入會。開山堂。設局賭博。由是哥老會蔓延於陸軍中。至三年七月。藏軍聞四川爭路大亂。皆欲回川。又數月不發餉。於是哥老會首葉綸三田得勝。蘇宗幹張榮繁嚴步雲吳金山郭秉侯等。嗾軍人為變。九月丁亥。拉薩兵譁變。搶劫兵備處軍械糧餉。戊子。劫駐藏大臣官署庫房各局所。及街市鉅商。舉兵備處書記官李治平。標部書記官范金為總參謀。治平等固辭。眾不允。乃與眾約。禁剽掠。禁戕害滿漢官。優待番民。以免妨害。將來藏事眾允之。己丑夜。治平命田得勝等率兵

西康 第二十二 七

入署擒聯豫置札什城營中而統領鍾穎以待兵士寬也。眾有附之者至是膝行入營叩頭懇眾釋聯豫眾猶豫鍾穎乃乘間命隊官丁克敵率兵十餘人入營刺殺葉綸三冀劫歸聯豫由是營中大亂自相殘殺十月乙未朔聯豫竟潛逃回署鍾穎乃召李治平范金計事即囚之而江孜一帶陸軍及警察聞警亦折回拉薩王寅聯豫復逃居別蚌寺以鍾穎代理署事是夜鍾穎陰殺李治平范金眾聞之大憤鍾穎以重賄賂各軍官收江孜兵入伍人犒餉銀三月仍照發正餉眾少定然劫殺愈不能止復強求西藏政府給資還川藏政府恐其掠

西康

第二十二

七

奪寺內寶物也與之初波密亂鍾穎將兵征之輒敗聯豫命參贊羅長荷代之長荷御眾嚴而兵皆會黨聞拉薩亂也亦譁變縛長荷及標統陳慶至拉薩請鍾穎殺之鍾穎許參處眾不允復擁長荷等回江孜使服勞役長荷自投崖下不死亂兵曳之起遂與陳慶同見害聯豫既退居別蚌寺以革命盡屬漢人遂遣戈什閃圓光與鄉僧密謀連結達賴喇嘛起兵攻滅漢族達賴即遣厦札噶倫布傳檄各境番兵五千餘人圍攻江孜當是時拉薩兵初變不服命令而鍾穎亦恨漢人革命也坐視不救民國元年二月駐後藏札什倫堡陸軍聞之來

援連戰數晝夜斃番兵千餘人漢軍亦死數十人後因糧彈將罄英廓兩國領事出為調和遂護送官兵至印分期回國三月癸卯番兵數萬人進圍拉薩漢軍寡不敵眾死七八百人拉薩衙署及軍械局銅元局以次為藏人所奪漢殘兵被脅繳械及大小官吏皆饑流印境達賴復迫逐後藏班禪喇嘛囚其左右更進陷江亞逐靖西同知馬師周時參贊陸興祺及師周自印度迭電中央及滇川求救情詞哀切不忍聞均以大局未定不能顧及而漢商民居藏者被屠殺幾盡藏番勢力遂東漸及康大海迴瀾歸熙甫所謂如放風箏只要握得線牢也康人民種族宗教風

西康

第二十二

六

俗文字大多數與藏同所謂漢民不過十一耳趙爾豐前既臨之以兵復革除藏番及土司苛政故康民悅喜然僧番遍境聲息相通勢力仍潛伏固結至是達賴更密檄康地僧徒嗾蠻民仇漢而邊務大臣又久無人於是康所有州縣遂以次陷沒矣筆曲而達詞婉而健作者每於過峽處或總挈處便搖曳驚舉打起精神三月番寇陷鄉城四月陷定鄉川軍統領丁幫帶戰敗逃陳糧員死之寇更進陷稻壩公憂嶺公憂嶺戍兵百四十人被殺過半餘焚營求自斃寇入滅火縛餘兵經大喇嘛勅免死驅入雲南中甸境滇統領孫紹騫憫之仍編為兵雪山脚者中藏分界處藏番駐

兵三百扼守。由是川藏路阻。川兵益不得歸。六月定鄉。鑿攻江卡乍了。陷之。江卡防兵四棚均陣亡。餘八人降。委員段鵬瑞逃入滇界阿墩。時南墩僧番得藏番軍火。相繼叛變。復進陷稻城三壩南墩等處。拘道場守吏。時川軍駐打箭爐者。有一鎮兩標。因餉缺軍不固。坐視不能救也。七月裏塘河口鹽井均陷。巴塘昌都被圍數重。鑑城大震。巴塘哨弁劉錫章。鹽井委員張世杰均逃入滇界阿墩。滇大局久定。迺西總司令李根源既平騰越。亂即建議出師援藏。而川人久嫉惡滇軍。固拒不從。云康事由川獨任。滇都督蔡錕亦以勞師遠出。滇力難勝。西康 康 第二十二 九

月任命尹昌衡兼充川邊鎮守使。昌衡以蠻人所畏。惟趙爾豐乃廣散殺爾豐時遺尸攝影。冀威遠人。康民念爾豐恩也。觀之大恨。再縮趙爾豐而絕無痕。又川軍將士頗淫掠。康民益失望。然僧番本無戰畧。八月昌衡命朱森林趨南路河口裏塘。以劉瑞麟督北路。援昌都。巴塘瑞麟勇敢善戰。熟邊情。初為營長。蒞書禮副官。書禮怯懦不能軍。昌衡頓拔瑞麟為大將。令督軍猛進。日趨百餘里。並揚言都督親征。率師十萬。且大至。北路諸夷聞之皆潰。於是道鴻瞻對諸防軍。劉贊庭願復慶時傳文。朱憲文牛運隆劉筱廷杜培基諸營圍盡解。瑞麟乃撤牛運隆守道。鴻劉筱廷守瞻對。杜培基劉贊庭援巴塘。願復慶時傳文。朱憲文援昌都。皆騎行越山。邊軍久戰。識形勝。又初出險。氣奮皆死。戰。劉贊庭至七村。連戰皆捷。巴塘圍解。時巴塘被圍已三月。城中僅餘數日糧。彈且盡。統領顧占文集諸軍死守。諸夷環之數周。眾數萬。絕其水道。據高山。臨之。占文兵僅四五百。日募壯士潰圍出。奔諸險。而救訖不至。自分食盡。守孤城死矣。至是圍解。前後斬獲數千。原野為腥。寇皆向西路退。當是時。劉瑞麟亦至昌都。藏夷不虞其猝至。大驚。棄城走。昌都圍解。守將彭日昇出應之。寇眾大潰。追獲其輜重及

其將呼圖克圖日昇之守昌都兵不滿三百寇居高憑寺墻臨之墻堅厚彈不可入乃募壯士乘夜出焚其積聚寇眾萬餘無宿粟日昇日與戰不屈寇嚼以金不從資送東歸亦不從東道絕數月請援無從益死守不去昌都門戶竟得保全者日昇之力也九月朱森林陳步三等與寇戰于河口克之進畧裏東五戰五勝遂復裏塘初朱森林請盡軍往裏塘昌衡曰不可昌都巴塘食盡兵窮顧占文彭日昇潛書告急旦暮且不保若盡軍取裏塘裏塘復而昌巴必陷夫兵取勢也都督親出全邊震驚出師一二寇疑千百勢如拉朽北定而南驚利

西

東

第二十一

三

孰大焉卒兩路出兵分援計出關不過三月打箭鑪裏塘巴塘昌都皆定昌衡乃令顧占文守巴安劉瑞麟守昌都分援江卡察雅鹽井營長鄒衍貴清河口餘寇朱森林駐巴裏進定鄉稻團長向樹榮合陳步三兵往北路進定甘登未幾江卡察雅鹽井鄉稻甘登乍了南墩諸境皆定惟鄉城未下昌衡以控邊制藏非同時並舉無以全領土維國權寫尹昌衡生氣勃勃與趙爾豐相輝映無虎頭蛇尾之嫌十月令邊軍盡集于昌都以黃煦昌為集中司令統昌都軍事以營長張茂林為征藏前鋒會劉瑞麟與藏番大戰于俄洛橋藏偽大都督遜歸藏潰卒有來歸者昌衡乃

籍其名編入西征軍約五百人決議從間道趨拉薩達賴喇嘛聞之大懼二年三月達賴遣邊務大喇嘛洛桑吉麥郎結致書雲南都督蔡鍔懇息戰緩兵並懇委員到境查辦詞恭順鏘據以聞時袁大總統以庫藏虛民國未經列國承認深慮因藏事失英歡即嚴檄昌衡川邊區域應守前清末年界限所有軍隊勿得過江達以西會革命黨人黃興等謀起事招昌衡昌衡馳歸成都署都督胡景伊不交替而中央電催昌衡回邊甚急昌衡不得已仍回打箭鑪自率百人西巡及雅江聞藏番以千餘人出巴裏間與稽廉連戰三日始退昌衡乃馳

西

東

第二十二

三

至裏塘親入寺招諸夷撫慰之而以周尙赤率兵二營進略鄉城至大橋藏番復大舉入寇營長陳桂亭戰敗奔巴塘舒雲山被圍南墩巴塘守兵糧絕欲退昌衡令稽廉赴援並以糧運遲自將牛馬百頭馳驛赴巴椎牛饗軍而緘米諸夷聞昌衡至驚懼爭納糧未幾黃煦昌至乍了與顧占文合兵夾擊大破之斬馘二千餘級藏軍始退乍了江卡南墩復定時鹽井岡達寺僧聞風自請禦敵三巖番民亦出兵助剿斃逆番數百奪獲槍械甚多來獻捷昌衡特免其徭役一年以示優異川邊道路大通商貨匯至巴塘人心畧定而達賴喇嘛自嘉裕

橋以西。密布礮卡。節駐重兵。且遣使四出。煽亂伺隙。出沒。昌衡乃決計持重。令劉瑞麟鎮昌都。西邊藏逆。南控江卡。顧占文鎮巴安。南防鹽井。東控鄉稻。朱森林鎮裏塘。西援顧軍。南防稻壩。劉筱廷往甘孜。鎮北路。有事互為救援。無事堅守不動。而以稽廉率兵六百。游擊鄉城。賊會藏番復大舉入寇。五敗之。于嘉裕橋復敗之。于江卡。鄉城寇聞風思出。竄稽廉朱森林迭敗之。然兵單能扼要。截堵不能。犁庭掃穴也。久之賊困始降。康地既粗定。昌衡乃呈請將先後投誠之德格土司多吉。僧格。明正土司甲宜。齋應。丹東土司漢旺。登。巴旺。土司楠。詩。巴。

西康

第二十二

三

全邊夷民聞風携貳。伺隙而逞。鄉城賊既降。得榮夷復叛。訖昌衡去。不能平。後鎮守使張毅復命統領劉贊庭督兵討戰數十日。至三年一月始平之。而昌都貢噶定鄉番寇仍為變。不服。於是始知趙爾豐之能馭夷。其功為不可沒也。仍結到趙爾豐賓主分明。文氣亦寬博有餘。嗚呼。是非之不明也久矣。趙爾豐督川。身敗名裂。究其歸亦無大罪可擿也。及吾讀西康建省記。而知爾豐經營康地。厥勛至偉。惜其功次其事不覺。詞之費亦欲後來。畧知邊事。尹昌衡於民國初定。慷慨遠征。其勇敢有足多者。獨狂駭若聯豫。使膺駐藏重任。此亦清室覆亡之一徵也夫。

西康

第二十二

三

全篇以趙爾豐為主。傳嵩焘為賓。聯豫為賓。中賓尹昌衡為賓。中主或正寫或側串或倒提或補叙筆筆有法。步步為營。局勢則句奴傳筆法則大宛列傳沈洋恣肆。慷慨涕洟。極行文之能事。惜功為通篇主。愠前半敘趙功。中敘趙功。因革命而功虧一簣。因藏亂而功全毀。因川滇交惡。不速援康。而功益毀。後敘尹昌衡雖粗定康地。而趙爾豐所建設。迄未恢復。自首至尾。語語皆含感喟之音。以如此鴻文。總為二字所緯。絡美人細意。慰貼平裁。縫滅盡。

鍼線迹閱者勿徒炫其宏博而忽其細鍼密縷也
人患無樹立耳苟有建樹功在國家必有人表而出
之趙大臣七載籌邊之功蔽於革命幾無人能知今
得此文豈惟趙公可慰九幽裨益邊事甚大

西
康
第二十二

三

直隸河南東三省甘肅第二十三

自武昌起兵各省響應獨立惟直隸河南甘肅東三省
則否直隸自張紹曾頓兵灤州要改革政體威脅京師
同時吳祿貞在石家莊招降晉軍劫輸鄂軍火與紹曾
犄角相約起兵當是時畿輔東西岌岌不保既而祿貞
被刺死紹曾去職北方復定當紹曾之未去直黨人奔
走游說者踵相屬也後袁內閣入都爲親貴所逼危甚
直紳李焜瀛劉春霖等與直隸總督陳夔龍密議迎袁
內閣至津巡行鎮人心實欲擁之獨立夔龍許之爲備
行轅於河北袁內閣心知其意以計未萬全屢遣其子
直隸河南東三省甘肅第二十三
三省甘肅
克定與春霖等密議依違不決會馮國璋攻下漢陽復
止至十一月灤州兵復獨立久之乃平直隸亂始已河
南巡撫寶棻去後袁內閣以齊耀琳爲巡撫以倪嗣冲
幫辦軍務駐潁亳間以姜桂題禦秦軍屯陝洛王天縱
者夙盜也有眾數千人聚嵩山間官不能治至是亦自
稱革命軍大總統圍攻河南府進陷宜陽盧氏然避美
軍不與戰騷擾於靈寶硤石之間後秦益之兵南與汝
州寇合竄入南陽南陽外爲襄陽黃仁英所攻陷新野
內爲王天縱所擾人民塗炭汴詒議局以南北方議和
停戰遣議員郭奎文阻之道爲鄂軍所殺總兵謝寶勝

聞新野陷十二月壬戌與都司姚藹雲赴校場誓師及歸而府縣官皆遁紳士延敵城內火起天縱入城矣寶勝將百餘人走裕州至則裕州亦獨立且遜位詔已至寶勝痛哭易朝服以槍自擊胸死士卒以大旗裹其尸昇之走也先是十一月丙寅黨人張鍾端以各省皆獨立汴獨否恥之與學堂學生及仁義會各數百人咬防陸軍密謀起事而學生之稱者以為義舉也歡樂而道之加一稱字便逸趣橫生事為防營總稽查張光順所聞偽投入黨人中盡得其實即夜檄統領柴得貴率兵捕之獲四十餘人巡撫齊耀琳及司道親鞠之而張鍾端王天傑張照發劉鳳樓張得成馮廣材徐洪祿王盤銘徐振泉單朋晏等十人者皆死奉天自九月諮議局議長吳景濂請於趙爾巽設立保安會凡政權統歸保安會執行而以趙爾巽為會長議長吳景濂標統伍楨祥副之名曰保安獨立而黨人張榕張根仁柳大年等則別組急進會謀革命前第二混成協統領藍天蔚自號關東大都督亦分遣黨人至遼西鳳凰廳莊河廳復州遼陽各處圖大舉當是時奉天巡防營統領張作霖以保衛地方治安自任憲黨人滋擾要總督解散諮議局急進會名捕黨人張榕柳大年張根仁辜天保等自是省城

直隸河南東三省甘肅 第二十三

無黨人踪跡十月丙辰柳大年在寧遠州安樂山中聚眾千餘人欲為亂知州王玉泉以計掩捕之獲大年得東三省大都督印一民軍總司令印一送省殺之十一月已巳鳳凰城鐵路巡警局文牘員何宗齊詣縣議事會宣言受湖北軍政府命來此贊助獨立并言一切舉動文明不殘殺也如贊同者明日懸白旗會員允翌晨開會議決行之未幾營巡查棧拘形迹可疑者二人其一即宗齊也統領馬明德詢以革命何為曰欲流血詰以治事宗旨曰文明搜袴下得關東大都督藍天蔚委任狀一紙明德以二人罪不至死而縣議紳謂彼輩徒黨多明日懸白旗欲正其罪不能矣即斬之城東鷄冠山有小屯舊為馬賊屯聚處聞黨人頗招之既斬宗齊遣兵探視詎已有數十人荷槍立俟久之不鳴槍近詢其何為曰革命軍何人所使曰聽局員何公之命耳何不鳴槍曰我輩以文明自誓忌殘害同胞乃迫令交械驅入城中復斬之都二十七人此與河南之慘戮學生等矣十二月戊戌巡防兵殺張榕於妓館搗毀東三省日報毆主筆房宗嶽經理姚紹崇幾斃官吏為黨人所惡被炸彈擊傷者三十二人也然復州首領顧宜人安東劉藝舟鳳凰廳錢來蘇劉君玉莊河潘承志旋起旋

直隸河南東三省甘肅 第二十五

仆卒不能有所發揚。大都督藍天蔚在煙台遙爲指揮。弗克履奉境。黑龍江因呼倫獨立未幾呼蘭亦失守。秩序騷然。語詳外蒙篇。吉林亦時有黨人在地方圖大舉。然應者蓋寡。勢力較奉天尙不如矣。甘肅自陝亂隴州蘭州甯夏相繼兵變。總督長庚遣提督馬安良張行志與升允分兩路援陝。塵兵數月。會陝黨人井勿幕欲窺甯夏。馬安良遣其姪馬忠孝率兵赴援。至則黨人已遜。忠孝回教徒仇漢。乃藉端屠殺漢民數千人。然訖共和宣布。地方無獨立者。獨參議黃鉞奉總督命赴秦州募兵。鉞湘人。遂逐秦州道向燊。殺游擊玉潤。於民國元年消獨立。又數月鉞始走。

文境閒逸。疏淡瀟灑。絕俗無一毫囂競氣。神味頗類張釋之馮唐列傳。

直隸河南東三省甘肅

第二十五

四

海軍第二十四

武昌事起。詔海陸軍同時赴戰。於是海軍提督薩鎮冰調集軍艦數十艘於長江。率以赴戰。既與陸軍大臣蔭昌合謀。並進收復劉家廟大智門漢口矣。未幾沿江各省皆獨立。無處購煤米。湖口馬當金鷄坡蕪湖鎮江吳淞砲臺林立。至則轟擊海軍。大因鎮冰與黎元洪有師生誼。元洪致書招之降。鎮冰不答。最後元洪復致書曰。前肅一函。至今未奉訓諭。中心悚惕莫安。洪此次所以出督諸軍之由。實非得已。敢敬再上告雪門之前。洪當武昌變起之時。所部各軍均已出防空營獨守。束手無

海軍

第二十四

一

策。黨軍驅逐瑞澂出城後。卽率隊來洪營。合圍搜索。洪易便衣避匿室後。當被索執。責以大義。其時槍礮環列。萬一不從。卽立身首異處。洪只得權爲應允。吾師素知洪最謹厚。何敢倉猝出此。雖任事數日。未敢輕動。蓋不知究竟同志若何。團體若何。事機若何。如輕易紛更。恐至不可收拾。不能爲漢族雪恥。轉增危害。今已視師八日。萬眾一心。同仇敵愾。昔武王有云。紂有臣億萬。惟億萬心。予有臣三千。惟一心。今則一心之人。何只三萬。而連日各省紛紛響應之士。夫多留學東西各國。各種專門學校。及世代簪纓。可瞻清國氣運。既衰。不能任用賢

俊。致使聰明才智之士。四方畢集。此又豈洪一人之力所能致哉。是以連日對敵。兵丁各自爲戰。雖無指揮。靡不奮力突進。持刀協擊。毀損鐵軌者。指不勝屈。甚有婦孺餽送麵包茶水入陣。此情此景。言之令人奮武。誰無肝胆。誰無熱誠。誰非黃帝子孫。豈肯甘爲滿族作奴隸。而殘害同胞耶。洪有鑒於此。識事機之大有可爲。乃誓師宣言。矢志恢復漢土。改革專制政體。建立中華共和國。維持世界和平。是以連日通告各國政府。遍檄各省同胞。責其各自獨立。以備聯合。擇定地點。公舉大統領。擁護。同胞歡迎此言。聲撼天地。然則滿漢興亡之機。

海軍 第二十四

兆端已久。不待智者而已明。惟洪之所以能明此義者。皆吾師平日訓誨之功也。洪學識淺陋。不能擔負重任。已向同志宣告。將以軍黨所要挾者。請諸先生登輪拜謁。昔人謂謝安云。斯人不出。如蒼生何。今吾師不出。其如四萬萬同胞何哉。知師莫若弟。知弟莫若師。時乎時乎。師一出。則義旗所指。山川改色。洪雖不肖。敢率漢族。出郭歡迎。鎮水見書。仍一笑置之。會鏡清。幫帶陳復。傾嚮民軍。與學生劉樾。劉勳。名楊砥。中常光球等三十餘人。組織敢死隊。密說鏡清。保民楚。觀江元。江亨。建威。通濟。楚同。楚泰。飛鷹。楚謙。虎威。江平。及張字魚雷艇共十

四艘起義。九月乙酉夜。十四艘同時嚮應。駛赴鎮江。請於鎮軍都督林述慶。遣員接待。歸順民軍。海軍艦以海容。海琛。海籌爲最鉅。薩鎮冰親統之。及鏡清等艦降民軍。鎮冰知大事去。即率三艦及湖鶚魚雷艇一艘泊九江。鎮冰赴滬。三艦及湖鶚均降九江軍政府。都督馬毓寶。遣參謀長李烈鈞等。招延筵宴。商民懸旗祝賀。各艦亦鳴砲答禮。海容艦長吉升。海琛艦長喜昌。海籌艦長榮。續皆旗籍。翌晨。吉升忽投江死。喜昌榮。續亦憂鬱悲傷。請辭職。毓寶堅挽之不從。乃各餽銀一千兩。護送至滬。餘江貞。湖隼。聯鯨。鎮江。大通。南琛。飛霆。建安。楚有。登

海軍 第二十四

瀛洲。策電湖鵬。辰字雷艇。宿字雷艇。列字雷艇。亦先後降民軍。清海軍盡失。鎮冰既至滬。語人云。武昌事未起之前。瑞澂早宜罷斥。及廕昌以兵來。本能陷敵。乃海陸軍方作戰。遽被詔歸。以袁世凱爲統率。世凱主張調和。遷延之間。民軍勢益熾。滿政府之失敗。實自爲之於人。何尤乎。



南京政府第二十五

組織政府乃革命成功一大關鍵故各省事無不以此為歸

自武漢起兵未一月響應者十餘省各不相屬形勢

弱蘇都督程德全浙都督湯壽潛滬都督陳其美電各

省遣代表集滬議建臨時政府以為中樞而鄂都督黎

元洪亦有電請各省舉代表赴鄂當是時江浙偉人以

政府宜在甯滬而鄂代表謂湖北首起義功高黎元洪

宜為大都督政府宜建武昌持甚力東南各省無以難

也十月戊戌各省代表團議決以武昌為中央政府黎

元洪為大都督由滬赴鄂仍各留滬一人通訊鄂遣代

表胡瑛等與會於漢口英租界議決臨時政府組織大

南京政府 第二十五

綱二十一條時漢陽已為清兵攻陷武昌居炮火下危

甚會蘇浙民軍攻克金陵代表會即議決以南京為臨

時政府所在地期七日內集南京開臨時大總統選舉

會鄂代表亦不執初議矣漢陽之陷黃興獨身走至滬

滬都督陳其美以北伐軍援鄂軍亟須統一說留滬代

表舉黃興為大元帥黎元洪為副元帥元洪辭謝武昌

代表會聞之謂留滬代表無組織政府權梗議蘇浙民

軍將領亦揚言不願隸漢陽敗將下而屬意於大都督

黎元洪戊午武昌代表會來甯會袁內閣亦遣唐紹儀

為議和大臣嚴修楊士琦為參贊大臣赴武昌議和紹

儀宣傳袁內閣密指亦贊成共和也代表會即議決緩

舉大總統待酬勳而承認上海所舉之大元帥副元

帥并修改組織臨時政府大綱云大總統未舉定前其

職權由大元帥暫任之辛酉黃興電辭大元帥職是日

代表會改舉黎元洪為大元帥黃興為副元帥元洪鎮

武昌由副元帥代行職權立臨時政府以伍廷芳溫宗

堯主外交廷芳宗堯以滬事繁難就鄂紹儀等不得已

與各省代表亦赴滬於是民軍主力自武昌移於甯滬

黨人以大元帥黃興降為副元帥辱莫大叫罵黃興亦

電辭不至議迎黎元洪來甯就職既而黎大元帥來電

南京政府 第二十五

承受大元帥名義並委任副元帥代行職權使者交錯

於途而黃興訖不至黎黃久不相下六字包括無限當

是時革命黨魁孫文來滬滬黨人揚言舉文為大總統

利國家代表會切望政府成立且怵禍十一月癸酉在

甯開選舉臨時大總統會文以十七票當選為中華民國

臨時大總統而取消前舉之大元帥副元帥文歷史

詳革命源流篇丙子大總統孫文蒞甯行就職禮各省

代表暨海陸軍代表畢集大總統宣誓詞曰傾覆滿洲

專制政府鞏固中華民國圖謀民生幸福國民之公意

文實遵之盡忠於國為眾服務至專制政府既倒國內

無變亂。民國卓立於世界。為列邦公認。文當解臨時大總統職。謹誓於國民。大總統宣誓畢。各省代表以印授大總統。復致詞曰。惟漢曾孫失政。東口猾夏。帝制自為。垂三百年。我皇漢慈孫。呻吟屈抑。慕美利堅法蘭西人平等之制。用是羣謀眾策。仰視俯劃。思所以傾覆虐政。恢復人權。迺斷脰戡胸。羣起號召。流血建議。續美法人共和之戰史。今三分天下。克復有二。用是建立民國。期成政府。推置總統。僉意能遵重共和。宣達民意。惟公賢廓清專制。鞏衛自由。惟公賢光復禹域。克定河朔。舉漢蒙滿回藏羣倫。共覆於平等之政。亦惟公賢用是投匭。

南京政府 第二十五

三

度情徵壓。紐之信眾。意所屬羣謀。僉同既協。眾符歡欣。擁戴繁我國民。久困鈐制。疾首蹙額。望民主若歲。幸公軒車蒞止。蒼白扶杖。子女加額。感激涕零。誠欲忭舞。自由申昌平等。敦重民權。用是以四百兆民命。二億里河山。委之於公。責綦重哉。繼自今。惟公翼翼。毋違憲法。毋拂輿意。毋任威福。毋崇專制。毋昵非德。毋任匪才。凡吾共和國民。有不矢忠矢信。至誠愛戴。軒轅金天。列祖列宗。七十二代之君。實聞斯言。代表等受國民委託。重任敢不盡意。謹致大總統。璽綬俾公發號。施令崇為符信。欽念哉。初各省獨立。多以黃帝紀年。後因世界各國皆

用陽歷。中國宜從同。代表團乃決議改用陽歷。大總統就職日。正陽歷一月一日。是為中華民國紀元之始。題點鄭重戊寅。大總統蒞代表會。提出國務員九人。經會同意。以黃興為陸軍總長。黃鍾瑛為海軍總長。王寵惠為外交總長。伍廷芳為司法總長。陳錦濤為財政總長。程德全為內務總長。蔡元培為教育總長。張謇為實業總長。湯壽潛為交通總長。初臨時政府組織大綱。無副總統之規定。黎元洪既舉為大元帥。不數日。又舉孫文為大總統。大元帥消滅。與論訝為不公。憐憂大局。湖南代表宋教仁首倡議修改條文。增設副總統。即日舉黎元洪為副總統。臨時政府

南京政府 第二十五

四

至是。粗具各省代表會。依政府組織大綱。代行參議院職權。參議院成立自此始。時軍用浩繁。政費無所出。文與陸軍總長黃興。秘書長胡漢民。秘謀貸金日本。而以漢冶萍煤鐵礦為質。參議院大譁。嚴詞詰問。湖北議員張伯烈時功。致劉成禹等。相繼辭職。政府懼而止。文威望無以懾服各省。號令不能下行。內務總長程德全。交通總長湯壽潛。實業總長張謇。辭不就職。大事恆決於黃興。文受成而已。當是時。清內閣袁世凱。握文武全權。憚結怨國民。勒兵不戰。志覆清室。南京政府亦自知力不逮。許世凱以民國第一任大總統。建設統一國家。及

優待清室諸條件約定二月戊午清室遜位孫大總統提出辭職書於參議院并薦賢自代云現清帝退位專制已除民國確已成立本總統當踐誓言辭職引退貴院應代表國民速舉賢能來南京接事以便解職至改選賢能原國民公權本總統實無容喙之地惟前使伍代表有約以清帝實行退位袁世凱宣布政見贊同共和本總統即當推讓提議於貴院亦表同情此次清帝退位南北統一袁君之力實多其發表政見更爲絕對贊同舉爲公僕必能盡忠民國且袁君富於政治經驗民國統一建設需才故敢以私見貢於貴院請爲民國

南京政府

第二十五

五

前途計勿失當選之人越二日辛酉參議院開臨時大總統選舉會孫大總統復蒞院申前議於是清內閣袁世凱亦以十七票當選爲中華民國臨時大總統臨時副總統黎元洪辭職參議院復開臨時副總統選舉會黎元洪亦以十七票當選爲臨時副總統初孫大總統之提辭職書推袁世凱爲大總統也并附有條件一臨時政府設於南京不能更改二新總統親到南京受任時大總統及國務員乃辭職三臨時政府約法爲參議院所制定新總統必須遵守前頒布之一切法律章程非經參議院改訂仍繼續有效參議院即開會討論其

第二條第三條皆可決第一條臨時政府所在地議決改設於北京翌日孫大總統咨交覆議陸軍總長黃興遣甲士至院示威參議員遂自翻前議又議決臨時政府仍在南京即遣專使蔡元培汪兆銘等赴北京迎袁大總統來南京就職既而北京兵變袁大總統不能南下參議院允袁大總統在北京就職語詳北京政府成立篇初南京政府成立悉依據臨時政府組織大綱採用美國總統制故有國務員而無內閣總理及大勢所趨袁世凱爲總統宜參議院即修改臨時政府組織大綱而爲臨時約法採用法郎西內閣制民國根本大法治亂所關故大

南京政府

第二十五

六

書特書此種嚴重自二月開議三月告成都七章五十六條四月丁未朔孫大總統蒞參議院行解職禮致詞畢昇臨時大總統印交還參議院參議院致答詞未幾參議院議決臨時政府仍在北京南京政府遂畢文將辭職致祭明陵曰中華民國元年二月十五日辛酉臨時大總統孫文謹昭告於大明太祖開天行道肇基立極大聖至神仁文義武俊德成功高皇帝之靈曰嗚呼國家外患振古有聞趙宋末造代於蒙古神州陸沈幾及百年我高皇帝應時崛起廓清中土日月重明河山再造光復大義昭示來茲不幸季世倣擾國力疲敝滿

清乘間入據中夏嗟我邦人諸父兄弟迭起迭踏至於二百六十有八年嗚呼時怨時恫亦二百六十有八年也歲在辛亥八月武漢軍興建立民國義聲所播天下響應越八十有七日既光復十有七省國民公議立臨時政府於南京文以薄德被推爲臨時大總統瞻顧西北未盡昭蘇負疚在躬尙無以對我高皇帝在天之靈邇者以全國軍人之同心士大夫之正誼卒使清室幡然悔悟於本月十二日宣布退位從此中華民國完全統一邦人諸友享自由之幸福永無已實維我高皇帝光復大義有以膺啟後人成茲鴻業文與全國同胞

南京政府

第二十五

七

至於今日始敢告無罪於我高皇帝敬於文奉身引退之前代表國民貢其歡欣鼓舞之公意惟我高皇帝實鑒臨之敬告以祭明太祖作結韻味悠揚不盡而體勢愈覺典重喬皇此篇先有鄂滬之爭中有黎黃孫之爭後又有南京北京之爭千流萬派屈曲奔赴無竭蹶之態靡不顯之情而書法莊嚴用筆典重讀之但覺民國開國氣象璀璨呼嘯也

中華民國臨時政府組織大綱

第一章 臨時大總統

第一條 臨時大總統由各省都督府代表選舉之以

得票滿投票總數三分之二以上者爲當選代表投票權每省以一票爲限

第二條 臨時大總統有統治全國之權

第三條 臨時大總統有統率陸海軍之權

第四條 臨時大總統得參議院之同意有宣戰媾和

及締結條約之權

第五條 臨時大總統得參議院之同意有任用各部

長及遣派外交專使之權

第六條 臨時大總統得參議院之同意有設立臨時

中央審判所之權

南京政府

第二十五

八

第二章 參議院

第七條 參議院以各省都督府所派之參議員組織之

第八條 參議院每省三人爲限其遣派方法由各省

都督府自定之

第九條 參議院會議時每參議員有一表決權

第十條 參議院之職權如左

一議決第四條及第六條事件

二承諾第五條事件

三議決臨時政府之豫算

四 檢查臨時政府之出納

五 議決全國統一之稅法幣制及發行公債事件

六 議決暫行法律

七 議決臨時大總統交議事件

八 答覆臨時大總統諮詢事件

第十二條 參議院會議時以到會參議員過半數之所決為準但關於第四條事件非有到會參議員三分之二同意不得議決

第十三條 參議院議決事件由議長具報經臨時大總統

南京政府

第二十五

九

統蓋印發交行政各部執行之

第十三條 臨時大總統對於參議院議決事件如不以爲然得於具報後十日內聲明理由交令覆

議參議院對於覆議事件如有到會參議員三分之二以上之同意仍執前議時應仍照前

條辦理

第十四條 參議院議長由參議員用記名投票法互選之以得票滿投票總數之半者爲當選

第十五條 參議院辦事規則由參議院議訂之

第十六條 參議院未成立以前暫由各省都督府代表

代行其職權但表決權每省以一票爲限

第三章 行政各部

第十七條 行政各部如左

一 外交部

二 內務部

三 財政部

四 軍務部

五 交通部

第十八條 各部設部長一人總理本部事務

第十九條 各部所屬職員之編制及其權限由部長規

南京政府

第二十五

一

定經臨時大總統批准施行

第四章 附則

第二十條 臨時政府成立後六個月以內由臨時大總統召集國民會議召集方法由參議院議決

之

第二十二條 臨時政府組織大綱施行期限以中華民國憲法成立之日爲止

後經修改於第一條加入副總統於第六條後增加一條規定副總統於大總統有事時可升任

并可代行其職權行政部增爲九部

中華民國臨時約法

第一條 中華民國由中華人民組織之

第二條 中華民國之主權屬於國民全體

第三條 中華民國領土為二十二行省內外蒙
古西藏青海

第四條 中華民國以參議院臨時大總統國務
院法院行使其統治權

第二章 人民

第五條 中華民國人民一律平等無種族階級
宗教之區別

第六條 人民得享有左列之自由權

一人民之身體非依法律不得逮捕

二人民之家宅非依法律不得侵入或搜索

三人民有保守財產及營業之自由

四人民有言論著作刊行及集會結社之自由

五人民有書信秘密之自由

六人民有居住遷徙之自由

七人民有信教之自由

第七條 人民有請願於議會之權

第八條 人民有陳訴於行政官廳之權

南京政府 第二十五

三

第九條 人民有訴訟於法庭受其審判之權

第十條 人民對於官吏違法損害利權之行爲
有陳訴於平政院之權

第十一條 人民有應任官考試之權

第十二條 人民有選舉及被選舉之權

第十三條 人民依法律有納稅之義務

第十四條 人民依法律有服兵之義務

第十五條 本章所載人民之權利有認爲增進公
益維持公安或非常緊急必要時得依
法律限制之

第三章 參議院

第十六條 中華民國之立法權以參議院行之

第十七條 參議院以第十八條所定各地方選派
之參議員組織之

第十八條 參議員每行省內蒙古外蒙古西藏各
選派五人青海選派一人其選派方法
由各地方自定之參議院會議時每參
議員有一表決權

第十九條 參議院之職權如左

一 議決一切法律案

二 議決臨時政府之豫算決算

三 議決全國之稅法幣制及度量衡之準則

四 議決公債之募集及國庫有負擔之契約

五 承諾第三十四條三十五條四十條事件

六 答覆臨時政府咨詢事件

七 受理人民之請願

八 得以關於法律及其他事件之意見建議於

政府

九 得提出質問書於國務員並要求其出席答

覆

南京政府

第二十五

十 得咨請臨時政府查辦官吏納賄違法事件

十一 參議院對於臨時大總統認為有謀叛行為

時得以總員五分四以上之出席出席員四

分三以上之可決彈劾之

十二 參議員對於國務員認為失職或違法時得

以總員四分三以上之出席出席員三分二

以上之可決彈劾之

第二十條 參議院得自行集會開會閉會

第二十一條 參議院之會議須公開之但有國務員

之要求或出席參議院過半數之可決者得秘密

之

第二十二條 參議院議決事件咨由臨時大總統公

布施行

第二十三條 臨時大總統對於參議院議決事件如

否認時得於咨達十日內聲明理由咨院覆議但

參議院對於覆議事件如有到會參議員三分二

以上仍執前議時仍照第二十二條辦理

第二十四條 參議院議長由參議院用記名投票法

互選之以得票滿投票總數之半者為當選

第二十五條 參議院參議員於院內之言論及表決

南京政府

第二十五

對於院外不負責任

第二十六條 參議院參議員除現行犯及關於內亂

外患之犯罪外會期中非得本院許可不得逮捕

第二十七條 參議院法由參議院自定之

第二十八條 參議院以國會成立之日解散其職權

由國會行之

第四章 臨時大總統副總統

第二十九條 臨時大總統副總統由參議院選舉之

以總員四分三以上出席得票滿投票總數三分

二以上者為當選

第三十條 臨時大總統代表臨時政府總攬政務

公布法律

第三十一條 臨時大總統為執行法律或基於法律之委任得發布命令並得使發布之

第三十二條 臨時大總統統率全國陸海軍隊

第三十三條 臨時大總統得制定官制官規但須提

交參議院議決

第三十四條 臨時大總統任命文武職員但任命國

務員及外交大使公使須由參議院之同意

第三十五條 臨時大總統經參議院之同意得宣戰

南京政府 第二十五

媾和及締結條約

第三十六條 臨時大總統得依法律宣告戒嚴

第三十七條 臨時大總統代表全國接受外國之大

使公使

第三十八條 臨時大總統得提出法律案於參議院

第三十九條 臨時大總統得頒給勳章並其他榮典

第四十條 臨時大總統得宣告大赦特赦減刑復

權但大赦須經參議院之同意

第四十一條 臨時大總統受參議院彈劾後由最高

法院全院審判官互選九人組織特別法庭審判

之

第四十二條 臨時副總統於臨時大總統因故去職

或不能視事時得代行其職權

第五章 國務員

第四十三條 國務總理及各部總長均稱為國務員

第四十四條 國務員輔佐臨時大總統負其責任

第四十五條 國務員於臨時大總統提出法律案公

布法律及布命令時須副署之

第四十六條 國務員受參議員彈劾後臨時大總統

應免其職但得交參議院覆議一次

南京政府 第二十五

第六章 法院

第四十八條 法院以臨時大總統及司法總長

任命之法官組織之

法院之編制及法官之資格以法律定之

第四十九條 法院依法律審判民事訴訟及刑事訴

訟但關於行政訴訟及其他特別訴訟別以法律

定之

第五十條 法院之審判須公開之但有認為妨害

安甯秩序者得秘密之

第五十一條 法官獨立審判不受上級官廳之干涉

第五十二條 法官在任中不得減俸或轉職非依法律受刑罰宣告或應免職之懲戒處分不得解職懲戒條規以法律定之

第七章 附則

第五十三條 本約法施行後限十箇月內由臨時大總統召集國會其國會之組織及選舉法由參議院定之

第五十四條 中華民國之憲法由國會制定憲法未施行以前本約法之效力與憲法等

第五十五條 本約法由參議院參議員三分之二以上

南京政府

第二十五

七

或臨時大總統之提議經參議員五分四以上之出席出席員四分之三之可決得增修之

第五十六條 本約法自公布之日施行臨時政府組織大綱於本約法施行之日廢止

清室禪政第二十六

清室禪政第二十六 清聖祖定制禁女主垂簾懿親干政遵守數百年莫敢

違一篇主意嘉慶間白蓮教亂定成親王入軍機七日後以違祖制罷出至垂簾則未一有也 泊咸

豐間洪楊倡亂英法等國兵入京師文宗北狩崩於灤

陽穆宗立幼怡親王載垣鄭王端華軍機大臣肅順受

遺詔輔政時穆宗生母慈禧后思垂簾肅順等以違祖

制難之后怒密與恭親王奕訢謀誅肅順由是女主與

懿親執政前後垂五十年而清以亡百餘字中能將有

挈其綱而鹽其腦鉄案如山不可推動力能扛鼎 慈禧后姓葉赫那拉氏葉赫

部落金台吉之裔也太祖之滅葉赫也獲金台吉並屠

清室禪政

第二十六

一

其城金台吉臨刑大呼曰使死而有知葉赫氏只遺一

子一女者必復此仇至文宗時后入宮始微甚後得幸

生穆宗封懿貴妃穆宗立尊鈕祜祿皇后曰慈安太后

尊懿貴妃曰慈禧太后並垂簾聽政慈后性沈毅權

論機警自文宗在時常干政文宗之不豫慮之密詢肅

順肅順進鈞弋夫人傳以風帝不忍也及將崩以遺詔

付慈安蓋所以防制慈禧慈后偵知之事慈安愈恭凡

寒煥疾病護持無不至久之慈安意不忍出遺詔語慈

禱焚之自是慈禧頓傲慢無禮慈安心恚之無如何日

坐蒲團誦佛經不聞政慈后遂專政權穆宗自兒時親

募慈安后每朝罷朝慈安拜起即投慈安懷曰兒胡不生阿母懷中慈禧聞之滋不悅太監安得海私出京敲詐至山東巡撫丁葆楨捕得之請就地正法得海寵於慈禧后恭親王奕訢思除之持奏請旨慈禧后命逮京交刑部審訊奕訢謂督撫奏事若輒不允行無以威地方墮威長亂不可復請慈安旨慈安曰可詢皇帝耳皇帝命如奏慈禧甚甚既而穆宗長大婚太后乃還政穆宗於大事輒專行不白太后后干之由是后與帝益不和穆宗愛幸阿魯特皇后及瑜妃有淑慎妃者聰黠伶俐慈禧后憐之屢風穆宗幸其室穆宗不從慈禧怒政

清室禪政 第二十六

權之故死其子而不恤呂武而後婦人心救皇后及瑜如先有孕者賜死由是穆宗嘗獨宿不御妃嬪而微行久之有疾御醫謂痘藥與疾違皇帝竟以不起穆宗崩無子時王大臣皆欲立長君慈禧翼執政乃違眾議擇醇親王子載湉立之是為德宗德宗生母太后妹也故得立尊皇后曰嘉順皇后而不為穆宗立後皇后悲泣吞金以殉據各家紀載皇后實有孕且將產矣恭王欲匿喪俟后分婉而太后不從又穆宗之死太后願歸罪皇后詈之后無以自明德宗立方五齡慈禧召其父崇綺泣涕與訣即夕殉復訓政光緒七年慈安后暴崩十五年德宗長大婚太后乃還政德宗皇后者太后母弟女也故得為后無寵

而珍妃瑾妃最幸由是太后與帝亦不和光緒二十四年因政變太后囚帝於瀛臺復訓政立端王載漪子溥儀為大阿哥欲廢帝者屢矣而大學士孫家鼐兩江總督劉坤一力爭謂君臣之分已定中外之口難防果廢舊君東南必致擾亂太后懼不敢遽行會拳匪亂作京師陷后與帝幸陝西后臨行珍妃伏地奏請以帝留守后怒命崔太監墮妃於井中慈禧外紀云德宗囚瀛台一國之君不應放廢若此求釋帝太后深惡之又云庚子七月二十一日太后衣竹布衣作平民裝與德宗皇后瑾珍二妃出奔行至乾清門西珍妃忽伏地哭奏云皇上宜守社稷不宜去則國無主請救皇上留守太后曰鳴泉方大即思登母乎即命崔太監墮既而和議成端王與大阿哥先後廢德宗得無恙而太后之訓政如故三十四年九月太后與皇帝同不豫後太后疾大漸左右復讒德宗后恚曰吾不能先亡而德宗遽崩又二日太后亦歿當是時國家多故國人尤望立長君恭親王溥儀支最近長幼序亦合慶親王奕訢言之尤切而太后憐其姪欲繼已訓政遂遣奕訢赴東陵而立醇親王載灃子溥儀為皇帝是為末帝帝生母榮祿女太后曰庚子時榮祿有大勳勞立其女子以酬庸也榮祿女主目無皇上且有穢聲至戊戌殺志士過維新庚子語褒榮祿正以志太后之私太后內迫穆宗德宗以憂用筆妙遠最得左馬遺意

清室禪政 第二十六

三

崩。斬絕統嗣。而外擢用大臣之阿己者。以固其權。以上

以下當咸豐間。洪楊倡亂。踞有南都。天下苦兵者十餘

省。清室危甚。宰相文祥肅順謂滿人暮氣深。非重用漢

人。不能已亂。文宗聽其言。會國藩胡林翼左宗棠諸人

以次擢用。亂以平。而肅順尤嫉惡滿人。其管理戶部也

遇漢司官則敬禮之。滿司官則呵叱輕視之。公牘漢堂

畫則行。滿堂畫則否。其貪墨者則劾而置之。法以故滿

人深嫉惡肅順。為造蜚語。及文宗幸灤陽。尤倚若左右

手。當是時內憂外患。岌岌不可終日。而清室卒不顛覆

者。肅順之力為多。肅順之為人忠勇而謙下。不足當文

宗之崩。御史董元醇奏請太后垂簾。親王輔政。肅順謂

垂簾為祖制所不許。后心銜之。而陽與周旋。遣侍衛榮

祿至都。與恭親王奕訢密謀誅肅順。計定回鑾。皇帝太

后先至都。載垣端華肅順奉梓宮行途中。先後被捕。誣

以罪誅死。當時會國藩統兵安徽。肅順死。慘然。曰。是

冤獄也。自懷長城矣。則肅順之為人。可想。薛

庸菴筆記。盛稱文祥相業。實文祥所為。皆肅順。奕訢當

主之。庸菴非不知以肅順獄詞為大逆不道也。奕訢當

國奕訢在宗親中亦賢。承先帝拔識舊臣。益重用。髮捻

回匪。後先削平。天下又安無事。太后以中興之業。由己

而致也。遂蓄意奢淫。奕訢常遇事裁制之。后心弗善也

奕訢自文宗北狩。留守京師。與英法定和約。復創設總

清室禪政 第二十六

四

理衙門。以為外交樞紐。故常與外國使臣晤。京朝官惜

於外情。謂奕訢與外人狎。巨測謗議沸騰。而醇親王訢

讓忌之尤甚。會光緒十年。法越事起。太后遂歸罪奕訢

節出軍機。卸政權。隱西山十餘年。不入城市。奕訢以德

宗本生父。避拜跪。不入軍機。則以禮親王世鐸領軍機

大臣。大事就決於奕訢。初北洋大臣李鴻章創設海軍

以奕訢領其事。年籌款四百萬。為建築海港及軍艦諸

費。太后之議。修頤和園。費無出。太監李蓮英說奕訢年

撥海軍費之半。以修園。奕訢阿后意。許之。園成。而糜費

益多。海軍遂弱。光緒二十年。高麗亂。中日爭出兵。事定

日本索兵費三百萬。北洋大臣李鴻章欲許之。而宰相

翁同龢持清議。主戰。德宗聽之。威海衛旅順相繼陷。卒

割臺灣。賠兵費二萬萬。議和。國人大震。於是維新之士

慮有為梁起超。唐才常等。著書報競。言變法。德宗亦銳

意改革。而欲大有為。時奕訢已死。恭親王復執政。抑而

不行。二十四年四月。奕訢薨。翁同龢說德宗下詔變法

并召見康有為等。議新法。駁駁行矣。自德宗親政。大臣

左右親近。仍太后人。撓政權。大臣或附於帝。輒斥逐。獨

翁同龢以師傅相帝。最久。帝之通達。時務。銳意變法。皆

同龢一人啟之。至是太后惡之。亦罷免。大臣無附帝者

清室禪政 第二十六

五

帝勢益孤。然變法益厲。廢八股。開學堂。罷九卿衙門。擢新黨譚嗣同。楊銳。林旭。劉光第等入軍機參政。而罷黜阻撓新政之禮部尚書懷塔布。許應駘等。由是京朝大官。恨新黨刺骨。羣訴帝於后。當是時。北洋大臣榮祿握兵權。夙附太后。而袁世凱以西法練新軍。小站。康有爲譚嗣同等變法。知不容於太后。八月。詔世凱來都。授密詔。回津誅榮祿。剪后羽翼。再以兵圍頤和園。誅宦官。劫后。使不干政。世凱回津。事洩。榮祿即夜馳赴頤和園上變。次日。太后即親政。捕譚嗣同。林旭。楊銳。劉光第。楊深秀。康廣仁等殺之。新黨康有爲。梁超。超王。照。宋。伯魯等

清室禪政

第二十六

六

皆走免。罷新政。復科舉。九卿衙門及罷黜諸舊臣。而榮祿遂爲軍機大臣。權在諸王上。太后之議廢德宗。外國公使以德宗能變法。賢明。祖德宗。太后由是不敢行。而銜外人。端王以其子故。亦恨之。至是。太后復訓政。則求所以制馭外國之術。吳北江云。此爲庚子之亂之一大關鍵。榮祿前爲西安將軍。以甘肅提督董福祥平回匪。勇悍。可威服外人。調其兵入京。翊衛山西。巡撫毓賢。曾官山東。山東會匪有義和拳者。能以邪術禦兵器。毓賢信之。謂可制洋人。白於后。招其魁入京師。設壇傳習。自端王載漪。鎮國公載瀾。莊王載勛。軍機大臣剛毅。趙舒翹。大學士徐桐等

皆崇拜若神聖。愚民靡然從風。未數月。拳匪竄起。紅巾大帶。充斥京師。專以誅殺洋人及教民爲本旨。二十六年夏。太后復明詔獎勵之。於是練拳者皆曰奉旨。橫行無忌。殺日本書記官杉山彬。德國公使格林德。董福祥日以其兵圍攻交民巷。而直晉教堂教民及洋人慘被焚殺者。不可勝數。太后既縱剛毅。徐桐。端王。莊王等。恣殘殺。與外國宣戰。德宗獨以爲不可。痛哭流涕。無如何。即大臣如奕劻。崇綺。王文韶等。亦不敢直言極諫。獨吏部尚書徐用儀。侍郎許景澄。立山。內閣學士聯元。太常寺卿袁昶。上書切諫。先後誅死。六月。英法美日等八

清室禪政

第二十六

七

國起聯軍入大沽。攻天津。直隸提督聶士成戰死。七月。直隸總督裕祿。欽差大臣李秉衡。皆兵敗。長誅。自縊。聯軍入京師。太后與皇帝幸陝西。而以兩廣總督李鴻章爲北洋大臣。授全權議和。二十七年冬。和議成。償兵費四萬萬。誅禍首載勛。英年。趙舒翹。啟秀。毓賢。徐承煜。廢端王爲庶人。剛毅以先死不及誅。中外恨之。始鴻章與聯軍議和也。聯軍要請先懲禍首。再開議。鴻章入告太后。以禍首所爲。承已。愆於致罪。委皇上處理。而德宗謙遜。緘默不言。軍機大臣榮祿。懽。語人云。夫己氏。此時可果於殺矣。而竟和平。其如之何哉。久之。太后懼始

加罪諸人自經此亂國民痛負擔之驟增恨前此執政之狂悖也遂仇視政府民心漸失革命黨人日益多命黨於此時插入如乳入水融冷無痕李鴻章既與各國議款定危局十月遂冀詔以山東巡撫袁世凱為北洋大臣直隸總督世凱自拳匪熾即與兩廣總督李鴻章兩江總督劉坤一湖廣總督張之洞與各國領事定互保之約屏障東南得無擾亂及京師陷兩宮走於大局斡旋最多至是繼鴻章為北洋大臣籌議善後羣慶得人北方大局畧定二十九年榮祿死慶王奕劻當國奕劻亦黨於后而袁世凱復與奕劻相結練新軍六鎮一切新政先天下並

清室禪政

第二十六

八

舉北洋聲威震爍全國重筆鎮歷預攝後文三十一年五大臣出洋考查憲政行至前門車站黨人吳樾炸擊之紹英傷自慶王執政與袁世凱相表裏威權赫然醇王肅王等忌之則援引鄂督張之洞謀新政分奕劻權三十二年收北洋兵六鎮歸軍部節制內召袁世凱張之洞為軍機大臣三十三年五月安徽巡撫恩銘被黨人徐錫麟刺死時太后耄老日嬉遊奕劻福普及其子貝勒載振夫人日侍后宮中宦官需索年數十萬故奕劻頗以貪著然登進之人半為世凱所薦拔多才能政令統一威權不替及太后與德宗相繼崩攝政王載灃監國德

宗之將崩也以遺詔付皇后敕誅袁世凱至是太后出遺詔命監國執行慶親王聞之諫曰袁世凱勳高望重中外係仰今無故殺之以何為名名不正則言不順言不順則亂必起且兩宮新逝海內震動豈宜再有此非常之舉哉爭議久之世凱遂免罷歸自世凱罷黜奕劻勢孤貝勒載洵載瀾毓朗鎮國公載澤等爭用事擠奕劻奕劻當國久在宗親中齒尊望重亦不能竟罷之也由是政權始紛亂不一眾流奔湊總滙無遺有初拳匪亂後各省英年子弟爭赴日本留學而督撫之治兵者亦分遣學生東渡習陸軍時黨人孫文章炳麟方在日

清室禪政

第二十六

九

倡言種族革命學生數萬人靡然從風及歸以其說散被於學界而訓練大臣陸軍部軍諮府懸價警軍職於是黨人習武者輒以賄進得稍稍為各鎮軍校革命黨勢益大亂機四伏再點革命而歷扶其所宣統三年三月廣州將軍李琦為黨人溫生才刺死以鳳山代之政軍機處為內閣以奕劻為總理大臣那桐徐世昌為協理大臣時粵漢川漢鐵路許商辦數年不能成郵傳大臣盛宣懷奏請鐵路收歸國有一事權度支大臣載澤助之詔竟允行而各省士紳羣起抗爭四川尤甚署督王人文趙爾豐寬嚴失宜亂日熾奕劻欲起用袁世凱

恐違監國意不敢昌言載澤盛宣懷主起用岑春煊而奕助與春煊有隙尼其行川亂因益甚發揮政權不一之弊官軍日與民團激戰湘鄂軍援川者絡繹於途武昌空虛黨人乘勢煽軍人為變八月甲寅武昌兵變總督瑞澂棄城逃武昌陷時御史臺環請誅瑞澂而監國祖之弗許於是大吏棄職走者多矣乙卯始命岑春煊為四川總督袁世凱為兩湖總督始字書法言其遲也九月乙丑朔湖南兵變巡撫余誠格逃長沙陷西安兵變將軍文瑞死之西安陷丙寅九江兵變知府璞良九江道保恆棄城遁九江陷戊辰鳳山炸死廣州己巳罷郵傳大臣盛宣懷以

清室禪政 第二十六

十

謝天下黨人益造播流言搖惑聞聽各省均岌岌不保壬申山西兵變戕巡撫陸鍾琦獨立癸酉雲南兵變逐總督李經羲獨立資政院因奏請下詔罪己開黨禁解散皇族內閣組責任內閣親貴大臣力爭不從及太原失守京師震動詔遽允之親貴既不許預政乙亥內閣總理大臣奕助度支大臣載澤海軍大臣載洵軍諮府大臣載濤及他部大臣均免授袁世凱為內閣總理大臣組織責任內閣仍節制湖北海陸軍親貴政權畧盡甲戌江西獨立巡撫馮汝駱走戊寅上海製造局為黨人攻陷浙江江蘇貴州均獨立資政院採用君主立憲

擬具信條十九條奏請宣誓大廟布告臣民詔允之時第二十鎮統制張紹曾頓兵灤州山西巡撫吳祿貞在石家莊招降山西革軍劫運鄂軍火斷北軍後路二人犄角為變京師危在旦夕內閣總理大臣袁世凱為吳祿貞所阻不能北上辛巳盜殺吳祿貞廣西獨立安徽福建廣東山東皆獨立袁內閣至都即上言責任內閣業經成立總理大臣不必每日入對凡內外章奏均先至內閣由閣代遞其召見官員及奏事處傳旨應即停止免與憲法抵觸於是皇帝大權均移於內閣十月乙未朔重慶獨立庚子皇帝以憲法信條十九條宣告太

清室禪政 第二十六

十一

廟其詞曰惟宣統三年歲次辛亥十月乙未朔越六日孝孫嗣皇帝溥儀年在沖齡監國攝政王載灃攝行祀事謹誓告於太祖承天廣運聖德神功肇紀立極仁孝睿武端毅欽安宏文定業高皇帝孝慈昭憲敬順仁徽懿德慶顯配天輔聖高皇后太宗應天興國宏德彰武寬溫仁聖睿睿孝敬敏昭定隆道顯功文皇帝孝端欽敬仁懿哲順慈僖莊敏輔天協聖文皇后孝莊仁宣輔憲恭懿至德純徽翊天啟聖文皇后世祖裕天啟運定統建業英睿欽文顯武大德宏功至仁純孝章皇帝孝惠仁憲端懿慈善恭安純德順天翼聖章皇后孝康慈強

莊懿恭惠溫穆端靖崇天育聖章皇后聖祖和天宏運
 文武睿哲恭儉寬裕孝敬誠信中和至德大成仁皇帝
 孝誠恭肅欽惠安和淑懿恪敏儷天襄聖仁皇后孝昭
 靜淑明惠欽和安裕端穆欽天順聖仁皇后孝懿溫誠
 端仁憲穆和恪慈惠奉天佐聖仁皇后孝恭宣惠溫肅
 定裕慈純欽穆贊天承聖仁皇后世宗敬天法運表中
 建極文武英明寬仁信毅睿聖大孝至誠憲皇帝孝敬
 恭和懿順昭惠莊肅安康佐天孝聖憲皇后孝聖慈宣
 康惠敦和誠徽仁穆敬地光聖憲皇后高宗法天隆運
 至誠先覺體元立極斐文奮武欽明孝慈神聖純皇帝

清室禪政 第二十六

孝賢誠欽敬穆仁惠徽恭康順輔天昌聖純皇后孝儀
 恭順康裕慈仁端恪敏哲翼天毓聖純皇后仁宗受天
 興運敷化綏猷崇文經武光裕孝恭勤儉端敏英哲睿
 皇帝孝淑端和仁恭慈惠敬裕昭肅光天佑聖曆皇后
 孝和恭慈康裕安誠欽順仁正應天熙聖曆皇后宣宗
 孝天符運立中體正至文聖武智勇仁慈儉慈孝敏寬
 定成皇帝孝穆溫厚莊肅端誠恪惠寬欽孚天裕聖成
 皇后孝慎敏肅哲順和懿誠惠敦恪昭天怡聖成皇后
 孝全慈敬寬仁端懿安惠誠敏符天篤聖成皇后孝靜
 康慈懿昭端惠莊仁和慎弼天撫聖成皇后文宗協天

翼運執中垂謨懋德振武聖孝淵恭端仁寬敏莊儉顯
 皇帝孝德溫惠誠順慈莊恪慎徽懿恭天贊聖顯皇后
 孝貞慈安裕慶和敬誠順儀天祚聖顯皇后孝欽慈禧
 端佑康頤昭裕莊誠壽恭欽獻崇熙配天興聖顯皇后
 穆宗繼天覺運受中居正保大定功聖智誠孝昭敏恭
 寬明肅毅皇帝孝哲嘉順淑慈賢明恭端憲天彰聖毅
 皇后神位前曰告廟文不及德宗殊不可解欽惟我太祖高皇帝以
 來列祖列宗貽謀宏遠垂三百年於茲孝孫溥儀寅紹
 丕基兢兢業業乃弗克負荷用人行政諸未得宜以致
 上下睽隔情誼不孚旬月之間宸區俶擾深懼我累聖

清室禪政 第二十六

相承大業顛墜於地閔予小子罪曷克當茲由資政院
 諸臣博採列邦君主最良憲法先撰最大信條十九條
 其餘未盡事宜一律併入憲法迅速編纂以符立憲政
 體審察情勢已允施行用敢矢言於我列祖宗之前繼
 自今藐藐之躬振振之族當與內外臣工軍民人等普
 同遵守子孫萬世毋敢或渝惟我宗祖實式臨之初各
 省舉代表入都請開國會望立憲甚急政府靳不許并
 斥逐請願團至是東南各省相繼淪陷始從議院請頒
 發信條冀弭亂而已無及辛丑四川獨立督辦鐵路大
 臣端方駐資州爲亂兵所戕馮國璋克漢陽丙午民軍

取金陵總督張人駿將軍鐵良提督張勳走了未庫倫

活佛叛庚戌監國攝政王引咎辭職隆裕皇太后允之

自是太后主政事迴應篇首又借以起下授大學士世

續徐世昌爲太保癸丑罷禁衛軍訓練大臣載濤以馮

國璋爲總統官遷禁衛軍協統良弼爲軍諮使親貴兵

權亦盡甲寅遣唐紹儀爲議和大臣與民軍議和時太

監張德最寵密與民政大臣趙秉鈞組設偵探隊偵察

中外亂情及暗殺黨動靜甚悉日以流言報聞皇太后

日以流言報聞皇太后九字中含有無限情事令人寄想於言外文有以虛爲貴者此類是也十一月

甲子朔唐紹儀與民軍代表伍廷芳會議廷芳堅持改

清室禪政 第二十六 西

建民主否則罷議紹儀既迭電艱難并請速開國會公

決政體庚午國務大臣奏請如紹儀奏皇太后即召集

王大臣國務員開御前會議袁內閣自奏奉職無狀罪

萬死太后慰之曰卿勿爾國家大事既相付託當勉爲

其難即使挽回無術吾決不咎卿也將來皇帝成立吾

且以卿之忠盡艱難困苦情形告之言罷與皇帝相抱

而泣諸大臣亦涕不可仰袁內閣出語人曰吾其何以

對此孤兒寡婦哉聞者黯然壬申詔內閣迅擬選舉法

召集臨時國會決定國體丙子民軍在南京選舉孫文

爲臨時大總統南京政府成立初政府庫空如洗軍乏

餉袁內閣說親貴能集資千二百萬兩足半年戰費約

計大局可粗定此與前日以流言報聞皇太后皆就其弱點而攻之雙管齊下實乃緊抱篇首

兩句作文脈絡分明而親貴應者鮮惟慶親王慨捐十萬餘則三

萬兩萬載澤主戰最力僅允五千且爲次年三月期票

焉世凱大憤恚面奏太后兵飢虞譁變丁丑太后發內

帑黃金八萬兩濟軍壬午山西巡撫張錫鑾攻克娘子

關越二日遂入太原山西復入於清袁內閣標持君主

立憲說維皇室企和平而親貴不諒解謂民軍弱易平

促內閣戰甚急而又吝於輸戰費也於是內外統兵大

臣怨怒親貴戊子姜桂題馮國璋王占元倪嗣冲等數

清室禪政 第二十六 五

十軍人既電伍廷芳反對共和復致書王大臣云前月

各營僅發半餉現更艱難查親貴王大臣財貨寄頓外

國銀行者數千百萬若不盡買公債以抒危難非但財

不能保殺身之禍且在目前親貴大臣聞之大惧未幾

東三省總督趙爾巽直隸總督陳夔龍湖廣總督段祺

瑞熱河都統錫良河南巡撫齊耀琳山東巡撫胡建樞

吉林巡撫陳昭常復合詞奏言經費窘蹙羅掘俱窮而

日使調查各親貴存儲外國銀行之銀共三千餘萬兩

并指出某人於某銀行頓貲若干今軍界迭電親貴大

臣出銀餉兵武人不恤生命赤心報國如再猶疑禍且

不測且宗室王公與國休戚國存則歛固有著國亡則家亦隨之即使善於儲藏猶太富人亦可引為殷鑒其詞益激各親貴聞之愈恨爭奏上財產簿籍自陳家貧貴祇此和平不決然言戰矣而恭親王溥偉輔國公載澤大臣鐵良良弼等愈疑忌內閣也召集國會決國體民軍代表既允行而召集期開會地代表人數伍廷芳欲以各省代表團行之唐紹儀遽簽定親貴聞之讓內閣內閣言紹儀不稱職罷之耳紹儀遂辭職內閣自與伍廷芳磋商條款往來駁詰而清室不遜位亂仍不能解也預透辛卯國務大臣合詞奏言自武昌亂起旬月

清室禪政

第二十六

七

之間民軍響應幾遍全國惟直隸河南未經離叛然人心動搖異於恆昔臣世凱奉命督師蒙資政院投票選舉得以多數同意設立內閣組織雖未完善兩月以來將士用命業已克復漢口漢陽收回山東山西然而戰地範圍過為廣濶幾於餉無可籌兵不敷遣度支艱難計無所出籌欸之法羅掘俱窮大局岌岌危逼已極朝廷念國步之艱虞慨民生之塗炭是以停戰媾和特簡唐紹怡楊士琦前往滬上為民請命此萬不得已之苦衷亦從未有之創舉也屢接該大臣來電稱民軍之意萬眾之心堅持共和別無可議等語現期已滿展限七

日能否就範尙難逆料惟論目前情形北方一隅雖能少保治安而海軍盡叛一旦所議不合艦隊進攻天險已無何能悉以六鎮諸軍防禦京津而棄各戰地於不顧危逼萬分等於呼吸宗社所寄民命所關早夜以思良用悚懼若激勵將士勉強一戰財賦省分全數淪陷行政經費茫如捕風蒐討軍實餉源何出惟魯惟豫滿目瘡痍地方素瘠就地籌欸為勢所難常此遷延必有內潰之一日倘大局至此雖效周室之播遷已無相容之地遼東已為強鄰所虎視庫倫早有背順之萌芽悉索敵賦力與一戰未嘗不能收復一二行省然而彼眾

清室禪政

第二十六

七

若狂醉心民主兵力所能平定者土地不能平定者人心人心渙散如決江河莫之能禦爵祿已不足以懷刀兵莫知所畏似此億萬之所趨豈一二黨人所能煽惑臣等受命於危急之秋誠不料國事敗壞一至於此也環球各國不外君主民主兩端民主如堯舜禪讓乃察民心之所歸迥非歷代亡國之可比我朝繼繼承承尊重帝系然師法孔孟以為百王之則是民重君輕聖賢業已垂法守且民軍亦不欲以改民主未減皇室之尊榮況東西友邦因此次戰禍貿易之損失已非淺鮮而尙從事調停者以我祇政治之改革而已若其久事爭

持則難免不無干涉而民軍亦必因此對於朝廷感情益惡讀法蘭西革命之史如能早順輿情何至路易之子孫靡有子遺也民軍所爭者政體而非君位所欲者共和而非宗社我皇太后皇上何忍九廟之震驚何忍乘輿之出狩必能俯鑒大勢以順民心且兵力庫藏悉數盤查祇有此數敬繕清單恭呈御覽以盡有之國力定和戰之大計如叨睿訓敢惜微軀然天下者乃大清帝國一統之天下也總理大臣受朝廷之委任握全國之樞機治亂所在去就因之獨至帝位去留邦家存否則非總理大臣職任所能擅斷其國務大臣亦祇能負

清室禪政

第二十六

六

其行政一部之責任存亡大計何敢思及伏願皇太后皇上召集皇族密開果決會議速定方策以息兵禍而順民心項城此奏至遜位時始發露事前極秘密皇太后既見此奏即召開前會議貝子溥倫首言我族再主中夏固已絕望即國民會議果開於我亦決無利益袁世凱雖力欲保存君主而勢孤黨弱譬之片石置急流終必動搖其何能濟目下和議雖未決裂而南京已立政府北伐之聲日益加厲民軍四布與待兵臨城下服從武力何若自行遜讓愛蒂長留况優待皇室係民軍商請公論在人似不中變孫文雖暫為總統豈能支此危局聞已約定推

清室禪政

第二十六

五

袁世凱為總統事若果成豈但中國之幸抑亦皇室之福所慮者袁世凱理學氣太深日來辭職之意堅決非常此則不可不慮凡我宗支當說其不可拘泥者也奔助甚以貝子之言為然溥偉載澤駁之爭議甚久是日袁內閣罷朝出東安門黨人張先培楊禹昌等擲彈擊之不中斃侍衛官袁金標京師大震十二月甲午朔宗室王公齊集內閣與國務大臣會議慶王奔助貝子溥倫為宗社黨所嚇復反對共和溥偉那彥圖等持之尤力各大臣相對默然久之民政部大臣趙秉鈞外部大臣胡惟德郵傳大臣梁士貽等始合詞言主持共和本非初願但人心已去恐君主難保存耳時宗社黨首領良弼等密說第一軍及禁衛軍軍人合力反抗共和更上書袁內閣恫以危詞袁內閣危甚欲赴津避之者屢矣丁酉太后復召集親貴開御前會議奔助以病未赴載灃行至後宰門聞慶王未至也亦返恭親王溥偉力諫太后勿惑流言勿墮奸計止君主立憲尙可求生若一旦遜位則萬事瓦解臣等寧決死殉國不服共和聲色俱厲太后曰吾亦以遜位事大爾等既不欲吾敢擅專言畢大哭各親貴復羣起參劾歷年誤國諸罪及此次主張共和之非最後載澤復奏劾袁世凱以軍餉

不足不能開戰。後頌內國短期公債，勒捐親貴大臣，合內帑黃金八萬兩，欸近千萬，仍不開戰。是何居心。袁內閣以親貴激昂，其鋒不可避。日夜焦慮，鬚髮頓白。辛丑以克復漢陽功，詔封袁世凱一等侯爵。世凱奏辭，不許。再辭，許大局定受封。時第一軍軍統段祺瑞與南軍信使往還，密議顛覆政府，改建共和。諸大端已有要領。及聞袁內閣被刺，頗疑諸親貴所主使。大憤。辛丑祺瑞與古北口提督姜桂題提督張勳察哈爾都統何宗蓮副都統段芝貴河南布政使幫辦軍務倪嗣冲統制王占元曹錕陳光遠吳鼎元李純潘矩楹孟恩遠河北鎮總

情室禪政

第二十六

三

三百萬日籌定八旗生計，蠲除滿蒙回藏一切限制。曰：滿蒙回藏與漢人平等。曰：王公世爵概仍其舊。曰：保護一切原有私產。民軍代表伍廷芳承認列於正式公文。交海牙萬國和平會立案云云。海宇聞風，率土臣民罔不額手稱慶，以爲事機至順，皇位從此永保。結果之良軼越今古，真國家無疆之麻也。想望懿旨，不遑朝夜。乃聞爲輔國公載澤恭親王溥偉等一二親貴所尼，事遂中沮。政體仍待國會公決。祺瑞等自應力修戰備，靜候新政之成。惟念事變以來，累次懿旨，莫不軫念民依，惟國利民福是求。惟塗炭生靈是懼。既頒十九信條憲法，

情室禪政

第二十六

三

兵馬金敘南陽鎮總兵謝寶勝第二軍總參議官靳雲鵬吳光新曾毓雋陶雲鶴總參謀官徐樹錚砲隊協領官蔣廷梓陸軍統領官朱泮藻王金鏡鮑貴卿盧永祥陳文運李厚基何豐林張樹元馬繼增周符麟蕭廣傳聶汝清張錫元營務處張士鈺袁乃寬巡防統領王汝賢洪自成高文貴劉金標趙倜仇俊愷德啓劉洪順柴得貴陸軍統帶官施從濱蕭安國等合詞奏言竊惟停戰以來，議和兩月，傳聞宮廷俯鑒輿情，已定議立改共和政體。其皇室尊榮及滿蒙回藏生計權限各條件，曰：大清皇帝永傳不廢。曰：優定大清皇帝歲俸，不得少於

誓之太廟，又允召集國會。政體付之公決，可見民爲國本。宮廷洞見其微，民視民聽所在，決不難降心相從。茲既一再停戰，民軍仍堅持不下，恐決難待國會之集。姑無論遷延數月，有兵潰民亂盜賊蠶起之憂。即此停戰兩月間，民軍籌餉增兵，佈滿各境，我皆無後援，力太單弱，加以兼顧數路，勢益孤危。彼則到處勾結土匪，勒捐助餉，四出竄擾，散布誘惑。且於山東之煙台、安徽之穎壽境界、江北之徐州以南、河南之光山商城固始、湖北之高城襄樊棗陽等處，均已分兵前逼。而我皆困守一隅，寸籌莫展。彼進一步，則我之魯皖豫即不自保。雖祺

瑞等公忠自勵，死生可保，無他而餉源告匱，兵氣動搖，大勢所趨，將心不固，一旦決裂，何所恃以爲戰？深恐喪師之後，宗社隨傾，彼時皇室尊榮，宗藩生計，必均難求。滿志卽擬南北分立，勉強支持，而以人心論，則西北騷動，形既內潰，以地理論，則江海盡失，勢成坐亡。祺瑞等治軍無狀，一死何惜，特捐軀自効，徒殉愚忠，而君國永淪，追悔無及，甚非所以報知遇之恩也。况召集國會之後，所公決者，尙不知爲何項政體，而默察人心趨向，恐仍不免出於共和之一途。彼時萬難反汗，是徒以數月水火之患，貽害民生，何如預行裁定，示天下以至公使。

清室禪政

第二十六

三

食毛踐土之倫，歌舞聖明，零涕感激，咸謂唐虞至治，今古同揆，不亦偉哉！祺瑞等受國厚恩，何敢不以大局爲念，故敢比較利害，昌死陳言，懇請渙汗大號，明降諭旨，宣示中外，立定共和政體，以現內閣及國務大臣等暫時代表政府，担任條約國債及交涉未完各事，再行召集國會，組織共和政府，中國人民實惟幸甚，不勝激切待命之至。是日黨人彭家珍僞裝奉天軍官崇恭，謁軍諮使良弼，值其宴歸，家珍以炸彈擲之，傷一足。王公聞之，皆惴惴。段祺瑞電奏到京，眾謂必祺瑞左右青年所爲，卽總理亦疑之。電詢祺瑞，祺瑞不答。甲辰總理始據

以入奏，太后卽召示各親貴，親貴相顧，聘貽既而曰：電恐僞耳。時奔動載灃均未至，太后於邑曰：俟明日與渠二人決之。良弼以瘡重，日醫爲斷其足，大呼曰：吾他日從軍，尙能騎乎？憤恚死。良弼在日本學陸軍，爲親貴所倚重，至是被刺死，親貴氣沮。前大權此氣沮，熱氣干政，結果如此，首二句活躍。紙乙已，太后復召集王公，特開御前會議，各王公仍唯諾無決詞。太后曰：爾等反復推求，遷延不定，疑義繁生，將來必演出同室操戈，塗炭生靈之慘劇。此後茲事由我一人擔承耳。辭色甚厲，罷會。召袁內閣，撰擬宣布共和詔旨，尊藏侯優待條件，磋商訖，頒布內閣，令近支王

清室禪政

第二十六

三

公署名詔紙尾也。筆筆實錄步步褒貶却絲時民軍既毫不露斧鑿痕良由筆妙以第一任大總統許袁內閣亦與民軍磋商優待皇室條件訖。己酉，皇太后詔以袁世凱爲全權，迅與民軍商酌優禮，皇室皇族宗廟陵寢及八旗生計，蒙古回藏待遇各條件，奏明請旨。條件詳大政編中。戊午，皇太后下禪政詔云：此詔已載入大政編此處復載者以高后紀錄之悼惠世關係大不能省史記齊王討呂氏檄家復錄之卽其例也前因民軍起事，各省響應，九夏沸騰，生靈塗炭，特命袁世凱遣員與民軍代表討論大局，議開國會。兩月以來，尙無要領，南北睽隔，商輟於途，士露於野，徒以國體一日不決，故民生一日不安。今全國

人民心理多傾向共和。南中各省既倡議於前，北方諸將亦主張於後，人心所向，天命可知。余亦何忍因一姓之尊榮，拂兆民之好惡，用是外觀大勢，內審輿情，特率皇帝將統治權公諸全國，定為共和立憲國體。近慰海內厭亂望治之心，遠播古聖天下為公之義。袁世凱前經資政院選舉為總理大臣，當茲新舊代謝之際，宜有南北統一之方，即由袁世凱以全權組織臨時共和政府，與民軍協商，仍合滿漢蒙回藏五族完全領土為一。大中華民國予與皇帝得以退處寬間，優游歲月，豈不懿歟！禪政之將下，隆裕皇太后率皇帝召近支王公清室禪政第二十六

記

第二十六

記

大臣及內閣總理大臣國務大臣開御前會議。太后哽咽流涕，各王公大臣亦皆哭失聲。嘈嘈切切錯雜彈大時相類不能卒讀。久之，太后謂皇帝曰：爾之所以得有今日者，皆袁大臣之力。即敕皇帝降御座致謝。袁大臣袁大此等妙遠臣袁大臣惶恐頓首辭謝，伏地泣不能仰視。此等妙遠最多班歐間有之，凡史月意處輒揭明者，非上乘文字也。辛酉南京參議院舉袁世凱為臨時大總統，改建大中華民國。清自順治至宣統共十帝，統馭中國凡二百六十八年。清宗親中以肅親王善耆恭親王溥偉為最賢善耆能詩工書畫居官廉潔無私尤愛士士之通達時務負才藝者爭歸之。王照

自首獲免。汪兆銘被捕入獄不死，皆王為之。左右當皇帝之將禪政，知大勢不可挽，即將其府中書畫鼎彝碑版珠玉什物斥賣，避地海濱，誓不入都。觀國破家亡之慘，而溥偉亦毀家蹈海，遠徙袁大總統屢遣人說為償其私債，招之歸。二王訖不聽，仍棲遲於大連青島之間，聞者傷之。

記

第二十六

記

論曰：清自世祖入關，多爾袞攝政，勘定中國，其時有明後裔世臣故家遺民，愴懷鼎革，感念冠裳，仙仙覩覩，貌從心誹，加以從龍勛戚，佐命武臣，淫恣慘虐，未能脫去旃裘餘習，以饜民望，以故終世祖世天下，雖云粗定，基業實未固也。及至聖祖削平三藩，四海統一，創垂典制，修明禮樂，彬彬乎與漢唐同風，而天子又好學多能，凡義理考據詞章以及天文歷算殊方語言文字無不能與專門之士絜短論長，其風流文采既足使衣冠士族嚮風承化，靡不歸心，而武功所被，東起長白，中逾絕漠，西訖天山，南北準回各部東西萬餘里，以次征服，清之國基然後大定也。遂乃創為家法，刊之鐵版，俾後世子孫永承遵守，其大者如預定儲嗣，藏之寶櫃，顧命以後始由大臣宣布遺詔，奉迎嗣皇，而禁女主垂簾懿親執政宦官外出田賦加征，尤能洞明往事，斬絕亂源，即細

而至於宮禁服御出入飲食起居纖悉之事亦皆懸有定則常度以爲拘束世宗高宗續承統緒發揚蹈厲演爲太平燦燦乎如日麗中天稱爲極盛仁宣以還剛斷雄武遜厥祖宗矣而恭儉憂勤從未有淫湎失德逾越軌度虐民之事則聖祖之創垂足資法守而其後嗣遵循之力有足多也後之爲革命之說者動以嘉定屠城記揚州十日記及文字之獄爲詞然此用以激怒國人則可耳屠殺之慘文字之獄中國歷史不更有甚於此者乎是未足專爲清罪也又或謂滿族入關不耕而食不織而衣者數百萬人惟漢民之供是固然矣然自聖祖奠定區宇漢民依其威力耕牧屯墾工作貿易於東三省內外蒙古西極崑崙之墟生養滋息往來者不知其幾千百萬其爲益於漢民亦從古所未有矣總有清一代計之其主德多寬仁勤儉從無淫虐之君其歷數只康熙乾隆兩朝卽有百二十餘年之久太平壽考冠絕古今其武功赫爍巍並漢唐幾與蒙古相埒其文治則開四庫之館設鴻博之科校理秘籍宏獎碩彥風聲所樹文化承流不惟較之元代氣象有文野之殊卽與北魏孝文之改服易朔冠裳文物禮樂制度悉力摹倣期與中土同風者規模設施亦有廣狹大小之異固不

清室禪政

第二十六

三

得以非漢族而殊異之也及夫同治初元女主乘權弁髦祖訓鉗制嗣君促其天年國統再絕而戊戌庚子兩變狂悖昏亂尤夫人心極於宣統載灃攝政監國諸王貝勒爭攘政柄貨賂公行天下益爲忿怒辛亥八月武昌之變初只一隅耳然春雷一震大陸龍蛇崩騰並起不數月間而清遂亡矣非夫孝欽專制暴恣醜醜至數十年之久頹敗覆亡胡能若是之速哉斯亦治國者之殷鑒矣顧清室政權雖去帝號猶存享優待隆儀媿外國君主安富尊榮爲自古亡國者所未有毋亦其祖功宗德積累者厚故食報如斯也乎

清室禪政

第二十六

三

此篇及二十六二十七兩篇乃全書中權精心結撰無一懈筆



北京政府成立第二十七

自南京設立臨時政府舉孫文為臨時大總統各省之糾

紛如故當是時握有重兵可左右時局者厥惟清內閣

總理大臣袁世凱民軍謂世凱能覆清室日夜企望清

室亦謂唯世凱能撲滅民軍也如老吏斷獄而世凱之

被詔再起即上言此次之亂非兵力所能伏主撫不主

剿既至鄂遣道員劉承恩密致書黎元洪畧謂近日朝

廷下詔罪已實行立憲大開黨禁皇族不問國政似此

則國事尚可挽回宜早息兵爭以安百姓况兵者漢人

蹂躪者亦漢人我漢人胡為自相屠戮今項城出山誠

北京政府成立記 第二十七

意勸撫政府亦有悔心閣下及諸英雄趁此時機和平

息事或別有要求即轉達項城籌策維護諸公槃槃大

才不獨不咎既往且可重用共襄國事也承恩湖北人

與元洪有舊元洪得書徵眾意作覆詞甚厲會第二十

鎮統制張紹曾協統藍天蔚頓兵灤州山西巡撫吳祿

貞阻兵石家莊倒戈相向京師危在旦夕資政院因奏

請解散皇族內閣組織責任內閣乙亥皇族內閣解散

復詔袁世凱為內閣總理大臣海陸軍仍歸節制世凱

權始大世凱將入都復遣劉承恩及海軍正參領蔡廷

幹渡江說黎元洪元洪不從九月丁亥世凱入都即奏

言向例樞臣每日召見今既由內閣負完全責任除大

事請旨外閣臣無庸每日召見詔允之又奏廢奏事處

及請旨事件由是內外臣工章奏先達內閣由內閣處

理而監國無權世凱意輕黨人其再起也河北友李進

士時燦等謁請勿屠殺民軍世凱云君等皆書生殊過

慮鄂事皆二三年少才俊所為庸庸足誅戮乎而憚結怨

國民不欲以兵力定亂戊子詔各省迅速遣代表三五人

來京會議決定國是時民主黨汪兆銘已出獄憲政黨

楊度與兆銘創起國事共濟會提出君主立憲民主共

和二義開全國大會決定之期戰事早息宣言書云中

北京政府成立記 第二十七

國自有立憲問題發生國中遂分為君主立憲民主立

憲兩黨君主立憲黨之言曰中國立憲以滿漢蒙回藏

五族人集合而成而蒙回藏人之能與漢人同處一國

政府之下者全恃滿州君主名義羈縻之耳今世各國

對我政策方主領土保全門戶開放機會均等而其所

謂領土者乃合二十二行省蒙古西藏回部等藩屬而

言若漢人以二十二行省自立一國變為民主政體一

時兵力必不能兼定蒙回藏而蒙回藏又無獨立一國

之力則滿州君主去位之時即滿蒙回藏分離之時蒙

必歸俄藏必歸英東三省必歸日俄而各國領土保全

之策德法不能坐視英俄日之獨有所得也法必得雲南等處德必得山東等處於是漢人土地亦不能瓦全矣欲求領土之完全滿漢蒙回藏之統一非留現今君主名義不可以是理由故惟主張君主立憲民主立憲黨之言曰各國革命可以至君主立憲而止而中國不能非謂君主之滿人必欲以種族相仇之見排而去之也乃以君民之種族不同則人民之權利必為君主所奪與即令一時被迫而盡與之然使尚有保持之力則亦仍有推翻立憲之力故君主一日不除去即憲政一日不確立根本解決之法惟有改君主為民主滿漢蒙

北京政府
成立記

第二十七

三

回藏五族皆平等立於共和政府之下始有完全之憲政并非於政治革命之外別有所謂種族革命也以此是理由故惟主張民主立憲是二黨者各持一說各謀進行其所爭之點無他君主民主之一問題而已此外如確定憲政發揮民權則兩黨之所同也滿漢蒙回藏五族必使同立一政府之下不使分離以與各國保全領土主義衝突又兩黨之所同也然則兩黨共同之目的安在乎皆不過成立立憲國家以救危亡之禍而已近者革命軍起東南響應北京政府與武昌軍政府各以重兵相持不下設必欲恃兵力以決勝敗無論孰勝孰

敗皆必民生塗炭財力窮困以保一君主為目的而使全國流血君主立憲黨所不忍出也以去一君主為目的而使全國流血民主立憲黨所不忍出也設更不幸二十二行省中有南北分立之事又不幸而漢人團為一國蒙回藏遂以解紐以內部離立之原因成外部瓜分之結果則亡國之責兩黨不能不分擔之矣豈救國之本意哉然而兩黨之政見應何去而何從非兩黨所能自決也必也訴之於國民公意用是兩黨之人聯合發起以成斯會意在使君主民主一問題不以兵力解決而以和平解決要求兩方之停戰發起國民會議以

北京政府
成立記

第二十七

四

國民之意公決之無論所決如何君主民主兩黨皆有服從之義務否則即為國民公敵書達資政院及政府南北各省爭議紛然不得要領解散初劉承恩等渡江說黎元洪鄂將士氣驕甚多侮詞世凱乃命馮國璋急攻漢陽十月辛丑北軍奪據漢陽武昌居炮火下湖南大震岳州鎮守使唐蟒已棄城走矣會英領事出為排解世凱乃電命馮國璋息戰止攻世凱之入都衛兵祇一標清親貴疑忌之勢危甚直紳李焜瀛劉春霖等與總督陳夔龍密議迎世凱至津獨立世凱允之以計非萬全不即行及攻下漢陽復止丙午民軍取南京庚戌

監國攝政王引咎辭職皇太后允之內閣政權益專時各省已三分有二歸民軍世凱既不欲以兵力定亂至國體變更須清室自決難顯言仍標持君主立憲宗旨與民軍推商以同易視聽一筆一轉一衍王子詔袁世凱為全權大臣委托代表人馳赴南方討論大局世凱即以唐紹怡為全權代表并以嚴修楊士琦為參贊大臣避各省在京官紳張國淦于邦華周自齊鄭沅孫多森朱益藩許鼎霖章宗祥傅增湘馮耿光為參議員馳赴上海初劉承恩蔡廷幹赴鄂皆以私人傳達世凱意旨至是以皇帝詔令遣全權大臣視南軍儼為敵國時

北京政府成立記

第二十七

五

各省代表團已舉黎元洪為大元帥黃興為副元帥唐紹怡雖銜命來南與民軍言難及私即民軍所欲推舉企望於袁內閣者亦蔑由階達也時第一軍軍統馮國璋已解兵柄歸京師而以段祺瑞為統率祺瑞主張和平其參謀徐樹錚曾毓雋等既迭與湖北民軍往來企共和訂密約乃復遣參議靳雲鵬北來游說各軍雲鵬與陸軍學堂總辦廖宇春友善宇春蘇人而北京紅十字會會長夏清貽亦蘇人與南軍有連數人者私計覆舊政府立新政府南北同趨而南軍欲共和北軍忠袁氏南軍能推袁內閣為總統則共和可望而北軍易從

亂釀共和在大臣事尤危險其時不但袁內閣不敢昌言即段公亦甚謹嘿也然此等議論雖出靳廖諸人其主持者固皆段也靳等之於段猶段等之於袁也讀此文須知此意通篇皆然欲以此意疏達南北軍乃相率赴鄂白於祺瑞祺瑞趨之即遣宇春清貽赴滬晤達甯軍參謀顧忠琛忠琛為言於蘇都督程德全副元帥黃興與大喜為訂誓約五一確定共和二先覆清室者為總統三優待清帝四南北將士不負敵害責任五恢復各省秩序約既定宇春返鄂十一月甲子朔唐紹怡與民軍代表伍廷芳開議廷芳首要清帝退位改建共和否則拒絕來使之議不決紹怡乃迭電艱難并盛陳南軍聲勢攷慮北軍度支匱竭軍械缺乏及戰端果開皇室是否安全諸大端請於世凱世凱以民主共和與內閣君主立憲政綱相背難以啟奏乃率國務大臣上奏辭職太后大驚弗許即召宗室王大臣國務大臣開御前會議王大臣依違不能決罷會國務大臣復集議於內閣仍依違無決詞久之民政大臣趙秉鈞慷慨言時局危迫禍懸眉睫生靈塗炭了無窮期神州隕區素稱天府究不能因保全皇室傾覆國家詞色譎雄傾動四座世凱乃率署外務大臣胡惟德民政大臣趙秉鈞署度支大臣紹英學務大臣唐景崇陸軍大臣王士珍署海軍大臣譚學衡司法大臣沈家本

北京政府成立記

第二十七

六

軍大臣王士珍署海軍大臣譚學衡司法大臣沈家本

署農工商大臣熙彥署郵傳大臣楊士琦理藩大臣達壽合詞奏言自武昌事起全國震動禍機爆發勢成燎原朝廷之德意屢宣革黨之氣燄仍熾漢口既下海軍繼變漢陽雖得金陵復失東南財賦之區歸其掌握西北響應各省驟難廓清重以庫帑告罄貸欸無從購械增兵均爲束手萬不得已勉從英使朱爾典之介紹奉旨以唐紹儀爲總理大臣代表馳赴滬上與革軍代表伍廷芳會同討論大局一面互約停戰冀可和平解決其時英使倡議日美法俄德等國亦均贊成謂有合乎人道主意乃近日以來連接唐紹儀電稱迭與伍廷芳北京政府 第二十七 七

如何軍械如何豈能必操勝算萬一挫衄敵臨城下君位貴族豈能保全外人生命財產豈能保護不幸分崩離析全國淪胥上何以對君父下何以對國民如召集國會採取輿論果能議決仍用君主國體豈非至幸之事就令議決共和而皇室之待遇必極優隆中國前途之幸福尙可希望孰得孰失情事較然若再延緩禍害立至等語又稱現計停戰之期僅餘三日若不得切實允開國會之諭旨再無展限停戰之望勢必決裂惟有即日辭去代表名目以自引罪等語臣等接閱之下憂心如焚內察民情外觀大勢實信處此無可轉圜言和則詞說已窮言戰則餉械兩絀即仿如唐紹儀國會公決之請而用正當選舉之法選合格代表之人其手續與時期均非旦夕所能藏事革黨迫不及待不知能否聽從而決定如何政體亦難預料事關存亡解決非閣臣所敢擅專惟有願懇召集近支王公速行會議請旨裁奪以定大計臣等奉職無狀撫躬慙懼罔知所云此奏當時秘甚遲至遜位時始宣布在未宣布以前項城絕不道共和對屬下所言與前後兩奏正相反而於武人尤甚此非項城之請以馮國璋之親信猶幸共和他人更不可知秘之正所以保持秩序防制危險也皇太后即可其奏詔內閣迅行召集臨時國會公決國體丙子各省代表團復舉孫文爲大總統立政府南京廖

宇春之返鄂即以黃興誓約視第一軍軍統段祺瑞祺瑞大喜而陽為躊躇曰項城履境危不可言如此恐速禍如之何哉宇春曰項城安危視公而定公肯為共和主動則項城為被動其危立解祺瑞然之時北洋老將數十人統兵十餘萬胥聽內閣指撝無或違然內閣微旨鮮能明也而馮國璋新立功漢陽被召歸尤鬱憤思戰微情是一篇主廖宇春既返鄂報命即北歸以民軍誓約視國璋國璋曾與宇春遊日本尤友善因說國璋曰中國存亡在和與戰公欲存中國保皇室則和否則戰國璋曰革命黨人多少年仇達權利互爭名為共和

北京政府

成立記 第二十一

九

占元陳光遠諸人皆通電主戰非吾一人議也宇春曰戰祇速亡耳國璋曰文天祥史可法非人為之耶宇春曰惜乎辛亥以後之歷史斷不以文史推公國璋厲聲曰人各有志吾志既堅雖白刃在前鼎鑊在後所不能移宇春笑曰黨人暗殺項城及公皆處危地吾所以噫嘆者圖報知己耳聽受與否其權在公當是時袁克定阮忠樞馬龍標孔慶堃等說國璋者曰數人而意卒不回未幾段祺瑞遣靳雲鵬自孝感來代表第一軍連合各鎮要求共和初袁公子克定自九月大亂即以共和政體幾諫世凱世凱恐左右疑之斥使歸里會湖北政

北京政府

成立記 第二十七

十

軍心胡一變至是哉是將置余於何地雲鵬復婉詞陳說久之世凱始慨然曰汝曹握兵柄者亦復如斯我尚何言但使我有面目與世人相見足矣以上一段筆神妙欲到秋毫願至是南京舉定臨時大總統宇春等恐前訂誓約變更復遣夏清貽赴滬謁黃興與言如約未幾朱帝煌亦得孫大總統電言願辭職以袁內閣爲代也君主民主清廷既允召集國會由國民解決民軍亦既許之矣唐紹儀卽與伍廷芳續議國會代表組織條款四端一每一省爲一處內外蒙古爲一處前後藏爲一處每處遣代表三人每人一票若有某處到會不及三人者仍有投三票之權三到會人數有四分三即可開議四獨立省民國政府召集未獨立省清政府召集紹儀既簽定時各省代表集滬者已有十七省皆傾嚮共和隨員許鼎霖訝紹儀遽爲允諾也卽北歸謁親貴言民軍烏合餉械寡易平且紹儀至滬非議和也饋獻江山耳親貴詰世凱世凱曰烏是何言余遣紹儀討論大局也他非所知不稱職罷之耳卽電伍廷芳云本大臣委派代表原以討論爲範圍唐代表簽定召集國會條件未經本大臣認可無效紹儀於是辭職內閣與伍廷芳直接電商條款抵隙蹈瑕嚴爭互誓人謂爲滑稽議和

北京政府

第二一七

上

世凱既倡開和局更新全國耳目民軍不諒解仍痛詆之其幕友致南京友人書云君主政體項城并不堅持惟所處地位不得不然南中輿論恆不諒解疑忌甚深不無誤會某微窺其意蓋始終不願以兵力從事當官兵奪據漢陽後前敵將士急欲直攻武昌項城連電止戰始開和局張少軒守南京屢告急求援京外各處乞援者尤多項城一再遷延乃借援師臨行忽又改命北往張家口其用心究竟何在雖難洞悉要其不願兵連禍結取怨國民之意自可昭然南軍似不能深知此意

北京政府

第二十七

上

激昂幾難制止仍擬具奏辭職似此情形似覺無從收拾若一旦閣令不行各處軍隊自由行動則南北糜爛之局成列國瓜分之禍至矣此中消息未識南政府有所聞否現果真心主張共和爲國造福似宜迅速疏通北軍以平其氣□□□□以安北人之心發表優待皇室條件以釋親貴之疑實行□□□□以示尊重人道之意如此則共和可望而國家可全書爲憲檢查郵件者所得暴於報紙南北意見漸歸和洽袁內閣既不認唐紹儀簽定條件伍廷芳駁之爭議久不決而停戰期限輒展長未幾各省代表團迭電伍廷芳謂獨立省分

北京政府
成立記

第二十七

三

已居多數既獨立即非清政府領土豈尙服從於清帝直須退位耳國民會議實爲贊舉唐紹儀亦電請皇室宜俯順民心早日遜位民軍念禪讓盛德皇室待遇必極優隆并將優待條件電呈內閣內閣以紹儀已辭職不爲代表而密以優待條件與皇族磋商辛卯袁內閣罷朝黨人張先培等自茶樓上飛彈擊之不中京師大震時民軍方要請清帝退位罷國會贊舉以優待條件致內閣期其主張及聞其被刺也南方民黨大譁曰何物狂奴幾敗乃公事當是時宗社黨首領良弼等煽動第一鎮禁衛軍游緝隊合謀暴動傾覆內閣內閣危

甚復謀出奔已與英使朱爾典約期護赴津而以閣臣趙秉鈞等留守參議靳雲鵬聞之大驚卽說袁公子克定曰宮保赴津京師秩序立紛擾耳各部大臣誰願留守且路局備車風聲早播倘再遇狙擊將如之何於宮保於國家於皇室皆不利竊以爲不如速調精兵入京鎮懾則邪謀自熄反側可安并切諫世凱世凱然之而恐親貴疑促禍訖不敢召兵既而宗社黨復上書內閣恫以危詞事愈急時第三鎮統制曹錕方駐灤州參議傅良佐府丞阮忠樞乃密遣廖宇春持書赴灤乞師錕聞警遽遣星夜拔隊來都且曰余實不知宮保之意主

北京政府
成立記

第二十七

四

張共和若早知者我進兵馮子雲胡爲哉曹錕既以兵來未幾洪自成亦率巡防隊三營入衛京師根本畧固初古北口提督姜桂題忠鯁諒直翊衛京師十餘年昵近宗室王公而民政大臣趙秉鈞多陰謀秉鈞教桂題言於親貴云時事艱危尤以餉缺兵潰爲慮袁宮保能籌餉治兵請卽以政權付之否則咎有攸歸軍人仇視親貴必首蒙不利王公以桂題可恃也聞言大驚秉鈞復與太監張德親德日以危言惡耗聞於太后太后迭召集王公大臣開御前會議有允共和意醇王載灃慶王奕劻貝子溥倫附之而溥倫謂與其召集國會議決

共和無甯自行禪讓長留愛帶語尤切獨恭王溥偉鎮國公載澤貝勒載濤等諫阻也十二月辛丑黨人彭家珍以炸彈擊軍諮使良弼創甚未幾死親貴愈氣沮時馮國璋迫於大勢已屈眾議弗主戰日爲禁衛軍講演共和也第一軍軍統段祺瑞之遣靳雲鵬要求共和也其實施要有三端一喻導親貴自行宣布共和二由北軍要求三用武力脅迫當是時第一策既爲宗社黨所持難奏效輒作曲筆愈曲愈醒行到水窮處坐看雲起時文境似之祺瑞乃與北方將校姜桂題等四十七人合詞奏言待遇皇室皇族滿蒙條件至爲優渥請俯順輿情明降諭旨確定共和奏北京政府

成立記

第二十七

五

來皇族之敗壞大局罪難數事至今日皇太后皇上欲求一安富尊榮之典而不見許瑞等不忍宇內有此敗類謹率全軍將士入京與王公剖陳利害袁世凱既得此電即召集近支王公及蒙古王公會議恭王溥偉憤然曰本爵等前因朝廷既願讓政權不敢反對已先後署名認可何竟指爲敗類且祺瑞此電脅迫不太甚耶聲色俱厲已酉詔授袁世凱以全權迅與民軍商酌皇室優禮皇族安全八旗生計蒙古回藏待遇各條件初伍廷芳迭以優待條件商於世凱世凱不答至是乃改定條件電達伍廷芳廷芳乃交南京參議院通過世北京政府

成立記

第二十七

六

凱既與民軍約共和成立建設統一政府廢南北兩政府而民軍亦既以第一任大總統許袁世凱將共和成立束住以下開出南京北京之爭方是本篇正面文字戊午清太后詔授袁世凱以全權組織共和政府清室遂遜位遜位詔詳清室禪政篇辛酉南京臨時政府大總統孫文向參議院辭職參議院遂選舉袁世凱爲中華民國臨時大總統孫文之辭職與參議院約臨時政府仍在南京議員谷鍾秀李肇甫等謂政府地點爲全國人心所繫前經各省代表指定南京因大江以北尙爲清有今情勢既異自應因時制宜仍在北京以期統馭全國經院議可決大總統孫

文咨交覆議陸軍總長黃興以兵臨議院警衛森嚴參議院遂復可決臨時政府仍在南京民國元年二月二十六日南京政府遣專使蔡元培汪兆銘等迎袁大總統來南京就職於時北京情勢危疑人心惶惑而袁大總統以政府地點為議院所議定不敢違亦籌備南行二十九日夜北京第三鎮兵變焚掠火光燭天元培等越牆逃僅免於難翌日保定天津兵皆變其殘破狀況為南方所無袁大總統勢難遽行元培等亦不之強送電南京政府及參議院云北京兵變外人極為激昂設再有此等事變發生即自由行動培等觀此情形集議以

北京政府

第二十七

七

為速建統一政府為今日最要問題餘儘可遷就以定大局會章炳麟等建議首都宜在中原平陸縱蕩滌舊汚宛平不可猶宜在鄴洛之間庶幾控制北維不憂疏遯明祖所以建宅金陵者以其地不及朔漠也今疆域之廣西自天山東訖難水已倍本部而有餘則中原輻湊之地不在東南明矣況自南宋以來中原文化日益凋殘猶賴建宅北平民所趨向得令萬物昭蘇耳向無成祖恐中原已成不毛太炎眼光獨鉅國家思想尤深此等議論偉大宏邁視國私利不顧國家者有霄壤之別南北偉人顧慮大局者多偉其議於是參議院議決允袁大總統在北京受職電傳誓詞於參議

院其詞曰民國建設造端百凡待治世凱深願竭其能力發揚共和精神滌蕩專制瑕穢謹守憲法依國民願望達國民於安全強固之域俾五大民族同臻樂利凡此志願率履勿渝俟召集國會選定第一期大總統世凱即行辭職謹掬誠悃誓告國民參議院因而致之詞曰共和肇端羣治待理仰公才望界以太阿華路藍縷孫公既開其先發揚光大我公宜善其後四百兆同胞公意之所托二億里山河大命之所寄苟有隕越淪胥隨之况軍興以來四民輟業滿目瘡痍六師暴露九府匱竭轉危為安勞公敷施本院代表國民尤不得不拳

北京政府

第二十七

七

拳敦勉者臨時約法七章五十六條倫比憲法其守之惟謹勿逆輿情勿狎專斷勿狎匪德勿登非才凡我共和國五大民族有不至誠愛戴皇天后土實式憑之謹致大總統璽綬俾公令出惟行崇為符信欽念哉三月經參議院多數同意任命唐紹儀為國務總理紹儀赴南京接收臨時政府并提出各部總長復經參議院同意任命陸徵祥為外交總長趙秉鈞為內務總長熊希齡為財政總長段祺瑞為陸軍總長劉冠雄為海軍總長王寵惠為司法總長蔡元培為教育總長宋教仁為農林總長陳其美為工商總長唐紹儀兼任交通總長

四月朔臨時大總統孫文蒞參議院行解職禮參議院復議決國都仍在北京北京統一政府遂成立。

論曰吾聞之馮國璋幕客云當第三鎮深夜兵變時馮國璋檄禁衛軍入城行甚急乃至西直門門不啟國璋親電步軍統領烏珍烏珍謂寅夜兵亂再以兵入城譬積薪火上堅不許禁衛軍徘徊久之復回西苑國璋頓足惋惜失機於邑者數日余以爲此叔孫通所謂不知時變者也當袁內閣倡言君主立憲時羣下有以共和刺探者輒遭呵斥噤言而趙秉鈞段祺瑞等識微情奔走內外凡所以奠定共和促清遜位者計靡不至袁內閣亦弗制止之也時所宜耳洎夫清既禪政趙秉鈞復首建議修崇陵臨終諄諄更以葬身陵麓近先帝爲囑若魂魄猶有不勝依戀者抑又何忠懇內發而通達無方乎茲足風已。

北京政府成立記

第二十七

九

微情爲通篇主意識微情者意會神行不識微情者憤恚駭異國事共濟會探試微情於北京者也幕友致南京友人書暴達微情於民軍者也袁內閣境地危疑而不出京出則皇室皇族旗族危矣故無論若何艱難曲折只微情能實施絕不令皇室皇族旗族有奔竄流離糜爛之苦此中衷隱尤難顯言故皇族

有忌之者有感之者忌者謂皇室由袁內閣而覆滅者謂皇室皇族旗族由袁內閣而安也千流萬派奔

滙湊赴無不爲微情二字所顛倒卽最後專使來迎而微情之不欲赴南亦從未一言直至兵變始從蔡專使之請罷轍南行與前者所抱君主立憲宗情之不能實施絕相類要皆非我欲如是也事如初寫黃庭恰到好處文亦繪影繪聲有手揮目送之樂余曩在馮河間幕同年友牛芳九邀余同謁河間丐其向項城將革命文電發出編爲民國實錄項城頗蹙之旣而曰事多不可當時發露者遂中止作者從何處搜得如許事實令人不但服其文筆之超弁驚其採輯之博

北京政府成立記

第二十七

三

辛壬之際月表第二十八

嗚呼世變之亟至辛亥秋冬極矣從古未有也古亡國之速者莫如秦秦自陳涉發難至孺子嬰滅亦既三年他若隋若元若明亡國亦速然亂或五六年或七八年十餘年從未有數月之內天下承平一旦有警四海瓦解若清亡之速者清政雖不綱無若二世之暴主德雖衰無若煬帝順帝之淫刑賞雖替無若天啟崇禎之亂而亡國之速則過之或曰一姓興衰存乎運數運之既去顛覆隨之於主德昏明政治隆替無與焉或又曰中國世局數百年一變周之初大一統數百年變為列國

辛壬之際 月表 第二十八

一

又數百年變為秦之郡縣而至於漢漢又數百年變為三國變為五胡亂華變為南北朝而至隋唐又數百年變為五代之十國又數百年變為蒙古之大一統而至於元明滅元又數百年復變為滿洲之大一統而至於清清又數百年變之局窮矣而乃變為共和當其運之將變動盪走趨天惟計其將來不復顧其既往是故天之所啟莫能閉之天之所亂莫能理之人第見清亡之速而不知其所變之局不能以常理論天固將又以最新之局畀我世人也辛壬之際其見端耳余於是表著其事自宣統三月始凡有足為清之亡徵者備列焉至

共和四月南京政府畢政日止為時僅一年若自八月甲寅武昌獨立日始至清室遜位日止僅四月餘五日耳後之考世變者以為何如也詞氣吞吐義意隱約其指趣須於太史公諸表

辛壬之際 月表 第二十八

一

Table with multiple empty columns and rows, likely a calendar or data table.

月	三月	四月	五月	閏六月	六月
上旬	初十日廣州將軍李琦為溫生才刺死以趙爾豐為四川總督	十日改組新內閣以奕劻十一日盛宣懷奏准鐵路為總理大臣那桐徐世昌 國有	川人立保路同志會	初三日湘撫楊文鼎初五日川督王文為諮議局代表奏請收回成命奉旨申飭	初三日以楊文鼎為陝西二十一日劉鳳山為廣州巡撫余誠格為湖南巡撫將軍
中旬		二十日詔瑞方督辦川粵漢鐵路川鄂湘粵諸議局抗議鐵路國有			
下旬	二十九日党人黃興等起事廣州				趙爾豐奏請調赴川路總理李模勳郵傳部復請欽派李模勳管理宜歸路事川民大憤廣東黨人林冠慈炸擊水師提督李準準彈登屋頂免

月	七月	八月	九月
初十日	川民因不能罷斥李奕勳稱疾不視事	岑春煊至鄂稱疾不行奕勳十八日湖北軍警捕黨人二十一日命蔭昌接鄂	初一日資政院開會陝西十一日總理大臣奕勳等二十一日江西都督吳介
中旬	舉代表劉聲元阮岷李孔	助因澤盛亂國辭職慰留數十人十九日殺三人軍二十三日以袁世凱為湖	獨立將軍文瑞死之張鳳龍以袁世凱為內閣總理璋辭職黨人彭程萬為都
下旬	趙爾豐請鐵路暫歸商辦	郵傳部權准四省路股十	初五日盛宣懷免官
	侯九月資政院開會提交趙爾豐遞捕川紳十一人	工程編重慶兵營詳變總督	初六日詔蔭昌同京以袁為都督江蘇獨立程德全鈞嚴修唐景崇王士珍
	議決不許詔瑞方率兵入	督瑞徵提督張彪葉城道二十八日漢口南北軍始	世凱為欽差大臣以馮國為都督浙江兵變湯壽潛鎮亦沈家本張榮楊士琦
	川查辦	元洪為都督	

<p>總統第一軍段祺瑞總督貴州兵變黨人楊達壽為各部大臣 統第二軍北軍李漢口 憲誠為都督以吳佩孚為二十六日段祺瑞為湖 初八日山西兵變巡撫山西巡撫 陸鍾琦閻錫山為都督 十五日赦黨人 初九日雲南兵變狀布政 十六日廣西獨立巡撫沈 使世增蔡錫為都督皇帝 秉堃為都督安徽獨立朱 下詔罪己 家寶為都督未幾因亂走 初十日湖南兵變殺都督 十七日福建兵變總督松 焦達寧諱延閣為都督江壽將軍樸壽死之統制孫 西兵變協統吳介璋為都督 道仁為都督 督二十鎮統制張紹曾積 十八日廣東獨立黨人胡 兵藥州要改革政體 漢民為都督</p>	<p>初一日重慶兵變黨人張 十二日蘇浙民軍克金陵 二十一日四川尹昌衡代 培爵為都督江西都督彭 十三日庫倫活佛叛 蒲殿俊為都督 程萬辭職迎九江馬毓賢 十六日攝政王辭職 二十七日各省代表團 為都督 十八日詔以袁世凱為全 滬舉察元洪為大元帥黃 初四日山東取銷獨立 權委託代表唐紹儀赴南 與為副元帥</p>	<p>初六日皇帝以十九信條方計論大局代表團議決 宣誓太廟 南京為民國政府 初七日端方被戕資州四 十九日伊宰兵變戕將軍 川獨立黨人蒲殿俊為都 志銳推前將軍慶福為都 督馮國璋克漢陽各省代 督以馮國璋為都督軍總 表團至湖北議決組織政 統官留滬代袁與黃興 府大綱二十一條 為大元帥黎元洪為副元 初十日內閣命馮國璋止 帥蘇浙民軍大譁</p>	<p>初一日唐紹儀與武廷芳 初十日各省代表團舉孫 十九日曹錕克娘子關 開議廷芳要帝退位改 文為臨時大總統 二日巡撫張錫鑾入太原 建共和 十二日孫文就職改陽 山西復為清有 初二日安徽都督孫毓筠 以是日為一月一日南京 二十八日袁世凱罷朝黨 始就職晚月餘無都督 政府任命黃興黃鍾瑛王人 張先培等刺之不中京 初三日川督尹昌衡殺趙 龍惠廷廷芳陳錦濤程德 師大震 初九日詔允召集國會公 各部總長各省代表團代 行參議院職權</p>
--	---	---	--

<p>初四日廣西都督王芝祥 十六日詔袁世凱為全權 二十二日袁全權以優待 北伐陸榮廷代為都督升 與民軍議議優待條件 允援陝國鳳翔 初八日軍諮使良弼被黨 人彭家珍炸斃未幾死京 師大震 初九日第一軍軍統段祺 瑞及北方將校四十七人 電奏要求共和</p>	<p>二十日南京參議院選舉 黎元洪為臨時副總統 使黎元洪等來北京迎袁 大總統赴南京就職 二十九日北京兵變</p>	<p>初一日夜北京兵復夾掠 十一日甘肅秦州道黃鈺 二十一日江百李烈鈞代 初二日天津保定兵皆變 獨立 初三日南京參議院允袁 十三日以唐紹儀為國務 員兵退出陝西 大總統在北京就職 總理 初八日參議院議決臨時 十五日令總督巡撫皆改 稱都督</p>	<p>初十日袁大總統行就職 初一日以黃興為南京 留守</p>
--	--	--	--

<p>四</p>	<p>月</p>
<p>初一日南京孫大總統解 職 初六日參議院議決臨時 政府移於北京南京政府 舉國內統一</p>	

月表

七

國會第二十九

自光緒末各省舉代表入都請立憲開國會政府依違
籌議至宣統二年京師始設資政院各省設諮議局定
每年九月朔開會其議長由皇帝任命議員民選者半
欽命者半不能真代表民意三年冬革命軍起民選議
員散走四方而南方民軍議建政府滬都督陳其美蘇
都督程德全浙江都督湯壽潛電各省舉代表集議上
海九月己丑在上海開第一次會議定名為各省代表
聯合會會湖北都督黎元洪亦通電各省請遣代表蒞
武昌建臨時政府代表會即議決以武昌為中央政府
國會

第二十九

移赴武昌時會員二十三人十月辛丑漢陽失守武昌
危乃假漢口英租界開會推譚人鳳為會長議決臨時
政府組織大綱二十一條其第七條云參議院議員以
各省都督府及諮議局所派參議員充之每省額三人
後因江甯克復代表會即議決建政府南京遂移江甯
時會員四十四人舉黎元洪為大元帥黃興為副元帥
十一月復議決取銷大元帥副元帥舉孫文為臨時大
總統南京政府成立代表會即代行參議院職權時會
員四十三人民國元年二月清帝遜位選袁世凱為臨
時大總統議決政府仍在南京三月議決臨時約法五

十六條未幾復議決臨時政府仍在北京四月南京政府畢參議院移北京時議員一百一十三人八月議決國會組織法參議院議員選舉法眾議院議員選舉法九月議決省議會選舉法政府令全國以十二月十日舉行眾議院選舉其參議院議員由省議會議員選出每省十人蒙古每盟二人前後藏十人青海三人華僑六人阿拉善額濟納各一人總二百六十五人眾議院議員每省分若干區每區舉若干人用覆選制計奉天十六人吉林黑龍江各十人直隸四十六人熱河察哈爾京兆在內山東三十三河南三十二山西二十八陝西二十一

國會
第二一九

三

甘肅十四新疆十四四川三十五湖北二十四湖南二十七江西三十五安徽二十四江蘇四十浙江三十八福建二十四廣東三十廣西十九貴州十三雲南二十哲里木盟卓索圖盟昭烏達盟錫林郭勒盟烏爾察布盟伊克昭盟土謝圖汗部車臣汗部三音諾顏部札薩克圖汗部烏梁海各二人科布多及舊土爾扈特三人阿拉善額濟納各一人青海三人前後藏各五人總六百人參議院議員任期二年改選三分之一眾議院議員任期三年國會總八百六十五人至二年四月八日兩院均開幕而舉國嗚嗚望風之國會遂成立

不著一字盡得風流

國會
第二一九

三

官制第三十

清官制畧因明舊京官以內閣為執政中樞大學士為宰相後置軍機大臣大學士之權奪大學士兼軍機始為真相沿歷數百年內閣勢同虛設然亦不能遽廢也內閣之大為部曰吏禮戶兵刑工各置滿漢尚書一滿漢侍郎二曰通政司大理寺太常寺太僕寺國子監鴻臚寺光祿寺詹事府是為九卿九卿皆閒曹然各部侍郎二品郎中五品級懸遠郎中雖詰部務不能遷侍郎須外簡或歷九卿退旋久之然後能轉以故九卿雖閒曹亦不能遽廢也曰理藩院曰翰林院曰都察院光緒

官制

第三十

二十四年德宗變法常汰九卿矣新舊黨爭未幾復置二十六年拳寇起皇帝播遷越二年亂定守舊勢衰維新議起詔王大臣設立會議政務處憲政編查館斟酌時宜改總理各國事務衙門曰外務部增置商部巡警部郵傳部學部大理院高等審判廳檢察廳地方審判廳檢察廳大理院置正卿一少卿一審判廳各置廳丞一檢察廳各置廳長一未幾改巡警部曰民政部以工部事併入之而工部廢併欽天監國子監於學部國子監置國子丞一而管理欽天監事務大臣國子監祭酒司業等官均廢至宣統三年新官制告成混同滿漢稽

實定名明統系別職掌於是自明以來因循之官制始劃一整齊曰內閣置總理大臣一協理大臣二閣丞一

下隸承宣廳法制院制誥局敘官局統計局印鑄局而舊內閣軍機處吏部及大學士軍機大臣內閣學士等官均廢曰外務部民政部度支部學部陸軍部海軍部法部農工商部郵傳部理藩部部置大臣一副大臣一左右丞左右參議各一而尚書侍郎皆廢曰典禮院置掌院學士一副掌院學士一學士二直學士二而禮部大理寺太常寺太僕寺光祿寺鴻臚寺皆廢自各部置丞參耶員主可以次遞升至大臣無扞格矣凡閣部大

官制

第三十一

臣統名為國務大臣國務大臣凡十三時滿臣占九漢臣占四滿臣九人中皇族占五杭州將軍志銳訝為不平抗疏指陳謂非滿人之宰言絕痛而監國不之省前清改制反肇革命之因筆力曲折頓挫後數月資政院請依憲法實行責任內閣擴親貴執政於是內閣祇設總理大臣一而協理復廢曰弼德院置院長一副院長一曰翰林院置掌院學士二侍讀學士侍講學士各五侍讀侍講撰文編修檢討而詹事府詹事庶子洗馬中允贊膳等官皆廢曰都察院置都御史一副都御史二不分左右餘仍舊凡部院郎中員外郎翰林院編修檢討都察院給事中

御史屆三年京察一等記名外簡道府否亦可坐遷故京曹雖清貧循歷資格久自貴顯人亦安之喪失廉隅者蓋寡當未改革前士鴛科舉翰林最清貴纂修國史屏遠庶政白首習蠅頭楷書顯放試差或值南書房供繕寫以至高之官而所尚如此其制之失不言自泊科見然非身親目覩者不能紀之親切若是也舉停閒散少事高材者類歸籍藉其名襄新政桑梓其留者閒逸耗散頓為冷官榮貴失矣而給事中御史職司風憲清貴蟻翰林後值其敝人才銷乏其善者專務搏擊博直聲奮清議於國家大計反不之省其次者避不言之誚摺擯細故謫陋可嗤又其下者受賂鬻摺商

官制

第三十

三

賈可得而指搗名譽益為掃地非惟政府厭棄之人民亦且鄙夷之矣貴賤輕重之所趨豈不因乎風會時勢哉抑其實有以致之歟沈洋恣肆意概直逼平準書至緝捕盜賊稽姦禁宄則屬之步軍統領統領之下分左右翼各置總兵一出則呵導傳呼儀仗警衛雖宰相無其嚴肅而以巡城御史為之輔助光緒三十一年置巡警部內外城各設巡警總廳各置廳丞一於是巡城御史廢而步軍統領仍存民國既建改各部大臣曰首領三月內閣成立曰國務院置國務總理一曰外交部內務部財政部陸軍部海軍部教育部司法部農林部工商部交通部

部置總長一總理總長皆為國務員凡國事皆由國務會議通過始得施行而總理對總統對國會負責其屬於內閣者曰法制局銓敘局稽勳局印鑄局局置局長一屬於內務者併內外城巡警總廳為一警察廳置總監一屬於法部者仍舊而易其官名曰大理院長審判廳長檢察廳長改理藩部為蒙藏事務局置總裁副總裁各一改軍諮府曰參謀本部置總次長各一廢翰林院都察院典禮院弼德院步軍統領仍存凡院部有秘書凡部有次長參事司長僉事主事技正技士院有參事僉事主事技正技士以下指陳時弊語皆含慨嘆之音妙在怨諷不亂深得詩人

官制

第三十

四

遺之凡京曹資深無外簡規制由薦任轉簡任亦無定資於是京曹迴翔之路狹而奔競之風亟矣凡國務員可任意增調員司引接親近而國務員數月或一年必易於是員司有增而無減矣凡前清京曹有官有烏佈語差名器如今職其勤於部務者官雖卑而烏佈必尊有烏佈始有薪金而烏佈有定額故屆三年增進士若干人捐納若干人而於部院經費無礙也至民國京曹一著籍即有俸薪其黠者至著籍十餘處終年不蒞署但食其薪或竟無其人焉於是京曹為大官酬贈品貿易市肆而勤苦部務者薪俸反日虞不足矣清之烏佈初亦無有後捐納風開人員日

維而勤惰不齊於是創為烏佈以為拘束即掌印主稿幫稿科長科員等名目為考覈標準而權利因之蓋經歷數百年始出此限制之法民國窮困日久而外官以總督久恐終難免採用此法不然無所底止也

巡撫為省長官光緒初總督十後海運興廢漕運總督河道歸省自治廢河道總督三十三年增東三省總督合直隸陝甘兩江兩湖兩廣四川閩浙雲貴存九巡撫十五後臺灣失廢一湖北廣東以與總督同城廢二三

十三年吉林黑龍江廢將軍置巡撫增二合山東河南山西陝西新疆安徽江西湖南浙江江蘇廣西貴州存十四督撫之下為布政使按察使道府州縣維新以來增提學使交涉使巡警道勸業道宣統二年改定省官

官制

第三十

五

制曰總督曰巡撫曰布政使曰提學使曰度支使曰提法使曰鹽運使曰勸業道曰巡警道曰守道巡道糧道鹽道曰知府曰知州曰知縣凡總督巡撫有統轄文武權在咸同前提督可與督撫並銜奏事而提督為武職一品銜且列巡撫之前洪楊亂起率以督撫為統率兼兵部尚書或侍郎銜其提鎮又半皆用兵時督撫所手擢於是督撫之權大重雖以同品之武職任免徵調晉聽指揮無敢違數十年來從不聞武人有抗命干政諱諛諸事豈非文武輕重得宜之效哉

每於總學見精神良由才大力鉅末一段尤手揮目送餘味曲包

革命軍起獨立省長官皆稱都督民國

既建總督巡撫亦改稱都督司道制度各省名稱參差互異元年十二月始草定地方官制以民政長為省行政長官下隸內務司財政司教育司實業司警察廳觀察使縣知事而知府知州及一切佐貳官皆廢以縣知事直達省公署白事文移往來繁重礙矣至司法則由法部建置高等審判廳檢察廳地方審判廳檢察廳與行政官劃而為二改順天府為京兆置京兆尹一其熱河察哈爾綏遠城長官皆稱都統與直隸山西區域劃分并京兆川邊皆稱特別區其出使各國大臣改為代表

以下又總敘內外官等官別簡古質直

凡官別有四曰特任曰簡任曰

官制

第三十

六

薦任曰委任特任簡任大總統行之薦任特任官呈薦行之委任特任官專行之而官等有九簡任占一等二等薦任占三等四等五等委任占六等七等八等九等凡國務員參謀部長都督民政長皆特任官國務院秘書長局長各部次長蒙藏局總裁大理院長審判廳長檢察廳長警察總監各省司長觀察使警察廳長高等審判廳長高等檢察廳長京兆尹特別區都統皆簡任院部秘書參事司長僉事技正各省地方審判廳長檢察廳長縣知事皆薦任院部主事技士縣佐皆委任

於新舊官制原委利弊抉剔分明以噴薄恣肆之氣

運軒天壽地之筆導之川流頓之山立讀之覺作者不第長於史才其胸中所積磊砢至爲繁多故言之有物如是也

官制

第三十

七

禮制第三十一

古者易代改正朔易服色與民更始民軍初起率以黃帝紀元沿用陰歷漢族祖黃帝故以黃帝紀元後以各國皆用陽歷於國際交通往來不便會臨時大總統選出當西歷十二月二十九日越三日就職值西歷一月一日經代表團議決卽以是日爲民國建元改用陽歷以黃帝紀元四千六百年十一月十三日爲中華民國元年正月一日以上陽歷國徽所以爲識閉關時代無與國爲往來一尊而已故亦無所謂國旗海禁開歐美各國輪舶飄檣沓來紛至皆自有國徽以爲識別外人或禮制

第三十一

以中國國旗爲問清廷諸臣瞠目不能答始會議製定國旗僉謂龍爲陽德象帝王而黃色最尊於是始以黃龍旗爲國徽沿用古之三角式後以各國皆用方式復改三角爲方龍近世不常有而形類蛇世界諺我者謂爲病蛇旗光緒二十年黨人陸浩東起事廣州用青天白日旗寓光明正照自由平等之義太陽之旁有十二角卽十二叉光寓地球十二時轉一週爲一日故角有十二後鄭弼臣起惠州與清軍戰於三洲田山寨亦用此旗三十年革命黨人大會於日本東京設立同盟會復會議製定國旗黨首孫文倡議以紅藍白三色旗爲

國旗改青天白日旗爲軍旗。紅者血之色。言必以流血求自由也。藍者天之色。平等之義。白者清。言人心清潔則能博愛也。故三色主義。卽自由平等博愛三大主義。其意義起源於世界革命黨孫文稔其歷史。故採用之。經大會通過。後黨人起義於惠州。七女湖。潮州。黃岡。欽州。防城。廣西。鎮南關。欽州。馬篤山。雲南。河口。皆用三色旗。宣統二年正月。倪映典起兵廣州。手持大紅日光旗。騎馬指揮。大紅日光旗。卽青天白日旗。武昌起義。揭鐵血旗。旗地赤。中央色黑。外有九角。角端及兩角之間。綴十八黃星。赤者血也。黑者鐵也。十八星者。十八省也。世人於十八星易見。故俗謂星旗。滇粵桂仍沿用青天白日旗。閩則用星旗。他省則均用白旗。白者寓滌去舊污之意。金陵克復。蘇都督程德全及宋教仁等。創爲五色旗。寓漢滿蒙回藏五族。合組一大共和國之意。於義甚當。或目之爲虹旗。虹現雨霽。掃除專制。陰霾底於清明。此說出自西人於義亦有取焉。民國元年一月一日。大總統孫文就職南京。各地商民皆懸五色旗。慶祝。泊清室遜位。統一政府成立於北京。仍用五色旗。而以星旗爲陸軍旗。青天白日旗爲海軍旗。於是中華民國之國徽。遂出現於世界。後皆經參議院議決。政府公

禮制

第三十一

二

布惟星旗則增爲十九星。不取原定之義。直名爲星旗。以上國旗古者蓄髮。上梳挽而爲髻。故四時皆冠。自清入關。迫臣民薙髮。留其中編之拖背後。至夏日不冠。搢紳醜之。託方外竄伏深山及避匿海外。或竟被誅戮者。不可勝數。康熙以後。亦習而忘矣。又百餘年。太平軍起。復古蓄髮。人反怪之。謂爲長毛。千數典忘祖矣。清末學生赴外國留學。有髮辮者。輒遭誚辱。呼爲豚尾。故學生無不剪髮。及畢業歸爲官。則以假髮。戴頂。或綴於冠。長官聞知。恆密加偵察。而疑爲革命黨。宣統二年。資政院議決。許臣民剪髮。奏上軍機大臣奕劻難之。監國載灃。則以祭太廟。無顏對祖宗爲詞。事竟阻格不行。三年冬。資政院復請。始許臣民自由剪髮。世方亂行者。蓋寡。民國成立。通都大邑。剪髮者紛紛。鄉僻難理。喻獎誘解。譬則易從。強迫則滋擾。然爲官吏服務及充官役者。無一髮辦存矣。所謂人心之同。不令而行。以上剪髮冠服當民國初。用西洋式爲禮服。以期大同。及元年夏。參議院會議。官服盡用洋式。一時官吏無所因襲。更製爲難。且國貨必蒙不利。於是議決大禮服。採用西洋式。分晝夜二種。晝著長與膝齊。袖與手脈齊。前襟對後。下端開。暗扣上。與腹齊。後與膝齊。前襟對後。下端開。暗扣上。

禮制

第三十一

三

緣左右挂扣履革畫著長過踝前上開用帶扣晚著上空露襪前端綴黑結帽平頂高約七寸下沿形略橢圓色皆黑常禮服分甲乙二種甲種仍西洋式畫著長與膝齊袖與手脈齊前襟對後下端開襪履與大禮服同帽頂圓下沿形畧橢圓色皆黑乙種服純中國式外褂色青襟對用領袖與手脈齊左右及後下端開袍色藍袖齊褂袖用領左右下端開靴高及脛帽與甲種同其女禮服長與膝齊袖與手脈齊對襟用領左右及後下端開裙前後中幅平左右有襠上緣兩端用帶凡遇喪禮應服禮服時於左腕圍黑紗結或胸際綴黑紗結凡

禮制

第三十一

四

公職應服禮服時不適用乙種常禮服凡女子禮服週身得加繡飾凡服皆用中國絲織品以上服制既改跪拜禮廢屬官調長官親見總統皆用鞠躬禮其私人慶弔或仍跪拜者緣舊俗非國禮也自漢以來官吏父母卒丁憂免官士黜試民國官吏丁憂給假弗免官十月十日為武昌起義日國會議決定為國慶日官吏休沐士民嬉通衢結綵坊國務員祭忠烈祠而他祭皆廢禮節丁憂國慶及祭古者國家酬勳封用五等民國則制為勳位曰大勳位曰勳一位勳二位勳三位勳四位勳五位大總統計功行授勳禮次則為勳章曰大勳章大總統佩

之大綬曰嘉禾章分九等一等二等大綬三等領綬餘襟綬其海陸軍勳章分白鷹文虎二式亦九等以上勳位勳章凡民國典禮較古為簡而法令則視古為繁民國尚平等禮必簡而後通民國重自由法不繁不能得保障亦其勢然也收處韻味悠然

吳北江云此篇命名雖大然民國禮制祇此而已至於喪祭大禮至今未能制定則其餘更無可言也

禮制

第三十一

五

Blank columns for text.

全國行政區域廢置表第三十二

自古行政區域代易則廣狹不同

最廣漢承之至孝武而益大

踰葱嶺而西為自古所未有

三苗周懲戎狄歷代神聖皆以捍衛中國為已功

武帝所創垂為尤烈焉至今中國人有漢民漢族之稱

而功蓋三王者也彼夫後世史官動以好大喜功議之

抑何其所見之狹而是非之顛倒不明哉至三國而復

狹至六朝而混亂漢武之舊業墮毀無餘至李唐而復

大蓋自東漢之衰西域淪沒爭攘數百年至唐太宗而

後大勝之訖於高宗聲威所暨視漢武尤雄千年以來

唐人之名猶見稱於外國然則唐之太宗真漢武之肖

嗣也哉能復其業矣至趙宋而復狹宋承五代喪亂契

丹小強中國本部且不能盡復焉論徼外民氣衰靡極

於斯矣蒙古崛起合中國北部亞細亞西部歐洲東部

盡隸版圖其廣大為古今中外所未有赫矣盛哉然至

元世祖統一中國時蒙中大勢已崩裂元祇蒙古四國

之一耳其轄境至哈密而止天山南北盡隸窩可台不

能為中國有也明起擯之極塞而止版圖復狹然明成

區域表 第三十二上

祖能定都北京偏近敵人合國家全力以禦外侮其雄

勃之氣堅毅之謀捍禦中國之功要亦不在秦皇漢武

下豈與趙宋之罷憚不職同哉清起長白併兼蒙古席

捲華夏益以天山南北青海西藏諸部其廣大復軼於

漢唐蓋自漢武通西域數百年復與中國離離數百年

至唐而復合合百餘年至天寶大亂復與中國離離千

餘年至清而復合清蓋合數千年相仇相敵相戰爭之

漢滿蒙回藏為一家而輯睦之也久矣此最可為五族

慶幸者也共和議起舉清之所有盡蟬蛻於民國國有

易代之名地無廣狹之異舉前史所稱而盡反之五族

之和於斯益見此又可為共和慶幸者也夫以共和人

民之眾土地之廣蘊藏之富何不可與列國競乎彼小

於我者胡雄飛於世界乎而我則弗能焉然則共和幅

員雖廣可喜而不可恃也可大而亦可恥也且或因其

廣大之故而益增其憂也詎可弗思其故乎清之初十

八行省後增為二十二全國九十四道二百十二府直

隸州七十七直隸廳六十六州一百三十六縣一千三

百六十五至民國仍省制改順天府曰京兆熱河察哈

爾綏遠川邊曰特別區域廢道府直隸州改州廳悉為

縣未幾復置道直隸若干縣計全國九十八道一千八

區域表 第三十二上

東										南																					
東					膠					道					寧																
東					膠					寧					道																
掖	海	榮	文	寧	萊	招	棲	黃	蓬	福	日	沂	莒	蒙	費	郟	蘭	嶧	汶	泗	滕	鄒	寧	曲	滋	魚	嘉	金	濟	鄆	鉅
縣	縣	縣	縣	州	州	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣
				牟平縣																											
萊					府					州					府																
因與浙江複設										因與甘肅蘭山道複改																					

道										道																			
										道					道														
										道					道														
										總	諸	安	臨	昌	壽	樂	臨	益	卽	高	膠	昌	濰	平	度	州	平	度	縣
										一	城	邱	胸	樂	光	安	濰	都	墨	密	州	邑	縣	縣	縣	縣	縣	縣	縣
										百	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣
										七																			
										縣																			
										府					州														
										博山劃歸濟南道																			

路寧												中冀												山西省					
壺關縣	潞城縣	襄垣縣	屯留縣	長子縣	長治縣	離石縣	永寧州	寧鄉縣	寧縣	臨縣	石樓縣	介休縣	平遙縣	孝義縣	汾陽縣	岢嵐州	岢嵐縣	徐溝縣	徐溝縣	興縣	嵐縣	文水縣	交城縣	祁縣	太吉縣	榆次縣	太原縣	陽曲縣	清名今清
							方山縣	中陽縣																					名今
安潞府												太原府												廢府					
元年析潞城平順鄉置												元年五月析徐溝清源鄉置												附					
因與湖南復改 因與豫桂黔贛復改 析離石北部置																								省治					
州												汾												記					

路門												北雁												道道											
神池縣	偏關縣	寧武縣	朔州縣	平魯縣	左雲縣	右玉縣	應州縣	渾州縣	靈州縣	廣靈縣	天鎮縣	陽高縣	山陰縣	懷仁縣	大同縣	壽陽縣	孟縣	樂平縣	平定縣	武鄉縣	沁源縣	沁州縣	沁州縣	榆社縣	和順縣	遼州縣	沁水縣	陵川縣	陽城縣	高平縣	鳳臺縣	黎城縣			
			朔州縣				應州縣	渾州縣											平定縣			沁州縣				遼州縣									
武甯府												大同府												澤州府											

道 南 贛										道 西 陵										
石瑞甯崇上南大虔定龍長安會興信	城金都直隸州甯都縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣
府 安南					府					府 江臨					府					
元年改										因與晉桂豫尉復改										
										因與浙復改										

道 北 贛										道 陽 潯										
江九治	統銅義武靖	四鼓寧寧安	道厲縣縣縣	八	十一	縣	縣	縣	縣	縣	縣	縣	縣	縣	縣	縣	縣	縣	縣	縣
屬府昌南					府 州 饒					府 康南					府 江九					
元年改										因與四川道名複改										
										本九江首縣因與川閩複改										

福建省									
清名今名清									
名今名附									
記									
東閩									
古田縣 侯官縣 閩侯縣 屏南縣 同上下空同									
州									
路海									
連江縣 長樂縣 羅源縣 永福縣 永泰縣 永福縣 永泰縣 永福縣 永泰縣									
府									
因與廣西複改									
道道									
福鼎縣 霞浦縣 福清縣 永福縣 永泰縣 永福縣 永泰縣 永福縣 永泰縣									
寧福									
區城表									
第三十二上									
福建									
壬									
南廈									
侯三都廳平潭縣 二年十月改									
二年三月改									
三年七月以廈屬金門島析置									
泉									
晉江縣 南安縣 惠安縣 安溪縣 同安縣 莆田縣 仙遊縣 永春縣 永春縣									
州									
道									
治道 永春直隸州 永春縣 永春縣									
府									
西汀									
龍巖直隸州 龍巖縣 龍巖縣									
三年三月改									

福建									
區城表									
第三十二上									
福建									
壬									
北建									
雲霄縣 海澄縣 南平縣 尤溪縣 順昌縣 永安縣 建甌縣 建甌縣 建甌縣 建甌縣									
府									
路安									
崇安縣 浦城縣 政和縣 松溪縣 邵武縣 平南縣 光澤縣									
府									
道									
治道 永春直隸州 永春縣 永春縣									
府									
漳									
龍溪縣 永定縣 歸化縣 連城縣 清流縣 武平縣 上杭縣 寧化縣 長汀縣 寧洋縣									
州									
道									
龍巖縣 詔安縣 平和縣 長泰縣 南靖縣 漳浦縣 龍溪縣 永定縣 歸化縣 連城縣 清流縣 武平縣 上杭縣 寧化縣 長汀縣 寧洋縣									
州									
以詔安銅山島漳浦古雷島析置									
福建									
壬									
二年三月併改									

溫 道 嚴 衢										金 道 台																					
縣 衛 治 道 華										縣 鄞 治 道																					
瑞	永	分	壽	遂	桐	淳	建	湯	浦	武	永	義	東	蘭	金	開	常	江	龍	西	太	甯	仙	天	黃	臨	新	嵊	上	餘	諸
安	嘉	水	昌	安	廬	安	德	溪	江	義	康	烏	陽	谿	華	化	山	山	游	安	平	海	居	台	嚴	海	昌	虞	杭	暨	
縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣
溫 府 州 嚴 府 華 金										府 州 衢 府 州 台 府 興																					
										元年二月改名																					

										道 處																													
										嘉 永 治 道 海																													
										統	景	宣	雲	慶	龍	遂	松	縉	青	麗	玉	泰	平	樂	四	寧	平	和	元	泉	昌	陽	雲	田	水	環	順	陽	清
										道	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣
										府 州 處 府 州																													

道										東漢										鄂江										清名										湖北省																			
昌武治										漢夏川										興國縣										嘉魚縣										江夏縣										江武昌縣									
應城縣	應山縣	雲夢縣	隨州縣	安陸縣	廣濟縣	羅田縣	麻城縣	蕪水縣	蕪州縣	黃梅縣	黃安縣	黃岡縣	沔陽州	孝感縣	黃陂縣	漢川縣	夏口縣	漢陽縣	興國縣	大冶縣	通城縣	通山縣	崇陽縣	咸寧縣	蒲圻縣	嘉魚縣	武昌縣	武昌縣	鄂城縣	鄂州縣	江夏縣	武昌縣	武昌縣	鄂城縣	鄂州縣	江夏縣	武昌縣	武昌縣	鄂城縣	鄂州縣	江夏縣	武昌縣	武昌縣	鄂城縣	鄂州縣														
府安德										府州黃										府昌										府武										府附																			
										元年二月改										元年一月改縣										二年一月改武昌省治在此										二年改武昌為壽昌嗣因與浙										復改鄂城									

西										鄂										道										北										鄂									
南										荆										道										陽										襄									
枝江縣	松滋縣	監利縣	石首縣	公安縣	江陵縣	歸州縣	長樂縣	巴東縣	興山縣	長陽縣	東陽縣	鄭州縣	保康縣	竹山縣	竹溪縣	房縣	鄖縣	遠安縣	當陽縣	荊門直隸州	天門縣	潛江縣	京山縣	鍾祥縣	均州縣	光化縣	穀城縣	棗陽縣	南漳縣	宜城縣	襄陽縣																		
府州荆										府昌宜										府陽										府襄																			

道		宜治		昌		宜	
宜都縣	恩施縣	宣恩縣	建始縣	利川縣	來鳳縣	咸豐縣	鶴峰直隸廳
						鶴峰直隸廳	鶴峰縣
施南府				元年一月改			
宣道共四道 陽道之荆門當陽遠安三縣隸荆南道改名荆 建始利川來鳳咸豐鶴峰七縣為施鶴道析襄 統三道六十九縣至八年析荆南道恩施宜恩 統三道六十九縣							

區域表 第三一二一 湖北 三七

衡		道				岳		道		寶		長		湘		濟		名		湖	
衡山縣	衡陽縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣	安鄉縣
衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣	衡陽縣
衡陽府		岳陽府				岳陽府		岳陽府		岳陽府		岳陽府		岳陽府		岳陽府		岳陽府		岳陽府	
衡陽府		岳陽府				岳陽府		岳陽府		岳陽府		岳陽府		岳陽府		岳陽府		岳陽府		岳陽府	
衡陽府		岳陽府				岳陽府		岳陽府		岳陽府		岳陽府		岳陽府		岳陽府		岳陽府		岳陽府	

區域表 第三十二一 湖南 三五

區城表										第三十二上									
永 沅 辰					陽 衡 治					道 桂 彬 永					陽				
保 永 激 辰 瀘 沅 鳳 麻 黔 芷 嘉 藍 臨 桂 桂 桂					靖 順 浦 谿 陵 鳳 陽 陽 江 禾 山 武 陽 東 汝					宜 興 永 彬 新 江 永 寧 道 東 邳 零 邕 常 未 安					章 寧 興 州 州 田 華 明 遠 安 陽 陵 縣 縣 縣 縣 縣 縣 縣 縣 縣 縣				
永 府 州 辰					府 州 沅 州 陽 桂 州					彬 府 州 永 府 州									
					湖南					因與廣東複改									
					二年改														

區城表										第三十二上									
										湖南									
										清時廳州縣共七十七民國七十五縣清設四									
										道 禮 常 岳									
										道 靖									
										江 蓋 治									
										乾 州 直 隸 廳 乾 城 縣									
										永 綏 直 隸 廳 永 綏 縣									
										桃 源 縣									
										石 門 縣									
										慈 利 縣									
										永 定 縣									
										州 禮 屬									
										原屬常德府									
										二年改乾縣因與陝西複改									
										龍 山 縣									
										桑 植 縣									
										古 丈 坪 廳 古 丈 縣									
										靖 州 直 隸 州 靖 縣									
										綏 寧 縣									
										會 同 縣									
										通 道 縣									
										順 府									
										二年改									
										同上									
										道 民國二年設衡永彬桂辰沅永靖二道三年									
										依清道區域置湘江衡陽武陵辰沅四道五年									
										裁武陵道其區域劃歸湘江辰沅二道分轄									

<p>清名今名清 陝西省</p> <p>名今 名府附</p> <p>省治二年裁府三年併</p> <p>記</p>												
<p>陝關</p> <p>高陵縣 臨潼縣 興平縣 咸陽縣 咸陽縣 咸陽縣 咸陽縣 咸陽縣 咸陽縣 咸陽縣 咸陽縣 咸陽縣 咸陽縣</p> <p>藍田縣 鄠縣 鄠縣 鄠縣 鄠縣 鄠縣 鄠縣 鄠縣 鄠縣 鄠縣 鄠縣 鄠縣 鄠縣</p> <p>涇陽縣 三原縣 三原縣 三原縣 三原縣 三原縣 三原縣 三原縣 三原縣 三原縣 三原縣 三原縣 三原縣</p> <p>整原縣 渭南縣 渭南縣 渭南縣 渭南縣 渭南縣 渭南縣 渭南縣 渭南縣 渭南縣 渭南縣 渭南縣 渭南縣</p> <p>富平縣 醴泉縣 醴泉縣 醴泉縣 醴泉縣 醴泉縣 醴泉縣 醴泉縣 醴泉縣 醴泉縣 醴泉縣 醴泉縣 醴泉縣</p> <p>同官縣 耀州縣 耀州縣 耀州縣 耀州縣 耀州縣 耀州縣 耀州縣 耀州縣 耀州縣 耀州縣 耀州縣 耀州縣</p> <p>孝義縣 大荔縣 大荔縣 大荔縣 大荔縣 大荔縣 大荔縣 大荔縣 大荔縣 大荔縣 大荔縣 大荔縣 大荔縣</p> <p>朝邑縣 郃陽縣 郃陽縣 郃陽縣 郃陽縣 郃陽縣 郃陽縣 郃陽縣 郃陽縣 郃陽縣 郃陽縣 郃陽縣 郃陽縣</p> <p>澄城縣 白水縣 白水縣 白水縣 白水縣 白水縣 白水縣 白水縣 白水縣 白水縣 白水縣 白水縣 白水縣</p> <p>韓城縣 華陰縣 華陰縣 華陰縣 華陰縣 華陰縣 華陰縣 華陰縣 華陰縣 華陰縣 華陰縣 華陰縣 華陰縣</p> <p>蒲城縣 潼關縣 潼關縣 潼關縣 潼關縣 潼關縣 潼關縣 潼關縣 潼關縣 潼關縣 潼關縣 潼關縣 潼關縣</p> <p>華州縣 商州縣 商州縣 商州縣 商州縣 商州縣 商州縣 商州縣 商州縣 商州縣 商州縣 商州縣 商州縣</p> <p>商州縣 商州縣 商州縣 商州縣 商州縣 商州縣 商州縣 商州縣 商州縣 商州縣 商州縣 商州縣 商州縣</p> <p>鳳翔縣 鳳翔縣 鳳翔縣 鳳翔縣 鳳翔縣 鳳翔縣 鳳翔縣 鳳翔縣 鳳翔縣 鳳翔縣 鳳翔縣 鳳翔縣 鳳翔縣</p>												
<p>安西</p>												
<p>第三十二上</p>												
<p>陝西</p>												
<p>安西</p>												
<p>第三十二上</p>												
<p>陝西</p>												
<p>安西</p>												
<p>第三十二上</p>												
<p>陝西</p>												

<p>道 道</p> <p>扶風縣 寶雞縣 岐山縣 扶風縣 寶雞縣 岐山縣 扶風縣 寶雞縣 岐山縣 扶風縣 寶雞縣 岐山縣 扶風縣</p> <p>郿縣 郿縣 郿縣 郿縣 郿縣 郿縣 郿縣 郿縣 郿縣 郿縣 郿縣 郿縣 郿縣</p> <p>麟游縣 麟游縣 麟游縣 麟游縣 麟游縣 麟游縣 麟游縣 麟游縣 麟游縣 麟游縣 麟游縣 麟游縣 麟游縣</p> <p>汧陽縣 汧陽縣 汧陽縣 汧陽縣 汧陽縣 汧陽縣 汧陽縣 汧陽縣 汧陽縣 汧陽縣 汧陽縣 汧陽縣 汧陽縣</p> <p>隴州縣 隴州縣 隴州縣 隴州縣 隴州縣 隴州縣 隴州縣 隴州縣 隴州縣 隴州縣 隴州縣 隴州縣 隴州縣</p> <p>郿州縣 郿州縣 郿州縣 郿州縣 郿州縣 郿州縣 郿州縣 郿州縣 郿州縣 郿州縣 郿州縣 郿州縣 郿州縣</p> <p>三水縣 三水縣 三水縣 三水縣 三水縣 三水縣 三水縣 三水縣 三水縣 三水縣 三水縣 三水縣 三水縣</p> <p>淳化縣 淳化縣 淳化縣 淳化縣 淳化縣 淳化縣 淳化縣 淳化縣 淳化縣 淳化縣 淳化縣 淳化縣 淳化縣</p> <p>長武縣 長武縣 長武縣 長武縣 長武縣 長武縣 長武縣 長武縣 長武縣 長武縣 長武縣 長武縣 長武縣</p> <p>乾州縣 乾州縣 乾州縣 乾州縣 乾州縣 乾州縣 乾州縣 乾州縣 乾州縣 乾州縣 乾州縣 乾州縣 乾州縣</p> <p>武功縣 武功縣 武功縣 武功縣 武功縣 武功縣 武功縣 武功縣 武功縣 武功縣 武功縣 武功縣 武功縣</p> <p>永壽縣 永壽縣 永壽縣 永壽縣 永壽縣 永壽縣 永壽縣 永壽縣 永壽縣 永壽縣 永壽縣 永壽縣 永壽縣</p> <p>南鄭縣 南鄭縣 南鄭縣 南鄭縣 南鄭縣 南鄭縣 南鄭縣 南鄭縣 南鄭縣 南鄭縣 南鄭縣 南鄭縣 南鄭縣</p> <p>褒城縣 褒城縣 褒城縣 褒城縣 褒城縣 褒城縣 褒城縣 褒城縣 褒城縣 褒城縣 褒城縣 褒城縣 褒城縣</p> <p>漢中縣 漢中縣 漢中縣 漢中縣 漢中縣 漢中縣 漢中縣 漢中縣 漢中縣 漢中縣 漢中縣 漢中縣 漢中縣</p>												
<p>安西</p>												
<p>第三十二上</p>												
<p>陝西</p>												
<p>安西</p>												
<p>第三十二上</p>												
<p>陝西</p>												
<p>安西</p>												
<p>第三十二上</p>												
<p>陝西</p>												

置三道清州廳縣共九十一至民國九十一年	道		北林		陝榆				鄭南洽		石泉		
	宜中洛鄜吳清米綏靖定延延保安保	君部川州堡澗脂德直直邊邊長定安安	君部川州堡澗脂德直直邊邊長定安安	君部川州堡澗脂德直直邊邊長定安安	君部川州堡澗脂德直直邊邊長定安安	甘宜安膚葭懷府神榆寧商鎮山磚漢石	泉縣	泉縣	泉縣	泉縣	泉縣	泉縣	
	州	鄜州	德州	綏州	府	延	府	林	榆	州	商	原	府
		二年改		二年改									二年改
									因與安徽廣西複改				二年改縣六年改名
										原西安屬			

榆林道原洽榆林至十二年陝省長以榆林處極邊行政不便呈請移洽延安											
區域表											
第三十二上											
陝西											
置											

道南隴										道山蘭										甘肅省							
水天治					道川渭					道山蘭					道山蘭					名今							
成文	西固	隋州	西和	伏羌	寧遠	通渭	禮縣	兩當	徽縣	秦安	秦州	隴西	岷州	會寧	洮州	隴西	安定	渭源	金縣	靖遠	沙州	河州	紅水	狄道	皋蘭	名今	
縣	縣	州	縣	縣	縣	縣	縣	縣	縣	縣	州	縣	縣	縣	縣	縣	縣	縣	縣	縣	縣	縣	縣	縣	縣	名今	
州階					州秦					府					府					附記							
二年改					因與四省複改					同前					二年四月改					附記							
					三年四月改					三年四月改					因與陝複三年一月改					附記							
															二年四月改					附記							

道東海										道方朔										道東隴									
字西治					道寧西					夏寧治					道夏寧					涼平治					道原涇				
丹噶	巴燕	貴德	循化	碾伯	大通	西寧	平遠	中衛	靈州	靈州	靈州	靈州	靈州	靈州	靈州	靈州	靈州	靈州	靈州	靈州	靈州	靈州	靈州	靈州	靈州	名今			
縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	名今			
府寧西					府夏寧					府					府					附記									
二年改					原隸固原因與粵黔複改										二年由隆德析置					附記									
															安化爲慶陽府首縣因複改					附記									

<p>吐魯番縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									
<p>疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									
<p>疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									
<p>疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									
<p>疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									
<p>疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									
<p>疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									
<p>疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									
<p>疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									
<p>疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣 疏勒縣</p>									

<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									
<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									
<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									
<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									
<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									
<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									
<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									
<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									
<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									
<p>地方廣博較內地幾二三倍之不數年後必仍可專置一縣此皆楊督軍經營開闢之功為吾國治邊者之第一流人物也</p>									

四川省												清名今清	名今	名廢府	附	記
西川												成都縣	同上	同上	同上	同上
道												華陽縣	同上	同上	同上	同上
治												簡陽縣	同上	同上	同上	同上
都												漢州	同上	同上	同上	同上
道												崇慶州	同上	同上	同上	同上
治												什邡縣	同上	同上	同上	同上
都												雙流縣	同上	同上	同上	同上
道												新都縣	同上	同上	同上	同上
治												溫江縣	同上	同上	同上	同上
都												新繁縣	同上	同上	同上	同上
道												金堂縣	同上	同上	同上	同上
治												灌縣	同上	同上	同上	同上
都												彭寧縣	同上	同上	同上	同上
道												崇慶州	同上	同上	同上	同上
治												新津縣	同上	同上	同上	同上
都												平武縣	同上	同上	同上	同上
道												江油縣	同上	同上	同上	同上
治												石泉縣	同上	同上	同上	同上
都												彰明縣	同上	同上	同上	同上
道												茂州	同上	同上	同上	同上
治												汶川縣	同上	同上	同上	同上
都												綿州	同上	同上	同上	同上
道												德陽縣	同上	同上	同上	同上
治												安縣	同上	同上	同上	同上
都												梓潼縣	同上	同上	同上	同上
道												羅江縣	同上	同上	同上	同上
治												懋功直隸廳懋功縣	同上	同上	同上	同上

四川省												松潘直隸廳松潘縣	理番直隸廳理番縣	巴縣	江津縣	長壽縣	永川縣	榮昌縣	綦江縣	南川縣	銅梁縣	大足縣	璧山縣	涪州	合州	江北縣	定遠縣
東川												涪陵縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												武勝縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												巫山縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												雲陽縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												萬縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												開縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												大寧縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												達縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												新寧縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												渠縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												大竹縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												東鄉縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												太平縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												城口縣	同上	同上	同上	同上	同上	同上	同上	同上	同上	同上	同上	同上	同上	同上	同上
道												忠州	同上	同上	同上	同上	同上	同上	同上	同上	同上	同上	同上	同上	同上	同上	同上
道												墊江縣	同上	同上	同上	同上	同上	同上	同上	同上	同上	同上	同上	同上	同上	同上	同上

道										北陵									
道										道									
中					治					通					江				
東					遂					廣					蓬				
安					寧					州					州				
岳					溪					池					水				
縣					縣					縣					縣				
都					樂					射					營				
五					至					三					西				
道					安					台					南				
百					岳					安					充				
四					縣					州					劍				
十					縣					州					州				
六					縣					州					州				
縣					縣					州					州				
府										府									
川										府									
二										二									
年										年									
以										以									
遂										遂									
寧										寧									
蓬										蓬									
溪										溪									
地										地									
析										析									
置										置									
後										後									
因										因									

道										羅										肇										廣										廣東省																			
道										道										海										粵										清																			
禹					番					治					新					香					增					龍					從					東					順					南					番				
高					明					會					山					城					門					莞					德					海					禹														
要					新					香					增					龍					從					東					順					南					番														
縣					縣					縣					縣					縣					縣					縣					縣					縣					縣														
佛					赤					佛					佛					佛					佛					佛					佛					佛					佛														
佛					赤					佛					佛					佛					佛					佛					佛					佛					佛														
佛					赤					佛					佛					佛					佛					佛					佛					佛					佛														
佛					赤					佛					佛					佛					佛					佛					佛					佛					佛														
佛					赤					佛					佛					佛					佛					佛					佛					佛					佛														
府										府										州										廣										附																			
府										府										州										廣										附																			
二										二										二										二										二																			
年										年										年										年										年																			
以										以										以										以										以																			
遂										遂										遂										遂										遂																			
寧										寧										寧										寧										寧																			
蓬										蓬										蓬										蓬										蓬																			
溪										溪										溪										溪										溪																			
地										地										地										地										地																			
析										析										析										析										析																			
置										置										置										置										置																			
後										後										後										後										後																			
因										因										因										因										因																			

道 嘉 潮										惠 潮		道 連 韶 南																		
海澄治										江曲治		道 南 嶺																		
海豐縣	永安縣	長寧縣	博羅縣	歸善縣	鎮平縣	興寧縣	長樂縣	嘉應直隸州	南澳縣	普寧縣	大埔縣	惠來縣	饒平縣	揭陽縣	潮陽縣	豐順縣	海陽縣	澄海縣	連山直隸州	陽山縣	連州直隸州	始興縣	南雄直隸州	翁源縣	英德縣	乳源縣	仁化縣	樂昌縣	曲江縣	西寧縣
	紫金縣	新豐縣		惠陽縣	蕉嶺縣		五華縣	梅縣	南澳縣									連山縣	連山縣	連州縣		南雄縣							鬱南縣	
州 惠 州 應 嘉 府 州										潮 州 連 雄 南		府 州 韶																		
因與閩桂複改										因與江西四川複改		因與河南複改					元年前舊歷九月改		因與鄂閩複三年一月改					元年前陰歷九月改		因與直隸複改				

欽 道 崖 瓊										道 陽 雷 高		道 陽 雷 高																				
山瓊治										名茂治		道 雷 高																				
防城縣	欽州直隸州	欽縣	昌化縣	感恩縣	陵水縣	萬寧縣	崖州直隸州	儋州直隸州	臨高縣	樂會縣	會同縣	文昌縣	定安縣	澄邁縣	瓊山縣	陽春縣	廣海縣	陽江縣	徐聞縣	遂溪縣	海康縣	石城縣	吳川縣	化州縣	信宜縣	電白縣	茂名縣	連平縣	和平縣	河源縣	龍川縣	陸豐縣
	欽縣	昌江縣				萬寧縣	崖縣	儋縣										陽江縣				廉江縣	化縣				連平縣					
州 崖 府 州 瓊 江										陽 府 州 雷 府 州 高 府		府																				
因與浙複三年改										因與川複改		因與湘複改																				

道江柳										縣江灘														
道江										道林桂														
河	思	天	宜	象	來	懷	柳	羅	融	荔	賀	富	富	恭	平	龍	灌	全	義	永	陽	靈	興	臨
池	恩	河	山	賓	賓	遠	城	城	容	浦	川	川	昭	城	樂	勝	陽	州	寧	寧	朔	川	安	桂
州	縣	縣	縣	州	縣	縣	縣	縣	縣	縣	縣	平	縣	縣	縣	縣	縣	縣	縣	縣	縣	縣	縣	縣
河				象		三						鍾				龍		全						林
池				縣		江						山				勝								縣
縣						縣						縣				縣								
府柳										府林桂														
遠慶										樂平														
因與院陝復改										二年裁桂林府改縣名														
										析二縣地置														
										二年裁府改縣														

道南										鎮鎮										道南田									
道南										鎮鎮										道南田									
州	龍	治	州	寧	寧	同	永	左	養	養	崇	憑	龍	天	奉	天	東	西	西	恩	恩	遷	安						
鎮	順	江	明	州	州	州	康	州	利	善	州	州	州	保	議	蘭	隆	林	陽	隆	江	化							
邊	直	廳	廳	明	州	州	州	州	州	州	州	州	州	州	州	州	州	州	州	州	州	州							
縣	隸	靖	明	思	州	州	州	州	州	州	州	州	州	州	州	州	州	州	州	州	州	州							
	州	西	江	樂	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣							
府平										府安鎮																			
五年折置										屬思恩府																			
五年折置										析二縣土司置																			
五年折置										原屬慶遠																			
因與浙滇復改同正																													
五年折同正土司置																													
各道管轄土司除已設縣者附列如左																													
南寧道屬																													
遷龍崗土司																													

柳江道屬	南丹土州	忻城土縣	永定土司	永順
正土司	永順副土司			
田南道屬	那地土州	鳳山土州	上林土縣	下旺
土司				
鎮南道屬	上下凍土州	下石土州	土江州	萬承
土州	太平土州	安平土州	下雷土州	
羅白土縣	羅陽土縣	上龍土司		

區域表 第三十二下 廣西 九

雲南省															
清者今名清															
名今															
名府附															
省治															
記															
滇滇															
中中															
道道															
元謀縣	武定直隸州	武定縣	昆明州	安寧州	晉寧州	嵩明縣	易門縣	祿勸縣	羅次縣	呈貢縣	宜良縣	富民縣	昆明縣	同上下空同	
大關縣	魯甸縣	靖江縣	永善縣	恩安縣	會澤縣	巧家縣	尋甸州	羅平州	陸涼州	馬龍州	霑益州	宣威縣	平彝縣	南寧縣	祿勸縣
大關縣	魯甸縣	綏江縣	昭通縣	東川縣	巧家縣	尋甸縣	羅平縣	陸良縣	馬龍縣	霑益縣	宣威縣	曲靖縣	南寧縣	曲靖縣	州
府通			昭府			府			靖府			州			
因與蘇復三年改			二年改			二年改			二年改			二年改			
區域表 第三十二下 雲南 三															

大姚縣	白鹽井	順寧縣	雲州縣	都四道九十七縣	各道土司	蒙自道屬	納更土巡檢	樓土舍	猛喇掌寨	寨	斗岩掌寨	寨	思陀土司	司	普洱道屬	扛吐土千總	世襲	司	土守備	嶺土千總
順寧縣	豐縣	順寧府	雲州縣				稿吾土把總	溪處土舍	宗哈掌寨	多衣樹掌寨	五邦掌寨	者米掌寨	瓦渣土司			猛班土千總	世襲	大雅口土都司	蠻海土守備	下允土千總
雄	順	寧	府				阿邦土司	慢車土司	瓦遮掌寨	馬龍掌寨	阿土掌寨	茨通壩掌寨	落恐土司			猛戛土把總	孟連宜撫	猛角董土千總	圖糯土千總	東河土把總
							納	猛弄掌寨	五畝掌	陸呼掌寨	水塘掌	盼容土司	左能土				孟連宜撫	黃草	黃草	猛

濱土目	騰越道屬	千崖土司	司	市土司	魯掌土千總	練地土巡捕	庫土司	通判	總又土把總	呢西土千總	總三	村土目	禮村土弁	村土弁	康普村土弁	土目	土千總	杆椿村土目
上允土把總	目	南甸土司	臘撒土司	猛板土司	登埂土千總	耿馬宣撫司	老窩土司	大中甸土千總	格咱土千總	又土把總	中區土通判	遵化村土弁	田義村土弁	灣村土弁	葉樹村土弁	老雅村土目	周把洛村土把總	摩頂村上目
班中土目	騰越道屬	猛卯土司	戶撒土司	遮放土司	卯照土千總	孟定土府	大寨土巡檢	小中甸土千	又土把總	江邊土千總	永定村土把總	居仁村土把總	沿江土弁	小雅西村土弁	起別村	設依村土目	洛又村土目	阿董土千
西盟土		隴川土	茫	灣甸土州		六	鶴慶土				永安	循	臘普		奔子欄			

總 阿墩子土目 紅坡村土目 茨中村土目
 龍陵縣屬安撫司 永甯土府 蒞藁土州 土順州 羊坪土千總

案普洱道思茅縣屬向有車里宣慰司一員為十二版納之長民國元年三月李根源既平定迤西推廣行政就十二版納劃為十一區民國二年一月改置行政委員並將行政區域裁併為七區設總局長一駐車里統率之茲將各區治所及各土司名附列於下

普洱沿邊行政總局

整董土司 猛佳土司 普文土司 車里宣慰

區域表 第三十二下

司 六順土把總 倚邦土司 易武土把總
 橄欖壩土司 猛混土便委 大猛龍把總 猛臘土把總

第一區	治車里
第二區	治猛遮
第三區	治猛混
第四區	治大猛龍
第五區	治猛臘
第六區	治易武
第七區	治六順

貴州省

清名今名 貴陽府 貴陽縣 貴陽府直轄二年九月改縣 原貴陽府首縣二年移治扎佐 三年移治息烽並改名

黔中 龍定縣 貴陽府直轄二年九月改縣 原貴陽府首縣二年移治扎佐 三年移治息烽並改名

中 開州 紫江縣 三年因與貴州復改今名

道 定州 大塘縣

道 廣順州 廣順縣

道 廣順州 廣順縣

道 廣順州 廣順縣

道 廣順州 廣順縣

道 廣順州 廣順縣

道 廣順州 廣順縣

道 廣順州 廣順縣

黔		東										黔															
道		道										鎮															
平遠	大定	畢節	龍泉	石阡	松桃	婺川	印江	思南	安化	玉屏	青溪	銅仁	銅仁	下江	古州	永從	開泰	黎平	清江	台江	黃平	鎮遠	施秉	天柱	丹江	都江	
州	府	縣	縣	府	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣
定	大	府	府	府	府	府	府	府	府	府	府	府	府	府	府	府	府	府	府	府	府	府	府	府	府	府	府
府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改	

西										西																					
道										道																					
貞豐	安南	新豐	興義	普安	興義	歸化	安南	郎平	永寧	鎮寧	清鎮	安順	安順	威寧	黔西	貞豐	安南	新豐	興義	普安	興義	歸化	安南	郎平	永寧	鎮寧	清鎮	安順	安順	威寧	黔西
縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣	縣
府		府		府		府		府		府		府		府		府		府		府		府		府		府		府		府	
府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改		府直轄地二年改	

路路			東東			道道			路南			奉天省		
興通			鳳凰			錦西			遼中			奉天		
興通			鳳凰			錦西			遼中			奉天		
興通			鳳凰			錦西			遼中			奉天		
興通			鳳凰			錦西			遼中			奉天		
興通			鳳凰			錦西			遼中			奉天		
興通			鳳凰			錦西			遼中			奉天		
興通			鳳凰			錦西			遼中			奉天		
興通			鳳凰			錦西			遼中			奉天		
興通			鳳凰			錦西			遼中			奉天		
興通			鳳凰			錦西			遼中			奉天		
興通			鳳凰			錦西			遼中			奉天		

道			路			北			道			東		
源遼			治道			昌			源遼			昌		
源遼			治道			昌			源遼			昌		
源遼			治道			昌			源遼			昌		
源遼			治道			昌			源遼			昌		
源遼			治道			昌			源遼			昌		
源遼			治道			昌			源遼			昌		
源遼			治道			昌			源遼			昌		
源遼			治道			昌			源遼			昌		
源遼			治道			昌			源遼			昌		
源遼			治道			昌			源遼			昌		
源遼			治道			昌			源遼			昌		

道 路 南 東				道 路 北				道 路 南 西				清 名 今 清		吉 林 省											
吉 延 治 道 吉 延				江 濱 治 道 江				道 長 吉				名 今													
敦 化 縣	額 穆 縣	東 寧 縣	寧 安 府	琿 春 縣	和 龍 縣	汪 清 縣	延 吉 府	同 賓 縣	同 賓 縣	榆 樹 縣	五 常 縣	阿 城 縣	賓 州 府		新 城 府	雙 陽 縣	德 惠 縣	德 惠 縣	長 嶺 縣	農 安 縣	長 春 府	伊 通 府	磐 石 縣	舒 蘭 縣	吉 林 府
		東 寧 縣	寧 安 縣	琿 春 縣			延 吉 縣	同 賓 縣	同 賓 縣	榆 樹 縣	五 常 縣	賓 州 府	扶 餘 縣		賓 州 府	雙 陽 縣	德 惠 縣	長 嶺 縣	農 安 縣	長 春 縣	伊 通 縣	伊 通 縣	同 上 空 同	同 上 空 同	吉 林 縣
府 安 寧				府 吉 延				府 州 賓				州 名 附		記											
原 隸 吉 林 府				同 上				因 與 川 複 改				吉 林													
				十 年 十 二 月 折 置				二 年 改 縣 因 與 五 省 複 改																	

		道 路 北 東												
		蘭 依 治 道 蘭 依												
		都 穆 陵 縣	穆 稜 縣	饒 河 縣	虎 林 縣	密 山 縣	富 錦 縣	綏 遠 縣	同 江 縣	臨 江 府	方 正 縣	樺 川 縣	依 蘭 縣	依 蘭 縣
					虎 林 縣	密 山 縣		綏 遠 縣	綏 遠 縣	同 江 縣	同 江 縣		勃 利 縣	依 蘭 縣
		都 四 道 三 十 九 縣 二 設 治 局				屬 寧 安 府				二 年 裁 府 為 縣 因 與 奉 複 改				六 年 折 置
										五 年 折 置				

熱河特別區域

清名今清 名今 名府附 記

承德道

承德府承德縣	灤平縣同上下空同	隆化縣	豐寧縣	平泉州平泉縣	圍場廳圍場縣	朝陽府朝陽縣	阜新縣	綏東縣	建平縣	建昌縣凌源縣	赤峯直隸州赤峯縣	開魯縣
直轄府二年改縣						直轄府二年改縣				因與江西複三年一月改	二年改	
承德府	承德府	承德府	承德府	承德府	承德府	朝陽府	朝陽府	朝陽府	朝陽府	朝陽府	赤峯府	赤峯府

區域表 第三十二下

林西縣 經棚縣 經棚縣 州

三年一月經國務會議決以熱河為特別區域與直隸劃分以都統統轄各縣及盟旗七月

並置熱河道轄十五縣

哈喇沁中旗 哈喇沁左旗 土默特右旗

喀爾喀左旗 敖漢二旗 奈曼旗 巴林左旗

旗 扎魯特左旗 阿魯科爾沁旗 翁牛特

右旗 克什克騰旗 錫埒圖庫倫喇嘛游牧

察哈爾特別區域

清名今清 名今 名府附 記

北口道 綏和道 歸興道

張家口廳張北縣	獨石口廳沽源縣	多倫諾爾廳多倫縣	豐鎮廳豐鎮縣	寧遠廳涼城縣	興和廳興和縣	陶林廳陶林縣	商都牧廠商都縣	兩翼牧廠寶昌設治局	豐鎮城集寧設治局	張北商都康保設治局
二年二月改下同	四年移治小河子改今名									
察哈爾	察哈爾	察哈爾	察哈爾	察哈爾	察哈爾	察哈爾	察哈爾	察哈爾	察哈爾	察哈爾

區域表 第三十二下

年六月以張北等七縣及錫林郭勒盟察哈爾左右翼八旗各牧廠置察哈爾特別區域以都統統治之並置興和道

												川邊清設兩道五年改置一道都三十三縣	大昭縣	碩督縣	嘉黎縣	同普縣					
區域表												川邊					羌				
第三十二下																					

												清初設	辦辦	事長	臣官	阿爾泰區域					
區域表												治局					名				
第三十二下												布爾津					河海				
												木					附				
												如左					按清光緒三十二年十二月阿爾泰與科布多劃界分轄各翼				
												烏梁海左翼散秩大臣一旗					副都統一旗總管二旗右翼				
												散秩大臣一旗總管二旗					新土爾扈特郡王一旗貝子				
												一旗					霍碩特扎薩克台吉一旗				
												至八年併阿爾泰於新疆置					阿山道設三縣見前新疆表				
												中					阿爾泰				
												記					記				

全國道縣總計

京兆	二十縣
直隸	四道一百十九縣
山東	四道一百七縣
河南	四道一百八縣
山西	三道一百五縣
江蘇	五道六十縣
安徽	三道六十縣
江西	四道八十一縣
福建	四道六十三縣
浙江	四道七十五縣
湖北	四道六十九縣
湖南	三道七十五縣
陝西	三道九十一縣
甘肅	七道七十七縣
新疆	八道五十縣一設治局
四川	五道一百四十六縣
廣東	六道九十五縣
廣西	六道八十六縣
雲南	四道九十七縣

區域表

第三十二下

總計

呈

貴州

三道八十一縣

奉天

三道五十六縣一設治局

吉林

四道三十九縣二設治局

黑龍江

三道三十三縣六設治局

熱河

一道十五縣

察哈爾

一道八縣三設治局

綏遠

一道八縣一設治局

川邊

一道三十三縣


區域表

第三十二下

總計

呈

共九十八道一千八百五十四縣十四設治局此按內務部十一年檔案截算再俟數年十四設治局可全改為縣則一千八百六十八縣矣民國以來變亂迭經庶政墮廢獨縣邑名稱釐訂清晰無一複者而邊僻行省增置之縣日益加多則殖民之術也



革命源流第三十三上

從古外族無能統一中夏者有之

以蒙古主中國漢人嫉惡之然懼於威權不敢違及至

順帝蒙古勢漸衰變城韓山童結白蓮會密圖覆元復

宋後山童被捕死其子林兒與其徒劉福通繼之詭言

林兒實宋徽宗八世孫起兵於汝潁江淮之間國號白

宋於是蕭縣李二趙均用羅田徐壽輝諸香軍相繼起

事雖弗成然蒙古竟因以摧滅至明末清世祖復以滿

洲人混一華夏改易衣冠漢人恥之圖恢復者屢起屢

仆後三藩兵起據有數省未幾亦滅然吳三桂等本明

臣助清滅明後復叛清與純粹革命家有異至聖祖仁

皇帝高宗純皇帝兩天子聰睿壽考稽古右文由是詩

書之族盡歸心不復言革命矣及乾隆末天下太平久

和珅亂政白蓮會黨徒復起前半無他謬妄只是一起

文筆易流疲弱須有劉松者以祈禱及符咒治病頗有

看其處處振拔驗密以其教傳布於西部諸省事發流甘肅後其徒劉

之協宋之清等煽誘陝西四川湖北人民謀起事而奉

幼童王發生為主詭稱發生係明裔事覺發生被擒以

年幼免死戍新疆劉之協邇州縣官大索不獲荆州宜

昌等處株連羅織者數千人於是聶傑人張世謀等起

荆州姚之富齊林之妻王氏等起襄陽孫士鳳徐天德

王三槐冷天祿等起四川張士龍張漢朝張天倫等起

陝西一時西部諸省望風而靡至嘉慶五年劉之協始

被擒又二年始大定政府耗戰費銀二億萬兩用兵將

十年所謂川楚教匪也自是後政府禁白蓮教甚嚴其

餘黨改稱八卦教三香會白羽會天理會諸名以避禍

至十八年山東李清河南李文成復起文成等能豫言

休咎觀天文上下尊信之於是李清至北京賂通內監

誘致其黨於宮禁約與山東河南同時起事九月十六

日李清飾其黨二百餘人為農夫潛懷刃自宣武門入

酒肆中日脯乃分犯東華西華兩門各以首蒙白巾

為識太監劉金等引其東高廣福引其西闖進喜等為

內應倉皇間迷所嚮誤自尙衣監文穎館內犯侍衛急

閉隆宗門不得入時仁宗幸木蘭未歸皇第二子借請

太監登垣瞭敵見賊手白旗方攀垣踰牆心門皇子取

槍擊之未命中怪察之彈皆空因急取衣上金鈕為彈

再發應聲斃教徒不敢進適王大臣率禁兵由神武門

入敗賊於中正殿門外內監通賊者亦皆就擒賊既敗

林清猶未知匿城外黃村候進止有某太監者慧黠以

計探得林清匿所驅車逆之且賀事成逆大王登殿林

革命源流第三十三上

革命源流第三十三上

清大笑登車至永定門外縛之未幾李文成亦起滑縣文成先爲縣宰強克捷下獄其黨劫之出戕官奪滑縣城據運河要隘道口鎮於是陝甘總督楊遇春直隸總督章照山東鹽運使劉清均統大兵赴援復道口圍滑縣以大礮攻之文成知不免自焚死合道口滑縣良民被害者數萬人自是白蓮會之名遂寂白蓮會雖託名宗教言革命然爲首者皆豪猾草竊蠢愚無政治知識至道光三十年太平軍首洪秀全復起苦心分明否則不見史筆矣秀全廣東花縣人幼孤授徒鄉里間屢應省試皆不第常賣卜江湖間廣東人朱九濤者上帝教

革命源流

第三十三上

三

說會起大疫歲饑人心所在傾動附者日益多乃起兵於金田村移屯武宣縣東未幾貴縣林鳳翔漢陽萬大洪衡山洪大全等來歸勢大振即分遣諸將席捲廣西進陷湖北安徽江蘇等省定都金陵號太平天國自稱天王定官制頒封爵開科取士士之不得志者往往附之與劉之協李文成輩異矣然太平將自李秀成外無建設林淫虐凶狂與盜賊無異終以覆滅革命家惜之當太平軍將衰時捻子張總愚陝甘回匪復盛淮軍李鴻章楚軍左宗棠討之數年而後定其歷史具見咸同以來載籍中清二百年來革命以此爲最劇矣然卒無

革命源流

第三十三上

四

首也秀全與其同里馮雲山師事之會九溝死推秀全爲教主廣東官吏惡之秀全與雲山遷居廣西桂平武宣二縣交界之鵬化山中傳上帝教秀全妹婿武宣人蕭朝貴與桂平楊秀清交善秀清先亦廣東人世以製炭爲業豪放無賴與同里韋昌輝貴縣石達開同入上帝教昌輝達開義憤慷慨常欲委身以成大事秀全時卧病幾殆突愈曰吾病死作地下人者七日今始蘇能知未來事世將懼大災惟奉我教拜上帝則免且死後可生天堂極樂世界與馮雲山盧賢拔等造真言寶誥諸書密傳布之潛蓄髮易服隱伏山林間遣人四方遊

巡防統領李家焯所聞率眾掩捕之陸皓東被捕死文
逃按察使張人駿懸千金賞名捕孫文文走日本至橫
濱截髮易服經布哇航美國轉至英倫時駐英公使龔
照瑗聞孫文至陰緝之文偶遊市中遇中國人詢之曰
君中國人耶曰然吾粵人也其人曰吾亦粵人盍過從
乎孫文從之行至一大厦遽被囚即清使館也照瑗將
納諸巨篋中挾以出境文賂守者以九紙乞救於其師
硯德立硯德立請於英外部牒照瑗索之文乃得釋英
人謂清使擅捕人英境蔑視公法騰載報章稱文為中
國革命黨魁於是孫文之名乃大噪稱分稱所倚初閩廣之

革命源流 第三十三上 五

間有三合會者亦名三點會其發軔在清初其本旨反
清復明凡入會割血為誓地方豪猾避官捕抗免賦稅
者多黨於三合會至乾隆五十二年彰化人林爽文起
兵陷彰化及沿海諸要隘據臺灣獨立爽文即三合會
首領後嘉慶十四年二十二年道光十二年江西湖南
兩廣各境皆有三合會起事咸豐初太平軍起三合會
首領之挾有武器者皆投太平軍太平軍有羅大綱者
三合會首領也餘以教義不同輒散去然見洪秀全所
向無敵氣張甚遂竊起於閩廣之間而粵人劉麗川閩
人陳阿連復在上海襲縣署殺知縣縛上海道吳健章

奪其印據上海城世呼太平賊為三合賊謂閩廣滬之
亂盡屬於太平軍者皆誤也肥梳剔抉委曲分明顧三合軍形勢
散漫無巨人為約束劉麗川以官軍得洋人助用大礮
轟城即突圍逸而在廣東之首領陳清泰亦為部下陳
政所殺由是三合會之倡亂於廣閩上海間者與太平
軍同時敗滅廣閩人舊多賈於南洋三合會本部黨員
欲扶植勢力於海外凡貧病死喪犯法內地或南洋犯
外國法而求庇或劫奪港灣殺人放火逃往者一入其
會立賜郵護持備至僑民感其義從者日益多會員亦
日以暴橫於是三合會之在南洋各埠者其地之政府

革命源流 第三十三上 六

恒視為害物於暹羅於澳洲亦然而居北美者尤不法
殺掠強奪擄贖非惡之名高出於太平洋沿岸且犯罪
後能用秘密術逃法網以故三合會之在海外者甚盛
益興然無論良莠一經瀝血其反清復明之旨則同也
孫文之創立興中會常與三合會首領鄭弼臣連結而
募資於南洋會中及其敗流離海外實得三合會資助
自此以下各黨人極其複雜隨出隨散隨結隨絕無手忙脚亂之態教習如組兩聯如舞是何神力
緒二十三年文既在英得釋即為書歷敘願未謝英人
而歸日本時日本民黨犬養毅方遣宮崎寅藏可兒長
一平山周等遊港滬偵察中國民黨秘密情形聞文至

日即歸橫濱訪文於逆旅爲言湘鄂及長江一帶哥老會勢力之可用趁勢帶出哥老會毫無奉命之痕故妙哥老會亦名哥弟會其創始在乾隆年間同治時太平軍滅湘勇撤窮於衣食因組織各團體以救濟之於是哥老會始大盛其本旨在反清其理想則爲俠義好義劫不義豪富及貪污官吏而嚴禁盜攘平民有所謂紅幫者洪家者會中正統也其力以湖南浙江爲最盛他省次之又有青幫者卽沿江鹽梟其勢力彌漫於淮南北及上下江他若黑幫白幫皆以竊盜拐騙爲生哥老會賤視之擯不得入會而徵取其税金否則在其勢力下營生致之死後

革命源流 第三十三上

七

因各國教士袒教民顛倒曲直又有抉眼剖心和葯諸譏哥老會遂激烈排外會光緒十七年李昭壽之子李豐家雄於資以欲雪父仇及傾覆清室故與哥老會首領關照明謀入其會并以銀六萬與鎮江稅關洋人彌遜購軍火事覺關照明李豐被捕誅死彌遜亦被逐回國哥老會頗疑洋人洩其謀愈惡之於是外人之被虐殺財產被焚燬者不可勝數而沙市日本領事館稅關招商局怡和洋行等房屋俱爲灰燼後平山周等偕湖南黨人畢永年林述唐湖長江遊湖南頗與哥老會首領李雲彪楊鴻鈞張堯卿李堃山等相晤并介紹孫文

之爲人冀其適合至是孫文至日本時日本尙爲租界制禁外人雜居平山等假名聘中國語言教習稅宅租界外居之護持甚至二十四年秋宮崎及平山再遊中國宮崎向香港平山向北京時戊戌政變起新黨譚嗣同林旭楊銳楊深秀劉光第康廣仁等爲榮祿所殺獨梁啟超宋伯魯王照等脫逃平山周聞警卽至北京思營救未幾啟超等已爲日人山田良政小村俊三郎野口多內等救護出險啟超自甲午中日戰後與其師康有爲創辦時務報倡言國勢阡危舊政窳敗非維新不足以圖存以先覺自任書牘蜚騰遍於全國所謂政治

革命源流 第三十三上

八

革命家也外國人尤重之甲午後康梁主張維新大出特鄭重分明平山周既聞啟超脫險卽進至塘沽偕之赴日會宮崎亦自香港偕康有爲至有爲以先期赴滬辦報行至中途變作尙不知及至滬政府預電上海道捕之爲英領事救免有爲啟超既至日平山周等卽力謀俾與孫文連合然以宗旨氣類之不同有爲等卒未與孫文晤也疏外時三合會李立亭洪振年等復起兵於廣西鬱林南甯一帶連陷各城清軍與戰十數月始鎮定之孫文既聞哥老會勢力之可用欲招致之日人平山周乃招畢永年至日見文適非律濱獨立其總統

阿軍鴉度一作亞其那本福建人文遣永年助戰并允

助饑械欲其成以爲革軍根據阿軍鴉度信之既而援

不至永年敗歸二十五年文歸香港畢永年亦自湖南

挈哥老會首領七人至港文乃與三合會首領鄭弼臣

哥老會首領楊鴻鈞等謀三合會哥老會與中會併爲

一名曰興漢會三合會哥老會既屢與黨人相往還漸

悟排外非計思想變遷畧循途軌矣未幾哥老會首領

以爭貨與孫文不協永年恥失信憤恚爲僧死羅浮山

中由是哥老會復與孫文離結哥老會初康有爲之至日湖

南黨人唐才常亦赴東京謁有爲有爲欲煽動哥老會

起兵復皇帝政權命才常返滬創設中國獨立協會而

以東文學社爲名有爲亦自海外募巨資來港既而聞

哥老會與孫文有隙也厚贖之其首領遂與唐才常等

合當是時孫文以哥老會附有爲與粵紳劉學詢等謀

招致有爲會有以蜚語告有爲者謂學詢等欲刺殺之

也及宮崎平山再以赴新加坡說有爲有爲疑其刺

已匿不見且告市政廳防刺客市政廳捕平山等囚之

未幾孫文亦至與市政廳約即離境不逗留平山等得

釋後偕歸香港港督先得新加坡電禁文等登岸也自

是孫康之合併愈不成日人亦不再爲游說孫康始終分道揚鑣

革命源流 第三十三上 九

判然唐才常既與哥老會密謀爲變而以漢口爲樞紐

會二十六年北方拳匪亂八國聯軍入都遂欲乘隙起

獨立軍先是粵人容閔容星橋充漢口洋行經理才常

與容閔密謀購軍火度洋行中馬福益者湖南哥老會

正龍頭也黨人黃興約之同時在湖南起事鎮江青紅

幫首領徐寶山在淮南北起事復自港招李雲彪楊鴻

鈞等歸在長江起事林述唐李和生規漢口狄楚賢任

財政容閔主外交康有爲梁啟超運籌海外并廣發富

有票爲符號贖資定十月朔大舉矣時義和拳以仇外

名容閔懼事起爲各國所惡乃爲英文書布告各國曰

中國獨立協會鑒於端王榮祿剛毅之頑固守舊煽動

義和拳以敗國是以決定不認滿政府有統治中國之

權將欲更始以謀中國人民及全世界之樂利端在起

復光緒帝立二十世紀最文明之政治模範以立憲自

由之政治權與之人民藉以驅除排外篡奪之妄凡租

界教堂以及外人并教會中生命財產均力爲保護母

或侵害望我友邦人民於起事時勿驚惶別有軍令八

條附覽未幾事爲湖廣總督張之洞所聞唐才常林述

唐或作林圭傅良弼黎科同被捕死容閔容星橋等亡走上

海康有爲自經此敗深自晦抑西遊歐洲不復謀革命

革命源流 第三十三上 十

結康 哥老會既不附孫文唐才常新敗長江戒嚴文乃

再渡日本說三合會首領鄭弼臣起兵而濟以餉械弼

臣乃起兵數千人於惠州之三州田山寨文亦由日本

抵臺灣期與惠州通聲氣未幾台總督孫文文復

至香港弼臣因需餉械舉事期屢緩官兵偵得將攻山

寨弼臣不得已奮戰三戰三勝擒副將杜鳳梧傷提督

劉萬林進至崩崗與官軍隔河而陣三合軍戰月餘又

屢勝投効者日益多華僑聞之爭資助文忽電弼臣云

形勢變外援絕軍事進止請自決三合軍聞之多散去

劉萬林偵知猛合軍圍攻之革軍盡覆日人山田良政

革命源流 第三十三上

十一

戰死虎頭山弼臣率殘卒百數十人突圍走仰天痛哭

曰吾其休矣吾其休矣十餘年經營苦心盡此一旦復

何而目見同志諸友乎遂隻身竄南洋島中匿不見人

又數月病死自是三合會疑孫文不與昵心苦為分

會當惠州軍之未敗黨人史堅如潛在廣州督署後掘

洞穴約可達總督臥室實炸藥然之總督德壽方晨睡

藥爆不傷縣官究得實捕誅堅如此為黨人暗殺之始

惠州軍既敗孫文復遊歐美時國人懲拳匪亂大興教

育學生留學日本者常萬餘人餘杭章炳麟在日本著

書報詈清政鼓吹民族革命說甚力而湘人秦力山創

開支那亡國紀念會以激勵青年於是僑日學生十九

皆黨於革命未幾炳麟歸上海與浙人翰林院編修蔡

元培川人鄒容蘇人吳敬恆黃中央等創愛國學社編

學生為軍隊播宣革命學說而鄒容所著革命軍尤激

烈事為兩江總督魏光燾所聞與法領事交涉捕炳麟

鄒容入獄元培等及學生均逃散鄒容入獄後旋病死

愛國社既解散山陰陶成章徐錫麟復言革命成章在

日本成城學校學陸軍中國公使汪大燮亦浙人知成

章為浙省黨魁誘成章歸而削其官費學籍錫麟字伯

孫癸卯科副貢生曾創建山陰小學堂紹興中學堂明

革命源流 第三十三上

十二

道女學堂在浙學界負重名成章既歸即與錫麟組織

秘密會黨名曰復古會時蔡元培復創設同志會成章

說之遂與復古會合即世所稱光復會也光復會革命

標出眉而以徐錫麟為首領其會員以金牌為徽章中

鑲復字篆文旁鐫楷書云黃河源溯浙江潮衛我中華

漢族豪莫使口口留片甲軒轅神胄是天驕共分十七

部別於紹興府設大通學堂專重兵式體操備革命用

三十年湖南黨人黃興馬福益陰與哥老會三合會青

幫白幫諸小會結設一總會名曰華興會入會者年納

會費一圓積至百萬元則購軍火起兵會甫成而陸亞

發起廣西攻柳州奪洋槍五千支兩廣總督大舉討之亞發告急馬福益令起兵湖南以爲牽制福益以華興會初成籌備未周而又惜其機不可失會八月瀏陽有普濟大會四方豪傑羣集於此福益乃招集三十正龍頭七十二副龍頭及東南西北五路統領約以十月十日同時起兵未幾謀洩九月十五日南路正統蕭桂生西路副統游得勝及馬福益先後均被捕斬於瀏陽西門外廣西陸亞發亦敗爲官軍所擒黃興寧協萬劉揆一在長沙知事洩亡走日本華興會遂滅時鐵良由湖北北歸黨人胡瑛王漢謀刺之行至彰德漢狙擊二次

革命源流

第三十三上

五

皆不中至夜恚而自戕黃興既至日未幾孫文亦自南洋來宮崎寅藏偕興見文於鳳樂園甚相得也興與學生宋教仁張繼程家禔等開會歡迎孫文時學生到者數千人文有口辯演說革命原理情詞激越歡聲雷動一時官費學生皆辭官費投身革命黨中文遂與黃興宋教仁等結合各省黨員開秘密大會名曰中國革命同盟會同盟會之名始此同盟會之先有許多黨會同盟會之後又分若干部故得如指上螺紋舉目可見旗用紅藍白三色以日本爲總會分五大部於中國以武昌爲中部會所設於漢口耶教聖公會內之日知會專與軍人相結而以孫文爲會長黃興爲

副復刊發民報宣播革命大綱自是孫文游弋海外募會資黃興出入內地起兵宋教仁主會務三十一年八月政府遣載澤端方戴鴻慈徐世昌紹英五大臣出洋考查憲政行至前門車站黨人吳樾擲炸彈車中紹英傷樾亦炸死樾安徽桐城人吳北江云吳樾徐錫麟事皆宜僅列概要而以詳悉情形置之個人小傳北洋高等學堂學生曾在滬學製炸彈於王姓以暗殺黨先鋒自任適五大臣登車樾僞作侍者裝入車中顏色慘變衛從疑之阻弗使前樾卽在夾壁中擲彈距五大臣遠不傷只飛鐵傷紹英額從者死二人而樾身粉碎皮肉粘板壁上時北京無巡警步軍統領偵察有尸身裏衣著操服上綴北洋高等學堂肩章號數乃知是樾也先是樾與黨人趙聲遇於京師以暗殺自任聲欽佩不勝及南歸與樾詩云淮南自古多英傑山水於今尙有靈相見塵襟一瀟灑晚風吹雨太行青雙擊白眼看天下偶遇知音一放歌杯酒發揮豪氣盡笑聲如帶哭聲多一腔熱血千行淚慷慨淋漓爲我言大好頭顱拚一擲太空追攬國民魂臨行握手莫咨嗟小別千年一刹那再見却知何處是茫茫血海怒翻花樾得詩反覆誦讀每至淚下乃覆書君爲其難我爲其易至是遂以彈擲五大臣是爲黨人

革命源流

第三十三上

五

以炸彈行刺之始。按炸彈史云新式爆藥製法在光緒
上水雷之用其法載化學原中國人善製者首推徐
建寅後因製藥爆死漢陽兵工廠徐弟子郭道殷及其
子某皆擅是術然與政治無關及光緒二十一年粵人
張某因學西醫藥料頗及此術惟精於銀爆藥之普通
製法史堅如常學之用於粵督署卒未成功用此物以濟
其窮者謀之於日本社會黨因警察干涉即原料頗不
易得者其製法試驗之手術未純不合用二十九春
日本橫濱中華學堂理化教員李其者頗明各藥製法
大意李與孫文善革命者多與之往還李遂以其法授
之留學生其始學者某某三人繼之者為楊篤生及蘇
某楊蘇因學此幾喪其身其後分班往學者各省均有
人會光緒三十年日俄戰起日人因造炸藥延英人於
外國禁智利出境適日人在英訂購船春日運回日人
藏智利船底智利竟至日其藥之製法分五十餘種試
驗最良者則以銀汞牛乳鷄卵諸原料所製之流質爆
發為最領出瓶後與養氣化合逾十分鐘則爆或十五
革命源流

第三十三上

五

分至五十分留學生得日人某助力技術遂進上海有
王其者學其法轉傳於吳樾後王其以石白製藥卒殞
命至能從智利學者僅二人其一則會學於三十二年
徐弟子郭道殷故成蹟較優然未嘗一用也
冬江西萍鄉礦夫數千人起事礦夫多屬哥老會洪江
會馬福益舊部陳邦杰等率之自萍鄉進攻醴陵瀏陽
皆陷之人心所在騷動未幾鄂兵數千來援邦杰戰死
亂平究其獄事與漢口日知會有連於是黨人劉大雄
胡瑛季雨霖朱元成殷道勤孫毓筠權道涵等均被捕
繫獄大雄元成後死獄中當是時黨人頗溷迹軍界中
江南趙聲等八人為新軍標統日知會黨人孫武亦為
標統湖南而武昌軍人又漸與日知會附聲息相通待

時而動未幾江督端方疑趙聲斥退聲等孫武亦以事
見擯於湘而漢口同盟會機關亦破初孫文謀革命屢
求助於日本政府允革黨實力足時始協助至是孫
文復盛言中國革命之將成日本乃遣武官數人赴中
國視察而求鄉導及通譯於革黨革黨薦山西人喬貽
齋任之貽齋至漢口赴日知會高談革命不少諱武漢
軍人以有外國助也亦攘臂大權提督張彪聞之喬裝
赴會盡得其秘謀即發兵捕同盟會支部長劉家運斬
軍官數名并封禁日知會政府得鄂督報亦覓英人為
偵探尾日武官至天津竟竊其調查實錄以去政府接
革命源流

第三十三上

去

籍窮加究治於是武漢諸黨人奔逃星散長江上下游
革命陰謀復同時消滅

革命源流第三十三下

三十三年五月徐錫麟既創設光復會復赴德國學警
察六月歸國陶成章預為捐候補道發安徽充巡警學
堂會辦錫麟遂招其弟子馬宗漢陳伯平助理校務而
陶成章自海外輸軍火入皖會端方在江南獲黨人葉
某得其名冊首列光漢子光漢子者錫麟別號也葉某
并供其在皖端方電恩銘以下敘錫麟行刺文絕精思
采氣息皆從刺客傳得來
銘命錫麟陰偵之且笑謂錫麟曰人言君亦革命黨吾
不信故相委耳錫麟大驚懼事洩且得禍而陳伯平馬
宗漢等則以機不可失時不再來要錫麟先發錫麟曰
革命源流

第三十三下

吾思之久矣巡警學生五月畢業至時行禮巡撫司道
畢集可聚而殲也及期按光復志及錫麟別傳云錫麟
適是日恩銘因孔子升祀大典行禮及祝幕友章大夫
人壽不能往改二十六日錫麟以措辦不及對恩銘復
召學堂收支委員顧松問之松曰文憑等物預埋炸葯
皆備無不及遂定二十六日錫麟深宵之預埋炸葯
聽事而設筵其上巡撫司道府縣官皆至先是錫麟
訂二十八日行畢業禮恩銘召詢收支委員顧松改前
二日錫麟頗疑松洩其謀至是錫麟啓恩銘先詣廳筵
宴畢閱操而恩銘則令先閱操後入宴錫麟愈惶急既
而恩銘及司道以次入禮堂錫麟服軍服立階上率從
官行三鞠躬禮恩銘答禮畢學生方魚貫入錫麟忽趨

前大言今日革命軍起事寫錫麟字宇飛
動聲色俱足恩銘愕然云

胡自知之語未畢炸彈轟然而恩銘不傷馬宗漢復舉
銃擊傷恩銘右手然已惶駭戰慄不能再發錫麟從靴
中出兩短銃左右手環擊之恩銘仆地即拔刀出禮堂
揮學生大呼云中丞為顧松刺殺可往保軍械局學生
在禮堂外倉猝震駭不知禍所自來錫麟復大呼以馬
刀斫殺顧松當是時司道馮照等已抽隙逃入校左鐵
佛菴中飛調巡防營來捕賊錫麟即與陳伯平馬宗漢
等橫刀怒目劫學生數十人如軍械局聲言中丞被刺
備亂來守總辦周家煜駭而走錫麟即令學生昇大礮
革命源流

第三十三下

庫中迎門守禦既而巡防營來圍守半日不敢進馮照
乃懸賞萬元購錫麟士卒乃猛攻格殺陳伯平生擒馬
宗漢而錫麟已逸馮照復懸五千金購其蹤跡卒得之
醫士方家時恩銘已以傷重死藩司馮臬司毓秀及
道府咸集照等頗疑錫麟與孫文同黨錫麟曰我乃革
命黨魁光漢子其人蓄志復仇已十餘年何物孫文能
隸吾麾下乎且新甫死未也新甫者恩銘字照伴應曰
小傷耳行自訊汝錫麟聞言神喪氣沮垂頭不語移時
照復曰爾知罪否明日行剖爾心肝矣錫麟聞言即仰
天抖身大笑不止曰然則新甫死矣新甫死我志償寸

礫我可也何有於心肝終又曰此事祇我與光復子宗漢子三人所為學生盡脅從無罪也光復子已戰死機械所中宗漢子被獲此二人向不吐其真名則為徒死我不暴揚之千秋萬世後誰復知之者光復子者吾友平水陳伯平按馬宗漢供詞云伯平名淵宗漢子者山陰馬宗漢也吾豈負吾友而使其姓字蕪沒不彰哉翌日馮煦援張汶祥刺馬新貽例剖錫麟心肝祭恩銘而馮煦以功遷巡撫當煦奏之入京孝欽后方避暑頤和園大震即王大臣出入亦咸有戒心至七月即移蹕回宮女士秋瑾者徐錫麟之戚屬也錫麟之仕皖瑾主明德女學堂及

革命源流 第三十三下

大通學校錫麟敗有人控瑾私藏軍火紹興知府貴福率兵大索果得秋瑾所為檄文二通及體操鎗四十枝即捕秋瑾殺之按秋瑾傳被捕後縣官令其自署口供瑾書曰秋雨秋風愁殺人七字不答遂殺之時政府恨黨人甚頗欲恢復族刑以戒將來而各省官吏索黨人株連頗眾肅親王善耆憂之言於政府曰今之革黨毫無實力其所以激而為此者皆青年才俊憤政治不良呈於一擲自禍禍人其志甚愚其情可憫為今之計宜刷新政治去口實之端寬容黨人開自新之路利導既久禍患可消倘或株連酷虐牽及種族將咫尺之水搏之可使過類一泓之波積之或至滔天政

三

府雖不能盡從而族刑卒為善耆所阻止按光復志政逆不道欲滅其族以戒後來肅王善耆力爭不得復奔告醇王洵貝子同請軍機處陳請始允從寬查抄徐氏家七月黃興李雁南等起事欽州知府張紹棠敗之興走免十月黃興復起事廣西奪據鎮南關初關南那嫫村土寇數百人劫掠殘暴中國及越南官民皆苦之孫文欲舉事廣西越南總督不許其假道文因謁總督云能說使那嫫村土寇永不擾越南已而果然法總督德之禁頗弛黃興遂率寇渠黃明何伍李輝堅等猛攻鎮南關砲台未數日皆據之孫文聞捷亦自東京馳至既而官軍大集革軍乏軍火復棄關遁三十四年二月黃

革命源流 第三十三下

興起事於欽州之馬篤山防城等處黨人王和順敗清兵戕縣官四月復起兵河口官軍統領王振邦戰死管帶李美降革軍遂據有河口雲貴總督錫良遣提督白金柱道員方宏倫等統兵十餘營剿之黃興與黨人關仁甫王和順等分兵趨開化蒙自各境錫良復率統領王正雅龍裕光等親出蒙自督師廣西巡撫亦遣榮濟各軍堵防歸順革軍敗逃河口復法將威根聞河口亂率土兵九十名巡越邊察動靜適革軍敗退至境威根方解除革軍武裝清軍追者疑威根助革黨也憤戕之十月熊成基起兵安慶成基礮標隊官感徐錫麟事久

四

思爲變。適德宗母子相繼崩。砲弁范傳甲、李朝棟、書記宋玉琳皆黨人。隱於兵。陰說成基乘機爲變。成基卽約馬營步營同時舉事。并約軍官薛哲在城內爲應。至期砲營舉火爲號。管帶陳昌鏞不從。成基殺之。劫火葭庫子彈。率衆至城下。而薛哲負約。城內無應者。步營無首領。亦未卽從。馬營攻之。礮營既不得入城。卽移臨江寺高阜上。以大礮攻城。未幾巡撫朱家寶檄江防營兵輪來援。與城上兵夾擊之。成基潰走。范傳甲、李朝棟死之。宋玉琳奔廣東。後成基匿跡哈爾濱。會貝勒載洵歸自英。成基與黨人石德寬、喻培倫謀刺之。均被捕死。宣統

革命源流

第三十三下

五

二年正月。倪映典、峻廣州新軍爲變。映典手持大紅日光旗。馳馬指揮。旋中礮死。汪兆銘入都。潛埋地雷於德勝橋下。圖炸監國攝政王。事洩。爲偵吏所執。民政大臣肅王善耆親訊之。兆銘執筆書供詞數萬言。善耆偉之。請監國免死。永遠監禁。諭定移法部。司法大臣廷杰甚處以黑暗囚牢。善耆聞之。以金二百書數十種。貽兆銘。兆銘得讀書自遣。三年三月。戊申。廣州將軍孚琦赴南門外。觀演飛艇。歸途爲黨人溫生才刺死。河口之役。黨人訛傳孫文在南洋。釀資數十萬。及戰敗。乃羣赴新加坡索資。至則爲總督囚禁。由是文信望漸微。黃興執

持黨事

既以源流名篇。則與袁起伏宜特爲詳盡。所謂記事。堪要。蔡言鈞立。

及宣統二年

資政院開會。黨人穩健者羣趨立憲派。興勢益孤。則倚趙聲以自固。聲去。江南後赴粵。粵督岑春煊仍用爲標統。欽廉之役。聲奉命往討。先示意黨人。黨人聞聲至。則散走。由是春煊頗疑聲。聲亦懼亡去。潛結閩廣軍人及會黨。圖舉事。黨人附者日多。舉聲爲革軍總司令。黃興屢促其起事。聲請時機未至。一舉不成。前功盡棄。殊可惜。拒不應。二十九日。興矯聲令起事廣州。先是黨人饒輔廷等在督署左右。西湖街甘家巷等處。僞爲攷試法官。或學員寄宿。僞居宇甚多。潛輸軍火。匿其中。約四月

革命源流

第三十三下

六

初旬起事。後從香港運炸葯。爲英警查獲。事頗洩。而提督秦炳直亦探獲革命軍旗幟圖式及書冊。飭府縣官嚴緝。消息愈暴。興等遂改約。三月三十日。舉事。輔廷復移廣督院旁。巡警局以輔廷甫來。復移廣。疑之。拘訊。殺輔廷。總督張鳴岐提督李準嚴兵備。亂黃興等知事洩。難再緩。召黨員集議。衆猶豫欲解散。獨宋玉琳謂爲不可。曰。前此舉義。屢起屢仆。今四方豪傑聞風遠至。若臨事畏葸。何面目見黨人。此其一。饒輔廷等冒險運軍火。致死。且所費不貲。若解散。則軍火難再輸出。經濟部員疑爲誑騙失信。此其二。軍人性質。有進無退。奉令而來。

不戰而退。如軍合何。此其三愚。以爲進攻之期。不可過今日。至其方畧。則首焚督署。擒賊擒王。官兵見火起來。撲救。我便乘虛分攻各官所。不半日。則全城大定矣。眾鼓掌議遂決。乃分黨人爲二大隊。第一隊以林文宋玉琳張岐山林尹民劉元棟莫其匡陳文波馮超驥羅成霍李達泉領之。第二隊以韋雲卿林覺民方聲洞陳更新陳可新陳與燊林常拔勞肇明周華等領之。而以胡漢民乘緣呢大轎。服西裝。扮外國領事。狀黨人昇之。蜂擁入督署。大呼。謁總督漢民。既下輿。卽與黨人齊擲炸彈。燬堂皇煙燄蔽天。事起倉猝。石破天驚。張鳴岐穴牆。文亦突兀。與事相稱。

革命源流

第三十三下

七

走入水師提督署內。檄水師及巡防營捕賊。而林文宋玉琳方聲洞等率黨人與官兵死戰。殺衛隊管帶金振邦。礮聲炸彈聲殺聲轟殷。街巷戰至日暮。卒以眾寡不敵。林文方聲洞等數十人皆戰死。伏尸盈市。黃興胡漢民縋城逃。林覺民宋玉琳陳可鈞陳更新陳文波劉鋒常拔羅仲霍羅坤李海韋雲卿龐雄等先後皆被捕。鳴岐與李準親鞠之。玉琳等神色慷慨。但求速死。覺民剪髮西裝。彬彬可愛。準命釋刑與坐。喟然曰。以君儒雅。抱負必不凡。胡不令吾輩一聆快論乎。乃以紙筆進。覺民卽伸紙疾書數千言。準慮其傷重。作痛時摩撫其背。并

親飲以茶。覺民既書畢。復請登臺演說。悲壯淋漓。聲淚俱下。鳴岐肅然動容。訊孫文在何處。曰。我黨黃興不黨。孫文我輩都毀家而來。冀抒國難。豈屑僥倖。一已私利耶。次日均就死。誅死與戰死共七十二尸。叢葬黃花崗。當起事初。黨人李漢業約三合會渠率陸亞領鄧江等。同時在佛山響應。廣州既敗。亞領等聚千餘人。與官軍戰於蜘蛛山石灣等處。敗績散走。時趙聲在香港卧病。聞耗痛哭。及黃興至。聲面數其矯令之非。且謂烈士數十人均戰死。君何獨生還耶。興愧憤無地。未幾聲死。腸胃腐裂。類被人毒斃者。疑莫能明也。廣州既敗。革命

革命源流

第三十三下

八

精銳喪盡。黃興再赴日本。六月黨人林冠慈陳敬岳以炸彈擊李準於南門內。準躍登屋頂。手格殺冠慈敬岳。亦被捕死。時清政日非。四川因鐵路國有。蠱起爲亂。詔督辦鐵路大臣端方率鄂師一協援川。未幾復詔起岑春煊幫辦四川軍事。春煊亦求兵於鄂。鄂軍援川者微。調頻繁。士卒憊。行怨。誹黨人孫武張振武蔣翊武等。潛喉爲變。自是鄂軍時不安。吳北江云。革命源流。當敘至武昌起事前。而止。以下各節。或攝敘。概要已足。八月辛亥。孫武在漢口俄界寶善里製炸藥。藥爆武傷面及額。屋焚。俄捕至。武已逃入醫院。黨人劉耀章先出不知。倉皇歸。爲俄捕所獲。會襄陽巡防統

領陳得龍亦迭捕黨人邱和尙陳鴻誥牟鴻助陶德明等解督署流言愈多人心益恐至夜提督張彪復捕得三十一人癸丑瑞激親鞠之卽斬彭楚藩楊宏勝劉汝夔三人餘下獄楚藩等臨刑慷慨大呼共和萬歲者三當瑞激訊囚時閱雄楚樓黨籍有軍人七十三名厲聲叱張彪歸營楚之黨頗聞其語至夜工程營黨人集議曰吾輩進亦死退亦死等死不如起義死霎時全營士卒毀肩章袖纏白布以同心戮力爲口號涵湧出大呼興漢滅滿二十九標三十標聞警亦殺管帶隊官合力猛撲楚望臺時督署守衛馬隊砲隊亦叛火光灼天彈

革命源流 第三十三下 九

兩射瑞激張彪出城避兵輪上至夜午全城屬革軍而未有統帥黨人曰二十一協協統黎元洪仁愛士卒爭望望宜舉爲都督眾奮臂大呼曰諾卽趨元洪叩門元洪匿密室中呼之出與盟誓遂卽督都位與湖北黨者兼此以黨人爲主體又所據敘述小異者富不妨互見以求詳盡也革軍既據有武昌全國大震九月乙丑朔湖南獨立黨人焦達峯爲都督陳作新爲副都督未幾焦陳爲亂軍所殺黨人譚延闓爲都督九江黨人李烈鈞徐世發等起兵推標統馬毓寶爲都督陝西黨人錢鼎等說管帶張鳳翽張益謙等起兵殺將軍文瑞及旗卒數千人舉鳳翽爲都督戊辰初廣

州將軍孚琦死以鳳山爲廣州將軍鳳山至滬黨人卽伺隙狙擊欲甘心焉粵大吏及友人聞之皆諫阻鳳山不聽及將至粵黨人周之貞李沛基陳軍雄等偵得懷彈以伺鳳山至虎門礮臺未鳴礮鳳山怒甚及登岸大吏以下懼禍未郊迎祇衛兵充塞衢巷行至倉前街李沛基陳軍雄僞爲工人猱升電杆理電綫鳳山至自屋頂擲彈擊之聲如霹靂墻垣震陷煙塵蔽天鳳山及肩輿埋沒瓦礫中沛基飛逸軍雄中彈爲衛兵所獲旋死掘瓦礫肢體粉碎鳳山家人以玉佩爲識得其尸也時黃興已由香港赴湖北宋教仁譚人鳳等說黎元洪以

革命源流 第三十三下 十

黃興爲總司令築壇行授旗禮督兵漢陽王申山西黨人姚以价等起兵殺巡撫陸鍾琦推標統閻錫山爲都督癸酉雲南黨人李根源蔡鍔等起兵逐總督李經羲舉蔡鍔爲都督湖北響應日益多長江下游益不固甲戌江西獨立戊寅上海黨人李燮和等攻陷製造局陳其美爲都督江蘇浙江貴州皆獨立貴州黨人楊蓋誠爲都督辛巳廣西獨立壬午安徽福建皆獨立癸未廣東獨立黨人胡漢民爲都督各省黨人以初經改革恆欲推地方大吏或軍界長官暫爲都督係民望而大吏之黠者亦恆徇民欲避禍目前故江蘇浙江江西廣西

安徽福建山東都督皆非黨人十月乙未朔重慶府獨立黨人張培爵爲都督夏之時爲副都督辛丑四川獨立黨人蒲殿俊爲都督未幾尹昌衡代爲都督黃興招湖南學生數千人盡編爲兵督使戰於是梅山諸阨要以次失漢陽爲清兵攻下黃興走滬丙午蘇浙民軍克金陵時民軍已據有十餘省各不相屬羣議建臨時政府於武昌及漢陽失金陵爲民軍攻下滬都督陳其美遂與各省留滬代表團舉黃興爲大元帥黎元洪爲副元帥蘇浙民軍大譁聲言不願隸漢陽敗將下會居鄂代表團歸寧乃改舉黎元洪爲大元帥黃興爲副元帥

革命源流

第三十三下

二

元洪鎮武昌興居南京攝行大元帥職權以武廷芳溫宗堯主外交與清大臣唐紹儀等議和十一月甲子朔孫文至粵時黎黃不相下胡漢民馬君武來滬與革黨謀舉文爲大總統建臨時政府於金陵戊辰孫文自粵至滬陳其美發砲二十一響迎之癸酉各省代表團在江甯開正式選舉大總統會舉孫文爲臨時大總統初孫文未到滬黨人聲言文自海外募華僑貲三千萬携飛艇軍器甚多且與各國要約承認民國事得要領臨時總統唯文爲宜各省代表團既不知虛實且懼禍而民軍苦餉乏聞之欣欣及既舉定向文索餉文曰吾自

海外携來者革命眞精神耳有精神即無須金錢衆始知前所宣傳者僞也此等精滯語非革命人莫能道及以各省代表團爲參議院建臨時政府時同盟會黨人孫文爲總統黃興爲陸軍總長陳其美爲滬都督胡漢民陳炯明爲廣東都督勢張甚而沿江各省及上海浙江恢復光復會黨人功爲多同盟會光復會由是不和所在仇殺而廣東傾軋尤甚光復會會長章炳麟致孫文書曰據潮州光復會人來言同盟光復二會日益軋轢前由張繼等公函勸告卒無效適者幾有貴族平民之分矣攷光復會初設實在上海不過四五十人其後同盟會興於東

革命源流

第三十三下

三

京光復亦漸渙散二黨宗旨初無大異特民權民主之說殊耳最後同盟會行及嶺外暨南洋光復會亦繼續前迹以南部爲根基推東京爲主幹僕以下材同人謂是故舊舉爲會長適作依歸素不習南州風俗惟知自守禮教而已同盟光復初興入會者半是上流初無爭競不圖推行嶺表漸有差池蓋被習文教者寡惟以名號爲爭端則二會之公咎也然自癸甲以來徐錫麟之殺恩銘熊成基之襲安慶皆光復會舊部人也近者李燮和攻拔上海繼是復浙江下金陵光復會新舊部人皆與有力雖無赫赫之功庶可告無罪於天下借章著補敘光

復會僑民雖智識寡陋其欣戴宗國同仇建虜亦彼此
之功也縱令一二首領政見稍殊胥附羣倫豈應自相
殘殺執事挺生嶺表習其舊常登高一呼眾山皆應惟
願力謀調處馳電傳知庶合海隅蒼生咸得安堵再者
同盟會人聞兼有仇殺保皇黨事彼黨以康梁爲魁率
棄明趨暗眾所周知然附和入會者尙不能解保皇名
義赤子陷穿亦謂無罪於人今茲南紀肅清天下曠蕩
雖舊染汚俗亦當普與自新若以名號相爭而令挾私
復怨者得藉是以爲名無損於虜徒令粵東糜爛此亦
執事所當禁飭也文得書電廣東禁之而傾軋如故辛

革命源流

第三一三下

三

卯清內閣總理袁世凱出禁城歸至丁字街黨人楊禹
昌黃之萌張光培等自茶樓上飛彈擊之斃衛隊長袁
金標巡警一路人三傷衛兵十二人禹昌等被捕死時
宗社黨首領良弼梗和議久不成黨人彭家珍恨之謂
同列曰吾誓撲殺此獠十二月辛丑家珍自稱奉天軍
人崇恭謁良弼值自外歸方下輿家珍彈擊之傷重三
日死北京大震初胡漢民爲都督募人入黨云亡清捐
官貲千百今與國民約以貲五元入黨卽管籍縣官或
試之翌日果除縣長由是箝籍者日千百人同盟會大
盛光復會遂衰結光復會孫文既爲總統政費無所出乃向

僑滬粵商貸貲四十萬復馳電海外發行軍債票美華
僑以革命成功復爲募貲二百萬而眾不知仍倡賣招
商局鐵政廠大冶鑛於日本以粵漢鐵路抵押借款並
爲輿論所詆中止滬管較南北地勢便利陳其美集亡
命數萬揚言北伐勒商民出貲滬人怨誹黃興與其美
相結大事恆決於滬南京政府常虛無人時北方袁世
凱握重兵能覆清室南京政府自知力不逮以第一任
大總統許世凱而以覆清爲條件約既定民國元年二
月清室遂遜位革命成功舉袁世凱爲大總統孫文退
位三月任命黃興爲南京留守宋教仁爲農林總長陳

革命源流

第三十三下

古

其美爲工商總長蔡元培爲教育總長王寵惠爲司法
總長皆黨人時粵黨人方爭都督孫文歸粵突以胡漢
民爲都督自署員至縣知事都以同盟會員充之品流
溷雜而警察廳長陳景華日挾槍彈攫財貨居民慘遭
冤戮避居港澳者絡繹不絕鄂黨人張振武方維屢爲
變以事至北京副總統黎元洪請中央執戮之黨人大
譁未幾南京留守府及滬都督裁撤袁總統迎孫文入
都優禮冠絕文以調人自任電黃興陳其美等亦北來
文宣言從事實業不問政治欲借債六十萬萬以十年
之內造鐵路十萬里大總統袁世凱偉之亦宣言將練

兵千萬以輔其政策與文標榜詠諧英炎大言以標榜

寫盡項城獨既已宜以祿稱名位酬其勳勞九月特授孫文籌畫全

國鐵路全權月俸三萬金開鐵路總公司於上海十一

月任命黃興督辦川粵漢鐵路時同盟會內閣已解孫

文黃興陳其美等歸滬革命之成功黨人自謂為功首

及民國既建而不能握政權憤激二次革命却宜於此

也興既督辦川粵漢鐵路開局漢口潛與鄂黨人蔣翊

武季雨霖等嗾鄂軍發難叛黎元洪而以湘粵皖贛四

省為應援時元洪孫武方傾向政府洩其謀文電皆入

革命源流

第三十三下

五

元洪手黃興乃棄職還滬與陳其美等謀變益亟初宋

教仁以同盟會暴亂為世詬病鳩集小政黨與同盟會

合改稱國民黨籍同以孫文黃興為之魁國民黨勢大

盛凡國會議員著籍者皆聽命於教仁教仁既深得黨

人心欲擁已為內閣總理黃興陳其美嫉之謂為叛黨

也及唐內閣解散教仁留京師與內閣總理趙秉鈞往

來最親密秉鈞權詐詭譎洞悉其謀謂孫黃躁浮不足

慮獨教仁沈毅黨人歸附患之二年四月國會成立教

仁將北來在滬遇刺死自革命軍興凡官制國徽名稱

章制皆出教仁手有建設才章炳麟嘗以江左夷吾許

之倉卒被戕士論惋惜未幾刺客武士英被捕窮其獄

詞連趙秉鈞黨人攻擊袁總統愈力而說贛督李烈鈞

皖督柏文蔚粵督胡漢民湘督譚延闓連合獨立五月

揚州第二軍軍長徐寶山為黨人炸死陳其美遣黨人

張光義攻上海製造局六月李烈鈞起兵湖口據有九

江各炮台戕少將余大鴻參謀湯則賢柏文蔚起兵臨

淮黃興入甯督程德全離甯奪其印綬戕要憲總司令

吳紹璘講武堂副長蒲鑑教練官程鳳鳴自稱討袁軍

總司令而奉岑春煊為大元帥粵胡漢民湘譚延闓南

革命源流

第三十三下

五

昌歐陽武徐州冷通大理李根源福建許崇智重慶熊

克武先後起兵響應湖口東南十餘省皆騷動政府以

段芝貴李純自湖北規江西倪嗣冲自皖北規安徽馮

國璋張勳自徐州規江蘇龍濟光自廣西趨廣東海軍

中將鄭汝成團長臧致平援上海疏奪黃興陳其美柏

文蔚陳炯明等官職勳位七月李純等克湖口李烈鈞

走八月鄭汝成李鼎新等擊敗陳其美鈕永建上海復

廣東陸軍逐陳炯明取消獨立龍濟光至廣州殺警察

廳長陳景華倪嗣冲復壽州正陽柏文蔚潰走李純等

進克南昌黨人蔣翊武戰死初黃興聞冷通戰敗張勳

克徐州懼棄江甯走叛軍反正黨人何海鳴復入甯說

一師八師獨立會柏文蔚率所部至守益堅張勳迭與
叛軍戰敗之九月朔克江甯皖贛蘇粵亂平湘都督譚
延闓本非同盟會黨其獨立皆長江巡閱使譚人鳳軍
事處長程潛陳強唐蟒等所為非其志也及黃興李烈
鈞敗人鳳等亦走湘取消獨立得免於兵政府不罪之
而以湯薌銘代延闓為都督貴州援川旅長黃毓成克
重慶熊克武走川新津資州內江隆昌榮昌永川自流
井等處皆定十二月唐繼堯以兵克大理黨人張文光
等潰走湘川滇亂亦平自李烈鈞起湖口稱兵響應者
不可勝數凡五月而亂定秩序始復孫文黃興走日本
革命源流 第三十三下

國民黨勢灰敗希國民國始統一

論曰世以革命黨人所為暴烈姦猾斷斷焉嘗議之而
為之解者則又張其功蔽其罪冀無名譽之累焉余以
為此皆不覽古之過也古之漢高光武朱太祖亦幸而
成功耳否則其惡暴矣且革命何等事而欲以尋常蔽
縵引而繩之抑何其謬哉神韻大類
太史公

篇中與旨有不便揭明者乃取意於封禪平準兩書
取筆於衛霍田實諸傳非史學熟者不能作非史學
深者不能讀



袁大總統畧史第三十四上

民國第一任大總統袁公世凱此係袁世凱之
畧史

黨革命之成功由於袁也河南項城人諡端敏

日世居縣北張營因亂徙居營東二十里築寨聚處是

曰袁寨本生父保中父保慶均甲三從子保慶常隨甲

三暨毛昶熙轉戰皖豫間年四十無子因以為嗣常隨

父官山東江南諸境未幾保慶卒於江南鹽巡道官所

扶喪歸里同治十三年保恆歸省見而異之攜入都讀

書世凱饒膂力精技擊好駿馬在江南年十二三暇即

袁大總統 畧史 第三十四上

控馬怒馳登覽清涼山雨花臺諸勝諸兄懼其顛戒止

之不能從也及來京保恆使學為應試文字而世凱好

讀兵書師禁之學愈力光緒三年大饑保恆奉朝命主

河南賑務世凱年十九攜與同行委勸要案事皆當理

時值隆冬馳驅冰雪手面皸裂無少懈四年夏保恆嬰

時疫卒世凱乃檢查未竟事及委員查賑情形詳加簽

註密移涂撫宗瀛宗瀛甫下車即劾罷散散牧令數人

人咸服其神而不知發自世凱世凱性跡跳任俠喜為

人鳴不平慷慨好施與常結社砥礪詩文一時寒士皆

願以資給既兩應鄉舉不第遂傾篋中詩文焚之曰男

子

子

兒自有大業可作為烏能齷齪久事此會廣東水師提督吳長慶防海登州乃以故人子往投之光緒六年委員會辦營務至八年夏而朝鮮事起項城以駐韓發述喪地變法與學革命之主因革命史中許敘韓事者職是故也若但視為補敘項城則義狹矣初朝鮮王無子以其弟李是應子熙為繼是應有雄畧執政柄境內晏然所謂大院君也及熙長寵閔妃妃險驚奪是應權以戚黨諸閔代之貪殘驕侈軍民交怨會饑軍譁潰亂民附之是應陰嗾亂民戕諸閔曳妃出宮將殺之遇救免當亂黨初起波及日本僑民日欲發兵平亂勢岌岌時韓臣金允植魚允中因事在津乞援於北洋大

袁大總統

第三十四上

二

餘人朝鮮大定日海軍遲一日至頓兵海口錯愕不能發遂締約歸好焉清軍久不經戰事軍紀廢弛而長慶所部多舊侶驕縱姦掠不法世凱慮玷國體遣人離心寫項城幼年權畧即如請長慶嚴禁之諸將志甚屢讒此真治世之能臣也世凱世凱請長慶行營見兵丁掠品彙彙然委棄道路間世凱曰是特其粗劣者耳王師戡亂紀律若斯不遺笑藩封乎帥其勉旃請從此辭矣長慶變色謝即檄世凱總理前敵營務便宜行事初閔妃攜其子匿忠州閔應植家韓廷謂其已死為發喪亂定知妃所在除服迎暹華官往賀有武弁凌毆韓人者世凱執將戮之長慶

袁大總統

第三十四上

三

臣張樹聲樹聲入告朝命吳長慶督師東渡七月世凱與水師統領丁汝昌先至韓海邊履勘陸軍登岸處中途潮退舟膠於灘赤足履沙石行踵趾皸裂汝昌笑曰紉袴少年亦能若是耶華兵遂由馬山浦登岸入朝鮮國都時道員馬建忠建議載是應赴華再捕治餘黨長慶令世凱密為部署及是應答拜來營護從甚盛世凱遣兵阻於外引是應入與長慶筆談是應寒暄畢覺有異書曰將軍將作雲夢之遊耶長慶猶豫不忍發世凱握刀在側曰事已露遲則生變即促人扶是應入肩與星夜趨馬山浦送天津安置連夜捕治亂黨誅其魁十

親造其室乞貸其死坐久不去世凱以案上圖書請長慶閱觀潛出斬之入而請罪長慶大笑曰執法不應若是哉而陰戒其戚族在軍者曰汝等勿犯法袁某不汝怒也由是將士懾服不敢犯秋毫軍威乃震自古英雄事與否極以其兵有紀律無紀律為斷至易解也而後之將兵者恆不知可歎韓王經大亂圖維新請於北洋遣德人穆麟德總稅務中書馬建常贊外交皆予秩俸尤重練兵十月王親造長慶營求假世凱為上將長慶不許王日午來至夕請不已乃許以世凱為代練新軍世凱草章制編壯丁先立新建親軍繼立鎮撫軍未期年軍容整肅漸成勁旅韓君臣聞蔽遇

外交內政。無所適從。世凱既代治其軍。為韓君臣所倚信。久之。凡大事。無不咨度。因並干涉其內政。而指導之。當是時。日人方思握韓政權。最忌世凱。世凱治軍嚴。過韓民則寬。吳長慶屢赴北洋議事。委令盡護諸營將士。益戒飭。不敢虐韓民。韓民感戴。十年春。項城之長。在亦在。練兵將敘。練本國之兵。先敘練朝鮮之兵。其革命通。○日忌項城。此為起因。其後項城愈進。用愈排擊之。直至項城逝世。東報始書曰。東洋之怪傑。公論乃出。我國人不思其故。桓以敵國之毀譽。為毀譽。而其所應議者。反置之焉不羨。中國與法人開衅。檄吳長慶回防。金州長慶啟北洋留三營防韓。并奏派世凱總理親慶各營營務處。兼統慶字營。於是韓王始接統韓軍。五月長

袁大總統 第三十四上 四

慶卒金州。自世凱代練韓軍。韓人親日者。受日人煽惑。恥臣屬中國。更延日人代練韓兵千餘人。謀獨立稱帝。名曰開化黨。世凱料韓必大亂。言於北洋。北洋以我方有事越南。難顧及。十月。開化黨首領洪英植。朴永孝。金玉均。朴永教等十數人。請世凱及提督吳兆有。總兵張光前。晚曼。謀害華官。兆有等疑有變。辭不赴。世凱恐示弱。獨衷甲輕騎往。主人半至。索饌先食。食已。攜朴永孝。手至馬前。輕騎歸。黨眾相顧失色。謀不得逞。越二日。洪英植徐載弼。復設筵於郵政局。宴閔妃姪閔泳翊等諸戚貴及英法美日領事。中國商務委員。日使稱疾不至。

宴耐局後火起。眾賓出觀。徐載弼率留日學生十餘人。突前擊泳翊。泳翊仆地。賓主譁散。洪英植等即奔入王宮。告王曰。清兵變。戕泳翊。王及妃大怖。英植脅王移別宮。金玉均袖出紙筆。執王手。逼書日兵入衛。送日使館。日使竹添。遂率日兵三百名入宮。拘王及妃世子於景祐宮。矯詔召戚貴老臣閔台鏞。趙寧夏。閔泳穆。尹泰駿。韓圭稷。李祖淵等。悉殺之。並殺太監柳在賢於王前。血染王襟。而以洪英植為右相。朴永孝典兵。徐光範司外交。朴泳教授都承旨。當亂之初起。世凱聞警。即率兵馳往。及抵郵局。寂無人。趨王宮。宮門閉。乃集提督吳兆有。

大總統袁 第三十四上 五

總兵張光前。會商救護策。兆有光前以無北洋令。不敢發。世凱不得已。乃電請北洋。北洋以中法戰方急。命堅壁待援。未幾韓亂益甚。韓廷臣金允植。南廷哲等泣請救王。領議政沈舜澤。亦飛書請兵定亂。會韓宮人來報。亂黨將劫王赴海島。立幼君。附日背華。世凱奮袂起曰。我輩統兵防韓。若失其君。並失其國。咎將焉歸。且韓既附日。亂黨必斷我歸路。合兵攻我。我何由歸。今日之事。我獨當之。如獲咎者。不累及諸君也。料事如神。求之古。西域兵。即分兵進攻。兆有光前抄左右。世凱任中路。為近之。由敦化門入。亂黨退守樓舍。朴永孝督日人所練韓軍。

及日兵數十人憑牆夾擊彈雨下世凱奮師仰攻死傷過半會世凱教練之韓軍數百人亦至夾擊之亂黨不支敗逃追躡至後山坡下地雷突發轟兩卒尸飛空際世凱亦震仆墜坡下負傷躍起仍力戰至日暮聞日兵歸亦收兵方戰酣時吳兆有兵不戰潰走兆有跣足號哭張光前避彈金虎牆下終日不敢出世凱歎曰淮軍暮氣一至此耶自日人代練韓兵與世凱所練者久有隙至是互相仇殺槍聲達旦不已而附日之兵卒敗力華然亂黨既戰敗王及妃世子乘間逃世凱歸懸賞求王或傳王已遇害人心益驚擾王有庶子年九齡因妃妬

袁大總統

第三十四上

六

使館遁仁川開化黨金玉均朴泳孝徐光範徐載弼均隨遁既而韓各道援兵雲集王乃還宮王懇世凱仍率所部入宮護之未幾妃及世子亦歸人心漸定世凱既救王存韓戰勝日使軍民感激沿街巷豎木碑誌功德出則父老婦孺圍隨瞻望丰采馬不得前夜則張燈燃火羅列引導以為常遠方各社則仿生祠例立衙牌朔望拜祝千古立功外國者皆偏重於威恩則無及此者韓雖奉中國正朔而國內紀載仍用崇禎甲申後第幾年至是始以光緒紀年焉世凱居王宮偏殿下與王一牆隔韓諸部大臣每日環伺白事聽指揮久之日濟師仁川漸眾韓軍民懼甚

袁大總統

第三十四上

七

匿民間世凱乃遣韓臣李應浚迎之擬立為監國應浚行矣忽報王匿北門廟內遣華官茅延年往迎之洪英植朴泳教方劫王奔日本會吳兆有張光前亦至王遂牽延年衣趨入輿延年揮韓衛士誅殺洪英植朴泳教及留日生徒九人復生捕徐載昌等三人並誅之王既至華營執世凱手流涕為言洪英植朴泳教逼易白衣赴日本也情味益然歸熙甫所謂黃太史公時韓重臣大如立千載之人而與之語也時韓重臣均遇害凡內政外交軍事悉主世凱世凱上馬督兵下馬草檄日夜籌策無暇晷時年二十六髮為半白竹添同館後韓軍民恨之更番狙擊竟夜嚴守次日遂自焚

世凱極意鎮定之韓上下倚以自固初日兵入韓宮世凱函詰日使竹添不答至是竹添遁赴仁川始覆稱率兵入宮由韓王所請接書未及啟視貴軍已闖入不得已應發小槍自衛世凱覆曰韓亂臣劫君恐波及貴部未便坐視不圖甫入門槍礮並發猶以為亂黨抗拒接來函始知發礮擊我者貴使為之也竹添語塞日人益忌世凱向政府聲告世凱妄啟畔端曲不在彼總理衙門不能辨詔遣吳大澂續昌來韓案問世凱歷述變起事實附列佐證為書待諸馬山浦獻之大澂據以上聞日本亦遣全權井上馨率兵千餘至韓大澂等奉使無

全權井上不與議韓王命其臣金宏集充韓全權與議款約成井上馨即行韓自光緒二年日本兵艦駛入江華灣被礮擊乃遣使責問朝鮮並以甘言誘之韓遂與日私議商約而清政府未之知至是華使在境坐視韓再與日締約剝奪主權且辱莫大焉而大激等憤然不知其爲國恥也韓亂既已世凱遂告歸即獻策北洋韓政治不修迭生變亂宜遴選監國代執其柄不報十一年正月吳大澂至津語北洋大臣李鴻章曰公向謂張幼樵爲天下才我見天下才乃袁慰廷耳即以才可大周颺言於朝由是望重中外稱袁司馬云井上馨之初

袁大總統

第三十四上

八

特而仇日益深稅務司穆麟德遂嗾韓結俄清廷憂之六月韓遣閔忠默賚奏來華北洋大臣李鴻章慮韓抗拒欲遣海軍提督丁日昌總兵黃金志率水陸師護是應歸議未決訛言繁起鴻章復慮韓挺而走險召外兵滋亂乃決議起用世凱世凱既至鴻章喜謔曰今如演劇臺已具客已請延頸企踵待爾登場矣世凱避讓請如原議與丁黃同往鴻章笑曰韓人聞袁大將軍至懼聲雷動誰敢抗拒阻兵無須遣祇與爾水師數十作導引足矣八月世凱護是應行初閔妃聞是應將釋歸志甚謀所以阻之無不至至是陰遣閔泳翊來津求世凱置

袁大總統

第三十四上

九

至韓也已示意要中國同撤駐韓兵二月日復遣全權使伊藤博文來津議約朝命李鴻章爲全權大臣吳大澂續昌副之先是駐日使臣徐承祖電奏日廷意欲懲治駐韓華將政府救北洋堅持不許及伊藤至三月約成一中日盡撤駐韓兵二中日均勿代練韓兵三遇有大事中日遣兵互相知照是年夏清如約撤駐韓兵於是我在韓實權盡奪韓不啻自主我所遣商務委員與各國領事無異特藩屬之虛名存耳

我亡韓之漸層層洗發清晰分明

是應歸第而閔妃逮捕是應親信三人誣爲逆黨殺麟德助韓結俄事爲李鴻章偵知撤其差以美人墨里賢代之穆麟德乃嗾俄使韋貝要韓陸路通商並代練韓兵保護韓國將換約矣會世凱至嚴詰之韓外部督辦金允植懼祇允俄陸路通商於是韓復私與俄締約穆麟德既挾韋貝恫喝韓人復結納閔妃謂有術可拒

是應妃德之月給三百金出入宮庭無忌憚世凱作書遺王及諸閔王驚悟九月奪穆麟德典圖局差給薪金三月遣去穆麟德既去王惑亦息世凱遂同北洋覆命鴻章大悅時駐韓商務委員陳樹棠不見禮於各國領事鴻章乃諷樹棠告歸會韓王亦咨請北洋再遣袁使來韓鴻章乃奏言袁世凱膽畧兼優能持大體為韓人所重其王亦來函敦請遣往相助宜優其權限辦理朝鮮交涉通商各事畧示與聞外交之意又片陳韓趨向不專擇強自庇日兵甫退俄使旋來借箸代籌幾於智盡能索袁世凱足智多謀兩次戡亂皆身在行間操縱

袁大總統

第三十四上

十

文章機軸鑄錘在手經緯從心二
十八宿羅心胸筆補造化天無功
十二年三月韓復與

法定約傳教雜居減輕稅則韓臣金嘉鎮鄭秉夏復與俄使韋貝結陰送文憑於俄訂密約求保護冀自主世凱訶知嚴詰之並獻議北洋如萬不得已宜明降諭旨廢去舊君更立李氏賢者以兵數千保護東藩置傳設監此議稱甚時我已與日締約不能駐兵朝旨即允所請胡能實行然項城少年思想之雄偉則可見矣王及妃聞則大恐遣領相沈舜澤左相金宏集詣謝謂王實不知世凱窮究之於是韓囚金嘉鎮金養默抵罪密約遂已十二月英還巨文島於韓十三年四月美人福久復以背華自主策愚韓韓王及鄭秉夏金箕錫等昵之世凱託病赴仁川示絕韓韓王恐遣大臣挽世凱

袁大總統

第三十四上

七

踵相接韓外署則賤美使丹士謨逐福久世凱乃歸而稅司墨里賢更以借款開礦說餌韓客卿德尼亦美人附為謀主七月韓竟遣朴定陽為全權大臣駐美趙臣熙為全權大臣駐英德俄意法英德領事語世凱曰韓遣專使非華屬矣胡坐視世凱告急北洋於是有詔切責韓廷韓廷急乃遣使出城止南門外而使已發為詞領議政沈舜澤謁世凱世凱命詔同使臣遣大臣奏謝韓不聽復有詔責韓王敕改全權為三等使韓復不聽政府不得已與韓約使到先謁華使再由華使挈赴外部十月朴定陽至美違約不先謁華使世凱傳朝命

要調同治罪趙臣熙聞訊逗留香港不行韓商務久爲日商壟斷華商寥寥自世凱至韓招商東渡分設各村市會館開駛商輪籌與特別利益立董事設巡警增置龍山仁川釜山元山理事保護維持逾年華商水陸輻湊驟增數倍華商既日多往來運載用日船不便十四年二月世凱提稅務司銀萬圓租招商局船往來仁滬間商旅大便五月漢城民毆斃教徒十數人韓王密請俄法美兵入衛世凱亦請調水兵並建議北洋咨撤德尼或引拘閔泳翊擇一嚴究逆折異萌不報十五年三月朴定陽回國王擬授以外督辦詰止之閔泳翊德尼

袁大總統

第三十四上

三

議貸法費二百萬以關稅作抵論罷之十月韓盜日熾十一月韓東學黨始作亂十二月王如持朴定陽案甚力求改前約令趙熙臣等得赴任不許十六年正月趙熙臣因國信未立朴定陽案未決稱病自還韓復以朴齊純代之四月朝鮮趙太如薨世凱請依故事遣大臣祭賻朝旨從之閔妃以王居喪不宜聞政事無大小由如專決如益亂政后干政而清亡如干政而韓亡女艾何哉世凱復請罪朴定陽韓乃假誤值咎罷其職八月閔妃聽信周鎬復起用朴定陽九月欽使到韓美人德尼黎仙得說王在宮候見世凱卒刼王依故事郊

迎十七年八月以母病假歸薦龍山理事唐紹儀代理十一月丁嗣母牛太夫人憂北洋奏請賞假百日請終制弗許十八年四月復來韓雖與各國定約通商然以華屬故僅設領事惟日置代理公使至是乃遣棍山爲正使復議遣二等全權世凱告急北洋十月日遣大石正已來漢充駐韓全權正使世凱愈危慮王如方稱壽集倡優數百賞賚費百萬而庫儲如洗官兵薪餉久缺人切齒盜賊公行大石正已倡言聯各國脅華扶韓自主逐海關華官遣五國使附日韓人聞之喜十九年世凱說韓遣學生赴津肄業水師武備各學堂時東學

袁大總統

第三十四上

三

邪教遍南道自詡能呼風雨致神兵來漢數十人請韓政府盡逐各國官民祇留華人揭榜西人門額詬詈備至外人均大恐日尤甚多帶刀晝行世凱告王擇誅其魁王不聽三月漢城老弱婦女陸續赴仁川西國婦孺亦多去亂日張未幾忠清道報恩縣教匪數萬日夜聚誦法咒揚言斥夷討日且來攻漢漢民怨政府無道思亂者亦十八九世凱說韓廷遣重臣撫諭之而梟其渠惡且寇糧械少先發易制韓上下怯輒仍不聽前二不制韓也此二不聽我爲韓謀也我之亡韓韓之自亂益亡俱歸納於不聽世凱之言見項城關係之重世凱始以宣撫使魚允中討之世凱說允中先以兵絕

賊糧道令自解允中不得已遵用世凱策匪果散去而
逸其渠率世凱以久必仍亂電告北洋爲備七月復命
粵商在滬造內江小輪收運利且備意外渡兵八月日
臣大鳥圭介代大石爲正使二十年四月全羅道泰仁
縣東學黨爲亂殲全州兵千餘忠清各屬均起兵相應
韓遣洪啟薰討之韓政亂殘民不堪命全冠馳檄告韓
政詞甚切兵將皆畏縮不進王畧無籌策欲聚兵漢城
自保世凱屢爲畫策王猶豫不能用既而全州靈光皆
陷韓軍破膽求華以兵來討北洋遣提督葉志超率兵
至牙山五月大鳥亦率日兵船到漢寇聞華兵至自相
驚擾全州遂復已而日兵船來益多由仁釜登岸分守
要隘世凱告大鳥韓亂漸平華兵即退要日亦退兵大
鳥諾之而潛渡師濟遠船方伯謙方駐仁川見日兵多
遂移船去於是日兵遂據有漢城仁漢華商紛紛逃散
北洋大臣李鴻章重開戰釁仍敕世凱說阻日兵世凱
謂日兵益多非空言所能阻宜調南北水師簡練陸軍
備戰並延駐華各使調處又建議出疆軍律爲重事體
得失舛端息開皆繫乎此宜先慎擇知兵大員以爲主
帥水陸均聽節制免號令紛歧事權不一並密陳方畧
於葉志超志超不能用也日兵既據守漢城即斷華兵

袁大總統

第三十四上

四

入漢路更架巨砲指華使署大鳥圭介干涉韓政韓宣
言不認屬邦日政府要我賠兵費三百萬許朝鮮自主
北洋大臣李鴻章持重欲許之宰相翁同龢閻國勢且
素與鴻章不睦聽信無識京朝官持清議詆鴻章遂開
戰自世凱到東日人因事嫉忌韓東學黨人恨之伺察
使署不能出薪米缺乏幕僚皆潛遁會總署召令歸國
六月世凱遂由英領事保護離韓是直朝鮮失敗歷史
始末記所關國故甚
大特以項城韓絡之耳
勿徒作一人歷史觀也

袁大總統

第三十四上

五

袁大總統畧史第三十四下

世凱既離韓七月李鴻章檄令撫輯朝鮮義州各道會直隸臬司周馥主東征轉運馥知世凱賢遂予襄助乃復出關設局鳳凰城其時日兵已將渡鴨綠江而西矣扼江統帥宋慶劉盛休馬金敘兵雜將歸索餉索械隨給隨棄世凱自前敵至遼陽分設十二站轉輸餉械源源不絕九月馬玉崑宋得勝與日軍戰敗績倭恒額退渡遼河宋慶退扼摩天嶺日兵進屯岫岩州分趨大東溝皮子窩我軍疲於奔命時盛宣懷在北洋世凱電宣懷云西人用兵大概分爲四排隊前一排散打敗則退至第三排後整隊以第二排接應輪流接續後排隊伍嚴整亦以防包抄旁擊又隊後數里駐兵設礮遏止追兵掩護殘卒雖敗不潰今前敵各軍多用擊土匪法挑奮勇爲一簇飛奔直前喘息未定已逼敵軍後隊不敢發礮恐誤擊前隊簇前數十人擁擠一處易中敵彈故難取勝後隊又不駐兵收束一敗即潰請告諸統帥仿照西法認真練習又言劉盛休軍專抄掠聶士成軍不過千餘精壯俱沒呂道生軍亦傷亡大半事勢至此惟有停戰議和冀因宣懷風示當軸十月九連城兵潰移遼陽械餉於新民廳十一月宋慶劉盛休敗至田莊台

袁大總統畧史第三十四下

湘撫吳大澂率湘軍來援氣銳甚亦至田莊台世凱謂大澂曰日兵如逾海城抵牛莊西援可斷營田道北趨可絕遼瀋援各軍必難支奉省亦可慮大澂不納方與宋慶爭駐地未幾均敗竄如所言十二月詔以江督劉坤一督師王文韶爲直督二十一年正月牛莊營口皆陷政府遣李鴻章赴日本議和世凱督飭轉運搜捕逃兵自秋徂春遠行冰天雪地中嘔血壯熱視事不廢自軍興世凱建議北洋及前敵諸統帥指陳形勢逆策成敗書凡數十上多切中事理惜不盡用四月和局定回榆時和約未換內外爭主戰劉坤一王文韶亦強附主戰議世凱痛陳不能再戰之由語尤切先是世凱以積勞簡浙江溫處道至是轉運事竣將赴浙矣世凱自移駐韓即以能治軍名承上啟下轉報分明中國既戰敗宰相翁同龢李鴻藻榮祿始知湘淮各軍竄敗不可用世凱既入都與翰林徐世昌張孝謙閻志廉等深相結納俾掄揚於翁李之間志廉等皆翁李門下士信之於是鴻藻謂世凱家世將才嫻熟兵畧如令特練一軍必能矯緣准各營之弊揚言於朝榮祿亦右其議遂留世凱項城雄畧始於練兵故此處用極重命條擬練兵及之筆標其緣起以後文勢皆通透矣命條擬練兵及西洋操法數千言上之十月督辦軍務大臣醇王奕譞

袁大總統畧史第三十四下

慶王奕劻軍機大臣李鴻藻翁同龢榮祿台詞奏言查歐洲各國專以兵事爲重逐年求進精益求精水師固其所長陸軍亦稱驍勇中國自髮捻削平以後湘淮各軍沿襲舊法暮氣漸深難資得力現欲講求自強之道固必首重練兵而欲迅期兵力之強尤貴更革舊制去歲冬月軍事方殷之際會請速練洋隊蒙派胡燏芬會同洋員漢納根在津招募開辦嗣以漢納根擬訂各節事多窒礙未行另由胡燏芬練定武軍十營參用西洋步伐號令整齊雖未盡西國之長實爲前路之導今胡燏芬派造津浦鐵路而定武一軍接統乏人臣等公同

袁大總統

第三十四下

三

商酌查有軍務處差委浙江溫處道袁世凱樸實勇敢曉暢戎機前駐朝鮮甚有聲望其所擬改練洋隊辦法聘請洋員合同暨新建陸軍營制餉章均屬周妥相應請旨飭派袁世凱督辦新建陸軍假以事權俾專責任先就定武十營步隊三千人礮隊一千人馬隊二百五十人工程隊五百人爲根本再加募步馬各隊足七千人之數卽照該道所擬營制餉章編伍成軍每月約支正餉銀七萬餘兩至應用洋教習洋操由臣等咨會德駐使選商聘訂果能著有成效再擬逐漸擴充詔報可定武軍駐距津七十里之新農鎮津沽間所稱爲小站

者也李鴻章平捻匪後駐淮軍於此曾仿屯田法鑿河引水種稻淮軍敗後漸成廢壘世凱修繕擴充屯駐於此於是選將才募丁壯購馬匹一器械十一月成軍未幾所聘洋員次第到營卽開德文學堂以德人募興禮魏貝爾爲語言文字教習以伯羅思爲德操教習以祁開芬爲礮隊教習以曼德爲馬隊教習所夕督察事無鉅細躬親三月軍氣大振二十二年三月御史胡景桂奏劾小站兵營尅扣軍餉誅戮無辜詔宰相榮祿到營案問榮祿校閱畢大驚異誠不料成軍未久步伍陣法精密如是也同京覆命奉溫諭嘉獎世凱在營常練行

袁大總統

第三十四下

四

軍操法或演夜戰防禦攻守如臨真敵雖極疲勞無或休息二十三年六月擢直隸按察使是年德租膠澳英租威海衛國勢日危二十四年七月入覲時德宗銳意變法引用新進譚嗣同林旭康有爲等厲行新政欲巡幸天津大閱而太后撓政權嗣同以德宗殊諭付世凱命同津誅北洋大臣榮祿去太后羽翼未幾事洩八月朔詔以侍郎候補榮祿入都護理北洋大臣太后訓政殺譚嗣同林旭等罷幸津十一月復奉詔入都賞西苑門內騎馬并乘坐拖床條議增鹽價覈錢漕清釐稅徵契稅諸大政又奏請設製造軍械廠以一全國軍械時

新建陸軍訓練已屆三年十二月復命榮祿校閱二十五年德人築膠濟鐵路土民暴動抗阻沂州殺教士山東巡撫張汝梅不善處理詔新建陸軍移駐山東世凱既密陳東事方畧復奏言爲今之計舍練兵別無善策有兵不練與無兵同練不如法與不練同五月授工部右侍郎復密陳山東日照高密交涉方畧十月奏進段祺瑞王士珍馮國璋等所繪行陣圖說會山東巡撫張汝梅罷以毓賢爲巡撫毓賢狼戾仇外山東堂邑有八卦教者舊名義和拳坎字拳爲李清餘孽乾字拳爲離卦教餘孽李秉衡撫東時獎誘之及毓賢來薦其渠於

袁大總統 第三十四下

五

北京親貴於是拳寇之禍起於山東十一月遷山東巡撫馳抵德州即電直督裕祿會剿拳寇裕督憚親貴不敢發二十六年二月東昌濟南泰安曹州拳寇竄起世凱遂道府牧令區分解散復遣營伍梭巡捕緝誅其渠率拳寇見世凱異毓賢遂相率赴津保於是乾字拳蔓延於深冀由涑水定興入京坎字拳蔓延於滄州靜海漸次入津黨魁張德成曹海田皆爲直督裕祿所親拜而北京親貴尤迷信奉仰中外洋人慘被屠戮世凱知不能力爭陽言勸戒陰飭部吏嚴法捕誅以故拳寇始起於東及其大盛而魯遂絕迹世凱之初至按察使胡

景桂以會劾其練兵懼甚世凱一見即釋前嫌推置心腹會德人築路沿路工人與鄉民齟齬構交涉世凱檄景桂率防營截查禁阻景桂亦感激馳驅維護華洋調和民教卒賴其力地以安謐世凱以山東洋面二千餘里所部七千人不敷用乃裁併東省舊軍三十四營編新軍二十營稱武衛右軍散駐武沂曹兗登萊青各屬汰冗去弱分防扼要土寇聞風攝伏不動四月詔謂有人奏請籌練義和團是否可行世凱覆稱義和拳以邪術擾民劫掠教堂抗拒鄉團久爲常赦所不宥而言者輒加怨詞動稱官練將來爲禍尤烈萬不可行奏入朝

袁大總統 第三十四下

六

論譁然時京師紛擾朝貴附拳寇者慮李鴻章梗議出爲粵督鴻章奉詔即行未幾拳寇毀保定鐵路裕祿命楊嗣同諭解之行及易州被戕死聶士成剿匪落堡盛誅夷嚴詔詰責於是京津保三處寇勢燎原與董福祥相結圍攻北京使館世凱電榮祿速以兵保護各國公使出京不報時八國已起聯軍世凱以政府顛狂難與議乃連合沿江海七省督撫密與各國領事商護境內洋人聯軍來亦不犯境所謂互保之約也互保之約起東南厥功甚偉而項城忌言之以其述近獨立也然當時朝貴實無能見及此者可謂思深慮遠矣此處文氣太緊造福山東留待後文六月政府徵援軍遣登州補敘此虛實相生相讓法也

鎮總兵夏辛酉赴援。世凱聞京師使館尙未攻破，乃與粵督李鴻章、鄂督張之洞合詞請榮祿代奏。剿寇議和不報。時太后昏駭，縱容端莊爲亂，榮祿孤立無援。書凡七上，后不從也。已而聶士成戰歿於八里台。世凱復與粵督李鴻章、鄂督張之洞、江督劉坤一十三人合詞奏請明降諭旨，保護洋人，致國書德政府，惋惜德使被戕，并撫卹各處被害洋人，不報。未幾天津失守，世凱復連合各督撫奏請護送各國公使赴津，仍不報。復合詞奏言保護各國公使，卽所以自保使臣，保護在華洋人，亦所以自保在外僑民。時局轉旋，首在此舉。語尤痛切。太

袁大總統

第三十四下

七

李鴻章連同北洋幹旋大局。世凱以晉省貧瘠，以銀十數萬濟行在，復率東南各省獻進方物。初，世凱恐拳寇同竄魯境，紮重兵於直魯邊界，剿除餘寇。境內肅然，及聯軍入都，進畧保定，正定、河間、深、冀各境，教民附爲報復，烽烟遍地。惟至德州，則斂兵不進。於是距德州相近民家，以白堊大書山東地界於壁，聯軍望之，卽相戒勿犯。魯民至是始知前此剪滅拳寇爲禍，昇獻扁額，山積堂皇。北洋大臣李鴻章亦致書世凱，云：幽薊雲擾，齊魯風澄，當時謂爲實錄。前路文氣太緊，不及迴筆而造，前此間以李書二句，屬語山東之實，又不可忽略，故補敘於文氣愈厚，雄駭整齊。當拳匪正盛時，端王遣拳率持

袁大總統

第三十四下

八

三省事及中俄約會電爭執取決於魯電盈一篋四月
丁生母憂司道及紳士聯電北洋大臣李鴻章請奪情
五月詔給假百日請終制弗許會慶王奕劻大學士榮
祿疆臣李鴻章劉坤一張之洞等均飛電挽勸乃改爲
攝職并諭賜劉太夫人祭奠遂起應詔六月命江南自
強軍交山東訓練九月北洋大臣直隸總督議和全權
李鴻章薨於位於時列國軍隊紛屯京津間兩宮西狩
生民喘息未定頓聞惡耗舉國邊駭乃以世凱爲直隸
總督北洋大臣十月抵保定直士民額手稱慶旋以共
保東南疆土功晉太子少保銜奏請顯戮董福祥以謝

袁大總統

第三十四下

九

天下不報十一月太后皇上回京賞穿黃馬褂紫禁城
騎馬舊例皇帝巡行郡縣謁東西陵平治道路修繕橋
梁皆州縣供給資用夫役官民苦之世凱特籌銀一百
萬用同鑿州縣官無絲毫擾累自是著爲例民間不復
知有皇差十二月請撥善後經費一百萬添募新軍二
十八年二月以大局粗定服未滿請免官弗許與江督
鄂督奏舉侍郎沈家本出使大臣伍廷芳編訂新刑律
復合詞請設仕學館縱令軍機處部曹京堂翰詹科道
游觀講習遴武衛右軍畢業生五十人赴日本習陸軍
五月真除直督兼北洋大臣世凱以中國積弱舍練兵

無以圖強而湘淮營勇舊制窳敗難用既真除遂奏請
創練北洋常備軍釐訂營制餉章曰查各國兵制不由
招募計丁抽練入伍又有續備後備之分軍械戰具每
兵豫備一有征伐立時齊集平時抽練可省三分之二
戰時徵調驟增兩倍之力中國武備素未講求辦理尙
多窒礙酌量仿照以冀先立規模現已挑選各屬壯丁
爲常備兵支給全餉在營三年退爲續備月支餉銀一
兩又三年退爲後備月餉減半歸家冬季調操一月仍
給全餉年限既視各國爲少而又予以常餉庶易招徠
至各路營制姑參仿各國制度虛其半數以待徵補三

袁大總統

第三十四下

十

年後續備有人遇有戰事即可徵調補足六七年後以
五千之餉可養二萬候補之兵永無倉猝招募之弊擬
先創練常備軍一鎮計步隊十二營礮隊二營馬隊四
營工程輜重各一營俟餉項稍裕再添練一鎮兩鎮四
協共兵一萬九千一百二人年支餉銀一百九十九萬
餘兩但能按年籌餉即可按年擴充餉以漸籌而不苦
其艱兵以遞增而不形其擾又各國武員皆係實缺任
專責重絕無濫竽請按其等級與官缺相比全軍總統
職仿提督兩鎮翼長仿總兵四協統領仿副將以下各
有差准其一律補署詔報可營制既定遂創設軍政司

於省垣以總武備復籌設全省學堂以美人丁家立爲西學總教習七月更奏設學校司以總學務於是文經武緯區畫燦然規模程序甲各省矣天津自外兵屯據各國將領設都統署理訟獄奪主權至是以世凱治績日著始允交還世凱遂駐津廢都統署聯軍解津自失守後歸外人轄治已二年世凱蒞津士庶夾道歡迎以重見漢官威儀爲幸八月奏改府道州縣陋規爲公費奉命爲督辦津鎮鐵路大臣赴山海關晤俄提督巴希諾接收關外鐵路九百餘里俄員俄兵均撤英亦交還關內鐵路八百二十三里當是時各國席戰勝餘威要

袁大總統 第三十四下

十一

庚子亂時侍郎張翼懼爲俄人所奪奏請加招洋股改爲中外合辦後局員楊善慶懸龍旗局中英領事金璋弗許會世凱銷假回津道上海晤薩使薩使謂開平礦前賣與英商胡華非中外合辦不得懸龍旗世凱以前言異張翼奏疑其事後英領事施密士鈔送張翼與德瑞琳代理移交憑單出賣礦局洋文合同載有礦地河道均行移交由接理人永遠執守世凱以爲國家土地豈可尺寸假人張翼何人竟敢私賣礦產奏請敕下外部向英使聲明胡華私約政府弗認如英商必欲合辦應由外部另訂合同詔報可是月奏設北洋陸軍武備

袁大總統 第三十四下

十二

挾萬端世凱偕督辦鐵路大臣胡燏芬嚴詞抗辯鐵路主權卒以恢復而京張鐵路歸中國自造亦定議焉九月回籍營葬賜祭一壇十月葬畢赴鄂閱視鐵廠槍礮廠乘江輪赴蘇晤江督張之洞抵滬晤呂海寰盛宣懷諮詢商約十一月還津十二月奏仿行印花稅法向俄人索還天津西沽機廠一所船塢一所乾塢一所復奉命爲督辦電政大臣收電局官辦二十九年正月命河南山西山東遴選將弁赴北洋學習與鄂督張之洞會奏時艱急迫科舉一日不廢學校一日不興宜按年遞減中額分三科減盡奏入詔卽頒行初直隸開平煤礦

學堂分大中小三等三月赴易州侍太后皇上謁陵四月詔停止苛細雜捐及印花稅世凱覆奏舉辦新政酌抽烟酒等雜捐未便中止不奉詔七月以天津車站逼近租界諸多窒礙與領事團協議於河北設新站又自新站修支路至西沽對岸建貨棧碼頭於是河北衢市開拓經營大數十里租界商務漸次奪回商民頌之九月奉急宣晉都與鄂督張之洞密對東三省事十月奏張翼不過唐山礦一局員胡華僅一商旅竟以國家土地私相授受國法何在國權何在可爲太息痛恨詔奪侍郎張翼官勒限收回礦權十一月日俄將開戰因奏

言日俄齟齬戰端難免就我現勢不得不謹守局外然保持守局遣兵防邊非十數萬人不能周密現臣所部不過三萬擬再增招三萬以資防守而餉項難籌尙無的款詔戶部迅速籌撥於是北洋再增兵三鎮著權大時京師創設練兵處命爲會辦大臣世凱薦王士珍段祺瑞馮國璋爲提調編纂軍制三十年二月奏將開平有限公司註冊取銷收歸中國自開復嚴劾張翼三月初比商由都統署請准承辦天津電燈電車至是呈請開辦世凱以勢難阻止因按原約逐條駁之歷數月約定期五十年年贏利與地方官三分半再以餘利二分

袁大總統 第三十四下

與中國國家至期滿後壹切產業歸直隸政府并先繳銀五萬兩比商以故無贏大困津市銅價昂錢私毀行用沙錢因鼓鑄銅圓三十萬以濟之商民利便六月日俄戰起訂中立條規通告各國八月奏裁霸昌道以下六十三缺學正教諭一百二十九缺十月因庚子約距津二十里內不許駐華兵密選所部營兵三千人授以巡警管理法改警裝蒞津紀律嚴明中西商民交口稱譽十一月奏辭兼職不許三十一年正月奏練兵處編列陸軍名號通國一貫脈絡相連將帥不得私立主名行省不得自爲風氣所有北洋常備軍已一律改爲陸

軍各鎮以符名實二月初臨城煤礦爲郎中鈕秉臣道員龔照璵賣與洋商奏廢其約另訂合同歸北洋管理鈕秉臣奪官龔照璵發軍台効力又奏設天津習藝各局及罪人習藝所凡徒流罪人免發配收所習藝自此始張翼訟開平礦於英京奏賞三品頂戴前往對質四月奏以關內外鐵路餘利年提銀百萬兩自造京張鐵路以詹天佑爲督辦不用洋工程師時有旨保護廟產因奏稱直隸廟產不在祀典者已一律改爲學堂相安無事不奉命六月遣官紳出洋遊歷奏設牧馬廠於黑峯河合沙山七月奏推廣鎮鄉警察八月與盛京將軍

袁大總統 第三十四下

鄂督粵督江督湘撫奏請立停科舉報可復奏太監與太監有犯歸內務府慎刑司審理太監與民人涉訟應就州縣官判審若由內務府提解小民必魚肉難堪請仍照向例咨駁報可自此內務府不能爲姦利世凱既以西法練兵六鎮革新戎政一切新政先天下並舉遇外交尤能折衝政府因特爲倚任大事諮而後行或竟委令處理世凱亦沈毅敢爲不避讓北洋聲威震燦全國用重筆鎮壓以善後勢。前幅隨事順。世凱自創興警察即拔典史趙秉鈞爲局長成效大著會黨人吳樾炸擊五大臣於京師車站詔設巡警部以徐世昌爲尙

書趙秉鈞為侍郎皆世凱所推舉九月日俄既停戰日本遣全權大臣小村壽太郎至都議東約詔世凱入都與慶王奕劻外務部尚書瞿鴻禨為全權大臣與議每開會獨世凱與小村嚴爭互駁奕劻等不能贊一詞十一月約成日人大譁報紙詈小村失職并繪嬰兒大人圖為喻其見忌外國如此十二月再辭兼職仍不許張翼因礦案在英京勝訴而仍依副約所載照英例注冊世凱復嚴劾張翼牒英使否認詔張翼以道員發交北洋委用督使再訟後卒廢舊約以濼礦與開平礦合中英合辦收復主權直民頌之三十二年二月奏科舉罷

袁大總統 第三十四下 五

後宜設提學道視學官改選教職遣翰林出洋詔政務處議奏後多如所奏施行三月奏設課吏館法政學堂許官紳一律肄業四月商部擬訂新章凡鐵路監督總辦加部劄為部議員並遣部中章京學生佐理路政世凱因奏言國家設官內外各有權限如部臣以疆吏為不足問而與司道直接則疆吏為虛設如更以司道為不足恃而由部派員以佐之則司道為贅疣用內侵外以小加大不可奏入部章遂廢是歲改學務大臣為學部行省皆設提學使時直隸已創辦北洋大學高等學高等工業農業師範北洋醫學各一所初等農工業醫

藝徒學堂二十一所初級師範及傳習所八十九所中學堂二十七所小學一百八十餘所初等小學四千一百餘所女師範一所女學堂四十所共八萬六千六百五十二人學務已為各省最矣八月南北新軍在彰德會操詔世凱與兵部侍郎鐵良校閱凡有約國皆遣武員觀操京曹及各行省亦遣員參觀為空前創舉未幾兩軍合戰於湯陰東北復大戰於彰德城東列陣縱擊盡極能事禮畢依據戰理評判得失尙武精神聳動全國世凱於用人重幹才不避食詐一經賞拔則顯達立致所推舉督撫司道遍行省病民之事朝經察覺夕必

袁大總統 第三十四下 六

革除雖朝旨部例抗不遵從於外交不避艱難至力盡而止新政尤能為各省倡而始終重視練兵六鎮將校千百人皆手自拔擢視若親子弟人人能得其死力欽項城生平結東前事文直事聚無毀譽如分而止而文勢如開河放流沙石俱下一種模茂之氣摸人眉宇以故北洋能遙執朝權而謗疑亦起文勢項城內調其擊友密語之云鐵良謂公久將兵必為魏武故悉悉內用抵都宜防之項城晒日中國正行袁運堂堂容魏武出語頗有味併記於此十月朝廷變法改定各部官制奏辭兼領各職報可於是北洋候補道閒散八百餘人先是政府釐訂中外官制特召世凱與鄂督張之洞赴都與議世凱主張中央集權畫一全國行政畧無迴避

至是僚屬投閒者訴於世凱。世凱曰：吾狼受朝廷知遇，冀實心任事，擔當國艱。而言者橫加謗譏，謂將叛國。今日兵權掃地，釋盡竟何如也！此亦足以自白矣。嗟嘆久之。叛國二字預避革命，返照入江翻石壁。十一月，履中日新約，接收營口。營口經日軍據守六年，至是交還，并交關稅銀一百二十萬兩，升舉國旗。萬民懽慶。此與小村折衝效果。十二月，奏設憲兵學堂，電信學隊，壘熱河團場。三十三年三月，奏省公債，關係國家信用，部臣拘於繩墨，一意吹求，請飭下度支部，准接數開支，報可。四月，奏鴉片為中國貧弱大原，而禁令所以不行者，一則與外人未定明約，一則須另

袁大總統 第三十四下

七

籌的款，至禁種禁吸，皆易為功。詔交部議。於是禁烟新約與英開始磋商，因病請假一月。世凱自為直督，即與慶親王奕劻相結，攀援提攜，發抒偉畧，畧無阻格。而醇親王載灃、肅親王善耆、陸軍大臣鐵良等忌之，援引鄂督張之洞，謀新政，冀分奕劻權。世凱鬱鬱不自得。過缺之處大開大合，提頓開鎖，俱極簡明。七月，以病未痊，再假一月。八月，奉召入都，旋授為外務部尚書，與鄂督張之洞同為軍機大臣。自是朝權遂分而為二。亡亡於朝權不一，使辛亥春能如慶王意，起用袁世凱，或從醇澤起用岑春煊，皆可。德川亂乃兩黨相持不決，直至武昌兵起，始起用二人，遲不齊矣。文乃特筆標出所謂識也。外部唯諾成風，遇事

延宕，外人詈之。自世凱視事，力矯舊習，積案一空。十二月，訂立津浦鐵路合同二十四款。凡用人及管理權均歸中國，詳審周密，非他路約所能比。三十四年二月，籌議禁烟與英公使訂議，逐年減運印土，以十年為盡期。初，滬杭甬鐵路與英使訂約修築。三十一年，商部忽奏歸浙省自辦，並詔湯壽潛為總理。事出兩歧，英使詰責，輿論沸騰，持二年不決。世凱到部，與英使改訂借款造路為兩事，爭議遂息。美與我日親，減庚子賠款，資助學生留學。六月，奏遣唐紹儀為專使，齎寶器赴美致謝。八月，贖還京漢鐵路於比，廢棄舊約。自是京漢鐵路權

袁大總統 第三十四下

六

外人不能干預。世凱在樞垣，最為太后所倚畀。青蒲陳說，情若家人。時德宗病劇，無子，太后以建儲事密詢世凱。世凱謀建議，事密不得聞。未幾，兩宮相繼崩。世無驚，中外安謐。初，世凱以海牙和平會議，中國位列三等，親貴出洋，當時恥之。事過輒忘，而美自庚子以來，遇事助我。美總統羅斯福女愛禮斯過津，世凱演劇歡迎。禮儀優沃，及美艦隊來華，世凱復請遣貝勒毓朗、侍郎梁敦彥、詣厦供張。禮尤逾恆。及唐紹儀至美，美總統宣言，擬遣大使駐華。世凱因與慶王密謀，定議聯美，并先遣大使，以為禮先。因乘間獨對太后，慰之。當是時，中美

幾聯盟而樞臣中有與世凱爭權者以不獲預聞為恨
 嘗為輕舉疑阻環生會太后德宗相繼崩有以戊戌輩
 語中傷者十二月詔罷軍機大臣外務部尙書回籍養
 病於是中美聯盟竟中止宣統元年移居彰德城北洹
 上村暇即赴蘇門百泉遊覽徜徉山水間會世凱兄世
 廉自徐州道告歸患偏廢泛與同居兄弟薛花種竹為
 樂自世凱罷斥未幾張之洞亦卒貝勒載濤載洵載國
 公載澤用事監國載灃右之慶王奕劻勢益孤政權愈
 紊天下怨怒奕劻屢思起用世凱竟不能也革命黨人
 遂紛起矣世凱家居三載宣統三年八月武昌兵變湖
 北大總統
 署史 第三十四下 九
 廣總督瑞澂乃詔起世凱為湖廣總督督兵定亂時
 政府震恐已命陸軍大臣蔭昌率海陸軍赴鄂督師世
 凱以戰地不能有二帥遲遲不出九月召蔭昌歸授世
 凱為欽差大臣援鄂海陸軍均歸節制北方軍鎮及巡
 防營將校千百人皆世凱舊部聞世凱出人人思奮有
 衣千似 之勢 癸丑世凱至鄂以馮國璋總統第一軍段祺瑞
 總統第二軍赴前敵勞軍世凱以民軍不足平清室為
 天下怨怒到處瓦解故亂非兵力所能伏密遣人說撫
 鄂軍鄂軍不從時晉陝湘滇皆獨立吳祿貞張紹曾頓
 兵畿輔為變皇族內閣倒資政院乃舉袁世凱為內閣

總理大臣詔仍節制海陸軍以內閣總理兼統海陸軍
 政權專一丁亥至都即詔各省迅速代表來都會議國
 是又三月清室遂遜位建設中華民國共和政府舉世
 凱為大總統語盡詳南京政府清室禪政民國統一政
 府各篇中
 袁大總統
 署史 第三十四下 三

民黨死事記第三十五

革命黨人其初微甚且所為有類田國棟其卒也竟以覆清固由以其學說傳播少年學子亦十餘年來英烈之士塗肝腦糜頂踵有以震動乎人心故人人奮起也世之議黨人者往往謂其因革命為姦利詭詐之而純潔無私殺身殉難者亦多焉烏能一例視之哉爰輯辛亥以前黨人及辛亥死難者略史七十餘人各為之傳遭世喪亂文字失紀其傳而不詳或名聲昭著竟不得其事蹟者亦不少也而疏附奔走者或躡入焉然黨人之情狀大概可觀矣作民黨死事記

民黨死事 第三十五

陸浩東名宗桂以字行廣東香山人父曉帆操航業於上海性慷慨好施與獨生浩東幼聰慧工翰墨精圖畫每見各廠機器輒能繪圖依式構造讀英文八閱月即能充電報繙譯生尤妙詞令滬上西人一見輒傾慕與訂交浩東與孫文同里時過從互相傾倒於是浩東與文及文黨楊衢雲倡行革命於廣州光緒二十一年九月浩東鬻田產訣母與妻聲言開鑛鳩工人百餘至省城給紅帶為識約期縱火焚官署大掠充軍實事前一日為巡防統領李家焯所聞掩捕之浩東先得訊說文走文因得脫險於廣州文既行浩東復入城語同志分

途走而捕已至遂被擒南海令李徵庸問供歛噓歎息泣數行下飭人衣以長衣揮淚斬之時年二十六與浩東同死者有朱邱程三人亡其名

唐才常字佛塵湖南瀏陽拔貢生貌雄奇魁梧為文一灑千言汨汨不窮甲午後創湘學報言變法與梁啟超時務報並風行海內而持論雄邁尤過之一時學者風氣得以轉移借賓定主戊戌政變時務報湘學報皆輟行譚嗣同死康有為梁啟超走日本既有為在海外募鉅資謀起事則招才常至日昇以警使在滬創中國獨立學會而以東文學社為名延攬豪傑圖大舉才常乃命湘

民黨死事 第三十五

人林圭傳良弼黎科潛與湖南哥老會首馬福益李雲彪楊鴻鈞及長江青紅幫首領徐寶山辜鴻恩等相結招集會黨數萬人并與黨人容閔容星橋狄楚賢輪運軍火儲漢會庚子亂清帝西狩才常乃乘機來漢起獨立軍初有為印富有票數萬張給會友為識并以鉅資分給哥老會首領馬福益等質不均李雲彪楊鴻鈞聞之不悅思去而辜鴻恩則別散貴為票李和生則別散回天票自樹一幟富有票貴為票回天票充斥長江上下游由是事漸洩湖廣總督張之洞密偵之於是才常林圭傳良弼黎科同被捕之洞親鞠才常愛其才欲囚

而不殺而巡撫持不許四人同戮死

林圭字悟厂湖南湘陰人時務學堂學生少師譚嗣同仁學佛學又心醉盧梭孟德斯鳩諸學說嘗以美洲之共和法國之革命奔走號召戊戌政變嗣同死圭倉皇自上海譯書局歸哭謂人曰中國流血自譚君始我承其後矣自是書空咄咄如有所失既康有為唐才常謀起兵日人平山周至圭家請與長江上下游哥老會相結圭遂東渡為三島豪俠白浪滔天等所契重及歸平山周贈以寶刀因挾貲返漢倡辦政治學校藉集黨人而潛運槍械及戰利品編立自強軍萬人圖大舉擊書民黨死事

第三十五

三

既經年會各國聯軍入都清帝西走圭奮然曰虎離山蛟出潭易制矣時哉不可失乃電促唐才常到漢部署南軍將發事覺與唐才常傅良弼黎科同死時年二十六
鄭弼臣廣東惠州人三合會首領孫文創設興中會鼓吹革命結弼臣為會員文資其力得不匱乏己亥庚子間文欲在粵舉事而苦無因乃說弼臣潛赴惠州招會黨相機起事文供其餉械弼臣即糾合千餘人屯三洲田山寨待大舉而器械餉精訖不至舉事期因再緩事為大吏所聞遣兵備之既進至沙灣將攻山寨弼臣不

得已遂率革命軍乘夜襲官軍官軍潰走再破敵於佛子拗擒其將杜鳳梧奪洋槍七百支三合會投效者日益多因進攻永湖提督劉萬林負傷復進攻白芒花眾將萬人再進至崩岡與敵軍七千隔河而陣及至梅林孫文忽來電云形勢已變外援難期軍事司令自決進止三合軍聞之多潰散弼臣大懊喪仰天大哭解甲遁南洋匿不見人數月病死據事直書情無不顯所謂語參之太史公以著其潔

詳革命源流篇中

畢永年湖南人當甲午戊戌之交日本民黨犬養毅等思亂我遣平山周至中國招黨人至烟台遇永年偕遊天津北京奔走革命會戊戌政變孫文康有為皆欲與哥老會結樹黨援而為之聯絡招致者永年也後哥老會首領李雲彪楊鴻鈞等至香港與孫文不協永年恥見駟恚甚赴羅浮為僧改名普航抑鬱卒此處著一□字為陸浩東

第三十五

四

鄭弼臣二傳之結品微而顯志而晦或曰永年實未死仍居橫濱營商業待時然自辛亥以來寂不聞疑卒羅浮為信出以傳疑之筆其訣亦得自史公永年之至日會非律賓獨立其統領亞其那爾先福建人孫文命永年率壯士投獨立軍助亞其那爾戰數月援絕歸人以是稱其勇也外遣致收向韻味悠揚

能成基安徽人安徽礮隊隊官光緒三十四年清德宗及孝欽后相繼崩黨人宋玉琳范傳甲李朝棟說成基乘機爲變時南洋軍湖北軍方集皖秋操成基亦以爲人心騷動我軍先發他軍可相繼響應即部署各軍於十月二十六日夜同起至時營長陳昌庸不從手刃之初成基與隊官薛哲約在城內響應及期城外舉火馬隊俟城下久之無聲成基知哲負約乃至臨江寺高阜上以大礮擊城內會江防營兵船至與城上兵夾擊之成基敗走范傳甲李朝棟均被獲戮死宋玉琳逃成基既敗走久之至吉林會貝勒載洵自英歸成基念久亡

民黨死事

第三十五

五

命無已時遂與黨人石德寬喻培倫同要擊載洵不中被擒戮死成基供詞述革命本旨及安慶起兵方略致敗原委洋洋數千言甚可觀人謂與太平天國李秀成供詞等也

李朝棟安徽合肥人生七歲而孤家酷貧母錢氏撫之艱難成立後赴安徽學武備卒業後所如不合不後已入礮營充正目與熊成基結盟起兵而城內外不能相應事敗成基北走出榆關朝棟歸營慷慨不去偵吏畢大懷捕之獻於巡撫朱家寶朝棟抗聲詈家寶爲人道賊並宣布起義本謀即被戮年二十八母錢氏年六十

餘無他子女爲傭以生時人哀之後辛亥十一月民軍請於安徽都督孫毓筠改葬朝棟東門外公園樹之華表

何自新名見田號季達湖北黃岡人少任俠放蕩不羈其友畢惠康以醉俠呼之故又號醉俠自新少失怙其季父質夫令就學年十七補諸生爲文下筆千言師友爭以科第勗之而自新殊不屑舉子業時清政日非外侮薦至自新以世亂未有已欲摧舊政更張之當自學說始乃著書立說於民族人權之義三致意焉自新性磊落謂士類不足語宜從屠沽市井間求豪士提擬有力史漢

民黨死事

第三十五

六

常法後世史使人聞之欲睡者坐不知此而文勢不能振起也乃走荆施求蜀中壯士經年始反與劉大雄朱元成王漢陳邦杰胡瑛邱起華鍾大聲季雨霖徐竹平張佩紳邱介甫熊子香殷勤道熊牧黔張漢何通等設日知會於武昌專與軍學各界結籌大舉且時以講學畜德相勵勉一時人心大爲感發革命風雲彌漫鄂中光緒三十二年冬湖南萍鄉起兵不克陳邦杰死之鄂督張之洞務株連有葛口者僞入黨爲官耳目于是劉大雄胡瑛朱元成季雨霖殷勤道等皆被捕入獄自新變姓名走江右艱難險阻至庚戌冬竟亡命死年三十

鄒容字威丹四川巴縣人年十七遊學日本著革命軍
洋洋數萬言會章炳麟至曰偉其議論為潤色敍論出
版由是名大著後因事歸滬政府目二人為逆名捕之
容聞炳麟先被捕因徒步詣獄自首曰我鄒容也啟鐵
檻亦入豪氣拂拂簡捷翌年獄決炳麟禁錮三年容二
年未幾病死或云為官吏毒斃疑莫能明也

劉大雄字貞一湖北潛江諸生母好佛大雄生不肉食
長不娶妻性穎悟少學佛老言及耶氏教典務躬行實
踐不尙空談平生莊敬雖盛暑不去衣冠與人交久而
敬或謂党人有道德者必先死故民國不幸是說也余
無以辨作者每於此等處表章惋惜有功於世道人
民黨死事第三一五

孫文設同盟會於海外大雄則於武昌設日知會
日知會即同盟分會丙午萍鄉之事大雄被逮入獄供
詞二千餘言鄂督張之洞讀之感激得減殺監禁竟死
獄中死未三月而武昌師起時論惜之與大雄同捕者
有朱元成號松平江陵人為入誠摯類大雄而激烈過
之亦死於獄類敘處簡勁絕倫
殆合首腐為一

陶成章字煥卿浙江山陰人素有大志談革命重實踐
東渡入日本成城學校習陸軍頭角崢嶸時汪大燮為
駐日公使謀去之誘以爵祿合歸國既去而削其學籍
成章自是謀革命志益堅乃與同黨徐錫麟組織光復

會以為機關同志畢集錫麟之刺恩銘成章實與其謀
因走浙江及南洋各島於新加坡創中興日報於仰光
創光華日報於瓜哇立書報社及光復會分部海外僑
商感其義輸貲甚鉅成章悉為存儲靡毫髮侵蝕辛亥
八月武漢事起乃返浙號召舊部恢復浙江事定往來
杭滬欲自募兵經營北伐會抱病就醫於上海法租界
廣慈醫院十一月夜成章方寢忽有二人西裝闖戶入

揭其帳以短銃擊之破腦及腹移時卒侍者聞其音似
女子人皆疑為口都督所使其女子疑為某氏云始成
章所創光復會長江各省恢復功獨多同盟會嫉之見
民黨死事 第三一五

則仇殺會長章炳麟貽書孫文規之仇如故及成章死
炳麟蔡元培皆書生無所發揮光復會寢微同盟會獨
盛於世光復會與同盟會性質絕相類而不能相容作
者每於此處致意其曲直自可於言外得之
彭楚藩字青雲湖北武昌人幼好讀書著詩文少長讀
黃黎洲王船山諸先生遺書慷慨奮發復慕西鄉隆盛
之為人蹶然思有所改革入混成協礮隊為兵繼受學

於劉敬安被選為日知會議員事洩下獄既得出肄業
陸軍憲兵學校四年卒業充憲兵宣統三年八月與黨
人孫武等密圖舉事部署既定將發事洩被逮總督瑞
澂親鞠之侃侃談不少諱瑞澂窮其黨楚藩厲聲曰除

滿奴漢奸外皆吾黨也。臨刑大呼中華民國萬歲者三時。八月十八日也是日與楚藩同死者劉復基楊宏勝復基湖南武陵人。曾主大江報文學社武漢革命鼓吹最力。宏勝能製炸彈偵吏過貨棧有聲轟然入視宏勝面目焦黑兩睛上突大呼我楊宏勝遂被捕楚藩等既死之次日湖北兵起海內響應未三月而中華民國臨時政府竟成立。

張鍾端字毓厚河南許州人爲人慷慨不羈好大言乙巳年遊學日本入宏文學院習普通科後入中央大學校專攻法學辛亥夏卒業返國會武漢兵起全國響應

民黨死事

第三十五

九

鍾端糾集兩河豪傑入汴垣謀獨立被舉爲民軍司令長十一月事洩被捕死事詳河南篇與鍾端同死者王天傑字超凡河南鞏縣人劉鳳樓字子修河南襄城人張得成長安人馮廣才字配三河南永城人徐洪祿字受百直隸正定人王盤銘字新三河南舞當人徐振泉河南河內人單朋晏河南祥符人

張世膺字育和江西德化人年二十東渡學陸軍畢業歸國會陸軍部大操委充審判官旋赴奉天充教練處提調官陸軍小學堂總辦調入京充陸軍部兵馬科科長宣統三年鄂難起命陸軍大臣蔭昌統兵赴援世膺

知鄂軍初起難應敵而調撥軍事操之自部凡所以謀緩援師者計靡不至世膺夙與第六鎮統制吳祿貞善會山西兵變朝命祿貞統師赴援而以世膺爲參謀屯石家莊已而命祿貞爲山西巡撫祿貞單騎赴晉招降軍軍當是時陸軍部運槍礮子彈入鄂道經石家莊世膺等劫之陸軍部軍諮府大震及祿貞歸知事洩卽犒軍欲大舉斷北軍後路祿貞住鐵路站房與世膺異室而處九月辛巳夜忽聞槍聲急赴祿貞室遂同被害

周維楨湖北人字幹臣少勤學善屬文年十六肄業經心書院治經史學有名選送日本留學因與黃興等相

民黨死事

第三十五

十

結識撰雜誌名曰湖北學生界駁忠君舊說爲文數千言鄂官場深惡之停其官費丁憂歸國與胡瑛劉家運等往來湘蜀招納同志會雲夢吳祿貞出關隴從至肅州祿貞經營延吉從至吉林凡詰諭文檄一倚辦維楨居數月草延吉邊務報告書成援古證今數十萬言間島交涉始得所依據祿貞充第六鎮統制維楨爲副官宣統三年九月山西獨立祿貞赴援行至石家莊單騎赴娘子關與晉軍議和維楨說祿貞東連灤州西合三晉橫斷京漢路爲武漢聲援清廷大震辛巳夜遭盜刺殺祿貞維楨同遇害

民黨死事記第三十六

史堅如廣東番禺世家子也性深沉温厚年十七即昌
言革命光緒二十六年鄭弼臣起兵惠州堅如乃謀炸
督署總督德壽方晨睡霹靂從地起擲身數尺外先從德壽
被炸着筆後方補敘堅如謀炸事實此法亦本之左史能使閱者耳目一新屋未陷不傷而
幕友及居民死者數十人窮其賊乃堅如初堅如在督
署後僦一宅與兄古如潛鑿穴及督署實炸藥其中燃
藥線登輪赴港乃時過無聲堅如歸察之藥總為水氣
蒸滅乃復置藥線燃之出息於友人家已而藥發轟然
而傳者言德壽未死心疑之遂復乘肩輿抵督署後視

民黨死事 第三十六

察爆炸範圍如是而止意索然返家偃卧事發縣官逮
屋主窮究之知為堅如殺之兄古如走免然自是家宅
田地悉沒入官資產蕩然矣

吳樾字孟俠安徽桐城人保定高等學堂學生慷慨義
烈素善趙聲聲常賒以詩樾感之遂以暗殺黨先鋒自
任光緒三十一年五大臣考察憲政出洋行至車站樾
易僕從裝混入汽車中車將行炸彈轟然傷紹英餘不
中樾炸死車上血肉粉碎莫知刺客為誰後步軍統領
步兵檢一血衣有肩章窮究之乃知為樾樾暗殺雖未
成然達官貴人心膽俱奪此為中國炸彈第一聲因此特設巡警部故用重筆標出

至今談暗殺者咸以樾為先聲云

徐錫麟字伯蓀浙江山陰人少有大志識膽過人中癸
卯科副貢生充山陰縣學堂堂長紹興府學堂監督又
創立大通師範學堂明道女學堂壬寅癸卯間鳩營設
書局運售東西洋圖書恣士人購覽有功鄉里後赴德
國學警察六月畢業道日本與其國士大夫結交既歸
國黨人陶成章為納資捐道員指安徽久之無事既其
戚湖南巡撫俞廉三致書恩銘為先容得充陸軍小學
堂總辦年餘兼充巡警學堂會辦錫麟本光復會黨魁
陽為官吏陰倡革命光緒三十三年四月江督捕黨人

民黨死事 第三十六

葉姓供同黨多在皖並舉錫麟別名江督電皖密偵恩
銘即與錫麟議方略且曰人言君亦革命黨吾不信故
相委耳錫麟大驚恐事洩被禍遂先發刺殺恩銘語詳
革命流源篇中錫麟既被捕藩司馮煦臬司裕秀環訊
之錫麟猝指裕秀曰爾幸未死裕大震幾踏繼曰殺爾
誠無濟吾之志擬先殺新甫次端方鐵良良弼我捐道
員至此為革命耳作官者偽也滿人虐我漢族近三百
年日言立憲日益專制我是以殺一警百我雖死天下
後世皆知有徐某何幸如之何榮似之與錫麟同死者
陳伯平馬宗漢皆浙人錫麟弟子錫麟所創明道女學

堂去後。女士秋瑾主之。錫麟死。紹興府知府貴福以瑾倡言革命亦殺之。世所傳供詞。秋風秋雨愁煞人也。事皆詳革命源流篇中。錫麟。陳伯平。馬宗漢。死皆葬皖。宣統三年冬。革命軍起。迎其柩歸葬。沿路軍民香花供養。歎其光榮。而所創立之光復會。復沿江各省。功獨多。與同盟會並稱於世。徐波。錫麟。徐君。得此可以不死。

溫生才。粵嘉應州人。子後輾轉入行伍。無表見。則自鸞至南洋。爲苦工。繼識孫文於南洋。聆言論。怦怦動。返粵。袖五響短銃。狙伺滿官吏。思得一當初志在增祺。增祺去。會孚琦來。爲將軍。有演飛器者。孚琦出觀。迨暮。民黨死事。第三十六

民黨死事

第三十六

三

返生才於途中擊之。立斃。從者駭遁。生才從容行。然彈已罄。警卒鄭家森尾追之。生才雄武有力。揮之仆。謂若將居。吾爲奇貨乎。無動。隨者行。英俠之氣。溢於筆端。慷慨詣官。自首曰。吾欲爲同胞伸氣。雪恥。自恨無百金。入京大逞吾志。今日之事。不必於孚將軍。亦不必於孚將軍。於將軍固無私怨也。遂就戮。年四十二。

林冠慈。廣東歸善人也。家世業農。性純厚。沈摯。少居鄉里。目覩官吏殘暴。狀恨之切齒。誓取其尤暴者。手刃一。二未幾。與黨人交。聞民族大義。及俄羅斯虛無黨事。暗殺志益堅。以乏貲。苦無利器。偶得一舊銃。喜不自勝。日

夕試之。窺敗不能命中。乃往從某西士遊。授以化學得硝酸銀炸藥製法。然其術未精。仍無所就。鬱鬱者十年。而志益堅。奔走求不少懈。卒乃投身於某暗殺團。團例新進團員。不得與聞祕事。冠慈初入。爲候補員。勤慎執役。備歷艱苦。嘗自請執行者數次。團員信服之。辛亥三月。廣州將軍孚琦被刺。冠慈聞之。大喜。欲狂繼復。頓足曰。吾蓄志十年。胡竟落人後耶。自是益躍躍欲動。辛亥夏。團中宣告廣東水師提督李準死刑。限期執行。冠慈遂得選爲執行員。以六月入廣州。閏六月十九日。準道經南門冠慈。伺道側。連擲二彈。準躍登屋頂。乘輿立

民黨死事

第三十六

四

碎護從斃三人。傷數十人。冠慈屹立靜觀。不動。筆亦屹立。峰巒旋爲衛兵擊死。冠慈之入廣州。革命軍初敗。官吏每出則槍戟森列。如臨大敵。冠慈日懷彈出入。警士屢詰之。卒以計掩遮。不至發露。其刺準。雖未中人。咸服其勇。抑準之。武技實足自衛云。

陳敬岳。廣東嘉應州人。年三十。至新嘉坡。讀鄒容革命軍大勳。辛亥四月。至粵。思暗殺李準。屢未得間。廣州之亂。吳參議傷足。就醫於韜美醫院。冀李準來慰問。乘機刺之。因亦入院。養疾。而準訖不至。乃出院。久之。聞準往順德清鄉。乃僞作流丐。沿途乞食。以躡之。而準舟行未

登陸復不得逞氣必閏六月與林冠慈何準於雙門底

準至彈擲之不中冠慈為亂兵擊死而敬岳被擒戮死

陳軍雄字官勝廣東興寧石馬鄉人也少揮霍不事生

產嫻技擊飲博自豪父強之為商常鬱鬱旋投入三合

會復入同盟會廣州之役助戰不克亡香港閏六月與

林冠慈陳敬岳偕炸李準不中復亡香港八月黨人高

炸鳳山軍雄又欲往黨人以炸李準無功阻之軍雄請

益堅得許喜躍異常潛往羊城惠愛街陳氏祠偵候而

鳳山久不至履衣典盡及鳳山登岸軍雄伏瓦面與李

沛基同刺鳳山死沛基飛逸軍雄中彈旋死

民黨死事 第三十六 五

張先培字心裁貴州貴筑縣人父良以善戰任安徽提

督良既老生先培幼穎慧少言不洩後入都習法政捐

郎中入貴胄陸軍學堂武漢事起或說其回貴州圖大

舉先培曰吾欲為馬前卒耳都督非所願乃與二三同

志謀暗殺日夜籌議旋以袁世凱為民國障礙既陷山

西又攻陝西欲死之十一月二十八日世凱罷朝出東

安門先培懷炸彈手槍俟祥宜坊酒樓上世凱至飛彈

擊之斃侍衛長袁金標世凱馬人立而嘶車尾炸痕如

蜂窠竟免旋被捕縊於獄年二十一先培之出也語同

黨曰吾能免者吾當再同人有免者亦如之吾人欲為

共和國國民常先為共和國雄鬼聞者壯之明知必死

楊禹昌號敏言四川資州人幼慧喜讀書居鄉鄙苦無

名師邑有劉彥賓者儒而俠好為人排難解紛官府敬

憚之禹昌年十五募劉之為人謁焉劉深器之召入家

塾與子弟共讀學為文出筆有奇氣由是好俠喜為人

鳴不平土豪畏之後來北入保定陸軍師範學堂畢業

充清河陸軍中學堂教習辛亥八月鄂中發難各省響

應禹昌奮袂起告諸弟子曰大丈夫成立功名為國造

民黨死事 第三十六 六

福此其時矣乃率諸弟子南行至滬而南中事已有人

矣復返北謀殺袁內閣或疑阻之禹昌曰最險無過死

耳不死當有成語有斤兩如見其人如聞其聲作者工

中有畫者於繪事殆以畫筆入文者昔人謂右丞詩

命此文亦云中俠氣形於眉宇鄉友有知其事者規以親老無嗣

禹昌復愴然曰吾非不自愛徒以東南大局已定而北

方不協故欲擒賊擒王耳十一月二十八日袁內閣罷

朝出東安門警衛極嚴路斷絕行人禹昌託購茶匿茶

肆門內袁內閣至掀簾擲彈擊之餘一彈手戰未發已

被捕禹昌乃出其懷中鈔票千餘元為誤死者撫卹費

至夜縊於獄年二十八

黃之萌字繼明貴州貴定人性堅忍沉默重然諾不汎交遊能詩文好技擊原籍燕以王父官於黔遂家焉幼從蜀人劉氏學劉固任俠之萌受其學志益堅光緒三十四年聞安南倡義慨然曰安南本我屬地甲申之戰淪於法土民受虐既二十年今竟高舉義麾吾當往助之之萌父母稔其志防守之不得行鬱鬱弗樂妻某氏才而俠微叩其故之萌告之妻爽然曰此事大佳君第去父母朝夕供養我任之無重念也乃以簪珥與之萌之萌大喜宵遁及抵安南境革命軍散志士頭懸於市

記 民黨死事

第三十六

七

肉已腐矣

乘輿而來興盡而返
文筆亦雄駿權奇

之萌悲不自勝賦哀安

南五十章留月餘資竭大困適遇鄉友得歸妻問狀大恚因觸舊疾數日歿後入都學陸軍充測地局員高關河隘塞祕藏篋底人未之奇也辛亥八月聞武昌發難天下豪傑並起乃仰天大笑即亡去不知所之文亦神出鬼沒與情事相類及黨人張先培炸擊袁內閣有懷彈執械窺伺於東安市場北備要擊者之萌也已而袁內閣改道行之萌欲徒步躡之遽為偵吏所扼不得動遂就捕縊於獄年二十一

彭家珍字席儒四川成都人也幼入武備學堂卒業川

督錫良遣赴日本調查軍隊遂入同盟會回川充隊官

旋因事赴雲南欲起事不果復遊瀋陽充東三省學隊官兵營時總督趙爾巽防黨人嚴舉事難遂至北京兵站輸送軍火仍謀變未成辛亥八月武昌兵起南北響應思共和而宗社黨魁袁弼仇漢族持不可家珍曰吾誓撲殺此獠十二月壬寅著軍服移寓金臺旅館自言奉天憲兵營隊官崇恭食已乘馬車著軍服手皮包命僕執刺至軍諮府謁良弼不遇到良弼邸不遇敗興歸少憇復往仍不遇歸至中途會有車自南來家珍尾之行至邸車停果良弼歸也命僕執刺上謁良弼以夜深

記 民黨死事

第三十六

八

辭家珍前云吾從奉天來報軍情所言不可過今夜語

次探懷取炸彈擊之良弼傷家珍亦被擊死又二日良弼瘡重亦死自張先培擊袁內閣家珍擊良弼京師大震親貴無復阻共和又十餘日清室遂遜位每至大關係處必極力停頓二彈之功得此愈彰薛成華字友棠直隸無極人幼入革黨充保陽盲啞教習導昧啟瘖成績甚著武漢兵起風被天下成華遂糾合同志車錫元張墨林曲振元等組織暗殺黨謀擊清臣潛處津埠待時而發民國元年正月北洋巡防大臣張懷芝自都回津成華懷炸彈要擊於新站彈二發俱

未中出手槍追擊之仍未中而巡弁已至遂被捕臨刑大呼曰我今死矣共共和幸無遲遲而不來年二十六著盲啞教程一卷盲啞教授心得一卷刊行於世

民黨死事

第三十六

九

民黨死事記第三十七

趙聲字伯先江蘇丹徒人也

此卷專列廣州發難諸人趙聲當時實不在內而居

傳首者以見此役聲實為本謀又以見同黨達聲節度致青年秀士無數慘死至為可痛也性純樸

以拔貢入陸軍學堂畢業授陸軍職游升江南三十四

標標統會野操過孝陵衛指示眾曰此明太祖陵也即

起立演說太祖祛除蒙古之功及明末清初諸歷史慷慨

淋漓濟軍人感慟後為總督端方偵悉解其職越二年

岑春煊督粵知聲才復任為新軍標統馭下剛柔並濟

賞罰嚴明軍人咸樂為用及欽廉亂起革黨從入者十

餘人欲乘機起事戕官燬署勢洶洶春煊檄聲往討之

民黨死事

第三十七

一

聲不欲傷黨人陰慰之曰事未可為土人氣易餒不足

恃也黨人感其言而散土寇失所依亦分道竄去時有

中傷之者謂與革黨通聲聞聲俱遁海外春煊乃懸賞

五萬金窮緝之卒不獲聲乃為革軍總司令廣州之役

事先聲以省垣戒備嚴徒死無益敕勿動後因事入閩

同黨矯其令發難及聲聞回粵已不及

聲老謀深算在竟至志死亦民既知事敗憤恨成疾不數日卒於雅利

國之不幸也氏醫院年三十九初聲在都與皖人吳樾善多密謀聲

出都以詩貽樾樾感之與聲書云某為其易君為其難

又數月樾遂炸擊五大臣死於車站語詳革命源流篇

林文字廣塵一名時埭福建閩縣人故雲南巡撫狀元
鴻年之孫也幼失恃鞠育於長姊沈葆楨家及長軀幹
修偉丰儀清俊性豪爽揮金如土有無與友人通共光
緒三十一年以姊命渡東留學專攻國際公法及國法
學至私法則不肯學曰此刀筆吏事非吾輩所當急復
治陽明學禪學臨事從容鎮靜人服其養孫文極重之
與汪兆銘黃興趙聲交尤善鄉人慕其德望推為長者
有事一呼無不立應廣州之役文召鄉閩同志數十人
歸國與黃興率以攻督署吹角先驅炸彈聲震如雷鎗
矢雨集文屹立不動實寫從容鎮靜四字有聲有色既與李準先鋒遇

民黨死事

第三十七

文向前招之曰同胞同胞我漢人當同心協力共除異
族恢復漢疆語未畢礮丸中腦頭骨破碎血漿狂湧而
仆年二十七

林覺民字意洞福建閩縣人幼聰慧美丰儀讀書一覽
成誦能文章富辭藻為人卓犖不羣善詠諧遇知己則
諧謔間作一座傾倒年十五入全閩高等學堂即倡言
中國非革命無以自強抗憤激烈聲譽大著光緒三十
三年赴東留學入慶應大學文科專攻哲學與林文林
尹民同儕一廬情若兄弟並知名人號為三林總一筆
是合傳
體且三林為人望所歸此處總
提即為後各傳皆縮三林伏版廣州事起覺民回閩謀

響應既黃興招之抵港請專主粵事罷福州謀覺民乃
挾資旋閩召同志數十人陸續抵港以故閩人赴難者
視他省獨多以覺民為之望也及攻督署揮彈先入而
不見張鳴岐知墮計努目奮擊所向風靡既飛彈中胸
仆地縱聲一呼忍痛復起復殺二人力盡被擒張鳴岐
李準親訊之覺民以問官多粵人不諳國語乃操英語
暢論世界大勢各國時事中國悲觀搥胸頓足涕泗橫
流準乃命釋械坐談與筆札一揮立盡兩紙準親奉張
鳴岐閱之會咳欲唾恐汗地衣準親進痰盂煙茶覺民
則起鞠躬為禮書罷復請登堂演說久之始下被刑自

民黨死事

第三十七

三

大吏以下聞其議論莫不矜其志愛其才而悵然惜其
莫能救也初覺民娶年餘舉一子明慧韶秀夫婦伉儷
甚篤及導鄉人入粵舟次語諸人曰此舉若敗死者必
多吾家有老父庶母幼弟少婦穉兒每一念及肝腸摧
裂然所以從容就死而不顧者冀感動國民同心奮起
重光漢業使此心此志而果克償乎則我輩雖死之日
猶生之年聞者悲之死年二十五

林尹民字靖菴福州閩縣人幼喪母以孝悌聞既長倜
儻有大志英姿颯爽風骨偉岸力能舉三百斤學少林
技五稔盡其術膽勇絕倫有巡役某負其多力橫行鄉

里尹民乃黑夜袖刃狙伏簷際三更向盡役過尹民瞥然下數其罪拔刃擬之役悚慄屈拜哀呼大王大王二字傳神尹民大笑釋而戒之曰趣改過自新不爾不汝貸役由是歛迹不敢爲非於時尹民年方十六名噪一時從父宦浙江挈之任令入學堂時林文在浙與尹民同校相友善也未幾林文赴東留學尹民塊然無侶悒悒不歡從父曰趣爲文言志文佳吾命汝往尹民喜退爲文援筆立成甚可觀遂以光緒三十二年東渡既與林文同入革黨尹民少定婚父屢欲爲完娶尹民百計婉却私謂所親曰今日正志士授命之時縱有美眷猶忍却無

民黨死事

第三十七

四

顧況猶未娶而以絲自裹乎脫有不幸將焉置之宣統三年正月旋閩三月回東當是時鄉人皆赴粵尹民知事在旦夕喜溢眉宇而深咎行者之不先告也即束裝待舟赴粵至三日戰起瞋目大呼所向披靡力殺二十餘人及見林文中彈死益悲憤啞跳盪目皆盡裂遂戰死年二十五

陳與榮字愈心福建閩縣人海軍提督薩鎮冰之甥也幼失怙恃伶丁孤苦性銳敏善屬文下筆如飛於當世士鮮許可惟推服林文年十五肄業高等學堂時閩人因事開大會蒞者多鉅紳碩儒與榮聽其議論不中意

乃挺身出攝衣升壇痛論時局涕泗橫流聞者感動由是知名年二十一負笈東渡鎮冰月資以二十五金不足則於課暇譯述法學書得皆自助當是時閩人皆入革黨辛亥三月得黨命召赴粵眾以與榮體弱難任戰阻勿入與榮曰事者不成諸兄盡死我何生爲不聽既戰飛彈中左目被獲越數日死年二十四

民黨死事

第三十七

五

災大吏以其在城外漠視之每有警輒藉詞防亂命閉城任其自焚自滅爲狀極慘豪商因歛資立消防會以元棟義推爲會長每有急馳援縱橫煙火中燄及身無顧商民德之旋入革黨思暗殺陰養死士飲食起居皆與共劇盜剽客成就之元棟教之以義勵之以武眾化其德願同生死廣州事起黨人招之往元棟喜不自勝謂林覺民曰吾黨亦有今日耶箱二林後仿此余所部皆明大義可用當率以往因謂其曹曰時至矣余將以死報國願者從不願者聽眾皆泣誓相隨弗去及戰元棟與林尹民爲先鋒元棟所率皆豪客尤勇悍吼怒猛撲所向

摧破官兵望即却走未幾額中彈仆血被面幾不可識呼其名則仰首應其友見狀大痛昇置路側元棟不能言揮以拇指令去俄頃死傳神處神妙欲到秋毫頗不規規於左馬而無不酷似陳更新字鑄三又號鐵菴福建侯官人少失怙恃無兄弟性穎慧美丰姿修眉大目年十一入省垣高等小學堂肄業與陳與榮陳可鈞共筆視久之遂成刎頸交稍長讀明季揚州江陰諸記則涕泗交集尋東渡卒業旋閩任城南學堂教員越一年復之日入長門礮術學堂卒業入都覆試得協軍校復旋閩所如不遇恆鬱鬱不樂宣統三年春遊桂林會廣州事起陳與榮招更新大

民黨死事

第三十七

六

喜登舟既而語人曰余結襦三年婦甚賢能與余同艱苦家雖貧形影相依自謂此樂不讓古賢此行不幸若膝下無兒者婦必死殉我今兒在襦襦中求死不得而家赤貧無立錫地嗟呼我死不足惜孤兒寡婦將誰依乎語畢慘然淚落襟袖盡濕昔人謂英雄兒女是其所化聽此益信及抵港見生平摯友畢至氣益勵三月二十九日晨偕與榮入省午後攻督署彈發皆中殪管帶金振邦及兵勇十餘人而手眼敏捷卒不被創及諸人亡盡更新猶孤身血戰官軍不敢進至四月初三日彈盡始見獲官吏見為美少年謂之曰子年尚穉胡倡亂更新厲聲叱曰吾

起義耳殺身成仁古有明訓鼠輩甯知之其速殺我更新恥事不成不肯言真姓名偽名韋雲興云

方聲洞字子明福建侯官人幼警敏饒膽略重然諾朋友有過恆面折之然急人難無倦容年十七東渡入成城學校既二年政府禁自費生學陸軍改成城為普通中學聲洞志習武因大失望轉千葉醫學校既歸娶妻挈赴東同習醫聲洞雖勤學而心憂國事語及時局則嫵愴傷懷及粵事將起眾議以林文赴粵林覺民旋閩謀響應留聲洞於東京代林文為會長聲洞愕然曰諸君不許吾同死耶眾曰此舉若敗精銳盡殲留君所以

民黨死事

第三十七

七

為種子也不然他日豪傑捲土重來我閩無一人矣既聞港事日急乃寄書諸友苦口求往遂托故離東到港見同志獨多大喜二十九日晨入省午後戰起嗚嗚叱咤所向皆摧及入署內寂無人偕黃興大呼衝圍出至雙門底與興相失身被數十創彈盡戰死陳可鈞字希吾福建閩縣人性孝友少有膽識輕死生重然諾兄弟三人可鈞年最少同室有喜慶賀客盈門爭奢靡可鈞獨衣履樸質母好佛可鈞朝夕侍側頓悟禪學謂母曰佛所謂大千世界普救眾生者博愛之謂也無我相無眾生相者平等之謂也以佛法推演革命善解善悟惜乎早

死世人無識。惟清淨寂滅是尙。視同胞苦難。如越人視秦人之肥瘠。無所動於心。卽偶發慈悲。亦祇口頭稱述。問有捨身救世者乎。無有也。是皆佛之罪人矣。母以其識解獨超。益愛之。年十四。入侯官高等小學。與陳與樂。陳更新相友善。讀揚州十日記。嘉定三屠記。輒泣不可仰。已而父母相繼卒。家益貧。依伯父資。送東瀛留學。遂入革黨。任運輸鎗彈。往返吳越。閩粵間。數十次。離家五年。過門不入。其兄留學上海。亦不與一面也。及粵事將起。閩士傾黨而來。事先同志多。謂官吏醉生夢死。霹靂一聲。當失魂魄。得廣州在指顧間耳。可鈞獨有憂色。私

民黨死事

第三十七

八

謂所親曰。彼張李諸人。雖才能不足。而自衛有餘。且蠶蠶尚有。豈可輕視。及攻督署。管帶金振邦。既爲陳更新所殪。官軍奪氣。倏忽散盡。可鈞與更新登躍登樓。同志鼓噪隨之。既搜張鳴岐不得。而李準兵數重圍於外。死戰力竭。被獲。問官云。若白面書生。胡爲逆。可鈞大怒。厲聲喝曰。爾謂此舉爲壯士辱耶。事縱不成。亦可醒悟。世人爾官場。黨心利祿。血液已冷。甯足知此。四月朔。駢戮於大馬頭。年二十五。

姚國樑。號少嶸。四川大足人。在四川陸軍速成學堂畢業。充六十五標見習士官。後遊雲南。奉天。上海。皆不遇。

復回雲南。道香港。遇黃興。談政治。革命大悅。遂入革黨。辛亥春。黃興函招至粵。且曰。時危事急。吾等前抱革命宗旨。今將實行。黨首孫文在外洋購槍。礮。炸彈。運港甚多。吾儕已糾合著名豪傑。及同志數百人。陸續來。餉銀足數十萬。外洋及香港。仍儲基金數百萬。不憂餉絀。處有繪影繪聲之妙。蓋深痛諸少年之慘死。隨給國樑等六人軍費。軍火。使分藏赴省。初。黃興約四月初大舉。後。饒輔廷被捕。事洩。官吏搜捕嚴。乃於二十九日下午起事。人纏白毛巾爲識。以喇叭作軍令。黃興焚督署。而以國樑等堵截官兵於蓮塘街。黃興敗。逃。國樑亦出大北門走。不知路徑。誤入

民黨死事

第三十七

九

軍營。遂被獲。死。饒輔廷。廣東嘉應州人。字競夫。幼讀書。科舉停後。入上海中國公學。畢業。返粵。充小學教職。輔廷在滬時。遇湘人甄超。超爲介紹於黃興。入革命黨。後辛亥春。至香港。遇潮州人廖勉。與語契合。勉向主黨中財政。至是與輔廷共管之。遂稅屋於新城。謝恩里。三月甲子。勉以事赴香港。輔廷獨主軍需。及將舉事。輔廷復稅屋督署旁。欲移軍火。便携取。警區以輔廷初來。復移。屬疑之。弗與遷居。證而拘訊。輔廷吐實。遂被戮。初。黃興擬四月初旬起兵。及輔廷死。知事洩。難緩。因卽日大舉。與胡漢

民見事敗先逃餘志士盡死結處着筆甚輕而意極沈

宋玉琳字建侯安徽懷遠人天資俊爽雙眸炯炯射人

年十二讀書私塾一目十行為文章操紙筆立就一時

有神童之譽十五應童子試府試冠軍補弟子員然非

所願常語人曰大丈夫當馬革裹尸還鄉安能隨眾旅

進旅退作學子年十九娶室未數月妻死逾年父亦歿

玉琳益窮困恫瘁無聊乃充標部書記官冀有所為光

緒三十四年安慶礮隊隊官熊承基為變而主之者實

玉林與范傳甲傳甲壽州人礮營正目隱於兵性叩藹

皖軍數千人無不識之善徐錫麟錫麟敗傳甲痛飲沈

民黨死事 第三十七

醉登龍山極巔北向長號誓成其志後見玉琳曰亡友

徐公後一人也忽用大營包小營大陣包小陣法是深效胎於廉簡諸傳作者固無奇不有

自結納戊申之變多出二人謀及敗傳甲謀刺余大鴻

未成被逮獄卒義之釋其械曰子第去罪吾任之傳甲

曰甯有是吾黨事敗死者纍纍傳甲義不獨活吾子相

愛者請約以二句鐘為限出吾摒擋家事訖來就死受

賜多矣監卒竟釋之傳甲亦如約歸及臨刑玉琳雜叢

人中數然哭失聲傳甲怒之以目曰我死不得已子何

為者速去玉琳遂走不知者以為弟兄也玉琳前在滬

識莫其匡張岐山因識黃興與為革黨總司令意合因

入其黨辛亥春廣州黨人召玉琳既至而事洩官吏戒

備嚴黨人欲散獨玉琳與黃興持不可語詳革命源流

篇黨人聞言氣振立決起兵及戰執彈與黃興張岐山

莫其匡陳昭榮等先入繼復往龍王廟禦官軍敗遁匿

民家菜園中翌日被獲訊供玉琳曰安慶之役吾應死

而不死今可以報吾友范傳甲矣仍收到范傳甲文法細密遂就戮

李達泉字思明一字了然廣東南海人也幼為文雄奇

超邁名流宿學見之輒驚喜武事精技擊沉默寡言蘊

藏深密惟談及清政則勃然色變自幼至長皆然既而

游學四方與海外志士交益思革命以為革命者順天

民黨死事 第三十七

應人雖湯武不廢不革命則國事愈混濁世道愈喪人

心風俗將益墮落靡所底止誰知人心墮落轉因革命成功而益甚哉此亦諸志

士死不及料辛亥三月廣州事起力戰受重傷亟返寓殺其

妻何氏斫其子永貞大呼放火者三仆地死殺妻子何為者太過

年二十四永貞始週歲創重僕婦何氏調護之得不死

愈後還其家人稱為義婦也

馮超驥字郁莊初名敬福建侯官人貌魁梧善騎好獵

力能禦奔馬幼與羣兒戲曠野輒編為軍隊已則麾刀

指揮為大將坐作進退皆可觀福州駐防旗民橫暴經

其地者輒遭挫辱州人雖切齒而不敢與較超驥每聞

其事則大憤誓懲之一日伺悍卒數人出部勒羣兒一鼓擒之曳至大澤中毆之斃由是以奇俠名會庚子亂國勢岌岌乃棄舉子業入南洋水師學堂習海軍是時趙聲亦肄業陸軍學堂聞趙驥名亟訪之一見訂交後入閩長門礮術學堂卒業經部試得協軍校隸閩口礮臺於邑不歡辛亥春粵東將舉事同志諸友聯袂去招之往時父病甚躊躇不能決既奮袂起曰國事公也父病私也吾甯捨私而從公入與父別遂行至中途聞父故一慟而絕嘔血盈盂久之始雪涕曰此去幸而捷吾當自刎以謝吾父與溫嬌同一胸襟此等事吾不敢論列待世人公評可也三月二

記 民黨死事

第三十七

三

十七日會於城內即與林文等往攻督署首舉彈拋擲聲震如雷短兵接敵皆散走奔入署內徧索張鳴歧不得復殺出署外水師圍數重超驥一吼敵陣崩亂形致既被重創血淋漓竟體仍屹立握槍而顛遂仆年二十九

九 韋雲卿廣西南甯人寡言笑喜怒不形從戎桂省爲提督蘇元春先鋒後元春成新疆遂投革黨欽州之役黨軍破防城攻靈山雲卿功爲多後革軍敗散留寓河內法人搜之急雲卿避地海防被拘入獄後法人顧國交安置新嘉坡黨人誣搆之復入獄禁七十日始出辛亥

春聞粵革軍將起事遂回香港黨人知其勇遂爲第二先鋒隊與衛隊戰卻之攻入內室寂無人既衛兵大至退走狀元橋衛兵追急即闖入米肆負隅抗拒時約三十人衛兵不能入後見火起穴壁逃爲衛兵所獲次日處死年三十八

周華號鐵梅廣東南海縣人性倜儻嗜音樂歌舞好結納廣交遊金錢到手輒盡遂傾其產因商於廣西龍州越南諒江時越南河內爲兩粵黨人聚集所華聞之趨河內入黨欽州之役革軍破防城圍靈山不克退至桂粵交界蠻洞中華潛運糧械艱險備嘗及河口事起華

記 民黨死事

第三十七

三

僞鐵路工人裝由越運械入滇至中途爲法官所覺囚華等黨人贖金一千元與法官訟卒不得直法人遂安置華等六人於新嘉坡抵坡主中興日報會坡內志士組織民鐸社新劇因復爲社員曾在暹演徐錫麟刺恩銘華扮徐錫麟激昂慷慨觀者莫不動容下淚也庚戌秋孫文招任機關部書記廣州事起華遂返國隨黨人攻督署足被彈不能行死亂軍中年二十九

羅仲霍號節軍廣東惠州人性聰慧弱冠補郡諸生好詩詞吟詠不去口然弗刻意求工惠州濱海郡人士多通新學仲霍時與往還因南渡星洲蘇門答臘諸島聚

華僑子弟倡民族主義，感動青年，願以大舉不易，思暗殺，因習炸藥學於星洲醫士，既成，北還，辛亥春抵香港，與黃興、趙聲等謀襲廣州，會溫生才事起，廣州戒嚴，或擬緩圖，仲霍獨謂：聚閩粵滇桂蜀洛皖贛楚吳越十一省同志於此，事非易易，今復無端散走，何以對南洋父老？且俟河之清，人壽幾何？君等不往者，吾將一人入虎穴，行吾志矣。眾遂決議入廣州，及戰，仲霍當前鋒，手炸彈盈把，殲敵最夥，已而足中彈仆地，被擒在南海縣廳事中，仍陳革命原理不止，翌日戮死，年三十。

龐雄字魁漢，廣東吳川縣人，少負奇氣，膽力過人，好言

民黨死事

第三十七

古

革命會，粵督募新軍，吳川雄知圖大事，非與軍隊結不為功，乃投筆從戎，暇即與營士演說民族主義，多所感動。我國革命失算全在利用軍人，致演今日軍人專政之禍，惜當日諸志士未及計此。己酉冬，倪映典組織同志會於軍隊中，雄聞之，狂喜，即詣映典加盟，庚戌春軍事潰敗，映典殉難，雄僅以身免，乃渡香港，助同志編繕書報，專說軍界革命，時趙聲、曾部同應趙常山、蛇擊、尾首、應、雲集、粵垣，酒酣輒慷慨悲歌，拔劍斫地，而中多吳越皖豫之士，不能粵語，黨首恐扞格漏機，密肇意外，雄乃為舌人，並主往來文件，調維同志無不協，而皖人石慶寬、宋玉琳尤與交篤，辛亥三月二十九晚，革軍

總指揮黃興率同志攻督署，彈聲如連珠，時雄方宿客邸，聞聲知發難，乃披衣出，追隨大隊，轉戰達旦，翌晨見事不可為，遂決死，垂手就縛，問官以雄貌嫺雅，悼惜不勝，雄笑曰：我自行其天職耳，成敗何常，誰無一死，何惜之有。翌日戮死。

勞肇明，廣東開平人，幼醉心民族主義，家世崇信耶教，肇明亦信之，會法教士遊歷潮厦，擊與同行，肇明習法文，教士習華文，互為師友，然法教士專傳教，肇明專播革命，時齟齬已而欲遊南洋，法教士為先容於星州教堂，既至星海，會星州報出版，倡民族主義，肇明大喜，任

民黨死事

第三十七

五

社中書記，星報輟業返國，廣州戰起，隨眾攻督署陣亡，論曰：余聞之候官嚴幾道云：廣州之役，殉難者皆英年秀士，繳於義勇，以血肉之軀與礮火相搏，明知必死，冀以醒悟世人，其志愚，其情則至可矜憫，而英年秀士尤以閩為最多，如林文、林覺、民、林、尹、民、方、聲、洞，皆世家子弟，聰穎調儻，可達到不幸中道，慷慨捐生，而不知其渠之別有用意也。悲夫。俯仰揖讓，其姓字不盡彰著，擬拾雜記為之傳者，如右十九人，其不能為傳，祇得其名字籍貫者，李雁南、開平人，欽州之役，實為主謀，李海，字文甫，粵人，王明川，人，石慶寬，壽州人，林常拔，字修明，嘉

應人李芬字文楷清遠人羅坤南海人梁緯南海人喻紀雲川人李晚東安人陳汝環廣安人馮敬字郁莊劉六湖字肩宇閩縣人何天華廣東人劉鋒字肩宇長樂人陳文波大埔人李海書湘宜章人都十七人祇得其姓名者陳德華陳敏陳啟言陳福陳才馮雨蒼馮仁海劉鍾羣劉鐸李文楷徐滿凌徐培漢徐禮明徐日培徐保生徐廣韜徐沛流徐應安徐釗良徐端徐容九徐松根徐廉輝徐茂苗徐培深徐習成徐林端徐進臺羅俊羅聯羅幹勞培馬侶馬勝龐鴻余東鴻日全雷勝黃鶴鳴杜鳳書蕭成躋游禱陳大誘伍吉之郭繼梅洗選程

民黨死事

第三十七

六

耀林葛郭樹黎新吳潤彭容廖勉江繼厚都五十三人共八十八人葬黃花崗者七十二人趙聲不死廣州而列於傳首者以廣州之役聲爲本謀後黨人違命倉猝致敗聲因盡死故舉以爲冠焉

民黨死事記第三十八

葉仰高字芝峯浙江景寧人年十一兄世昌設帳青田携就讀青田多學陸軍者會有友自金陵陸師學堂歸說仰高學陸軍大悅卽束裝赴安徽畢業練軍營復畢業武備學堂丙午東渡學憲兵隊與同志過從甚密因蓄志革命嘗曰國亡坐以待死不如以革命死爲有益也時端方督兩江緹騎四出捕黨人仰高歸滬被捕囚金陵獄後得釋浪游各省北之黑龍江南之兩粵均以黨嫌無所遇辛亥民軍興由粵返浙浙獨立首率尙武隊圍攻撫署充司令部執法官擢尙武隊管帶旋棄去

民黨死事

第三十八

一

單身赴滬商攻南京方略陳其美委爲聯軍司令部參謀官仰高首建議當先攻紫荊山克天保城天保城不下雖破南京不能守也當事忽其言不用後屢無功始用其計攻三日不下憤甚謂青田張兆辰曰非我二人自往不爲功乃各領一隊兆辰由山後攻其南仰高直走山巔攻其東東路近五里先至仰上猛攻敵詐降誘仰高入城旋用機關礮擊之仰高竟戰死兆辰聞耗大憤復猛攻入城時十月十一日天保城既下翌日遂克南京

楊韻珂福建閩縣人年十五入江南海軍學堂肄業奇

特不羣同學多忌之尋舍去入鎮江礮臺既又入南京
新兵營充排長隊長督隊官第三標第二營管帶辛亥
秋武昌兵起贛皖先後響應惟金陵負固久攻不下韻
珂憤甚十月初十日天未午率師直抵鐘山下山有天
保城矗立峻嶒礮臺林立敵所恃以爲險也既至奮臂
一呼麾師直上身受彈四十餘處事急大呼曰今日不
奪此要隘勿殮我英氣逼人諸將士感之勇氣百倍竟奪天
堡城歿年三十

趙膺字子拳浙江諸暨人少孤貧不受師訓倜儻不羈
鄉有不平事輒按劍睚眦之庚子間邑白旗黨爲亂膺
民黨死事

第三十八

年十五奔走呼號卒散其黨遂折節讀書三年不出後
赴杭學武備購武學書竭力研讀選入北洋陸軍學堂
卒業歸充本省陸軍學堂教習未越月調充步隊二標
一營隊官辛亥九月蘇滬皆獨立浙兵擬俟時膺謂不
破壞安能建設急說長官率部下攻滿營先登盡繳其
械以功充第五標管帶張助踞金陵浙兵分赴援膺從
戰馬羣鎮江皆有功攻朝陽門中流彈卒

王又西字乃匡閩縣人家貧業照相居恆鬱鬱以不得
十年讀書爲恨時閱各報見吳徐起事功不成卽歛歔
歎息或默坐終日作焦灼狀知己者問之密祕不洩也

辛亥九月閩起兵又西卽入炸彈隊懷彈隨隊入城將
至旗界回顧祇又西及王清銓許我藩三人孫升都統
前礮臺時旗兵備衛嚴攢擊之三人手無寸鐵惟以炸
彈相抵禦彈三發斃旗兵十餘人又西清銓均被
獲厲聲呼曰吾乃革命敢死軍也均不屈死又西年二
十二清銓年二十一我藩伏牆凹被援得免

詹蒙字養先浙江宣平人幼以孝稱年十四就學於縣
高等小學所居地曰溪口離縣治十餘里每七日假必
歸省其親雖甚風雨勿輟也未幾學陸軍庚戌冬卒業
辛亥夏與同學金華來偉良赴金陵既至而武昌事起

第三十八

蒙聞之大奮卽與同學數人赴武昌入步隊每戰必先
及十月初兩軍劇戰襄河間民軍築長堤河南岸伏堤
內狙擊蒙左耳先著彈血滴肩上手拭之戰不輟偶探
望竟中飛彈卒蒙同郡章閻既述蒙死狀且曰軍興以
來諸志士塗肝腦捐頂踵以爭此漢族尺寸土者不可
僕指數而二三庸妄巨子顧欲觀人之功以爲己有觀
覩不得則繼以傾軋傾軋不已則結爲黨讐使苦戰垂
成之功皆將自若輩手中墮之而諸志士戰死光榮亦
隨以黯焉俱泯矣此則諸志士歿而猶爛者爾此論至
民國至今猶受其弊若移此偉論置蒙死時年二十一
諸傳首或傳尾總論中尤爲生色

蕭鐘音字玉淇湖北興國州人爲人勇敢慷慨既畢業師範學堂乃赴日本入振武學校學陸軍後遇宋教仁入同盟會已而政府取締漢人學海陸軍遂返國至奉天交涉使署襄辦間島交涉三四年間奔走號呼未嘗一日或懈也辛亥秋民軍起武漢鐘音乃返鄂任參議兼海陸軍招待所所長十月漢陽事急同志十餘人編成隊伍與敵軍戰於扁擔山下中流殲卒

江來甫字迺輔安徽山陽人幼有大志活潑不羈然困於家計坑垆不得志歲戊申入金陵三十三標任書記長官奇其才擢爲排長庚戌春入講武堂期年卒業武

民黨死事 第三十八 四

漢兵起長江上流以次克復九月十八日夜金陵兵起以子彈缺退守鎮江都督林述慶命爲鎮軍四標第二營管帶時清江兵變土寇橫行蔣雁行移書求援述慶

以來甫淮產熟民情命駐淮地方賴以治安十一月駐

穎十二月戰死年三十四
陳興芸字香山安徽睢寧人民國初建清江十三協兵潰道經睢城兄興芝散財招撫曉以大義投効清江都督尋爲清江民政長楊慕時所殺并抄沒其家興芸時從軍浦口逃去赴蘇滬控訴旋蒙昭雪投身鎮軍率決死團要請蔣雁行運歸兄柩慕時畏逼走上海興芸扶

樞北歸約同志重行光復睢邑逮縣令謝恭懿赴浦治罪卽前籍沒其家者也旋有千總耿獻廷竊民軍弱赴徐州招張勳兵進據睢城並侵宿遷興芸星夜南下約民軍北上迎敵卽日奪宿遷進攻高作鎮高作者睢宿咽喉北兵死守興芸奮勇圍攻呼聲振林木未幾飛彈中腦死年二十

李景沆字仰初安徽壽州人天才拔俗七八歲時鄉里有神童之譽弱冠下筆爲文動輒萬言家素封父兄以其非常資給不稍悛未數年家資耗大半辛亥十月鳳陽獨立景沆力居多鳳境既定復率師復潁州方佈防

民黨死事 第三十八 五

倪嗣冲兵突至城內紳耆怖民軍潛開城納倪軍入景沆與其兄樹齋均被執迫之降不可言倪軍怒肢解之樹齋年三十景沆年二十

姚鑫三安徽合肥人性純篤少讀書於家庚子後國人懼滅亡聲氣激發奔走呼號鑫三卽棄書走嶺表習武於粵省武備學堂學成留其地從戎庚戌春粵軍起鑫三與謀事敗僅以身免乃走入汴以黨嫌幾殆復走漢上金盡身外無餘物旅館不納深夜躊躇巷警吏揮

之乃避曠野露宿荒塚間寫壯士窮途生色後遇鄉人得歸里武漢事起謀赴鄂効命旋以父病不果會廬州軍成留

任教練日夜辛勞倪嗣冲攻穎鑫三率兵力戰陣亡年二十八

周實字實丹安徽山陽人也幼耽文史能詩善飲故自號山陽酒徒性不諧俗時為鄉里所擲揄遂移家青溪桃葉間遭時喪亂感慨淋漓一發之於詩辛亥八月民軍起武昌蘇常揚鎮相繼響應實歸故鄉與邑人阮式創設巡邏部為之長登壇誓眾辭氣慷慨山陽令姚榮澤以山陽下邑無所謂獨立宜保境息民即邑人亦多忌實等暴烈躁急更張駭眾陰說榮澤掩捕實式殺之自是縣境復安父老稱慶時陳其美為滬都督其家控

民黨死事 第三十八

六

於其美法庭判榮澤死刑邑紳奔走呼號救榮澤大總統孫文不能決後蘇紳復請袁總統特赦之報可榮澤竟免焉式字夢桃亦能文下筆縱橫辟易與實齊名然性剛暴喜面折人過強宗右族尤疾之其被禍固有由也

劉懋德字勉齋山東即墨人也幼學陸軍保定卒業充排長辛亥十月在青州煽動營兵為變不成調駐萊州繼移駐回文嶺時即墨高密諸城相繼起兵隊官劉洪鈞者懋德同學友也駐膠州懋德與洪鈞約決於十七日舉兵復登萊青三郡與煙台登州民軍合而部下不

附者告變濟南濟南以兵一營來丈嶺圍懋德勒殺之年二十六

民黨死事

第三十八

七

民黨死事記第三十九

白毓崑字雅餘江南通州人也幼穎悟能強記其大父鍾愛之日為雜說故事或擊遊於里鄰戚族間令覆述之以為笑樂既長為諸生入南菁書院治古學有聲旋北遊天津任北洋女師範及法政學堂教習毓崑精地理學創地學會刊行雜誌學者重之居逾年愛北方風氣剛勁足策勵柔弱遂家於天津武漢事起各省嚮風近畿人士懾於積威寂寂無所動毓崑怒焉歎息既令其妻子治裝南歸留辦紅十字會眾既集毓崑登壇演說反覆數千言會既散夜有人訪之則武昌特派員也

民黨死事

第三十九

毓崑與約期會日披狐筆挾短銃携女士數人腰纏炸彈奔走於北京張家口之間事皆垂成而敗乃大憤屏防具隻身之灤州說管帶王金銘施雲從使獨立復分遣黨徒連結任邱滄州諸豪圖大舉部署既定復遣其友張相文挾策南下約民軍由海道北上襲據山海關絕京奉路灤軍得毓崑策大忻動推為參謀部長連電北京要求共和齊統將王懷慶為大都督懷慶偽許之乘間逃毓崑以義旗既建北軍當從風而靡十一月既望遂率師潛襲懷慶營夜至雷莊中伏兵潰王金銘施雲從被擒毓崑脫身走官軍家伏匿竟日轉徙入古廟

中以木偶自障飢凍不堪易服間行至古冶被逮死有學生三人從亦死時年四十四自張紹曾頓兵灤州亂廿餘日紹曾去事已及毓崑來灤州復亂月餘始平於

收束處見精神非老於史學者不辦

能朝霖字齊賢貴州人幼學陸軍展轉入保定入伍生隊辛亥三月廣州事敗海內惜之朝霖曰革命成功須以軍隊為主幹因著書名曰軍人思想於漢族興亡同種相衛之理三致意焉風行一時八月鄂州師起九月入伍生隊解散人勸其赴武昌朝霖曰南方多才何患無人吾將留此為燕趙効力無何灤州軍起朝霖遂與

民黨死事

第三十九

白毓崑同至灤州事敗被執死臨死賦詩四章傳於世年二十四

何任之字尚達安徽桐城人自幼不羈工書善畫其父久客燕為謀國史館供事年二十保知縣人咸賀之任之曰今日官場負緣諂媚汗穢不堪何美之有既二十鎮統制官張紹曾知任之善書聘充記室及鄂事起任之朝夕說紹曾使獨立不果聽及紹曾走即隻身說灤軍立事為某管帶所覺捕送州署囚之張紹曾為請得免任之既出獄仍在灤謀獨立十一月事敗死年二十九

孫諫聲字鼎臣山東諸城人少孤家貧以孝聞學武備山東先後凡六載丙午夏任營口學校教習戊申冬因倡言革命爲校長所悉欲捕之遂走瀋陽客二十鎮陳統制幕下陳愛其才遂襄軍務辛亥八月武昌兵起不踰月而南方盡定諫聲以時機已至卽束裝歸里售所有田產率其弟樹聲之燕十一月十三日灤州兵起充財政部兼軍事參謀日挾手槍迫州宰籌軍餉軍衣州宰震慄爲集銀萬圓並親解狐裘贈之旣而軍亂其不附亂者嚴城守諫聲不知登城指揮遽被人以刃斃其腹擲尸城下死年二十六

民黨死事

第三十九

三

張榕字蔭華號遼鶴本山東歷城人以王父官於遼遂籍撫順幼好讀博洽教乘善騎射精劍擊有俠客風年二十二入北京大學日俄戰起棄學回遼毀家募兵謀滿洲獨立附者數千人事洩逃走與吳樾共謀炸擊五大臣於車站樾死榕燬樾所遺物易姓名爲余木強會偵吏得其緘件章程證狀皆椰墨跡知爲榕爲津警察吏楊以德所獲居獄四年吏卒囚徒交相感戴暇時於獄中蒔花木蓬勃有生氣後與獄吏王喜璋善謀脫之榕初不可而喜璋意甚誠遂偕亡東渡日本榕臨去題詩於壁云一聲霹靂田龍起震滅人天諸不平未幾歸

大連謀起事得同志甚眾武漢事起乃於遼陽組織急進黨舊部多來歸合綠林鬚冠團眾萬餘人後聞灤川兵敗及柳大年張涵初死耗心悵悵不歡而同黨謀起事愈急榕知不可抑而又惜時機未至也則持劍步庭中舞持短入長縱橫中節復口吟武士曲慷慨激昂事爲巡防軍所聞至夜遊妓館殺之曲巷中

薩福鏘字蒲智福建候官人北洋海軍學堂畢業生同盟會會員海軍提督薩鎮冰族姪也信耶蘇教每講道人叢中事親孝交友忠旣畢業任通濟艦天文駕駛鎗礮船藝帆纜等技辛亥七月赴南京學魚雷十月上海

民黨死事

第三十九

四

張園開各省聯軍北伐大會福鏘登臺演說以小刀割指血誓投決死隊十一月汪兆銘命運炸彈往津彭嘉珍之炸良弼卽此彈也十二月兆銘欲再運手槍來北福鏘與唐綬卿爭願往福鏘兄在煙台聞訊電其從兄及友人阻之福鏘大呼曰當此共謀改革正吾人同心戮力之時汝輩其能束吾一世乎且諸君之愛我者個人耳如國民何或又說宜從海軍北伐福鏘曰南方志士雖擾擾如雲然肯爲暗殺者誰乎卒與綬卿運手槍乘開平商輪抵秦皇島清軍偵知兩人同被捕福鏘料難免以同死無益卽自承綬卿竟免死年二十五

民黨死事記第四十

周達號人仇廣東嘉應人十五歲入陸軍小學堂既卒業私往南洋學製炸彈及武漢事起乃率炸彈隊二百餘人馳返廣東請編入北伐隊當事許之日夜閉門造彈十月初二日藥炸與同室四人皆炸死

周歧字於民唐吉篋字仲植唐照字柘莊均湖南人也辛亥九月朔同協助焦達峯宣布獨立後譚延闓命組織北伐暗殺隊偕抵煙台製炸彈藥爆歧炸死吉篋及照痛悼不勝繼歧復製將竣矣突一彈飛爆吉篋照復炸死吉篋年二十二照歧年二十一

民黨死事 第四十

李君白字伯樹廣東順德縣人幼入香港英國大學肄業性聰穎凡試名必冠儕偶喜實驗化學孜孜不倦因得製造火藥炸藥術庚子以還憤國土日削政府專制奔走四方結納同志意旨秘密無有知者會有戚畹爲漢陽兵工廠庫官遂投之學製炸藥術益精武漢兵起來金陵投効聯軍總兵站金陵之克所用炸彈君白製爲多後以北伐復製炸彈於民國元年一月三十日拌合藥料用力猛自焚血肉狼籍指斷足折目盲死年二十七

民黨死事記第四十一

焦達峯字菊生湖南瀏陽人年二十九歲家殷實有田五百畝父充鄉團總達峯請於父入學堂未一年即赴東洋旋又遊學西洋性揮霍資財入手輒盡其父冀其成立因售田以供學學歸田幾盡矣而文僅粗通然能言革命一筆三折愈折愈靈而無拘執之態神乎技矣因邑人姜守旦入洪江會以樹黨刊中華民國軍關防印白布千百方分給親友以爲起義信守親友漫應之或懼禍燬於火及辛亥八月湖北兵起達峯即由鄂回湘會湘新軍謀響應達峯遂與聯合九月朔新軍入城事定達峯爲都督瀏陽

民黨死事 第四十一

人聞長沙兵起達峯爲都督也於是持有白布者羣起募兵來省投効未數日集數千人其渠魁皆命爲管帶而新軍以起義功多未遷擢紛紛竊議欲殺之事爲譚延闓所聞說之復止又數日瀏陽兵來益多新軍愈疑忌遂擒殺達峯及副都督陳作新作新長沙人曾充省城土膏牌照捐司事爲土店所不容改充湘潭牌照捐司事湘潭土商復擯之及武昌兵起作新說新軍響應奔走劬勞變起同被殺語皆詳湖南篇



自武昌兵起有守土之責或手據兵柄者其難處
風會與勢轉移及棄官逃走者不勝勝數也而臨難慷慨
所樂也今有人焉勢可以不死義亦無所取其必死而
竟死焉是必視其生有甚不可且其意之所重必更有
甚於生者故甯糜頂踵塗肝腦以赴之也世界進化學
說日新謂專制為毒謂忠君為非且并訾及先儒教忠
之說夫忠之為義國為大君次之是有界說焉程嬰杵
日之存趙孤死貫高之明張王死紀信之代漢高死忠

清臣殉難

第四十二

君而死也顏杲卿之守常山死張巡之守睢陽死忠國
而死也古之人蓋視君為至重謂忠君即所以忠國忠
國即所以忠君君與國常不分自孟子始分晰言之曰
民為重社稷次之君為輕然自秦漢以來孟子之說仍
未大昌則以君權太重學者無敢引申其說今以排除
君權之故謂君不必殉因并謂殉國者之亦為非也烏
乎可哉又况忠君者之不異為非哉余觀辛亥殉難清
臣其大吏死職及武臣被戕或執戈戰死者類皆殉國
者也至郡守縣宰當大吏逃亡之後督率無人監司失
主進退尤可自專而不逞之徒冀地方亂肆為謠諑情

勢危疑當此之時郡邑紳耆於地方長官無論賢否皆

攀轅卧轍泣涕挽留而不使去而為之收宰者恆亦不

忍忍置之也乃不幸猝與禍會焉是忠於民而死也忠

民即所以忠國意尤矜之故備列焉而竟佚其名與亡

其事實者亦不少也可勝歎哉至於義可以不死而竟

死者其執義雖少狹其守道則甚篤其操持亦足以風

厲末俗故並及之往清臣殉難記吳北江云清臣黨人

關西有功世道人心甚大亦史家不可少之著作也

程彬字筱竹江西樂安人湖北候補巡檢充武昌游民

習藝所所長宣統三年署鮎魚司巡檢八月十九日夜

清臣殉難

第四十二

二

新軍搆變巡檢署居城南見火起從役往救至望山門

外突遇破隊入城皆袖纏白布彬大駭厲聲問曰汝等

反耶眾舉槍擬之彬益前致詰遂見害武昌首起兵大

吏瑞澂最先走故官吏被難者文職只程彬一人武職

工程營督隊官阮榮發黃坤榮排長張文濤亦即夕被

戕也

劉錫祺字佩之直隸天津人以道員發湖北入將弁學

堂畢業充第八鎮正參謀官質直詳慎處事無回曲為

各營所推重光緒三十二年南北軍會操河間錫祺籌

度分部悉合機宜加正參領銜自湖北治新軍總督張

之洞以張彪爲統制彪起家巡捕治軍飾外觀不省恤士卒革命黨人陰施煽動莫有固志錫祺心憂之而莫能匡正也宣統三年夏黨人破獲輒株連陸軍瑞澂不知大體恣意捕殺人人危懼八月十九日夜兵變瑞澂張彪相率走武昌獨立時錫祺方赴沙市催餉二十六日回武昌各營聞錫祺歸爭往謁趣令見元洪錫祺正色曰國家歲費鉅餉練兵原期爲國干城禦外侮奈何受人煽惑爲叛逆乎君等勉之吾不能爲君等所爲眾怒斫殺於座中事聞贈協都統錫祺既不附從革命則不宜復歸以自取死豈有所劫不得已乎此中必

清臣殉難

第四十二

三

張會疇江蘇無錫人生七日失母故字望祀少好學工書由諸生入湖廣總督張之洞幕中奉職勤慎爲之洞所倚信凡奏稿多出其手積勞保知府補用道三年八月武昌軍起總督瑞澂棄城匿兵艦中時會疇方主漢口貨捐局事瑞澂索供張局帑爲罄局當礮火衝員司星散會疇避租界中輾轉赴滬居二月復返漢簡料局事民軍邏者蹤跡之會疇覺卽登輪返滬邏者復尾隨之至黃州遽出偪返漢會疇諾之易輪上駛時方深夜邏者指會疇編髮誚辱之詞穢難堪會疇欸以酒食乘不備投江死後其家得其尸於團風鎮

清臣殉難

第四十二

四

張景良湖北黃陂人將弁學堂畢業生游學日本歸充湖北新軍標統鄂軍之變初僅工程營百數十人餘應者鮮而總督瑞澂提督張彪倉皇遁城內搶攘無主於是各營相繼起歸民軍擁立都督設軍政府既獨立景良說都督黎元洪曰人民革命望立憲耳今朝廷既允立憲付與民權似不宜更言革命公受知遇久諸將聽公盍三思之諸將聞言皆怒欲殺景良元洪不得已禁之署中未幾北軍攻漢口急景良請赴前敵自效且以妻孥爲質會總指揮何錫藩戰創不能軍乃以景良代錫藩戰漢口甫交鋒前敵陣動景良遽揮後隊大呼曰前敵敗矣後隊速退否則全覆眾聞言大奔人馬相填藉泊陽邏兵艦以大礮乘之死亡益多大智門遂爲北軍所奪諸將言狀請誅景良景良臨刑仰天呼曰某今日乃不負國矣神色夷然

桂蔭字積五滿洲鑲藍旗人以內閣中書充軍機章京擢刑部郎中簡湖北施南府知府移安陸安陸領四縣堤工年久頽廢桂蔭至周歷全堤見水蓄隄成漩渦狀極險乃瀝陳大府得巨貲尅日興修親督工河干昕夕無懈翌年堤成水盛漲四縣獲全以故安陸士民尤親附安陸爲襄樊門戶故無兵宣統三年武昌軍亂桂蔭

與鍾祥縣知事田芸生招集團防並請兵於襄陽道喜源調操防軍馬步五營至而以劉文玉爲統領已而德安荆州先後陷劉英據天門戕知縣榮濬風聲愈惡喜源復遣鄖陽陸軍百人來助防陸軍管帶張楚材排長白星垣雄黠有異志肘腋之患最爲難防言之可爲世鑒時訛言蠶起餉糈艱乏統領劉文玉惟怯不能軍出巡潛江遇武昌逃軍則駭走十一月戊辰各軍官計事縣署楚材陰遣陸軍圍府署槍聲作楚材謂文玉曰操防軍譁變矣統領曷出鎮撫之文玉倉皇出見執械者皆陸軍卽趨北門斬關走楚材星垣遂入署收知府印趣令去桂蔭朝服清臣殉難

第四十二

五

尤親愛之宣統二年解任調筦襄陽張家灣權局三年十月癸亥光化知縣黃仁荃至河口與巡防營管帶周飛鵬籌練商團陸軍兵士張國荃李秀昂十數人暴起河口爲亂飛鵬聞警出慰之不服飛鵬拔佩刀擬之國荃遽開槍殺飛鵬飛鵬字翔千江西新建人由武舉人從軍爲襄陽防軍馬隊管帶既死卽夕國荃劫黃仁荃襲郡城襄陽道喜源先一日假巡邊名遁時襄陽官獨存厚與同知祥泰祥泰出降稽查長傳登喜遠張白幟局門存厚揮家人避民家曰吾嗣倘不絕死無憾兵勇入爭索金金盡李秀昂揮兵引至北門外校場殺之子清臣殉難

第四十二

六

率妻吉喇氏投署後井井口隘不得入乃趨文廟崇聖殿自縊死初劉英據天門危急或說桂蔭宜自爲計桂蔭曰吾與城爲存亡脫不幸吾自有去所也已而軍政府檄至禁安殺滿人不抵抗者郡人咸喜奔走來告桂蔭笑應之至是竟從容就死安陸民黃芝舫等感其義爲營葬樹石後其子柏壽來歸骨士民悲思復爲衣冠墓封識其上而就節孝祠故宇爲祠祀其得民如此存厚字寬甫滿洲正白旗人監生由內務府郎中選湖北宜昌知府年餘以疾去久之再選宜昌歷攝漢陽黃州德安安陸知府存厚在官廉靜不擾再知宜昌商民

三齡民軍挾之馬上疾馳亦驚悸死宜昌士民聞之流涕曰太守若不去宜者吾人護持之必不死補筆實回筆也萬牛乃共集貲送其妾及其二子留宜者北遣榮濬字心川荆州駐防蒙古鑲黃旗人光緒甲辰進士用知縣發湖北宣統三年除天門知縣未到官縣人有造訪餽白金者值總督未歸其人留金去及歸命僕還其金戒勿復來其操行不苟如此未幾武昌亂有荆防旗人自武昌逸歸道天門述變兵仇滿人狀且爲榮濬危榮濬曰吾曹食國家餉二百餘年當有以報矧吾有守土責能守守之不能死耳不知其他乃集紳耆練

民團自保十月鍾祥民軍劉英率數百人來攻城陷破

勞謙光山東陽信人北洋武備學堂畢業應聘教習山西尋充馬營管帶入賞爲知縣仍官山西山西風氣故樸儻新政創始謙光提倡力爲多以勞擢直隸州知州數歲改充北洋第三鎮參謀官移六鎮工程營管帶武漢事起率赴前敵築橋漢水上橋將成敵爭之力礮丸雨射謙光督視不少卻猝中礮卒謙光既卒橋成師竟渡漢克漢陽謙光篤風義官晉時同里曾筱峯母歿太原殯不得歸後筱峯依謙光天津復遭危疾執謙光手

清臣殉難

第四十二

七

泣曰吾母未歸葬死不瞑目謙光慨然自任卒使人求其母喪與筱峯喪並歸葬擇其族人子爲之後陽信人至今義之

恆齡字有蘭號錫九滿洲正藍旗人荊州駐防先世揚古利以功封武勳王幼補旗籍生員由驍騎校累擢至協統旗員習多驕惰恆齡獨折節讀書光緒二十六年拳寇起黨人聞風煽亂焚沙市薑船及領事館稅關外國僑民多奔竄恆齡率二百人馳往誅首要散脅從護持避難外人亂遂定防營積弊久恆齡創編新軍設堂講武教習簡練氣象一新將軍綽哈布疏薦其才充營

務處總理加二品頂戴恆齡乃條具四事曰設警察以資保衛興學校以廣教育清財政以濟餉饋練常備以

供調遣皆奏行復創設八旗高等學堂陸軍小學堂裁新軍陋規爲經費謁總督張之洞索助萬金訪延俊才聘充教習嚴立章程校風肅然學部攷察學務奏稱荊州爲第一尋充荊州振威新軍統領調充省城督練處參議將軍恩存總督陳夔龍交章稱薦後夔龍移督直隸調充北洋督練處參議宣統元年充熱河練軍統領汰冗補缺夙弊一空大盜葛蘭亭周洪果久稽誅恆齡至二月次第就擒推功將校已弗與二年簡寧夏副都

清臣殉難

第四十二

八

統朝陽士民呼籲請留鎮總督上聞朝命以西陲邊要弗許既到官議開渠屯田裁旗歸農嚴煙禁設方畧甚備三年五月丁父憂馳歸迎父柩萬縣及行至宜昌而鄂亂適起道梗還荊州將軍連魁奏請幫辦軍務旋命署荊州左翼副都統恆齡以荊州川鄂咽喉襄樊屏蔽既受任毅然以城守爲己責時民軍四起餉匱援絕同官狐疑皆不欲戰恆齡慨出私財餉軍獨督戰甚急十月丁酉敗宜昌民軍於草市復敗之萬城堤時方患癘晨夕裹創巡城血縷縷霑衣袂旣湘民軍王正雅亦率數營至民軍來益多攻愈亟旗卒多死亡者家屬

赴恆齡邸哭晉恆齡城久圍米鹽乏人心解體恆齡仰天歎曰人心去矣臣力竭矣惟殉身可以自明十月甲寅晨起朝服坐堂皇發手槍洞胸死死數日將軍連魁右翼副都統松鶴開門納民軍荆州失事聞予諡壯節荆州駐防官吏先後死難者參謀德需統領松興防禦多璠驍騎校金霖炳安哲森都司榮綿舉人迎禧

駱光綸湖南江華人爲蘄州吏目能究知州中疾苦人士賢否官斬二十年爲歷任州宰所倚重辛亥變起知州已去州民以兆綸在斬久遮留兆綸兆綸以母老願送出境還主州事州民許諾兆綸送母至漢口復還斬

清臣殉難

第四十二

九

望見州城痛哭投河死又嘉魚縣蘄州司巡檢方祖楨穀城縣石花街巡檢王萃奎均殉難祖楨安徽桐城人萃奎江西豐城人

端方字午橋號匱齋姓託和洛氏滿洲正白旗人舉人以廩生用主事遷工部員外郎丁父憂逾年復遭母喪山東巡撫張曜疏薦其才命發山東辭不赴服除補官充張家口監督擢工部郎中二十四年以御史記名時海內維新士馳騫新學端方作勸善歌言善得上聞簡直隸霸昌道擢山東按察使二十五年遷陝西布政使攝巡撫事移河南布政使未之任而拳寇亂起晉豫釋

暨翌年太后皇帝西巡駐蹕陝西翊衛謹敕兩宮安慶二十七年遷湖北巡撫攝湖廣總督三十年移江蘇巡撫攝兩江總督移撫湖南所至賓禮者彥調和新舊聲望翕然三十一年遷閩浙總督未到官詔赴東西洋攷察憲政分道赴海周歷各國八閱月歸擬各國憲政爲書奏進之宣統元年移直隸總督會孝欽后葬東陵王公親貴送葬者雲集而供張甚簡親貴多怨之及歸坐擅張電鎧陵樹靈輿過拍照大不敬罪罷免三年郵傳部收鐵路國有詔以侍郎候補督築川粵漢鐵路時川粵湘鄂民請收回國有成命大譁四川尤亂七月命

清臣殉難

第四十二

十

率鄂兵一協入川按視既而政府愈操切川亂愈大自成都以及各屬咸罷市罷課以相要同志軍遽起文報不通政府乃復詔起岑春煊入川端方聞川亂甚而春煊來也因留滯夔峽間不進八月武昌亂起九月進駐資州命暫署總督初川京官會鑑等奏劾趙爾豐誣奏正紳爲逆濫殺無辜事下端方至是奏覆屬實四川司道降黜有差餘是川官吏深惡端方因久駐資不欲至成都當是時保路同志軍愈多黨人煽之鄂軍以深入孤立瀕懼因攜貳欲殺端方以自明會得田徵葵等偽電謂北京陷兩宮西狩詔端方入陝勤王也端方

讀罷哭失聲。卽犒師欲入陝。鄂軍官董海瀾知眾不欲行。因喉令爲變。十月辛亥。不明隊官劉鳳怡。突擁端方至天后宮。與弟端錦同被害。函其首送武昌。事聞。贈太子太保。予諡忠敏。民國元年。鄂軍始歸。元改葬。端方嗜古。收蓄古鼎彝碑版書畫。甲海內。西游歐洲。拓埃及古王像及文字。皆五千年古蹟。分贈國人性好客。開府江鄂。招延文士。詩酒流連。無虛日。人以阮太傅。畢尙書比之。

趙爾豐字季和。漢軍正藍旗人。初以鹽大使官廣東。改知縣。補山西靜樂縣。擢河東監掣同知。尋改道員。從都

清臣殉難

第四十二

上

統錫良至熱河。錫良督蜀。疏薦其才。署永甯道。以能治盜名。尋除建昌道。廉公有威。夷漢讐服。光緒三十一年。駐藏幫辦大臣鳳全。行至巴塘。喜其地肥沃。欲墾之。番民驚疑。戕鳳全。錫良奏遣爾豐與提督馬維騏率師討之。三月克巴塘。火丁林寺。誅其堪布及土司。以糧運艱。馬維騏先歸。留爾豐靖餘寇。爾豐經營西康。自此始。三十二年正月。克鄉城。定裏塘。八月命爲督辦川滇邊務大臣。爾豐以康地旣爲中國屬。任土司自爲酋長。兼併吞噬。或爲藏番驅役。轄治墮威。長亂不可。旣主邊事。首奏請巴塘裏塘改土歸流。并馳歸成都。與川督錫良滇

督丁振鐸議。方畧十二月。鹽井翁臘寺爲亂。討平之。三十三年正月。命護四川總督。爾豐卽修治關外道塗。建旅舍。募農民開墾。奏遣吳嘉鏞興學務。聘美人開金鑛。創製革廠於巴塘。建鋼橋於河口。購置織絨麵粉機器。并奏設巴塘裏塘各縣治。地方興革。次第陳奏。允行。西康規模粗具。三十四年正月。詔爲駐藏大臣。兼邊務大臣。爾豐以邊地方草創。難入藏。宣統元年。奏辭駐藏大臣。專任邊事。爾豐之治邊。始威之以兵。繼懷之以恩。威望日隆。番民悅服。仰若神聖。三年三月。詔署四川總督。當是時。爾豐經營邊地已七年。凡德格察木多。乍了所

清臣殉難

第四十二

上

屬數十部落。皆定。爾豐惜其功未竟。不欲來。奏辭不允。乃請以道員傅嵩焘代理邊務。大臣而仍不卽行。又數月。征服瞻對及明正各土司。一律改流。設官畢。凡創設道治二府。治三縣。治三十四。而以巴塘爲行省。廣幅員數千里。凡蠻民跳梁稽誅。戕官殺吏。國家以輸輓艱難。數十年不能正其罪。而引爲深恥。及藏番橫征暴斂。蠻民苦苛政。無可告語者。爾豐悉草薙禽獮之雪。國家夙仇。出蠻民水火日水天雪地。戎馬馳驅。蓋自清以來。治邊者無有著功若此者也。其詳盡載西康篇中西康地旣大定。爾豐始行。閏六月至成都。時川人因鐵路國有

民氣沸騰亂已數月矣。初川事起，署督王文韶爲代奏，請收回成命，政府以人文懦，不能深惡之，嚴旨詰責。爾豐來以民氣難闕，仍爲代奏，仍不許李稷助者。川路宜歸總理也，私與郵部約築路，不受公司命。川紳以稷助專擅，妄爲請爾豐代奏，罷之。及奏上，郵傳部復請欽命稷助管理路事。川紳以郵傳部侮辱川民，已甚也。自成都以及各屬，咸罷市罷課，以相要。自是川亂遂大，難以制止。政府以爾豐仍不能乃命，端方率兵入川，定亂。未幾學生嚴一士撰自保商推書爲爾豐所見，爾豐以其詞妄疑，局紳蒲殿俊等所爲，捕十一人，川民懼殿俊。

清臣殉難

第四十二

三

等誅死也。圍督署呼籲者日數萬人，諭解不聽。田徵葵乃揮兵擊斃數十人，川亂因益張。保路同志軍蠶起，政府乃復命岑春煊入川，按視春煊未至川，而武昌亂起。天下響應，川自七月文報不通，風氣阻絕。至十月訛言北京陷，皇帝殉難，川紳說爾豐宜俯從民望，讓政權而保全旗民爲誓。爾豐從之。至十一月尹昌衡爲都督，遂違約殺爾豐。事備詳四川篇中。爾豐之急求援於邊務大臣傅嵩炘，爾豐既死，嵩炘始出打箭爐，至雅州戰敗爲川人所執。於是川邊無主，大亂。爾豐經營舊績，遂以大墮毀殘破論者至今惜之。

清臣殉難

第四十二

五

汪承第，字棣圃，江蘇太倉人。年二十補州學生，家貧出佐湖北學政幕。臬司陳寶箴聞其賢，延充幕僚。久之以知縣發四川，推稅重慶香國寺唐家坨，本生母歿，請丁憂。格於例，上官弗許。承第持服踰期，乃出會甯遠夷亂，輸送軍械，襄理營務。夷平，攝大足縣。川漢鐵路招股繁苛，請大吏歲減萬餘金，以紓民困。移攝會理，滇叛兵入境，集土兵禦之，剿撫並用。所向枚平，調南川、永川、永川、有公口者，燒香結盟之祕密會也。會黨滋蔓，永川尤甚。承第密偵得其渠率，善誘之不戮一人，而公口會解。出會中儲積爲自治費，編練保甲，羣盜屏跡。承第爲政嚴肅，民初以爲拘苦，去後輒見思。其在南川，常夜出持警杖，遇有爭競，輒就決之。兒童至不敢譁於衢市，城外田間有聚博者，或陽呼曰：汪官至矣，則皆走匿。其見憚如此。宣統三年，鐵路事起，官紳大咀，晤附郭數十州縣同志軍蠶起，兵民交鬪。大吏以承第能，敕攝雙流。雙流距成都近，士氣尤囂。七月，同志軍犯雙流，承第會防軍登陣死守，相持一夜，賊縱火燒關廟，會援至，圍解。士民感奮，十月，趙爾豐卸政權，同志軍至益多，孤城久無援。甲寅，以事至簇橋，被圍中槍死。子曾源，官直隸，請當事上聞，追贈知府。自亂起，州縣死事得上聞者，祇承第一人。

承第性孝友篤風義官大足時有友人負巨債繫獄爲償三千金釋之事如此者多不具錄也

徐昭益字謙侯浙江烏程人前江蘇巡撫有壬從孫少隨父游蜀佐刑幕以知縣官蜀推鹽釐萬縣商民頌其寬仁宣統三年四月攝威遠縣事時川人爭路同志軍遂起土寇會黨假名義報私怨乘機剽掠昭益集紳耆以保土保民爲己任會有土寇過境昭益率團丁數百人出城諭解之不從猝戰敗績退入城登陴守飛書乞援書爲寇得圍益急九月丁丑奸民胡姓爲內應城陷遂見執擁至三費局越日照益坐廳事寇渠八人入列

清臣殉難

第四十二

五

坐昭益厲聲問何不遂殺我一酋直前若有所自突以利刃刺昭益僕賴福護之被創血濺昭益衣袂昭益大罵被戕士民間其死無少長莫不悲憤旣爲墓葬昭益寇退集重賞購胡姓殺之墓前

章慶字勤生浙江會稽人習刑名游幕蜀中爲總督錫良藩司沈秉堃臬司馮煦趙藩所器重後以知縣發四川除射洪歷知劍州冕甯諸邑事所至興學校勸蠶桑開工廠興水利平道塗而捕盜尤勤野夷聞風歸誠土寇畏威歛迹最後知西昌西昌盜尤熾已革村保張國旺者太陽教魁也惑眾歛財與裁缺千總黃義庫相結

爲奸利會爭路事起邛雅諸州土寇遂起防軍移防大渡關國征義庫偵甯遠空虛遂與土寇合謀爲亂九月戊辰戕德國教士羅尚德甘呢伯於德昌翌日圍攻府城慶方督兵與戰奸民開城力戰死兄子鏞從死

曹彬孫字諱辰順天府武清人光緒癸巳舉人以河工勞保知縣發四川宣統二年署奉節縣知縣三年補開縣知縣未赴七月彬孫聞省城官紳因爭路構絆卽練鄉團衛縣城而同志軍遂起爲亂彬孫隨方禁阻及武昌兵起屯聚益眾憚彬孫嚴仍未敢逞十月丁巳萬縣失守庚申民謠言土寇入城彬孫亟率團勇出巡行至

清臣列難

第四十二

六

協臺壩寇渠陳海田邢輝五擁眾暴起而團勇已受煽不戰散走遂見執斫其首置縣堂皇案上越日同志軍大集推徐文升爲司令夔州遂失守

羅長禱字申田湖南湘鄉人光緒二十一年進士改庶吉士散館授編修改道員發江蘇旋改四川從趙爾豐督川邊軍事長禱日在兵間飛書草檄聲績著聞宣統二年簡駐藏左參贊大臣聯豫命主兵備處會新調川軍至藏長禱出簡閱破隊大譁長禱白聯豫聯豫怒命鞭管帶官而易之由是協統鍾穎銜長禱鍾穎報入川費六十萬長禱汰其浮冒二十餘萬鍾穎益怒三年五

月鍾穎率師征波密累戰輒挫大臣命長禱馳往代將
長禱馭兵嚴方激厲將士規進取而藏軍譁變鍾穎嗾
亂兵掠長禱私宅長禱在波密未之聞也川軍大半皆
哥老會聲氣通聞拉薩既變波密軍亦變鍾穎復陰賊
兵士繫長禱使服勞役偶得脫自投崖下臂折不死遂
見害其妾率幼子匿蠻丐家不知所終後二年有人告
發鍾穎亂藏各罪長禱家人亦赴懇京師鞠得實誅鍾
穎

清臣殉難

第四十二

七

清臣殉難記第四十三 晉 陝 豫 隴 新疆
陸鍾琦字申甫先世爲浙蕭山人曾祖澂祖保三游京
師遂爲宛平人父春榮績學不仕以教授終其身盛伯
熙祭酒其弟子也鍾琦少劬學以拔貢生選撫甯訓導
至光緒十五年成進士改庶吉士散館授編修充國史
館纂修翰林院協辦院事功臣館纂修提調本衙門撰
文常管八旗官學從大學士徐桐賑災直隸遇事能持
大體勤樸勞瘁並爲桐所倚重二十六年拳匪起京師
桐惑之鍾琦屢諫諍桐不聽致敗及聯軍入都天子西
狩鍾琦聞即闔戶自經會庶母至解纜抹醒慰之曰城
雖破天子無恙報國之日方長耳鍾琦涕泣得不死初
鍾琦事父至孝京察一等以府道記名卽自陳父老不
願外除又數年父卒服除復列一等遂簡江蘇督糧道
釐弊剔蠹三十四年擢湖南按察使訂州縣勘獄鞠狀
表限甚嚴繇是獄無留滯如蠲宿疴並親勘東安雷發
龔獄致邑生文炳奎於法楊林所與十甲爭洲田獄致
哨官李某於法二獄皆株累百數十人數年不解鍾琦
一讞而定人稱神明宣統元年擢江蘇布政使時新政
日興歲入不足鈎稽年餘出入相準三年擢山西巡撫
到官三月而武昌變起秦軍響應風聲達太原鍾琦懼

清臣殉難

第四十三

一

新軍變而秦軍渡河也。檄步兵礮兵各一營出防潼蒲。九月辛未礮隊已行矣。壬申黎明步兵突變圍撫署。鍾琦與子光熙妻唐夫人均被害。協統譚振德督帶熊國斌亦隨死。語詳山西篇中。事聞優詔褒卹。賜諡文烈光熙。追贈三品京堂。子諡文節。鍾琦性方正。嫉惡嚴。其去湘也。提學使吳慶坻爲置酒餞別。酒酣鍾琦愴曰。吾才短而性卞急。視宵小如仇。脫遇世變時難。乎免矣。後卒如其言。光熙以翰林學陸軍日本歸國。授侍講。器宇雄偉。倉卒殉難。人尤惜之。

譚振德字子明。直隸天津人。武備學堂學生。調新建陸軍以參領充山西四十三協協統。山西僅陸軍一協。振德爲人寬厚。爲士卒所親附。武昌兵起。巡撫陸鍾琦履任甫三月。旣而西安響應。振德與參議官姚鴻法建議以重兵助守潼關。鍾琦從之。遂於九月辛未發新軍一營。子彈。翌日南行。繼又令熊國斌率第三營同往。三營有黨人王建安者。搆於一二營。謂三營將於中途襲擊一二營。二營管帶姚以价知眾不欲遠行。備戰。聞言激軍士爲變。卽擁眾入城。振德聞警。單騎馳赴遮道官諭。以价恐撓眾心。遽舉槍擊斃之。熊國斌以事前不肯與亂。亦同日被戕死。事聞。振德贈協都統。國斌贈正參

清臣殉難

第四十三

二

領照陣亡例賜卹

陳政詩字詠笙。順天人。先世有官陝者。遂家漢中。幼隨父湖南。年十九從湘軍西征。後充奉天防營統領。光緒元年以知縣發山西。歷爲陽城平遙天鎮知縣。應州知州。薩拉廳同知。兼統防營。所至以廉惠稱。後套亂。巡撫張曾啟命率師討平之。以功擢知府。以道員用。曾啟移浙。奏調入浙。統嘉湖防軍。曾啟去。被譏劾罷。宣統元年增鞫撫浙。奏爲昭雪。且言臣昔官奉天。親見政詩軍紀嚴整。持躬廉潔。雖古名將無以遠過。詔復原官。再至晉宣統三年爲南路巡防隊幫統。兼領步兵。駐澤州。九月

清臣殉難

第四十三

三

晉亂移駐隘口。民軍劉漢臣率兵千餘人來攻。破之。再戰再破之。方乘勝追擊。會有學生來言。有詔命停戰。乃進駐絳州。會民軍與陝境刀寇結。陷運城。平陽被圍。勢復張。有勸去者。叱曰。吾奉上官命來守南路。若何棄之。必死守。十一月癸未。運城民軍逼絳。紳有通敵者。開城。政詩督所部巷戰。力竭。與弟數詩隊官陳順興劉占魁同被執。死後月餘。有所部營官自澤至絳。見政詩首猶懸城門。潛爲出涕。始宛轉言於民軍。歸其元。而欵之。陸敘釗字磐芝。順天人。原籍蕭山。少厲志節。從軍西甯。以功擢知縣。從左宗棠司轉運。佐幕山西。巡撫曾國荃

極重之擢直隸州。歷知靈邱、應州諸州縣事。凡十二并著聲績。而官靈邱十年。尤得民心。光緒二十六年。拳寇大起。欲闖入境。敘劍則大治團練。禦弗使入。縣境獲安。其治高平。永甯。縣民方聚眾抗捐。敘劍至撫慰之。眾皆曰：「好官來。其言可信事。」即解。宣統元年。以卓異薦。二年。擢河東監掣同知。三年九月。太原亂。巡撫死。運城有鹽池號富庶。敘劍則大治團練。嬰城固守。冀保餉源。後民軍起。招陝境刀寇合薄運城。十一月丙子。城陷。敘劍仰葑衣冠坐堂皇死。長子文治官河南。自裕州來省。遣還。至開封。聞變。哀憤死。幼子出逃。亦為亂兵所戕。

清臣殉難

第四十三

四

齊世名字壽農。直隸天津人。山西候補知府。攝陶林廳同知。九月兵變。被戕。同時岢嵐州知州奎彰與前知州世泰。方交替防營。突變。同被戕。世泰滿洲鑲黃旗人。奎彰亦旗籍。

文瑞鈕鈷祿氏。鑲黃旗人。先世穆克登布。官甘肅提督。二等男爵。文瑞幼襲爵。充頭等侍衛。擢馬蘭陣總兵兼內務府大臣。以甯陵樹蟲災。褫職。尋復官。簡歸化城副都統。攝綏遠城將軍。移青州副都統。成都副都統。未之官。擢西安將軍。關中風氣。撲。陸軍成一混成。協靜謐。少諱。囂。惟標統張鳳翽起家學生。雄武有大志。張雲山

者。武備學堂號兵。而紅漢會渠率黨與眾多。兩人者甚相得也。宣統三年八月。鄂軍變。訛言遽起。巡撫錢能訓懼張皇激變。不為備。文瑞與副都統承燕則大懼。陝自榮祿為將軍。購槍三千支。發旗兵備戰守。及榮祿去數年。旗卒盜售之。至是盡無一存。難悉誅。不得已。乃商借於巡撫。錢能訓能訓予之。黨人錢鼎等以旗兵有械也。大恐。九月朔。諮議局開會。將軍巡撫成蒞會。行禮道還。將軍前驕忽中彈死。三人有告者曰：「新軍變自西門入矣。」文瑞紆道馳還。與副都統承燕克蒙額集營兵分陣守。新軍攻之不能下。翌日午。新軍請和。遣協領葆鈞與

清臣殉難

第四十三

五

議不協。復戰。新軍昇大砲鐘樓上。猛轟之。旗卒多死亡。未幾。新軍破東門入。張雲山下。令屠城巷。戰一夜。旗卒死二千餘人。婦孺投井自焚死者尤眾。文瑞即整衣冠投井死。臨死。召子熙麟。口授遺摺。命乘間達京師。以道梗。至都遲。不及贈卹。而左翼副都統承燕。右翼副都統克蒙額。協領斌恆。防禦多英。佐領瑞明。驍騎校文昭。知州寶坪。舉人喜明。貢生惠祥。春詳。皆全家殉難。尤為慘烈。餘力戰死者。驍騎校奎亮。林啟。林璋。舉人惠斌。附生金常。武舉人德林。布自亂起。各省駐防旗兵。四川。最安。江甯。福州。各死數百人。獨西安死數千人。其被禍尤慘。

云

德祐清宗室字受之宣統二年以禮部儀制司郎中授陝西鳳翔府知府三年九月朔西安亂德祐聞警即與知縣彭毓嵩籌守備募團勇令湘人劉瑞麟統之與王參將分任防守辛未夜土寇假民軍名驟集千餘人攻府城德祐與毓嵩登陴守激厲將士殊死戰寇氣奪將引去會環城穴居奸民前因禁烟失業恨縣官陰為寇內應天明城遽陷寇入先拘毓嵩去左右說德祐走避德祐曰此吾死所也何避為寇既戕毓嵩即盜至大呼曰知府滿人且宗室速殺之遂與一幼子俱遇害王參

清臣列傳

第四十三

六

將同州人佚其名城破與賊相搏自戕死

楊調元字孝義貴州貴筑人光緒丙戌科進士戶部主事以親老終養終喪入都改官知縣選陝西紫陽以能治蜀寇著聞更歷華陰咸陽富平寶雞諸縣皆有聲宣統三年移渭南九月西安軍亂旁郡縣守令多委去者調元慷慨曰吾守土官知保民耳不知其他集士紳議城守渭南北多刀客平居拍張殺人尋仇然能約救其黨不為亂聞縣君言大感動爭來自効誓死衛桑梓數日集數千人韓有書者武進士夙為刀客所敬憚調元檄有書領其眾擊禦鄰寇無敢入境會臨潼武生張士

瑗自稱奉省令為宣諭使率土寇數百至城下有書莫知虛實不敢擊闔門拒之士瑗大噪將攻城調元乃登陴語士瑗釋兵入城從容議士瑗許諾率眾入言省軍餉絀議加賦也調元持不可出俸金五千界士瑗士瑗少之語不遜調元曰吾朝廷守土吏委曲求全如此者冀安百姓不被兵不能有死耳士瑗罷出縱其黨入城爭圍局餉相攻擊大亂翌晨調元投井死士民聞調元被逼死也則大憤羣奔縣解執士瑗磔之并殺其黨數十人而葬調元畢家原調元博聞強記能背誦通鑑長編及漢唐名人列傳垂老不遺一字工詩善篆書攷訂

清臣列傳

第四十三

七

音韻金石論著甚眾遭亂盡佚子通輯其遺文為二卷楊宜瀚字吟海四川華陽人兄宜治官太常寺卿宜瀚幼好學家貧常為人司書記屢應鄉舉不第西走烏魯木齊佐都統金順幕治軍書為金順所倚重積勞保知縣光緒辛卯入都應試中式舉人遂以知縣發陝西性耿介不肯隨眾俯仰居數年補興平知縣逾年始得之任鉅姦剔蠹推獎賢俊頌聲大作庚子大荒宜瀚奔走賑撫鬚髮為白年終無餓死者在职五年舉卓異保直隸州知州加四品銜調商州期年復返興平籌辦新政大府遣赴日本攷查學務歸署寶雞涇陽渭南富平咸

竊皆有惠政在咸寧時巡撫恩壽焚索以宜瀚八宦還人示意宜瀚不爲動假事召責之宜瀚抗論無少屈退擲其冠於官廨曰吾豈戀此者耶求去甚力布政使強留之逾年恩壽死調署華州不數日省城變作奸民嘯聚以籌餉爲名逼迫官吏無人理九月甲戌土寇犯渭南猝至華州入城劫宜瀚及其家屬至甘露寺拘之賊有繫獄前爲宜瀚所活者夜半入謁曰公勿憂明日某當竭力護公出宜瀚謝之戒家人越就寢獨身至神殿自經死宜瀚與楊調元齊名陝中稱循吏必數二楊卒同殉難也

清臣殉難 第四十三

彭毓嵩字鏡孫四川宜賓人光緒甲午舉人官洪雅教諭學行修飭學政疏薦之引見用知縣選陝西鳳翔未一月以事呈吏議解官久之復還鳳翔聽訟明允頌聲大作宣統三年九月西安軍亂鳳翔防軍奉檄赴援既行而土寇大起驟集數千人圍攻府城初毓嵩禁鴉片嚴秦民狂故習多怨之至是秀民與防軍藉洩忿通敵勢洶洶毓嵩恐受辱自經丁役趨救之士民感德者亦爭來請引避而冠猝至毓嵩從容出堂皇北向拜起語眾曰吾有死耳任爾等爲之遂被戕以下敘死難諸人用此法 陝守令死者楊調元等外知縣德銳歷宰秦中最多

有聲城陷舉室自焚立門外大呼吾族人德銳請殺我民軍知其賢不忍自到死陳問紳鄂人白水知縣城陷死榮麟候補道權稅白河兵變投井死張存善知州權鹽釐鳳翔兵變死安徽提法使張毅字仁甫天津人自甘肅甘涼道擢安徽提法使九月行至乾州道梗止逆旅陝將張雲山請爲參謀不可羈不得行會疾作州人爲言於陝軍出就醫十一月甲辰投井死

王潤漢軍鑲紅旗人光緒末以鑾儀衛治儀正出爲甘肅秦州營游擊武昌事起總督長庚持鎮靜繼聞陝西響應屠駐防軍幾盡乃大戒嚴會升允自陝至平涼奉命撫陝奏調回兵馬安良馬福祥各軍暨陸洪濤新練一軍分道規陝軍容甚盛道員黃鉞者前新疆提督黃

清臣殉難 第四十三

萬鵬子宿與南方黨人通充軍事參議長庚令別募一營赴秦州與副將崔正午規隴州至則正午已從回原提督張行志被固關復隴州鉞欲沮其進師正午不聽遂與張行志合師攻鳳翔未幾升允亦督馬安良分軍平甯夏亂進克長武邠州永壽直逼乾州十二月陸洪濤越乾州克醴泉進規咸陽張行志亦自鳳翔迭克汧陽岐山各境黃鉞欲通陝謀獨立以陝軍敗挫乃陰引川軍入甘爲援王潤偵知日與守備習斌籌守禦以限

於兵額未由增募。民國元年三月丙戌，黃鉞突率眾入城，據各局署而遣哨官譚祝蒼以兵圍游擊署。玉潤列隊出拒，甫交鋒，中彈殞於陣。鉞遂據道署為軍政府，稱正都督，以巡道向榮為副都督，出居州判署。越七日，遜位詔自新疆電達蘭州，長庚去官，入蒙古，升允亦罷。趙惟熙為都督，令鉞去軍政府名號，鉞以舉事後先爭持數月乃去。玉潤家屬始扶柩歸。

謝寶勝，字子安，鳳陽人，少孤貧，長為武生。同治初從征西陲，後隸馬玉崑、克肅州及關外諸城，常奮矛前驅。後以事與玉崑不合，棄官走博克達山，為道士。玉崑移畿

清臣殉難

第四十三

十

輔為奏補守備，乃復出中，曰：戰起從玉崑，戰奉天失利，玉崑弟陷重圍，寶勝突圍救之，出和議成，寶勝憤激復為道士，居北京白雲觀中。光緒二十六年，大學士榮祿調充武衛護軍統領，尋調赴河南，為毅軍巡防營統領，駐兵嵩洛陝汝之間，豫西故多盜，而洛陽張黑子嵩縣王天縱、汝州董萬川、九悍鷲黑子隱巖谷深處，寶勝購謀偵其將出掠，設伏殷司溝，出不意擒之，數月復擒萬川於產莊。天縱懼不敢出河陝，汝之民乃得安枕。以功累擢至河北鎮總兵。宣統二年移南陽鎮總兵，南陽劇盜王八老虎聞寶勝至，移書定期決戰，會天大雪，前期

五日，潛師薄賊，賊不虞，官兵至，據中庭死守，士卒中破，墮者相繼。寶勝奮身先入，遂火其廬，繫其渠，南陽自是盜絕踪。兩為道士，兩破土寇，皆敘得奔奔有生氣。三年八月，武昌兵亂，南陽與鄂鄰，革黨滋蔓，訛言四聞，寶勝敕部曲日夜巡邏，數十日，目不交睫，而郡縣多響應，將士以餉缺，觀望不

欲戰。十二月，新野陷，寶勝集官紳籌軍食，議戰而大吏飛檄戒妄動，寶勝憤甚，除夕凌晨赴校場誓師，及歸而知府徐承焜及縣官皆欲遁，寶勝以大義挽留之。當是時，紳士款敵士卒以饑多引去，翌晨元日，寶勝黎明詣萬壽宮朝賀，俟久之無一人至，乃獨跪拜如禮，出門遙

清臣殉難

第四十三

七

望鎮署火起，民軍入南陽陷矣。寶勝恐巷戰殃居民，乃率百餘人走裕州，及抵裕城亦懸白旗，且遜位詔至，寶勝謁知州索讀之，大哭失聲，揮將卒令去。夜午屏僕從易朝服，以槍自擊胸，死。將卒聞聲趨視，號慟倉卒不得楷，以大旗裹尸，昇至獨樹鎮，斂之年五十四。寶勝短軀幹面犁黑，目光如電，在馬上揚眸瞻睇，見者驚慄，其治盜恆短衣徒步，自為偵謀，或詭為賣刀者，刀有鉤為識，以是多得盜，或偽賣漿於盜窟中，偵其路徑虛實，而性剛直不能唯阿，從上官意視士卒如子弟，凡傷亡除例卹必再以金贖其家，而自服食糲糲如寒人。結謹嚴有法謝

將軍得此傳千載如生其善師也都司姚藹雲獨忼慷願戰藹雲

陝人寶勝死為民軍所殺

志銳字伯愚號迂安姓他塔拉氏滿洲鑲紅旗人祖裕

泰太子太傅湖廣總督諡莊毅父長敬四川綏定知府

志銳幼穎異與弟志鈞並有文譽父卒孤貧依從父廣

州將軍長善從父絕愛之令讀書壺園中一時名士如

梁鼎芬于式枚文廷式張鼎華咸樂與之遊光緒二年

成進士改庶吉士散館授編修會志鈞亦成進士同官

翰林名聲蹕起已而兩女弟入宮為貴妃門第益隆與

通政使黃體芳祭酒盛昱交尤善以風節相淬礪志銳

清臣殉難 第四十三

以家世貴顯宜究心經世學建白朝廷數上書言事忤

朝旨浮沈翰詹十八年德宗親政擢禮部侍郎中日之

戰上疏陳戰守累萬言德宗動容召見便殿命赴熱河

練兵未踰月女弟珍妃失歡太后復命為烏里雅蘇臺

參贊大臣將軍長庚奏令赴孜牙子清釐中俄積案六

閱月結案千餘起外人折服志銳居臺久究知邊事五

上疏籌西北邊防發強鄰狡謀復忤朝旨兩忤朝旨皆

然中間問以女弟失歡事令人意會得之此所謂微而顯左遷為索倫領隊大臣領

隊例不得專奏端居簡嘿為詩歌自遣淹滯數年遷甯

夏副都統請發帑二十萬開城外故渠得沃壤數千頃

俾駐防旗丁屯墾時朝野競言新政以化除滿漢釐定

官制為立憲根基而中外益猜疑志銳憂之因疏言比

年詔旨數以化除滿漢之見昭示天下然往者六部漢

尚書猶有六人今新政行增部為十一而滿尚書居其

九且有以懿親筦部務者總督七而滿人居其五漢人

占滿缺者不過一二副都統散秩大臣而已若僅曰冠

姓氏通婚姻而一切取功名沐恩澤之路不得從同恐

積忿難平爭端愈熾非朝廷之福亦非滿人之幸語語

人說話實語語為滿人計謀滿臣有如此眼光如此

胸抱竟抑而不用然則幸欽亂國之罪尙可追哉絕沈痛言人所不敢言宣統二年擢杭州將軍未幾復

清臣殉難 第四十三

調充伊犁將軍三年春入覲疏言新疆邊遠新政多敷

衍糜費請一切罷去專意練兵以救危局即請練兵費

一百萬事下度支部僅許二十萬且斷不即予志銳不

能待遂行中途聞武昌變起幕友勸少留不可兼程進

卒於九月二十日到官已而蘭州兵譁變甯夏繼之十

一月十九日伊兵亦變夜猝據南北兩庫進圍軍署教

練官春勳武巡捕劉從德迎門格鬪死欲擁為都督不

從遂遇害事詳新疆篇中事聞贈太子少保予諡文貞

志銳少負奇氣好飲酒賦詩文彩爛然而幼嫻武事善

騎射能馳馬發槍命中後出入邊陲垂二十年備知關

山陝張鄰校計習苦耐勞晚近滿臣中最高傑出其
息爭一疏天下傳誦到今結處簡練雄駁最近班史此
與前趙爾豐謝寶勝諸篇為

傳中最高
警文字

周玉魁號藍田安徽人幼從金順平陝甘回寇從定新
疆積功至提督為伊犁鎮總兵王魁為人樸誠忠實為
歷任將軍所倚重辛亥十月革命軍起鎮標兵窺情不
能戰玉魁貲產為革命軍掠奪殆盡志銳之來以新疆
萬里無黨人可避世傾家私數十萬挈赴伊犁亦盡為
革命軍掠奪合玉魁貲百餘萬事定革命黨渠復日榜
掠軍士索羌帖金銀玉魁慨然曰是強盜耳胡云舉義

清臣殉難

第四十三

四

會知府賀家棟招宴楊續緒馮超李輔黃郝可權及舉
事諸人王魁偵知即朝服赴府署東火葯庫然之署墻
崩摧屋瓦震動而家棟等不傷玉魁趾骸颺散謀奇而
抽筆簡
而新疆邊遠荒遐會匪遍地黨人煽之官吏被戕者阿
克蘇道陳正源溫宿府知府王乃發喀什喀道袁鴻祐
焉耆知府張銑庫車知州毛英畏疏勒縣知縣張秉鐸
輪臺縣知縣李華嵩巴里坤總兵易盛富喀什參將湯
殿恆較他省獨多然失其事識其名於此

清臣殉難記第四十四 閩 浙 粵 滇

松壽字鶴齡滿州正白旗人以任為工部筆帖式累遷
郎中光緒十六年簡陝西督糧道擢山東按察使二十
一年超擢江西巡撫二十六年調江蘇巡撫河南巡撫
二十八年入為工部侍郎正藍旗副都統尋授熱河都
統入為工部尚書復出為察哈爾都統三十三年轉閩
浙總督宣統三年九月武昌兵起蘇浙相繼響應閩軍
亦變將軍樸壽督駐防兵與民軍戰兵敗被執松壽憤
恚吞金死語詳福建篇事聞贈太子少保子諡忠節子
光裕郎中光耀候補道

清臣殉難

第四十四

一

樸壽字仁山滿洲驤黃旗人光緒二十年由吏部郎中
簡山西歸綏道擢庫倫辦事大臣轉綏遠城將軍正黃
旗漢軍都統三十一年移福州將軍將軍向督閩海關
歲入美金數十萬自關務處歸總督將軍清苦樸壽安
之日與幕士飲酒賦詩其感懷詩有云退一步思皆坦
蕩作千秋想便高歌為人所傳誦樸壽長身巨幹目光
奕奕有神好賓禮文士然無敢干以私在官五年與總
督松壽相得甚歡知無不言武昌事起黨人彭壽松煽
陸軍為變提督孫道仁兼陸軍統制屯廈門陰與相結
書法謹嚴松壽故長厚聞警招道仁至省款遇優厚道
文勢壽舉

仁貌為恭順且言如有變當以死為衛松壽倚信之為
奏保頭品頂帶賞穿黃馬褂樸壽深知道仁不可信密
言松壽設宴召道仁已於坐中手刃之松壽曰吾遇之
厚必不負我公何疑焉繼又請以旗兵一營衛督署松
壽亦不從樸壽有母老在京念世必亂乃其妻北歸
侍母親送至南臺與妻女牽衣而泣因日料軍實簡卒
伍旗民能勝兵者皆授以兵佐領定燿諸生有幹略任
為捷勝營管帶日夕訓練道仁久欲舉事憚樸壽不敢
發道仁所部副將萬國華屯興化游擊徐鏡清屯延平
道仁假總督命召二人告以舉事國華拒不從引去鏡

清臣殉難

第四十四

二

清以九月壬午至即夕為變揚言旗營將開礮轟城以
激怒眾眾憤起樸壽欲往謁總督軍士填塞街巷不得
前四鼓砲聲隆起分撲軍督兩署總督逃至署後畫店
飲鴆死樸壽親督兵禦之僵仆相繼民軍幾不支民軍
大礮皆在于山樸壽偵知二十日夕與定燿短衣草屨
督死士襲山壘走燿深入中礮死軍士益憤悉銳進攻
幾登矣忽大雨如注炸彈橫飛樸壽傷足乃退叛軍以
大礮擊軍署屋瓦橫飛樸壽乃走避旗卒家民軍懸賞
購之有旗兵利其訾告發被執至司令部曰吾身為大
臣死吾分然必一見道仁道仁慚不見乃大罵曰道仁

父子受國厚恩縱不知有國獨不念其父乎既又遺書
道仁約二鼓相見於于山至時亂眾擁至山巔戕之翌
日旗營遂納款樸壽死無敢收其屍者獨標營管帶張
潤昌持酒酌哭之越二日始斂事聞贈太子太保予諡
忠肅子景康蔭員外郎

來秀字樂三滿洲鑲黃旗人由刑部郎中充軍機章京
積勞遷領班光緒二十三年授福建汀州府知府宣統
三年九月福州兵變將軍樸壽總督松壽既抗節死來
秀在官多惠政汀人以其滿人易為人指目相率來謁
許護至汕頭而要其繳印綬幕友勸許之來秀曰印受

清臣殉難

第四十四

三

之朝廷不敢私與人十月望日間省中以兵來汀即夕
仰藥死來秀之將死以金與幕友錢姓託其孥及來秀
死錢幕挾金逃妻子窮餓轉徙不能歸此等幕友舊友
山陰章子肯見之潛焉出涕即為贖資護其妻子北歸
人稱其義俠

劉念慈字普芝湖北鍾祥人由廩貢生保知縣發福建
慈署順昌縣知縣光緒三十三年補延平府永安縣知
縣辛亥九月福州兵變郡縣土寇竄起假號攻守令搜
財物會念慈因事出城寇劫之入其巢索銀幣三千取
贖署中皇急四出假貸家人典簪珥益之猶不足念慈

自被羈，即絕粒不食。寇百端勸誘，不為動。聞署中方集賞議贖，問遣人持絕命書戒家人曰：官為賊劫，辱身辱國，吾誓以身殉，慎勿贖以貽羞。又數日，念慈竟餓死。寇驚駭，夜以其所乘肩輿昇其尸置城門外，遂散走。此寇願趨王榮綬字笛青，湖南善化人，以軍功起家為知縣。甘肅光緒二十八年丁憂，改選福建連江縣知縣，為人明察，捕盜嚴，盜無敢留縣境。以故黨人多恨之。三年九月，黨人彭壽松嗾陸軍為變，時榮綬已受代居福州，被拘至軍政府，責以捕治黨人之罪，榮綬抗辯不屈，戮死。

清臣殉難

第四十四

四

辛亥九月，浙既獨立，軍政府迫前巡撫增韞，遣將軍德濟書，要令毀營壘，繳軍械。德濟遣貴林出議，不協。歸與佐領哈楚顯，舉人存炳，及子量海，力沮款議，謂與其受辱生，毋寧一戰死。先後殺遺書者二人。軍政府乃下戰令，而旗營大炮機振，被匠盜去，不能然。德濟懼，不知所為，遂納款。四人泣爭不獲，乃相約殉國。日以大義動旗兵，皆恢復。德濟陰欲之。上海欲因事取信，民軍告密軍政府。殘同類以自利此等滿人吾無取乎爾丁亥，四人同被捕，駢戮於市。又知縣文海，漢軍鑲藍旗拔貢生，以知縣發浙江署長，與知縣或謂其於駐防納款後，痛詈德濟，誤國民

軍聞之，入其家搜槍械。文海遠發槍斃一人，被執死。

清臣殉難

第四十四

五

趙翰階，字春亭，直隸祁州世族。父受璧，奉天昌圖府知府。翰階為人慷慨義俠，少從父官，習邊地騎射技擊。屢從役捕鉅盜，盜絕迹。昌圖民至今頌之。光緒庚子，義和拳起，北方大亂。翰階招練鄉勇為衛，村鎮獲安。辛丑春，拳寇為聯軍所逼，結隊南竄，焚掠村鎮，率賄之冀無事。翰階獨謂妖民肆亂，殺無赦，堅拒之。拳寇來攻，翰階率勇乘垣擊斃其首，拳寇詭服，投械乞止戰。已而來益眾，潛從鄰居入縱火焚其第。翰階且戰且却，寇終不敢逼。然寇渠既死，不能成軍，旋就撫。畿南亂遂熄。翰階自是知名。於時而家遂燬。當拳匪亂時，奉天循吏增韞，以故人避亂祁州。翰階曲盡維護，增韞感其義，登堂拜母。親若兄弟。又數年，增韞開藩保定，招使襄辦警務，勤朴幹練，事無不舉。已而增韞遷浙撫，調赴浙，委統撫署衛隊。釐剔宿弊，士眾親附。宣統三年八月，湖北民軍起，長江上下游皆響應。九月，浙紳請增韞獨立，增韞不從。十月，五夜杭垣兵變，轟擊撫署。翰階集衛隊議戰，眾環泣曰：今日之事，極知負公。然眾寡懸殊，戰亦無濟。翰階憤怒，欲挺身獨戰，眾擁之自署後出，閉置室中。已而聞巡撫止諮議局，乃斥去阻者，出遍謁同僚。凡所以謀脫巡撫

者計靡不至時家室已相失弗顧也既不得當乃誓與
巡撫同命徑詣諮議局偵其安危不得入固爭弗去民
軍有識之者語侵翰階翰階詞益厲眾執之翰階大呼
曰吾隻身見增公何害乃侮我我北方男子非畏死者
民軍惡之遂被害時十六日下午也後浙人卒以增韞
爲循吏得釋奉母北歸語及翰階至今流涕子梯青今
爲奉天高等檢察廳廳長

黃爲熊字子祥江西德化人父儒荃內閣中書爲熊隨
父官京師中順天舉人大挑用知縣發浙江攝於潛知
縣不畏強禦知府惡其強項譖之院司未滿任去再攝

清臣殉難 第四一四

六

東陽東陽民健訟積獄累千百日排決數十事懲誣理
冤百姓畏感遭父母喪去官服除攝蘭谿興學重農百
廢具舉巡撫上其治行詔嘉獎宣統三年九月省城兵
變又僞言京師陷爲熊痛哭欲自裁紳耆慰解之爲熊
曰吾決不棄城走惟辦一死耳已而亂民麇集謀奪縣
印爲熊曰印受之朝廷不能私付人即闔戶自經死無
子妻流寓杭州不能歸

趙國賢字良臣河南項城人咸同間袁甲三督臨淮軍
國賢年少以鄉人給事帳下後入淮軍爲裨將從平捻
寇從定朝鮮積功至總兵記名提督光緒二十二年袁

世凱創練新軍召國賢忝軍事以宿將甚見尊禮世凱
撫東國賢領武衛右軍後編爲第六鎮國賢爲統制旋
入都宿衛官禁宣統二年授潮州鎮總兵國賢性篤實
每遷官必詣世凱謝當之潮過彰德謁世凱問居官法
世凱曰爲官盡忠報國而已國賢賡濟惟謹三年九月
惠州革命軍起至汕頭窺潮州國賢所統巡防軍五營
聞警日夕修戰具運大礮於金山二十一日集官紳詢
防略巡道吳煦走士紳懼開戰禍及居民泣請國賢毋
下戰令國賢憤甚走語知府陳兆棠謂眾情如此事無
可爲惟一死以報國遂與兆棠約爲昆弟而以總兵印

清臣殉難 第四十四

七

付之至夜獨身至堂皇北向自經死當事之急家人皆
逃竄惟一幼子侍囑有急往謁知府至是其子奔告兆
棠具棺歛之遠近聞者莫不感傷國賢在官廉正恤下
愛民夏日韓江隄決泛溢城垣國賢冒險督兵堵禦水
沒膝不肯退隄完民尤念其勞越日民軍至欽其節爭
贖金畀其子扶輿歸事聞贈太子少保銜賞雲騎尉世
職子謚忠壯子玉堂廕主事國賢既死之次日鎮標左
營游擊白如鏡聞標兵欲拊民軍亦不屈死之如鏡字
顯齋漢軍鑲黃旗人
何培清字鏡亭廣東歸善人爲惠潮嘉提督標營千總

光緒三十四年領連和巡防營剿捕積匪里閭宴然提督秦炳直才之調領博羅防軍討羅桂幫匪盡殲之武昌變起粵民軍響應猝集惠州號數萬人九月望日圍攻博羅更以眾扼東江南岸隔絕惠州大營省城援軍障下游不得濟培清兵僅三百人登陴守礮石交下拒戰兩晝夜敵不得逞會奸民通敵開門敵入被執總司令陳炯明聞培清賢囚十日竟釋之出郭遇羅桂軍出不意殺之炯明哭失聲也

陳兆棠字樹甘湖南桂陽人父士杰咸同間平粵寇有功官至山東巡撫兆棠亢朗有才氣以廩貢生入貴爲

清臣殉難

第四十四

八

知縣四川以廉能著稱會廣西寇亂粵督岑春煊調赴廣東令兆棠募棠字五營從征以功擢惠州府知府惠州素多盜自九龍設租界盜恃爲逋藪愈熾數守莫能制兆棠至則令列屬鄉族各自爲冊注盜主名區處兆棠按冊捕誅積三年至三千餘人忌者騰毀謂爲屠伯總督張人駿新至輕裝至惠州察訪輿論翕然所誅無冤者調補潮州府知府檄下潮人有上書言兆棠好殺者兆棠既至數月不問盜事盜寢城內白晝行劫於是羣額兆棠捕盜兆棠乃牒屬縣已獲盜解府覆案一日報誅三百人郡中震怖自是吏民爭爲耳目盜發

輒得辛亥九月二十三日民軍至汕頭城中黨人響應聚千百人輒稱司令全起莫能禦民軍入總兵趙國賢抗節死防軍擾亂巡道吳煦及知縣皆逃士民益惶懼堅留兆棠收撫防軍部署未定二十八日民軍以爭博持兵入市被巡兵擊斃二人遂遷怒兆棠糾眾攻府署倉猝召防兵無至者火及宅門左右扶之匿民家民軍懸賞購之遂見執張司令置酒與飲令輸餉十萬貸其死兆棠勃然曰丈夫死即死耳安有十萬金助爾謀反耶語有眾怒縛兆棠柱上舉槍擊之中十三彈乃絕潮商梁子基出重貲募人盜其尸至汕頭斂之送致其家

青臣殉難

第四十四

九

事聞贈道員

黃新字兆熊湖南湘潭人家貧不能讀書從軍入闕爲福州知府秦炳直所識拔後炳直爲廣東惠潮嘉提督新從往營故多湘人有疾篤者輒托歸骨嘗挾五六樁渡海涉江達湘歸葬人稱其義俠旋爲隊官廣州黨人既狙殺爭將軍炸擊提督李準炳直頗自危往來廣惠必以新從宣統三年九月惠州防急新守西門廢寢食者三晝夜後標兵通敵開城居民鼎沸有訛傳提督被害者新大慟誓同死然擾攘不得達主帥所乃登北城樓與從兄熙瑞子俊及所部數人死守不去既而曰與

爲人殺母甯自殺耳一日下樓久不歸迹之則仰臥維
珠間以足自踣槍機擊死矣熙瑞與其子潛瘞於城下
馮汝禎字萊雲浙桐鄉人以諸生入賞爲知縣發廣東
明敏幹練以數決疑獄保直隸州知州加運同銜宣統
三年攝西甯縣事廣州變起西甯亂黨糾土寇剽掠汝
禎募團練百人出近郊靖土寇境以得安九月丙戌縣
紳附亂黨率眾入署脅縣官懸白旗降汝禎持不可眾
遣之乃衣朝衣坐堂皇死年四十

張德潤南雄人干總充香山巡防營管帶辛亥九月民
軍入城德潤守南門力戰援絕被執死投尸江中

清臣殉難 第四十四

張嘉鈺字式平湖南鳳凰廳人以父蔭襲雲騎尉世職
入湘軍保至記名總兵借補澧州營參將以驚撲見稱
光緒二十八年巡撫俞廉三遣率防軍二旗援廣西遂
留平匪亂事定擢雲南昭通鎮總兵宣統三年調署騰
越鎮總兵武昌變作鄉人蔡鏞爲雲南協統自省垣遺
嘉鈺書云世局無定君宜遠時變友人見其書謂嘉鈺
曰公意云何嘉鈺曰我所知者城存與存城亡與亡而
已他非所能行亦非所忍聞也騰越屯防軍六營隊官
陳雲龍悍擊與其地黨人張文光相結煽標軍內應九
月庚午黎明圍鎮署嘉鈺驚起呼開槍語未畢中彈死

鍾麟同字健堂山東濟甯州人威海武備學堂畢業生
鄂督張之洞聞其賢召爲武健營管帶光緒二十九年
岑春煊調至廣西與平匪亂保知府旋遣赴日本考察
軍制以疾還北洋袁世凱檄統第四鎮礮隊三十四年
保升道員宣統元年加正叅領銜授雲南第十九鎮統
制官麟同性忠實治軍重風紀與兵備處總辦王振畿
總叅議靳雲鵬同心訓練總督李經羲甚倚重之自練
兵處劃一天下軍鎮各省練新軍雲南陸軍要職多北
人滇將士頗缺望及武昌警耗達雲南三十七協協統
蔡鏞及講武堂堂長李根源步隊標統羅佩金管帶李

清臣殉難 第四十四

鴻祥謝汝翼唐繼堯劉存厚等密謀響應這溯亂源有黃河水來天
勢上之麟同數爲經義言蔡鏞黨人附之者眾宜爲備經
義不省及騰越亂風聲愈急乃與麟同議遣李根源討
張文光羅佩金赴安南運軍械而裁併李鴻祥謝汝翼
各營以分其勢蔡鏞等見事急遂以重九日起事麟同
與靳雲鵬扼守五華山與軍械局相犄角戰竟夜民軍
幾敗既而輜重營管帶范鍾岳陣亡軍械局失守民軍
合攻五華山戰至日晡彈盡麟同憤恚自戕不殊護弁
馮文繡張耀奎昇赴城南醫院途遇亂兵支解之靳雲
鵬遇救得免王振畿至次日亦被戕李經羲走蔡鏞爲

都督雲南竟獨立事聞贈副都統子諡忠壯子培英廕
 主事麟同既被難七十二標標統羅鴻奎守壘不去至
 夜爲叛軍所乘被執不屈死七十二標第三營管帶張
 恩福憤極立營門厲齒大罵流血破額爲眾格殺死范
 鍾岳字靜甫直隸鹽山人羅鴻奎字翊亭直隸天津人
 張恩福字子元直隸靜海人凡在滇北人鮮有免者
 王振畿字化東山東滕縣人少有俊才應試郡城過僧
 王祠誦楹聯大感動遂習武入天津武備學堂畢業充
 教練奉天數年李經羲調赴雲南以道員充二十八協
 協統第十九鎮成立經羲薦爲統制及命下乃鍾麟同
 乃撥充兵備處總辦謀軍政爲經羲所倚重變起經
 義走匿民家振畿欲赴五華山甫出門爲亂軍所遮擁
 登城垣振畿心念墜城死可不辱奮身下僅傷左股遂
 昇至皇華館見蔡鏢鏢親其創對榻與語振畿竟夕
 無一言旦日具食振畿南向坐鏢東向坐參謀楊集祥
 坐其下蔡鏢以酒屬振畿曰督帥遁矣滇無主爲生民
 計請公爲帥鏢副焉一方不足平也振畿默然目炯炯
 視鏢忽抽鞞中槍擊鏢不中中楊集祥腦立碎再發鏢
 再跳免李根源以兵入殺之鏢哭而斂焉此與雲南篇
所記不同兩
 存之以
 期一信

清臣殉難
 第四十四

三

張之泮字藻華直隸河間增生與馮國璋爲戚屬國璋
 充小站武備學堂提調之泮棄文習武入武備學堂畢
 業充第五師教練官未幾充輜重營管帶與鎮統張永
 成不協辭職宣統三年赴滇爲副官八月武昌起義滇
 協統蔡鏢等思響應之泮聞其謀昌言不可眾嫉之置
 毒酒中召之泮會飲歸寓暴卒之泮性倜儻捐小節幼
 與其兄之浩遊學保定蓮池中後俱學武備之泮既卒
 之浩入民國爲防軍統領守禦北邊迭與蒙寇戰著邊
 功並有名於世
 孔繁琴字韻笙安徽合肥人開平武備學堂畢業生始
 從岑春煊治軍陝西後入川春煊督兩粵從至桂林平
 寇亂屢著戰績常夜追賊遇虎從者皆駭走繁琴獨身
 擊殺之由此顯名積勞保至知府賞花翎廣西巡撫李
 經羲器重之旋督雲南奏調繁琴統滇南右翼防軍駐
 臨安宣統三年九月省城亂土寇竄起稱民軍煽誘防
 軍數營與合勢張甚繁琴率未叛各軍禦之轉戰至蒙
 自鷄街既而中彈傷股僵卧破屋中敵謂其已死舍去
 繁琴忽蘇大呼以死報國眾聞聲復返繁琴奮起擊槍
 擊斃數人力盡乃見執支解之是日二營管帶張榮魁
 亦戰死榮魁亦皖人與繁琴同學

清臣殉難
 第四十四

三

世增字益三漢軍正白旗人祖伊綿阿大名鎮總兵父長起隴州知州世增幼肆業同文館嫻法文從薛福成使英法充繙譯官還充總理衙門繙譯官充使法大臣慶常使俄大臣楊儒參贊官譯西藏全圖西伯利亞鐵路全圖進呈御覽溫詔嘉許丁父憂歸國浙撫張曾敷調充洋務局總辦疏薦簡甯紹台道請終制開缺二十三年簡山東兗沂曹道擢雲南按察使明年調雲南交涉使宣統二年擢雲南布政使三年七月移甘肅布政使未行而武昌變起新簡滇藩以道梗不至而省城新軍携貳總督李經羲倚信二三少年不設備世增屢諫

清臣殉難

第四十四

十四

不聽幕客請卸事可脫險不從事亟商民洩懼法領事韋禮敦謁請避入領事館復謝之家人有懟者世增曰焉有一省大吏不能自保而求庇外人者乎余得死命也即揮眷屬出避幕友家已抱印獨處署中既亂軍入擁至講武堂索金助餉世增曰庫款有檔案在吾無私至夜眾復入竟殺之方事之急僕從紛散獨僕紀祥不肯去及世增被彈仆紀祥伏尸哭曰主人爲王事死吾當殉主人若其速擊我有識之者曰此方伯義僕也免之世增遇外交特正不阿必使外人折服而後已性儉約輿馬衣服樸質如寒素官滇三年法領事慕悅其爲

人聞其被拘也即赴革軍代任軍餉二萬元求貸其死其見重外人如此

石家銘字訂西湘潭人石氏爲縣舊族世著忠孝家銘端謹勤學不苟言笑年既冠隨本生父世纓游雲南世纓精習刑名家銘遂傳其業館大理者十年既而游廣西四川旋復返雲南佐督幕雲南界連英法領土交涉尤繁家銘通敏博涉凡邊防阨塞各國通商條約靡不諳究文書往來惟家銘隨方應付動中竅要他人或爲之莫能及也總督丁振鐸錫良李經羲莫不推重之積勞由縣丞累遷至知府宣統元年爲昭通府知府李經

清臣殉難

第四十四

十五

義以家銘更事久留不遣之任二年臨安開廣道龔心湛言開化積獄多堅請以家銘暫攝府事三年春至開化視事數月理滯獄數百起多平反一郡大歡九月己卯初省城事急調總兵夏文炳率防軍赴援家銘與文炳議遣城守兵兩營往而別募團兵守城巡道委金殿舉余樹松爲管帶樹松開化人前吞沒郡公財甚鉅家銘至責償而巡道弗之知未幾龔心湛亦告急夏文炳率四十人馳蒙自規防守金殿舉亦請餉詣蒙當是時城守獨倚余樹松樹松陰賊欲乘機爲變夜半家銘與城紳萬里恩巡城樹松猝至曰兵變矣吾將出隊語畢

還反走。俄槍聲起。圍府署。家銘與哨弁李世清督衛隊二十人死守。翌晨彈盡。家銘遠吞阿芙蓉膏。走安平舊署。就余樹松語。有告者曰。爲叛者樹松也。胡語爲會毒發昏。督家人負歸。署久之不死。乃令世清燃火油。以身投入。世清哭隨之。遂共焚死。世清雲南人。後都督蔡鐸得情。誅樹松。

毛汝霖字澤卿。四川成都人。以知州候補雲南。權永昌稅局。辛亥八月。知州朱聯奎擢迤西道。保山知縣陳文燦護知府。既文燦以事赴騰越。汝霖兼攝知府事。九月庚午。騰越兵變。永昌大恐。汝霖集民團守禦。既聞省城亦亂。駐永新軍管帶羅長庚與教練官郭齡昌夙不睦。至是長庚殺齡昌。大亂。汝霖遂仰藥死。

清臣殉難

第四十四

云

琦璘。滿洲鑲紅旗人。貢生。累官至雲南順甯府知府。辛亥九月。省城獨立。琦璘集紳耆籌議保民。并出俸銀五百兩備公用。紳耆親愛之。初知縣蕭洪斌防軍哨弁滕久名不法。褫職。恨琦璘。及聞省城亂。乘機與土寇譚洪鑫相結爲亂。琦璘逃至城北古廟中。辛巳爲賊所得。擿至城內。剖其腹殺之。後甯紳求救永昌。誅洪鑫。胡國瑞字瓊笙。湖南攸人。舉人大挑。知縣發雲南。權知露益州。一月中理積獄踰百。大吏以爲才。攷績爲曲靖。

清臣殉難

第四十四

云

八縣最移知彌勒。二十八寨劇盜。三年易八。合莫能治。國瑞至。與營將謀曰。請兵剿捕。彼得爲備。出不意襲之。可立禽也。遂戎服佩刀先行。兵繼進。乘夜破賊巢。禽其渠。況國玉。雷珍。張朝安。誅之。盜藪遂空。戊申大水。獨振並舉。全活甚眾。大吏舉循績。擢大關廳同知。初國瑞以疾乞休。三請弗許。後以修墓告許之。既受代矣。會省城亂。藩司被戕。乃與其子書曰。余雖無守土責。然君臣之義。萬古爲昭。當俟北信。以明吾志。幸勿來後。旬日訛傳京師陷。皇帝死。戒從者趣治裝。翌晨汲者見井上有雙履。俯視則國瑞峙立井中死矣。遺書案上曰。自縊不死云。

張舜琴字竹泉。雲南臨安府石屏人。光緒丙子舉人。官昆明縣訓導。弟舜笙。舜鏞皆舉人。兄弟相爲師友。并有聲譽。舜琴性嚴正。究心宋儒之學。人士相從講授。尤負重望。權順甯府學教授。當事重其學行。留不遣。在昆明凡十八年。事繼母孝。迎養至學舍。朝夕瞻省。顏其堂曰不冷。厯主經正育才兩書院師範學校。舜琴素講道學。人疑於新學說不相容。及觀其學規。新舊並重。而生徒

進退起居壹準禮法。乃皆翕服。外國教授尤重之。每稱曰張先生正人。宣統三年九月。陸軍構變。城內相激戰。舜琴誦如平時。已而總督李經羲去位。協統蔡錕為都督。訛言京師破。清帝死。門人說舜琴引歸。舜琴愀然曰。去將安之。會奉嚴令剪髮。舜琴即夕闔戶仰葑死。遺自輓聯云。慘對君親師。留此白髮數根。為廣文先生寫照。傷心今昔後。誰禁我青山一卧。任造化小兒安排。亂定。士人立石學宮紀其事。

清臣殉難

第四十四

六

清臣殉難記第四十四



清臣殉難記第四十五 湘 贛 京師

黃忠浩字澤生。湖南黔陽人。光緒

儒先性理書。慕其鄉羅澤南。曾國藩。之為人。而專意兵

學。赴日本參觀大操。歸益研討戰術。用知兵名。於時二

十一年。鄂撫譚繼洵。聞忠浩知兵。命以內閣中書募湘

人五百入鄂。守田家鎮礮臺。張之洞一見重之。檄領武

靖營移武昌。陳寶箴撫湘。召忠浩還治軍。湘中乃別募

三千人。躬教練之。二十六年。拳匪起。之洞檄忠浩勤王。

時唐才常自立軍。謀起漢上。事敗。有李生隨忠浩軍來

鄂。鄂撫疑忠浩窮治李生。無所得。之洞遽散其募兵。五

千人。配各軍。與忠浩二營屯岳州。已而為損道員。遣觀

操日本。趙爾巽撫湘。復召忠浩還。總全省軍務。忠浩既

重領湘軍。益精練。稱勁旅。會廣西賊陸亞發陷柳州。黔

湘皆戒嚴。時忠浩方丁母憂。特詔起率湘軍赴援。忠浩

策賊必竄黔滇。圖擾蜀。乃取道綏甯入粵。賊果飽掠出

懷遠。正與忠浩遇。忠浩督孤軍奮擊。自辰至未。斃千餘

人。追至梅寨。復大敗之。擒亞發。賊遂破散。捷聞。超授狼

山鎮總兵。忠浩陳情辭不就。詔改為署理廣西寇亂。蔓

延垂十年。莫能定。陸亞發尤驍悍。忠浩以湘軍一戰破

之。威聲大震。岑春煊極重之。及議剿餘寇。春煊主燬邨

鎮忠浩謂餘寇雖匿邨中若燬邨則玉石俱焚先贖軍紀與春煊意不合三十二年除右江鎮總兵未幾引疾去宣統二年從蜀督趙爾巽入川五月署四川提督三年復引疾歸湘忠浩晚年頗厭倦兵事欲顯意開鑛大濬洞庭湖為桑梓謀樂利乃事未施行而長沙變起初湘省練新軍未成鎮以故巡防營有數十營分中西南三路湘撫余誠格初至以忠浩宿將命統中路巡防十營受事甫三日武昌軍亂湘新軍聞風携貳已而巡防營為黨人所煽亦貳將與新軍合巡撫偵知之收其機關礮新軍急九月朔平明突入小吳門劫軍裝局圍撫署時忠浩方與巡撫計事聞變偕出堂皇慰諭之變兵要巡撫為都督巡撫伴諾從間道走忠浩出至又一村為亂兵所執擁至小吳門殺之忠浩恍慨任氣剛直不撓在湘軍界資望最崇事起之先黨人穩健者本欲推為軍統以鎮糾募倉卒隕身士論惜之

王毓江字襟山安徽宿州人父心忠以行伍起家討捻匪有功累官江南總兵毓江少有材略軀幹修偉以知縣官江蘇尋以道員發陝西毓江故將家子習兵事充兵備處總辦布政使余誠格擢湘撫檄調湖南筦兵事視事方九日兵變被執為亂兵所戕

清臣殉難

第四十五

三

沈瀛字士登江蘇吳縣人生有至性常到臂療母疾從母舅謝植至湘以漕運保知縣湘撫吳大澂督師出關瀛從道員薛鴻年司轉運事涉勞苦則奮起請行其可因以為利者則退讓不與鴻年益重之踰年還湘歷知武陵長沙諸縣事所至有聲擢古丈坪同知未之官留筦官錢局草定規章條理縝密後至者不得因緣為奸再知長沙筦官錢局如故移攝衡山宣統二年長沙亂民以米貴闕於市焚撫署市廛輟業長沙善化二縣令皆罷斥大吏以瀛才檄還再知長沙市民聞瀛至則大悅平糶施賑省城復安巡撫楊文鼎奏聞優詔褒獎三年八月巡撫余誠格檄充營務處提調武昌亂湘軍隨貳九月朔新軍突變巡撫逃統領黃忠浩被戕瀛方出巡市民軍遽遮之擁入諮議局請為長沙知府不可請仍知長沙縣不可黨人語侵瀛瀛亦怒曰若撫軍聽吾言何至有今日今已矣吾力不能殺若若速殺吾民軍怒閉之空室中與湘鄉縣知縣申錫綬忍饑相對民軍知不可屈乃并殺之

申錫綬字印堂陝西城固縣人以監生入貲為知縣發湖南精聽斷凡督審發審兩局有巨獄多屬錫綬一讞而定悉知巴陵新化茶陵諸縣事皆有能聲歸長沙充

清臣殉難

第四十五

三

保甲總巡按察使陸鍾琦聞其才清理積獄數千起一倚辦錫綬宣統二年知湘鄉時巡撫楊文鼎銳意清鄉以道員吳躍金與邑蔣紳總其事蔣紳驕恣動與縣自咀晤因謝病歸三年夏充職兵備處九月亂作民軍擁錫綬至諮議局與沈瀛閉置室中竟日不得食日暮家人乘間具餽餽屏弗食瀛曰吾輩久羈此將何以爲計錫綬曰丈夫死則死耳奚暇他謀瀛曰死則有名名固重於生乎錫受曰然已而軍隊入趣二人出遂與瀛同就死臨刑問其名聽者誤爲王錫綬曰汝勸業道耶錫綬掉頭不辨死尤慘云

清臣殉難

第四十五

四

鍾麟字書春蒙古正白旗人世居奉天光緒癸卯進士湖南卽用知縣除瀏陽瀏醴亂初定大吏以其樸訥不任繁劇移永順宣統二年移嘉禾嘉禾地褊小而士紳騫時習多騫競三年九月長沙軍亂風聲險惡丙午衛永彬桂道通令輸款典史何永清投縋死麟書大慟初大姓李敵廉恣爲奸惡大府名捕不能得麟書至獲之後爲其黨篡去至是寅夜聚眾稱民軍圍縣署麟書縛其妻於牀縱火自焚論二子出避卽槍殺其子婦自咽金屑懷印出堂皇叱亂民不止俄而火及出佩刀自刎死方擾攘間鍾麟二子懼父受辱出乞於眾以首觸階

石破腦死餘俱自焚惟三幼孫尙卧爲僕掖出得免何永清四川新津人家貧爲人司會記爲候補道慶善所器重慶善爲駐藏大臣永清從爲隨員慶善死改捐典史歷署沅陵縣典史辰州府經歷光緒三十四年補嘉禾縣典史州牧留權桂陽州同兼吏目屏絕規費胥役嚴畏除夕有富商以金爲壽請繫一負債人永清曰除夕人皆歡聚我受金而使一家人離散非人情峻拒之其廉介類如此期滿歸嘉禾辛亥九月省城亂耗聞永清與知縣鍾麟誓同死守自是日減食飲士民間之有來言曰邑候旗籍恐民軍不容公幸自愛有變當奉

清臣列難

第四十五

五

公理縣事永清曰公意良厚然吾志決矣因出刀繩示之言者媿歎及壬午衛永彬桂道受款傳檄至嘉禾永清痛哭繫印肘後自縋死初長沙警耗至鍾麟集教諭林元仕及永清集議元仕慷慨言吾輩甯死不可取辱泰山鴻毛之辨正在此時及永清死又三日鍾麟亦全家殉難元仕載妻子倉皇出走歸里

楊讓梨字劭欽湖南湘鄉人父碧峰咸豐初戰沒桂陽卹雲騎尉世職讓梨幼貧劭學慕鄉先達羅澤南之爲人澤南弟子王益有子曰詩正與讓梨善詩正從左宗棠援臺灣讓梨從治軍書詩正戰失利讓梨嘗負之以

免軍中咸壯之尋以守備用從劉錦堂戰新疆從董福祥征河州西甯積功擢參將加副將銜賞帶花翎錫鏗色巴圖魯勇號讓梨本書生好爲詩歌至是乃以武勇顯後遷長沙隸黃忠浩部下駐金盤嶺移江灣江灣當醴陵萍鄉孔道輯和軍民保衛行旅商民頌之丁母憂巡撫陸元鼎命留營讓梨再三請卒終制服除補永州左營游擊移綏靖中營宣統二年移鎮軍中營游擊三年九月長沙兵變初長沙急鎮軍總兵周瑞龍奉巡撫檄籍鎮兵千人赴援命讓梨率以往道聞長沙常德亂卽回軍扼辰龍關當是時辰沅永靖道朱益濬辰州府

清臣殉難

第四十五

六

知府景方昶方保境固守及讓梨至辰方昶大喜厚餽犒軍誓與讓梨死守鎮兵故悍銳民軍不敢偏周瓚者瑞龍子官武昌民軍委令說降鎮軍兵瓚因以書說瑞龍瑞龍由是持兩端瓚復乘舟齎重金來辰欲以加餉餌鎮兵哨弁李鳳鳴密白讓梨讓梨得爲備會周瑞龍稱疾檄讓梨還代以他將讓梨卽上書瑞龍責以大義滅親且代瑞龍傳檄名捕瓚瓚乘舟遁而心恨讓梨已而瑞龍降道府委印綬去讓梨痛哭犒軍遣還獨權小舟行至清浪灘躍入水中舟子泅之出讓梨恚曰若奚活我讓梨之去辰周瓚卽入代其軍遣卒追讓梨及其

子傳孔繫送長沙道常德會巡按使龍璋至盛陳兵衛溫語說之降讓梨執指誓之璋曰汝尙欲何爲讓梨曰欲明白死白刃下豈向汝叛黨求活耶璋叱令縛出讓梨曰殺烈士安用縛因趨出北向叩首南向拜從容引頸受刃讓梨工書首逸森秀詩文亦激越讀之感人其守辰族子門人多移書說之讓梨曰人誰無死吾若戰死埋骨界亭馬底驛間鐵樂魂也吾生總兵書卽以表吾墓傳孔械至省得釋讓梨被縛時其從子婿陳箕奮拳毆縛者亦被殺

清臣殉難

第四十五

七

馮汝駉字星巖河南祥符人光緒八年舉人九年成進士改翰林院庶吉士散館用主事分戶部充軍機章京遷員外郎中二十四年京察一等授四川順慶府知府丁母憂服除授山東青州府知府二十八年移直隸大名三十一年遷湖北鹽法道明年移安徽甯池太道尋擢甘肅按察使遷陝西布政使擢浙江巡撫三十四年改撫江西汝駉性明敏表裏洞達所至察民情量財力從容設施不競不隸士民安之宣統三年八月武昌變起沿江大震九月九江軍亂擁馬毓寶爲都督湖口礮臺皆失未幾南昌兵亦變黨人脅汝駉爲都督峻拒不從然贛人故感汝駉爲具舟送之行至九江黨人遮

留之汝駭遂仰藥死事聞予諡忠愍

吉陞字允中滿洲鎮黃旗人海軍學生積資充海籌兵艦幫帶官湖北兵起海軍赴援者十五艘陽為助勢而礮發多不命中未幾託言購煤米相率下駛九月下亥海籌海容海琛三艦至九江時九江已獨立海容海琛相約懸白旗停泊江岸海籌管帶喜昌不欲說吉陞與同遁吉陞泣然泣既而九江歡迎降艦爆竹喧騰儀禮優沃吉陞發憤投江死

高謙字敬亭湖南沅江人從左宗棠度隴司書記積勞保縣丞光緒八年宗棠督兩江敕謙司淮北督銷分局

清江殉難

第四十五

八

寬平不苛擾輿論翕然凡十有七年受代典衣裘以行鹽商餽遺皆不受三十三年補安徽阜陽縣丞清嚴不妄入民一錢知縣有過舉謙輒陰達民隱民賴以安辛亥九月省城兵變巡撫朱家寶走亂軍入阜陽左右勸謙引避謙厲聲曰名位雖卑大節不易吾豈苟活者即夕飲鴆自盡後晨家人入視謙衣冠端坐榻前氣絕面如生年七十有四縣民聞之奔走赴哭議為立祠以鼎革不果皖省官吏因亂殉難者祇得謙一人餘不見載籍也

載穆字愛棠號敬修為多羅恂勤郡王允禮五世孫曾

祖承碩封固山貝子祖綿翔鎮國將軍父奕雲記名副

都統載穆年二十補侍衛長官文瑞蝕同官廩給眾莫敢發載穆將揭其狀文瑞聞屬所親解說出資分給於眾坐是官不得進者累年庚子拳寇亂兩宮西狩載穆痛哭自盡者再遇救不得死三十二年擢太原城守尉明年詔裁駐防軍分遣歸農載穆倡農業勸女工興學校比去晉旗民男婦務耕作嫻織紉者二百餘人宣統三年四月簡京口副都統八月武昌變起駐鎮新軍兩標思變載穆告急江甯將軍不應未幾巡撫程德全獨立傳檄鎮江鎮新軍及巡防營皆貳城內鼎沸九月望

清江殉難

第四十五

九

日官紳集議萬壽宮約滿漢聯合毋戰且要旗營繳軍械載穆知事不可為罷會大慟曰吾無以對朝廷惟死耳翌日鎮紳楊邦彥趨繳械載穆不許會革軍入據漢城旗營大譁載穆集入旗紳民語之曰吾身為大臣且天潢親義不可不死若戰而死尤肖如飴但旗營兵單餉竭徒糜肝腦殊無益也爾曹其勉徇眾議以紓急禍即草遺疏手自緘印遣官賫赴都至夜自經死疏聞詔鐵良查明死事情形後江甯失鐵良詔未奏覆也

王有宏字景伯直隸天津人少無賴負氣自喜數犯法亡命入銘軍立戰功中日之役從征出關和議成入江

南防營緝梟寇有功累擢總兵鹿傳霖撫蘇器異之從入秦辛丑扈從回鑾尋留豫豫撫張人駿倚以練軍從人駿入粵復從至江南統江南緝捕營及總督衛隊宣統三年八月湖北兵起人駿命統選鋒十營與提督張勳城守九月金陵新軍變城中黨人別出百餘人起應叛軍放警署囚徒授兵攻督署有宏偵知預設機關槍擊卻之九月壬午民軍薄雨花臺張勳督防軍出戰民軍大敗退曹家橋後隊繼至有宏率馬隊出朝陽門繞道要擊復大破之自是叛軍不能成隊潰走鎮江二十六日出攻鎮江戰於龍潭復敗其先鋒十月各省民軍

清臣殉難

第四十五

十

薄金陵有宏以三百騎敗民軍千人於通濟門外遂軍騎踞山巔持遠鏡覘敵忽飛彈中左腹軍士昇至醫院乃絕事聞贈太子少保銜卹銀千兩初蘇滬事未起有宏請率三千人赴滬守製造局斷蘇杭鐵路其計甚偉而總督不能用論者惜之

何師程字雪門漢軍鑲紅旗人父某從僧格林沁討捻匪有功戰沒連鎮郵騎都尉兼雲騎尉世職師程襲騎都尉海擢總兵補江南督標中軍宣統三年十月江甯陷自戕死師程雖右職恂恂儒雅工畫山水人比之湯貽汾云

黃凱臣本名彩以字行江蘇江都人始入徐寶山新勝虎字營爲哨官以捕賊勇悍充營官擢至游擊後被讒去職家赤貧於城北辟小園植花果賣茶自給武昌變起江甯將軍鐵良添募十營助城守凱臣以薦領一營十月乙巳天保城破將軍總督皆走各營相約懸白旗凱臣曰城不守而相率束手降吾實恥之俄而聯軍入凱臣橫刀大呼殺賊馳入敵陣死子祥龍渡江逃張勳收郵焉

清臣殉難

第四十五

十一

盛成字挹軒江甯駐防佐領先荆州駐防旗人同治初金陵克移江甯中江南武鄉試舉人由驍騎校累擢鑲黃旗佐領民軍之攻江甯盛成逆知城必破與知交數人約城破各挈妻孥就火葯庫謀同死眾諾之十月乙巳天保城破翌日有言繳械免死者眾要盛成往不應日午率子婦趙氏孫國瑞女三赴庫痛飲而炷香於庫中香盡庫焚死盛成之携酒赴庫前約者聞皆至及庫將焚友人稍稍引去獨防禦哈即阿飲自如哈即阿字叔芬夙善盛成聞盛成就火葯庫飲亦率妻女及子成仁成義往火發城垣崩摧骸骸散後郡人拾遺骨築大冢書碣識之又防禦南山自戕死松柏園室自焚死驍騎校培秀自焚死前鋒興發小學校長富勒渾布皆

投水死共數百人

王文棟字伯若四川人山東樂安知縣辛亥冬兵變被

戕

良弼字賈臣滿洲鑲白旗人先世荊州駐防良弼工書

好吟詠資抱開朗游日本學陸軍歸隸練兵處旋充陸

軍部軍學司監督軍學司副使軍學司司長良弼實親

言曰良賈臣惜乎滿人假令漢人排滿當較會編練禁

他人尤烈此言陸軍部人皆知之歎其獨黨衛軍充第一協統領擢鑲白旗副都統良弼名知兵為

親貴所倚重及宣統末年親貴爭攬兵權各省陸軍將

弁多以賄進朝士無敢言者良弼憂憤感傷語則流涕

清臣殉難第四十五

三年八月武昌難作慶王欲起用袁世凱督師良弼遍

謁親貴謂為不可不聽十月袁內閣來都奪其兵柄遷

軍諮府軍諮使時民軍建政府南京要清室遜位清太

后及宗室王公大臣懼禍欲從之獨良弼持不可謂粵

寇擾亂至十三省用兵十餘年卒以平定今雖時勢稍

異焉有虛聲囑喝遽震懾不自持以天下拱手授人者

乎且今之言和者以戰難必勝耳然不戰而亡與奮戰

而亡等亡也榮辱異焉親貴聞良弼言感動慙慙遜位

詔因遲不下初黨人仇滿謂良弼仇漢嫉之至是遜位

詔遲不下疑良弼梗阻十二月辛丑黨人彭家珍僞托

奉天軍官崇恭刺良弼於私邸傷右股又三日病卒良

弼死數日詔畀袁世凱以全權議優待條件又旬日遂

遜位

清臣殉難第四十五

清臣殉難記第四十五

清臣殉難記第四十六

孫文楷字模卿一字稽庵山東青州府益都人父鼎玉以孝義著聞文楷自幼博問彊記性行和易無疾言遽色選同治癸酉拔貢生其年秋中式舉人屢試禮部不利遂絕意進取究心古文辭尤嗜金石所鑒別藏弄甚富謂圖章之譜世以秦漢為宗不知出土有鈐珍者實為三代古印因出畢生所收古珍及先秦西漢私印合二百五十餘紐詳加攷證為稽庵古印箋四卷以自誇異他於鼎彝泉鏡世所稀見者不惜重貲購取以是家亦漸乏遂躬率妻子力耕以自養恆屢歲不入城市所

清臣殉難記

第四十六

一

箸適野集一笑集皆其詠田事之詩也光緒季年與膠州法偉堂修益都縣志偉堂後適濟南文楷獨力成之精審遺軼舊書旋與修山東省志纂金石一門按羅訂正多前賢所未及辛亥湖北兵變文楷日憂之聞東撫孫寶琦奏請獨立愈益憤慨迄遜位詔下家人秘不以聞明年青州兵亂經月已定乃告之文楷忽入城訪諸親友留數日別歸次日遂仰藥自盡且死屬其子曰吾之死乃行心之所安慎勿為外人道以為若輩累也蓋是時舉國若狂恐人知其為國死且不欲近名也其子遂諱言之久之友人漸有知之者莫不哀其志焉文楷

死年六十有七所著又有老學齋文集二卷今吾吟草

四卷

何承鑫字性存湖南長沙府湘潭人曾祖秀騏以孝聞祖中翰縣學生咸豐甲寅粵寇破湘潭脅之降自奮投水賊怒殺之贈訓導承鑫甫冠補府學生員敦篤嗜學不慕榮利知縣沈錫周課士賞其文稱薦之由此知名同縣秦炳直官廣東延教其子既擢提督以承鑫參軍事革命黨久根據惠州辛亥武昌變起其眾猝集數萬人窺府城炳直遣兵敗之變頭嶺承鑫欲益師望省援不至而寇來益眾詔言朋興謂軍官已有通欵者營務處劉殿元倡言於眾曰我輩以死報國誓與河山俱碎有二心者共棄之復何所顧承鑫遽起下拜曰壯哉吾敬子言矣一時皆為感奮博羅歸善告警承鑫請分兵往援咸謂兵分則府城守備益單承鑫力爭二縣如有失則府城安有存理先是承鑫與人言事急必以身殉聞者以為激厲士心莫之意也已而歸博相繼失守府城被圍承鑫愈益悲憤晨起與幕中會食如平時入夜書絕命月日置衣帶中而遺書誠其子曰勉守世傳忠孝勿為邪說所移我死瞑目至天明遂自經以死時九月十九日也年五十有六越日而惠州陷民軍為具棺

清臣殉難記

第四十六

二

死年六十有七所著又有老學齋文集二卷今吾吟草四卷何承鑫字性存湖南長沙府湘潭人曾祖秀騏以孝聞祖中翰縣學生咸豐甲寅粵寇破湘潭脅之降自奮投水賊怒殺之贈訓導承鑫甫冠補府學生員敦篤嗜學不慕榮利知縣沈錫周課士賞其文稱薦之由此知名同縣秦炳直官廣東延教其子既擢提督以承鑫參軍事革命黨久根據惠州辛亥武昌變起其眾猝集數萬人窺府城炳直遣兵敗之變頭嶺承鑫欲益師望省援不至而寇來益眾詔言朋興謂軍官已有通欵者營務處劉殿元倡言於眾曰我輩以死報國誓與河山俱碎有二心者共棄之復何所顧承鑫遽起下拜曰壯哉吾敬子言矣一時皆為感奮博羅歸善告警承鑫請分兵往援咸謂兵分則府城守備益單承鑫力爭二縣如有失則府城安有存理先是承鑫與人言事急必以身殉聞者以為激厲士心莫之意也已而歸博相繼失守府城被圍承鑫愈益悲憤晨起與幕中會食如平時入夜書絕命月日置衣帶中而遺書誠其子曰勉守世傳忠孝勿為邪說所移我死瞑目至天明遂自經以死時九月十九日也年五十有六越日而惠州陷民軍為具棺

欽厝之城外豐湖旁逾二年乃歸葬湘潭承鑫所著有
二山堂文集何氏家傳若干卷藏于家

胡穆林不詳其名湖北荆州府江陵人縣學附生素負
才望武昌變後上書荆州將軍連魁條陳戰守機宜時
宜昌已陷正出兵窺荆州相距於沙市連魁召穆林與
語曰荆州餉匱援絕電已不通將欲北上請援君能往
乎穆林毅然請行將軍繕具文牘授穆林即日隻身北
發至資福寺止逆旅變姓名爲買人有識之者曰此胡
某也民軍偵探者環集詰問技其身得公文繫送至沙
市民軍將訶之曰汝漢人也乃爲滿人出力得無病狂
耶穆林笑曰吾非病狂爾輩乃真狂耳言已大罵遂殺
之

清臣殉難

第四十六

三

李澤霖字郁雨廣東廣州府香山人縣學附生終其身
教授鄉里以小學近思錄爲生徒日課辛亥九月民黨
據省城派兵來香山巡防營拒戰兵敗管帶張德潤死
之澤霖居縣城南聞變閉戶絕粒五日死臨死自書清
處士李郁雨墓七字授二子俾刊墓碣且屬曰毋入學
堂毋出仕遂瞑年七十有幾張德潤候補千總廣東南
雄州人自有傳

王乘龍字少枚福建漳州府龍溪人居縣之角尾井里

社安貧好學以歲貢生授經鄉里自武昌兵變福建提
督孫道仁以新軍響應總督松壽與將軍樸壽皆抗節
死乘龍感愴爲彌日不食道仁既稱都督下令士民翦
髮鄉里少年皆承風恐後長至日乘龍謁宗祠宗人相
勸剪髮有謂違令且將致罰者乘龍默不一語既罷歸
入夕家人就寢乃設香案向北九叩首自經死案上遺
詩曰膚髮千鈞重綱常萬古新毀形圖苟活何以見君
親時年六十有一

清臣殉難

第四十六

四

趙彝鼎字煥文江蘇常州府江陰人少孤力學研求宋
儒之書具有心得補縣學生益自斂抑家貧嚴於取與
嘗自稱曰國家興亡匹夫有責武昌之變官吏奔逃詭
曰孔子言成仁孟子言取義今豈遂無其人耶蘇常相
繼獨立憂憤不食者累日十月間江甯省城垂陷初九
日獨身入三賢祠西樓闔戶自經死明日家人迹之至
三賢祠登樓毀門入則彝鼎赫然衣冠北面懸樑間氣
絕矣既歛檢遺篋得手札二紙自敘并處分家事纏纏
千餘言有曰我死爲國故不死于家而死於此以講學
會文恆在此正欲以明人倫也所親傳其遺札里中士
人多爲詩文哀輓之哀錄爲趙君殉難記一卷云

施偉字卓齋江蘇江甯府高淳人縣學附生性樸訥傲

岸嫉俗聞人談新政則掩耳而走江甯陷憤懣不自勝及遜位詔下偉聞而大慟除夕檢家中田產簿籍付兄子濟宏王子元日具衣冠拜謁家祠從容題自輓詞於壁曰有志竟成此去便歸安樂國他生未卜再來須待聖明時出祠門投塘水死水僅及膝家人聞知馳救則已瞑矣

簡純澤字廉靜湖南長沙人父桂馥純澤生七歲出嗣伯父敬臨敬臨爲左軍名將官至福建漳州鎮總兵左軍入關敬臨棄官從攻金積堡力戰死諡勇節純澤自幼吐棄俗學致力於天文數學輿地兵法醫經佛典靡

清臣殉難

第四十六

五

不究覽家世將門志意抗慨既冠入粵從西人習軍械製造之法畢業遵海至天津出山海關尋覽古人用兵遺迹先是桂馥客遊新疆久不歸純澤每欲尋省而莫知所在迄二十餘年無耗度必死乃度隴謁勇節公祠欲遂出嘉峪覓生父遺骸隴督阻其行謂新疆荒遠萬餘里寧有尋覓處乎乃留純澤襄賑務爲隴新疆救屬官搜訪既不得則大痛誓他日不死鄉井令子孫營葬也隴中購新式軍械至各軍不知所用純澤一一剖析教之爲同列所嫉去之陝爲布政使升允所禮重會拳匪亂升允率師勤王令純澤領一軍從至正定遇德法

聯軍接戰斃敵百餘人營官歐丙森死之純澤憤請復戰會作升允恐其亡失命移守郡城知縣戴某欲迎聯軍入純澤力疾嚴陣以待奮語知縣曰爾如迎敵當先斬汝知縣懼謫言城中伏兵多聯軍遂不敢入師罷還陝升允爲陝撫命純澤提調武備學堂兼管陸軍礮隊純澤治軍嚴而有恩他將請每營裁餉十二名資軍用純澤爭不獲則以己俸分給兵弁純澤先以父蔭襲騎都尉兼雲騎尉世職在陝積勞至游擊副將銜己又領陸軍第一營兼全軍教練官光緒末恩壽撫陝尤貪黷純澤積二歲不往見恩壽嫌之令道員王毓江領督

清臣殉難

第四十六

六

練所遇事齟齬純澤乃請病解職陝人官京師者合詞奏純澤廉正無匹學究中西久爲陝軍矜式不宜任其去而劾王罪狀甚具恩壽不得已解毓江職而純澤亦罷歸國變起各省靡然從風獨升允以舊督起撫陝力戰秦隴間旋聞其退居蒙古圖恢復無應者居恆悒悒動止失常時或仰視天文咄咄自語四年夏忽夜潛行至省城其子追及隨之已遠游天津遣其子歸至五年八月自津遣友人胡祖蔭書云將浮海入蓬萊也書祇數字自此遂絕不知所之又數月山東威海衛瀕海村民獲一浮尸衣冠作道士裝於腰間得經文三卷銀餅

十枚絕命詞一首其詞曰道德仁人遇我殘身卽乞掘穴深埋海濱毋庸棺木藁葬以耕面朝北關志繼先臣馬鬣封后樹塊貞珉鐫四大字有清遺民所餘銀餅謝意聊申方共驚愍忽有士人尹姓至審視泣曰是長沙簡君純澤也君以八月至煙臺邀予遊煙霞洞至則徒見亂石縱橫因歎失聲若大失所望者遂來此間投海死也相與棺斂葬之海濱立片石題曰有清遺民之墓以不知其里居村人谷銘訓著其事於報紙同時有孫道人高起以與純澤遊知胡祖蔭所居書來言與報紙同其家乃發喪行服祖蔭者益陽胡林翼孫也

清臣殉難

第四十六

七

右八人者皆所謂士也士人殉國者宋末明季皆有之蓋感於外國人爲君主而恥於戴之也辛亥變起國體共和而非易姓清室自存也國土如故也清以其政權公之天下凡天下之民皆國主也凡執政之人盡公僕也諸人者無守土之責無民社之寄無戴新主之嫌無食毛踐土之義潔身遠引斯可矣而願以身殉乎此在究持新學說者必不得其解矣而錢塘吳氏湘潭羅氏所著辛亥殉難記殉節記皆一一紀錄之也何哉中國之社會風俗一周孔之社會風俗也尙廉恥重節義篤倫紀數千年行之而未或變更中國之所以自尊者在

此外國人之所以重視中國人者亦在此此國本也亦國維也晚近以來異說蓬興藩籬盡破如洪水猛獸之不可扞禦獨有人焉感愴國變以死自明直欲挽叔季澆風返之中古以上其持義雖迂乎而用以矯世厲俗則觀感興起爲益宏矣彼吳氏羅氏之斷斷焉敘錄之豈無故哉豈無故哉余既因而著之而又恐後之人索解不得也故備論之

清臣殉難

第四十六

八

清臣殉難記第四十六

清臣殉難記第四十七

各省駐防將士殉難表

湘潭羅正鈞曰：兵制之得失，豈不以其人哉！清起東土，定都燕京，入關以後，分遣八旗勁旅，出征山東、陝西、江南。其時合京師宿衛之兵，滿蒙漢軍，蓋不下二十萬人。三方底定，而後留十萬人京師為禁旅，而以十萬人分鎮各省為駐防。計世祖時所設置者：曰盛京、曰吉林、曰直隸、曰西安、曰德州、曰太原、綏遠、曰江甯、京口、曰杭州、曰於聖祖平三藩所增置者：曰福州、曰廣州、曰荊州、曰成都、曰甯夏、曰黑龍江、曰開封。及其後高宗開拓西域，復分內地防軍於新疆，而益以索倫、錫伯及察哈爾額魯特兵萬五千有奇，統於伊犁將軍。蓋更雍乾兩朝斟酌損益。其間省德州防於青州，分杭州兵駐乍浦，太原原開封並改隸巡撫各省兵額亦有所增損。而後各省駐防兵額垂為定制，與綠旗營之分守，汎地氣勢整散迥異焉。兵皆令攜室家，有事則應徵調，事解回防，更番簡親，貴重臣出為將軍，都統領之，使人自為守，而杜藩鎮握兵之弊。因以鎮撫方內，環衛京師，二百餘年無叫囂叛變之事。近古所未有也。然自承平久，將軍都統非盡知兵之選，不復留意於訓練。佐領丁壯日增，而餉額不增，生計窘，兵益以羸弱。至咸同間，髮回之變，

第四十七

一

亟旗兵不足恃，始改用募勇，而駐防勢已不振。及晚近，裁併各省綠營，廢召募為徵兵，駐防遂益孤立矣。辛亥亂作，所在旗營破壞，而西安、福州、江甯、荊州受禍尤烈。當其蹙處，一城餉匱，援絕，敦厲節義，不甘屈辱。至於婁子宗族，冒礮彈，蹈白刃，相枕藉以死，何慘酷之至此極乎！予表其將士名字，可知者於篇，最後得錢塘吳氏所錄於西安荊州差詳，復掇而益之。後有覽者，其不無興感云。

清臣殉難表

第四十七

二

西安	江甯	京口	福州	荊州	杭州	廣州														
將軍文佐領盛副都統將軍樸署左翼協領貴將軍鳳	瑞有傳成有傳宗室載壽有傳副都統林有傳	左翼副佐領廣穆有傳協領定恆齡有傳佐領哈	都統承照死投河協領延焯有傳協領松楚顯傳	燕 附傳防禦哈活統聞都防禦長興為常舉人存	右翼副郎阿傳節憂憤瑞 附傳統領兵炳 附傳	都統克防禦松七十四年驍騎校屈遇害量海林	蒙額 附柏城陷佐領文巴揚額協領志子 附傳	協領斌自焚死 附傳	清表 殉難 第四十七	恆城負北防禦南年八十前鋒森防禦多	巨創人山欲集佐領春俊陣亡瑞入城	乃死闖眾死戰濤絕食前鋒達仰藥死	門數日舉槍自死 佐領余哈使陣亡驍騎校	自焚 擊死 佐領榮前鋒向驍騎校	協領恩防禦果世寬變作前鋒蘇金霖陷城	瑞城死北仁布破城憂憤不都里陣發手槍	協領存自盡 佐領榮前鋒向驍騎校	福城死東防禦嚴康被刃阿里陣亡哲森赴	協領培德海破城佐領德領催桂遇兵變	基城死北李妻死 興中槍斌陣亡刺其腹

佐領貴防禦長佐領普領催慶死	陞城死北年自焚亮槍聲銘陣亡驍騎校	佐領瑞驍騎校呼殺賊哨官鑠炳安在天	明城北培秀性至佐領延欽額兵門與知	人皆殉之日夫照死絕食自縊於同殉	佐領特 婦自焚防禦吉教習麟參謀官	克什肯驍騎校瑞 附傳瑞 附傳德需聞	陣亡北城愛仁阿血死 瑞 附傳德需聞	佐領慶全家五防禦貴華帖式德沛先	喜中 破死慶 附傳裕豐兵泰甯鎮	清表 殉難 第四十七	佐領圖驍騎校防禦延 附傳都司榮	們布 傷受恩鈞城陷絕食舉人裕錦乞歸	自死 夫婦自驍騎校形 附傳武昌劍	佐領巴驍騎校同源 附傳自焚死 附傳	克三圖榮生 附傳舉人松 附傳	中槍死投河死歸不食音陣亡	佐領恆驍騎校驍騎校	秀 陣亡趙春泉萬選可	佐領善力戰陣奏議款	印 受傷前鋒與日死年
---------------	------------------	------------------	------------------	-----------------	------------------	-------------------	-------------------	-----------------	-----------------	------------	-----------------	-------------------	------------------	-------------------	----------------	--------------	-----------	------------	-----------	------------

佐領額發	投塘七十有	榮清武	昌武
哲本陣	前鋒錦驍騎校	兵變被	難
佐領達秀	水死恩厚	舉人迎	武昌
副前鋒	死	禮武軍	昌
城陣亡	寶林前鋒德	小學教	作
佐領興教練官	尚死	罵賊遇	堂
智城死	鵬興前鋒鍾	書子果	長
佐領恩教練官	祥死	全家同	日
壽陣亡	恩錫前鋒達	舉人根	壽樓
佐領玉	兵變不邦	壽樓	峯
清臣殉難	第四十七	五	
祥在北	隊官彭前鋒和	茶葉模	範所教
亡	與兵變庸	習亂作	李妻女
佐領西隊官魁	盡	同日自	盡
拉本在	積稜陵前鋒錦	生員定	海充陸
門陣亡	營所害章	書生不	降被殺
佐領圖隊官汝前鋒炳	死	生員松	俊留學
切瑋自	霖廩生炎	陸軍畢	業充武
佐領奇	為隊官前鋒國	昌兵備	處提調
撤亨陣	兵變持棟		
佐領恩	書		

撤亨陣	隊長海光	兵變在	楚望台
防禦多祥	中破領催延	戰死家	人皆殉
英亂作	礮隊長照	生員重	光陸軍
子投井	趙壽昌領催德	守藩庫	兵變中
防禦存	力戰陣	趙氏子	年長
防禦存	騎都尉	同日殉	同
防禦存	關秀昆領催清	生員色	德本陸
喜巷戰	城破投泰		
防禦恩	千總富領催慶		
存陣亡	有陣亡		
清臣殉難	第四十七	六	
防禦林	千總色領催東	軍排長	兵變被
福在北	勒善城	團死	生員榮
亡	天婦投	勳陸軍	官兵變
防禦色	世職鹿慶	登額勒	子額死
清額	鳴自經	貞額同	殉
防禦平	世職金昌	生員錦	章充陸
陸在北	城陣亡		
防禦胡	泰陣亡		
圖靈額	世職韓元		

防 禦 呢 死	源 陣 亡	防 禦 惠 明 在 杭 武	拉 春 陣 亡	防 禦 訥 自 焚 死	城 陣 亡	克 敦 北 在	防 禦 蘇 被 殺	亡 城 陣	翼 北 在	清 臣 殉 難	防 禦 奇 潮 被 殺	瑞 陣 亡	防 禦 全 被 害	亡 城 陣	齡 北 在	防 禦 鶴 俊 遇 害	亡 城 陣	文 東 在	防 禦 惠 世 職 鴻 昌 死	亡 城 陣	力 戰 陣	
死	死	死	死	死	死	死	死	死	死	死	死	死	死	死	死	死	死	死	死	死	死	死
支 解 死	軍 技	康 元	隊 長 那	昆 自 經 死	領 催 發	變 不 屈	城 關 兵	令 官 桂	世 職 韓 憲 兵 司	第 四 十 七	被 殺	倫 自 經 死	能 自 經 死	領 催 國	奎 自 經 死	領 催 陸	被 殺	領 催 海	死	絕 食	萬 興 陣 亡	領 催 錫
志 甯 在 江 殉	生 員 文	難 甯 在 江 殉	先 甯 在 江 殉	生 員 占	變 殉 難	森 昌 在 武 兵	生 員 榮	變 殉 難	培 昌 在 武 兵	七	培 自 盡	生 員 秋	署 殉 難	俊 昌 在 武 督	生 員 楚	變 被 害	司 書 兵	特 亨 陸	生 員 恩	自 盡	父 榮 高	生 員 恩

陣 亡	都 倫 太	驍 騎 校	陣 投 破 日 破 入 敵	林 啟 東 兩 戰	驍 騎 校	中 破 竟 死	奎 亮 北 戰	驍 騎 校	清 臣 殉 難	陣 亡	爾 精 額	防 禦 哲	斯 琿 陣 亡	防 禦 那	亡 城 陣	祥 北 在	防 禦 惠 行 至 中 死	陣 亡	克 通 阿 生 員 富 恩 騎 尉
排 長 國	城 戰 死	陞 甯 北 江	排 長 炳	自 經 死	帶 發 元	五 品 頂	同 日 死	變 起 與	第 四 十 七	安 徽 縣	死	良 弼 食 絕	雲 騎 尉	受 傷 死	西 登 布	恩 騎 尉	死	勒 渾 布 延 章 受 傷	難
戰 陣 亡	和 門 拒	軍 需 官	難 昌 在 武 殉	訥 爾 赫	司 書 生	昌 殉 難	銍 壽 在 武	司 書 生	八	亡 甯 在 江 陣	福 甯 在 江 陣	武 生 林	難 江 在 鎮 殉	有 生 員 榮	難 甯 在 江 殉	昌 甯 在 江 殉	生 員 恩	難	難

驍騎校	惠慶 北	驍騎校	智厚 陣亡	驍騎校	輝 北	伊吉斯	驍騎校	清臣 殉難	薩立善 陣亡	驍騎校	皆殉	崩中	萊市	史昭	驍騎校	在北	景文太	驍騎校	
生員崇	德受 死傷	生員善	炳南 刃受	武舉人	自盡	沛吞 玻璃	舉人恩	變死 難	貢 軍在	排長啟	變死 難	馨 軍在	排長文	變死 難	靖 軍在	排長海	死難	軍兵	權 軍在
排長王	哲蘇 陣亡	排長額	培 城陷	排長德	同死	兵變 被	生光 武	自經 死	傳氏 率	關氏 妻	奮拒 中	齒武 昌	排長德	餘人 被	槍斃 十	誣兵 因	麟長澤	賈 被	隊官東

第四十七

九

特伸布	雲騎尉	城陣	杜善 北	雲騎尉	和瑞 東	雲騎尉	錫麟 同	振從 孫	錫純 錫	清臣 殉難	文耀 孫	俊亮 陣亡	雲騎尉	益光 陣亡	騎都尉	城陣	易廣 東	騎都尉	惠啟 北	
州方	成額	副將	死有	京被	月北	良弼	軍諮使	軍諮府	錫麟	錫純	錫	錫生	師範	長崇	絕食	師範	都哩	死	生員	椿
兵在	額隨	將赫	傳	炸	北	二十	使	府	麟	純	錫	生	範	樸	死	枝	經	自	穆	絕食
變資	端	隨	赫	炸	北	二十	使	府	麟	純	錫	生	範	樸	死	枝	經	自	穆	絕食

第四十七

十

東城死	璋鋒官前	領催林	陣亡	在東城	倭仁額	恩騎尉	崇喜	恩騎尉	錫齡	清臣殉難	恩騎尉	貴成	恩騎尉	李德	恩騎尉	恩瑞	恩騎尉	鳳山

刺兵死	德銳	補知縣	陝西候	同殉	妻張氏	自刎死	遇亂軍	過成陽	爾精阿	州判阿	直隸州	清臣殉難	同俊興	侯補州	門殉難	亂作闖	州寶坪	隸州知	候補直	投井死	率家屬	哲亨	領催額

子同殉	候補府	經歷惠	祥守營	井死從	子廣與	同殉	候補鹽	大使文	煥陣亡	馬隊副	清臣殉難	記表	官惠璋	陣亡北城	舉人喜	明戰不	率利母	婦一子	投井三	女先避	別室明	入手刃	自焚死	舉人惠	斌為崇

第四十七

五

校教習	從戰北	死中礮	舉人奎	成兵敗	子隨妻	多英投	井死	武舉人	德森布	守大萊	市竟日	不食邊	糲垢拒	清臣殉難	記表	戰中礮	死	生員奎	章之弟	力戰中	見槍歸	皆父兄	哭死痛	族弟奎	斌奎莊	同死	生員春	祥借城	弟借子	十餘口

第四十七

六

	焚死自	生員金	常從戰	中北城	生員音	德本自	議局遠	滿城	閉徒步	請多公	死自經

詩臣殉難記表

第四十七

七

叙目第四十八

天之所廢亡也。忽焉智取術馭國本亦辱癸丑戰後統
 洽乃專述辛壬大政紀第一蜀亂最先而屈最後繫秉
 軸之弗滅而疆臣負詬次簡端以明厥咎述四川第二
 江漢滔滔首揭千櫓列國聞風袒右張楚述湖北第三
 沅湘橫流元戎先實德不稱位禍隨及身惜矣焦陳吳
 此最近大史公述湖南第四莽莽三秦民俗悍魯殲厥旗防血
 殷城土噫豈朝夕之故述陝西第五維彼晉民古稱樸
 愿因風肆波陡奮戈鋌哀哉撫臣盡室而殲述山西第
 六滇池汨汨風氣阻絕孕育怪奇震雷起蟄述雲南第
 叙目 第四十八

七秋高大閱師次於灤鄂渚有警執戈以諫患起肘腋
 彼昏喪膽述灤州兵事第八武漢塵兵轉餉千里突扼
 其吭王師牽曳羽翼未豐將飛而顛所要不遂卒喪其
 元東張西吳雖敗亦書述吳祿貞被刺第九維九江湖
 口既為民有礮壘雲連大江扼守南昌風靡拉如枯朽
 惜哉馮公不殉厥官而亡湓口述江西第十貴山峩峩
 毒蘊虫沙塵霾障空鬼蜮紛擊張黃既殲餘孽猶芽誰
 建此者始計之差嶽嶽陳公總戎北路銅仁兩戰桑梓
 始固民念其功蒸嘗載路述貴州第十一滬瀆岔紛輪
 軌交錯九州咽喉凌吳跨越疆吏弗覩棄之如唾健者

有之執中而霸述上海第十二桓桓蘇撫識時之傑困
守孤城業張鐵雖有驍將規蔽眉睫嘉謨弗庸化爲
碧血述江蘇第十三維浙江潮章蔡徐陶特起一軍誓
抗天驕有志竟成光復名標述浙江第十四八閩茫茫
俠士焉窟狂瀾既頽誰挽其汨吁嗟樸松相望而沒爲
君則忠處已則拙述福建第十五留後未推外兵先入
剽劫鷓張三日始足既飽而颺東征不出哀我皖民曷
其有極述安徽第十六顧瞻趙起其艱其迂吳云憑空
突起最是
文章揚旌北伐負弩前驅沈前王後脫險履夷述廣西
第十七南海際天漉決頓洞風氣盪迴人事斯應連瘴

漢目

第四十八

二

軍帥百司誠憫民苦燎原御乃解鞅述廣東第十八伊
犁萬里中阻沙漠肝蠻通閩將軍慘殞中丞赫怒誓張
撻伐胡云義旗祇知討賊冤憤未伸清歷已革赫赫揚
公和輯西戎安內攘外沙漠揚名述新疆第十九白幟
飛揚轉瞬而弭相臣之猷志士之恥股肱既安醫徐踵
趾芝罘登萊義麾可指述山東第二十漠北蒙民風氣
顛顛書軌不同亘數百年同光未造馭之失道強鄰誘
之畔援呼嘯東踰長白西訖天山屠我邊氓塞草爲殷
詳著始末國人警焉述外蒙第二十一維西南夷獠狻
所窟生民育之王臣斯蹶觥觥趙公負羽過征燎燔獮

薙七載而寧國恥既瀚行省斯度藏亂川隕康復崩裂
感述前勳以企來哲述西康第二十二畿輔震快積威
難自異遼瀋鷄林及隴西豫亂有宏纖氣皆憤鬱民視
既移天命斯去述直隸河南東三省甘肅第二十三橫
海爲軍仰食於陸陸盡入敵靡所得粟推之挽之九江
之曲京口閩風帆檣競集述海軍第二十四列辟異風
政靡所出金陵天險未明所宅卽此建邦選眾舉德積
薪杖朽朽索爲束述南京政府第二十五戊戌庚子女
辟凶恣及其終也乃無一土瓦解土崩禪讓以名吳云
論行之尺幅具有千里之勢
正大史公所跌宕自喜者也述清室禪政記第二十六

敘目

第四十八

三

四海橫流放之使決汜濫既窮乃定於一五族和同創
開新局述北京政府成立記第二十七數月之間號令
三嬗雖秦未隋季淫暴之朝無此速焉表其事之大者
以究世變述辛壬之際月表第二十八民者國之本立
法之主代議之制要之十年至共和乃觀述國會第二
十九光宣之間百司改革訖共和益內外畫一述官制
第三十國基初建萬方吶嘯馴之擾之未遑制作簡率
因襲誰爲綿叢述禮制第三十一昉昉禹甸至清而大
共和承之仍舊貫而治級疏焉述全國行政區域廢置
表第三十二黨人革命多少年俊傑徒手搏搏踵武泗

血談笑兒嬉氣貫虹月風聲所樹九夏同作源遠流分
析其派別述革命源流第三十三懸車林下三易寒暑
彼乘權者會莫我觀海水揚波執舵無主中外喁喁艱
大斯屬開新莫舊一反手只此何故哉稽厥前史述哀
大總統事畧第三十四惟民國先烈望景願願則羅
嬰點或網脫積二十年訖辛亥秋八月楚殺三十大亂
以作述民黨死事傳第三十五氣不得伸激為英烈吳
徐張黃或中或不最後一彭宗社黨覆述民黨死事傳
第三十六黃花之崗七十二禍血洒羊城干載猶熱豈
其不知以卵觸石繫之維之曰為國死誰欺問天訟此

敘目

第四十八

四

繁寬述民黨死事傳第三十七民軍既起如火如荼人
自為戰若治其私恣睢賈禍間亦有之吳云龍門意述民黨
死事傳第三十八灤河湯湯榆塞遼陽仗士出入卒伍
猖狂禍機猝發變為國殤吳云造述民黨死事傳第三
十九手持霹靂為國祈禱閉門合藥身試其毒述民黨
死事傳第四十遽獵高位望之不似似此多矣而茲獨
否述民黨死事傳第四十一死者人之所難雖猝與禍
會亦或以免蹈危履難巧者愚之仁者矜焉凡十八省
傳祇八十詳畧不同附見有之以寡而貴存厥姓字顯
幽關微詔後百世述清臣殉難記第四十二第四十三

第四十四第四十五第四十六第四十七維滋瀕老人
東髮受書帖括之餘酷嗜讀史及其既長負笈尋師私
淑歸姚近接張吳耳食既久於馬班六一諸先哲遺書
漸有所悟摺摺緒論攻研討甄久之岑岑氣若有蘊吳
此段稍覺繁衍能然時方年少志厲氣雄遵循乎庭訓
稍擗削之益佳企慕乎智名勇功未甘以放廢終也及既通籍列於朝
士引瞻乎當代卿相默察乎形勢恣恣菟菟筋骨艱乏
力弗能任而後慨然太息於揚子雲之甘心祿隱榮古
賤今其衷曲隱約難明而不得不別謀自溷也會辛亥
亂天統既移新邦斯建事雖數月混莽糾錯振古以還

敘目

第四十八

五

所未有也爰感憤發憤朝夕執筆纂述其事凡公私報
紙及私家記述靡不甄錄存其事實而刊落其偏私劬
劬瘁瘁如製做衣百衲補輟牽於人事中經亂離作輟
不常自辛亥冬迄於今茲歷十二載乃克成書凡四十
六篇都三十萬餘言太史公曰余述故事整齊其世傳
非所謂作也又曰此人皆意有所鬱結不得通其道故
述往事思來者三復斯言廢書而歎故輒條其未盡之
義次為辛壬春秋叙目第四十八此篇詳點全用吳北江
吳云體格極高直接子長子雲蓋二千年於茲不見
此作矣琢句造詞亦皆高古與體勢相稱

宣統三年 朔十一廿一月 朔十一廿一月 朔十一廿一

正月庚子庚戌庚申二月庚午庚辰庚寅三月己亥己酉己未
 四月己巳己卯己丑五月戊戌戊申戊午六月丁卯丁丑丁亥
 閏育丁酉丁未丁巳七月丙寅丙子丙戌八月乙未乙巳乙卯
 九月乙丑乙亥乙酉十月乙未乙巳乙卯十一月甲子甲戌甲申
 十二月甲午甲辰甲寅

民國元年 十二月丁未丁巳丁卯三月丙子丙戌丙申四月丁未丁巳丁卯
 五月丁丑丁亥丁酉六月戊申戊午戊辰七月戊寅戊子戊戌
 八月己酉己未己巳九月庚辰庚寅庚子十月庚戌庚申庚午
 千支表附

十一月辛巳辛卯辛丑十二月辛亥辛酉辛未

二年 一月壬午壬辰壬寅二月癸丑癸亥癸酉三月辛巳辛卯辛丑
 四月壬子壬戌壬申五月壬午壬辰壬寅六月壬子壬戌壬申
 七月癸未癸巳癸卯八月甲寅甲子甲戌九月乙酉乙未乙巳
 十月乙卯乙丑乙亥十一月丙戌丙申丙午十二月丙辰丙寅丙子

大著體裁峻整詞筆雅潔紀述情勢明練簡覈使芬亂之源瞭如指掌而行文之妙尤往往有弦外音非老於文學者決不能仿效一二至其提頓鉤勒界畫之處悉本史公家法尤非淺學小才所能夢見自歐史而後數百年來無此闕文偉製矣民國成立十有餘年而史乘闕如羣情所同憾此書出世當為一時鉅典司史籍者踵而續之以備國史之制作也

弟 吳闈生讀過敬志

鈔胥之誤偶有見及隨手代為校正亦尚未盡字句間亦間有鄙見代為增易者未敢自信尚祈高明酌

示

核為要

內務部註冊

特許版全

翻印必究

